



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



P. gr. 143 ^S (1)

+

2553/1

<36633558730015

<36633558730015

Bayer. Staatsbibliothek



ՄԱՏԵՆԱԳՐՈՒԹԻՒՆՔ

Ն Է Խ Ն Ե Ա Ց

ՍՈՒՐԲ ԵՓՐԵՄ

00167/21

ՍՐԲՈՅՆ

Ե Փ Ր Ե Մ Ի

ՄԱՏԵՆԱԳՐՈՒԹԻՒՆՔ

ՀԱՏՈՐ ԱՌԱՋԻՆ

ՄԵԿՆՈՒԹԻՒՆ ԱՐԱՐԱԾՈՑ ԵՒՅ ՂԵՏԱՑԻՈՑ ԹՈՒՈՑ
ՕՐԻՆԱՑ ՅԵՍՈՒՄՑ ԴՍՏԱՆՈՐԱՑ ԲԱԳԱՆՈՐՈՒԹԵԱՆՑ ԵՒ ՄԱՏՈՐԴԱՑ



Ի ՎԵՆԵՏԻԿ

Ի ՏՊԱՐԱՆԻ ՍՐԲՈՅՆ ՂԱԶԱՐՈՒ

ՅԱՄԻ 1836 ՌՄԶԵ

**Bayerische
Staatsbibliothek
München**

ՅԼՈՒՄՆԵՐՆԵ

!) Նշխարս 'ի ճոխ վարդապետութեանց մեծին
Լսիրեմի սրբոյ վարդապետին 'ի հայրենասէր բարե-
պաշտօնցն պահեալ անկորուստ եւ աւանդեալ փափա-
գողացս պայծառութեան լեզուիս եւ դպրութեանս
հարստութեան , տամք աւատիկ 'ի վայելս հասարա-
կաց . իբրեւ զի եւ սա մի է 'ի պատուական վաստակոց
նախնեացն մերոց երանաշնորհ (Վարդմանչաց : Որոց
'ի սեամս անդ ծաղկելոյ հայ դպրութեանս զցանկա-
լի ցանկալի մատեանս զառ 'ի սրբոց հարցն անջինջ
աւանդս եկեղեցւոյ ամբօրեալ յամենայն ուստեք
հայերէնախօս բարբառովք թողին մեզ որդւոցս 'ի
զբօսանս հոգեւոր ջանից . մեծաւ իմաստութեամբ կըշ-
ռեալ թէ քան զամենայն բանս մեծահանճար իմաստ-
նոցն ըստ աշխարհի , յորոց եւ չեղեն անճաշակք , սո-
քա 'ի վեր են եւ պատուով եւ շահակտութեամբն :
'Նմին իրիպն ինչ յազգս իւրաքանչիւր (Յունաց եւ ի
սորոց հաւակ հարկանէին սրբոցն բանք , ոմն պան-
չելի պերճախօսութեամբն եւ միւսն նուրբ եւ հոգե-
բուղի քաղցրութեամբ եւ այլք այլօրինակ , անդէն
'ի սուղ ժամու եւ հայեցի խօսիւք լսելի եղեն յաշ-
խարհս մեր : Յորս նորատեսիլ իմն հանդիսացաւ սուրբ
հայրս մեր . ոչ այնքան 'ի վարժոցս հպատակեալ կա-
նոնադրութեանց հանճարոյ մարդկան , քան թէ 'ի

*

Հնորհաց Հոգւոյն սքանչելեօք Հմուտ գտեալ խորոցն
 Մտուածոյ . արդարեւ քարոզ աստուածային օրինաց
 եւ քաջածանօթ ամենայն շարժմանց սրտի դիւրա-
 սահ մարդոյս : Վին իրի այլ շաւիղ յայլոցն կալեալ
 'ի տիպս բանից իւրոց , 'ի վեր քան զբազումն 'ի նո-
 ցանէ երեւեցաւ խիտ առ խիտ անակնկալ խելա-
 մտութեամբք եւ սուր իմաստիւք : Ի խրատականն
 քաղցրախօս եւ որպէս հայր յաղէտս որդւոց կարե-
 կից , եւ 'ի վարդապետութեան սքանչելի նրբութեամբ
 հանճարոյն զէն անպարտելի ողջամտաց ժամանա-
 կին եւ սուր երկնայրի այլաձայն բարբաճեւոցն : ՄԼ
 նախանձելի օրինակ է նա ամենեցուն յորժամ զմայ-
 լեալ սիրով աստուածեղէն տառիցն սլանայ մտօք 'ի
 բարձունս վառեալ 'ի սէր արարչին . մանաւանդ ուր
 առաքելականն նմա 'ի յուշ գայ իղձն եռանդուն ե-
 րանելի ժամուն ընդ փրկչին միանալոյ : ՄԵ ահա
 կարգք բանից սրբոյ վարդապետիս եւ չափ ներանձ-
 նացեալ ոգւոյն :

Վանդաղիմք մի առ մի բան ճառել զմատենից
 սրբոյ Հօրս զոր 'ի չորեսին հատորս բովանդակեցաք .
 զի պատկառելի անունն եւեթ Հօր բանիցս գովու-
 թիւն է ինքնին խօսիցն , եւ տրիտուր քրտնաջան
 մերոց վաստակոց : ՄԶ միայն տացուք համար կարճ
 'ի կարճոյ գրչագիր օրինակացն , յորոց զբովանդա-
 կութիւնս զայժ արարաք :

ՄԵԿԵՈՒԹԵԱՆՆ ԱՐԱՐԱԾՈՑ ՄԻՆԷԼ ԵՄԱՅՈՐԴ
 ՍԸՆ ՄԻ ԵՒԵԹ օրինակ գոյր 'ի ձեռին մերում . այլ
 բոլորագիր էր ընտիր , գրեալ 'ի ՁԽԸ Թուականիս . եւ
 գործ ճարտար գրչի :

Իայց մեկնութեանն Յետուայ , Վատաւորաց եւ

Թագաւորութեանց կայր եւ երկրորդ օրինակ նոյն-
պէս բոլորագիր , գրեալ յերեքտասաներորդ դարու
առ ժամանակօք Ստեփաննոսի ուռպելեան . համա-
պատիւ Թերեւս կալեալ էր մեր զսա ընդ առաջնոյ
օրինակին , եթէ բաց 'ի մարդկօրէն վրիպակաց , որ
անխորշելի են իսպառ , չէին զեղեալ 'ի նմա ուրեք
ուրեք եւ մեծամեծ հատուածք բանից : Սակայն ուր
կարեւոր այլեւայլութիւնք ընթերցուածոց կային
'ի նմա , 'ի ստորեւս իջիցն նշանակեցան :

• ՍԵՎԵՆՈՒԹԻՒՆ ՀԱՄԱԲԱՐԱՒԱՌ ՉՈՐԻՑ ԱՒԵՏԱ-
ՐԱՆՉԱՅ ԵՒ ՉՈՐԵՔԻՆ ԱՒԵՏԱՐԱՆԱԿԱՆ ԺԱՌՔԸ .
գրեալ 'ի Հաղատ 'ի Թուխ ՈՒԴ . բոլորագիր ան-
հարթ , այլ ոչ Թերի յերկիւղած հաւատարմութենէ
գրչին : Ի յիշատակարանին Մանիա ոմն վարդապետ
յիշատակեալ զորմէ չունիմասել հաւաքող մատենիս
իցէ արդեօք եթէ Թարգմանին . գովութեամբ խօ-
սի գրիչն զնմանէ՝ Թէ “ Որպէս աւանդ հայրենի յա-
ղագս որդւոց յառաջապահեստ արարեալ գանձեալ
եւ եղեալ սուրբ եւ արդիւնակատար վարդապետ ոմն
Մանիա ժառանգողաց տանս Հաղատայ եւ 'ի լու-
սաւորութիւն հանուրց աշխարհի , : Ի սմին մատենի
զինի աւետարանական ճառիցն գրեալ էին 'ի նոյն
գրչէ եւ երեքին ճառքն , յԱնովք եւ յԱղիա , վասն
երաշտի եւ վաշխառուաց , եւ առ Հովսէփ . զորս 'ի
հատոր ճառիցն խառնեցաք 'ի տպագրութեանս , ան-
խառն զաւետարանական մեկնութիւնս բանից յայ-
լոցն կալեալ :

Սօտ 'ի վախճան տպագրութեան մեկնութեան
աւետարանիս եհաս առ մեզ 'ի բարեպաշտէ ումեմնէ
եւ միւս եւս օրինակ բուն մատանց գիր աստուածա-

րեալ հայրապետին սրբոյ Վերսեսի լամբրոնացւոյ :
 (Լայց 'ի մատենիս յայսմիկ արտաքոյ մեկնութեանն
 առաջին եւեթ գոյր'ի չորից աւետարանական ճառիցն
 այսու վերնագրովս (Լիդրէ՛) Երկնիկի որ ասէ ոչ իմի նը
 ման . եւ մեկնութեան յառաջն աւետարանչացն . եւ 'ի վերջման
 Գալստեանն պէտան . այն , որ 'ի մերում օրինակի եղեալ
 է (Երգմանութեան աւետարանի :) յիշատակարան ցան-
 կալի մատենիս ինքն երանելին արձանագրէ զայս օ-
 րինակ .

ՓԱՌԲ ԵՒ ԳՈՀՈՒԹԻՒՆ ՆՄԱ, ՈՐ ՍԿԻՋԲՆ Է ԵՒ ԿԱՅԱՐԱԾ ,
 Ի ՆԻՍՏ ՎԱՍՏԱԿԱՌՈՐԷ ՆԵՐՍՍԷ :

ՅԱՌԱՊԵԱԼ ՆԵՐՍԵՍ , ՎՐԻՊԵԱԼ ՅԱՌԱՅԻՄԻՆ ԽՈՎՍԵՆԷ,
 ՎԵՐԱԿԱՑՈՒԹԵԱՄԲ ՏԱՐՍՈՆԻ ՔԱՂԱՔԻՆ
 ԵՒ ՈՐ Ի ՆՄԱ ՄԵԾԻ ԵԿԵՂԵՑՈՑԵՆ ՊԱՇՏՄԱՄԲ
 ՋԱՐԱՍԱՆՍ ԽՈՑ ՋԱՐԱՄԱՆՆ ՍՏԱՑԱՑ ՋԱՍՏԱԿ
 ԳՐՁՈՒԹԵԱՆ Ի ՄԱՅԵԱՆՍ ԱՍՏՈՒԾԱՑԻՆ
 ԼԵՋՈՒԹԻ ԲԱՋՈՒԾ ԱՆԳԱԾ ՋԱՐԱՔԱՐԱՆԻՆ ԼՆԼՈՎ ՀՈՒՄ
 ԵՒ ՀԻՒՄՄԱՄԲ ՁԵՌԻՆ ԵՒ ՄՏԱՑ ԱՍՏ ԴԵԳԵՐԵԼՈՎ
 ՋԱՐԱՐԱՆ ԵՒ ՋԱՐԱՐԱՆԻ ԽՈՎՍԵՍԲ
 ՅԱՍՏՈՒԾԱՑԻՆՍ ԿԵՐԱԿԵԼՈՎ ՋԱԳԻ :
 Ո՛Ղ Ո՛Ղ . ԲԵՐԵԻՍ ԸՍՏ ՄԵԾ ԳՐԱՍՏՈՍԻ ԳՐՈՒԹԵԱՆ
 ՊԱՏԱՀԵՑԱՑԵՑ Ի ՋԵՐԿԵԻՑ ԵՐԲԱՑՈՒԹԻՒՆ ԲՈՆԱՐԱՐՈՂԱՑ :

Ի ԲՈՒ՝ ՈՒՐ :

Պահեցաք աստէն զսա անթերի , համարեալ հնասէր
 հայրենասիրացն ախորժելի գող :

Ե՛կ Ե՛կ ՈՒԹԻՆ ԶՈՐԵՔՏԱՍԱՆ ԲԱՐՈՑԵՆ ՊԱՂԱՌ-
 ՍԻ . յՈՐՈՒՄ զՎԻԼԻՄԻՆԻՆ ԻԵՐԵԼ զյայտնի ինչ եւ ա-
 մենեւին անկարօտ մեկնութեան թողեալ է 'ի բաց
 ինքն սուրբ վարդապետն , որպէս հաւատեալ իմն

կարծեմք . զի օրինակն անթերի է : Այս յայտ ան-
տի է գարձեալ , զի զնոյն առնէ ստէպ 'ի բնաւ մեկ-
նաբանութիւնս իւր , կարեւորացն եւեթ փոյթ կա-
լեալ պարզել զիմացուած բանից . մանաւանդ յորս
ինքն վառեալ իցէ 'ի խորս գաղտնեացն Մտուծոյ :
Ի կարգին խառնեալ է ընդ այլոցն եւ զթուզթն առ-
կորորդ կորնութացիս . իբրեւ զի 'ի ժամանակին թե-
րեւս գտանէր յօրինակս ինչ սուրբ գրոց յոյն կամ
պսորի , որ ցարդ շերեւեցաւ ուրեք բաց 'ի հայ թարգ-
մանութենէն զոր ունին ամենայն գրչագիր օրինակք
աստուածաշնչիցն մերոց . որ եւ գուցէ ընդունելի
եւս կարծէր առ ոմանս յարեւելեայց . այլ առ մեզ
ընդ անհարազատս դատեալ է , որպէս եւ առ լատինս
եւ առ ճոյնս : () օրինակ մեկնութեան թղթոցս գրեալ
է 'ի թուիս հսԸ բոլորագիր հին 'ի ձեռն Սիմեոնի
ուրումն վարդապետի , զորնա ինքն գաղափարեալ է
յայլ ստոյգ եւ 'ի հին օրինակէ իմեքէ յԱրծրունեաց
գաւառի 'ի թագաւորութեան Վագկայ որդւոյ Մ-
շոտի եւ 'ի կուրապաղատութեան Վաւթի :

Օ միահետ գրութիւն երից մատենից մեկնու-
թեանցս բաժանեցաք 'ի գլուխս . զի թոյն ըստ
գլխակարգութեան աստուածաշունչ գրոց . ընդ որում
կարգ բանիցն անսայթաք միաբանէր . իսկ զայլսն բա-
ժանեցաք որպէս եւ հաճոյ թուեցաւ ըստ յայտնի
ինչ բանից կամ պատմութեանց :

ՂԱՌԲ ԵՒ ԱՂՈՒՐ : Օ պղծութիցն չմարթի ճշդիւ
տալ զօրինակացն զհամար . զի ոչ միախառն ամիոփ
գտանէին եւ ոչ ժամանակք գրութեան նոցա երե-
ւելին բաց յերկուց . նոր օրինակաց գրելոց 'ի ԱՁԸ եւ
ԲՅԴ : Այլ զթիւ նոցա որ բազմութիւն էին , եղաք 'ի

կարգին : Իսկ Ճառիցն որ մեծաւ մասամբ յայլ եւ այլ Ճառնորաց հաւաքեցան որ առ մեզ եւ որ այլ ուր , այսպիսի են օրինակք :

Ա. Ղ՝ ճառնորի բոլորագիր . գրեալ 'ի ՈՅԳ ԹԵՒԻՍ . որ Թէպէտ եւ անգերծ է 'ի մարդկօրէն վրիպակաց , այլ գրչին փայլէ 'ի նմա հաւատարմութիւն :

Բ. Ղ՝ երկաթագիր անթուական , հարազատ եւ ընտիր գրութիւն : Օչսա կալաք մեզ օրինակ յամենայնի որչափ ինչ գտան 'ի նմա 'ի Ճառիցն Եփրեմի , զոր եւ կոչեցաք հազոյն օրինակ . եւ ուր Թերթք ինչ պակասէին առ հնութեանն , նշանակեցաք 'ի կարգին , յայլոցն միաբանութենէ զԹերին լրացուցեալ :

Գ. Ղ՝ նօտարացի ձեւով գրեալ 'ի ՌԶԶ . որ Թէ եւ ըստ ընդհանուր տեսութեան Ճառից իւրաքանչիւր հաւատարիմ Թուիցի , զի չերեւին 'ի նմա ըստ կամի յաւելուածք , այլ ոչ հարազատ եւ երկիւղած է 'ի դարձուածն բանից հարց լեզուիս . զի ստէպ նշմարին 'ի նմա կամաւոր նոր խանգարմունք . գրչին ախորժեալ անշուշտ եւ գաւհկաց անգամ ժամանակին իմանալի առնել զբանն : Եւսկալք էին 'ի սմա յեփրեմեան Ճառիցն որ յայլմն չերեւէին :

Դ. Ղ՝ բոլորագիր անթուական . ըստ հարազատութեանն կեղանկաբծ , եւ գրչին վրիպակք 'ի նմա ոչ սակաւք :

Ե. Ղ՝ բոլորագիր 'ի ՈՅԴ Թուականիս գրեալ . ընտիր եւ հարազատ , եւ անխորշելի վրիպակք 'ի նմա յոյժ սակաւք :

Զ. Ղ՝ բոլորագիր գրեալ 'ի ԳԾԱ . գործ անհրմուտ գրչի եւ ըստ ամենայն բանի Թերութեամբք լի :

ԺԲ. Ղ՝ գաղափարեալ է 'ի Ճառնորէն որ կայ

ի սուրբ Լյարապետի վանս ՚ի Լեւսարիա :

ԺԳ. Ղ. բոլորագիր Հին, գրեալ առ Ժամանակօք առաջնոյ Հեթմոյ Թագաւորին կիլիկեցւոց . որ եթէ հնութեամբն ոչ, սակայն պատուականութեամբն եւ հարազատութեամբն հաւասարապատիւ իցէ արդեօք ընդ Բ. Ճառքնորին :

ԺԵ. Ղ. գաղափարեալ է ՚ի Ճառքնորէն որ պահի ՚ի վանս Գաղատիոյ :

ԺԸ. Ղ. բոլորագիր անթուական . գործ Ճարտար գրչի, այլ անգերծ ՚ի վրիպակաց . եւ ուրեք ուրեք զեղէնալ :

ԺԹ. Ղ. երկաթագիր անթուական . մատենանցանկայի հնութեամբն եւ հարազատութեամբն :

ԺԸ. Ոսկեփոր բոլորագիր անթուական . հաւաքող մատենիս է Սովսէս վարդապետ ոմն եզնկացի, եւ գրին Սխիթար ոմն . այլ նորա թէ գրին, չունիմ պսել, անցանէ ըստ չափ անհաւատարմութիւն, ստեպ կցկցելով ՚ի խելաց կարկատուն հատուածս, եւ զնոյն զմի Ճառն բաժանելով յայլ եւ այլ Ճառս զանազան վերնագրով . իսկ զեղէն եւ ոչ բնաւ :

ԽԴ. եւ ԽԵ. գրչագիրք Փարիզու . են երկու Ճառքնորք անթուականք . առաջինն երկաթագիր, իսկ երկրորդն բոլորագիր գրեալ ՚ի Ժամանակս կիլիկեցւոց . եւ պահին յարքունի գրանոցին Փարիզու :

Լ. Լորդ յօրինակացս աստի յամենայնի զհնագոյնս եւ զընտիրն առաք մեզ առաջնորդ տպագրութեանս մերոյ . եւ զայլոցն զմիաբան ընթերցուածսն, եւ ըզտարաձայնսն իսկ՝ ուր կարեւոր հմտութիւնք կային լեզուիս, եղաք զամենայն զգուշեալ ՚ի ստորեւսն . սակաւ ուրեք հետեւեալ այլոց զհնագունիցն առաք ՚ի

խոնարհ, ուր մարդկօրէն վրիպակք կարծեցան 'ի մէջ, կամ վասն այլ ինչ բանի : Յօրս եթէ թերի գտեալ իցեմք ճշդիւ դատաստան առնել, ցանկամբ ներողամիտ քննաբանութեան հմտիցն հանդիպել :

Ի ճառից աստի ոմանք թերակատար երեւին, մաւնաւանդ որոց յոյն եւ կամ ասորի բնագիրն ամբողջ կան . եւ ոմանք եւս հատուածոյք զոր յաւարտ տպագրութեանս ամփոփեցաք . որոց լրութիւնն 'ի հայրենասէր բարեպաշտիցն ինդրի անձկանօք եւ երախտապարտ գոհութեամբ :

Այս ամենայն քրտնաջան երկամբք 'ի յաճախաբան մատենագրութեանց սրբոյ վարդապետիս հաւաքեցաք, զորս գտաք զերծեալս 'ի բազմածախ ժանեաց ժամանակին : Բայց ոչ եթէ 'ի սոսին եւեթ սահմանին բանք նորա . զի են եւ այլ բազում մատենք սրբոյ Հօրս 'ի յոյն եւ յասորի բարբառս, որ տակաւին չգտան 'ի մեզ : Իցեն եւ 'ի մերոց աստի ոչ սակաւք, որ թերի են առ նոսա . որով եւ դպրութեանս մերոյ յաճախեն պարծանք առ այլ աղքատ :

Եւս 'ի բազում ճառընտիրս եւ այլ ճառք յանուն Եփրեմի ոչ անծանօթք հնախոյզ ուսումնասիրաց . այլ զնոցանէ տեսցեն փափագողք 'ի մատենագրութեան Յովհաննու մանդակունւոյ, որ ընդ հուպ ելցի 'ի լոյս :

Տ Ե Ա Ռ Ն

Ե Փ Ր Ե Մ Ի

ԽՈՐԻՆ ԱՍՈՐԻՈՑ

ՑԵՍՈՒԹԻՒՆ

ՅԱՂԱԳՍ ՄԵԿԵՈՒԹԵԱՆ ԱՐԱՐԱՃՈՑ

Գ Լ Ո Ւ Խ Ա

“ՍԿԶԱՆԻ Հաստատեաց Արտուած զՀաստա-
տուի երկնից և զՀաստատուի երկրի”, Գանգի
վանն այսորիկ փոյթ եղև Մովսիսի՝ ի ձեռն յայտ-
նութե Հոգւոյն օրինակագրութի ճշմարտուն ընդ-
դէմ մոլորութե կռապաշտութեն առնել, ողջ զա-
րարածս արարիչ կարծէին լինել, սկսաւ ուսուցա-
նել թէ է և գոյ արարիչ և Հաստիչ աշխարհիս այ-
սորիկ . և մի է Արտուած որ իսկն էր, և կարաց առ-
նել զամենայն յոյժնէ . ի ձեռն այնորիկ ասաց Մով-
սէս, զի հաւանեցուցէ և հաճէ՝ թէ ամենայն ինչ
արարածք են : Եւ վանն դիցն զի կարծէին թէ ինք-
նութէ էին ի միտս պաշտօնէից իւրեանց, զի յայտ
արասցէ թէ և նոքա արարածք են : Եւ սկսաւ ա-
սել . իբրև ոչ ինչ էր ուրեք, խորհեցաւ Արտուած ի
կամս բարերարութե իւրոյ, այն որ ոչն նորոգի ի
գիտութե իւրում, առնել զառնաս զայս զերկինս և
զերկիր՝ որ ամենայն ինչ փակեալ էր ընդ նովաւ . զի
ոչ եղև և ոչ ական թարթափել ի բանալ արտեա-
նացն՝ սկիզբն առնէ պափուէրն հրամանին . և յական
թօթափել ի ձեռն հրամանի կատարեցան գործք :
Եւ եղցի վկայ մեզ Մովսէս, որ ի ձեռն յայտնու-

Թեանցն ակնարկէ վասն ծածկուածցն . զի 'ի կողմն յոր կոյս և խոնարհին ձեռք , որ է որդի , նոյն ժամայն կատարէր գործն : Զի եթէ 'ի ձեռն թոթով ծանրախօսին փութացեալ հաստատեցաւ ակնարկել կամաց իւրոց , զի մի շփոթումն արասցէ և կասեսցէ , որչափ ևս առաւել 'ի ձեռն միածնին իւրոյ կատարէր : Սոյնպէս և 'ի ժամանակի անդ ապակա նութեան :

“Երկիր , ասէ , էր թոհ և բոհ” . յայտ արար թէ անպատրաստ էր ցայնժամ և ամայի : Յայտ առնէ բանն , զի յառաջագոյն է լինել երկրին քան զընդոցն որ 'ի վերայ նորա . վասն այսորիկ՝ յետ այնորիկ զի ասէ “եղև” , ասաց “Ամայի էր և անպատրաստ” : “Երկիր , ասէ , թոհ և բոհ” . Յոյնն ասէ “Աներևոյթ և անպատրաստ” . զի ջուրք տարածեալ էին 'ի վերայ նորա . և զի երկիր յառաջ էր քան զընդոցն , և անապատ էր և ամայի , զոր յայտնէ բանն . և ծածկեալ էր 'ի ջրոց : Եւ ապա պատմեաց վասն խաւարին որ 'ի վերայ . զընդոցն ասէ որ 'ի վերայ նորա , զի չև է ին ժողովեալ 'ի մի կողմն . զի չև ևս էր ծագեալ 'ի վերայ լոյս , աներևոյթ զայն ասէ . իսկ անպատրաստ դարձեալ , զի բազմութի ջրոց արգել և խափան էր սերմանեաց և տնկոց . և զի ոչ ևս ցայնժամ առեալ հրաման լինել ծնանել , վասն այսորիկ աներևոյթ և անպատրաստ :

Եւ զի ասէ “խաւար ևս էր 'ի վերայ անդնդոց” . զի 'ի մէջ երկնից և անդնդոց որ 'ի վերայ երկրի՝ տեղի էր բացատ զօդն արգելեալ , և զմթինն որ 'ի մէջ նոցա՝ ասաց խաւար . այն զի բնութի և արմատ չիք նորա . իբրև ոք զի շինիցէ տուն առանց պատուհանից : Արդ 'ի վերայ անդնդոց ասաց . զի ցուցցէ թէ 'ի մէջ երկնից և անդնդոց խաւար էր . զի չև ևս էր հաստատեալ լոյսն երեւցուցիչ բնութեց այնոցիկ՝ որ ոչ կարացին երեւցուցանել զանձինս իւրեանց առանց լուսաւորի : Այլ դարձեալ ասացուք . զի եթէ հաստատութի սոցա հաստատեալ էր յաւուրն առաջնում , նման էր այս յասել՝ թէ խաւար ստուեր է երկնից . և եթէ 'ի մէջ երկնից վերնոց և ներքնոց լոյս է , որպէս գիրք վկայեն . և յաւուրն երկրորդի

եղև այս հաստատութիւնս՝ ահաւասիկ յայտ է. զի խաւարն որ յաւուրն առաջնումն գրէ թէ եղև, ոչ ստուեր է այս հաստատութեա. յետ հաստատելոյն հաստատութիւն յաւուրն երկրորդում՝ պաշտեաց ստուեր նորա զգիշերսն որ զկնի անց, այլ նման էր զի յաւուրն առաջնում ընդ հաստատել անանտի ամսոյցն հաստատեցաւ խաւար: «Ամպ մի փորժիկ, ասէ, ելանէր 'ի ծովէ», եւ դարձեալ. «Իմաստութիւն իւրով պատառեցան անդունդք, և ամպք ցօղեցին»: Այլ հեբրայեցին փոխանակ այնր զի ասէ թոխ և բոխ, խոր և խաւար ասէ, և խաւար ունէր 'ի վերայ խորոց:

Եւ զի ասէ «Հոգի Աստուծոյ շրջէր և գրգայր 'ի վերայ ջուրց», կամ զի թէ և 'ի կազմութենէ թերի էին, և 'ի ձեռն գրգելոյն կատարեալ լինէին. զի 'ի ձեռն շարժմանն որ 'ի ջնճելոյ անտի՝ զօրութի կենդանութե իւրեանց ստանային. այլ զի և այսօր իսկ գլխայ և գրգէ 'ի վերայ արարածոց, որպէս զի ոգի ամենայնի 'ի նմա կախեալ կայ. զի եթէ ոչ առնուէ 'ի նմանէ շուշա այս, որ փշեալ է 'ի մեզ, և հանգչի յայն 'ի գիգիջն՝ հեղձնուս: Կամ յասել իւրում վասն ջուրցն և խաւարին որ 'ի վերայ նոցա, ետ խորհ հուրդ տկար մարդկան՝ իբրև նկարէ նոցա զխորհ հուրդ աւազանին մկրտութե, զի սրբելոց էր նա 'ի գլխութի գրգելոյ Հոգւոյն սրբոյ: Քանզի զարարելութեն Աստուծոյ պատմէր, ոչ եթէ արարած յայտ արար ընդ նմա 'ի վերայ ջուրցն որ գրգայր, այլ վասն Հոգւոյն սրբոյ յայտ արար. իբր Հայր ասէր, Որդի գործէր, Հոգին գրգէր և գլխայր: Եւ զի կոչեաց զամենայն զգոյնս և զամենայն համ և զհոտ. 'ի տուէ 'ի ձեռն լուսոյն սպիտականայ, և 'ի գիշերի 'ի ջնոյ և շիջանի, և որպէս բորբոքի հուրն 'ի կուտ և 'ի ձիւն և 'ի սառն, և որթն դառնայ 'ի գինի և լնանայ:

Եւ աւուրն երկրորդի մեկնեցան ջուրքն, որ էին 'ի վերոյ քան զհաստատութիւնն, 'ի ջուրց անտի՝ որ 'ի

Ներքոյ հաստատութեն : Լուեաց և դադարեաց վանս սկզբանն հաստատելոյ ջուրցն . փոխանակ զի հանդերձեալ էր զի 'ի նոցանէ ձգեսցէ հաստատութի 'ի մէջ նոցա , արար զնոսա հաստատութի : Յաւուրն երկրորդի ձգեաց պարզեաց զնա իբրեւ զխորան , իբրեւ զվրան . զի ցուցցէ՝ թէ ոչ տարապարտուց ինչ գորգայր նա , այլ գրգելովն իւրով զլոյծ բնութի նոցա պնդէր : Զի զոր օրինակ անօթս այս որ արարեալ է իբրեւ խորան , բարձեալ ունի 'ի վերայ մկանանց իւրոց զջուրսն զայնոսիկ՝ որ բնութի նոցա կալ առանց շրջանակի կարակնի ոչ կարեն . զի կողմ որ զրկէ 'ի խոնարհել իւրում , անդր յաճախեն բազմանան զեղուլ : Արդ զայս զի գրեաց՝ եթէ մեկնեաց 'ի նոցանէ 'ի վերոյ քան զհաստատութեն , յայտ արար զի ոչ եթէ բնութեամբ իւրեանց հաստատեալ կան , այլ 'ի զօրութիւն նորա կախեալ կան , և 'ի սքանչելիս հրամանի նորա զանձինս իւրեանց բարձեալ ունին . իբրեւ այն զի ասէ . “Հաստատեաց զերկիր 'ի վերայ ջուրցն” . զի անջրպետեաց 'ի մէջ ջուրցն՝ որ 'ի վերոյ հաստատութե էին , և 'ի մէջ ջուրցն՝ որ 'ի ներքոյ հաստատութեն : Եւ վկայեն վամս այսր ջուրք ծովուց , զի ելանեն մինչև յերկինս , որպէս և գրեալ է . և հասանեն մինչև առ աւազ , որպէս և երեւին . և կարկեալ լինին 'ի ձեռն հրամանին , որպէս և ասացեալն վկայէ :

Յաւուրն երրորդի մեկնեցան ծովք յերկրէ . “Ժողովեսցին , ասէ , ջուրք 'ի ժողով մի” : Եւ քանզի յամենեցունց 'ի ներքոյ երկնից 'ի մի 'ի բոլոր անդր ժողովեցան , և աղբւրք որ ծածկեալ էին 'ի մէջ ջուրցն՝ դարձեալ իբրեւ 'ի բարձանց 'ի միջոյ երկրի յորդեցան և հոսեցան իջին ջուրք 'ի ստորոտս նորա ուր ծովքն էին : Արդ երկուս ասեմք մեք . կամ ողորին իսկ դարձեալ ծովքն ընդարձակեցան անդորրեցան՝ զի բաւական իցեն ընդունել զայլ ջուրս , կամ զոր օրինակ ոչ ընուն ծովք այսօր , սոյնպէս և յայնժամ . և ահաւանիկ յաւուրս Նոյի հոսանք բացան յերկնից և առ ծովս ժողովեցան : Եւ եթէ 'ի վերոյ քան զերկինս յորդեցան ջուրք , իսկ արդ զիսորդ ժողովեցան 'ի մի կողմն , թէ ոչ Աստուծոյ հրամանաւն :

Թերևս ասիցես, թէ հրաման պատուիրանին նեղեաց զնոսա : Այլ ոչ եթէ զառնութի հրամանին պահանջեցի ես 'ի քէն , այլ զքնութի ջուրցն . այլ ոչ եթէ 'ի ջուրցն արար զջուրս , այլ 'ի հրամանէ : Եւ զի մի նեխեսցին ջուրքն և եղիցին արարածք տառապեալ , յաղեաց զնոսա զի մի նեխեսցին . և միւս ևս , որչափ աղի են՝ ըմպեն և կլանեն զքաղցր ջուրն որ իջանեն անդր . և թէ ոչ յաւելու , ահաասիկ յորմէ հետէ հաստատեալ է աշխարհս՝ ընդունի և ոչ դադարէ , և ոչ երբէք երևեցաւ : Նա և այսպէս դարձեալ երևեցոյց զմեծութի զօրութե իւրոյ 'ի լճածովս . զի և նոքա արգելեալ կան , և ոչ նեխին կամ զեռացուցանեն ինչ մի չար . և ոչ ջուրք նոցա աղի են . և ծոցն զի աղի է՝ առնու ելանէ ջուրն աղի զջուրն բազումս :

Ի նմին իսկ յաւուր երրորդի պտուղք և ծառք երկրի : « Բղխեսցէ , ասէ , երկիր » : Եւ յայսմիկ յայտ արար , զի իբրև 'ի տան դանձի ժողովեալ ամփոփեալ կային իրքն : Եւ քանզի յամուսնուէ ջուրցն բղխեցոց եր ամենայն ինչ , նոքին իսկ ջուրքն գանձաւորք եղեն՝ գանձուցն երկրի . զի Հոգին գրգայր իբրև 'ի վերայ կենդանի իրաց 'ի վերայ ջուրցն , զի նոքին իսկ ջուրքն ծնցին զամենայն ինչ ըստ բնութեան իւրեանց . զի 'ի ջուրն ծածկեալ թաքուցեալ էին ամենայն ինչ : « Երկիր , ասէ , աներևոյթ և անպատրաստ » :

Յաւուրն չորրորդի լուսաւորք երկնից : Այն լոյսն որ յառաջ էր քան զարեգակն երեքօրեայ ժաւանակաւ՝ ոչ էր անփոփ և ժողով , այլ տարած և սփիռ էր : Յաւուրն չորրորդի արար նմա անօթս , և սփռումն տարածութե նորա ամփոփեցաւ ժողովեցաւ յանօթն , որպէս պատրաստեցան նմա . բազմութի նորա յարեգակն , և սակաւութի նորա 'ի լուսին : Այլ նմին իսկ տարածելոյն՝ կարգս և սահմանս եղեալ էր նմա . զի յոր վայր կատարէր տիւն , տեղի առնէր զիշերոյն 'ի մտանելն իւրում . այլ ոչ կատարի՝ թէ եղիցի լոյսն սփիռ տարած առանց տարեր ընչի , զի լոյսն շառայլք ինչ էին իբր 'ի հաստատութե ընչէ . որպէս ոք զի ասիցէ , լուսաւոր է ոսկին , կամ լոյս ճրագի կամ արծաթոյն , զի 'ի նմին իսկ և

նա յանօթոյ եղիցի լոյս տալ : Այլ Մովսէս գրեաց
և ճմարիտ է վկայութի նորա . և գործն բանի իւ-
րում վկայէ՝ եթէ եղև լոյս : Այլ դարձեալ , զի «Ա-
րար լուսաւորս մեծամեծս » ասէ . և յայնմիկ զի ա-
սաց բայ «մեծամեծս » , փոքրկացոյց զառաջինն . զի
'ի մեծութիւնոցս ընկղմեցաւ առաջինն : Այս դարձեալ
մեծացուցանէ . «Լուսաւորն , ասէ , մեծ՝ իշխանական
տուրնջեան , և լուսաւորն փոքր՝ իշխանական գիշե-
րոյ » : Եւ եթէ փոքր և մթագոյն է յոյժ քան զա-
րեգակն՝ մեծ կոչեաց զնա առ համեմատ առաջնոյն ,
որչափ ևս առաւել նուազ լինէր քան զերկոսին , զի
զկէս աւուրցն ինքն լոյսն պաշտեաց զերիս աւուրսն .
և զի զկնի երիցաւուրցն երեւցաւ արեգակն առակ
օրինակի տեառն մերոյ . զի յետ երից աւուրց կեն-
դանացաւ և յարեաւ 'ի դժոխոց : Քանզի լուսինդ
լի կատարեալ երեւցաւ յաւուրն՝ յորում հաստե-
ցաւ . որպէս և Ադամ կատարեալ ստեղծաւ . զի
յաւուրն չորրորդի եղեն լուսաւորը , և գտանին մե-
տասան օր աւելի 'ի միջի : Արդ մետասան աւուրքն
առաջի , զի երէց էր լուսին քան զարեգակն որ յա-
ւելաւ լուսնի յամին առաջնում . սորա են յամենայն
ամի , զի յաւելուն նմա այնորիկ որ շրջշրջին 'ի թիւ և
'ի համար լուսնի :

Հաւուրն հինգերորդի գազանք և թռչունք . « Բը-
խեսցէ , ասէ , ջուրք գեռուն կայտառ շունչ կենդա-
նի » : Յետ կատարածի աստեղաց և զարդուն երկ-
նից՝ լցան և ջուրքն չնչականօք և զարդարեցան , որ-
պէս երկիր ծաղկօք և երկինք աստեղօք զարդարե-
ցան : Եւ զի թերի էր ջուրքն 'ի ծննդոց քան զեր-
կինս և քան զերկիր , զի և նոքա 'ի միջոյ բնուե իւ-
րեանց իբրեւ 'ի տանէ գանձուց իւրեանց զարդարե-
ցին , փութացոյց զնոսա պատուէր՝ հրամանին , զի և
ճով և գետք ամենեքեան իբրև յակնն թօթափել
յղացան փութապէս՝ երազ երազ երկնեցին և ծնան
թռչունս և գազանս պէսպէս . զի և ոչ խոնաւութի
ջուրցն ամուլ ինչ եղեն յակնարկելոյ անտի հրա-
մանին , յայնմիկ՝ զի և մթղուկ և ճանճիուն 'ի նմա-
նէ ծնան . և այս այսր աւուրս , որ լինին քարոզ և
վկայ առաջնոցն : Փոյթ և տագնապ եղև 'ի ջուրս

և յիւրաքանչիւր 'ի ժողովս իւրեանց՝ [Եւ ո'ի նոցանէ աւելի քան զլնկեր իւր աճեցուացէ և բազմացուացէ գազանս և [Թռչունս ասանց [Թուոց և առանց համարի : Արդ [Թռչունք որ 'ի վերոյ են քան զջուրն, և որ 'ի ներքոյ 'ի ջուրն, [Եւք երագունք են նոցա . զի նոքոք 'ի վերայ օդոց փառաւորին . և նոքոք դարձեալ 'ի մէջ ջուրցն փափկանան : Եւ զի մի արգելցի պատուէր հրամանի արարչին 'ի ներքոյ կարողութեց, աւրար և գազանս բազումս 'ի ջուրս առանց [Թուոյ . զի և նոքա քարոզեսցեն զգորութի արարչութե նորա : “Բղխեսցեն , ասէ , ջուրք զեռունս կայտառ շունչ կենդանի” :

{ Զաւուրն վեցերորդի . Ադամ : Եւ զի ասէ “ Ըստ պատկերի կերպարանաց մերոց , , ըստ նմանութեան պատկերի կերպարանաց իշխանութեն ասէ . զի որպէս իշխանութին Աստուծոյ 'ի վերայ ամենայնի, սոյնպէս և տէրութին Ագապայ 'ի վերայ ամենայնի եղաւ : Մեկնէ բանն որ զկնին ասաց . “Իշխեսցեն , ասէ , 'ի վերայ ձկանց ծովու, և գազանաց երկրի , և [Թռչոց երկնից , և 'ի վերայ անաւնոց , և 'ի վերայ ամենայն երկրի , , : Արդ արար զնա գլուխ և առաջ նորդ խօսուն 'ի վերայ այնոցիկ՝ որ առանց բանից են . և զայն որ իմաստութիւն գիտութիւն էր 'ի վերայ այնոցիկ՝ որ 'ի բռնութի . զի նա վարիչ և առաջնորդ անձին իւրոյ լեալ էր , և իմաստութիւն անձնիշխանութե իւրոյ եղև վարիչ այնոցիկ՝ որ յիւրեանց բնութի կացեալ են . յայսմիկ անուանեցաւ նա ըստ նմանութե պատկերի կերպարանաց Աստուծոյ : Եւ զի իստեղծուած ձեռաց Աստուծոյ կոչեցաւ , վասն պատուի փառաց մարդոյն ասաց . [Եւպետ և 'ի պատուել գրոցն՝ ասաց [Եւ առ հող , և ստեղծ զնա : Զի սովորութի է գրոց զկամեն Աստուծոյ՝ գործ աւել , որպէս այն զի ասէ , մարդ պատկեր Աստուծոյ է . ոչ զբնութի ասէ , այլ զիշխանութի ազատութե նորա քսաց կերպարան . և որ զկնի ամենեցուն աւրար զնա , զի մի կարծիցէ մարդն [Եւ իւր իցէ արարչութիւնն :

{ Եւ զի 'ի վեց որ կատարեաց , զի յայտ արասցէ գառաջինն և զմիջինն և զվերջինն , և արասցէ կարգ

գործող իւրոյ, զի մի կարծիցի աշխարհս թէ շփոթեալ է, և չիք սկիզբն և կատարած : Եւ զի ծանիցէ որ թէ որ զկնի որոյ իցէ : Եւ որ առաւել քան զընկեր իւր : Այլ կարող էր Աստուած 'ի մի ակնարկեմն կատարել զամենայն . զի որպէս արար վասն մեր, սոյն պէս հոգայ վասն մեր . զի մի արկցէ զմեզ 'ի ծովս խորհրդոց, արար կարգաւ : Եւ զի ասէ «Հանգեալ յաւուրն եւ թնկարդի», վասն կատարման գործոյն ասէ հանգչել : զի 'ի նմին իսկ յաւուրն շաբաթու կատարեցան գործքն, և հանգեալ 'ի գործսն իւր, յայն միկ զի ասէ «Ետես Աստուած զի բարի է յոյժ», Եւ զի նկարեցցին դարձեալ 'ի նմա խորհուրդք ճշմարիտ շաբաթուն՝ որ հանգերձեալ է լինել : Իբրու զայն զի ասէ, կայ և մնայ շաբաթն Աստուծոյ : Եւ զի մեծացուցէ բանիւ զօրն շաբաթուն, զոր ոչ մեծացուցին զնա գործքն . քանզի և եղեն իսկ ոչ 'ի նմա . որպէս զի և վասն պատուոյ նորա լծիցի ընդ այլ աւուրսն՝ որ գործքն գործեցան . և կատարեսցի թիւ շաբաթուն պաշտաման աշխարհիս :

Արար զՄովսէս վկայ անձին իւրոյ Աստուած, և արար զարարածս ամենայն վկայ Մովսիսի . զի յայլումն կարող էր ցուցանել զիշխանութիւն իւր որ 'ի վերայ նոցա 'ի հնազանդելն իւրում՝ զնոսա այլում : Եւ զի վկայ լինելոց էր նա Աստուծոյ, ետ նմա զանունն Աստուծոյ և զիշխանութիւնն Աստուծոյ . զի վկայեսցէ Աստուած 'ի վերայ Աստուծոյ : Եւ քանզի ինքնին Աստուած կարող է վկայել 'ի վերայ անձին իւրոյ, զոր և ասէ «Բարի է յոյժ» . Իբրեւ զսոյն իսկ զբանս զայս մինչև 'ի Մովսէս որ ոչ գիտէր, և ոչ զաւրաթն և ոչ զսրբութիւնն որին . վասն այսորիկ վասն գեղոյ նոցա արարիչ նոցա վկայէ : Զի այն որ գիտէ դպրութիւն, ճանաչէ զինչ գրեալ է 'ի մէջ նորա . սոյն պէս քանզի նա է արարիչ միայն, նա ինքնին գիտէ զինչ թագեալ կայ յաշխարհի :

Արդ բանիւ հաստեաց հաստին զարարածս . վասն այսորիկ թագաւորեալ է բռնութիւն նորա 'ի վերայ ամենայն արարածոց, և հնազանդին տէրութեանն նորա ամենայն ականջք 'ի լսել . և ծառայեն գործոցն նորա ամենայն շրթունք 'ի պէսպէս բարբառս ,

և ամենայն լեղուք պէսպէս ձայնիւք : Զի եթէ զօրուք բանին արարածքն յոչնչէ հաստատէին , որչափ ևս առաւել արդ զի հաստատեցան՝ ոչ առաւել ևս ունկնդիր լինիցին նմա . ածէ զնոսա յինչյոր կամի , զայն՝ որ ած զնոսա յոչնչէ ըստ կամաց իւրոց : Արդ զի տացէ իշխանութի բանին , ած զնա . 'ի պէտս իւր արարին . այն զի և 'ի լռութի նորա թաղեալ է զօրութի նորա , որպէս և 'ի ձայնի նորա . և հնազանդին արարածք լռութե նորա , որպէս և բանի նորա . և անխարկելոյ նորա , որպէս և ձայնի նորա : Արդ հաստատեաց զնոսա բանին , և ետ զնոսա 'ի ձեռն բանի . վասն այնորիկ իշխանութի ունի բանն համար ձակութիւն եւանել առ նա : Այս ծնունդք են երկնի և երկրի :

Եւ զի ասեն եթէ յաւուրն եւթներորդի հաստատեցաւ Ագամ , յանդիմանեալ կշտամբին յայնմիկ զի ասէ , յաւուրն վեցերորդի կատարեցան երկինք և երկիր և ամենայն զօրութիւք նորա . «Եւ կատարեաց Աստուած յաւուրն վեցերորդի զամենայն զգործըս իւր » : Եւ զի յայտնապէս 'ի միտ առցես , հայեաց դու որպէս ասէ «Այս են ծնունդք երկնի և երկրի յաւուրն յորում հաստեցան » : Այս ինքն սկիզբն արարչութե իւրոյ պատմեաց . «Յաւուրն , ասէ , յորում արար Աստուած զերկինս և զերկիր » : Ո՛ր օր . այլ այն առաջինն . յայսմ , ասէ , աւուրս ամենայն ծառք դաշտի չե ևս էին , քանզի յաւուրն երրորդի եղեն : Եւ եթէ ոք ասիցէ թէ չե ևս էր բոլ խեալ երկիր 'ի ժամանակի իբրեւ ասացաւ նմա բոլ խեալ , ոչ ինչ է այս նման . քանզի յորժամ հրամայեցաւ նմա բոլ խեալ , գրեալ է , ասէ , բոլ խեաց : Եւ Ագամ , ասէ , չե էր ձեռն 'ի գործ արկեալ յերկիր , այս ինքն յաւուրն առաջնում . այն զի 'ի նմա արար զերկինս և զերկիր . այն իսկ է զոր վերագոյն ասաց : Եւ զի երկրորդեաց անդ և ասէ . «Ստեղծ Աստուած զԱգամ » , յետ առաջնոյն այնորիկ զի ասաց վասն նորա՝ զի և սոքա ոչ էին 'ի նմա , զպատմութիւն երկրորդեաց երազ երազ 'ի վերայ վեցօրեայ ժամանակին : Դարձեալ յաւելու յասելն . «Տնկեաց տէր Աստուած զգրախտն յԱգին » . մինչ կանխաւ՝ այս ինքն

յառուրն երրորդի ընդ այլ ծառան, այն զի ասէ
 “Բղիւեսցէ երկիր զամենայն ծառ պտղաբեր”, յայնմ
 առուր տնկեաց զԱգին դրախտն :

Փիսոն յերկրին Եւիլատայ : Թերեւ Եւիլաթն ՚ի
 սահմանս Սէմայ է . բայց յոսկւոյ անտի և յականցն
 սուտակին և դահանակին Թերեւ մեկնեսցի : Այլ
 հերթայեցի ասէ “Անդ մարգարիտ և ականք պա-
 տուականք” : Եւ փոխանակ այնր զի ասէ “Դիլաթ-
 երթայ դէմ յանդիման Ասորեստանի”, հերթայեցի
 “յարեւելից կողմանէ, ասէ, Ասորեստանի” :

“Ոչ է, ասէ, բարւոք զի եղիցի Ագամ միայն”,
 Եւ ո՛ւր է այն զի ասէ “Ետես տէր Աստուած զամե-
 նայն զոր արար, և ահա բարի է յոյժ” . և ընդէր
 ոչ է բարի, զի մինչ կանխաւ յառաջագոյն հաստե-
 ցաւն արու և էգ : Եւ զի ասէ “Արասցուք նմա օգ-
 նական ըստ նմանուէ պատկերի իւրոյ”, ոչ արգեօք
 գիտէր Եթէ կործանիչ լինի նմա փոխանակ օգնա-
 կանի . Եթէ այդ այդպէս իցէ, բարւոք էր լինել նմա
 միայն . և զիարդ ասաց՝ ոչ բարւոք է . բայց Թերեւ
 արդեւք ՚ի դրախտի անդ ևս էր նա . զի նա եղև նմա
 պատճառք : Եւ ո՛ւր է այն զի ասէ՝ օգնական . այլ այս
 օգնականս զոր ասէ, վասն կանգնելոյ աշխարհիս ա-
 րար զնա նմա : “Ոչ է բարւոք զի միայն եղիցի”, վասն
 կարգաց ծննդեան ասաց, և վասն աղագացն որ զկնի
 նորա :

“Ղգամայ, ասէ, ոչ գտաւ օգնական նման նմա” :
 Ուստի արդեւք խնդրեցաւ և ոչ գտաւ . եթէ ա-
 սեմք յԱստուծոյ, ոչ լսի . այլ զի կոչեաց նա անուանս
 կենդանեաց . և ոչ Եթէ վայրապար ինչ կամ գուգ-
 նաբար, այլ ըստ բնութե և ըստ հաղորդութեանն և
 ըստ պիտոյից գործոց նոցա : Արդ իբրև անուանէր
 նա, ետես արու և էգ՝ իբրու զուգեալ էր միաբա-
 նութիւն . և նա միայն յատուկ էր . խնդրեաց նա իւր
 օգնական, և ոչ գտաւ : Արդ Եթէպէտ և օգնականք
 նորա են և գազանք՝ զի նոքօք եգիտ նա զկանգնումն
 իրաց բազմաց, այլ միւս ևս իբրև զի շնորհեցաւ գը-
 տանել իւր հաղորդակից արար զնա Աստուած ա-
 րարչութե, յայնմիկ՝ զի իշխան արար զնա գնել զա-
 նուանս, որպէս և ինքն հաստեաց զանձինս . զի յոր-

Ժամ կամեսցի նա աստուածանալ՝ գողութիւն իւրով յանդիմանեալ կշտամբեսցի և ամալիցէ : Եւ լեալ իսկ էր ընկեր . եդ Աստուած անուանաւ ամենայն արարածոց , և զգազանսն Ադամայ պահեաց . զի 'ի գիտութենէ իմաստութե նորաստասցին զյոր ջորջումն անուանց իբր զկենդանիս : Զի ահաւասիկ առանց անուանց իբր մեռեալք են տղայք և մանկունք . անուամբք կենդանանայ այնոցիկ որ կարդանն :

“Եւ արկ , ասէ , նիրհ 'ի վերայ Ադամայ , . հերայեցի՝ քուն ասէ : Եւ զի ասէ “ Առ ոսկր մի 'ի կողից նորա և շինեաց զայն 'ի պատկեր կնոջ , , զի սկիզբն եղիցի աշխարհի . և զի 'ի նմանէ առ զնա , զի կատարեսցի բանն զի ասէ . “Արու և էգ հաստատեաց զնոսա , , և զի մի գը կարծեսցէ թէ այլ արարիչ է կնոջ : Եւ զի ոչ փչեաց նա շունչ յեւայ , զի իբրև շինեաց զկողն՝ հանդերձ շնչով կազմեաց զնա . զի ոչ եթէ շունչ 'ի շնչոյ ծնանի՝ որպէս մարմինն 'ի մարմնոյ . “Ոսկր , ասէ , յոսկերաց իւրմէ , , “Եւ եղև ցին , ասէ , երկոքեան 'ի մարմին մի , , և ոչ շունչ : Այլ զայս ասասցուք . զի 'ի Ժամանակին իբրև շինեաց յօգեաց զկողն , ամենայն պիտոյիւք կազմեաց զնա : Այլ դարձեալ ասասցուք . զի եթէ 'ի հողոյ ստեղծեալ էր զնա որպէս զԱդամն , զճոխութի նախապետութե թերևս իւր յափշտակէր նա : Եւ ոչ 'ի գլխոյ նորա առ զնա , զի գուցէ համարձակուի ինչ լինիցի նմա : Զոր օրինակ ամենայն բան գլխոյ է , սոյն պէս և ամենայն լուութի կողի . վասն այսորիկ պատուիրէ Առաքեալ և ասէ . “Զի մի խօսիցի յեկեղեցւոյ որպէս խօսեցաւն 'ի դրախտի անդ , , : Այլ թերևս տրտմեցան կանայք , զի լսեն զհնազանդուին իւրեանց . այլ ուրախ լիցին , զի աւելագոյն է նոցա քան զԱդամայ : Զի Ագամ յանխլիրտ հողոյ ստեղծաւ և կազմեցաւ . բայց նոքա 'ի խօսուռն կենդանոյ առեալ են . և մեծասցի անձն նոցա : Զի որչափ շփոթեաց Եւայ մայր նոցա զկեանս մարդկութե , տղնպէս ուղղեաց և կանգնեաց զկեանս աշխարհի Մարիամ կոյս , որ ծնաւ զՔրիստոս :

Եւ զոր օրինակ ոչ էր բաժանեալ կողն 'ի մարմ-

նոյ անտի մինչդեռ չէ եր Եւայ, սոյնպէս ոչ որոշեցաւ 'ի նմանէ իբր ամուսնացաւ յետոյ . և իբրու թէ 'ի տեղոյ իւրում բեւեռացաւ տնկեցաւ վերստին . "Եղիցին , ասէ , երկոքին 'ի մի մարմին , ։ Եւ զի ասէ "Ոսկր յոսկերաց իմոց է , ։ այս ինքն զի ոչ եթէ մարմին այլոյ մարդոյ . և իբրեւ յերազի իմացաւ նա՝ զի առեալ եղև 'ի նմանէ կողմ , զի 'ի քունէ ։ Կամ վասն այնր՝ զի յորժամ իմացի վասն նորա զի ածկացոյց զնա առաջի Ագամայ , զի ինքն կինն եկեսցէ առ այլն : Փոխանակ այնր զի ասէ "Այս այժմիկ ոսկր յոսկերաց իմոց , ։ , հերբայեցի՝ "Այս ամուսին իմ , ասէ , ոսկր յոսկերաց իմոց , ։ Ի ժամանակի իբրեւ հաստեցաւ՝ մի հաստեցաւ . և յորժամ օրհնեցաւ՝ եղեն նոքա բազումք : Եւ որպէս մինչ 'ի նմանէ եր Եւայ՝ ընդ նմա ընկալաւ զօրհնութի , զի ասէ . "Աճեցէք և բազմացարուք , ։ սոյնպէս մինչ 'ի նմանէ եր՝ ընդ նմա ընկալաւ զպատուէր հրամանին :

ԳԼՈՒԽ Բ

"Եւ ասաց , ասէ , օձն ցկինն . զինչ է այս զի առսաց տէր Աստուած՝ թէ յամենայն ծառոց որ իցեն 'ի ներքս 'ի դրախտի այդր մի ուտիցէք , ։ Զի ետես նա զնոսա զի ոչ հպէին նոքա բնաւ ընդ կողմն ծառոյն զոր պատուիրեաց նոցա թէ մի ուտիցէք 'ի նմանէ . այլ թէ 'ի քանի ծառոյ պատուիրեալ էր նոցա թէ մի ուտիցէք , ոչ գիտէր նա . և եթէ զհարդ և որչափ ծառոյ համարձակութի տուեալ էր նոցա , բանսարկուն ոչ էր գիտակ . վասն այսորիկ եհարցցնա : Այլ Եւայ՝ անմեղ ետ զպատասխանին . ասէ . վասն՝ միոյ առաք մեք պատուէր հրամանի զի մի կերիցուք և մի մեռցուք : Այլ նա իբրեւ հոգաբարձ մի և վերակացու , ասէ . զի թէպէտ Աստուած ըստ բարերարութեն իւրում հրամայեաց յամենայն ծառոց դրախտիդ ուտել , սակայն ահաւասիկ վասն նախանձու իւրոյ արգել զձեզ 'ի միովէ անտի՝ զի մի ուտիցէք , և լինիցիք իբրեւ զնա :

"Եւ ետես , ասէ , կինն զի բարի է ծառն 'ի կե-

բակուր , , Թայտ արար բանն , զի նոյն ժամայն իբրեւ լուաւ Եւայ՝ վառեցաւ բորբոքեցաւ , և այրեցին զնա կարծիք նենգաւոր Թշնամւոյն : Եւ այն որ հեռացեալ էր երբեմն 'ի Ծառոյն զի մի մերձեցցի առ նա , Ժպրհեցաւ համարձակեցաւ և անց զսահմանաւն . "Ետես , ասէ , կիմն զի բարի է Ծառոյն կերակուր , , : Այս յայտ առնէ՝ Թէ մինչ չեւ մերձեցեալ էր առ Ծառն , ցանկութիւն իւրով եկեր զնա : Եւ զի ասէ "Հաճոյ աչաց հայելոյ , , զի իբրեւ լուաւ՝ անդէն ցանկացաւ 'ի մտի իւրում . վասն յաւելլոյն՝ որ եղև ըստ խրատու օձին , անուանեաց ցանկութիւն : Եւ այն զի ասէ . "Գեղեցիկ էր 'ի տեսանել , , յայտ արար զի ոչ նոյն ժամայն վաղվաղակի մերձեցաւ առ Ծառն , այլ յետ բազում խորհրդոց անցեալ կայր և հայէր ընդ նա : Եւ քանզի փութացեալ ճեպեալ էր մեծանալ ըստ լսելոյ խրատու օձին , ոչ արար պատիւ Ադամայ և նախ նմա ետ . այլ ինքն եկեր , և ապա ետ Ադամայ : Եթէ մերձենայք , ասէ , առ նա՝ ոչ մեռանիք . զի ասաց՝ Թէ աստուածք լինիք : Առ Ադամ՝ զի լուսով ստեղծեալ էր , ոչ իշխեաց մերձենալ . այլ առ Եւայ , զի 'ի քնոյ առեալ էր զնա ընկեր և դրացի և գուրք մահու . զի գիտասցէ Եւայ և Ծանիցէ զի մահ եմոյժ խրատու իւրով . որպէս և քուն յորոշելն իւրում յԱդամայ :

Երդ քանզի կերպարանս բանի զգեցաւ օձն , այն որ ոչ էր բնութիւն բանաւոր , յայսմիկ առաւել գայլ Թագղեաց յանձն իւր Եւայ 'ի զարմանալեաց անտի . զի ետես զանխօս օձն խօսուն եղեալ . զի իբրեւ նոր իմն լուաւ զբանն 'ի նմանէ և զարմանալի , և վասն այնորիկ զխրատն նորա փութապէս ընկալաւ : Նախանձեցաւ ընդ նա սատանայ տկարացուցանել և խոնարհեցուցուցանել զնոսա , և արար իւր կերակուր զնոսա , որպէս զի Աստուած բարկացի 'ի վերայ նոցա : Գրեալ է 'ի գիրս՝ ասէ . քանզի իշխանն անօրէն իբրեւ կամեցաւ աստուածանալ՝ ձեռն արկանէր 'ի նոսա , և զամենայն մարդիկ մեղքք կապէր : Նա և անուն իւր իսկ վկայէ վասն խոտորելոյ յանցուածոց իւրոց : Այլ բարեբաւրն իբրեւ ետես զնա Թէ անց ըստ չափ բնութիւն իւրոյ , ած եմոյժ

զատեղծուածն հաստեղծ Ադամայ 'ի մէջ աշխարհի . եդ 'ի վերայ նորա զանուն նմանութե պատկերի կերպարանաց իւրոց վասն յանդիմանութե սատանայի . զի յայտ արասցէ թէ որպէս պատկերի նորա հնարեաց նա փասեւ 'ի մէջ երկրի , սոյնպէս 'ի վերայ նորա կամեցաւ նա բարձրանալ երբեմն , իբրեւ աստուածանալ , ասէ , կամեցաւ . և այլ ևս : Արդ լուաւ նա զի ասացաւ Ադամայ , թէ ուտիցէք՝ մեռանիցիք . և խորհեցաւ նա վասն մահու նոցա , որպէս զի արգելցէ և կարճեսցի աշխարհս , և մի սերասցի և բազմասցի . և վասն այնորիկ ետնոցա խրատ ուտել 'ի ծառոյ անտի :

() օձն , ասեն , խորամանկ և զծառն ցանկալի և զկին ամուսին նորա՝ բոլս արար զնոսա Աստուած վասն քննութե ազատութե Ադամայ . զի եթէ յաւրիցի 'ի նա պատուէրն , և ընդելանիցի ընդ նմա՝ Այլ ասեն . զոր օրինակ խնդրեաց սատանայ զստացուածսն Յոբայ և տուաւ նմա՝ զի եղիցի նա վասն քննութե Յովայ , նոյնպէս խնդրեաց սատանայ՝ զի տացի խօսք բանի օձին , զի 'ի ձեռն այսր՝ որ խորամանկս է քան զամենայն գաղանս , եկեսցէ արասցէ ընդ նմա մարտ պատերազմի , ընդ այնմիկ՝ որ առ զիշխանութի 'ի վերայ գաղանաց և սողնոց : Եւ զոր օրինակ առ Յոբ բարի արար տէր իւր զի առաքինասցի նովաւ , և Ադամայ առաւելութի առնէր՝ եթէ ոչ փութացեալ էր , և 'ի պատճառս ագահութե իւրոյ սուտ արարեալ զարարիչն իւր :

Արդ բան նոր տուաւ օձին որպէս և գրաստուն ժամանակեան միոյ . և ոչ է գրեալ՝ ոչ զի բարձ 'ի գրաստուէ անտի , և ոչ զի ետ օձին , և ոչ զի ետ Ադամայ : Եթէ այդ այդպէս է , իսկ զի՝ մեղաւ օձն . զի ահաւանիկ բան առ և առաքեցաւ : Արդ որ ինչ 'ի վերայ սատանայի ասի , և 'ի վերայ նորա նոյն իսկ է : Բայց ընկալաւ նա զպատիժսն պատուհասից , փոխանակ զի նա եղև պատճառք մահու նոցա . և զի անկցի ահ և երկիւղ 'ի վերայ այնոցիկ որ ունկնդիր եղեն և հնազանդեցան նմա . իբրեւ զայն զի ասէ . «Անիծեալ եղիցի երկիր 'ի գործս քո » . և «Չարն գալոց է , բայց վայ իցէ այնմ» յորոյ ձեռն չարն գայ :

ցէ ։ Այլ ընկալաւ զպատիժս օձն՝ կապեալ բընութին , զի գիտասցէ ե ծանիցէ թէ որչափ մեծ են յանցանք տիրացեալ ազատութեն : Զի զոր օրի նակ պատուէր հրամանի ետ քարկոծ լինել անասնոցն յորում մարդն մտաբերիկ լինէր , ոչ եթէ զի անասունն կամեցաւ ընդ պղծութիւն՝ այլ զի եղև նա պատճառք մահու այնորիկ՝ որ ընդ նմա պղծեցաւ , սոյնպէս ե օձն՝ ոչ եթէ զի գիտակ էր նա զօրութե նենգաւորին արժանի եղև անիծից , այլ փոխանակ զի եղև նա անօթ սպասու պաշտաման թշնամւոյն՝ ընկալաւ ե նա զպատիժս պատուհասից :

Եթէ Աստուած , ասէ , ետ նմա բան , ե եթէ սա տանայ խօսեցաւ նովաւ , վասն էր բարձի՝ նմանէ զոտս նորա՝ եթէ այլ արշաւեսցի նա . կամ ընդէր ետ նմա հող կերակուր . զի ոչ եթէ նա դարձոյց զԱդամ՝ ի հող : Եւ արդ դու եկեալ զվրէժ օձին պահանջես՝ եթէ ընդէր ընկալաւ զպատիժս . ասա մեզ ընդէր քարկոծ լինէր անասունն որ պղծեցաւ ի մտաբերել այնորիկ՝ որ եղև նմա պատճառք : Եւ ընդէր սատակեցան դազանք ե թռչունք ի ջրհեղեղէ անտի : Եւ զի՝ մեղան ոչխարք ե եզինք ե թռչունք , զի տուեալ են հանապազօր ի զենումն : Զի՝ մեղան հօտքն Յովայ , զի տուան ի կիզումն հրոյ . ե հազարքն խոզից , զի շորհեցան լեգէհնի : Եւ եթէ վաժն սրբոցն ոչ դատին , ե մի վասն անիծեալ օձին դատիցին : Իսկ վասն էր մեռանէր զուարակն սուրբ փոխանակ յանցաւոր քահանային . ե զի՝ մեռան աղանխքն ե տառապանքն , որ մատչէին փոխանակ տղայոցն . ե կամ զի՝ մեղաւ գառնն որ զենեալ լինէր փոխանակ փրկութե ժողովրդեանն . կամ քօշն , որ պատարագեալ լինէր վասն յանցանաց ժողովրդեանն : Զոր օրինակ եղեն անասունքն փոխանակ փրկութե ժողովրդեանն ե վասն քառութե նորին , ե ի նոցանէ սպաս պաշտաման ե ի կերակուր աղւազաց , սոյնպէս եղև օձն վասն փորձութե ե քննութե Ադամայ . ե ընկալաւ նա զպատիժս պատուհասից վասն պատուոյ փառացն Ադամայ : Նա ե ի վերայ ստուգաց արդարոցն ե մարգարէիցն , զի համբերին զթշնամանս անարգանաց , վասն մարդասիրութե

ասի : Դարձեալ զինչ մեղաւ Մովսէս , զի անարգեցաւ 'ի Ժողովրդենէ անտի . և Եզրա , զի հալածեցաւ յԵզրաբէլայ . և Երեմիայ , զի ընկղմեցաւ 'ի գուբ տղմոյն . և Եզրիկիէլ , զի կապեցաւ շղթայիւք . զոր և ասէ իսկ Աստուած . « Զնջեցի ես զմարգարէս և սատակեցի զնոսա 'ի բանս բերանոյ իմոյ » : Եւ եթէ մարգարէքն թշնամանեցան անարգեցան վասն Ժողովրդեանն , և տէր մեր եկն ել 'ի խաչ վասն կենաց մերոց , իսկ արդ ո՞վ իցէ որ տրտնջիցէ և ցասնուցու վասն փոքր մի պատժի զոր ընկալաւ օձն : Կամ թէ կամէիր դու զի Ադամ ընկալցի զանէծս , և օձն ազատեսցի 'ի պատուհասից . և զի Ադամ կորուցէ զփառս իւր , և օձն և ոչ զոտոս իւր : Եւ քան զնոյն պատիժսն պատուհասից դառն էր այսնոցա , զի զնեն գաւոր թշնամին իւրեանց առանց պատժոց տեսանէին :

Եւ եթէ ասիցես թէ այլ է որ եղև նմա պատճառք , անցանէր ստուգութի և առ նա պատժօքն պատուհասիւք այնորիկ՝ որ եղև նմա պատճառք : Այլ զոր օրինակ կորստեամբ խողիցն գիտացաք զչարչարանս լեզէնին , սոյնպէս տկարութիւն զվատթաւութի օձին իմացաք և ծանեաք զչարչարանս այնորիկ՝ որ պաշտեաց և կատարեաց 'ի նմա զկամս իւր : Չարչարեցաւ տանջեցաւ պատանայ 'ի ծածուկ 'ի ձեռն պատժոցն՝ որ եկին հասին 'ի վերայ օձին . բեկաւ խորտակեցաւ փշրեցաւ թշնամին՝ յորժամ ետես զանօթն իւր՝ զի 'ի պորտ և յորովայն իւր սողէր :

Եւ զի ասէ « Բացան աչք նոցա » . փոխանակ զի մերկացան զհասնդերձն փառաց իւրեանց , և մնացին մերկ՝ ամօթալից իւայտառակեալ . իբրև զայն զի ասէ , առագաստեալ էին սիրտք նոցա և ոչ իմանային : Սոյնպէս և յայսմ վայրի մերկք էին և ոչ գիտէին , զի ծածկեալ էր 'ի նոցանէն որչափ 'ի ներքոյ պահպանութե պատուիրանին էին : Եւ իբրև անցին զպատուիրանաւն՝ բարձաւ անց 'ի նոցանէ հանդերձն փառաց , զի լեալ էր նա իբրև զվարագոյր մի մերկութե նոցա . գիտացին և 'ի միտ առին թէ ուստի անկան : Արդ տեսէք զձախողանսն . ոչ եթէ աս-

տուածք են որպէս և ասաց օձն , այլ մերկք են . որպէս և երկիր փշաբեր փշալից փոխանակ դրախտին փափկութե : Վասն ուրախութե ցնծութե ասաց նոցա՝ բայ “Բանայցեն աչք ձեր” , և բացան աչք նոցա յամօթ անարգանաց : Այլ յառաջ քան զլճիւն հրամանին ցոյց ինքն ծառն զսուրն մերկութե նոցա . զի գիտութիւն որ՝ի նմա՝ այս էր , զի արու և էգ առանց կերակրոյ նորա ոչ գիտէին ամաչել ի միմեանց : Այլ ծառն գիտութիւն բարւոյ և չարի՝ օչ եթէ բնութե իւրով բարի էր կամ չար . զպահել պատուիրանին և զանցանել զպատուիրանաւն կոչեաց բարի և չար . զի ոչ եթէ կերակուրն պտղոյն խիստ էր , այլ ինքն դնել մտացն վասն կերակրոյն : Զի եթէ մոլորեալ խաբեալ էր նորա , կամ ժպրհեալ կերեալ էր առանց այսր խորհրդոյ աստուածանալոյ , թերեւ գտեալ լինէր նորա զողորմութիւն գթութեց : Արդ անցանելն զպատուիրանաւն սպան զնա , և ոչ եթէ ծառն . զոր օրինակ պատուէր հրամանին նեխեաց զմանանայն առանց բնութե իւրոյ . և վկայեայն որ եղև երկոցուն առուրց՝ այնու հանգերձ՝ որ պահեցաւ ի սափորն յազգս ազգաց :

Այլ ծառն կենաց ընդէր անկեցաւ . զի ի կատարածին է պիտոյ նա այնոցիկ որ կենդանանան : Այլ նման է այս՝ զի ի ծառոյն յայնմանէ տուեալ լինէր նմա ուտել , թէ համբերեալ ալեացն ժամանաւ կեան միոյ և անարգեալ էր զխրատ օձին : Ոչ եթէ զի ստեաց նմա , նա և այս իսկ յոյժ չար է՝ եթէ քանզի չլինին իրքն , ոչ առնէ զնոսա ոք . այլ արժան է՝ թէպէտ և ճշմարիտ ասաց օձն , կալ և մնալ Արամայ առ պատուէրն տեառն իւրոյ . Վասն այսորիկ վաղվաղակի փութապէս տագնապաւ հանէ ըզնա առ ի ծառոյն օրհնելոյ , որ պսակէ զարդարո պրտ զով իւրով . զի եկեսցէ առ երկիրն անիծեալ , որ յամօթ առնէ զյանցաւորն փշովք իւրովք . այս ինքն փոխանակ պատուիրանին պատիժք պատուհասից : Եւ եթէ էր պահեալ նորա , կատարեալն լինէր գիտութե բարւոյ և չարի . ապա գիտացեալ էր այնուհետև թէ բարի է պահել զպատուիրանն , և չար է անցանել զպատուիրանաւն :

Եւ յիւրեք ետես Ադամ զԾառն կենաց, ցանկացաւ նմա և յղացաւ զգեղ նորա՝ ի Ծածուկ տեսլեամբ, որպէս և որովքն զգեղ գաւազանացն : Եւ Թռեաւ խմորն կենաց ի Ծածուկ յազգս նորա, մինչև ընկալան զսպասելն կատարածին իւրեանց ի գալլատեանն անդրանկանն. իբրև զայն՝ զի ասէ. Թագաւորք և արդարք ցանկացան զԾառն կենաց : Ծառ կենաց կոչեաց յայտնապէս : Թէ այդ այդպէս իցէ, արժան էր և զսա Ծառ մահու կոչել. ապա Թէ Ծառ մահու էր, գիտուԹի զիմորդ տայր նա. զի ահաւասիկ մահ ի գիտուէ զրկէ, և հարկանէ տանի զմարդ : Եւ եթէ Ծառ մահու էր, ոչ եթէ պատուէր ի մէջ մեղաց և արդարուԹե տայր Ադամայ, այլ զգուշուի սպանօղ արմատոյ. զի այլ է պատուէր սպանօղ, և այլ է արմատ սպանօղ : Եւ եթէ Ծառ կենաց վայել էր այնմ գրախօի, իսկ Ծառ մահու ընդէր, Եւ Ծառ կենաց զի յանդիմանեալ խայտառակեսցին աղանդք հերձուածողաց. զի ասեն՝ Թէ մարմին ընուի մահկանացու է, և ոչ կարէ կեալ. զի այն որ հաստատեաց զարմատս՝ զի ճշմարիտ սպանանեն զմարմինս, հաւտեաց և Ծառ՝ որ կարօղ է կեցուցանել զնա :

Յառաջ մինչ չև մեղուցեալ էր Ադամայ՝ մարմին նորա մարմին էր, զի ոչ կարէր մահ լուծանել առանց մեղաց զնա. որպէս երկաթ՝ զի ոչ կարէ ճարտար լուծանել զնա առանց հրոյ : Եւ կարօղ է երկաթ ի ձեռն հրոյ ընդունել զչարչարանս դարձնաց. սոյնպէս և մարմին ի ձեռն մեղաց ընդունի զչարչարանս պատժոց պատուհասից : Զոր օրինակ զի մի էր տեսիլն Թաւ մարայ յառաջ քան զմեղսն, և զկնի մեղացն սիրեաց զնա ձեմնոն վասն գեղոյ նորա, և դարձեալ ատեաց զնա, իբր ոչ եթէ փոփոխուամ ինչ եղև գեղոյ նորա : Սոյնպէս և Ծառն մի էր գեղ նորա յառաջ քան զուտեին և զկնի ուտելոյն ի նմանն : Սիրեցին զնա որպէս և ձեմնոն՝ յառաջ քան զանցանելն զպատուիւրանաւն. և դարձան ատեցին զնա որպէս և ձեմնոն զկնի մեղացն պաշտելոյ :

Եւ ինքն իսկ բարերարն ոչ յայտնեցաւ յանկարծակի, զի մի դարհուրեսցին նոքա. և ոչ Ծառեաց որպէս և փայլակն, զի մի խռովեացէ զնոսա. այլ

արար ձայն ոտից իւրոց և առաքեաց առաջի իւր, զի
 ուսուցէ ապաշխարութիւն անդեղը և անսպաշա-
 սրտին : Եւ յիջանել նորա 'ի դրախտ անդր՝ նկարե-
 ցաւ գալուստ նորա յաշխարհս . և 'ի ձայն նորա , զի
 եկն առաջի նորա , դրոշմեաց զՅովհաննէս . զի ա-
 ռաքելոց էր նա առաջի երեսաց նորա : Եւ փոխանակ
 այնր զի ասէ՝ « Լուան զձայն գնալոյ տեառն Աստու-
 ծոյ » , զի իջեալ գնայր 'ի ներքս 'ի դրախտի անդ ընդ
 դառնալ աւուրն , հեբբայեցի՝ « 'ի ձգել աւուրն » ,
 այսինքն 'ի միոյ դարձից աւուրն յերեկս կոյս : Ապա
 մայ ասէ՝ « Ո՛ւր ես » , զի ինքն եղիցի յանդիմանիչ ան-
 ձին իւրոյ : « Զձայն քո , ասէ , լուայ » : Թէ ձայնի իմաց
 լուեալ էիր , ոչ մերկացեալ խայտառակեալ լինէիր .
 դու : « Ո՛վ , ասէ , եցոյց քեզ թէ մերկիցես դու .
 բայց եթէ 'ի ծառոյ անտի զոր պատուիրեցի քեզ
 կերար դու » , Եկն եհաս 'ի վերայ նոցա անդ ամօթ .
 զի յայտ արասցէ՝ թէ ինքն գործն արարչին պատե-
 րազմեցաւ ընդ նմա , այն՝ որ կամեցաւ բարձրանալ
 'ի վերայ արարչին : Եւ զի յայտ արասցէ նմա թէ
 անդ էր Աստուած յայն ժամու՝ զոր կարծեացն թէ
 հեռի իցէ անտի :

« Լինս , ասէ , զոր ետուր ինձ , սա յանցոյց զիս » .
 և կինն ասէ . « Օձն խաբեաց զիս » : Վասն այնորիկ
 արար զնա առանց ոտից , փոխանակ զի ընթացաւ նա
 'ի չարիս : « Ի պորտ և յորովայն քո , ասէ , գնասցես
 դու » , զի օտիւք իւրովք չոգաւ նա : « Եւ հոգ կերիցես
 զամենայն աւուրս կենաց քոց » , փոխանակ զի արա-
 րեր դու զնոսա հոգ : « Եւ թշնամութի եղից 'ի մէջ
 քո և 'ի մէջ նոցա » , փոխանակ զի արարեր դու զնո-
 սա թշնամիս Աստուծոյ : « Եւ սպասեսցէ քում գրլ-
 խոյ » . այն զի բղիւնաց և խօսեցաւ զանօրէնութի :
 « Եւ դու սպասեսցես նորա գարշապարի » , փոխանակ
 զի ընթացաւ նա բռ ծառն : Այլ ոչ կալաւ զոյժ ո-
 ղորմութիւն յորժամ ետես թէ 'ի ձեռս ետ տառ-
 գութն զթոյլ գարշապարսն ահաւոր թունաց . վասն
 այնորիկ կանխեաց խառնեաց անդ՝ զի « Եւ նա , ասէ ,
 սպասեսցէ քում գլխոյ » : Զոր թէպէտ և չարն վասն
 չարութեն իւրոյ անխայութի առնել ոչ գիտէ , սա-
 կայն գոնէ վասն ապականութե և չարաբանաց իւ-

րոց արգելքի և կարճեցի փոքր մի, զի մի կատարեալ վերջաւոր լինիցին թոյնքն նորա առ դարչապարս մարդկուէս :

“Եւ ցկինն ասէ . բազմացուցանելով բազմացուցից զտրտմուիս և զհեծուիս, զցաւս և զյողուիս քո ” : Փոխանակ զի կարծեաց նա՝ թէ որդիս Աստուծոյ ծնանի, և որդիք նորա աստուածապէս ծնանին, վասն այսորիկ “ Յաւովք և տրտմուիք որդիս ծնցես ” : Եւ զի հաստատեաց և հաւատաց օձին և եկեր ինքն նախ, և կարծեաց թէ մեծացաւ ճոխացաւ քան զայր իւր, վասն այսորիկ “ Դարձ քո առ այր քո եղիցի, և նա տիրեսցէ քեզ ” . որպէս և իշխան եղ նմա անուն, և կոչեաց զանուն կնոջն Եւայ :

“Եւ ցԱգամ ասէ . փոխանակ զի լուար ձայնի կը նոջդ, անիծեալ եղիցի երկիր վասն քո ” : Զի պատկերին իւրոյ պատիւ արասցէ, անէծ գերկիր փոխանակ Ագամայ : “ Անիծեալ եղիցի երկիր վասն քո ” . այն զի վասն քո օրհնեցաւ նա : “ Յաւովք և տրտմուիք կերիջիր զդա ” . փոխանակ զի կարծեցեր դու թէ իբրեւ զԱստուած բնակեսցես դու 'ի վերայ դուրա : “ Յաւովք և հեծուիք կերիջիր զդա ” . փոխանակ զի կարծեցեր դու հանգչել 'ի դմա : “ Փուշ և տատասկ բուսուսցէ քեզ ”, փոխանակ ծառոյն կենաց : “ Կերիցես բանջար վայրի ”, փոխանակ պտղոյ դրախտին : “ Եւ 'ի քիրտն երեսաց քոց կերիցես զհաց քո ” . փոխանակ զի կարծեցեր դու հանգստեամբ ուտել զնա : “ Մինչև եղիցիքեզ դարձ յերկիր ” ուստի ստեղծար դու . զի հող ես դու ” այսինքն հող ես դու ըստ բնութե քում, և ոչ ես Աստուած՝ որպէս և 'ի մտի քում եղիր : Ի ժամանակի իբրեւ հաստէր նա զհողն՝ պատկեր Աստուծոյ կոչեաց զնա և ոչ հող . և յորժամ կամեցաւ հողն լինել իբրեւ զարարիչն իւր, 'ի բաց արար 'ի նմանէ և զայն՝ զի ասէ պատկեր Աստուծոյ . ասէ . “ Հող ես դու և 'ի հող դարձջիր ” :

Եւր եթէ էր հաստեալ կապեալ մտացն Ագամայ 'ի պատուէրն արարչին իւրոյ, ոչ լինէր լուծեալ մարմին նորա յօղելոյ անտի . և եթէ էր կացեալ մը նացեալ նորա հաւատովք, ոչ լինէր նա մերժեալ 'ի

Ծառոյ անտի կենաց : Եդ թշնամութի 'ի մէջ նորա
և 'ի մէջ ծառոյն կենաց , փոխանակ զի արար նա
գրարեկամութի 'ի մէջ իւր և 'ի մէջ թշնամոյն : Եւ
փոխանակ զի միաբանեաց նա ընդ փնասակարին իւ
րոյ , երկմտեաց 'ի նմանէ օգնական նորա : Եւ զի ոչ
կապեաց նա 'ի փորի իւրում զպատուէրն , ոչ ետ նմա
թոյլ լինել 'ի դրախտի անդ : Չէր ինչ մարթ , իբրեւ
եղև նա թշնամի արարչին , եթէ եղիցի նմա բարե
կամ գործն արարչին . կամ յորժամ ապստամբեաց
նա յարարէ անտի , եթէ հնազանդեսցի նմա արա
րածք արարչին : Թող նա զպահել պատուիրանին , զի
նովաւ թագաւորէր նա . թող զնա շունչն կենդանի , զի
նովաւ հաստատեալ կայր նա : Հաւատարիմ եղև նմա
բան սրտին . նա և ոչ վճիռն հրամանի դատաւորին
սուտ ինչ եղև առ նմա . յայնմիկ զի հաւատաց նա
սրտին , ուսիր թէ որչափ հաւատարիմ է բան ճշշ
մարտին :

Այլ եդ նա ընդ սպանողին իւրոյ ուխտ սիրոյ , և
առ բարերարն իւր դնել խորհուրդ չարութե . զի 'ի
գալն իւրում առ Ծառն՝ զհաստատութի խրատու
օձին ցուցանէր . և յուտել իւրում 'ի Ծառոյ անտի՝
զնժ սուտ առնէր , իբրեւ զի թէ նախանձու արգել
զնա 'ի նմանէ : Այլ իբրեւ ամաչեաց և մերձեցեալ
յանդիմանեցաւ , և մերկացեալ խայտառակեցաւ ,
ապա ետես նա զնախանձն առ նենգաւոր թշնամին
իւր , և զսէրն առ արարչին : Այլ իբրեւ փորձանք
վարդապետ եղէն նմա , յայնժամ գնելի մտացն 'ի
միջոյ բարձաւ , և եկն եհաս վճիռ հրամանին , որ 'ի
մէջ այ և 'ի մէջ մարդոյն՝ զուարթ երեսօք . և փա
խեաւ ուխտն՝ որ 'ի մէջ օձին էր և 'ի մէջ մարդոյն՝
ամաչեցեալ երեսօք . զի դատաւորն՝ գալ փութայր ,
և նենգաւորն փախել և մարդոյն թաքել , վաղվա
զակի խաղաց ելանել նենգութին . խեթեաց յանձն
իւր թշնամութի . եդ գերեսս իւր 'ի փախել :

Ետտութիւնն դատաւորին 'ի վերայ միոյ ընկէց
զհարցանեն իւր . այլ յանցաւորք 'ի վերայ միմեանց
ընկենուին զյանցանան իւրեանց : Ձկտեցոյց տարա

ծեաց դատաւորն զհարցանելն իւր 'ի վերայ ամենեցուն, որ զի որսացի 'ի նոսա զյանցողին ամենեցուն : Որսացաւ զյանցմանն նախ յԱղամ, տես՝ թէ եւայ է, և զնաց . և եկն առ Աղամ, որոաց զնա դարձեալ յեւայ . և գտաւ զի յօձէ անտի . եւ գընաց և եկն առ եւայ : Իբր ետես ան թէ օձն եղև ոտք յանցանաց, արար զնա առանց ոտից . վասն որոյ եղև ոտք ամենայն յանցանաց : Բերանոյն Աղամայ գտաւ տալ պատասխանի . ասէ «Իկնդ ետ ինձ,» . եւայի՝ «Օձն, ասէ, խաբեաց զիս», : Բերան օձին զլացեալ զրկեցաւ 'ի պատասխանի տալոյ . և տուաւ նմա հող, զի խցցի բերան նորա . զի եղիցի հողն յանդիմանի բերանոյնորա, և հատանել ոտիցնորա՝ վկայ չարութեանորա . և զի ուտուցէ նովաւ՝ եթէ բերան որ պաշտէ զմոլորութե խաբէուի, այսպէս հատանէ նմա հատուցումն . և ոտք որ ընթանայ 'ի չարիւս, այսպէս վազվազակի ստէպ ստէպ հասանէ նոցա կործանումն : Արժան էր Աղամայ իմանալ որոշել 'ի միտս իւր՝ եթէ որ տկարագոյնն էր քան զնա, նա նախանձի ընդ նմա . և այն որ զօրագոյնն էր քան զնա, նա լինի նմա օգնական : Տկարն նախանձեցաւ ընդ նմա՝ զի խտագոյնն էր քան զնա, զի մի հնազանդեացէ զնա . և զօրագոյնն խոնարհի առ այն՝ որ տըկարն է քան զնա, զի մի անգոսնեացէ զնա :

Երբ այն որ ետ ձրի զբազում երանութիւն, արժանի էր հաւատարիմ լինել և վասն այլոց պարզեաց . և զի խոտացաւ զծածկեալս առանց առհաւատչէի յայտնեաց՝ պարտ ինչ իցէ եթէ անգոսնեացեն : Յաճախեաց ետ իբր ոչ պարտէր, զի 'ի տալն իւրեանց փոխ՝ հաւատասցեն եթէ բազում հատուցումն առնուն . իսկ այն որ ետ օիրով իւրով այնացիկ որ ծնւեալն փոխ՝ զրկել զլանալ զայն որ փոխն ետ, ոչ ետ թող իմաստութի նորա : Ո՞վ ողորմութիւն որ եղին զմեզ 'ի մէջ ողորմութե և ստուգութե, զի մի նեղիցի մեզ շտեմարան սերմանեաց . զի առցուք 'ի նշմանէ և մեւս ևս երկիր սերմանեաց, զի հնձեացուք 'ի նմանէ ընդ միոյ հարեւր . և այս զի ազատութիւն բացցէ յայտնեացէ զերեսս իւր, և եղիցի ինքն տէր գործոց ձեռաց իւրոց : Արդ եկն ողորմութիւն սի-

բով իւրով, և յաճախեաց ետ առանց աշխատութե. եկն և ստուգութիւն սիրովն իւրով, զի մի եղիցուք մեք պապանձեալ ողորմութիւն, այլ պահանջողք ստուգութիւն. զի որ առնուն՝ ողորմութիւն պարտի, և որ պահանջէ՝ չնորհա վարկանի : Այսպէս փոփոխեաց զնոսա մեզ այն քաղցրն և բարերարն . զի մեք փոխ տացուք իբրեւ չնորհաբարք, և նա հատուցէ մեզ իբրեւ չնորհապարտ :

Եւ զի ոչ եղև բաւական Ագամմիայն առանձինն տալ հատուցանել զվրէժ յանցանաց իւրոց, ձկտեցան պատիժքն պատուհասից մեղացն նորա 'ի վերայ ծննդոցն նորա՝ իբր ոչ էին արգելեալ 'ի ներքոյ մեղաց, զի յանցանքն ըստ մեծութե նորա պահանջեալ լինիցին . և ազատութիւն յիշխանութե տեւութե իւրոյ մի բռնադատեալ մերժիցի : Իսկ ստուգութիւն որ եհարց զԱդամ և զԵւայ, զօճն ընդէր ոչ եհարց . և եթէ ընտութի է նա կապեալ, ընդէր դատապարտեցաւ և նա ընդ այնոսիկ՝ որոց ազատութիւն էր . և եթէ ազատութի նորա է, ընդէր ոչ հարց զնա : Այլ ոչ հարց զնա վասն այսորիկ՝ զի գիտէր նա թէ ընդ ում խօսի . և այն որ լսէ՝ գիտէ զինչ լսէ : Եւ զի օճն նախ ընկալաւ զպատիժս պատուհասից, զի նոքա զըջացեալ ապաշաւեացեն և խնդրեացեն 'ի նմանէ : Եւ զի ոչ կամեցան դառնալ յապաշխարութե, եդ 'ի վերայ նոցա զվճիռ մահու, և եղիցին նոքա հող՝ կերակուր օձին : « Ի հողոյ ես դու, ասէ, և անդրէն 'ի հող դարձիր » . և ցնա ասէ . « Հող եղիցի կերակուր քո » :

Եւ զի ասէ « Արար անձ Ադամայ և կնոջ նորա հանդերձս մաշկեղէնս և զգեցոյց նոցա », զի մի ելցեն մերկ 'ի դրախտէ անտի, զի եղիցի առաւել տեսիլն նոցա քան զգազանաց . կամ զի անկան նոքա յաշտիճանէ անտի յորում կային, սգաժառանգոց զնոսա՝ զի յայսմ հետէ յաշտիճան ցանկութե մի իմցեն : Եւ յերկուց կողմանց օգտեցան տունն Ադամայ հանդերձիւն, որ եղև նոցա զէն ընդդէմ ցրտոյ, և ըզգետ ընդդէմ ցանկութեց : Նայեաց դու 'ի դէմս յայտնիս, և տես ո՞րչափ փառաւոր է նա : Գաւիթ որ յաղթեաց օկայազանց 'ի պատերազմի, յաղթահա-

րեցաւ 'ի մերկ մարմնոյ : Յորժամ լինիցին նոցա տղայք արու և էգ , որպէս և 'ի ցանկութի անկցի 'ի վերայ նոցա ամօթ . զի անկցի 'ի վերայ նոցա քող առաքաստի , զի մի փնասիցին և մեղանչիցեն մի մեանց գեղովն իւրեանց : Կամ մորթօքն գաղանաքն զի զգեցոյց զնոսա , վասն մեռելոտի գործոցն յայտ արար :

Ի մէջ դրախտին բարկացուցին 'ի տեղւոյ , յորում արժան էր հաշտեցուցանել : « Հան զնոսա , ասէ , տէր Աստուած 'ի դրախտէն փափկութեան , և պատեաց ընդ արևելից կողմանէ զդրախտին փափկութե 'ի սուր տէգ նիզակին , և 'ի հրեղէն շրջանակաւ սուսերին » . հեբբայեցի ասէ . « Բնաւ կեցոյց ընդ արևելից կողմանէ դրախտին փափկութեց նորա » : Այս ինքն ճառագայթսն որպէս սուր սայր սուսերի . և զի շրջիցի և լինիցի ծառայն համեմատ տեսուն իւրոյ յապստամբէն նորա 'ի նմանէ լինել իբրև զնա , վասն այսորիկ « Ահաւասիկ Ադամ եղև իբրև զմի 'ի մէնջ » : Կամ զի գործով գիտաց մեկնեաց որոշեաց զբարին և զչարն յուտել իւրում 'ի ծառոյ անտի , որպէս և չի զի գիտակ է նոցա առանց փորձանաց՝ այլ նա փորձանօք , վասն այնորիկ ասէ « Եղև Ադամ իբրև զմի 'ի մէնջ » : Յայսմիկ ոչ ինչ էր նմա օգուտ , զի գործով գիտասցէ և ծանիցէ զորոշումն գիտութե բարւոյ և չարի . զոր օրինակ ոչ ինչ օգուտ է մեզ փորձել զթոյնս օձի և կարճի : « Ահաւասիկ , ասէ , Ադամ եղև իբրև զմի 'ի մէնջ » . զազատութիւն նորա կշտամբեաց . բայց ոչ պատուհասեաց զնա թէ ընդէր կամեցար լինել իբրև զիս , զի տկարութի էր այս : « Ահաւասիկ Ադամ եղև » . փոխանակ զի ասիցէ՝ թէ կամեցաւ լինել . այլ եղև ըստ դնել մտաց իւրոց չարաց : Եւ քանզի պատիժ պատուհասի զնէր 'ի վերայ , յայն ժամու չի յայտ արար նախ զյանցանսն . զի եկեսցեն զկնի յանցանաքն պատիժքն պատուհասից . կամ հեղնելով հեգնեաց զնա բանն այ . « Ահաւասիկ Ադամ եղև իբրև զմի 'ի մէնջ » : Իբր ոչ այլ 'ի կենաց անտի՝ որ 'ի ձեռն ծառոյն՝ մի առցէ 'ի կեանս անձին իւրոյ , երթիցէ կեցցէ որպէս չի . « Գուցէ , ասէ , ձգեսցէ զձեռն իւր » . զի յայտ արասցէ վասն զօրութեան

Ծառոյն կենաց : Քերոր դարձեալ և սուր տէգ նիւզակի՝ վասն պատուոյ փառացիւրոց :

Իսկ ընդէր զմիոյն միայն զանուն և եթ յիշեաց յամենայն ՚ի ծառոց . զի տեսցեն զքերովքէսն և զսուր տէգ նիւզակին , և գիտասցեն և ծանիցեն եթէ թշնամութի ցանդեաց առաջի երեսաց իւրոց նժ , և ցանկացեալ փափագեսցեն այնմ՝ զոր ինչ կորուսինն : «Գուցէ , ասէ , ձգեսցէ զձեռն իւր և աճնուցու ՚ի ծառոյ անտի կենաց , ուտիցէ և կեցցէ յաւիտեան » . ոչ եթէ խեթեաց զնա , այլ զի ոչ եղև նա արժանի ողորմութեց . և երկու՝ քանզի եղեալ էր ՚ի վերայ նորա հրամանն նյ յառաջ քան զայս , զի ասէ «Ի հող դարձիլի» : Հան զնոսա առ ՚ի ծառոյն կենաց , զի մի եղիցի կերակուր ծառոյն կենաց հաւառակ հրամանին մահուն . զի մին ՚ի նոցանէ սուտ լինէր , կամ ծառն կենաց՝ թէ չէ ծառ կենաց , կամ վճիռ հրամանին մահու . կամ ողորմութիւն իւրով ոչ ետ նմա մերձեանալ ՚ի ծառն կենաց : Քանզի վճիռն հրամանին եղեալ էր ՚ի վերայ նորա ցաւովք և տրտմութիւն կեալ , անխայեաց ՚ի նա՝ զի մի կերիցէ ՚ի ծառոյ անտի և կեցցէ . որպէս զի մի ընդերկարացի ՚ի նմա այս կեանք տանջանաց : Եւ դարձեալ զի մի ստուգեալ հաստատեսցի բանք օձին ՚ի կեանք նորա , և սուտ լինիցի նյ : Բայց դարձեալ զի ոչ ետ նմա մերձեանալ առ ծառն կենաց , զի մի եղիցի յոյս ապաստանի նորա ՚ի պտուղն առանց աշխատութեց և վաստակոց , այլ յապաշխարութի վաստակօք և ապաշխարութի :

«Յաւուր , ասէ , յորում ուտիցես՝ մահու մեռիլի» . և ահա ոչ մեռաւ : Այլ զոր օրինակ յորմէ հետէ ասացաւ Աբրահամով՝ բայ «Հնազանդեսցի զաւակ քո յերկրին եգիպտացոց ,» , համարեալ թուեն չորեքհարիւր ամ , իբրու երկերիւր քսան և հինգ ամ եղին անդ , սոյնպէս և Ագամ թէպէտ և եկեաց ամս բազումն յետ դատակնիքի մահուն , սակայն յօրէ անտի յայնմանէ՝ յորում ընկալաւ նա զվճիռն և զգատակնիք , ընկալաւ նա զառհաւատեաց մահու . յայնմիկ՝ զի ել նա ՚ի դրախտէ անտի , և զի մերկացաւ նա ՚ի փառաց անտի , և զի բարձաւ հա-

մարձակութի նորա . և մեռաւ նա ճայինն այ՛ի ժա-
մէ անտի յայնմանէ : Եւ զի ետես դարձեալ զԵւայ
թէ ցաւովք ծնանի , և զի քրանեցաւ ինքն՝ ի վաս-
տակ աշխատութե իւրոյ , հաստատեալ ստուգեցաւ
նմա վճիռն և դատակնիքն հրամանին : Եւ զի կան-
խագոյն յառաջագոյն էր օրհնուին , այն զի ասէ “ Ա-
ճեցէք և բազմացարուք ” , քան զայն՝ զի “ Յաւուրն
յորում՝ ուտիցես մահու մեռջիւր ” , պարտ և պատ-
շաճ էր հաստատուն լինել բանին առաջնոյ՝ այ , զի
բազմացին . և ապա գալ այնր մահուն : Եւ զի մի
դարձեալ կարծիցի , եթէ ոչ էր նորա մեռուցեալ
զնոսա՝ լինիցին աստուածք ըստ բանից օձին , եկեաց
Ագամ զինն հարիւրամ վասն դարովուէ չարախօսին ,
և Աստուած ոչ եղև : Եւ զի ճաշակեսցէ դարձեալ
զողորմութիւնն նորա , Ենովք որ ոչ մեռաւ , և յայս-
միկ ետես Ագամ զառակ օրինակի փրկչին մերոյ՝
թէ գալոց և կեցուցանելոց է զնա . որպէս՝ և փո-
խեաց նա զԵնովք ի մահունանէ ի կեանս : Ճաշա-
կեաց Ագամ զերկոսին զՀաբէլին և զԵնովքայն . զի
մինն մինչ ցոր վայր բարձրացաւ , և միւսոյն խոնար-
հութիւն մինչ յոր վայր էջ . զի գիտացէ և ծանիցէ
թէ յորմէ բարձրուէ յորքան անարգութի անկաւ . և
նովին Ենովքաւ ի միտ առցէ Ագամ , զի ոչ եթէ
մահկանացու հաստեցաւ նա :

Դարձեալ ասի . զի ոչ եթէ կենդանի անմահ ա-
րար գնա , և ոչ մահկանացու եթէ ոչ կարիցէ կեալ .
այլ եղ պատուէր ի միջի՝ ծառն կենաց իբրև պար-
գևս , և զմահ իբրև պատիժս : “ Ետու , ասէ , առաջի
քո մահ և կեանս , ընտրեա քեզ զկեանս և մի զմահ ” :
Բայց դարձեալ ոչ եթէ նա մոլորեցաւ , այլ քանզի
յապականութէ շփոթանացն չարեաց լիւր օձին յԵւայ
երևեցաւ . քանզի և նա իսկ սկիզբն արար ձգել ըզ-
ձեռն իւր ի ծառանդ : Եւ իբրև ետես Ագամ՝ եթէ
կայ մնայ բանն այ , և մահ ի վերայ նորա ոչ տի-
րեաց , հաստատեալ ստուգեալ էր նմա՝ զի թէպէտ
և առ ժամանակ մի կաց մնաց բանն այ , սակայն կալ
մնալ լի կատարեալ ի կիտէ անտի եղելոյ դատա-
կրնքի նորա՝ չէ ինչ մարթ : Եւ իբրև ձգեաց Եւայ
զձեռն իւր առ Ագամ տալ նմա , յուղեցաւ գուրթ

ողորմութեան իւրոյ 'ի վերայ նորա . որպէս զի եղիցի նա օգնութեան Եւայի 'ի խոնարհեալ իւրում առ նա . զի մի եղիցի նա յատուկ եթէ ինքն փեցցէ և նա մեռցի . կամ զի նա կացցէ մնացէ 'ի ներքա 'ի դրախտի ամիդ , և նա մերժեալ ընկեցեալ լինիցի յերկիր նգովից : Զի զոր օրինակ այն որ հաղորդի ընդ կնոջ իւրում , յետոյ իբրեւ անցանէ ըստ ճանապարհ առն իւրում՝ պռանկելով պռանկի , և այրն իբրեւ կամեացի ծածկել զյանցանս նորա և զինքն 'ի ներքս խառնել , ասէ ցայնոր զուգեացն դնոսա , եթէ ես ոչ մեղայ , այլ կինս զոր ետուր ինձ՝ սա յանցոյց զիս : Սոյն պէս և Սդամ իբրեւ անխայեայր 'ի վերայնորա՝ կար կառ զաջ իւր ոչ յառնուլ 'ի ծառայ անտի , այլ յառնուլ 'ի ձեռաց օգնականին իւրոյ , յայնմ զի գիտաց թէ եւ դատակնիքն մեկնել որոշել զօգնականն իւր առ յինքենէ . և վկայ այսոցիկ Աւաքեալն 'ի յասել իւրում . “Սդամ ոչ մեղաւ , այլ Եւայ” : Եւ արդարեւ ոչ մեղաւ :

Թէ այդ այդպէս է՝ խոնարհեցաւ նա առ նա , զի եղիցի նմա օգնական . հաղորդեղեւ յանցանաց նորա՝ ոչ 'ի ցանկալ իւրում՝ 'ի ծառայն , այլ զի եղնա 'ի մտի իւրում պահել զկատարումն մարդարեւութեանորա , զի եղիցին երկոքին 'ի մի մարմին : Եւ վասն այսորիկ և 'ի միտումն ևս վայրի վկայէ ինքն Սաքեալ՝ իբրեւ նմանեցուցանէ զգործն 'ի Քրիստոս և յեկեղեցի իւր , 'ի խորհուրդ հաղորդութեան և կնոջ . զի 'ի ժամանակի իբրեւ մեղաւ եկեղեցի նորա և հաղորդեցաւ ընդ անցանել պատուիրանին , և խոնարհեցաւ օղորմութի գթութեան նորա առ նա՝ ոչ 'ի մեղանէլ և առնուլ 'ի ծառայ անտի , այլ բաւուն հարկանել զօրացուցանել զբազուկն՝ որ ձեռքեցաւ վտան պտղոյն՝ որ կթեցաւ յանարժանս . և հաղորդեցաւ հաւասարեցաւ մեռանել ընդ նմա , որպէս և Սդամ ընդ Եւայի . զի և ինքն եկեղեցի նորա հաղորդեսցի դարձեալ 'ի կեանս ճշմարիտս , այն՝ որ վառն նորա հաղորդեցաւ հաւասարեաց ժայհութիւն համարձակութեան նորա . զի վառն այնորիկ “Կեցցէ , ասէ , վառն ծննդոց իւրոց՝ եթէ կայցեն մնացեն 'ի հաւատս և 'ի ճշմարտութի” , այլովք հան-

դերձ : Ոչ Եւայ բաւական եղև առնուլ պատուիրան յայ, այլ Ագամ . և ոչ ժողովուրդն կարող էր՝ եթէ խօսեսցի ընդ նմա ան առանց Մովսիսի . և ոչ եկեղեցի՝ եթէ առցէ փրկութիւն , այլ 'ի ձեռն տեառն մերոյ :

Այլ դարձեալ ասասցուք զայն զոր ասաց Առաքեալ “Ագամ ոչ մեղաւ այլ Եւայ” : Քանզի մոլորութիւն յանցանաց յԵւայէ սկիզբն արար և տուաւ զամ կատարեաց , բայց ըստ մոլորութե յանցանացն Եւայի ոչ մեղաւ Ագամ : Արդ լուր դու զինչ ասէ 'ի միում վայրի . “Որպէս վասն մարդոյ մահ եղև , և վասն միոյ մարդոյ ամենեքին մեռանիմք” . այլ ըստ համեմատի մոլորութե յանցանացն Եւայի, Ագամայ յանցանքն նման ինչ ոչ էին : Զի են իրբ յորժամ միայն առանձինն իցեն և ունին զտեղի իշխանութե , այլ 'ի գալ ընկերացն իւրեանց որ առաւել իցեն քան զնոսա , նոքա եթպէտ և իցեն՝ սակայն իբրև զոչինչ երևին : Ճրագ՝ զի 'ի խաւարի լուսաւորէ , 'ի տուէ նուաղի լոյս իւր . և լուսին 'ի գիշերի լուսատու լինի , բայց յարեու անդ ընկղմի նա : Նա և Առաքեալ ասաց վասն փառացն Մովսիսի որ խափանելոցն էր . և արար զնա իբրու եթ չիցէ բնաւ . ոչ եթէ զի ոչ էր նա , այլ առ այս զոր Քրիստոս աշակերտացն իւրոց ետ , նա իբրու եթ չիցէ . զի անդգիմօք , բայց աստ և հաւատացելովք : Նա զի խափայէլ մեռուցանելով մեռոյց , զի ոչ եղեն արժանի նմա . բայց աստ և ստուերը նոցա անկանէին 'ի վերայ մեռելոց և կէին . արդ առաւել են այս փառք քան զՄովսիսին որ անցանելոցն էր : Արդ ոչինչ առաւելութի էր Ագամայ քան զԵւայի . այլ փոխանակ զի եղև նա պատճառք գայթաղութե , եդ զնա 'ի ներքոյ հնազանդութեն . զի 'ի տեղոջ յորում լինիցի այր 'ի մոլորութի յանցանաց , և կինն 'ի ճշմարտութիւն զայրն հնազանդեցուցանէ և զկինն իշխան առնէ . “Եթէ իցէ , ասէ , այրն անհաւատ և կինն հաւատացեալ , մի երկոցէ զայր իւր : Ուստի , ասէ , գիտես կին դու՝ եթէ զայր քո ապրեցուցանես” :

ԳԼՈՒԽ Գ

« ԼԵՐՈՒՑ ԱՂԱՄ առ Եւայկին իւր , յղացաւ և ծնաւ Վայկին . ստացայ ինձ ասէ այր յայ : Եւ յաւել ևս ծնանել զեղբայր նորա զՀաբէլ , , Եւ եղև Վայկն Աղամայ որդի ճաշակեցուցիչ չարչարանաց . զի զիտասցէ թէ որպէս դառնացոյց նա զՀայրն հասարակաց : Վայկն ծնաւ անիծիւք զոր զգեցեալ էին հարբ նորա . եղև նա դարձեալ գործել զերկիրն անիծեալ . խորհուրդ է այս այնոցիկ՝ որոց ամենայն խորհուրդք նոցա աստէն յերկրի են : Իսկ Հաբէլ հովիւ էր խաշանց , զի յանիծից հեռագոյն էր . խորհուրդ և օրինակ տեառն խաշանցն :

Եւսէն այսպէս , թէ ըստ խրատու Հաբէլի եղև զի մատուցեն նոքա պատարագս : Եւ կաց մնաց Հաբէլ Վայկնի զերիս ամիսս . զի երիւք ամսովք յառաջագոյն կանխեալ լինէին ծննդակարգք խաշանց քան զվաղահասուկ արտոց . բայց Վայկն գողացաւ զԺամանակն յեղբորէ անտի իւրմէ՝ կարծել իւրում թէ յառաջագոյն քան զնա ընդունելի լինի և ՚ի դրախտ անդր երթայ : Եւ կարծի թէ վասն այնորիկ անարգեցաւ նա , զի նենգեաց զնա , և Հաբէլին ընդունելի եղև , զի պարզ և յստակ մտօք մատոյց . կամ ՚ի մնացորդաց որկորստուէ իւրոյ մատոյց Վայկն , վասն այնորիկ անարգեցաւ նա . այլ Հաբէլ յանդրանկաց խաշանց իւրոց զպատարագան իւր ած : Ի միտ առ դու յընթերցուածոց անտի . ոչ ասաց ոչ թէ « Հաճեցաւ անձ ընդ պատարագս Հաբէլի , , այլ յառաջ ընդ Հաբէլ , և ապա ընդ պատարագս նորա . քննեաց նախ զսիրտն , և ապա ընկալաւ զպատարագս նորա : Այլ Վայկն զինքն յառաջագոյն աղտեղացոյց զանձն իւր . վասն այնորիկ դարձոյց զերեսս իւր ՚ի պատարագաց անտի նորա :

Իայց թէ որդիտոն փոխանակ այնր՝ զի ասէ « Հաճեցաւ տէր անձ ընդ Աբէլ հրով , , ասէ « Մեկնեաց որոշեաց զընտիրսն յանարգէ անտի , , . վասն այնորիկ չար թուեցաւ Վայկնի : Եւ Սիմաբոս , « Զուար-

Թացաւ տէր անձ Հաբէլի . եթէ հաճոյ լինիցիս՝ Թռ ղից , ապա Թէ ոչ առ դուրս մեղք » : Այլիդաս , « Գարձեալ , ասէ , խոնարհեցաւ տէր անձ Հաբէլի և պատարագաց նորա » : Եւ զի ասէ հաճոյ լինիցիս՝ ընկալայց , և եթէ միաբանիցես՝ այս ինքն մատուցաւ նել ընդ եղբօր քու , և կամ որպէս եղբայրն քո , և հաճոյ լինիցիս առաջի հարց քոց : Եթէ էր քո ստուգութիւն մատուցեալ և ոչ էր բաժանեալ , առեալ էր իմ . կամ եթէ հաճոյ լինիցիս՝ ի չար՝ խորհրդոց անտի , զի մի լինիցիս եղբայրասպան : Կամ անդրանկութիւն իւրով և զօրութիւն իւրով հպարտացեալ բարձրացեալ ձեռն յանձին հարեալ էր , և վասն նոցա անարգեցաւ նա խորհրդովք իւրովք : ասէ՝ եթէ հաճոյ լինիցիս՝ ի խորհրդոց անտի յայնմանէ : Եւ զի ասէ՝ առ դուրս մեղք մակաղեալ նստէին , այս ինքն՝ մինչ դեռ աստէն ես դու՝ լոյծ գնախանձ քո քննեալ ընդ եղբօրն քու . ապա Թէ ոչ գիտեմ ես յեղանին քո յերեսաց իմոց զեղբայրն քո առնուս տանիս ի դաշտ սպանանել զնա : Եւ զի ասէ « Առ քեզ լիցի դարձ նորա » . այս ինքն պատարագին քո . փոխանակ զի պատուեցեր դու զանձն քո քան զիս , և քեզ զբաւն պահեցեր և ինձ զանարգն մատուցեր . վասն այսորիկ առ քեզ լիցի դարձ նորա : Իբրեւ ոք զի ասիցէ . և այգ ևս տուեալ լիցի քեզ . և դու տիրիցես ի վերայ անարգ պատարագաց քոց . զի կարծեցեր դու Թէ կարօտ ինչ իցեմ ես նմա : « Ոչ , ասէ , ուտեմ ես զմիս զուարակաց » . և « Պատարագաց հոգի խոնարհ » :

Երբ եթէ վասն զի ոչ եղև ընդունելի պատարագ նորա՝ տրտմեցաւ նա , ահաւանիկ խոնարհեցաւ և խօսեցաւ ընդ նմա քաղցրութիւն որ ինչ ընդ Հաբէլի ոչ խօսեցաւ . եթէ հաճոյ լինիցիս ասէ , ընկալայց : Տեսեր . ոչ եթէ զի ոչ եղև ընդունելի պատարագն նորա , այլ փոխանակ զի եղբօրն նորա եղև ընդունելի : Եթէ հաճոյ լինիցիս , ասէ , համարեաց Թէ առեալ եմ . փոխանակ զի ուսցիս ապաշխարութիւն , ուսաւ նա սպանութիւն : « Ո՛ր է Հաբէլ եղբայր քո » . այս է հաճոյ լինել զոր ասացի քեզ՝ եթէ հաճոյ լինիցիս : Եւ զի ոչ փակեաց Աստուած զդուռն

ապաշխարուէն նորա , վասն այնորիկ “ Մեծ են յան-
ցանք իմ ” :

“ { } արեալ , ասէ , կային 'ի վերայ եղբօր իւրոյ և
սպան զնա : Հարց զնա տէր . ասէ ո՛ր է Հաբէլ եղ-
բայր քո ” : Այլ նա քանդի յայնժամ ևս արեալ
էր նախանձուն չարութեւ , պատասխանի ստութե-
ցասմամբ ետ թոյ . այնմիկ թերևս և նմա ևս ապա-
նացեալ էր նա , զի ոչ ընկալաւ զպատարագն նորա .
նենգեաց նա զեղբայրն և ընգդէմ դարձաւ թոյ և
ասէ “ Ոչ գիտեմ ” : Եւ արդարեւ ոչ գիտաց , զի ոչ
իմացաւ նա թէ զպատաստանն սպանման նորա 'ի
ձեռն արեան նորա թոյ մատուցանէր : “ Մի՛թէ պահա-
պան իցեմ ես եղբօրն իմունմ ” , ասէ . և երանի թէ
պահապան և ոչ սպանող նորա : Ա՞՞հ հարցանէ զնա
քաղցրութիւն զի զղջացի վասն գործոյն զոր գոր-
ծեացն , և նա տայր պատասխանի ցասմամբ . ոչ
եղև նմա այն շատ՝ զի ասաց բայ չգիտեմ , այլ յաւել .
“ Մի՛թէ պահապան ինչ իցեմ նորա ” , ասէ :

Հաբէլի իսկ արժան էր նախ իջանել 'ի դժոխս .
զոր օրինակ վասն Ղաւթայ՝ որ գերին վարեցաւ ընդ
տողոմացիսն՝ ապրեցոյց Աբրահամ զՍողոմ , կեցու-
ցէ 'ի պատճառս Հաբէլի զԱդամ : Ծաշակեաց Ա-
դամ զմահ՝ որ տուաւ նմա 'ի Հաբէլ որդի իւր . վե-
րացաւ Ենովք , և ճաշակեաց Ադամ զկեանս ամ-
մահս յԵնովք յորդի որդւոյ՝ որդւոյն նորա : Բայց
ոչ եթէ 'ի նմին իսկ յաւուրն յորում զպատարագն
մատուցին՝ սպանեալ էր նորա զՀաբէլ . զի եթէ 'ի
նմին իսկ յաւուր սպանեալ էր նորա զնա , և Ադամ
և Եւայ գիտէին , և ոչ թոյ ստէր նա . այլ օր մի երբե-
մըն զի ոչ գիտէին հարք նոցա , ասէ կայէն ցՀաբէլ
եղբայր իւր . եկ երթամք շրջիմք 'ի դաշտ զբօսանալ :
Եւ ոչ դարձեալ 'ի նմին աւուր յորում սպան կայէն՝
հարց զնա Թոմ , որպէս զի գողասցի զնա եթէ չգիտիցէ
Թոմ : Եղոյց կայէն զմեղս իւր լի կատարեալ . զի ըս-
պան մարդ , և արհամարհեաց զԹոմ . հառոյց նմա
Թոմ կատարեալ պատիժս , զի անարգեցաւ նա ամե-
նայն զաւակօք իւրովք հանդերձ : Գիտակն ամե-
նայնի հարցանէր իբրեւ զանգէտ . զի յայտնի լիցի
այն որ ստեացն թէ ո՛ւմ ստեաց : Ոչ գիտես դու .

գիտական զգիտակն հարցանէր . իբրու գիտէր նա՞ծ , հարց իբրեւ զայն թէ չգիտիցէ . իբրու գիտէր սպանօղն՝ ուրացաւ իբրու զայն թէ չգիտիցէ : Իբրեւ եցոյց նա՞ծ գգիտութի իւր , յայնժամ սպանօղն խոստովան եղև զգիտութի իւր . «Մեծ են , ասէ , յանցանք իմ» . վասն այսորիկ պատրաստեաց որդւոց իւրոց սպանուին : «Գոչուին արեան եղբօր քո բողոք ունի առ իս յերկրէ» . և ոչ եթէ արիւն չնչոյ նորա , այլ արիւնն նորա . և այս վասն կենդանութեայրութե նորա յայտ առնէ . «Արիւն նորա , ասէ , գոչէ» . ոչ եթէ բերանով , այլ տեսեամբ . իբրեւ այն զի ասէ «Երկինք պատմեն զփառս նոյ :

Իսկ . «Անիծեալ լիջիր դու յերեսաց երկրէ» . փոխանակ զի ուսուցեր արուեստ գիտութեայրութե 'ի վերայ երեսաց երկրի : Անիծեալ լիջիր դու յերեսաց ամենայն երկրի . փոխանակ զի չարչարեցեր վշտացուցեր դու զԱզամ և զԵւայ զհարս ամենայն երկրի : Անիծեալ լիջիր դու յերեսաց նամ երկրէ . փոխանակ զի սպաներ դու զայն որ բարւոքն էր քան զամենայն երկիր : Անիծեալ լիջիր դու յերեսաց ամենայն երկրէ . փոխանակ զի բացեր դու զդուռն դժու խոց առաջի ամենայն երկրի : Անիծեալ լիջիր դու յերեսաց ամենայն երկրէ . փոխանակ զի կամեցար դու միայն առանձին լինել 'ի վերայ ամենայն երկրի : «Երերեալ և տատանեալ լիջիր դու 'ի նմա» . փոխանակ զի գնացեր դու 'ի նմա բարձրութիւն և ամբարտաւանութիւն 'ի վերայ երեսաց երկրի : Երերեալ և տատանեալ լիջիր դու 'ի նմա . փոխանակ զի յուսացար դու 'ի բռնութիւն քո և 'ի զօրութիւն քո , և սպաներ զնա : Երերեալ և տատանեալ լիջիր դու 'ի նմա . այն զի երկնչէին բնակիչք նորա 'ի նմանէ , երկիւղ ամենայն անկցի 'ի վերայ նորա : Յորժամ գործիցես դու զերկիր , և նա մի յաւելցէ քեզ տալ զզօրութի իւր . քանզի ոչ օգտեցար դու առաջին զօրութիւն զոր առեր 'ի նմանէ , մի յաւելցէ քեզ տալ զզօրութի իւր : Փոխանակ զի կամեցար դու միայն առանձին ուտել զզօրութիւն նորա , մի յաւելցէ քեզ տալ զզօրութիւն իւր : Փոխանակ զի թաղեցեր դու զնա 'ի հող անդաստանի քո , վասն այսորիկ գործեա

ցեռ գու զերկիր՝ և նա մի յաւելցէ քեզ տալ զգորութի իւր :

«Եւ ասէ Կայէն ցտէր . մեծ են յանցանք իմ» : Եւ զի ասէ «Ահաւասիկ հաներ զիս այսօր յերեսաց յերկրէ . և յերեսաց քոց մեկնեալ թաքուցեալ իցեմ» , զգորութի ախոյրիկ զոր անձն ասացն՝ երկրորդեաց Կայէն : «Հաներ զիս այսօր , ասէ , յերեսաց երկրէ» , . զի անէծ զնա 'ի մէջ նորա . զի ոչ գոյր նմա հանգիստ 'ի մէջ նորա : Եւ զի ասէ «Յերեսաց քոց մեկնեալ թաքուցեալ իցեմ» . զի ոչ ևս յաւել լաւ տեսանել զերեսս նորա որպէս և զառաջինն՝ այս ինքն պատարագաւ . իբրու այն զի ասէ , հանից զնոսա յերեսաց իմոց և ելցեն . զի ապականեաց նա զպատկերն , արժանի էր նմա ընկեցեալ մերժեալ լինել յերեսացն նոց : Եւ վամն ախոյրիկ ասաց՝ արիւն նորա հեղցի . զի ըստ նմանութեան պատկերի կերպարանաց նոց արարեալ է Ադամ : «Ամենայն որ գտանիցէ զիս , ասէ , սպանցէ զիս» , զազան կամ ապականիչ ինչ . այս ինքն երերեալ տատանեալ դողայր նա , փախէր տեղւոյն 'ի տեղի : Ոչ , ասէ , սպանցիս՝ զի այդպէս ամենայն սպանօղ . այլ 'ի Կայէնէ եւ թն պատժոց հա տուցումն խնդրիցի . այն իսկ է զի զեւթն դար նորա տեսանէին զերերել զտատանել նորա . կամ զի եւ թանքն անարգէին ընդ նմա . քանզի ասաց նա՝ բայ «Ամենայն որ գտանիցէ սպանցէ զիս» , ասէ ցնա՝ ոչ :

Եւ իբրեւ եղ 'ի նմա նշան , զի ամենայն որ տեսանիցէ զնա մի իշխեսցէ սպանանել զնա , զի 'ի կեանս իւր հատուցի նմա . իբրեւ զայն զի ասէ Դաւիթ . «Մի սպանաներ զնոսա , զի մի մոռացին զժողովուրդ իմ» . որպէս զի մի մեռցին թաղումք առանց պատժոց պատուհասից . սոյնպէս և նոքա : Այլ զինչ ասէ . «Խռովեա զնոսա զօրութի քով , և կործանեա զնոսա» , այլովքն հանդերձ : Զի յայտնի լիցի վրէժխնդրութիւն , երերեալ տատանեալ շրջէր 'ի վերայ երկրի : «Ամենայն որ գտանէ զիս՝ սպանցէ զիս» , . աղօթք են . փոխանակ սպանման նորա խնդրեաց նա՝ զի սպանեալ եղիցի : Եւ յայսմ վայրի ստուգութի խորհեցաւ նա . թէպէտ և յեւթն պատժոց անտի կամեցաւ խորամանկութիւն փախել : Ասէ ցնա անձն՝ ոչ ,

այլ ամենայն սպանող որ 'ի քէն և անդր լինի, անձն ընդ անձին տացէ . բայց դու ընդ միոյ եւթն տացես : Եւ զի ոչ համբերէր թուութի նորա եւթն պատիժս տալ փոխանակ ընդ միոյ , զօրութի հրամանին այն՝ որ առաջ թէ եւթն ընդ միոյ տացէ՝ կապեաց զշունչ նորա 'ի մարմնի նորա . զի զտանջանս մահու 'ի կեանս իւր տեսցէ ընդ միոյ եւթն : Վասն էր . զի ստեղծ և անդ ազատութի նորա գործ մի՝ որ ոչ էր անուանեալ . եւ ստեղծութիւն անչափ բարկութիւն , փոխանակ ընդ միոյ պատժի զոր պարտէր նա, եւթն պատիժ ժրս եդ 'ի վերայ նորա : Զի աստի եդ անձն զայս , զի ամենայն յորժամ գտցէ ժպրհութի համարձակութեան յաշխարհի մեղք՝ որ ոչ անուանեալ յառաջ քան զնա , անչափ պատիժս ընկալցի :

Եւ ուր է այն՝ զի ասէ «Ապականեաց ամենայն մարմին զճանապարհս իւր , և ջնջեաց զնոսա ջուրքն հեղեղօք » : Եւ սողունայեցիքն , և որ զաշտարակն շէնէին , և տունն կորխայ . և յետ ժամանակի նոյն իսկ պաշտեցաւ 'ի մէջ մարդկան : Եւ զայն նոր հաւ տուցումն փրիժուց , զոր ընկալան այնդիկ որ գտին ըզմեղս , ոչ ած ստոյգն 'ի վերայ առնելեաց խարդախութեցն : Նոյնպէս և արդարութի , որ 'ի մի մի ստուգաց անտի որ եգիտ անձին իւրում արդարութի՝ որ յառաջ քան զնա չէր երևեալ , ընկալաւ զհատուցումն որ յառաջ քան զնա ոչ էր անուանեալ . Եւ նովք , Նոյ , Մեղքիսեդեկ , Աբրաամ , Մովսէս , Եղիա և տունն Դանիէլի , այլովքն հանդերձ : Բայց Յոյնն՝ «Ամենայն սպանող կայէն ընդ միոյ եւթն կացուացէ» , այս ինքն հատուացէ . կամ զեւթն պատիժսն լուծցէ որ եկին 'ի վերայ նորա եւթն յանցանաց . այս ինքն , այս առաջին նախանձն , զի ոչ եղև ընդունելի պատարագն որպէս եղբօրն իւրոյ . երկրորդ՝ նենգութի , յայնմիկ զի ասէ «Եկ երթամք 'ի դաշտ » . երրորդ՝ սպանութի . և չորրորդ՝ զի զեղբայրն իւր եսպան . հինգերորդ՝ զի նա եղև սպանող առաջին . վեցերորդ՝ սուգ և տրտմութի հարցն նորա . եւթներորդ՝ զի ստեաց այ . և ընդդէմ այսորեկ եկին հասին 'ի վերայ նորա եւթն պատիժ : Առաջինն՝ անիծեալ լիջեր դու յերկրէ . երկրորդն՝ մի յաւելցէ քեզ տալ

զգօրուծի՝ երրորդ՝ երեքու մէջ հանապազօրէ . չորրորդ՝ տատանու մարմնոյ . հինգերորդ՝ զի օտարացաւ նա յընտանութիւնն անոր : «Յերեսաց քոց , ասէ , թագուցեալ իցեմ ,» . վեցերորդ՝ նշանն զոր եղի ի վերայ նորա . եւ թներորդ՝ սահմանն օր եղև ի մէջ նորա և ի մէջ հարց նորա , զի օտարացաւ նա յընտանութենէ առաջին համարձակութիւն :

Ի այց դարձեալ զի Կայէն յեւթն դար հատուցէ՝ ողորմութիւն տուան նմա այս , զի մի անցցէ խրատ նորա այլ ևս քան զեւթն դար . իբրև զայն զի ասէ «Մինչև յերիս և ի չորս դարս հատուցանէ ատելեաց իւրոց ,» . ողորմութեց է : Թէ այդ այդպէս է , և այս Կայէնիս՝ զի յեւթն դարս հատուցէ : Եւ զի բարեղջ լուաւ զնա Ղամէք . զի և ի նմա յետ եւթն եւթանասնեկին ողորմութիւն լինին ի վերայ նորա : Եւ այն զի խոստովանեցև յասելն իւրում «Մեծ են յանցանք իմ քան զնրել թողութեան ,» . այս ինքն զի մեծացոյց նա զյանցանս իւր քան զողորմութիւնն անոր , յայտարար՝ զի թէպէտ և ճշմարտիւ մեծ են յանցանք նորա , սակայն քան զողորմութիւնն անոր փոքր են : Եւ իմ մեծ են . այլ այնուիկ զի ընդ միոյ եւթն խնդրեաց : Ահա լքեալ թողեալ ես դու իբրև զհայրն քո , զի բարձրացաւ ի վերայ իմ . և զի առ օրին հրամայեցի ես մեռանել նմա , և ահա կեայ : Եւ հայեցաւ Կայէն , ետես թէ քան զհօրն իմոյ մեծացան յանցանք իմ , իբրու քան զայն ոչ էին մեծ . ապա եթէ ոչ ընդէր ասէ՝ ոչ ողորմի ինձ : Արդ Ադամ բարձրացաւ ի վերայ անոր , և Կայէն օրդի նորա ի վերայ ծառային անոր . իսկ Սէթ եղև հիմն ազգին արդարոց :

Եւ եղի ի Կայէն նշան՝ զի մի ոք իշխեսցէ տալանաւ նել զնա , այնպիսի որ գիտէին զնա՝ բայց երկիրն Նայիգ . այն իսկ է զի երերէրն և տատանէրն . և նշանն զոր եղի ի նմա օտար է եւթն պատժոցն : Եթէ մեռեալ էր Կայէնի՝ զոր խնդրեաց նա , զոր մարդիկ երկեցուցանէր նովա . այլ զայս ասացուք , զի եթէ ի վերայ եւթն դարու Կայէնի ձգեցան յանցանք նորա , ընդէր ոչ արար յայտ . զի այն որ ասաց զԱդամ՝ «Սնիծեալ լիցի երկիրն վասն քո , կարօղ էր ասել զԿայէն , անսիծեալ լիցին ծնունդք քո վասն քո . և

այն որ եթող զՔամ և անէծ զՔանան , կարող էր անիծանել զազգն Կայէնի՝ Կայէնիւ Հանդերձ : Նա և կարեմք իսկ ոչ մեք ցուցանել՝ եթէ եւթն դարք նորա ընկալան զպատիժս նորա , զի ոչ է գրեալ թէ Հատուցի նմա եւթն դարովք իւրովք Հանդերձ . այլ «Կայէն , ասէ , ընդ միոյ եւթն պատժեսցի» : Նա և ինքն իսկ անիծաւ , և նա ինքնին եղև երերեալ , և 'ի նմանէ եղաւ նմա նշան , և ոչ 'ի զաւակի նորա . վամն այսորիկ 'ի վերայ նորա ասացեալ էր ընդ միոյ եւթն : Զի ահաւանիկ որդիքն Յոբէլայ և Յոբաղայ թէպէտ և եւթներորդք էին 'ի Կայէնէ , սակայն քանզի և նոքա ծնան՝ եղեն որդիք նոցա ութերորդք : Բայց արդ Ադամաւ և Կայէնիւ Հանդերձ տամներորդք էին . զի են դարքն այսպէս . Ադամ , Կայէն , Ենովք , Դեդադ , Միէլ , Մաթուսաղայ , Ղամէք , Յոբէլ և Յոբաղ , որդիք նոցա ութերորդք . բայց որդիք նոցա ընակելէք վրանաց իններորդք . և ակայազունքն տամներորդք :

Աստիանեցաւ այն՝ զի ասէ եւթն . զի ասացաւ Կայէնի ընդ միոյ եւթն , ինքն ած զայս 'ի վերայ իւր . զի եթէ լռեալ դադարեալ էր նորա յետ առաջին պատժոցն , 'ի նշանէ անտի և յայնմանէ զի ասէր ընդ միոյ եւթն տուժեսցի՝ ապրէր նա : Այլ զի խնդրեաց նա իւր մահ զի ապրեսցի 'ի պատժոց անտի ստուգուժե , ասէ ցնա ընդ միոյ եւթն . իբրև յաւելաւ նմա նշանն ևս , փոխանակ զի խնդրեցեր դու մահ , եւթն դար եկեսցեն և տեսցեն զվատթարութի աւարդանաց քոց : Բայց հերբայեցի՝ «Եւ եդ տէրն ըլան 'ի Կայէն» . այս ինքն զի պատուիրեաց նա զի մի ոք իշխեսցէ սպանանել զնա յառաջ քան զայն եւթն դարն : Արդ ոչ եթէ 'ի նմա եդ զնշանն , այլ զնա եդ նշան պատժովք իւրովք յայն՝ զի մի ոք սպանցէ զնա . «Ամենայն որ գտցէ զիս՝ սպանցէ զիս» : Ոչ . ասէ ամենայն սպանող մեռցի . բայց Կայէն ընդ միոյ եւթն տուժեսցի : Բայց Սիմաբոս ասէ . «Կայէն եւթն դար տացէ զդատապտօնս» . և Թէոդօտոն՝ «Կայէն եւթն դար հատուցէ» :

Բայց դարձեալ ասացուք . զի եթէ չէր խառնեալ ազգաց նոցա , 'ի վերայ եւթն դարու նորա

ձգեալ լինէին պատիժք նորա և կիրք . զի համարեցան մինչև ցեւթն և լուեցին . զի յայտ արասցեն եթէ այս դարձ տան նշան Վայէնի՝ զի կեցին յետոյ վասն անօրէնութեան որդւոցն Սէթայ մնացին . և վասն այնորիկ եղև երկայնմտութի վասն սոցա և 'ի վերայ այնոցիկ . զի եթէ ըստ հրամանի դատակնքին լիեալ էր, եւթներորդ գարու անդ լիեալ էր նոցա սատա կումն որդւոցն Վայէնի : Եւ զի փոքր էր նա և չէր բաւական եթէ միայն ընկալցի նա զպատիժս յանցանաց իւրոց , ձգեցան 'ի վերայ եւթն դարուն . զոր օրինակ ձգեցան պատիժքն Ադամայ 'ի վերայ ծնունդոց նորա : Եւ զոր օրինակ ընկալաւ զպատիժս 'հաքովրայ կին իւր և որդիք և ստացուածք իւր , և զԱբայարու եւթանասուն որդիք նորա , և զՍաուդայ եւթն որդի նորա , սոյնպէս և զՎայէնին : Թէպէտ և այսպէս ասացաւ , սակայն ոչ եղև . զի ոչ եկն 'ի դարու անդ եւթներորդի հատուցումն յանցանաց նորա . և 'ի տասներորդի անդ զի եկն , Վայէն ոչ էր կենդանի : Իսկ զիարդ ապրեցաւ 'ի պատժոց անտի գործիչն սպանման , և եկն հատուցումն նորա 'ի վերայ այնոցիկ՝ որ ոչն գիտէին . և ուր է այն զի աւսէ , Վայէն ընդ միոյ եւթն տուժեսցի . զի ըստ գրոց ընդ նոսին իսկ ընդ դարս իւր տուժելոց էր : Արդ զիարդ ապրեցաւ Վայէն 'ի Զհեղեղէ անտի . այն զի վասն նորա իսկ եղև , և մաշեցան նովաւ որդիք Սէթայ , այնոցիկ՝ որք ոչ գիտէին զնա : Ապա եթէ 'ի տասներորդ գարու անդ եղև Զհեղեղն , և Վայէն ոչ էր կենդանի , յայտ է թէ վասն անօրէնութեան որդւոցն Սէթայ մնացին երեք դարքն Վայէնի :

Եւ որամանգեցաւ Ղամէք խրատուն իւրով՝ որ առ կանայս իւր՝ խառնել զազգն , որ որիչ էին յաւուրց անտի Վայէնի և Սէթայ : Ետեսնա թէ Վայէն կենդանի է , և որդիքն Սէթայ խառնել ընդ նոսա ոչ կամէին , զի այսն կատակաւնաց լեալ էին ազգն նոցա վասն Վայէնի : Եւ զի բարձցէ 'ի նոցանէ զնախատինսն , ըստնմին հօրն որդին դողդոջէր . այն էր «Երիտասարդ 'ի ցաւս» : Սպան Ղամէք զՎայէն և զորդի նորա կրտսեր , զոր ծնեալ էր նորա ըստ նմանութեան պատկերի կերպարանաց իւրոց . զի մի յիշեսցեն զՎայ

էն 'ի պատճառս նորա . զի այնու գործով հաճոյ լինիցի նա որդւոցն Սէթայ . ահաւասիկ , ասէ , ինդրեցաւ վրէժն 'ի Կայէնէ : Եւ ապա ետ խրատ կանանց իւրոց զարդարել զդասերս իւրեանց . յայնմ հետէ ասէ զի Կայէն մեռաւ՝ յորժամ տեսանիցեն որդիքն Սէթայ զգտներս ձեր , հաւանեցին խառնել ընդ նոսա . և 'ի պատճառս նոցա ապրիմք մեք 'ի բարկութէ անտի , որ գալոց են 'ի վերայ մեր 'ի պատճառս Կայէնի : Յորժամ ասէ “Աշա և Սեղա լուարուք ձայնի իմում” , ոչ ահա յայտ է՝ զոր օրինակ որ զի հաւանեցուցանէ և խրատէ 'ի գործել ինչ մի . այսպէս յայտ առնէ բան նորա՝ զի ասէ “Լուարուք ինձ և անսացէք ինձ” , . այս ինքն զի պաճուճեսցեն և զարդարեսցեն զգտներս իւրեանց , և ուսուսցեն նոցա երգս և մոլորութիս պղծութե : Զի Յորէլ արար վրանս . “Եւ է , ասէ , հայր այնոցիկ՝ որ բնակեալ են 'ի վրանս խաշնարածաց” : Եւ Յորաղ ուզոյց զերգս արուեստականաց . “Եւ եղև , ասէ , հայր այնոցիկ՝ որ ցուցին զերգս և զքնարս” , : Եւ Թորէլայ կին կազմեաց զփողս . “Եւ եղև , ասէ , ճարտարապետ ամենայն գործոց պղնծոյ և երկաթոյ” , : Եւ Նաեմաս ուսոյց զարդ և հիւսս դստերաց նոցա . և կացուցին զնոսա ըստ խրատուն Ղամբայ , որպէս և զմադիանացիսն , և գերեցան :

Եւ քանզի որդիքն Սէթայ կոչեցեալ էին որդիք ան , սկսան , ասէ , կարդալ զանուն տեառն ան . իբրև զայն զի ասէ “Ասացի բամ անձք իցէք” : Եւ որդիքն Կայէնի կոչեցան մարդիկ . սակայն անձ յազգարդաւոց է : Եւ իբրև խորամանկեցին հարեցին տունն Կայէնի և գրգռեցին յօժարեցուցին զորդիան Սէթայ , և առին իւրեանց կանայս յամենայնէ զոր ընտրեցին , վասն այնորիկ ջնջեցան նոքա վերին և ներքին ջուրքն . իբրև զայն զի ասէ “Խորք խորոց կարդացին առ քեզ” : Եւ փոխանակ զի արբին նոքա յօտար աղբերէ , ընկալան նոքա զհատուցումն ջուրքն օտարոտեօք : Վասն այնորիկ “Արբես ջուր 'ի քոց աղբերաց , և 'ի քոց վտակաց զեղցին քեզ ջուրք քո” , և Դաւիթ ասէ . “Փորձեցին զնա 'ի վերայ ջուրցն հակառակութեցն” , . այս ինքն զՅովսէփ

ի ձեռն տիկնոջ իւրոյ : Կամ զԿայէն միայն եսպան , զԿայէն ի վէրս և յապտակս . որպէս և ինքն Ղաւմէք պատմեաց առաջինոցա ՚ի զղջանալ անձին իւրոյ : Եւ իբրեւ մեղ զնէին նմա կանայք իւր , ասէ ցնոսա . Թէ նա զարդար եսպան՝ եւ թն դար տուծեցաւ , ես զի սպանող սպանի՝ եւ թանաանեկին եւ թն տուծելոց իցեմ : Դարձեալ ասէ . զի ոչ եւ թէ սպանանելով եսպան , այլ զի գիտաց և իմացաւ զգալ ջրհեղեղին . ինքն Ղաւմէք զի ասացեալ էր յայնմանէ զի ասէ , յեւ թն հատուցուին վրիժուց տուծեցի . և յայնմանէ որ քարոզեցաւն ՚ի ձեռն Նոյի : Եւ ծընունդ Կայէնի սակաւ էր , և նորա ծնունդք թազում էին , զի մի մի ծնանէին . և նա ծնաւ իւր չորս . իբրեւ ոք զի տրսնջէ , ասէ . այր սպանի ՚ի վէրս ինձ , զի Կայէն ընդ միոյ եւ թն հատուցանելոց է , և Ղաւմէք իւ թանաստուն և եւ թն վասն ջուրցն հեղեղին , զի եկն և ջնջեաց զգաւակ նորա :

Ղարձեալ լսի թէ արդարեւ սպան , որպէս ինքն վկայեաց . և առ նա մսիթարել զկանայս իւր՝ թէ զայն ինչ զոր արարի ես , ոչ վասն վիրաց իմոց և ոչ վասն հարուածոց իմոց . զի եւ թէ Կայէն՝ զի նա եղև առաջին սպանող և զեղբայր իւր զարդար եսպան՝ եւ թն դարս պատծեցաւ , զվրէժ իւր հարկ է և Ղաւմէքայ հատուցանել եւ թանասնեկին եւ թն : Իբրեւ այն զի ասէ “Եղիցի խաղաղութի և ճշմարտութի յաւուրս իմ” . եբրայեցի ասէ . “ Զի ընդ միոյ եւ թն հատուցուին հատուցաւ այս Կայէնի” : Ինքն Թորեկայ կինն ասէ որդւոյ Ղաւմէքայ՝ սպան զԿային . զի Թորեկայ կինն սատակիչ Կայէնի թարգմանի ՚ի հեբրայեցւոց բարբառոյ անտի : Բայց դարձեալ թէ նա ըսպան զԿային , և ոչ զի յեւ թն դար ջնջեցաւ նա . այլ թէ արդարեւ ճշմարիտ սպան Ղաւմէք այր և երիտասարդ , որպէս և յայտմ երեսս վկայեաց , բայց ոչ էր վայելուչ զի ՚ի ջրհեղեղէ անտի լուսացին մեղք նորա եւ թն դարուն ժամանակի . քանզի ՚ի ձեռն տեառն մերոյ ջնջեցան մեղքն նորա , եւ գտանեմք մեք զայս յերկրորդեւ ազգացն Ղուկայ աւետարանագրի , զի յեւ թանաստուն և եւ թն դարու ծնաւ տէր մեր քաւիչ ծննդոց Ադամայ :

Առաւել զի ծնաւ ըստ պատկերի կերպարանաց իւրոց, զի եղիցի պատկեր Ագամայ երկրորդի՝ սկիզբն առաջնոյ . և փոխեցաւ պատկերն Ագամայ առաջնոյ՝ ի ծնունդաւ երկրորդ Սէթայ : Ենովք ռոտուգուծք իւրով գազանացաւ ի վերայ մահու և յաղթեաց նմա, և սաստկացաւ ի վերայ նորա և կոխեաց, զի հայեցաւ նա ի միտս իւր և ասէ . Թէ արդարեւ ճշմարիտ տուեալ էր Ագամայ անմահուծի, հաճոյ եղէց ես . և յայսմ հետէ և անդր տեսից թէ արդարեւ յաղթահարելոց իցէ մահ, և ես մտանելոց իցեմ ի դրախտն փափկուծի : Արդ զոր օրինակ յափշտակեցաւ Եղիա ել՝ ետես Եղիշէ . նոյնպէս յափշտակեցաւ Ենովք և ետես Ագամ . զի մի կարծիցի թէ որպէս Հաբէլն սպանեալ է, և ոչ է ի միջի : Իբրեւ ոչ գտաւ Հաբէլ ի միջի, կարծեցին տունն Ագամայ թէ ի դրախտ անդր յափշտակեցաւ . որպէս խաբեաց զնա Կայէն յասել անդ իւրում . ընդունելի եղև պատարագն նորա և յափշտակեցաւ : Եւ եղէն վկայք Ագամ Ենովքայ վասն Կայէնի սպանողի, և Եղիշէ Եղիայի վասն Յեզաբէլի սպանողի : Արդ Ենովք և Եղիշա ի դրախտ անդ մտին . և զի ելին երկուք՝ որ յանցեան, մտին որ առաքինացան . զի յամօթ լիցի Ագամ . զի զինուն որով պարտաւորեցաւ Ագամ, նովին յաղթեցին նոքա : Եւ զի մտին յառաջ քան զտէր մեր ի դրախտ անդր, զի զմեզ յանդիմանեցեն . զի ոչ եթէ բռնուծիւն տէրուծեան տեսաւ մերոյ միայն երաց զնա իբրեւ զած, այլ թողմակիցք մեր, զայն աեղի՝ որոյ գուռն սայր սուսերի էր :

ԳԼՈՒԽ Դ

Եւ զի եղև նոյ հինգ հարեւրամեանի և ոչ ամուսնացաւ, երկեաւ զի մի ծնցի որդիս և պղծեացին նոքա ընդ դատերսն Կայէնի, զհինգ հարիւր ամ պահեաց նա զկուսուծի . քանզի որդիք այ կոչեցան . զի ամփոփ էին կեանք նոցա, որ մինչև ցինն հարիւր ամ յաւնուն հոգւոյն անուանեցան : Վասն այսորիկ ի Ժամանակի իբրեւ ամփոփեաց առ ինքն զկեանսն, զի

եղիցի յինն հարիւրամեան Նոյի՝ ի հարիւր և ՚ի քսան . ասէ “Մի բնակեացէ հոգի իմ՝ ի մարդիկ մինչև յաւիտեան ,” : Եւ զի ցուցցէ զսէր իւր առ Նոյ , միում յորդւոց անտի նորա աւելի քան զհարիւր և զքսան ամետ նմա կեալ ստուգութեամբ : Հրամայեաց , և ողորմութեամբ լոյծ զնոյն . այլ ոչ մինչև յինն հարիւր ամ , և ոչ դարձեալ ՚ի հարիւր և ՚ի քսան միայն . յայնմիկ զի անցուցանէ նա քան զհարիւր և զքսան ամ անդր՝ յայտ առնէ զողորմութի գթութեան իւրոյ . և յայնմիկ զի ոչ հասուցանէ զնա յինն հարիւր ամ՝ քարոզէ զստուգութի արդարութեան իւրոյ :

Սիտ դիր դու ՚ի նմին կարգի ընթերցուածոյ . “Եւ ասէ մի մնացէ հոգի իմ՝ ՚ի նոսա յաւիտեան ,” : Քանզի այս ուխտ լինալ էր՝ թէ յաւիտեան բնակեացէ . փոխանակ այնր զի ոչ կամեցան նոքա , և ասէ “Մի բնակեացէ հոգի իմ՝ ՚ի նոսա յաւիտեան ,” . մի կեցցեն և նոքա մինչև յաւիտեան , այս ինքն զամենայն զկեանսն իւրեանց . այլ եղիցին աւուրք կենաց նոցա հարիւր և քսան ամ : Արդ զի ասէ “Մի բնակեացէ հոգի իմ՝ ՚ի նոսա յաւիտեան ,” , այս է . զի մի ընդերկայնեցին աւուրք կենաց նոցա յաշխարհ . զի հալածեցին զհոգին զի մի բնակեացէ ՚ի նոսա յաւիտեան , հալածեցաւ ՚ի նոցանէն կենդանութի իւրեանց , զի մի բնակեացէ ՚ի նոսա յաւիտեան : Չինի յանցանացն եկն եհաս վրէժխնդրութի իբրու զուգեալ էր ընդ նմա թիւրութի . ոչ բնակեաց հոգի իմ՝ ՚ի ձեռ յաւիտեան , մի բնակեացէ ՚ի ձեռ կենդանութի ձեր յաւիտեան :

Ի՞նչ “Եղիցին աւուրք կենաց ձերոց հարիւր և քսան ամ ,” . զայս քարոզէր Նոյ , զի գործ տապանին տուաւ նմա : Վաստակեցին աշխատեցան ՚ի գործ տապանին , և այսն կատականաց առնէին զփրկութիւն նորա : “Չղջացաւ , ասէ , տէր անձ” զի արար զԱդամ ՚ի վերայ երկրի , զի մեք ՚ի միտս մեր զղջացուք և աշխատեցուք . զի եթէ անձ վասն մեր զղջացաւ , որչափ ևս առաւել մեք վասն անձանց մերոց : Զի թէ արդարեւ զի արար զԱդամ՝ զղջացաւ նա , ոչ պահէր ՚ի տապանի անդ մնացորդս ՚ի զաւակի :

նորա ։ Յայնմիկ՝ զի ապրեցոյց զՆոյ , յայտ արար զի զմեղաւորան կամեցաւ զղջացուցանել . և այն զի ասէ՝ քանզի են նոքա մարմին , փոխանակ զի եղեն նոքա 'ի միտս մարմնոյ . «Խորհուրդ մարմնոյ , ասէ , թշնամուի է առ յաժ , » . և «Մարմին և արիւն զարքայուի նոյ ոչ ժառանգեն , » : Եւ զի երկայնամիտ եղև և ներեաց նոցա , մի՛ զի ապաշխարեսցեն , և երկրորդ՝ զի մնայցեն արդարքն 'ի միջի նոցա . զի նոքօք դատապարտեալ լիւ նին , և յազեալ լիցին արդարքն կենօք իւրեանց : Եւ զի մի ասասցեն մեղաւորքն , և սոքա զի ոչ խառնակեցան , թէ այդ այդպէս է ընդէր ոչ եթող զնոսա , և սուտ լինիցի յաչս նոցա դատակնիքն :

Տես դու որչափ կողմանք են հարիւր և քսան ամին . հայեաց դու 'ի Նոյ զի հինգ հարեւր ամ համբեր յամուսնութէ : Յամութ եղիցի Մարկիոն , զի ասէ՝ 'ի տեառնէ և այսր եղև այս ամենայն սրբութիւն , և ոչ ևս այլ աւելի : Սոյնպէս և Ենովբէ : Եւ այն զի ասէ «Զղջացաւ տէր աժ : » , զի ցուցցէ մեզ զի ոչ եթէ յայս իրս հեղձման հաստատեաց զնոսա , այլ յայն գրգուծի փափկուէ . բայց միւիթարեցաւ նա և ողորմեցաւ յայնմիկ՝ զի ասէ «Կնճիւն , ասէ , ամենայն մարդկան 'ի խնամս չարի հաստատեալ է 'ի մանկութէ իւրմէ , » . այս ինքն խորհուրդք նորա :

() Գործս բարեղքս Նոյի ըստ ծննդոց նորա կարգեցին գիրք . «Եւ էր Նոյ , ասէ , այր արդար և կատարեալ յազգի անդ իւրում . և հաճոյ էր Նոյ նոյ , » : Իբրև զայն զի ասէ «Ծնաւ Նոյ զՍէմ գրգամ և զԱբել , » , թուեաց նախ զծնունդս հոգւոյ , և ապա համարեցաւ զծնունդս մարմնոյ : Տես որչափ մեծ է Նոյ , զի՛ արգել և եհատ զանձն իւր 'ի ցանկուեցան տիգարուն այնորիկ զհինգ հարիւր ամ . և որդիք դարուն իւրոյ զի ոչ ետուն տեղի և բնակուի զգաստուէ 'ի մարմինս իւրեանց , ոչ տուաւ նոցա յարկի տեղի 'ի տապանի անդ՝ որ լի է զգաստիւք : Գտաւ տեղի յարկի Նոյի 'ի տապանի անդ , զի արար նա տեղի զգաստութե 'ի մարմինս իւր : Բնակեցոյց զնա աժ յարկս տապանին , փոխանակ զի բնակեցոյց նա զգաստութիւն յանդամն իւր . զգաստութիւն որ հեղձաւ յամենայն մարմինս , 'ի մարմին Նոյի հանգեաւ . հան-

գեաւ նա 'ի ծոց տապանին : Եւ փոխանակ զի ոչ յաղթահարեցաւ յանդամս մարմնոյ , յաղթեաց նա յարկս փայտեղէնս . մինչ չև արարեալ էր զտապանն 'ի պահպանութի մարմնոյ իւրոյ , արար զգուշութի պահպանութե մտաց իւրոց : Ստուգութե արդարութեամբ պահեաց զնա անձ , զայն որ յառաջ քան զպահելն ան ինքն եղև պահապան անձին իւրոյ . զի պահեաց նա զմիտս իւր , զի մի հեղձեալ լիցի նա 'ի ցանկութե . պահեաց զմարմին նորա , զի մի հեղձեալ լիցի նա 'ի ջուրց անտի հեղեղէ :

Ստատկեաց կորոյս անձ զամենայն մարմնս զայնոսիկ՝ որք յառաջագոյն կորուսին զանձինս իւրեանց : Ոչ եղև անխայուծի յայ 'ի վերայ այնոցիկ , որք ոչն արարին անխայուծի 'ի վերայ անձանց իւրեանց . բայց ինայեաց և կարճեաց զկեանսնոցա , զի որպէս զպարանո երկայնս երկայնէին զմեզս իւրեանց : Երաց զհոսանս 'ի ներքուստ և 'ի վերուստ , զի շիջուցէ զհոսն՝ որ 'ի միջոյնոցա վառեցաւ բորբոքեցաւ 'ի նոսա : Բազմացան ջուրքն , զի բազմացաւ ցանկութի ըստ հրոյ , շիջուցիչք նորա . ծածկեցան լերինք ջուրքք , զի ծածկեաց ցանկութիւն զամենայն մարմին : Ծածկեցան լերինք՝ զի մի ոք գացէ իւր դադար 'ի վերայ երկրի , փոխանակ զի ոչ գտաւ սրբուն 'ի նոսա տեղի բնակութե : Տկարացոյց 'ի ներքոյ իւր տապանն՝ Նոյի զալիսն , փոխանակ զի տկարացոյց համբերութի Նոյի զալիս պէսպէս ցանկութեց : Վերացաւ բարձրացաւ տապանն Նոյի 'ի վերոյ քան զամենայն իրս փնասակարս , զի ոչ հնազանդեցան խորհուրդք նորա լինել ներքոյ քան զխորդուումն մարմնոյ : Բնակեցոյց անձ զՆոյ 'ի փայտեղէն ապարանն , փոխանակ զի բնակեցոյց նա զԱստուած 'ի տաճար մարմնոյ իւրոյ :

Պաշտեաց նա զանձ որպէս քահանայ , որպէս բնակեալ էր 'ի նմա անձ : Պաշտեաց զնա բերան աղանուոյն 'ի պտուղ ձիթենոյն՝ խորհուրդ քահանայութե . այս ինքն է զի ոչ մեղան նմա գաղանքն որ բնակեալ էին ընդ նմա յարկս փայտեղէնս , փոխանակ զի ոչ փնասեցին նմա ցանկութե որ բնակեալ էին ընդ նմա յանդամս մարմնոյ նորա : Մի զարմանար դու ընդ առեւծս որ

բնակեալ էին ընդ նմա և ոչ ապականէին զնա, այլ յոյժ զարմացիր դու ընդ խտրղտումն որ բնակեալ էր յանդամս նորոս և ոչ ցնասեցաւ նա: Եւ մի զարմանար դու զի մերձեցաւ մատակ առեւծ ՚ի մարմինս նորա և ոչ ապականեաց զնա, այլ զարմասլիր դու ընդ ցանկուծի մարմնոյ նորա՝ զի ՚ի մարմին նորա ոչ մերձեցաւ: Մի զարմանար դու զի ոչ մեղան նմա գազանք ապականիւք՝ որ յամենայն կողմանց շուրջ պատեալ էին զնովաւ: Եւ ընդ այն զարմասլիր, զի ոչ գայթաղեցուցին զնա կանայք պղծալիցք գայթաղեցուցիւք՝ որ յամենայն կողմանց շուրջ պատեալ էին զնովաւ:

Միջուծին հնազանդեաց զգազանս, և ազատուծի զցանկուծին. արար անձ զայն որ նյն էր, և արար մարդն զայն որ մարդոյն էր. հնազանդ արար նմա զգազանսն զայնոսիկ՝ զոր ինքն հնազանդել ոչ կարէր. և հնազանդեցոյց ինքն զցանկուծին զի կարող էր հնազանդել զնոսա: Սոյնպէս և տունն Անանիանց առ հուրն. և զի ասէ «Հանդերձք նոցա ոչ այրեցան», զի ոչ եծէ վասն ցանկուծե զարդարէին նոքա. և զի ոչ քաղցրացաւ նոցա հոտ խորտկաց թագաւորին, հոտ հրոյն ոչ մերձեցաւ ՚ի հանդերձս նոցա. ոչ տիրեաց ՚ի վերայ նոցա կռապաշտուի պատկերին, վասն այնորիկ և ոչ հուր հնոցին: Եւ ոչ Նոյի մեղան աղբերք որ բղեւեցին, փոխանակ զի եխից նա զաղբէր ցանկուծե. և ոչ զԴանիէլ ապականեցին առեւծքն ՚ի գրի անդ, զի պահեցին զնա աղօթք իւր որ ՚ի պաշտգամի անդ: Զի եծէ կանայք բռնուծի բռնադատեալ լինէին, իսկ կանայք տան Նոյի զիւրդ ապրեցան: Եւ եծէ հրեշտակք ցանկացան դստերաց մարդկան, զինչ առնէին կանայք տկարք. զի բռնուծի խիստ բռնադատեաց զնոսա: Այլ ահա ասէ գրեալ է. «Ամենայն որ մտաբերիկ լինի յանասուն» մեռցի. և ինքն անասունն քարկոծ լիցի», զինչ մեղաւ անասունն. այլ զի մի յիշեսցի ՚ի միջի նոցա իրքն այն: Բայց անդ զի յայտ արասցէ թէ մարդիկ են նոքա, ասէ. «Ապականեաց ամենայն մարմին զճանապարհ իւր», Ապա թէ յայնժամ գոյր ՚ի նոսա ցանկալ և այսօր ոչ. թէ այդ այդպէս

է, թերի ուրեմն էին և արդեղեն կատարեալք : Ո՛ր պատճառք արար զնոսա կատարեալ, զի այլ մի ևս ցանկասցին կանանց : Եւ եթէ մեք, որ արժանի լինին, նոցանմանեմք 'ի յարութեանդ մեռելոց, որ չափ ևս առաւել նոքա : Եւ եթէ յայնմանէ զի ծընան սկայքն, ահաւասիկ յետ ջրհեղին գտան սկայք բազումք . մի՛ զոր Մովսէսն ասաց, ասէ "Ինչ կանգուն էին մահիճք նորա երկաթիք ըստ կանգնոյ հրակայից՝ Ովք" . և երեք այլ ևս զորս Յեսու որդի՝ Նաւեայ եսպան . և երկու այլ ևս, զոր սպան Դաւիթ զԳողիադ և զայն՝ որոյ վեց վեց մասն էր :

Իբրեւ, լուաւ Նոյ զի ասէ "Ահաւասիկ, ասէ, ածեմ ես ջուր ջրհեղեղի", դողացաւ և խռովեցաւ սիրտնորա : Ասէ ցնա . "Այլ հաստատեցից կացուցից զուխտ իմ ընդ քեզ" : Ոչ եթէ նա մեկնեաց նմա զսուրբն 'ի պղծոյ անտի, այլ զայնոսիկ որ ըստ սովորութեան ոչ լնուին զպէտս իւրեանց 'ի նոցանէ՝ զազրանային և գարշէին 'ի նոցանէ, զնոսա կարդաց պիղծս . և որք ընդունելի էին մտաց նոցա, զՆոյէ ասեմ և որ իբրեւ զնայն էին, զնոսա անուանեաց սուրբս : "Եւթն եւթն, ասէ, որ 'ի սրբոցն են", . յայնցանէ որք ոչ ուտիցեն զմարմինս ընկերաց իւրեանց, իբրեւ սուրբս անուանեաց զնոսա . և զապականիչ՝ իբրեւ պիղծս : Որպէս և մեք կարդամք զգազանս չարս, վասն փնասուց նոցա կարդամք ցնուսա չարս . բայց զխոյս գառինս ոչ կարդամք չարս : Եւ հարկանօղք են նա և ցուլք, և ուղտք և ձիք փնասեն . թէ կարդամք զնոսա հարկանօղ կամ ուղտ մարդառու, միռմն կարդամք և ոչ եթէ ազգին առնայն ուղտուց . զի և այն մին յորժամ ապականէ իբրեւ զպիղծս զայնոսիկ՝ այս ինքն ապականիչս, ապա անուանի յայս անուն :

Եւ եթէ ասիցես զինչ անուն նմա է պիղծս առապականիչսն . զի անուն պղծոյ առ այնոսիկ որ ոչն ուտէին՝ զինչ նման է . արժան էր ասեն՝ չեն պիտանացու, կամ չեն ընդունելի . զի պղծութի 'ի մարդկանէ ծնանի : Եւ եթէ յանուն պղծոյ անուանեցան՝ գիտաւջիր դու զինչ են պիղծք, եթէ ոչ սպանիչք այսօրիկ . զի և նոքա յանուն գազանաց ա-

նուանեալ էին . և զոր օրինակ անուանեցան նոքա յանուանս գազանաց , սոյնպէս և գազանք անուանեցան յանուանս նոցա . սոյնպէս և սուրբքն յանուանս գառանց¹ , սոյնպէս և աղաւնիքն և գառինքն յանուանս սրբոցն : Իսկ ընդէր այսպէս . այլ 'ի սկզբանէ սուրբս զայնոսիկ պատրաստեաց զնոսաւնձ . սոյնպէս և յաւուրս Նոյի : Եւ եթէ ոչ հաւատաստես որ ազգ բազում են , այնոցիկ որ ուտին , թէ այնոցիկ որ ոչն ուտին . հաւանեա դու 'ի տեսանելոյ անտի և ոչ 'ի բանէ :

Եւ այնոցիկ որոց միսն էր կերակուր նոցա , որպէս գազանաց անապատի , զիմորդ կերակրէին սոքա . այլ որ արար խաղաղութի 'ի բնութի նոցա 'ի ժամանակի իբրեւ մտանէին 'ի տապան անդ , նա ետ սահմանս որկորստութե նոցա : Եւ է դարձեալ հաւանել . զի 'ի ժամանակի իբրեւ ելին 'ի տապանէ անտի զիմորդ կարացին կեալ . զի երկու երկու զոյգ մտանէին պիղծքն , այս զի մի բազմասցին ապականիչքն . և սուրբքն եօթն եօթն , զի բազմասցին 'ի պէտս նոցա յորժամ ելանիցեն . զի 'ի նոցանէն մատուցանէր պատարագ նոյ : Եւ արդ հարկ է ասել՝ թէ առաջնորդութի նոյ լոյց յազեցոյց զնոսա մինչև բազմացան . և եթէ 'ի ցամաքի ելին բազմացան լցան 'ի տապանէ անտի , զիմորդ 'ի մէջ ծովուց 'ի կղզիս դրտանին . այլ զի յայտ արասցէ այնոցիկ որ տեսանեն զնոսա , զի և 'ի կղզիսդ գտեալ է արարչութի արարչին հոգեբարձութի նորա հանդերձ . իբրու այն զի ասէ « Բանաս զձեռս քո , լցուցանես զամենայն կենդանիս կամօք քովք » :

Ի՞նչ մտին գաղանքն ամենայն , զի բազմութիւնք առարածոց պահեսցին մարմնով , և խորհուրդ եկեղեցւոյ յայտնեսցի հոգւով : Եւ զոր օրինակ 'ի ձեռն Նոյի աշխարհ ամենայն ջուրք մեռան , սոյնպէս 'ի ձեռն տեսան մերոյ ամենայն հոգիք ջուրք կենդանացան . եղև առաջինն օրինակաւ , և վերջինն ճշմարտութի : Զոր օրինակ առաջինքն ջուրք մեռան , սոյնպէս և վերջինքս ջուրք կենդանացան . և զոր

¹ Յօրինակին գտնանայ :

օրինակ նոքա փայտին ապրեցան, սոյնպէս և սոքա խաչին ազատեցան : Եւ եթէ վառն զի ոչ կարէր արդարացուցանել զնոսա՝ հեղձոյց զնոսա, ահա փոխուան գազանացն բնուն զսրովէ զնոսա . և զի զքառասուն օր էջ՝ անձրեն 'ի վերայ նոցա և ապա հեղձան, զի կոչիցէ զնոսա յապաշխարութի՛ իբր զայն նինուէացւոյն . զի կարօղ էր 'ի միում ժամու ջնջել սատակել զնոսա : Այլ զի ասէ ցնա "Արա դուքեզ տապան", իբրու կարօղ էր նա պահել ապրեցուցանել զնա և առանց տապանին . զի այն որ պահեաց զՅովնան 'ի փոր ձկանն՝ դերեղման 'ի մէջ գերեղմանի, կարօղ էր նա զնոյ և որ ընդ նմա էին առանց տապանի ապրեցուցանել :

Արդ բացան զքառասուն օր արարածք ամենայն 'ի վերայ որդւոց մարդկան 'ի գալ հանապազորդ ջրհեղեղին, և սրբեցաւ յեւր քառասուն աւուրն 'ի պղծութէ անտի մեղաւորացն : Ապականեաց զնոսա 'ի քառասուն աւուր ստուգութիւն և արդարութիւն զայն՝ որ եղծին ապականեցին գործովք իւրեանց չարեօք . զկերպարանսն զոր նկարեաց 'ի քառասուն օր ողորմութիւն բարերարին, յամուսնութիւն արդարութեան նկարեաց զնոսա . և վառն հաղորդութե պղծութե եղծ և ապականեաց զնոսա : Ի քառասուն օր կատարեցան յորովայնի . 'ի քառասուն օր սատակեցան ջնջեցան յարարածոց անտի : Եւ զի տեսին 'ի հարիւր ամ զգործ տապանին և ոչ դարձան յապաշխարութիւն, տեսին զտանջանս իւրեանց զքառասուն օր և ոչ ապրեցան :

Այլ ո՞ր է այն զի ասէ . 'ի տեղւոյ որ ոչ են օրէնք, և ոչ այն որ անցանէ զնովաւ . զի ահաւասիկ աստ փութացաւ հատուցումն վրիժուցն, լուաց զաշխարհս 'ի յորդւոց 'ի մարդկանն : Այլ զի ուխտ եղեալ էր տանն Սէթայ զի մի խառնակիցին ընդ տունն Կայէնի, իբրեւ զայն՝ զԱբրահամուն, "Գիտեմ ես, ասէ, զի պատուիրելով պատուիրէ նա որդւոց իւրոց պահել զճանապարհս տեառն", սոյնպէս և եթէ քան զի հաստատեալ կապեալ էին նաքա 'ի սովորունն, և եղև սովորունն իւրեանց նոցա իբրեւ օրէնք : Եւ իբրեւ խտորեցան 'ի նմանէ, խնդրեաց 'ի նոցանէն զվրէժն

իբրև զանցաւորս օրինաց հարց իւրեանց . զի «Ապականեաց , ասէ , ամենայն մարմին զճանապարհս իւր » . այս ինքն զճանապարհս ամուսնութե . Նախ ՚ի սիրտ սկսաւ ցանկութիւն ապականել . ապա ապականեցաւ մարմինն : Փոխանակ զի հեղեղեցան անձինք նոցա ցանկութե , հեղեղեցան մարմինք նոցա հեղձմամբ : Փոխանակ զի արարին նոքա հեղեղ մեղաց , արար լծ զըհեղեղ : Եւ զի ելին ՚ի վերայ նոցա պատիժք ստուե , ընթացաւ ողորմութիւն , փոփոխեաց զգործ . և արար հեղեղ ջուրց ՚ի մկրտութի աւազանին , և հեղեղեցան և հեղձան մեղքն քաւութե թողուէն . զի փոյթ յոյժ եղև ողորմութե վասն մարդկութե . և եկն նա վասն կենաց նոցա , և ընթացաւ զկնի դար շապարացն մեղաց , զի սպառեացէ զնոսա . զի երթիցէ հասցէ մարդկան , զի օւնէր զնոսա ՚ի ձեռն մահու և մեղաց : Եմուտ ընդ ունկն , լուծաւ յարգանդի , և ել յորովայնէ , և շրջեցաւ յաշխարհի . եկն եհաս ՚ի խաչ , եմուտ առ մահ , թուոյց զմարմինս մարդկան ընդ երկինս :

Իբրև ետես եթէ հեղեղեցան մարդիկ ջուրք և հեղձան , երաց զմկրտութի աւազանի ՚ի կենան , և և եղև քաւութի նոցա : Եւ ետես եթէ այրեաց հուրն յերկնից զտոգոմայեցիան , առաքեաց զհուր իւր ՚ի վերայ առաքելոցն , և բնակեցոյց ՚ի նոսա զցօղն հոգեւոր . և ելին ՚ի մէջ հեթանոսաց , շիջուցին զհուրն կռաւ պաշտութեց՝ որ բնակեալ էր յարարածս : Եւ ետես զի թլփատէին զմարմինս իւրեանց ցաւօք , ուսոյց նոցա զի թլփատեսցեն զմարմինս առանց չարչարանաց : Ետես զի զոհէին զանասունսն որ ոչն մեղան փոխանակ յանցաւոր մարդկան , արար զնոսա զի եղիցին սուանց ապականութե պատարագել իմաստութե ըզկենան իւրեանց՝ պատարագ կենդանի սուրբ ընդունելի հաճոյ նյ և կենդանի պաշտօն : Պատարագ զոր մատոյց Հաբէլ , արգելեալ էր բարկութե վասն կայէնի մինչև ցոյ . մարգարէացաւ վասն այնորիկ հայրն նորա և ասէ . « Սա մխիթարեսցէ զմեզ պատարագօք իւրովք » , որ հաշտեցուցանէ զլծ ընդ արարածս իւր . զի բարկացեալ էր ՚ի վերայ նորա : Զի ՚ի մեղս Ագամայ անէծ զօրհնեալն , և դարձեալ

օրհնեաց զնոսա 'ի ձեռն 'Նոյի երկրորդում, և մեռոյց զաշխարհս ամենայն 'ի միում աւուր որպէս զԱդամ. զի ամենայն պատճառք որ լինէին՝ գործ ինչ գործէին: Արդեւան պատարաք, զի մի ևս եղիցի տպանութիւն մինչև 'ի մի անդր՝ զի մնաց, և ոչ դք եղև նմա հակառակորդ. և ապա մատոյց:

“Եւ հոտոտեցաւ, ասէ, տէր նա՛մ 'ի հոտ անուշից ”. և յիշեաց զՀաբէլ և երդուաւ: Այս ինքն՝ զի ցուցցէ և յայտ արացէ, եթէ որչափ բաւական է 'Նոյ միայն, քանի՛ ևս արդարքն առաւել բազումք բաւական էին արգելուլ զքհնդեղին: Արդ հոտոտեցաւ՝ ոչ 'ի պատարաքս, այլ 'ի խորհուրդս բարւոք 'Նոյի. իբրև զայն զի ասէ. հաճոյ լինիցիս, անի ընկալայ:

Երև ուխտս հաստատէր ընդ 'Նոյի. մի՛ զի մի կերիցեն միս միայն արեամբ շնաց հեղձուցիկ. և միւս ևս կենդանութիւն. զի խնդրեսցէ զարիւն նոցա յամենայն գազանաց. և միւս ևս՝ որ սպանանէն սպանցի. զի “Որ հեղցէ, ասէ, արիւն, փոխանակ արեան նորա հեղցի արիւն նորա ”. զի ըստ պատկերի կերպարանաց նոյ արարեալ է զԱդամ, այս ինքն 'ի նմանութիւն արդար դատաւորին արարեալ է, զի խնդրեսցէ զայն: “Զարիւն, ասէ, անձանց ձերոց խնդրեցից ”: Կապեաց երկու 'ի մի անդր. 'ի մարդկանէ, ասէ, և 'ի գազանաց 'ի վախճանի. և զի երկեցուցէ զսպանողսն: Զի եթէ 'ի գազանաց վրէժ խնդրեսցի, որչափ ևս առաւել 'ի նոցանէն խնդրեսցի արիւն գազանաց, եթէ ոչ հեղուցու գնա փոխանակ այնր իւրոյն. մի արիւն անամոնցն, և մի մարդկութեա: Զմինն թէ հեղումք մեք, դատապարտիմք մեք. և զմիւսն ևս թէ հեղումք, արդարանամք: Փոխանակ այնր՝ զի ասէ “Զարիւն ձեր յամենայն գազանաց խնդրեցից ”, հեռրայեցի ասէ “Ի ձեռաց ամենայն կենդանեաց ”: Եւ զի ասէ “Խնդրեցից զվրէժ արեան անձանց յամենայն ձեռաց մարդկան. և 'ի գազանաց խնդրեցից ”, ասէ. Իսկ եթէ զձեռւոյն հարկանիցէ ցուլն՝ երեսունս սատերս տացէ տեառն նորա, և ցուլն քարկոծ լիցի, խորհուրդ տեառն մերոյ և Յուդայի:

Եւ ասէ տէր նա՛մ ց'Նոյ. “Այս է նշան ուխտին՝

զոր եղի ես ընդ իս և ընդ ձեզ», : Զի 'ի պատճառս արդարոյն տուաւ աղեղն մեղաւորաց, զի 'ի նեւտաձիգ աղեղանէ անտի' նոցա մխիթարուածի և քաջալերուածի : Եւ այն որ լինէր բարկուածք, եղիցի նոցա 'ի նըշան շինուած : Եւ զոր օրինակ ոչ գոյին փուշք, և վասն անիծիցն մտին, նոյնպէս ոչ գոյր աղեղն, և վասն նշանի եմուտ :

“Եւ զարթեալ սթափեցաւ 'ի գինւոյ ճնտի 'նոյ . և գիտաց զինչ արար ընդ նա որդի իւր կրտսեր», : Եւ յայտոսիկ յայտ արար՝ զի եթէ քամէ . զի քամ միջին և ոչ եթէ կրտսեր, այլ վասն քանանու որդւոյ քամայ ասաց կրտսերոյ : Այլ ասէն . տեսանէ լով ետես քամ զքանան որդի իւր, զի այսն կատաւ կանաց առնէր զմերկուծի հօր իւրոյ ծերոյ, և ծիծաղեցաւ . և ել քամ և պատմեաց եղբարց իւրոց արտաբոյ . այլ ոչ եթէ աւետիս ամօթոյ չօգաւ թէ տարցէ նոցա : Այլ նոքա իբրեւ լուսն՝ տրտմեցան . զի գիտէին եթէ տեսիլք և յայտնութիւն անուէն յայտնի լինին հօրն իւրեանց, և հրեշտակ վերակացու լինէր նմա, ծածկեցին զնա, զի մի խայտառակեսցի նա առաջի զուարթնոց . ապա թէ ոչ զինչ համարէր նմա յայնմիկ ելանել պատմել եղբարց իւրոց, թէ ոչ վասն անմեղուծեւ ագիտուէ տղայոյն ել պատմեաց . և 'ի ծիծաղել իւրում եղև խեղկատակուածի :

Եւ այն զի ասէ “Գիտաց 'նոյ զինչ արար ընդ նմա որդին իւր կրտսեր», , այս ինքն որդին քամայ կրտսեր : Բայց անէծքն քամայ այն իսկ է, զի ոչ օրհնեաց զնա : Վասն այնորիկ թէպէտ և կարծիցէ՝ զի ոչ եթէ ստուգուք անիծաւ, զի յանմեղուէ ագիտուէ արար, սակայն ստուգութիւն արդարութեամբ անիծաւ . զի ոչ եթէ փոխանակ այլայ ուրուք անիծաւ նա, եթէ ոչ զի արժանի էր նա անիծիցն : Ծեւրութիւն նորա 'ի գործ պատժոց ոչ մերձեցուցանէր զանմեղութիւն նորա : Եւ զի կարգաց զնա որդի կրտսեր, իբրեւ զայն զի ասէ . եղբայր Աբէթի երիցու, և հայր ամենայն որդւոց երբեքայ : Թէ այդ պագեռ է, և Մարիամ՝ Ահարոնի միայն է քոյր և ոչ իցէ Մովսիսի : “Եւ առ, ասէ, ասէ, Մարիամ քոյր Ահարոնի մարգարէ», : Սոյնպէս դարձեալ եթող զեզամ և

զԱսուք , և ասաց զԱրփաքսադ . և դարձեալ եթող զԱրփաքսադ , և ասաց հայր ամենայն որդւոցն երեւոյ : «Անիծեալ լիցի , ասէ , Քանան մահուկ և կացցէ 'ի ծառայութի եղբարց իւրոց , երբեմն և յաւիտեանս յաւիտենից . որք են ծառայք հեթանոսաց : «Եւ ընդարձակեացէ տէր նձ Զարէթի » . որպէս ընդարձակեաց լայնեաց զառնկոն 'ի վերայ ուսոց իւրոց : «Եւ բնակեցցէ 'ի յարկս Սեմայ » . զոր օրինակ բնակեաց 'ի նմա ահ և երկիւղ ծածկել զամօթ խայտառականաց հօր իւրոյ : «Եւ բնակեցցէ , ասէ , յարկս Սեմայ » . այս ինքն յազգս Սեմայ :

Դարձեալ ասի . զի ոչ եթէ Քանան յանցեալ հօրն ծերունի , այլ ինքն Քամ յանցեալ հօր իւրում . այլ ոչ կարաց անիծանել զնա , զի միանգամ առեալ էր նորա օրհնութի յայ ընդ այնոսիկ՝ որ ելեալ էին 'ի տապանէն : Բայց ոչ եթող զնա առանց դառապարտութե , փոխանակ զի ծիծաղեցաւ նա ընդ մերկութի հօր իւրոյ , և այսն կատականաց արար զայն որ ծնաւ զնա . զի ընկալաւ նա զչարչարանս յոր գի իւր որ անիծաւ : Բայց դարձեալ քանզի գիտէր նձ՝ թէ Քանան եղև նմանող չարութե Քամայ հօր իւրոյ , և Քուշ և Մեսարայիմ և Փուդ ոչ եղեն նըմանող Քամայ , կանխեաց յառաջագոյն՝ քարոզեաց մարգարէութի զյանցանս Քանանու , զի յամօթ եղիցի Քամ 'ի ծնունդս իւր : Զի եթէ զՔամ անիծեալ էր նորա , անիծեալ լինէին ընդ նմա և երեք ևս այլ որդիք նորա Քուշ և Մեսարայիմ և Փուդ : Այլ ըստ չափոյ յանցանաց նորա անէծ զորդի նորա կրորտեր , զի նմանող եղև նա հօր իւրոյ . զի յայտ լիցի՝ թէ վասն այլոց արդարոցն ոչ անիծաւ հայր նորա : Տես դու զի ոչ եթէ այլ զաւակ նորա անիծաւ , այլ Քանան . և եղբարք նորա քաւեալ ապրեցան 'ի պատժոց անտի : Այն զի և զերկիրն Քանանու զաւակ Աբրաամու ժառանգեաց զնա , այս ինքն են որդիք Սեմայ :

«Եւ ետես , ասէ , Քամ զմերկութի հօր իւրոյ և ծիծաղեցաւ » : Արդ փոխանակ զի ծիծաղեցաւ նա զհօրք իւրով , ընկալաւ նա 'ի զաւակ իւր զանէծս և զծաղր : Եւ որդիքն Սեթայ զի արեին յօտար աղ-

բերէ, ընկալան հատուցումն ջուրքն հեղեղին : Եւ
 Հռուբէն զի արբ յօտար աղբերէ ջուր, առէ ցնա
 հայր իւր . «Մոլորեցար, իբրեւ զջուր մի եռասցիս 'ի
 վեր», : Եւ Եսաւ փոխանակ զի պահեաց զԹնամու-
 թի, եղև որակալ եղբօր իւրոյ . պահեցաւ նմա Թըշ-
 նամութի յաւիտենից, և դարձան եղեն լերինք նո-
 րա յաւեր յապականութի : Եւ Փարաւոն զի խորհե-
 ցաւ հինգ չարիս 'ի վերայ Ժողովողեան, եկն Եհաս
 'ի վերայ նորա տաժնհարուածեան հատուցումն : Եւ
 Հռուբովամ զի առ յանձն զխրատ տղայոցն, եղև
 նա Ժաղր և այսն կատականաց Ծերոց : Եւ Յորո-
 բոամ զի արար իւր որթս պատկերս, եղև նա կերա-
 կուր շանց : Եւ այն ասորեստանեայն զի հայհոյեաց
 շթթամբ իւրովք, և քթովք իւրովք ունչս արար,
 անցոյց շթշակ ընդ քիթս նորա, և եդ վարապան 'ի
 ցուռկ նորա : Եւ Ժողովուրդն զի անարգեցին զջուրն
 Սեւովայ՝ որ գնայր խաղաղ, ած 'ի վերայ նոցա զջուր
 դետոյն զհզօրն և գլորդն, զանհուն զանհնարին : Եւ
 Նարուբոգոնոսոր զի արար իւր պատկերս ոսկիս՝ զի
 կալցի զչորս հողմն, շնեցին ընդ երեսս նորա չորք
 հողմք երկնից, և Թաղեցին զնա ցօղով եւթն Ժամա-
 նակ . և զի կարծեաց նա յանձն իւր Թէ ան իցէ, և
 մարդկութի ևս բարձաւ 'ի նմանէն, և սիրտ դազա-
 նի առաւ նմա : Համան՝ զի ակն ունէր ջնջել տատա-
 կել զորդիսն Յակովբու, դուստրն Յակովբու ջնջեաց
 սատակեաց գլխատակ նորա որդւովք տամնեքումբ
 հանդերձ : Եւ Հերովդէս երդուաւ և ստեաց հեղուլ
 զարինն արդար, որդն եռաց և ել 'ի բերան նորա :
 Եւ դուստրն Հերովդիադայ զի խնդրեաց զգլուխն Յա-
 վաննու 'ի վր սկտեղբ, եդաւ գլուխ նորա սառնամա-
 նի սկտեղբ : Գամեր գաղաադացի, և ահա մակաբայե-
 ցիք վկայեն, զի արարին ընդ նո մարտ պատերազմի :
 Յորդուոց անտի Յաբէթի սկիզբն արար և յոր-
 դուոցն Գամայ, և յորդուոցն Գանանու և յորդուոցն Սե-
 մայ մինչև յորդիսն Յեկտանու եղբօր Փարէսի : Եւ
 Թանասուն և երկու որդիս Թուեաց, որ լինին եւ
 Թանասուն և երկու ազգ . և որդիք Սեմայ եղամ և

Ասուր և ապա Արփաքոս . յերկրորդ ամի անդ ասէ՝ Եղամ և Ասուր և ապա Արփաքսադ : Իսկ արդ ուր են ծնունդք Եղամու և Ասուրայ . զի ահաւասիկ եւթանասուն և երկու են գլխաւորք ազգացս լեզուաց : Եթէ անդրանիկն նորա Եղամ էր, զիարդ ասաց, ասէ, «Սեմ որդի Հարիւրեմեան իբրեւ ծնաւ նա զԱրփաքսադ յերկրորդ ամի անդ յետ ջրհեղեղին» : Այլ հարկ էր զինի գալ պատմելոյն Աբրահամ . զի ՚ի Փարիսայէ որդւոյ եբերեայ, որդւոյ Պաղայ, որդւոյն Արփաքսադայ : Եւ եբայեցի զի կուէցաւ Աբրահամ, զի յանցից անտի գետոյն էր նա . կամ յեբերայ էր նա : Կամ զի ասէ «Սեմ որդի Հարիւրեմեան», . այս ինքն մինչեւ երեւցաւ ած Նոյի յետ հինգ հարիւր ամի, և ապա ամուսնացաւ : Վասն այսորիկ իբրեւ անցին երկու ամբ, ցայնժամ Սեմ հարիւրամեան կուէր զայն զերկուս ամին՝ որ յետ յայտնութեն . բայց Նոյի՝ յետ վեց հարիւր ամի :

Եւ Նամրաւդ յորտոյն անտի իւրոյ մատուցանէր պատարագ Աստուծոյ գգլխաւորն . և նովաւ օրհնէին մարդիկ զմիմեանս : Վասն այնորիկ ասեն ՚ի բանից կարգի . «Իբրեւ գլխամրաւդ հսկայ որսորդ առաջի տեառն», : Փոխանակ այնր զի ասէ «Յերկրէն յայնմաւ նէ ել ասորեստանեայն», . «Եւ, ասէ, Ասուր և շինեաց զՆինուէ», ըստ գրոց եբրայեցւոց : Որէք՝ ասի Ուռխա, Արափաթ՝ Նծբին, և Քաղանէ՝ Տիսրոն . և յերկրէն յայնմանէ ել և շինեաց զՀոռոթ, զԽադաք և զՔաղախ, զՔարկ և զԴասեմ, «Այն է, ասէ, քաղաք մեծ», . «Եւ եղեն, ասէ, սահմանք քանաւնացւոցն ՚ի ծուրայ ՚ի ծայրանէ, որ ՚ի մուտս գերեւրացւոց մինչև ՚ի գազացիս, որ է ՚ի մուտս Սողոմայ և Գոմորայ, յԱգամայ և ՚ի Սողոմիմ մինչև ՚ի սասացիս», : Այս են որդիք Քանանու : Եւ զիարդ գտաւ յանիծեալ սահմանս Մեղքիսեդեկ օրհնեալ . և ուր է զի եղեն նոքա ծառայք . զի ահաւանիկ Աբրահամ որդի Սեմայ խոնարհեցոյց զգլուխ իւր առաջի Մեղքիսեդեկի քանանացւոյ : Եւ ոչ այսչափ միայն, այլ և առաջի որդւոցն Քեբրովնայ . զի գաբաւոնացիքն յորժամ եղեն ծառայք ժողովրդեանն տեառն, եղեն նոքա փայտաբաղք և ջրերք այլովքն հանդերձ՝

բերէ, ընկալան հատուցումն ջուրքն հեղեղին : Եւ
Հուռբէն զի արբ յօտար աղբերէ ջուր, առէ ցնա
հայր իւր . «Մոլորեցար, իբրեւ զջուր մի եռասցիս 'ի
վեր», : Եւ Եսաւ փոխանակ զի պահեաց զթնամու-
թի, եղև ռխակալ եղբօր իւրոյ . պահեցաւ նմա թըշ-
նամութի յաւիտենից, և դարձան եղեն լերինք նո-
րա յաւեր յապականութի : Եւ Փարաւոն զի խորհե-
ցաւ հինգ չարիս 'ի վերայ ժողովրդեան, եկն եհատ
'ի վերայ նորա տամն հարուածեան հատուցումն : Եւ
Հուռբովամ զի առ յանձն զխրատ տղայոցն, եղև
նա ծաղր և այսն կատականաց ծերոց : Եւ Յորո-
բոամ զի արար իւր որթս պատկերո, եղև նա կերա-
կուր շանց : Եւ այն ասորեստանեայն զի հայհոյեաց
շրթամբք իւրովք, և քթովք իւրովք ունչս արար,
անցոյց շրոշակ ընդ քիթս նորա, և եդ վարապան 'ի
ցուռկ նորա : Եւ ժողովուրդն զի անարգեցին զջուրն
Սելովայ՝ որ գնայր խաղաղ, ած 'ի վերայ նոցա զջուր
գետոյն զհզօրն և գյորդն, զանհուն զանհնարին : Եւ
Նաբուքոդոնոսոր զի արար իւր պատկերս ոսկիս՝ զի
կալքի զջուրս հողմն, շնչեցին ընդ երեսս նորա չորք
հողմք երկնից, և թաղեցին զնա ցօղով եւթն ժամա-
նակ . և զի կարծեաց նա յանձն իւր թէ ամ իցէ, և
մարդկութի ևս բարձաւ 'ի նմանէն, և սիրտ դազա-
նի առուաւ նմա, Համան՝ զի ակն ունէր ջնջել սատա-
կել զորդիմն Յակովբու, դուստրն Յակովբու ջնջեաց
սատակեաց զյիշատակ նորա որդւովք տամնեքումբք
հանդերձ : Եւ Հերովդէս երգուաւ և ստեաց հեղուլ
զարինս արդար, որդն եռաց և ել 'ի բերան նորա :
Եւ դուստրն Հերովդիադայ զի խնդրեաց զգլուխն Յո-
վաննու 'ի վր սկտեղէ, եղաւ գլուխ նորա սառնամա-
նի սկտեղէ : Գամբը գաղափաղացի, և ահա մակաբայե-
ցիք վկայեն, զի արարին ընդ նո մարտ պատերազմի :

Յորդուոց անտի Յաբէթի սկիզբն արար և յոր-
դուոցն Քամայ, և յորդուոցն Քանանու և յորդուոցն Սե-
մայ մինչև յորդիմն Յեկտանու եղբօր Փարէսի : Եւ
Թանասուն և երկու որդիս Թուեաց, որ լինին եւ-
թանասուն և երկու ազգ . և որդիք Սեմայ եղամ'և

Ասուր և ապա Արփաքսադ . յերկրորդ ամի անդ ասէ՝ Եղամ և Ասուր և ապա Արփաքսադ : Իսկ արդ ուր են ծնունդք Եղամու և Ասուրայ . զի ահաւասիկ եւթամասուն և երկու են գլխաւորք ազգացն լեզուաց : Եթէ անդրանիկն նորա Եղամ էր, զիարդ ասաց, ասէ, “Սեմ որդի Հարիւրեմեան իբրեւ ծնաւ նա զԱրփաքսադ յերկրորդ ամի անդ յետ ջրհեղեղին” : Այլ հարկ էր զկնի գալ պատմելոյն Աբրահամու . զի ՚ի Փարիսայէ որդւոյ եբերեայ, որդւոյ Սաղայ, որդւոյն Արփաքսադայ : Եւ եբրայեցի զի կոչեցաւ Աբրահամ, զի յանցից անտի գետոյն էր նա . կամ յեբերայ էր նա : Վասն զի ասէ “Սեմ որդի հարիւրամեան” . այս ինքն մինչեւ երեւցաւ անձ Նոյի յետ հինգ հարիւր ամի, և ապա ամուսնացաւ : Վասն այսորիկ իբրեւ անցին երկու ամբ, ցայնժամ Սեմ հարիւրամեան կուէր զայն զերկուս ամսն՝ որ յետ յայտնութեն . բայց Նոյի՝ յետ վեց հարիւր ամի :

Եւ Նամրաւդ յորոյն անտի իւրոյ մատուցանէր պատարագ Աստուծոյ զգլխաւորն . և նովաւ օրհնէին մարդիկ զմիմեանս : Վասն այնորիկ ասեն ՚ի բանից կարգի . “Իբրեւ գլխաւորդ հսկայ որսորդ առաջի տեառն” : Փոխանակ այնր զի ասէ “Յերկրէն յայնմա նէ ել անորեստանեայն” . “Եւ, ասէ, Ասուր և շինեաց զՆինուէ” ըստ գրոց եբրայեցւոց : Որէք՝ ասի Ուռիսա, Արափաթ՝ Նծբին, և Քաղանէ՝ Տիւբոն . և յերկրէն յայնմանէ ել և շինեաց զՀոռոթ, զԽադաք և զՔաղախ, զՔարկ և զԴասեմ, “Այն է, ասէ, քաղաք մեծ” : “Եւ եղեն, ասէ, սահմանք քանաւնացւոցն ՚ի ծուրայ ՚ի ծայդանէ, որ ՚ի մուտս գերեւրացւոց մինչեւ ՚ի գազացիս, որ է ՚ի մուտս Սողոմայ և Գոմորայ, յԱդամայ և ՚ի Սորոյիմ մինչեւ ՚ի սասացիս” : Այս են որդիք Քանանու : Եւ զիարդ գտաւ յանիծեալ սահմանս Մեղքիսեդեկ օրհնեալ . և ուր է զի եղեն նոքա ծառայք . զի ահաւանիկ Աբրահամ որդի Սեմայ խննարհեցոյց զգլուխ իւր առաջի Մեղքիսեդեկի քանանացւոյ : Եւ ոչ այսչափ միայն, այլ և առաջի որդւոցն Քեբրովնայ . զի գաբաւոնացիքն յորժամ եղեն ծառայք ժողովրդեանն տեառն, եղեն նոքա փայտաբաղք և ջրերք այլովքն հանդերձ՝

ի ժամանակի իբրև շինելին գտաճարն յաւուրս Սո-
ղովմանի :

Երրասճամ ասէ . “Նշդե՛հ եմ ես և պանդուխտ ՚ի
միջի ձերում” : Եւ Յակովբ ցփարաւոն ասէ . “Աւուրք
կենաց պանդխտութե՛ն իմոյ, հարիւր և երեսուն ամ
է” : “Եւ եղ, ասէ, Մովսէս անուն որդւոյ իւրոյ
Գերսամ . զի պանդուխտ եմ ես, ասէ, յերկիր օ-
տար” : Եւ կնքէ Դաւիթ յայնմիկ՝ զի ասէ . “Յոր-
ժամ էին նոքա ՚ի Թիւսակաւ նուազք և պանդուխտք
ի նմա” : Եւ ո՛ւր է այն զի ասէ “Եղիցի Քանան
ծառայ նորա” : Այն իսկ է, զի ետ նոցա զերկիրն
քանանացւոց ՚ի ժառանգութե՛ն, որպէս կարծիք ցու-
ցանեն : Եւ ՚ի ժամանակի իբրև շինեաց Սողովման
գտաճարն, կացոյց, ասէ, հարիւր հազար նշդե՛հ պան-
դուխտ ՚ի մէջ Իսրայէլի ՚ի վերայ անաաւին փայտաւ
հարս և ՚ի վերայ այլոց գործոց արքունի : Եւ իբրև
չոգաւ Աբրահամ Թափեաց զսողովմայեցիան զոր-
գիմն Քանանու, և կռեցան նոքա զերիս Աբրահա-
մու . և եղև Քանան ծառայ յայնմ՝ հետէ : Փոխա-
նակ այնր զի ասէ “Եւ Սեմ հայր ամենայն որդւոցն
Եփրայ” : Հերրայեցի, “Ամենայն որդւոցն Հերրայե-
ցւոց” : Փոխանակ այնր զի ասէ “Եղբօրն Յաբեթի
երիցու” : Հերրայեցի ասէ “Եղբօրն Յաբեթի, որ
մեծն է քան զնա” :

“Ընեսցուք մեզ, ասեն, աշտարակ, զի իցէ գը-
լուխ նորա ՚ի վեր մինչև յերկինս” : զի ազատութե՛ն
նձ է : Երկրորդ իբրև նձ հակառակ այ . և վասն այ-
սորիկ վաղվաղակի փութապէս եկն եհաս նոցա պա-
տիժ պատուհասի : “Եկաք, ասէ, իջցուք և բաժա-
նեսցուք զլեզուս նոցա” : փոխանակ զի խորհեցան զի
մի շինեսցեն և բնակեցուսցեն զերկիր : Զի ասէ այս-
պէս . ոչ եթէ ՚ի տարապարտուց ինչ հաստատեաց
զնա, այլ զի բնակեցեն ՚ի նմա արարածք իւր : “Եւ
աճեցէք, ասէ, բազմացարուք լցէք զերկիր” : Եւ զի
ասէ “Յորդ ոչ ինչ լինի պակաս կամաց նոցա զայն
ինչ զոր խորհեցան նոքա” զի մի ցրուեսցին, վասն այ-
նորիկ ցրումն հասցէ նոցա : “Ուինչ, ասէ, լինի պա-
կաս կամաց նոցա” : այս ինքն զի մի ապրեսցին ա-

ռանց պատժոց . կամ յայսմ հետէ պակասիցէ 'ի նոցանէ, զի մի կատարեացին խորհուրդք նոցա :

Թաղեաց Թարա զՆաբովը 'ի քսանամենից, և ծընու զԱբրահամ յիսնամենից : Յեպթա ինքն իսկ Սառայ է, և վասն գեղոյ նորա այսպէս կոչեցին զնա . հայրն ասէ Մեղքայ, և հայրն Յեպթայ : Եւ յայսմիկ յայտ արար Թէ քոյրք են հարազատք դստերք Հառանայ . և եղեն նոքա կանայք հօրեղբարց իւրեանց : Եւ քանզի եղբօրորդի էր Աբրահամու ինքն Սառա, վասն այսորիկ ասաց «Քոյր իմ է առ 'ի հօրէ» . որպէս կարդաց զՂովտ եղբօրորդին . ասէ «Արք եղբարք եմք» . և որպէս ասաց ծառայն Աբրահամու «Առաջնորդեա ինձ տէր առնուլ զդուստր եղբօր տեառն իմոյ որդւոյ իւրոյ» . իբրու Թոռն էր նա Նաբովրայ եղբօր Աբրահամու : Եւ հերթայեցի այսպէս գրէ . «Արդարեւ քոյրաթիւ է իմ առ 'ի հօրէ և ոչ առ 'ի մօրէ :

ԳԼՈՒԽ Ե

«Եւ ասէ տէր ցԱբրահամ . եւ դու յերկրէ քուսմէ և յազգէ քուսմէ՝ 'ի տանէ հօր քո : Եւ եւ քնաց Աբրահամ որպէս և ասաց տէր ւծ . և առ ընդ իւր զՂաւտ» . զի հաւատաց յայտնութե նորա : Եւ շինեաց ռեղան յերկրին Քանանու, զի ուսուսցէ երկրպագութի սրբութե յերկրի նոցա, և զի տացէ տուհաւատչեայ ւծ զերկիրն ժառանգութե իւրոյ : «Եւ անդ, ասէ, կոչեաց զանուն տեառն այ» . քան զի նոքա կարդային զանուն դիցն իւրեանց :

Եւ եղև սով մեծ յերկրի . վարեաց էջ Աբրահամ յերկիրն եգիպտացւոց ինքն և Սառա կին իւր : Պատուիրեաց նմա և ասէ . ասասջիր գոգջիր քոյր նորա եմ . և նա ասաց որպէս պատուիրեցաւն : Իսկ վասն էր հարաւ հարուածովք Փարաւոն՝ զի առ զնա կին . զի ահա ոչ լուաւ Թէ առնակին է : Այլ վասն բարկութե մոլեգնութե նորա հարկ եղև ստել Աբրահամու . Թող և 'ի ձեռանէ ւծ, զի քնեալ փորձեցի Սառա, որպէս փորձեցաւ Աբրահամ զրկանօքն զոր զրկեցաւն վասն ջոհորոցն՝ զոր փորեաց յեր-

կրին խոռոպեցեալ նմա . և ոչ արտնջեաց , թէպէտ և նեղեալ էր : Եւ զՍառա յայսմիկ եթող , զի նորա էր քննութի . այլ կամեցաւ զի քննեալ փորձեսցի 'ի գործ կանանց , որպէս Աբրահամ 'ի գործ արանց : Եւ իբրեւ քննեալ փորձեցաւ և նա , և ոչ արտնջեաց զԱստուծոյ , զի վասն այսորիկ մատնեաց զնա , յայնժամ եհար զնա հարուածօք ստուգութեամբ զայն՝ որ չոգաւ զկնի ցանկութե իւրոյ չարախօսութիւն . զի եղիցի նեղութի նորա նշան այնմիկ՝ որ ինչ անցք անցանկէլոց էին ընդ զաւակ նորա . և եղիցին հարուածքն Եգիպտոսի փրկութի Սառայի . նշան՝ վասն հարուածօցն , և փրկութի՝ որ լինելոց էին 'ի ձեռն Մովսիսի :

Եւրդ Սառա զի թշնամանեցաւ յԵգիպտոս , ըզխորհուրդ որդւոց իւրոց սուսաւ հարքն նոցա հանդերձ . և զի ելին անտի բազում ստացուածովք , դարձեալ զխորհուրդ փրկութե որդւոցն ճաշակեցին հարքն . արժան իսկ էր երկոցունց փորձել : Ըզվարձս անարգանաց թշնամանաց դարձոյց Փարաւոն մօր նոցա . և վարձս վաստակոց իւրեանց առին որդիք նորա 'ի նմանութի նորա : Ոչ քաղցրացաւ մօրն նոցա անկտղինքն Փարաւոնի և ցանկութիւնն եգիպտացւոց . զի այսպէս ուսցին որդիքն նորա նմանել նմա : Դարձեալ ասեն . Սառա խորհուրդ եկեղեցւոյ է , զի պղծեցաւ ընդ ամենայն տեղիս , և յետոյ առ այր իւր ճշմարիտ դարձաւ : Բայց զժողովուրդն յամենայն ազգաց ժողովեաց նա առ ինքն . և նա առ պոռնկութիւնս իւր առաջինս դարձաւ : Մին առ թուղթ ապահարզանի և մեկնեցաւ . և մեւն ևս գրեցաւ 'ի վերայ խորտակեալ տախտակացն 'ի նմա նութի նորա , և զսա 'ի վերայ ձեռաց սրտի նորա :

Եւրդ թշնամանեցաւ Սառա , զի առաքինացի որպէս զԱբրահամն յայնմիկ՝ զի ոչ արտնջեաց Սառա . բայց այլ կանայք իբրեւ պղծին 'ի կամս իւրեանց արտնջեն : Առ վարեաց զնաց Աբրահամ զորդի Սառայի , և ուրախ եղև Սառա . առնու վարէ զնայ անձ զորդիս նոցա , և ճչեն անմիտ կանայք : Սառա ընդ թագաւորին ոչ փոխանակեաց զգաղթականն այրն իւր . բայց նոքա ընդ յիմարի միոջ փոխանակեն

զփրիստոս : Իսկ այն, որ դարձեալն է յերկոթին, 'ի Սառուա դատապարտեալ լինի՝ որ յազնեացն ամենայնի : Բայց դարձեալ, կարծելով, ասեն, կարծէր Սառուա՝ թէ Աբրահամ է ամուլ, և ոչ նա : Վասն այնորիկ թոյլ ետ նմա առ Փարաւոն, զի հաւանեցուցէ զանձն իւր :

Իսկայ յետոյ ասաց Սառուա . “Արդարեւ գիտացի զի արդեւ զիս տէր ամ, զի մի ծնայց քեզ որդի : մուտ դու առ նաժիշտ իմ, և թող մխիթարեցայց ես 'ի նմանէ ” : Արք նախանձայոյդք քինախնդիրք պահեն զկանայր իւրեանց . բայց Աբրահամ եթող ետ կնոջ իւրոյ, զի գիտէր զճշմարտութիւն նորա առ նա : Հաւանեցուցէ քեզ պահելն Սառուայի զխորհուրդ նորա 'ի արան Փարաւոնի . ոչ եթէ Աբրահամ պահեաց զնա, այլ նա պահեաց զնա : Ոչ պղծեցաւ Սառուա 'ի տան Փարաւոնի . զոր օրինակ և ոչ մարդարէն 'ի պտուկէ անտի զոր ան : Զի զոր օրինակ իբրեւ համար ձակեաց նմա Սառուա, և եմուտ նա առ Հադար ոչ կամօք իւրովք, այլ զի Սառուայի եղիցի մխիթարութիւն . “Մուտ գու, ասէ, առ նաժիշտ իմ, թերեւ եղիցի ինձ մխիթարութիւն 'ի նմանէն ” : Իբրեւ յղացաւ՝ արհամարհեաց զտիկինն իւր . ասէ Աբրահամ՝ “Աւանիկ կայ ազախին քո տուեալ 'ի ձեռս քո ” : Սոյնպէս յուսացեալ էր 'ի նա Աբրահամ 'ի ժամաւ նախի իբրեւ վարեցաւ նա 'ի տուն Փարաւոնի : Թող 'ի ձեռանէ ամ զի վարեցի նա, զի յայտ արտացէ զտէրն Աբրահամու զոր ունէր առ նա . իբրեւ այն զի ասէ “Առ դու զորդիդ քո սիրելի միամօր զԽաշակ ” . և թոյլ ետ նմա մինչեւ եհան զվաղակաւորն և կամեցաւ զենուլ զնա : Այլ առ Սառուա և դործն իսկ պաշտեցաւ, և ոչ փրկեաց զնա . զի յորժամ եկեացէ հասցէ օրն մեծ փորձութեւն նորա վասն Խաշակայ, մի ասացեն՝ թէ զի յուսացեալ էր նա զի փրկեացէ զնա, վասն այնորիկ պատրաստեցաւ երթալ մատուցանել զնա պատարագ :

Իւր կագ հովուացն և մարտ պատճառք եղև Ղաւթայ երթալ 'ի Սոդոմ, զի դատապարտեցին նովաւ . և Աբրահամ յերկիրն քանանացոց, զի նախատ լիցին նովաւ : Ամ զնա ամ նախ 'ի Խաւան իբրեւ

զազեւեր ջուրց 'ի մէջ ծարաւեաց . աճ զնա դարձեալ յերկիրն քանանացւոց , որ բնակեալ նստէր 'ի խնւարի : Ծաղեաց 'ի վերայ նոցա որպէս լոյս խաւարեւոց կուրաց . և 'ի մէջ եղիպատացւոց որպէս բլրժիշկ ցաւազին խարեւոց ¹ : Կոչեցաւ Աբրահամ եւրահել գնալ . գնաց ընդ նմա և Ղովտ : Եւ ոչ համարեցաւ Աբրահամ զանձն իւր գլուխ և ճոխ առ բարին որ պատահեցին նմա , այլ իբրեւ զեղբայր իբրեւ զքնեկեր : Թոր իրս փորձանք գային Աբրահամն Ղաւթ 'ի խաղաղութե կայր . իսկ որ ինչ փորձանք հասանէին Ղաւթայ , Աբրահամ 'ի տառապանս կայր : Փորձեցաւ Աբրահամ 'ի բազում տեղիս . Ղովտայ ճառք ուրեք չիք : Այլ իբրեւ վարեցաւ գերի Ղաւթ , Աբրահամ մարանչէր փոխանակ ընդ նորա : Ստացաւ Աբրահամ ինչս բազումս . և Ղաւթ իբրեւ զնա , Հովկուք էին Աբրահամն . և Ղովտայ իբրեւ զնորա : Տեսին հովիւքն Ղովտայ զի խոնարհէր Աբրահամ Ղաւթայ . բարձրացան ամպարտականեցին 'ի վերայ հովուացն Աբրահամն : Իբրեւ ետես Աբրահամ թէ և 'ի խոնարհութի նորա հնարս ինդրեաց թշնամին արկանել 'ի մէջ նոցա զգրգուութի հակառակուէ , կանխեաց Աբրահամ յառաջագոյն՝ հատ զպատճառն 'ի միջոյ անտի : Կոչեաց զՂովտ սիրով , և արար զնա իբրեւ զնքն ժառանգաւոր . իբրեւ նա՝ ասաց նմա՝ թէ “Բեզ և զաւակի . քում տաց զերկիրս զայս ,” . և ոչ ասաց թէ զՂաւթ ընդ քեզ առ . այլ նա ասէ զՂովտ . “Արք եղբարք եմք մեք . ահա առիկ երկիրս առաջի քո , ընտրեա քեզ և բնակեա ,” : Ընտրեաց Ղովտ զերկիրն բարւոք . այն զի արժան էր զԱբրահամ պատուել , և տալ նմա ընտրել : Այլ խոնարհութի հեղութի Աբրահամն զրկէր և զանցանէր , զի զմեզ ուսուցեն՝ թէ վասն անցաւոր ստացուածոցս մի ազահեցուք : Փոխանակ այնր՝ զի ասէ “Չու արար Ղաւթ յարեւելից , հերբայեցի՝ “Չու արար Ղովտ յառաջագոյն , և բնակեցաւ 'ի քաղաք դաշտին փոխանակ Աբարայ ,” :

¹ Եօրինակն 'ի լուսանցան հայերէն :

Այս առ. Աբրահամ զինչս և զստացուածս, որպէս
ստաց նմա արքայն սողոմայեցւոց . քանզի ինչք և
ստացուածք սողոմայեցւոց խառն էին, այլ զի էին
նորա 'ի զաւակէ անտի Բանանու, եւ զի յայտ ա-
րասցէ թէ ոչ 'ի վերայ ընչիցն ագահեաց, և ոչ վար-
ձուք թափեաց գնոսա, “Համբարձեալ զձեռն իմ
առ. ւծ, որ արար զերկինս և զերկիր ”: Յայսմիկ յայտ
արար՝ թէ ուխտ եղ ընդ նոյ, զի ոչ առ. նա 'ի շաղա-
մաթէ միօջէ մինչև 'ի խրացս մի կօշկացն, եթէ յազ-
թու-թի տացի նմա: Եւ պատճառք երթալոյ նորա,
որպէս գիրք յայտ առնեն, վասն Ղաւթայ եղբորոր-
դւոյն իւրոյ եղև, որպէս և գրեալ է: Ասէ յամե-
նայնէ՝ զոր դարձոյց, տասանորդեաց նոյ 'ի ձեռն Մեւ-
քիսեդեկի: Եւ զի ասէ՝ բայ յամենայնէ եղիցի այն
արգելեալն եղբորորդւոյ նորա, յայնմիկ զի ասէ՝ յա-
մենայնէ: Ասէ նա ցարքայն սողոմայեցւոց . “Զի մի
ասիցես, ասէ, վաղիւ թէ ես մեծացուցի զԱբրա-
համ ”: Եւ զի մի եղիցի նա զրկօզ և զլացօզ երիցն
դաշնաւորաց իւրոց, ասէ “Զբաժինս իւրեանց առ-
ցես ”: “Համբարձեալ զձեռն իմ առ. ւծ, որ արար
զերկինս և զերկիր ” . քանզի վարդապետութի ե-
ցոյց նոցա յայսմիկ . սոխպէս Մեւքիսեդեկ: Փոխանակ
այնր՝ զի ասէ “Բարա արքայն սողոմայեցւոց”, “Վա-
ղա ” . և փոխանակ զի ասէ “Արքայ Գեղա ”, “Ար-
քայ Հեթանոսաց ”:

“Իպա յետ բանիցս այսոցիկ եղեն պատգամք
տեառն առ Աբրահամ 'ի տեսլեան գիշերոյ և ասէ .
մի երկնչիր Աբրահամ զի ես վերակացու եմ քո, և
վարձք քո բազում են յինէն: Եւ ասէ Աբրահամ
ցոյցը ւծ . զինչ այն ինչ իցէ զոր տացես դու ինձ, զի
ես աւասիկ կորուսեալ եմ անորդի, և եղիազար
դամանկացի ժառանգէ զիս: Ասէ ցնա տէր ւծ . ոչ
ժառանգէ զքեզ դա . այլ որ ելանէ յերանաց քոց,
նա ժառանգեացէ զքեզ: Եւ հաւատաց Աբրահամ
յմծ, և համարեցաւ նմա յարդարութի ”: Եւ իբրև
ասաց նմա՝ բայ “Զաւակի քում տաց զերկիրս զայս ”,
ասեն երկմտեաց նա յայսմիկ, զի ասաց ցնա “Իսկ
իւ գիտացից ”: Եւ զիարդ մարթի լսել . զի այն որ
հաւատաց նոյ, որ դժուարինն էր, վասն գիւրին իրաց

զիւրդ երկմտէր նա : Զի եթէ վերջինն անդաւ՝ առաջինն ոչ կարէր կանգնել, ուր բազմանայր զաւակն . ոչ ահա անդէն 'ի յերկրին . զի 'ի նոյն ընթերցողածի կարօղ ես դու 'ի միտ առնուլ՝ թէ ոչ երկմտեաց նա : “Ասէ ցնա . աղէ . հայեա դու ընդ առտեղս երկնից, և սկսիր դու թուել՝ եթէ կարացես դու զնոսա թուել . այսպէս, ասէ, զորասցի զաւակքս բազմութեանց թուոյ” : Եւ գրեալ է, ասէ, “Հաւատաց Աբրահամ յանձ, և համարեցաւ յարդաւրուն նմա” . զի հաւատաց՝ համարեցաւ, և ոչ եթէ զաւակի նորա : Եւ դարձեալ ասէ . “Ես եմ տէր անձքս, որ հանի զքեզ յերկրէն քաղցէացոց տալ քեզ զերկիրս զայս 'ի ժառանգութի” : Աբրահամ լուաւ երկուս պատգամս միանգամայն . մի՝ զի բազմանայ զաւակ նորա . և միւսն՝ զի ժառանգեսցէ զերկիրն, յայնմիկ՝ զի դժուարին էր յամուլ պառաւէ անտի ծերոյ անցելոյ ըստ չափ ժամանակի՝ աչել բազմանալ իբրեւ զաստեղս երկնից, յայնմիկ ոչ երկմտեաց : Եւ զի ետես նա՝ թէ ճշմարիտ հաւատաց, գրեաց զարդարութի նորա, զի յայտ արասցէ թէ ոչ երկմտեաց :

Իբրեւ ասաց նմա՝ ըայ “Զաւակի քում տաց զերկիրս զայս” , ցնծաց և ուրախ եղև սիրտ նորա, իբրեւ փափագէին միտք նորա գիտել ճանաչել թէ որպէս կամ զիւրդ հանդերձեալ լինի այս : Զի ետես նա զերկիրս՝ զի էր մարդալից բնակչօք իւրովք, թագաւորօք և իշխանօք, գլխաւոր գեղօք պարսպ պեալք և քաղաքօք, յուսացեալ բերդիւք և անկուիւ ամրոցօք : Եւ իբրեւ ընդ այն ամենայն նայեցաւ, խորհեցաւ 'ի միտս իւր և ասէ . իսկ զիւրդ արդեօք դառնայ և լինի ժառանգութի մեր երկիր մի, որ ծագէ 'ի ծագ լի է բնակչօք իւրովք : Բազմանալով արդեւք բազմանայցէ զաւակ իմ, և ծածկեսցէ զքնակիս երկրիս այսորիկ . կամ եթէ մարդամանջ արդեօք անկանիցի 'ի նոսա և սատակեսցին . և կամ երկիր արդեւք բանայցէ զքերան իւր և կլանիցէ զնոսա . թշնամիք ելանիցեն 'ի վերայ և վարեալ իջուցանիցեն զնոսա 'ի գերութի . նոյն ինքն գրգռեսցեն և ելցեն 'ի պատերազմ և սատակեսցեն զմիմեանս : Եթէ

Հնազանդելով հնազանդեսցին մեզ, եթէ փեսայաւ նալով փեսայապային մեզ. այլ ուրեք աճէ և բազմանայ Աբրահամ, և ապա գայ մտանէ զաւակ իմ, հարկաւնէ սատակէ զնոսա և ժառանգէ զերկիր նոցա : Գտաւ նելով գտանէ զաւակ իմ ողորմութի յաչս նոցա, և նոքա մեծացուցանեն զնա, և լինիցին ՚ի նմանէ իշխոանք պետք և առաջնորդք. դառնալով արդեւք դառնայցեն. զիարդ արդեւք լինելոց է, ոչ եթէ զիարդ մարթի լինել : Արդ զայս ամենայն զի ոչ եղև բաւական գիտել ճանաչել ՚ի յանձնէ իւրմէ, զայս կամեցաւ նա ուսանել ՚ի տեառնէ անտի իւրմէ : Զի թէպէտ և կարծիցէ՝ թէ վասն անձին իւրոյ խընդրեաց. նա գիտել ճանաչել, այլ առաւել ևս զաւակին իւրոյ զնել օրինակ իմաստնացուցիչ և ուսուցիչ խորհեցաւ նա :

Եւ ասաց ասեն. «Տէր անձ, իոկ ես իւ գիտացից», : Եւ տէր իւր իբրև ետես զի ոչ եթէ բաժանեցաւ նա, այլ զնոյն իսկ զվախճանն կամեցաւ նա գիտել ճանաչել, ասէ ցնա տէր. «Առ դու քեզ երինջ մի երեմեան և այժմի երեմեան և խոյ մի երեմեան և տառբակ մի և աղաւնի մի», : Յայնմիկ զի ասէ երեմեան, յայտ առնէ՝ եթէ յետ երից դարուց մտանելոց են. և զի խելամուտ արասցէ զնա՝ թէ մարդարեք և թառաւորք և քահանայք հանդերձեալ են լինել նոցա : Եւ զի յօշեաց զնոսա երկոտասան անդամ, ծանոյց նմա թէ երկոտասան ազգ լինելոց են : Եւ զի թրուչունք երկնից տարմ տարմ երամ երամ խոյանային ՚ի վերայ շաղզոյն անդամաթուին, և նստէր Աբրահամ և քչէր, ցոյց նմա թէ մարտ պատեբազմի առնելոց են ընդ նոսա, և վասն արդարոցն՝ որ լինին ՚ի միջի նոցա՝ փրկին : Եւ բոցք հատանէին, իբրև հնոցք հրոյ վառէր, և ճառագայթքնորա ընթանային ՚ի վերուստ. յայտ ուրար նմա, զի թէպէտ և սպառեոցին արդարքն, սակայն վասն քո փրկութե անձ օգնական լիցի նոցա : Եւ զի ասէ «Ահ և երկիրդ և խաւար», : զի եղիցի ահագին ահաւոր տեսիլն :

Եւ զի ցուցցէ նմա թէ ուր. հանդերձեալ է բնակել զաւակ նորա, ասէ ցնա. «Գիտելով գիտաւորի, զի պանդուխտ լինիցի զաւակ քո յերկիր օտար», :

Ոչ եթէ յայտ երկիր, այլ յօտար . ոչ եթէ բռնութիւն կամ գերութիւն կամ պատժովք պատուհասից, այլ նշգրտութիւն, այս ինքն պանդխտութիւն : Եւ ընդէր . զի չեւ եւր լցեալ չափ մեղաց ամովք հացուոց . ապա թէ ոչ յօրէ յայնմանէ լինէր : Եւ զի տրտմեցաւ զի ասաց՝ բայ հնազանդեացի զաւակ քո . հարկ է հնազանդել . ոչ եթէ այսպէս կամիմ ես, զի կարող եմ ես արգելուլ զեգիպտացիսն, զի մի մեղիցեն նոցա . այլ ոչ կամէին ելանել անտի՝ թէ ոչ նեղէին նոքա : Այլ թէ զեգիպտացիսն ոչ նեղեցից ես, և որդիքն քո ելցեն հնազանդել զնոսա . և մի տրտմեացիս դու վասն հնազանդութեն՝ որ լինի նոցա : Եւ զազգն զայն որ զնոսա չարչարելոց են, դատեցայց ես . և որդիքն քո ելցեն մեծաւ ստացուածովք, որ պէս զի մեծացի յաչս նոցա իրք փրկէին՝ որ հանէ զնոսա . և կալցին շնորհս : Եւ զայս զի յառաջագոյն կանխեաց ասաց նմա, զի մի յորժամ հնազանդիցին նոքա, տկարացեալ հիւանդանայցեն միտք նոցա, և կարծիցեն թէ այլ զօրութիւն հնազանդեցոյց զնոսա : Եւ զի ոչ եթէ պատիժք պատուհասից էին այս, այլ յայտնութիւն էր պատրաստելոց ժամանակաց, և գուշակումն ծածկելոց յառաւել 'ի լուսաւոր իմաստութիւն անտի Աբրահամին : Յայնի լիցի քեզ, զի ոչ եթէ վասն այնորիկ մատոյց նա պատարագ . զի ահաւասիկ պատարագ նորա որ յայնմ ժամու՝ խնդրուածոց էր՝ վասն յայտնութեց, և ոչ եթէ պատարագէր նա վասն մեղաց :

Ի՞նչ ոչ եթէ բաժանելով բաժանեցաւ Աբրահամ, թէ վասն այնորիկ ընկալաւ զաւակ նորա պատիժս պատուհասից : Զի թէ այնր ժամու հաւատաց նա՝ համարեցաւ նմա յարգարութիւն . սոյնպէս թէ երկմտեալ էր նորա, ինքն իօք ընդունէր զպատիժս պատուհասից, և ոչ եթէ 'ի վերայ Յակովբու և Յովսէփու և Մովսիսի գայր հասանէր պատիժքն պատուհասից : Զի եղբարքն իւր վաճառեցին զԲովսէփ յեգիպտոս 'ի մահ, և ոչ եթէ վասն Յակովբու առաքեցաւ նա անդր . և սերն Յովսէփու իջոյց զՅակովբ անդր, և ոչ եթէ երկմտութիւն Աբրահամու : Զի զօրօրինակ ոչ առ ակն յանցանացն Մովսիսի

որ եղևն 'ի վերայ վիմին , այլ կշտամբեաց յանդիմանեաց զնա . " Փոխանակ , ասէ , զի ոչ փառաւորեցէք դուք զիս , մի մտանիցէք դուք յայն երկիր պարգեւաց" : Եւ զոր օրինակ ոչ արար նա անփոյթ վասն մեզացն 'Դաւթի , այլ խայտառակեաց զյանցանս նոքա , և ընկալաւ զապաշխարութիւննորա . և Եզեկիայ զի նշան ետ նմա՝ վասն զի ոչ հաւատաց 'ի ստուեր արեւուն ետ նմա , զի գիտասցէ և իմաստնասցի : Եւ Զաքարիայ՝ իբրեւ երկմտեաց վասն բանից հրեշտակին , նշան իմաստնացուցիչ 'ի նմին ժամու ետ նմա , զի 'ի նմանէն ուսցի զճշմարտութիւն բանից նորա : Զի յորժամ Թերահաւատութիւն կամ երկմտութիւն գրտեալ լինէր յարդար , նոյնժամայն տայր նշան յանդիմանութեաննորա : Սոյնպէս և Աբրահամով երկմտեալ էր իբրեւ զԶաքարիա կամ զԵզեկիա , զկրնի բանիցն ընդունէր զպատիժ : Զոր օրինակ իբրեւ հաւատացն՝ մօտ այնք զինի զի ասէ " Համարեցաւ նմա յարդարութիւն " , սոյնպէս մտանէին եպերանքն զկնի երկմտութեն : Եւ զի յայտ արասցէ Թէ 'ի բացէ է 'ի պատուհասից , փոխանակ պատժոցն օրհնելով օրհնեաց զնա անգ յասել իւրում . " Դու , ասէ , հանգիցես առ հարս քո յագեալ աւուրբք , Թաղիցիս 'ի ծերութե պարարտութե " : Եւ այս յայտ է զի ոչ եթէ պատիժք են :

Իայց Աբրահամ պատուիրեաց որդւոց իւրոց որ ինչ հանդերձեալ պատահելոց էր նոցա . զի յորժամ սկսանիցին նոքա հնազանդել , ուրախ լիցին վասն փրկութեն՝ որ հանդերձեալ էր գալ նոցա յետ հնազանդութեն իւրեանց : Յովսէփ հաւատաց որ ինչ լուաւ 'ի հարց անտի իւրոց . ասէ " Գիտեմ ես՝ զի յիշելով յիշէ զձեզ անձ . հանէք , ասէ , զոսկերս իմ ընդ ձեզ " . և Մովսէս 'ի Թուոյ անտի ամացն գիտէր զամենայն՝ Թէ մերձ է ժամանակն . որպէս Ռանիէլն զի յեւթանասուն ամէ անտի զոր ասացն , և Երեմիա գիտաց զժամանակն դարձի : Արդ եթէ երկմտելով երկմտեցաւ նա յայնմիկ՝ զի ասէ " Ի՞նչ գիտացից " , զինչ ևս պիտոյ էր ասել զինի նորա " Արդու քեզ այժմի և երկնջ մի " , այլօքն հանդերձ : Ապա ասէ ցնա յետոյ . " Պանդուխտ և քժգեհ հեղի-

ցի զաւակ քո, . 'ի բաց արար զերկմտութի նորա ,
 . և ապա ասաց : Եւ զինչ համարեաց այնմիկ զի ոչ գի-
 տէ , և ոչ վառն որոց պատճառանաց եմն 'ի վերայ
 զաւակի նորա այս խրատ : Զի եթէ յայսմ վայրի
 ասացեալ էր նմա՝ թէ ժառանգես դու զերկիր , և
 նորա ասացեալ էր՝ և ին գիտացից , և ոչ այսպէս
 արժան էր կարծել 'ի վերայ Աբրահամու՝ թէ երկ-
 մըտեաց : Զի թէ յառաջ քան զայս ասացեալ էր
 նմա՝ թէ զաւակի քում տաց զերկիրս զայս , և շի-
 նեաց անդ սեղան տեարն այ՝ որ երեւեցաւ նմա . և
 դարձեալ ասէ . առջարձ զաչս քո 'ի վեր և տես դու
 քեզէն 'ի տեղւոյնէդ յայդմանէ ուր կաս դու այժմիկ
 ընդ կողմն հիւսիսոյ և ընդ կողմն արեւմտից և ուղեղ
 ընդ արեւելս և այսր ընդ ծով , զի զամենայն եր-
 կիրդ զոր տեսեր դու՝ քեզ տաց և զաւակի քում
 մինչև յաւիտեանս ժամանակաց . դարձեալ ասէ
 ցնա . արի և չըջեաց դու ընդ երկիրդ յերկայնուի
 և լայնութի նորա , քանզի քեզ տաց զդա . և եթէ
 երիցս անգամ ասացաւ նմա այս , ոչ յերկուացաւ
 նմա . եթէ այդ այդպէս է , և ոչ յայսմ վայրի երկ-
 մըտեալ բաժանեցաւ նա : Եւ եթէ յայսմ աւուր
 գրեալ է , ասէ , ուխտ հաստատեաց ընդ նմա անձ ,
 թէ այդ այդպէս է¹ . հաւատալով հաւատաց նա և
 ոչ երկմտեալ բաժանեցաւ նա : Եւ զի հնազանդե-
 ցան նոքա , զի մի մնասցեն անդրէն յերկրին եգիպ-
 տացւոց , և խափանեցին աւետիքն . և եգիպտացիքն
 զի խրատեցին , փոխանակ զի առաւել մեծարանե-
 ցան նոքա 'ի վերայ նոցա . իբրեւ զայն զի ասէ . ես
 բարկացայ սակաւիկ մի , և նոքա օգնական եղին չա-
 րեաց :

Իբր չորեքհարեւր և երեսուն ամ՝ յօրէ անտի
 յայնմանէ յարմէ հետէ ասացաւ բանն . զի թէպէտ
 երկերիւր քան և հինգ ամ քնակեցան անդ , սա-
 կայն ոչ եթէ զամենայն ամսն նեղեցան նոքա : Զի
 որչափ և եկեաց Յովսէփ , պատուով քնակեցան նոքա
 անդ . և իբրեւ մեռաւ Յովսէփ , ապա նեղեցան նոքա
 'ի թագաւորէ անտի , որ բնաւ ոչ ճանաչէր զՅով-

¹ Երբնապէս եղծեալ էին բազբ. այդպէս է :

սէփ : Յամի անդ՝ յորում ծնան զՄովսէս , յաճախեցան նեղութիք չարչարանաց նոցա . զի ահաւանիկ Ահարոն երիւք ամօք երէց էր քան զՄովսէս , և ոչ նեղեցաւ մայր նորա ծածկել թաքուցանել զԱհարոն որպէս զՄովսէս . և յամին ութմանորոգի նորին Մովսիսի եղև նոցա փրկութի : Արդ եթէ երկերիւր քսան և հինգ ամ քնակեցան նոքա անդ , բայց նեղելով նեղեցան նոքա ութսուն ամ : Իսկ արդ ուր խնդրեսցես դու զայն որ ասացաւ չորեքհարիւր ամ հնազանդին նոքա յերկիր օտար : Արդ տես դու զի այս չորեքհարիւր ամ , որ յաւելան 'ի վերայ նոցա երեսուն ևս , զի ոչ եթէ 'ի վերայ զաւակի նորա եղաւ միայն ամբս այս , այլ 'ի վերայ նորա :

Արդ հինգետասան ամբ Աբրահամու , և վաթսուն ամ Սահակայ , հարիւր և երեսուն Յակոբայ յերկիր օտար համարեալ լինի նոցա՝ իբրև յերկիր ժառանգութե քնակեալ էին նոքա : Բայց դար չորրորդ՝ յորէ անտի յայնմանէ , յորմէ հետէ մոլին նոքա յերկիրն եգիպտացւոց , համարեալ լինի : Քաղէք և Յեսու չորրորդ են . բայց տղայք որ ելին յերկրին եգիպտացւոց հինգերորդ են . մանկունք՝ որ ինսուտան նամեայ էին 'ի ժամանակին իբրև ելին յերկրէն եգիպտացւոց , մոլին յերկիր պարգեաց : Եւ քանզի ասէ “Զի և այժմ չև ևս լցեալ չափ մեղացն ամուր հացւոցն , զայս յայտ արար . զի ոչ եղեալ էր 'ի մոլի իւրեանց ամենեւին կարճել 'ի մեղաց անտի , այլ մեզս 'ի վերայ մեղաց յաճախել : Զի ահաւանիկ հինգ դար երկայնամիտ եղև առ նոսա . իբրու յառաջ քան զայն հինգ դար մեղաւորք էին : Բայց դարձեալ ըստ երկայնամտութեն նյ ասացաւ , ասէ “Զի այժմիկ չև է լցեալ չափ մեղացն ամուր հացւոցն , սակայն նոյն ինքն երկայնամտութիւն նորա յայտ է՝ ուստի առնու սկիզբն ժամանակն : Զոր օրինակ յայտ է՝ ուստի առնու զկատարած դատականիքն :

Եւ Աբրահամ որպէս աստղ մի յարեւելից , և առակեցաւ զաւակ նորա յաստեղս երկնից : Եւ Սահակ զի պատարագեցաւ իբրև զգառն մի , պատարագեցաւ գառն պատարագաց նորա : Յակովբ զի ստեաց հօր իւրում մորթեօք այծենեօք , ստեցին նմա որդիք

իւր մորթովք ուլենեօք : ՉՄովսէս զի կամեցան
հեղձուցանել զտղայուք նորա Զուրբքն, 'ի մէջ Զուրց
հեղձոյց զհեղձուցիւնս իւր :

“Եւ ասէ Սառուա ցԱբրահամ. որովհետեւ ար-
գել զիս անձ զի մի ծնայց քեզ որդի, տուեալ քեզ
զՀագար նաժիշտ իմ. 'ի նմանէ եղիցի քեզ որդի,
թերեւս միւրթարեցայց 'ի նմանէ : Եւ եմուտ Աբրա-
համ առ Հագար. և յղացաւ. և իբրեւ ետես թէ յղա-
ցաւ՝ հպարտացաւ, սկսաւ արհամարհել զտիկինն
իւր : ” Արդ եթէ յղացար դու, ո՞վ Հագար, նա և
տիկինն քո վասն զաւակի որդւոյ ետ զքեզ առն իւ-
րում. արդ յուրախութե նորա կամեցար տրտմե-
ցուցանել դու զնա : Վասն այնորիկ յուրախութե
նորա տրտմեցոյց ստուգութիւն և զնա. զի 'ի տեղւոյ
յորում արժան էր Սառուայի նախանձել, յաղթեաց
նա նախանձու. յորում վայրի աւետիլն յաղթահա-
րեցան յորդեսէր սիրոյ անտի : Հագար յանարգանս
թշնամանաց Սառուայի տուաւ, զիմորդ ժառանգէր
զաւակ նորա զերկիրն պարգեաց : Եւ զի կարծեաց
Հագար՝ թէ Աբրահամու ժառանգ որդի նորա է,
սկսաւ յողանալ հպարտանալ և արհամարհել զտի-
կինն իւր : “Երեւեցաւ նմա հրեշտակ տեառն նյ և
ասէ. Հագար աղախին սառուայի, զի՞ ինդրես աստ :
Ասէ յերեսաց Սառուայի տիկնոյ իմոյ փախուցեալ
եմ : Ասէ ցնա հրեշտակն. դարձիւր առ տիկին քո և
հնազանդ լեր 'ի ներքոյ ոտից նորա : Եւ ասէ ցնա
հրեշտակն. բազմացուցից զզաւակ քո, և եղիցի ան-
թիւ 'ի բազմութեն, և դէմ յանդիման սահմանի եղ-
բարց իւրոց ընակութի նորա : ” Գիտաց Հագար՝ թէ
այլ որդիք լինելոց են Աբրահամու. և զի բաժանեալ
առեալ էր զժառանգութի որդւոցն Սեմայ, եղև
նա ցիր վայրագ. բայց եղբարք նորա որդիքն Քետու-
րայ. և վասն ճշմարտութե նոցա՝ որոց ասաց նմա,
ցոյց զփառս իւր առաջի նոցա. զի ասէ. “Դու ես
անձ՝ որ հայեցար յիս. զի ասաց՝ առաջի աչաց իմոց
երեւեցաւ ինձ : ” Եւ զի ասէ “Արարից քեզ յազգ-
մեծ, և թագաւորք 'ի միջոյ քո ելլեն”, տունն իւ-
մայելի յազգս իւրեանց, և տունն Քետուրայ, և
տունն Սահակայ : Եւ փոխանակ այնր՝ զի ասէ “Ե-

գիտ զնա հրեշտակն 'ի վերայ Ճանապարհին որ հաներ 'ի Գեղար կողմն 'ի Ճանապարհին Աթարայ», . ասէ հերբայեցի՝ «Այս ինքն Ասորեստանի», :

Ուստի թլփատութեան :

«Այս է, ասէ, ուստի իմ զոր պահեսցես դու. զի թլփատեալիք զմարմնն անթլփատութե ձերոյ. և ամենայն որ ոչ թլփատեսցի, սատակելով սատակեացի անձն այն», : Եւ ահաւասիկ օրէնք ճշմարիտք տրն կեալ են 'ի սիրտ մարդկան, և նոքօք հաճոյ եղեն առաջինքն. և յաւելուածք՝ զի եղեն վասն պատճառանաց ընդի, և խափանեցան : Արդ թլփատութի յԱբրահամէ. և սէր նորա ընդ այլ յառաջագոյն կանխագոյն է քան զթլփատութի ընդ արդարան՝ որ յառաջ քան զնա. Ենոք որ վերացաւ, և 'նոյ որ ապրեցաւ, և Սէթ որ օրհնեցաւ, և Մեղքիսեդեկ որ քահանայացաւ : Եւ եթէ ասիցեն՝ թէ սոքա յառաջ քան զօրէնսն եղեն. և զիսրդ՝ թէ այդ այդպէս է, վասն շնութեց, սպանութեց, կռապաշտութեց յառաջ քան զօրէնսն գիտացին և ծանեան զնոսա. և իբրեւ 'ի չարեաց հեռացան խորշեցան մեկնեցան. ոչ ահա զի ընութեք որոշեցին զբարին 'ի չարէ անտի : Եւ եթէ զածպաշտութի ոչ մոռացան արդարքն, սակայն մոռացան և զթլփատութի և զչաբաթ : Շատ իցէ այս վասն դարովուէ ժողովրդեանն : Յիշեաց Յովսէփ զհեղութի զգաստութի առաւել քան զթլփատութին, զի ոչ թլփատեաց զորգիս իւր. և երկոքին 'ի մի անգամս պաշտին փոխանակ անթլփատութե, զի յինքենէ էր. հատ ընկէջ զշնութի, զի ոչ յինքենէ : Թէ այդ այդպէս է, մոլորեցաւ խաբեցաւ Յակոբ և առ զքոյրսն զերկօսեան. և զհետ կռոցն Ղաբանու ոչ մոլորեցաւ : Եւ Խորայէլ յիշեաց զթլփատութիւնն և մոռացաւ զԱստուած : Առաքեաց Աստուած զՅովսէփ, և արարին զնա եգիպտացիքն անձ և երկիր պագին նմա. և առաքեաց անձ զորդի իւր առ հերբայեցիս, և կախեցին զփայտէ : Հեթանոսք երկիր պագանեն արդարոց նորա որպէս և Աստուծոյ. և հերբայեցիք սպանանեն

զմարդարէս նորա որպէս զմոլեգիւնք ապականիչք ։
 Արդ ոչ եթէ զի օգնեսցէ տուաւ թլփատութի ,
 այլ զի մեկնեսցէ որոշեսցէ . զի ոչ արգել զգաւակն
 Աբրահամու 'ի հնազանդութէ , և ոչ Խամայէլի ժա-
 ռանգութի ետ , և ոչ Յսաւայ օրհնութի ետ . և ա-
 մենքումբք հանդերձ որ անարգեցան : Եւ դարձեալ
 զի ոչ եթէ իմաստունք կատարէին զնա , այլ տղայք ան-
 գէտք . զի և ոչ՝ թէպէտ և արդարուի էր , ժառանգէին
 ընդունելիք նորա . զի ոչ գիտութիւն նոցա կատարեալ
 լինէր նա 'ի նոսա : Եւ Մովսէս զքառասուն ամ խա-
 փանեաց զնա յանապատի անդ և ոչ պատժեցաւ :
 Եւ զի ասացաւ Նսուլայ երկրորդում , զի չիցէ օտա-
 րութի , այն նոյն իսկ է : Զի թէպէտ և յորժամ
 հայեսցի 'ի մարմին իւր , յիշեսցէ զուխտ այ իւրոյ .
 և ապա շարաթն՝ հանդերձ հանդերձիւք իւրեանց
 և կերակրօք և անասնօք իւրեանց՝ այլօքն հանդերձ :
 Ստեղծ տէր անձ զմարդն առանց թլփատութե .
 և իբր անց զպատուիրանաւն , ոչ ցուցանի ուրեք թէ
 վասն թլփատութե արգելաւ 'ի դրախտէ անտի : Եւ
 ոչ վասն շարաթու այսուհետեւ մեկնեալ մերժեալ
 է հրեայ 'ի դրախտէ անտի . զի ոչ օրէնք եդան և
 ոչ շարաթ հանգստեան և ոչ տօնք տարեկանաց .
 զի գլուխ տօնից տարեկանաց ինքն է դրախտն : Արդ
 յայտ է թէ գնացք եկեղեցւոյ՝ որ արտաքոյ քան զօ-
 րէնսն 'ի կեանս դրախտին հրաւիրեն , եթէ զառա-
 ջինն արժան է պահել՝ օրէնք նոր դրախտի անդ ևս
 արժանաւոր է պահել : Քանզի գիտէր անձ , թէ զկնի
 կռապաշտութե եգիպտացւոցն երթան նոքա . և չէր
 ինչ հնար՝ եթէ 'ի հաւատոց անտի Աբրահամու յայտ-
 նեսցին և երեւեսցին այնոքիկ՝ որ գնացից նոցա ոչ
 հաւասարեցին . եդ մարմնոց նոցա կնիք վասն քննու-
 թեց նոցա , զի պատրաստեալ էր լինել վասն ամօթոյ
 նոցա . զի հեթանոսք մոլորեալք՝ մերձաւորք եղեն .
 և Խարայէլ որ ընտրեալն էր՝ հեռացաւ : Նա և Աբ-
 րահամու իսկ այսպէս ասացաւ . “Այս է նշան ուխ-
 տի ընդ իս և ընդ քեզ ,” : Եւ եթէ անձ նշան անուանէ
 զնա , զիարդ ասեն թէ պատիւ փառաց տուաւ նոցա .
 զի յանապատի անդ 'ի վերակացութե օրէնադրչին
 և մարգարէիցն և քահանայիցն և ոչ մի ոչ թլփա-

տեցան, զի ոչ էին մերձ 'ի հեթանոսս . և նշանք նա էին 'ի մէջ նոցա մինչ չե թլփատէին : Եւ մեծ ևս, զի ամենայն թլփատեալքն յանապատի անդ պատակեցան . և որք մնան յանթլփատութէ, նոքա մօիւն յերկիր պարգեւաց : Եւ անթլփատքն դարձեալ յանապատի անդ կերակրեցան մանանայիւ . և իբրեւ թլփատեաց զնոսա Յեսու . թէ ահա մոցեն, բարձաւ 'ի նոցանէ մանանայն . և ահա օգտուի և շաբաթ թլփատուի : Նա և սուրն իսկ թլփատուի յանդիմանէ զնոսա՝ եթէ թնամի է նա մարդկան . զի ահաւանիկ Սիւքեմ թլփատեալք՝ զթլփատեալն կոտորեցին . և մարգարէն ասէ . « Ամենայն հեթանոսք անթլփատ են մարմնով . և տունն խրայելի անթլփատ են սրտիւք » :

Երդ եթէ թլփատուիւն մարմնոյս պիտոյ էր, ընդէր բամբասէր զանթլփատ սրտիւք . այլ եկեղեցի զի ստացեալ ունի յանձին զթլփատուիւն սրտի, ոչ ինչ պիտոյ է նմա թլփատուիւն մարմնոյ : « Ութօրեայ, ասէ, թլփատեսցի », . և ահաւասիկ սոքա որ թլփատեալքս են, դարձեալ միւսանգամ անթլփատս ծնանին : Եւ եթէ էր թլփատուիին յայ, պարտ էր թլփատելոցն թլփատեալս ծնանել, որպէս մարդ 'ի մարդոյս . այլ զոր ինչ նոքա նշանօք գործեն, արարածք ծննդօք փոփոխեն զնոսա : Եւ զոր օրինակ բնութի լուծանէ զթլփատուի, սոյնպէս լուծանէ զշաբաթս . զի ամենայն ինչ գործելով գործէ և գործելով գործի, և ինքն իսկ օր՝ յօրէ ոչ որոշի : Նա և օրէնքն լուծանեն զթլփատուիք 'ի վախճանել տղայոցն յառաջ քան զութօրեայ ժամանակն, և լուծանէ զշաբաթս թլփատուիքն՝ զի ծնանին : Եւ զի ոչ եթէ սոքա են որ սրբեն, վկայէ երեմիա յասել իւրում . « Մինչ չե նկարեալ էր իմ յորովայնի, ծանեայ զքեզ . և մինչ չե ելեալ էիր՝ յարգանդի սուրբ արարի զքեզ », : Եւ եթէ յարգանդի այսպէս նկարեաց իմաստուի նորա, յաղթեն բնութեն : Եւ եթէ յարգանդի սրբի շունչ, ո՛ր է թլփատուի մարմնոյ . և եթէ մինչ չե ծնեալ էր սրբեցաւ, ո՛ր է ուխտն որ ասաց՝ ամենայն զի թլփատէին, զի յայտնի լիցի ժողովուրդն զոր ընտրեաց ան : Ահաւասիկ խմայել խոտեցաւ անարգեցաւ, իբրու ինքն և զաւակ իւր

Թլփատեալք էին . և Սահակ օրհնեցաւ մինչ չեւ
ծնեալ էր , և ընդունելի եղև անուն նորա մինչ չեւ
յղացեալ էր : Եւ 'ի Սէթայ կարգին արդար ոչ հա-
տաւ մինչև Սարաամ , և Թլփատուի ուրեք ոչ եղև
պիտոյ : Եւ ընդ Սարահամու չորիցս անգամ խօսե-
ցաւ անձ , և քապա 'ի չորրորդում նուագի անդ ստեղծ
ընկալաւ զԹլփատուի : Սարդ զոր օրինակ ոչ յայտ-
նեաց անթլփատիցն Ենդայ և 'նոյի' և եթէ հան-
դերձեալ է պիղծ համարել զանթլփատուի , և ոչ
Սէթայ և Ենովայ' և եթէ սուրբ առնէ զշաբաթս ,
սոյնպէս և ոչ յայտնեաց' եթէ հանդերձեալ է լու-
ծանել զշաբաթս և զԹլփատուի :

Մարդ անփոյթ արար , ասէ , զառաջինս , և կապեաց
զմիջինս , և եթոյլ ետ վերջնոցս : Եւ զի յայտարաս-
ցէ զիշխանուի տէրուն իւրոյ օրէնսդիրն , ոչ յայտ-
նեաց մինչև օրէնք նորա երևեցան : Ամենայն օրէնք
'ի ժամանակի իւրում եթէ էր յայտնեալ յառաջ
քան զժամանակն' եթէ անցանելոց են , անգոսնեալ
անարդեալ լինէին 'ի ժամանակս իւրեանց . և փու-
թացեալ ընթանային առաջինքն Թլփատել 'ի ժա-
մանակի անդ' յորում չէր արժան . կամ լուծանէին
միջինքն զԹլփատուի 'ի ժամանակի անդ' յորում
չէր օրէն' եթէ էր յայտնեալ եթէ խափանելոց էր
զնա . և զի ետ զնա նոցա' պիտոյ իսկ էր : Սոյնպէս և
զշաբաթն և զամենայն օրէնս ժամանակեանս . այլ
կուրացոյց զնոսա յայնմիկ , զի անցանէին զնոքօք և
ոչ լինէին պատժեալք : Սարդ լուծանել օր ըստ օրէ
կամ ժամ 'ի ժամէ' յայտ առնէ զի ոչ եթէ յաւի-
տենից են , յայնմիկ զի սեղանաւն կապեալ էին , և
ընդ լուծանելն նորա' լուծանէին և նոքա : Ասէ այս-
պէս . ոչ ունիս իշխանութի դու յամենայն տեղիս
անխտիր մատուցանել զպատարագս քո . այլ օրէնք
ճշմարիտ առանց զոհից պատարագաց և առանց սե-
ղանոյ յամենայն տեղիս' տեղի նոցա է , և յամենայն
ժամ' ժամ նոցա : Սարդ ոչ եթէ վասն Թլփատուե
կոչեցան որդիք Սարահամու , և ոչ վասն շաբաթուց
մտին յերկիրն օրհնեալ , և ոչ ընտրութիւն կերակ-
րոց սրբեցին զնոսա : Այլ ամենեքեան' որ ելին յեր-
կրէն եգիպտացւոց և անցին ընդ ծովն և զնացին յա-

նապատի անդ, մի՛ ի պահոց անտի ոչ կարաց օգնել նոցա . այլ մինչ թլփատեալն էին, պաշտեցին ըզկուռս . և ՚ի պահէն իւրեանց զշարաթ, արարին կուռս որթ պատկեր . և մինչ ընտրուիք կերակրոց ՚ի մէջ կային, պոռնկեցան ընդ դռներն Մադիամու այլօքն հանդերձ :

ԳԼՈՒԽ Զ

ԼԱՐԱՏԱԾ ոչ եթէ զի ծերացեալ էր՝ ասաց «Ծերացայ անցի զժամանակօք ծննդեան», այլ վասն մեծուն գործոյն՝ որ ՚ի մէջ նորա և նյ և զաւակի նորա և այլոց որ ՚ի միջի . զի որդիք բազումք յետոյ Սահակայ ՚ի Բեառարայ եղեն Աբրահամու : Սոյն պէս և Դաւիթ վաթմնամեայ էր, ածին նմա կոյս մի զի ջեռուսցէ զնա . այս ինքն ոչ եթէ զի ոչ կարէր հաղորդել ընդ կուսին, և անցեալ էր նա ըստ ժամանակս ընութէ իւրոյ, այլ զի խրատեցաւ նա յառաջինն՝ ցոյց նա սանձս կամաց իւրոց . փորձեցաւ ՚ի Բերսաբէէ՝ զի մի ևս բարձրացի, որպէս և այլքն ասեն . վասն այսորիկ «Փորձեաց զիս տէր և քննեաց զիս», . . կամ փոխանակ զի ասաց «Փորձեա զիս տէր, և քննեա զիս տէր», :

Եւ զի ասէ «Ահա Սառուս ծիծաղեցաւ», նա և Աբրահամ ծիծաղեցաւ . այլ Սառուս իբրեւ այսին կատականաց առնէր զբանիւն, այլ Աբրահամ յուրախութէ սրտի իւրոյ համբերէին շրթունք նորա . վասն այսորիկ Սառուս միայն պատժեցաւ : Եւ իբրեւ հաստատեցաւ Աբրահամայ հարիւրամենի ծնանել, և Սառայի իննսուռնամենի որդի լինել, ոչ կարաց համբերել զցնծութի մտաց իւրոց : Եւ ասէ Աբրա համ . «Ինձ իամայել և եթ կեցցէ առաջի ք», . զի յայտ արասցէ երկուս իրս . մի՛ զի զորդի աղախնոյն իբրեւ զորդի ազատին սիրէր . և ՚ի հանել իւրում զնա, յայտնի լինիցի . զոր օրինակ ճգնեալ նեղեալ էր վասն Իսահակայ յերթալ պատարագել զնա, նոյնպէս վասն Իամայելի : Եւ երկրորդ զի յայտ արասցէ՝ թէ վասն որդւոյ հաղորդեցաւ ընդ Հագարայ, և ոչ

վասն ցանկութե: «Ինչ, ասէ, խամայել կեցցէ առաջի քո», զմեծութի պարգեաց տուլին յայտ արար, և ոչ եթէ երկմտեաց ինչ. և յայնմանէ՝ որ աւետիսն ետ նմա պարգեաց՝ խնդրէր նա. վասն այսորիկ ՚ի վերայ մասին պարգեաց զարմացեալ էր, և վասն յաւելլոյն շնորհաց: Արդ յայտ արար զփափազելն իւր առ պարգեան, և զգուծն իւր որ առ խամայել: Կամ ընդ համարձակութիւն ժպրհութեն Հագաւրայ հայեր. յաղաքս այսորիկ վասն կենաց որդւոյ իւրոյ երկմտէր նա յասել իւրում. «Ինչ խամայել և եթէ կեցցէ առաջի քո», Կամ զի ոչ հրամանաւ նոյ առ նա զԱգար, այլ ըստ խրատու Սառայի, խորհեցաւ նա ընդ միտս իւր և ասէ. զի եթէ ՚ի Սառայէ տուեալ լինի ինչ որդի, ապա խնդրուածս կենաց արժան է մատուցանել ՚ի վերայ խամայել: Այն զի որպէս զԽաւհակ՝ նոյնպէս սիրէր զնա, յայնմանէ՝ զի իբրեւ յանցեալ Սահակայ ինքն խամայել, որոշել մեկնել զնա ըստ բանին Սառայի ոչ կամեցաւ: Եւ եթէ տուլին Սահակայ վկայութիւն իւրով զբանն Սառայի ոչ հաստատեալ էր, զխամայել ՚ի ժառանգութե իւրմէ նա ոչ մերժէր:

Ոչ ետուն աւետիս հրեշտակք Աբրահամու մինչ կանխաւ յառաջագոյն. զի մի կարծիցի զնմանէն՝ թէ վասն այսորիկ ընկալաւ զնոսա. նա և յետոյ իսկ ծանեալ զնոսա՝ թէ հրեշտակք իցեն նոքա: Զի մինչ չեւ հրեշտակացն եկեալ էր առ նա, գրեալ է, ասէ, «Երեւեցաւ տէր անձ Աբրահամու առ կաղնեաւն Մամբրէի», և ապա ետես զերիս արան: Եւ իբրեւ ընթացաւ ընդ առաջ նոցա, իբրեւ ընդ առաջ օտարաց ընթացաւ. ծանեալ զանձ՝ այն որ յառաջ երեւեալ էր նմա: Այլ իբրեւ չոգաւ եհաս առ նոսա, այն անձ՝ որ երեւեցաւ նմա յառաջագոյն, եկն լուծաւ ՚ի վերայ միոյ ՚ի նոցանէն. ետես նա զայն նշանն ՚ի մի դռն ՚ի նոցանէն, և ՚ի նմանէ խնդրէր. և նա ինքն է՝ որ ետ նմա աւետիս վասն խաւհակայ որդւոյ նորա: Եւ իբրեւ մեկնեցան երկուքն երթալ ՚ի Սոդոմ, մնաց այն՝ որ խօսէրն նովաւ անձ: Եւ առաջի հրեշտակացն այնոցիկ՝ ասէ անձ. «Մի եթէ թաքունստ ինչ իցէ յԱբրահամէ ծառայէ իմմէ»:

զի երիւք վկայիւք՝ օրհնեսցէ զնա և բազմացուցէ զնա զի ընկալաւ զնոսա . և նորօք կործանեաց զՍողոմ, զի ոչ ընկալան զնոսա 'ի մէջ նորա : Նա և Ղովտայ մի յերկուց անտի երևեցաւ Աստուած յետոյ ըստ բանին Աբրահամու . խօսեցաւ և նա առ մի : Եւ քանզի պատուական և փառաւորք էին հրեշտակքն մի քան զմի, ետես զփառս մեծութե՝ որ էր առ մի 'ի նոցանէ աւելի քան զընկերաց իւրոց, և տեսլեամբ ևս . և զի լուռ ևս կային առաջի նորա՝ որ փոքունքն էին քան զնա : Եւ յառաջ մինչև երթեալ էր Աբրահամու ընդ առաջ նոցա, և զնոսա ևս երիս տեարս կարդաց . որպէս վասն Ղովտայ գրեալ է, ասէ . ետես երկուս արս՝ թէ զի նման իցեն նոքա օտարաց, ահաւանիկ յետ ճաշոյն ուտելոյ գիտաց Աբրահամ թէ հրեշտակք են : Գրեալ է եթէ յոռն կացին անտի արքն և գնացին . և զճշմարտութի նոցա ետես Գեղէոն, հրեշտակ և տէր . սոյնպէս և Մովսէս . բայց մեկնապէս Հագար ասաց . ասէ, տեսիլ այ երևեցաւ ինձ, յետ տեսանելոյ զիս հրեշտակին . և նովին հրեշտակաւ ետես քնա . իբրեւ զայն զի ասէ . անուռ իմ 'ի վերայ նոցա, այս ինքն նիշ նշառ նակի իմն 'ի վերայ նորա :

Եւ որպէս ետ նա զնշան իւր 'ի վերայ Մովսիսի 'ի Ժամանակի իբրեւ իջին նստան փագք նորա 'ի վերայ երեսօաց նորա, սոյնպէս փառաւոր լինէր հրեշտակն՝ յորում երևէր նմա փառք մեծութե՝ որպէս և մարգարեանային իւթանասունքն . և հոգին 'ի մի անդ երևէր թէ հանգուցեալ էր : Զի և երկոտասանքն զփականսն ունէին, սակայն Հմաւոնի տուեալ լինէին . և զի նա իսկ էր գլուխ, 'ի վերայ քարոզութե՝ նորա ասաց շինել զեկեղեցի իւր : Զոր օրինակ արասցեն զօր թագաւորի պատերազմ, և զօրագլուխն՝ որ ընդ նոսա իցէ՝ յանուն նորա անուանին ամենայն զօրքն : «Կոտորեաց զնոսա, ասէ, Յովաբ որդի Շարուհէ», Մեծութին՝ որ բնակեալ է 'ի բարձունս, զգեցաւ զկերպարանս օտարաց և առ սիրելին օտարաց եկն, զի մտցեն որպէս օտարք քաղցեալք հացիւ, և տայցեն որդի քաղցելոցն ծննդեամբ : Եւ իբրեւ լցաւ որովայն հիւրոցն 'ի սեղանոյ անտի, լցան ամուլ մէջքն ասպլն .

ջականացն 'ի պարզեաց անտի: Ընթացաւ ընդ առաջ նոցա, զի տացէ այնոցիկ որ ծածկեցին զպարզեան իւրեանց 'ի ձեռն աղքատութե, զի ցուցցեն զփոյթ յօժարութի այնոցիկ՝ որ առնուն զնա: «Եկայք, ասէ, 'ի տուն ծառայի ձերոյ», Եւ ապա յետ այսորիկ ասաց վասն նորա. «Մի եթէ թաքնուած ինչ իցէ Սբրահամէ ծառայէ իմմէ», Եւ յս բան՝ որ վաղվաղակի կատարեցաւ 'ի տեղւոջ իւրում, փոխանակ զի ոչ գարշեցաւ նա լինել բարեկամ՝ օտարաց, խոնարհեցաւ անձ յայտնել նմա զխորհուրդս որպէս և բարեկամի:

«Վաղակ, ասէ, սողոմայեցւոց կանխեաց բազմացաւ. և մեղք նոցա մեծամեծք 'ի կշիռս. դիզան, և եկին հասին մինչև առ իս: Պատասխանի ետ նմա և ասէ. եթէ իցեն յիսուն արդար 'ի քաղաքի անդ, կորուսանիցեն ապականեն դու զքաղաքն, և ոչ ներես դու վասն յիսուն արդարոյ թէ գտցի 'ի նմա. քաւ լիցի քեզ՝ որ դատիս զամենայն երկիր», Եւ յս ինքն զի և ամենայն երկիր լի է մեղօք և անօրէնութեք. և քաղցր ես դու 'ի վերայ նոցա, և 'ի վերայ սոցա բարկանաս դու: Եւ զի ասէ «Մի արասցեն դու զայդ դատաստան», ոչ եթէ 'ի վերայ արդարոց խնդրէր նա, այլ 'ի վերայ մեղաւորաց. քանզի գիտէր՝ թէ զարդարմն ոչ սատակէ. այլ արար առաւէն զարդարմն, և խնդրեաց 'ի վերայ մեղաւորաց: Ո՛վ յստակութիւն Աբրահամու. Եղիա ժխտեցաւ յասեն իւրում «Ես միայն մնացեալ եմ», և Աբրահամ 'ի կողմն մի երկրի ասաց «Եթէ իցեն յիսուն արդար 'ի քաղաքի անդ», Եղիա 'ի պաշտօնէից անտի Բահաղու և վասն մոլորութեան եղաբէլայ և Ախաբու զազրացեալ ձանձրացեալ էր յամենայն ժողովրդենէ անտի. այլ Աբրահամ 'ի նմանութենէ անտի Աբիմեւէքայ և Մեւրիսեղեկի հաւատաց և 'ի վերայ բազմաց:

Վնացին հրեշտակքն 'ի Սողոմ. այլ առ սողոմայեցիսն բարկութիւն, զի ողորմութի առաջնորդեաց նմա, այն՝ որ ներէրն, և ոչ դարձան. և առ Աբրահամ ողորմութի, զի առաջնորդէր նոցա օտուգութի արդարութե. առաքեաց առ նա հրեշտակս, և

յանձն արար նոցա աւետիս պարգեւաց . զի զարմասցին հրեշտակքն թէ որպիսի բարեկամ գոյ այլ 'ի վերայ երկրի : Եւ միւս ևս , զի ծանիցեն զպատիւն զոր առնէր նա օտարաց , և ապա տացեն նմա աւետիս պարգեւաց : Ի նմին օրինակի առաքեաց զնոսա 'ի Սուդոմ , զի տեսցեն նախ զանարգանս օտարաց , և ապա արասցեն զնա հրձիգ : Որպէս և անդ մինչ չև փորձեալ էր և գտեալ էր զճշմարտութի սիրոյ նորա , ոչ ետուն նմա զխաւսակ : Այսպէս և աստ իբրև գիտացին և ծանեան զգործսն , ապա իջուցին 'ի վերայ նորա հուր :

Չիք սէր որ ոչ հաւատայ , և ոչ հաւատք որ ոչ սիրեն . զի 'ի Ժամանակի իբրև սիրեաց անձ Վարահամ' և օրհնեաց զնա . և իբրև սիրեաց Վարահամ զանձ' հաւատաց նմա : Ահ և երկիւղ 'ի նեղութենէ է , այլ հաւատք 'ի կամաց են . երկիւղ 'ի օպառնութենէ ծնանի , և հաւատք 'ի սիրոյ : Իսկ զինչ սէր էր առ անձ Վարահամու , բայց 'ի հաւատոց . և զինչ քննութի էր այլ առ հաւատս , բայց աւետիքն պարգեւաց : Զինչ արժան էր Վարահամու , այլ հաւատալ յանձ' որպէս յանձ . և զինչ վայել էր այլ , բայց աւետիս տալ որպէս և փորձիչ , և հատուցէ որպէս և փոխառու . զի հաւատք նորա որ 'ի մէջն են' փոխ են , և պարգեւքն որ 'ի նմանէ են' հատուցումն են : Տես որչափ դիւրին է դուռն' որ բացեալ է քեզ , ով վատ , զի կամք քո հաստատունք մուրհակ պարտեաց նորա են առ քեզ . որչափ հաւատաս , սոյնպէս տաս փոխ . և որչափ փոխ տաս , ընդ միոյ հարիւր պահանջես : Զճառայսն Ղաւթայ զբաներոզս և զկագացոզս մերժեաց ստուգութիւն և ընկէց 'ի մէջ սողոմայեցւոյ , որ զբանեարմն սիրէին . զի և նոքա խրատեսցին ընդ նոսա . և Ղովտ' զի համբերէր ներքնոց և արտաքնոց , ապրիցի 'ի միջոյ նոցա :

Տես դու զգործսն Վարահամու և զաղօթսն զոր արար ըստ անչափ բարկութե երկրին սողոմայեցւոյ . այսպէս անչափ իսկ չար էին խորհուրդք նոցա : Պտուղ երկրի նոցա յոյժ քաղցր էր , այլ պտուղ գործոց նոցա յոյժ դառն էր . և երկիր նոցա ըստ բնութե պտուղ ցանկալի բոլորէր , այլ աղաւտութի նոցա

արտաքոյ ընուլթէ պտուղ զազրութէ բղխէր : Ետ նոցա երկիր բարութի, զի թերեւ հայեսցին չարքն ընդ երկրին բարութի և նմանիցեն նմա, այլ ոչ նմանեցին նոքա բարութէ և ժայելութէ երկրին . այլ փոխանակ բարութէ զգործ խոտորման գործեցին : Եւ զի ոչ նմանեցին խոտորեալքն բարուէ երկրին, առ տապալեաց կործանեաց զերկիրն, զի նմանիցէ նոցա : Փոխանակ զի խոտորնակ մտօք զնացին նոքա 'ի վերայ նորա, ետ նոցա երկիր բարութէ՝ զի առանց պատասխանի տալոյ եղիցին նոքա :

Եւ զգործս սողումայեցւոց յանուն աղաղակի առ ռակեաց . զի գոչէին և աղաղակէին մեղք նոցա առաջի դատաւորին, որպէս արիւն Աբէլի առաջի վրէժխնդրին . ասէ ցԱբրահամ . «Աղաղակ սողովմացւոց և գոմորացւոց եկին հասին մինչև առ իս» : Եւ փոխանակ զի օւրախ եղիցի Աբրահամ՝ զի սկսաւ տէր կոտորել սատակել զքանանացիսն, զի ընկալցի նա զժառանգութի նոցա, որպէս տուաւ նմա աւետիքն, արդ անցեալ կայր՝ խնդրէր և աղաչէր փոխանակ նոցա . նա և որ գերեցան ևս, դարձոյց անդրէն : Եւ եթէ վասն Ղովտայ, կարօղ էր և զՂովտ միայն թափել իբրեւ զայն զՀամոմէ բոքովրեանց . այլ գընաց նա առնել մարտ պատերազմի ընդ այնոսիկ՝ որ եկին 'ի թափել ընդարձակեցուցանել նմա զերկիրն, զի ժառանգեսցէ զնա : «Եւ եթէ իցեն 'ի նմա, ասէ, յիսուն արդարք» . եցոյց նա՝ զի այս կամք էին, զի ամենայն ինչ նովաւ եղև իբրեւ զայն՝ զԶաքարիայն ասէ . ասաց տէր ցատանայ սաստեսցէ 'ի քեզ տէր :

Եւ ոչ եթող ստուգութիւնն զՂովտ 'ի մէջ սողումայեցւոցն, փոխանակ զի ոչ եթող նա զստուգութիւն 'ի մէջ սողումայեցւոցն : Հաստատեցաւ նա 'ի նմա մինչդեռ 'ի միջի նոցա բնակեալ էր, և մեկնեաց որոշեաց՝ զնա և հան զնա իբրեւ 'ի մէջ նոցա խառն էր նա : Մեկնեաց որոշեաց և եցոյց նմա զգործս ստուգութե 'ի մէջ անիրաւաց, որոշեաց մեկնեաց և նա և յայտնի եցոյց զփրկութի Ղաւթայ յանօրի նաց անտի : Վայել էր իսկ ստուգութիւն 'ի թիկունս

Հասանել նորա 'ի ժամանակի նեղութե , այնպէս որ ոչ մի մոռացաւ նա զստուգութիւն 'ի ժամանակի ընդարձակութե : Այլ արժան էր իսկ , զի մի ընկզմիցի նա 'ի մէջ սողովմայեցւոցն այր մի՝ որ կորզեաց եհան զանձն իւր 'ի գործոց անտի սողովմայեցւոց : Զիսորդ կորնէր նա ընդ սողովմայեցիսն այր մի՝ որ ոչ կորոյս զխորհուրդ իւր 'ի մէջ սողովմայեցւոց . թէպէտ և խորհուրդք սողովմայեցւոց կորուսեալ և ապակա նեալ էին , օակայն նորա խորհուրդքն հաստատուն էին : Վասն այսորիկ 'ի ժամանակի իբրև կործանեցաւ երկիրն 'ի ներքոյ սողովմայեցւոց , երկիրն որ 'ի ներքոյ ոտից նորա՝ հաստատուն կայր : Փոխանակ զի տապալեաց ցանկութի զխորհուրդս նոցա արտաքոյ քան զքնութի , տապալեաց ստուգութի զերկիրն ոցա առանց բնութե : Եւ զի եղեն նոքա կամք իւր եանց 'ի ներքոյ մտաց տապալելոց , եղեն նոքա իբրև ոչ կամէին՝ 'ի ներքոյ երկրի տապալելոյ : Տապալեալ չըջեցաւ ցանկութի նոցա 'ի վերայ երկնաւորացն , տապալեցաւ երկիր նոցա 'ի վերայ բնակչացն իւր եանց : Փութացաւ երկիրն , առ կուլ զնոսա և ծածկեաց 'ի ներքոյ իւր , զի մի տրտմեսցին երկիրք 'ի տեսիլ այնոցիկ՝ որ անարգեցին զսիրելիսն նորա : Ոչ թողաւ նոցա բնակել 'ի վերայ երկրի այնոցիկ՝ որք անարգեցին զբնակիչս բարձանց :

“Իշեաց , ասէ , ան զԱբրահամ , և եհան արձակեաց զՂաւթ ,” . զի մեծացուցէ զԱբրահամ . և զի յայտ արասցէ եթէ ամենայն որ աշակերտէ և առնէ արդարս , հաղորդի նա մասին նոցա : Եւ զի ցուցցէ նա զստուգութի նորա , զի փոխանակ միոյն զի ոչ խնդրեաց նա , եղեն կամք նորա վասն բազմացն զի խնդրեաց 'ի վերայ նոցա : Եւ քանզի անբիծ և անարատ էր Աբրահամ , կապեաց զստուգութիւն 'ի սկիզբն բանից իւրոց , զի մի կորիցէ արդարն ընդ մեղաւորին : Ոչ եթէ 'ի վերայ արդարոցն գլխովին խնդրեաց նա՝ զի ապրեսցին 'ի վախճանի , այլ և 'ի վերայ երկրին՝ զի ապրեսցին վասն նոցա : Ղովտ աղաղակէր յայնմ գիշերի , զի գործս չարս սողովմայեցիքն գործէին . և Աբրահամ քարոզէր՝ թէ որպէս աղալեաց նա և խնդրեաց , և վասն վկայութե նոցա ասէ՝

նա և աւետիս պարզեաց ետուն ինձ : Այլ իբրեւ եղև ծնունդն 'ի ժամանակի իւրում, ետուն փառս որդիք մարդկան այնմիկ՝ որ ժամանակս բազումս երկայնամիտ եղև առ սողոմայեցիսն : Փոխանակ զի կռչեաց զանուն նորա Սեգովը, հեբրայեցի ասէ՝ փղբրիկ : “Ահաւասիկ փղբրիկ է” :

“Ահաւասիկ, ասեն, հայր մեր ծերացեալ է, և ոչ ոք գոյ յերկրի որ մտանէ առ մեզ . եկ արբուցանեմք զհայր մեր գինեաւ, և ննջեմք ընդ նմա” : Հաւանեցան, ասեն, 'ի պատճառ գինւոյ գործել զցանկութի մարմնոյ . այլ ոչ եթէ ցանկութի գործել, այլ ընդդէմ ցանկութեն գործել : Զի ցանկութի աղբււրս բանայ հոսել զնոսա յերկիր, որ զպտուղս ոչ մտուցանէ . այլ ամուսնութի ուղղութեալն աղբււր իւրոյ զերկիր ջնուցանէ, որպէս զի պտուղ եղիցի նմա ընդ ժառանգաւորս : Արդ աւմենայն որ վասն որդւոց զգուշացեալ է 'ի շնութեան, զի նա է ապականիչ որդւոց, զի զցանկութի կամաց բարեաց երթայ կատարել . իսկ այն որ զլղութի յռքովայնի ոչ առնէ, և զծնունդ յարգանդի ոչ կատարէ, թնամի է նորա, և սպանանէ զնա և ատէ զնա և ապականէ զնա :

Արդ քանզի դստերքն Աովտայ զաւակ կամեցան յարուցանել, ոչ եթէ ցանկութի չոգան գործել : Այլ ամուսնութիւն արտաքոյ օրինաց, զի աշխարհս մի անզաւակեսցի : Թէպէտ իբրու արտաքոյ կարգաց արարին զայս, սակայն որպէս զի յարուսցեն ժառանգաւորս՝ վասն կարգաց աշխարհի խորհեցան : Թէպէտ ընդդէմ ընութեց յայտնապէս պատերազմ առ նէին, սակայն փոխանակ ընուէ 'ի ծածուկ մարտընչէին : Տեսին զերկիրն զի թափուր եղև 'ի ծննդոց իւրոց յարժանի, և համարձակեցան յանարժանս որ դիս յարուցանել նմա . սոյնպէս և Թամար : Զի եթէ զպնդակազմ նահատակս կարօղ է գինի լուծանել և լքեցուցանել, զիմրդ կարէին զօրանալ տկարքն 'ի վերայ նորա : Վասն էր ոչ կարես դու հակառակել և ընթանալ ընդ շունչ հողմն, կամ նեղել մտանէ առ բոց հրոյ . Թերեւս ասիցես, զի ընութի իւրեանց խստագոյն են քան զիս : Եւ գինի ոչ ահա ընու

Թէ իւրով ստացեալ ունի զգորութի : Փախչիս դու .
 'ի բորբոքեալ Տրոյ , զի այրէ զքեզ մարմնապէս . ար-
 ժան է փախչել յայնմանէ՝ որ յամօթ առնէ զքեզ
 յայտնապէս : Մինչ դեռ 'ի քեզ է խռովութիւն գի-
 նւոյ , աշխատիս ջանաս դու զգաստանալ . իսկ յոր-
 ժամ հանիցես դու զնա՝ ի քէն , ոչ ահա առաւել ևս
 զգաստանաս դու . զի եթէ մինչդեռ խռովին պղտո-
 րին ընդ քեզ է՝ ծանր լինել փութաս դու , յորժամ
 մեկնիցիս որոշիցիս դու՝ ի նմանէ որչափ ևս առաւել
 փառաւոր լինիցիս դու : Զի եթէ խառնակութիւն
 արտաքին խարդախչացն պարաւանդք են ուղղոցն ,
 որչափ ևս առաւել այդ որ 'ի փորիդ քու՝ արգելեալ
 կայ : Կա և խարդախն նովաւ խարդախանան : Մի
 հակառակեսցուք վասն ընութեց որ զօրադոյն իցեն
 քան զմեզ , զի խստանան և թանձրանան ստամոքք
 'ի բազում կերակրոց , և փնասին միտք յառաւելա-
 գոյն յանչափ գինւոյ :

Յուսահատութե հայէին ընդ Սառա ընդ ամուսն
 ծերացեալ անցեալ ըստ չափ ժամանակի . արդ սա ,
 ասեն , ծնանի՝ Սոյնպէս հայի ընդ դժոխս վիհս .
 արդ սա , ասեն , դարձուցանիցէ ինչ : Արդ ընդ պար
 դէմն զաւակին որ ընկալաւ Սառա , զնորոգութիւն
 երիտասարդութեան և զտղայութի ընկալաւ՝ որպէս
 զԴեէմանն և զգաւազանն Ահարոնի . ապա թէ ոչ
 զիարդ եռացին ստինք ցամաքեալք . ապարահութի
 դաշտանին՝ զի դարձաւ նա վերստին , վկայէ վաճ
 տղայութեն դառնալոյ : Եւ զի ցանկացաւ նմա Աբի-
 մելէք , 'ի վկայութի տղայութե նորա գրեցաւ այս :
 Զի որպէս նորոգին տղայանան օձք և արծուիք մար-
 մնովք իւրեանց և ոչ ամօք , սոյնպէս և Սառա և
 Աբրահամ : Զի այն որ ասացն՝ բայ՝ « Եթէ իցէ՝ ինչ
 մարթ 'ի հարիւրամեկի որդի լինել » , յաւել դար-
 ձեալ ամս քսան և մի , և առ զկին , զի ծնցի և թա-
 գաւորս հեթանոսաց որպէս և խոստացաւ նմա : Եւ
 զի եղիցին հարձորդիքն քարոզիչք , և բերիցեն պա-
 տարաքս որդւոյն ազատի , ետ նոցա պարգևս և ար-
 ձակեաց զնոսա առ 'ի Սահակայ . զի առցեն զպար-
 դէմն և եկեսցեն առ այն՝ որ ծնանելոցն իցէ 'ի Սա-
 հակայ :

«Ար ինչ, ասէ, ցայժմ ոչ եղև, արդ լինիցի ինչ երիտասարդութի» . վկայեաց զի երիտասարդութի պիտոյ է յղութե, և մարգարէացաւ . զի տղայութի երիտասարդութեն որպէս և խմբ թռեալ ընդ ծերութի նորա և նորոգեաց զնա : Զի զայն ինչ զոր ընկալաւ նա՝ եղև նա նոցա խմբ նորոգութեան, և նորոգեաց տղայացոյց զնոսա : Եւ օրհնութիւն այն որպէս ընութի յարգանդէ ծնաւ յետոյ . և իբրև ոչ ընութի առանց առն յղացաւ, այն որ կանխաւ մինչև յառաջագոյն ծերացելոց անցելոց ըստ չափ ժամանակի, իբրև ընութի տուաւ նոցա նորոգումն երիտասարդութե և տղայութի առանց ընութեան : Եւ զոր օրինակ արար զայս՝ ի գալստեանն իւրում առ Մարիամ, նոյնպէս և արար զայն՝ ի գալստեանն իւրում առ Սառա : Իսկ այն որ մեռաւ, զգործօ կա նանց գործել ոչ կարէ, բայց կենդանի, սոյնպէս և արգանդ մեռեալ . և այս որ եղեն, զի ոչ իբրև ընութի, զի իմասցին և գիտասցեն զտէրն ընութեց՝ զի եղև նա սիրով իւրով՝ ի ներքոյ ընութե . և զի գիտասցեն եթէ պարգև արտաքոյ քան զընութի մտաւնէ բաշխել որպէս առ Սառայի՝ զի յղացաւ զխորհուրդ նորա, և որպէս Մարիամայն զի ծնաւ զճըշմարտութիւն նորա : Այլ և ի ծնանելն Իսահակայ խորհրդեան նորա արարածք կապեալք արձակեցան, և անիծեալք օրհնեցան, արձակեցան արգանդք կապեալք ժամն Աբիմեղիսոյ, և օրհնեցան անզաւակ որովայնք նոցա : Եւ եղև անդ ծնունդ մի նոք վայելուչ գեղեցիկ քան զառաջինն, զի գոհասցեն վառն խորհրդոյն այնմիկ՝ որ արար ծնունդ նոր ի մկրտութի աւազանին, զի վայելուչ գեղեցիկ է քան ըզծնունդս որովայնի :

Իւր զի յայտ արասցէ զիշխանութի տէրութե իւրոյ, այն զի ամենայն ինչ գիւրին է նմա առնել, արգել զյղութի ի կանանց նոցա բազում ժամանակս . զի անզաւակութի կանանց իւրեանց ուսցին գիտասցեն և ծանիցեն զանզաւակն զայն, զի յառնէ իւրմէ ընկալաւ զյղութիւն զայն Սառա : Արդ ոչ եղև անդ յղութի, զի ծննդականօքն որ եղեն յանկարծակի ամուլք, և լուացան զսերմանիս արանց իւ-

րեանց, յայտ լիցի ամլութիւն՝ զի մոռոյց և աճեցոյց
զսերմ՝ մշակի իւրոյ : Նա և ոչ յղութիւն անամնոց
եղև անդ . զի ծանիցեն եթէ վասն զի բազմացուցին
զհայհոյութիւն իւրեանց՝ ի վերայ արդար և ստոյգ
ծննդեան, անցաւակեցան արգանդք նոցա յուզեղ
ծննդենէն . զի ակնարկեալ լիցի անդ հատուցումն
այնոցիկ՝ որ հայհոյեցին և հայհոյեցենն ի վերայ
ծննդեան տեսուն մերոյ . զի նա ինքն է լրումն կա-
տարման Սահակայ ոտուերի, այս ինքն ճշմարտու-
թի Սահակայ նշմարանի :

Արդ իբրև աղօթիւքն Աբրահամու բացան ար-
գանդք կապեալք, քարոզիւք ի վերայ արգանդին
բացելոյ, ուսան նոքա՝ զի եթէ կանաց ընկերաց
իւրոց ետ Աբրահամ ծնունդ աղօթիւք իւրովք,
յայտ է թէ իւր կիկնն՝ յօրհնութենէ որ յերանս
իւր էր՝ լցեալ էր : Եւ յայնժամ եկին ետուն զերա-
նութիւն այնոցիկ՝ որ ոչն ծնանէին, այնմիկ՝ որ ծը-
նան . զոր օրինակ երանէր նա յայն ժամանակի
այնոցիկ՝ որ ծնանէին, և ինքն անզաւակեալ էր :
Արդ շարժեաց խռովեցոյց ծնունդն Սահակայ զա-
մենայն բնութիս ի ծնունդս . զի տունն Աբիմելեքայ
ծանիցեն և գիտացեն զանբծութիւն նորա . զի խոր-
հուրդ է նա այնորիկ՝ որ ոչ եթէ ի ձեռն փոքր ար-
գանդին երևեցան յայտնեցան սքանչելիք նորա, այլ
առաքինի աստեղնք քարոզեցաւ վկայուի նորա : Զի
աստղն որ ծագեաց Յակոբայ, հրաման ետ աստեղն
բարձանց առաջնորդել որդւոցն Աբրահամու դալ
երկիր պագանել որդւոյն Դաւթի : Արդ աստղն կա-
ցոյց զնոսա ի վերայ աստեղն, զայնոսիկ՝ որ խնդրէին
զնա . և մարմինն որ ի մարմնոյ անտի նորա է՝ նա
կացուցանէ զմեզ ի վերայ նորա, զի խնդրեցաք զնա :
Զի զոր օրինակ ինքն իսկ աստղն ստոյգ ճշմարիտ և
հաւատարիմ էր առաջնորդութիւն իւրով առաջի այ-
նոցիկ՝ որ զտէրն մեք խնդրէին, սոյնպէս ստոյգ ճշ-
մարիտ և հաւատարիմ է այս մարմին առաջնորդու-
թի իւրով առաջի երեսաց մերոց . զի մի ի ժամա-
նակեան յայրն յայն մուծցէ զմեզ, այլ յառագաստ
նորա՝ որ յաւիտեանս յաւիտենից : Եւ ոչ մեք մատու-
ցուք նմա զմեքն, այլ մեք ի նորայոյ անտի առցուք

զամենայն երանութիւն բարութեանց :

Եւ զի անխայեցոյց զԱբիմելէք զի մի մերձեցցի առ Սաուայ. մի՛ զի ոչ էր նա չար իբրեւ զՓարաւոն . “ Յան մեղութեան սրտի իմոյ , ասէ , արարի զայս , ” . և վկայեաց ՚ի վերայ նորա ան . “ Զի և ես , ասէ , գիտեմ . և վամս այսորիկ արգելի զքեզ , զի մի մեղիցես , ” : Եւ միւս ևս , զի մերձ էր Սաուայ ՚ի ծնանել , արգել զնա զի մի մերձեցցի ՚ի նա . զի մի մայրն , որ զԽսահակ ծնաւ , կարծիցէ թէ որդի իցէ Աբիմելէքայ և ոչ որդի Աբրահամու . զի յղի էր նա յայնմ . Ժամանակի : Եւ զի ասէ . կապեցեր ծածկեցեր զաչս ամենայն զօրաց իմոց , զի գողացար դու , ասէ , զսիրտս մեր ամենեցուն . և կարծեցաք թէ քոյր իցես դու նորա : Եւ զի ասէ յանդիմանութիւն կշտամբեցեր զիս , զի քաջալերեցաւ Սաուա յորժամ ետես թէ անօգնական է նորա , յանդիմանութիւն կշտամբեաց զնա և ասէ . ընդէր որպէս յիմար մի անցանես դու ըստ ճանապարհս կնոջ քո . վառն այսորիկ ետ նմա զվարձս յանդիմանութեան նորա , զի խրատեաց զնա հեղութիւն և զգաստութիւն իւրով : Եւ զի ասէ “ Արգել և փակեաց անօգնական արդանդ տանն Աբիմելէքայ ” . զի հարկանէին ստիպելին երկունքն և ծնանել ոչ կարէին , զի սրբութիւն ստատկութեան էր գիշերոյ միոյ և տուրնջեան : Այլ Յոյնն ասէ . “ Փակելով փակեաց տէր արտաքոյ ընդդէմ ամենայն արգանդի տանն Աբիմելէքայ ” : Փոխանակ այնր՝ զի ասէ “ Ի ներքոյ եղևնոյ միոյ ” . հերբայեցի ասէ “ Ի ներքոյ ծառոյ ” :

ԳԼՈՒԽ Է

“ Եւ դու զորդիդ սիրելի զմիամօրդ քո , և զնա դու յերկիրն ամուրհացուց ” . հերբայեցի յերկիրն մառիացուց ասէ : Եւ զի մի ոք կարծիցէ՝ թէ ափշելով ապշեցոյց անօգնական , ասէ ցնա . “ Երբ զնա դու երեքօրեայ մի գնաց ճանապարհս ” : Արդ Աբրահամու մեռեալ էր Սահակ՝ յայնմ օրէ հետէ , զի ասաց նմա անօգնական . մատու դու զնա ինձ պատարագ . և մեռեալ բարձեալ տանէր զնա թաղել . այլ կեն

գանանալով կենդանացաւ նա յաւուրն երրորդում 'ի տեղւոջ մահուան իւրոյ : Զինչ պիտոյ էր զի կախիցի խոյն զծառոյն, եթէ ոչ առակ օրինակաց նըկարեաց մեզ : Եւ փոխանակ զի ետ Աբրահամ զամենայն զսէր իւր որդւոյն իւրով այ, ետ ան զամենայն զսէր իւր անդրանկաւն իւրով : Եւ զի համբերեաց Աբրահամ վամն այ մինչ դեռ զորդին իւր զենայր, համբեր ան յանցանաց զաւակին Աբրահամու վամն նորա : Ան զի խնդրեաց զԻսահակ, զի յայտարասցէ զսէր հօր նորա . և զի ոչ ետ թոյլ նմա սպառնանել զնա, զի արգելցէ զժողովուրդն զի մի զոհեսցեն զորդիս իւրեանց կռոց : Աբրահամ զինու սիրոյ որդւոյն իւրոյ առ զյաղթութի 'ի վերայ ախոյանին իւրոյ . զի յայնմիկ՝ զի ետ զորդին իւր այ իւրոյ, առ նա զյաղթութի յախոյանէ անտի իւրմէ :

Լըդ հայեցաւ Աբրահամ թէ ինչ զոր այ տայ՝ աւանդ յանձն պունէ նմա, զի պահեսցէ զնա նմա . և զոր ինչ յախոյանէ անտի իւրմէ առնու՝ կորզելով կորզէ զնա, զի մի կորուսցէ զնա յիւրմէ : Արդ փութայր նա տալ զմիամօրն իւր այ, զի առ ան պահեալ լինիցի . և փութայր թափել կորզել զպսակն իւր յախոյանէ անտի իւրմէ, և զի մի ապականիցէ զնա ախոյեանն իւր : Նոյ յանասնոց մատոյց պատարագ, այլ Աբրահամ զմիամօրն իւր . թէպէտ և երկոքեան արդարք իցեն, սակայն զատեալ մեկնեալ են պատարագք նոցա : Յայն յառաջինն 'ի Նոյին՝ ողորմութի եղև աշխարհի, և յայնմիկ յԱբրահամուս՝ նկարեցաւ առակ օրինակի միածնին : Արդ Աբրահամ զնեաց արեամբ Խահակայ զերկիրն քառանագոց, զի 'ի նմա էին թագաւորք՝ զաւակք նոցին իբրև զատեղս, և իբրև զաւազ : Զայս ամենայն երկնելոց էր Աբրահամ յերանա Խահակայ, որպէս և ծնունդն Աղամայ յերանա նորա : Զի կեանքն որ զինի նորա եղեն ընդունչին պատարագաց՝ այն էր, զի զոր ինչ կամիցի արասցէ զպատարագն . իսկ մատուցին այս էր, զի մատուցանելով մատուցէ ևեթ . իբրև երևեցաւ նմա թէ որչափ իշխան էր ձեռնն Աբրահամու 'ի վերայ պատանեկին, երևեցաւ թէ որչափ իշխան էր սէրն բարձրելոյն 'ի վերայ

Աբրահամու : Այլ ոչ յայտնեաց Սառուայի , քան զի նմա ասաց անձ . այլ մատոյց նա նախ զիսին պատարագ , և ապա արձակեաց զԻսահակ 'ի կապանաց անտի , թէ գուցէ տեսիլ իցէ : Ինդրեաց անձ զսերն ճշմարիտ Աբրահամու , և ահա 'ի միամօր նորա էր . վասն այսորիկ նովաւ փորձեաց զնա . և զսերն Յակովբու , և ահա 'ի Յովսէփ . և զԴաւիթ , և ահա Սողոմոն . և զՍահակ , և ահա յեսաւ : Վասն այսորիկ ծածկեաց յԻսահակայ առաքիչն պարգեաց , զի մի տացէ զնա տրտմութիւն կամ բռնութիւն . քանզի ընդ բերան նորա անցանէին պարգեքն այն , զի ձայնիւ ընդունէր նա հօրհնութիւն . զիսորդ օրհնէր նա մինչ դեռ տրտում էր նա : Սոյնպէս ինդրեաց ստուգութիւն զսերն Քամայ , և ահա 'ի Քանան . և նովաւ տանջեաց զնա , այս ինքն զերկոսեան միմեամբք : Եւ ասէն զի նա ետես յառաջագոյն և ծիծաղեցաւ , վասն այսորիկ անձ եղ 'ի վերայ նորա նշան զուխտի իւրոյ , զի պատուեցաւ և զգնատացաւ անդամն՝ զոր խայտառակեաց Աբամ . և ետ զնա յայսն կատականաց , զի երեւեցի թէ գործք արարչին անփառք էն :

Տասն փորձանս փորձեցաւ Աբրահամ . տասն հարուածս անձ 'ի վերայ եգիպտացւոցն , զի հնազանդեացի նա զաւակի նորա : Տասն պատուիրանս ետ որդւոց նորա , զի պահիցեն . տասն ազգ որպէս զտանս պատուիրանս ետ նոցա : Այլ զկենացիս և զկենեղացիս , և զգեղոնացիս որդիքն Մովսէսու Ժառանգեացեն զնոսա . զի մովսէսացւոց , ասէ , ետու ես զնոսա : Եւ յայտ արար՝ թէ տալով ետ նոցա , իբրեւ զայն զի ասէ “Ետ նոցա զգաւառս հեթանոսաց ,” : Այլ տասն փորձանքն Աբրահամու այս են . եւ զնա դու յերկրէ քուսմէ , և եւ , երկրորդ՝ և վարեցաւ Սառուա 'ի տուն Փարաւոնի և ոչ տրտնջեաց : Երրորդ՝ և կազմն հովուացն Ղաւթայ 'ի Ժամանակի իբրեւ ետ նա Ղաւթայ ընտրել զգաւառ : Չորրորդ՝ զի ոչ առ նա յընչից սողունայեցւոցն , զոր թափեալ էր նա 'ի կորովս իւր : Հինգերորդ՝ և զի ասէ “Եղիցի զաւակ քո որպէս և աստեղք երկնից ,” . և հաւատաց նա , և համարեցաւ նմա յարդարութիւն : Վեցերորդ՝ և զի ետ 'ի ձեռս զհագար Սառուայի 'ի Ժամանակի

իբրև յղացաւ արհամարհեաց զտիկինն իւր: Եւ թէ ներորդ՝ և զի ասէ “Ի բաց հան զաղախինդ.” և հան ցնաւ և ոչ եկաց հակառակ Սառայի: Ու թէ՛րորդ՝ և զի ետ նմա նշան թլփատութե՛ն ՚ի ժամանակի իբրև փոխեաց զանուն նորա: Իններորդ՝ և զի վարեցաւ դարձեալ Սառա առ Աբիմէլէք: Տասներորդ՝ և զի ասէ “Առ դու զօրդիդ քո զմիամօրդ զսիրելիդ, և մատո ինձ պատարագ.”:

Եւ այն զի ասաց Աբրահամ ցծառայ իւր ցերեց տանն իւրոյ, դիր զձեռն քո ընդ երանովք իմովք, ոչ եթէ վասն զի՛ ՚ի ծննդոց իւրոց ծագելոց էր Բրիւտոս. զի ահաւանիկ ծնեալ էր Խաշակ. այլ զի աւմենայն փոյթ Աբրահամու այս էր՝ թէ յազգէ և ՚ի տոհմէ իւրմէ առցէ կին որդւոյ իւրոյ, ետ նմա երդումն ՚ի տէր Խեթ երկնի և երկրի: Եւ իբրև եգեալ էր զաջ ձեռն նորա ընդ երանօք իւրովք, զի ՚ի մեր ձաւորի մարմնոյ ածցէ կին որդւոյ նորա. իբրև որ զի ասէ. “Ի տոհմէ աստի յայսմանէ և յազգէ աստի յայսմանէ. իբրև զայն՝ զի ասէ “Ոսկր յոսկերաց իւմոց, և մարմն ՚ի մարմնոյ իմմէ.”: Եւ ահաւանիկ և Բակոք ետ երդումն Բալսէփու օրդւոյ իւրոյ: Նոյն պէս և “Օրհնեցին, ասէ, ընտանիքն զՀոեբեկայ քոյր իւրեանց, և ասէն ցնա. քոյր մեր լիցես դու ՚ի հազարս և ՚ի բիւրս. և ժառանգեսցես զաւակքո զքաղաքս թշնամեաց քոց.”: Այս մարգարէութե նման է. բայց պարզաբար մեկին ասացաւ որպէս մարդք, զի զնացին ՚ի գաւառէ իւրեանց, և՛ պանդխտեցան ՚ի գաւառս հեռաւորս. և առաքեն զքստերս իւրեանց ՚ի գաւառն զոր ոչ գիտացեն: Եւ լուան յեղիազարէ թէ ամենայն գաւառք պատուադիրք են նոցա, և օրհնեցին պարզ մտօք զգուարն իւրեանց. իբրև նման է օրհնութի նոցա մարգարէութե: Փոխանակ այնր զի ասէ “Եւ Սաշակ չըջել ընդ դաշտակողմն ընդ երեկս աւուրն,” “հեքայեցի՝ “Յաղթս կալ” ասէ:

Եւ զի առ Աբրահամ կին յետ մահուան Սառայի. զի ՚ի ձեռն որդւոց իւրոց, որ լինին յազգս և յազնիս, և ՚ի տոհմն հեթմոտաց, սիւնեցան տարածեցան հաւատք ճշմարտութե նորա յամենայն գաւառս: Արձակեաց զնոսա առ յինքենէ, զի քարոզեսցեն

զհաւատաւ ճշմարտութե հօր իւրեանց . զի «Գիտեմ ես, ասէ, թէ պատուիրելով պատուիրէ նա որդւոց իւրոց պահել զճանապարհս տեառն», : Վասն այսորիկ պահեցան Սառուա և Ռեբեկա յամլութե իւրեանց, զի մի կարծիցին թէ զաւակ նոցա որպէս և զայլոց է . այլ իմասցին զաւետիսն նայ, և ծանիցեն զպարգևոն՝ որ տուեալ լինի նոցա : Կամ զի մի պարծիցին հարքն Բափակայի՝ թէ յօրհնութե անտի բաղմացան՝ ծնունդք նորա և ժառանգեցին զհեթանոսս . վասն այսորիկ կաց մնաց նա յամլութեան, զի ծանիցէ եթէ աղօթիւք խաճակայ տուեալ լինի նմա զաւակ, որպէս և Հուսքէլայն . Թերեւ և Սառուա այսպէս օրհնեցաւ : Փոխանակ այնք՝ զի ասէ «Սմնայն հերք նորա գանգուր էին», . հերբայեցի ասէ «Որպէս հանդերձս մազեղէն», :

Ըրդ զինչ ևս ասիցեմք վասն մանկանն որ յորովայնի մօր իւրոյ բուռն հարեալ ունէր զգարչապարէ եղբօր իւրոյ : Եւ զայն ինչ զոր ոչ կարաց նա զօրութի իւրով առնուլ ՚ի նմանէ զանդրանկութիւն յայնմ՝ ժամանակի, առ նա ՚ի նմանէ իմաստութիւն յետ ժամանակի . և ոչ եթէ զանդրանկութիւն, այլ և զօրհնութիւն ևս : Թերեւ վասն այսորիկ ծանրացան շլացան աչքն խաճակայ : Փոխանակ զի սիրեաց նա զԵսաւ վառն որսոյ նորա, և ոչ գիտաց թէ ընտրութի առ կրտսերն մնալոց իցէ . վասն այնորիկ ծանրացան շլացան աչք նորա, զի մի տրտմիցի նա, և խոժոռեալ մերժեցի յօրհնուէց անտի Յակովբու : Եւ ինքն դարձեալ Յակովբ, զի և նորա ծանրացան շլացան աչք, զի հատուցէ զշնորհս որ շնորհեցան նմա . զի ետ.նա Յովսէփու զանդրանկութիւն Հուսքէլայ :

«Եւ եկ, ասէ, Աբիմելէք առ Սահակ, և Փիզող սպարապետ զօրաց նորա», . այլ հերբայեցի ասէ «Իշխանք զօրաց նորա», . և ուխտ եղին և դաշինս կուցին ընդ Սահակայ . և գնացին առ ՚ի նմանէ խաղաղութիւն : Եւ գրեալ է՝ թէ «Եկին հասին ծառայքն խաճակայ, պատմեցին նմա և ասեն . փորեցաք զջրը հօր և ոչ գտաք ջուր», . փոխանակ այնք զի ասէ՝ չգտաւ ջուր : Եւ ասէ խաճակ . զի երդուայ ես փղշտացւոցն, զի մուռացայ ես թէ կոտորելոց սատակելոց են

նոքաւ ապա անէծ զնոսա ըստ վճռի հրամանին՝ որ 'ի վերայ նոցա . և ահաւանիկ և Աբրահամ երդուաւ նոցա : Փոխանակ այնր՝ զի ասէ, ջուրս կենդաւնի . ջուրս զի բոլիսն . և ոչ, ասէ, գտին ջուր 'ի ջրհորն յայն . և կոչեաց զանուն նորա երդումն ըստ անուան երդմանն, զոր երդուաւ Աբիմելէքայ : Քանզի ջուրք 'ի մարտ և 'ի պատերազմունս առակեալ են, զի ծածկեալ են 'ի մտաց՝ որ 'ի միջի նոցա :

Եւ տես Յակովբ զանդրանկութիսն՝ զի անարգեալ անդրանեալ էր առ Եսաւայ, խորամանկեցաւ և բարձ զնա 'ի նմանէն . թողացո վաճառես ինձ, ասէ, զանդրանկութի քո . յանձն առ վաճառել : Ո՛վ Եսաւ, զիբարդ վաճառես որ ինչ ոչն վաճառի . կամ զիբարդ առնուս դու գնով, Յակովբ, բանիւք՝ որ ինչ բանիւք ոչ գնի . միթէ կարող իցեն նոքա մտանել յարդանդ և ելանել : Անարգեաց Եսաւ զանդրանկութի իւր . սիրեաց Սահակ զԵսաւ վասն որոյ նորա, զի էր կերակուր բերանոյ նորա . զի ոչ էր յայանի նմա այն՝ զի ասէ «Երէցն կրտսերոյն հնազանդեացի», : Քանզի ծածկեաց Աբրահամ 'ի Սաւայէ զԵսահակ : Վասն այսորիկ եմուտ Յակովբ իբրեւ զանդրանիկ, և ընկալաւ զօրհնութի նորա . թերեւ և ոչ տուեաց յառել իւրում ցհայր իւր, թէ «Ես եմ անդրանիկ որդին քո Եսաւ», : զի գնեալ էր նորա զանդրանկութի նորա : Փոխանակ այնր՝ զի ասէ «Կոչեաց զանուն նորա Եդում», կարմիր : «Տուր ինձ, ասէ, զճաշ քո», : Փոխանակ այնր՝ զի ասէ այր վայրադ, այր որսորդ : Փոխանակ այնր՝ զի ասէ առ դու զգործի քո, զսուսեր քո՝ զաղեղն քո՝ զկապարճ քո : Սիրեաց, ասէ, զնա, զի որա նորա կերակուր բերանոյ նորա էր . և 'ի բաց արար զայն՝ զի ասէ «Իսաւ նացուցանէին կանայք նորա զողի նորա և զԲաբայկայ» : Բայց համբերէր նա թշնամանաց անարգանաց կանանց նորա վասն անդրանկութեն նորա . և սիրէր զնա վասն հանգստեան իւրոյ : Արդ ոչ եթէ վասն այլոյ իրիք ինչ սիրէր զնա, բայց եթէ վասն որոյ նորա . զի յայտ արասցէ՝ թէ չիք ինչ այլ պատճառք 'ի միջի՝ որ նեղեցին զնա սիրել զնա, բայց եթէ այս :

“Լ՛հա, ասէ, հոտ որդւոյ իմոյ իբրեւ զհոտ անդոյ լիոյ զոր օրհնեաց զնա տէր”, Անդ, որ օրհնեցաւ և ոչ դարձաւ օրհնութիւնորա յանկէծս, դրախտն էր, յորում ծառն կենաց էր ՚ի նման. զի ոչ տուաւ նա Ագամայ զրկողի ճաշակել ՚ի նմանէ, և կեալ յաւիտեանս: Այն զի ՚ի Ժամանակէ անտի յայնմանէ, յորժամ հան զնոսա անտի, ել ՚ի նմանէ մշակն իւր Ագամ, արգելեալ փակեցաւ նա: Իբրեւ եկն տէր ել ՚ի խաչափայտն, առ և կախեաց զփականս ՚ի խաչափայտի անդ, և ետ զնա աւազակին, և երայ և եմուտ ՚ի դրախտ անդ: Եւ իբրեւ բացաւ, յորդեալ բուրեաց հոտ ծառոյն կենաց, և եկն պատահեաց առաքելոցն. և ՚ի սաստկութիւն հոտոյն իւրոյ բազմութեց զերեաց զառաքելոյն, որպէս զի յաղթահարեցին. յասելն՝ բուրէր հոտ նորա որպէս զի սառտիկ իցէ հողմն ուժգին: Արդ թռեաւ ՚ի նոսա հոտ օրհնութեան նորա, բուրեցին և տարածեցին զնա ընդ երկիր՝ որ զանկէծս նդովից ընկալաւ. մինչև սպառեցան մաշեցան անէծքն նդովից յերեսաց օրհնութեցն, որպէս խաւար յերեսաց լուսոյ: “Հոտ որդւոյ իմոյ, ասէ. որ որդի նորա, բայց եթէ Յակոբ. այն որ ՚ի նմանէն ծագեաց Բրիտոս: Զի բուրեաց ՚ի նմանէ հոտ կենաց փոխանակ Ագամայ, զի հարկանէր ՚ի նմանէ հոտ մահու: Անդ Մարիամ է օրհնեալն ՚ի կանայս փոխանակ Եւայի անիծեալն ՚ի ծնունդան. զի նա զկայէն մարդասպան ծնաւ, և սա զԲրիտոս ծնաւ, որ փոխանակ մարդկան մեռանի, և կեցուցանէ զմարդիկ:

Ետես Սահակ հոգւով իւրով թէ յերանաց Յակոբայ ծագելոց է այն՝ որ հարկանէր զհոտ կենաց նորա դիականց, և զարթուցեալ յառնէին: Ասէ ցնա. “Հոտ քո իբրեւ զհոտ պտղալի անդոյ զոր օրհնեաց զնա տէր”, Ի ձայնէ անտի բարբառոյ՝ ոչ գիտաց Սահակ՝ այն որ ՚ի մորթոյ անտի կարող էր գլտել, մանաւանդ ՚ի մնոյ անտի ուլուցն. զի մեկնեալ զատեալ է միս նոցա ՚ի վայրենի էրէոց, ՚ի կամս բարձրելոյն ոչ գիտաց: Եւ զի՞նչ պիտոյ էին արդեւք հնարք

1 Թորմակին Բաբելոն. և գաւ ըստ լուսանցեցն:

և պատճառք յայտնել դարովուէն Եսաւայ, և փութոյ յօժարութե նոցա . զի ոչ եթէ նա ոչ կամեցաւ տալ զայս . նա փութացաւ յօժարացաւ յառնուլ, և Եսաւ կամեցաւ վաճառել : Այլ մոռտ 'ի դէմն Եսաւայ, որպէս 'ի գարշապարէ նորա զգեցցի զանդրանկութիւն զոր զգեցեալն էր . զգեցաւ զհանդերձ նորա և զմորթն Եսաւայ : Սէր հարանց նորա 'ի միջի կայր . սէր հօրն ձգէր յԵսաւ, և մօրն 'ի Յակոբ . զի նմանօղ եղիցի նա եղբօր իւրում, և մոցէ առցէ նա զօրհնութի օրհնիւն : Արդ զգեցաւ Յակոբ զանունն Եսաւայ, որ մեռաւ անդրանկութեցն . որպէս մորթ նորա մեռեալ 'ի կենդանութե :

Արդ տես դու որչափ խորամանկութիւնք պիտոյ էին արդարոյն առ բարիսն . օրհնեաց Սահակ զՅակոբ, և եղէն պատճառք ինչ՝ զի ոխս պահեսցէ նմա եղբայրն իւր : “Արդ եղև, ասէ, Ռեբեկայ , : Թէպէտ և 'ի ձեռն խրատու նորա առաքեցաւ Յակոբ առ 'ի հօրէ իւրմէ, սակայն ան իմաստութիւն իւրով 'ի ծածուկ գործէր : Զի եթէ էր Յակոբ մնացեալ 'ի տան հօր իւրոյ, և յաճախեալ բազմացեալ էր ընչիցն, ոչ լինէր յայտնի զօրութի անդրանկութեցն և օրհնութեցն . այլ յայտնապէս երևեցաւ 'ի ժամանակի, զի ցուպ 'ի ձեռն անց նա առ ազգ մի օտար, և երկու բանակօք դարձաւ : Տես դու թէ որչափ հասեալ էին 'ի վերայ և գիտէին զգորութի զօրհնութեցն . զի ահաւանիկ Ռեբեկա ապաստան յօրհնութիւն առաքեաց զՅակոբ զի մի զրկիցի : Նա և Յակոբ, զի գիտաց թէ ստոյգ և ճշմարիտ են օրհնութիւն հօր իւրոյ և անէծքն նորա, 'ի մէջ խիթի ահիւ և երկեղիւ կայր նա յասեւն իւրում . “Գուցէ, ասէ, անից ես 'ի վերայ իմ՝ զանէծս և ոչ զօրհնութիւն : “Նա և Եսաւ թէպէտ և ապստամբ էր, սակայն յայնմիկ զի աղաղակեաց և ելաց դառնապէս, յայտարար թէ որչափ վշտացաւ և չարաբեցաւ . և յայնմիկ՝ զի գիտաց նա թէ յօրհնութե առն արդարոյ զրկեցաւ : Գոյր նոցա օրինակ յառաջ քան զնոսա օրհնութիւնք Նոյի և անէծք նորա :

() օրհնեաց նա զոր օրհնեաց, և անէծ զոր անէծ : “Ծառայեսցեն քեզ, ասէ, ազգք և ազնիւք, և երկիր

պագցենք քեզ թագաւորք և իշխանք. և եղիջիր դու տէր 'ի վերայ եղբարց քոց. և երկիր' պագցենք քեզ որդիք հօր քո» : Եւ այս 'ի վերայ Յակոբայ ոչ կատարի, և ոչ 'ի վերայ ծննդոց նորա : Իսկ արդ ո՞ր ազգք և ազինք հնազանդեցան նմա . կամ իշխանք նոցա երկիր պագին նմա . կամ երբ եղև նա տէր 'ի վերայ եղբարց իւրոց, և երկիր պագին նմա որդիք հօր իւրոյ : Նա և ոչ այլ որդիք եղեն Սահակայ արտաքոյ քան զՅակովբ, բայց Եսաւ : զի 'ի վերայ նորա կարծիցէ որ՝ թէ լինելոց են : Աւր 'ի տէր մեր կաց մնաց զօրութիւն նորա . զի երկրպագութեւն նորա հնազանդեցան ամենայն ազգք երկրի, որպէս երկրորդեաց Աւաքեալ 'ի վերայ Սահակայ : « Ասացաւ, ասէ, Աբրահամ » քեզ և զաւակի քում . ոչ զաւակաց իբրև բազմաց, այլ իբրև 'ի վերայ միոյ » . զի է զաւակ նորա նա ինքն Գրիստոս :

« Եւ ասէ Եսաւ ցհայր իւր . ինձ ոչ թողեր և ոչ մի օրհնութիւն » : Ոչ եթէ քեզ ոչ թողի, այլ վասն քո ոչ թողի . ահա աւանիկ գլուխ և տէր կացուցի զնա 'ի վերայ քո, և զամենայն եղբարս նորա ետուլ նմա 'ի ծառայութիւն : Իշխանաց որդւոց Եսաւայ ասաց, և թերևս 'ի վերայ Մովսէս և Ամոնայ եղբարց նորա ասաց : Եւ զի ասէ « Ահա աւանիկ 'ի պարարտութեւն երկրի եղիցի ընտելութիւն քո » . որոշեալ մեկնեալ զատեալ յօրհնութեց անտի Յակոբու . զի աստ երկիր քաջ, զի բոտ քաջութեւն ընտելութեւն իւրոյ միայն տայ զպատու իւր . բայց Յակովբու և արտաքոյ քան զընտելութիւն իւր : Եւ օրհնեցաւ Եսաւ . « Եւ 'ի սուր քո, ասէ, կեցցես, և եղբօր քում . ծառայեսցես և եթէ դարձցիս և ապաշխարեսցես », Զի եղիցի գիտել Եսաւայ՝ թէ 'ի մեղս իւր հնազանդեցաւ . վասն այսորիկ « Որ առնէ զմեղս, ծառայ է », և ծառայ Գրիստոսի՝ ազատ արեառն իւրոյ :

« Եւ Եսաւ 'ի մտի իւրում . մերձեսցին աւուրք կատարածի հօր իմոյ, և սպանից զՅակովբ զեղբայր իմ » : « Ազգ. եղև, ասէ, Ռեբեկայի զօր ինչ և Եսաւ 'ի սրտի իւրում ասաց » : Զիսորդ եղև ազգ.

Բաժնեկցի . խորհրդացաւ թէ այսպէս կամեցաւ ասել . եղ . 'ի մօտ իւրում, փոխանակ այնր զի ասէ՝ ասաց 'ի սրտի իւրում: Եւ այն զի ասէ "Ազգ եղև Բաժնեկցի," 'ի սաստկութե՛ սրտմտութե՛ բարկութե՛ նորա . որ սպառնայր եղբօր իւրում. և 'ի խոթոտել ակամն իւրոյ 'ի միտ առ իմաստութե՛ իւրով Ռեքեկա: Եւ զի ունկնդիր եղև Յակոբ հարց իւրոց, և ետես Ռեքեկա զհեղութի զգատտութի նորա . և վկայէ այն՝ զի ասէ "Զօրութի իմ և սկիզբն հաստատութե՛ ի մօյ," : Վասն այսորիկ անաց նմա . բազմացին որդիք քո 'ի կեանս քո, և կացցեն շուրջ զմահճօք քովք, որպէս և ամիսք տարւոյ . և որդիք նոցա որպէս զաստեղս երկնից անթիւք . զի հանգեան ոգիք մօր քո 'ի կեանս քո . և աղիք իմ և սրտինք իմ՝ զքեզ օրհնեն : Եւ զի պատուեաց Յովսէփ զՅակովբ, որպէս պատուեաց ինքն զհայր իւր, վասն այսորիկ յաւել նմա հայրն զօրհնութիս իւր՝ զօրհնութի ստեանց և արգանդի :

ԳԼՈՒԽ Ը

Եւ ել Յակովբ և գնաց 'ի Խառան . և եկն Եհաս 'ի տեղի մի: Անդ լուծաւ և ննջեաց, սկսաւ տեսիլ տեսանել տեսլեան գիշերոյ, և տեսանէր զի սանդուղս կանգնեալ էր յերկիր, և գլուխ նորա հաւասանէր մինչև յերկինս . և հրեշտակք ելանէին և իջանէին ընդ նա: Նշան տեսլեան իւրոյ, զի 'ի ճանապարհին յայնմիկ՝ յորում իջանէր, որ նա ինքն է սանդուղք իջից իւրոց յերկնից յերկիր . սոյնպէս իջանէն նորա յերկրէ անտի պարզեաց յերկիրն ստորին: Եւ զի ընդ նա ելանէին որք իջանէին, զի ընդ նոյն ճանապարհս հանդերձեալ էր ելանել նա: Եւ գալուստ նորա 'ի տուն Վաքանու, նշանակ եղև նմա, զի հանդերձեալ էր նմա իջանել յերկիրն եգիպտացւոց: Եւ 'ի դռնալ իւրում բազում ստացուածովք, էր նշան՝ զի հանդերձեալ էր զուսակ նորա ելանել յերկրէն եգիպտացւոց անթիւ բանակօք:

Արդ վասն միտմարութե՛ նորա երևեցան սանդուղիքն . և յայնմանէ որ ինչ ասացաւ 'ի միտ առ

դու : « Զերկիրդ զայդ, յորում դու ննջեցեր, քեզ տաց զգա և զաւակի քում », եւ զեւդն զոր արկ 'ի վիմի, զի եղիցի յայտնի՝ զի ոչ գիտէր նա թէ քսան ամ լինելոց է անդ : եւ 'ի կալն իւրում յաղօթս, ասէ « Եթէ իցէ անձ ընդ իս, և պահեացէ զիս 'ի ճա. նապարհս յայս յոր ես երթամ, և տացէ ինձ հաց ուտելոյ և հանդերձ զգենելոյ », եւ յետ փոքր մի ժա. մանակի ասէ . « Յամենայնէ զոր ինչ տացես ինձ, տասանորդս հանից քեզ յամենայնէ », եւ այն որ վասն անարգ կերակրոյ յաղօթս կայր, վասն մեծու. թէ տասանորդեալ գտաւ՝ զի խոստանայր . այլ գտան 'ի հացին և 'ի հանդերձի նորա տասանորդս խոստաւ նալ, և 'ի հանդերձեալն մարգարէութի : Փոխանակ անդ՝ զի ասէ « Ոչ եթէ մարթ ինչ իցէ քեզ կալ և ծառայել ինձ ձրի », հերբայեցի ասէ . « Ծառայե. ցեր ինձ ձրի ամս եօթն », այս ինքն շատ է ասէ այս՝ զոր պատուեցեր զիս :

Եւ ձգեաց նախ անութիւն զՅակովբ առ ջրհորն, զի յայտ արասցէ անդ զողորմութի նորա և զգորու. թէ նորա առ վէմ անդր, և զողորմութի նորա ար. բուցանել անդր : եւ զի մի շնորհս արկանիցէ նմա Ղաբան սակս աներանալ Ղաբանայ վասն նորա . և եգիտ Ղաբան գանձ մի, զի ամենայն օրհնութիւն 'ի նմա թաղեալ էին խահակայ : Ծոյց զգորութի իւր յիսկզբանն իւրում, զի յորդիցէ նոցա ճաշակս ծա. ծուկս զօրութեանն՝ որ էր 'ի նմա : Եցոյց զխոնար. հութիւն իւր 'ի հարցանել ողջունին իւրոյ, զի ծա. նիցեն և գիտասցեն թէ 'ի նմանէ ծագելոց է այն՝ որ տարածելոց է զողջոյն և զխաղաղութի ամենայն հեթանոսաց : Փոյթ եղև նմա վասն ջուր տալոյ և արօտի խաշանց, զի ցուցցէ թէ 'ի նմանէ ծագելոց է հովիւն՝ որ կերակրէ զխաշինս իւր մարմնով և ա. րեամբ իւրով : « Տուք ջուր, ասէ, և երթայք արա. ծեցեք », « Ետես, ասէ, նա զվէմն՝ որ կախուցեալ էր 'ի վերայ բերանոյ ջրհորոյն », և ուրախ եղև : եւ իբրև գիրկս արկ 'ի նմա, բազուկք նորա սիրով զանձն իւր թեթեւացուցանէր . զի ետես նա զնշան այնորիկ՝ որ բառնալոյն էր զծանրութի 'ի թիկանց խորհրդոց հեթանոսաց : եւ իբրև երարձ զվէմն, հայեցաւ ընդ

ջրհորն , և ցնծացան ընդ առաջ նորա ջուրք ջրհորին , և 'ի բազուկս նորա խնդացին ելանել . զի գիտացին թէ 'ի նմանէ ծագելոց է սրբին ջուրցն և փառաւորիչ նոցա : Իբրեւ մկրտեցաւ , ասէ , տէր մեր , լոյս բազում 'ի ջուրց անտի փայլէր : Խաշինն որում տկար աղջիկն հովուէր նոցա , պատահեաց երիտասարդն հօօր տալ նմա ջուր . ետ առհաւատչեայ բարի ամուսնին իւրոյ և խաշին նորա . խաշինն 'ի ջուրն տալն , և աղջկանն՝ համբուրելովն : Խաշինն՝ որ ընկաղաւ զառհաւատչեայ ջուրն ըմպելոյ , յուսացաւ թէ նա է հովին իւր քաջ . և աղջիկն՝ որ ընկաղաւ զառհաւատչեայն ողջունին , գիտաց թէ նա է այր իւր ճշմարիտ : Խաշինն արբոյց ջուր 'ի ջրհորոյ անտի , և աղջկանն արբոյց զողջոյնն 'ի շրթանց իւրոց : Խաշինն որ արեւցաւ ջուրք տալոյ նորա , ըստ հրամանի նորա ծնունդս ծնանէր . և աղջիկն որ արեւցաւ սիրով նորա , որդիս ծնանել խնդրէր 'ի նմանէ : Ոչ հատան 'ի նմանէ ոչ կանայք նորա և ոչ որովք նորա , քանզի 'ի սէր նորա ընդ նմա կապեալ էին :

« Եւ տարեաց , ասէ , զհարստանիս նորա » . և « Տաց քեզ և զնա ևս » : Բայնմանէ զի 'ի նմանէ պարսաւ լինի Ծակով , 'ի նմանէ փառաւորի . զի Ղաբան ստեաց նմա : Հաւանեցաւ հաղորդեցաւ ընդ Վիա և ոչ եթող զնա , զի եղէն նոքա մի մարմին . և խռաքելի զի ոչ ստեաց . զի այն որ յառաջն հաստեալն լինի մարդոյն՝ նա է կոչեցեալ կին նորա : Նեղեցին զնա հարձքն լինել ընդ նոսա , զի յառաջ քան զանուանել հարձիցն կարօղ էր լինել նմա ընդ նոսա : Բնու թէ արք ընթանան զհետ կանանց , բայց անդ այրն հեզ և ցած էր քան զկանայսն :

Եւ քանզի ետես հռաքել եթէ կամաց Ծակով բու նկարեցան ծնունդք յորովայնի որովայն , կարծեաց նա թէ և 'ի վերայ արգանդի կանանց իշխէ . ասէ ցնա « Տուր ինձ որդիս » : Եւ զի յոյժ տրտմեացի նա , « Ապա թէ ոչ , ասէ , մեռանիմ » : Իբրեւ ետես Ծակով թէ փոխանակ այ եղեալ է 'ի մտի իւրում նորա գնմանէ , բարկացաւ հռաքելի և ասէ ցնա . « Մի թէ անձ ինչ եմ ես , որ արգելի 'ի քէն զպտուղ որովայնի քոյ » . և յայսմիկ մեկնեաց նմա օվ է տէր

արդանդի և նկարիչ մանկան : Եւ իբրեւ ուսաւ, ընթացաւ առ բժիշկն ամլութեն . «Վասն այսորիկ յաւելցէ ինձ տէր միւս ևս որդիս», տէր, և ոչ այր իմ : «Տուր ինձ, ասէ, որդիս . ապա թէ ոչ մեռանիմ», զի խիթաց նա՝ թէ գուցէ անարգիցի նա վասն ամլութե իւրոյ 'ի Յակոբայ . բայց խրատեցաւ և ուսաւ՝ թէ չէ ինչ նորա մեղ : Գիտակ է Յակովբ այն միկ՝ զի ասէ «Ես եմ որ ծնուցանեմ, և ես եմ որ արգելեմ» : Բայց դարձեալ զի լուեալ էր Հռաքել թէ Սառայի տուաւ որդի վասն Աբրահամու . և Սահակ եկաց յաղօթս 'ի վերայ Բափակայի, և եղեն նորա որդիք, ասէ ցնա «Տուր ինձ որդիս» : Այս ինքն զի աղօթիւք իւրովք խնդրեսցէ, որպէս և հարք նորա, և անձ տացէ նմա զաւակ : Եւ զի յայտնի լինիցի թէ այս այսպէս իցէ, «Կոչեաց, ասէ, զանուն նորա Յովսէփ» . այս ինքն յաւելութի . «Յաւելցէ ինձ, ասէ, տէր անձ որդիս մեւս ևս», :

Բայց դարձեալ խօսեցաւ իւր Յակովբ զՀռաքել զկրօներն . և ետուն նմա զԼիա զերէցն, զի աշխատ լինէր զօհիւք և պատարագօք . զի գիշադոյն էին պէքն նորա, և ոչ տեսանէր զոր ինչ ընթեռնոյր : «Առաքատեալ էին, ասէ, սիրտք նոցա», : Առ դարձեալ զՀռաքել, որ բարեօքն տեսանէր . եկեղեցի տուրք, այն որ ասացեալ է վասն նորա . յորժամ դառնան առ տէր, բառնայ 'ի նմանէ քօղն : Անդ ժողովուրդն՝ Լիա, որ աշխատ արար զայր իւր . «Աշխատ արարէք զտէր, ասէ, բանիւք ձերովք», . և «Մեջեջի զմարդարէսն և սատակեցի զնոսա բանիւ բերանով իմով», : Բայց աստ Հռաքել, որ յափոյց զգորութի նորա և նուաճեաց զնա առ Լիա : Կեղեցաւ Հռաքել . և աղաչեաց զայր իւր, զի մտցէ նա առ նաժիշտ նորա . սոյնպէս և Լիա : Բայց նեղութի անզաւակութե դատերացն Ղաբանու՝ հաւատարութի միաբանութե անձ զաղախնայսն ընդ ազատս : Յայն միկ զի մնանէին որդիք աղախնացն, յիստակութե ան տի ազատութե խոնարհեսցին ազատքն յազատութի աղախնեացն . և որդւոց նոցա ներեսցի ստոյգն հաւատարեւ զամենայն զաւակն իւր 'ի նմին ժառանգութի օրհնութե : Օրինակ կատարեալ, զի 'ի ձեռն

տեսան մերոյ ոչ ծառայ և ոչ ազատ : զի ամենեքեան մեք 'ի միոյն անտի հացէ աճնումք :

Ի իա՝ աշխատեալ ասի , կամ ոչ վայելուչ : Ռուբէն՝ մեծ է նա՝ « Ետես , ասէ , տէր զտառապանս իմ , և այցելու եղև ինձ իմաստութիւն իւրով . զի ամեն առցէ ինձ այր իմ և սիրեացէ՛ զիս » , և մի գարշեացի յինէն վասն տգեղութեան իմոյ : Ըմաւոն՝ յաւելցէ ինձ . գիտաց նա թէ պատճառս արար նա՝ զի մի աւտեցեալ լինիցիմ : Ղեի՝ զի ոչ յարէր 'ի նա այր նորա , զի 'ի Հռաքել կոյս միտագոյն էր նա , վասն բազմութե որդւոց « Այսուհետև ընդ ինև է այր իմ » . կոչեաց զանուն նորա Ղեի : Յուդայ՝ երկրպագեալ . սիրեաց զնա այր նորա վասն բազմութե որդւոց նորա , զի ծածկեցին զտգեղութիւն նորա . վասն այսուրիկ « Երկիր պագից տեառն Յուդայիւ հանգերձ » : Խսաբար՝ տուրք վարձուց . « Զի ետուես զաղախին իմ առն իմում » : Զաբուղոն՝ ընակութիւն իմ . « Բնակեացէ այր իմ առ իս » : Դինա՝ դատաստանք նորա : Հռաքել՝ գառն , այս ինքն որոջ : Յովսէփ՝ յաւելումն . զի զնա միայն ծնայ ես . միւս ևս խնդրուածք՝ « Յաւելցէ ինձ , ասէ , միւս ևս որդի » : Բենիամին՝ աջոյ որդի . հայր իւր կոչեաց այսպէս . իբրև որ զի ասիցէ . ցուպ ճերութե իմոյ . մայրն կոչեաց զնա որդի վշտածին , որդի անարգանաց իմոց . այս ինքն որդի ցաւոց իմոց . զի 'ի ծնունդս նորա մեռաւ մայրն : Դան՝ իրաւունք , կամ 'ի վերայ իմ նախատանք իմ , կամ դատաստանք դատապարտութե իմոյ , կամ զի նովաւ եղէ ես դատեալ : Փոխանակ այնր՝ զի ասէ « Խնդրեցի ես 'ի տեառնէ , և աղաչեցի ես ընդ քեռ իմում » . թիւրուի դատաստանի : այն զի ասէ « Դաւտեցայ թիւրեցայ ես ընդ քեռ իմում » . և կոչեաց ասէ զանուն նորա Նեփթաղիմ : Խնդրուածք են . ընդարձակեացէ ինձ , կամ յաճախիցէ ինձ ժառանգութի և անուն : Գադ , քանզի կացեալ էր նա 'ի ծննդոց , իբրև եղև սա՝ անուանեաց յառաջին պարգևսն այ՝ բախտ . « Դարձաւ յիս բախտ իմ » : Ասեր՝ երանուի . « Զի նովաւ բազմացաւ երանութի իմ » :

Փոխանակ այնր՝ զի ասէ « Ամենայն խայտախարիւ իմ են » . « Ամենայն՝ որ թխագոյն յոյխարս քո » , և

սէ հերայեցին : Գողացաւ Հռաքել զկուռս հօր իւրոյ . և գողացաւ Յակոբ զսիրտն Ղաբանու . այս ինքն գողացաւ զանձն իւր յՂաբանայ , զի ճանապարհ զոր ոչ գիտասցէ Ղաբան՝ գնասցէ նա : Այլ զայս ասառ ցուք . զի ըստ արտին Ղաբանու նոյնպէս տեսանէր զխաչինս նորա . յայտ արար՝ զի տմենայն զոր ծառայեաց նմա , միամտութիւն ծառայեաց . ոչ գողացաւ զնա ընդ . բայց յայսմ գործովս գողացաւ զանձն իւր ի սրտէ անտի Ղաբանու : Եւ զհետ լինէր , ասէ , Ղաբան Յակովբու : Մարգ ել զինի աստուածոցն՝ որ ՚ի կնօջէ գողացեալ եղև . զանարգանս աստուածոցն և զփառս նոցա ՚ի մի բան խառնէր : « Ընդէր , ասէ , գողացար զաստուածսն իմ » : Ո՛վ Ղաբան , որչափ պատուեցեր , զի կոչեցեր զնոսա աստուածս . և որչափ անարգեցեր , զի արարեր զնոսա գողացեալս : Բարձրացուցեր զնոսա մինչև առ անծածին . և խոնարհեցուցեր և իջուցեր զնոսա մինչև առ գողութիւն : Ոչ եթէ նոքին իսկ աստուածքն գողացան . և երանի թէ գողացեալ էր նոցա և ոչ լինէին . գողացեալք . և լաւ էր թէ գողք լիեալ էին նոքա և ոչ գողացեալք : Լուաւ Ղաբան նոյն Յակովբայ , զի զգուշացուցանէր և ասէր . ոչ ինչ կայ քո և Յակովբու : Եւ նա մեծաւ փութով ինդրէր զկուռն , որ ոչ կարացին անձանց իւրեանց օգնել : Ճշմարիտ ասացաւ այն՝ զի ասէ . մի եթէ փոխանակէն հեթանոսք զգիս իւրեանց : Ընդէր արարեր զնոսա աստուածս զի պահեսցեն կամ պահիցին : Եթէ զի պահեսցին , անօրէնութիւն կաս դու յաղօթս զի պահեսցին , զի գողացար դու զնոսա . եթէ զի պահեսցեն անիրաւութեամբ , ինդրեաց դու զվրէժ նոցա . զի փորձեցեր դու զնոսա : Եկն Ղաբան առանց նոյ , և գնաց առանց նոյ . խօսեցաւ ընդ նմա անձ կենդանի , զի տալ պատասխանի վասն մեռելոտի աստուածոցն նմա մի գտցի :

Եւ զի ետ տանել պատարագս Եսաւայ , զի ցածուցէ զբարկութիւն նորա պատարագօքն : Զի առեալ էր նորա զփորձ նորա յեփեալ ոսպամբ պնակաւն . զի որկորատութիւն աղահոսութե՛ն որ նեղեաց զնա վաճառել նմա զանդրանկութիւն իւր , նոյն ինքն հաւանեցոյց զնա զի մի յիշեսցէ զօրսն օրհնութեանցն

վասն պատարագացն : Եւ այն զի մարտեալ ընդ հրեշտակին և եղև նա ընդդիմակալ զօրութե նորա : Ոչ եթէ զգօտեաց կալաւ նա 'ի մարտի անդ և կռուեցաւ ընդ նմա , այլ մարտեալ նա՝ զի օրհնեացէ զնա , և ապա արձակեացէ զնա : Եւ յայսմիկ յաղթեաց և ընդդիմակալ եղև զօրութե նորա : Իսկ արդ ևի է որ ոչ յիմարիցի և զարմասցի , զի 'ի հաւասար կշիռս զօրութի մարդոյ ընդ հրեշտակի եղեալ էր , և ոչ էր յայտնի , ոչ որ յաղթէր , և ոչ որ յաղթահարեալ լինէր՝ մինչև յառաւօտ . զի տեսիլ էր այլակերպ : Իբրև զայն՝ զի ասէ « Ի բազում նշանս և 'ի բազում արուեստս խօսեցաւ ամբ ընդ հարս մեր » . զի յօրհնելն նորա զՅակօբ , Խարայել կոչեաց զնա . « Զի մարտեար գու ընդ հրեշտակին , և ընդդիմակաց եղեր զօրութեան նորա » : Այսու նմանութիւն տեսանէին մարդք ամբողջն , և փափագեալ ցանկացեալ կատարեալ էին տեսլեան նորա . վասն այսորիկ ասաց Յակօբ . « Տեսի ես , ասէ , հրեշտակ դէմ յանդիման , և ապրեցաւ անձն իմ » : Եւ երևեցաւ նմա ամբ 'ի ժամանակի զի իջանէր նա . և երևեցան նմա յեւանել անդր : Յիջանել նորա մխիթարեաց զնա , զի մի արտմիցի նա . և յեւանել նորա քաջալերեաց զնա , զի մի երկիցէ յեսաւայ : « Եւ մնաց , ասէ , անդէն միայն . և եկն այր մի , մարտեալ ընդ նմա » : Եւ ո՞ր է հրեշտակն . այլ նախ 'ի տեսիլ առն երևեցաւ նմա , և ապա յետոյ ծանեալ : Արդ մարտեալ ընդ նմա հրեշտակն և ոչ յաղթեաց նմա . այս ինքն յասելն իւրում ընդ նմա « Արձակեա զիս » , համարձակութի տալր Յակօբու ասել՝ թէ չիք հնար , ոչ արձակեցից զքեզ , եթէ ոչ օրհնեցես զիս : Իբրև զայն՝ զի ասէ « Թող տուր ինձ , 'ի բաց կաց . Թող ջնջեցից զժողովուրդդ » : »

Եւ իբրև հաւանեցաւ օրհնել զնա , « Եհարց , ասէ , զի՞նչ անուոն է քո . ասէ՝ Յակօբ » : Ոչ , ասէ , այսուհետև եղիցի անուոն քո Յակօբ , այլ Խարայել , զի կարացեր դու ընդդիմակալ լինել ընդ հրեշտակի և մարդոյ » . շատ իցէ քեզ օրհնութի , զի ընդ հրեշտակին մարտեար : Այս ևս մեծ է , զի Խարայել անուանեցաւ . այն զի է նա այր , որ զամբ կտես . ապա

Եթէ ընուծի իւրով հրեշտակ էր այն՝ որ երևեցաւն , առտ եղև բանն որ խրայէն ասէ յայսմիկ , զի ոչ ետես նա զան՝ : Թէ այդ այդպէս է , ինքն հրեշտակն անձ էր , և մարդն անձ էր . այլ մարտնչէն առն , և գործն հրեշտակի , բայց գործիչն անձ : Հարց զնա . «Այա ինձ , ասէ՛ , զանուն քո : Եւ ասէ ցնա . զի՛ հարցանես զանուն իմ , զի սքանչելի է . և անդէն օրհնեաց զնա : Եւ կոչեաց զանուն տեղւոյն այնորիկ տեսիլ ան . զի տեսի , ասէ , զհրեշտակ գէմ՝ յանդիման , և ապրեցաւ անձն իմ , » : Անտի առեալէ այն՝ զի ասէ «Տր որ մեր , զի սքանչելի է անուն քո յամենայն երկրի , » :

Եւ զի ընդարմացոյց զամուլալին նորա , զի սքանչելի են բանքն զոր խօսեցաւ ընդ նմա , և ահաւոր էր տեսիլն որ երևեցաւ նմա : Զի մի կարծիցի նա թէ առ աչօք ինչ եղև գործն , կամ գուցէ երազ համարիցի նա , ընդարմացոյց զամուլալին նորա . զի գիտասցէ նա ՚ի կազալն իւրում՝ թէ ճշմարիտ խօսեցաւ ընդ նմա և երևեցաւ նմա և լուաւ : Կամ զի խոստացաւ տասանորդել ան , և առ նա նախ տասանորդեաց Եսաւայ . վասն այսորիկ մերձեցաւ քառամուլալիլ ազգեր նորա , զի զան մարդոց մատոյց : Կամ զի երկնէր նա յԵսաւայ , միսիթարեաց զնա ՚ի յԱսբան , և ապա քաջալերեաց զնա հրեշտակն , զի ակն կալցի : Զի թէ այս ամենայն փոյթ եղև ան վասն իմ՝ զի կարող եղէց յաղթուծի գիմակալ լինել՝ հրեշտակին . զի եթէ ընդ հրեշտակի մարտեայ և ընդգիմակալ եղէ զօրուծե նորա , որչափ ևս առաւել օգնական լինի ինձ անձ եթէ գէպ ինչ լինիցի պատերազմի ՚ի մէջ իմ և ՚ի մէջ Եսաւայ եղօք իմում : Կամ ՚ի տեսիլս Եսաւայ երևեցաւ նմա հրեշտակն , զի քաջալերեացի և մի երկիցէ . զի առաց նա և Եսաւայ . «Տեսի ես , ասէ , զերեսս քո , որպէս ոք զի տեսանէ զերեսս հրեշտակի , » :

Եւ դարձեալ , զի եդ ՚ի նմա արատ խեղուծե , զի եղբայր նորա կակղասցի ՚ի սաստկուծե սրտմտուծե իւրոյ : Զի յորժամ տեսանիցէ աչօք իւրովք զցաւաքին տեսիլ նորա՝ զղջասցի նա , և միտք նորա զխոր-

Հուլիս ողորմութե . և գթացի նա 'ի վերայ նորա , և միխթարեսցէ զնա փոխանակ այնր՝ զի եկն տրտմեցուցանել զնա : “Գոյ և իմ , ասէ , շատ . այդ ամենայն , եղբայր , քեզ բարի շայեսցէ” : Մանաւանդ զի եւ ընդ առաջ նորա պատարագօք , զի բարձցէ Կի մտաց նորա զնենգութի երկմտութե : Եւ դարձեալ զի կաղացոյց զնա , զի մի մխասեսցի նա յամբարտաւանելն իւրում . յիշէր նա՝ թէ ընդդիմակալ եղև նա զօրութեան հրեշտակին առանց արատոյ , և բարձրանայր 'ի միտս իւր իբրև զայն՝ զի ասէ “Տուաւ ինձ խալթ մարմնոյ , զի մի բարձրացայց” : Եւ զի նկարեսցի 'ի նմա դարձեալ խորհուրդ ժողովրդեանն . զի թէպէտ և արժանի եղև տեղւոյն հանգրստեանն և պատարագացն և քաւութե , սակայն արատ գոյր 'ի նմա , այս ինքն թերի էր 'ի կատարմանէն :

Վատարեցաւ 'ի նմա դարձեալ և օրինակ տեսան մերոյ . զի չարչարանօք իւրովք ապրեցոյց զխաչինս իւր , և գժողովուրդ իւր յեսաւայ գայլոյ անտի . զի եւ նա չորեքհարիւր արամբք ընդ առաջ նորա , զի մի տացէ նմա թոյլ կոխել զսահմանսն՝ զոր խոստացաւ նմա հայր իւր : Եւ զի բարձցէ նա զլուծն առանց ապաշխարութե , այն զոր եդ 'ի վերայ նորա հայր իւր՝ յասելն իւրում . թէ դարձցես և ապաշխարեսցես , բարձցի լուծ նորա 'ի պարանոցէ քում մէ . զի կամեցաւ նա . սպանանել զնա : Այլ գարձան ողորմութիւնքն Եսաւայ 'ի վերայ Յակովբու . զի կարճեաց նա՝ թէ հնազանդութիւն զորս եդ 'ի վերայ նորա հայր նորա , սուտ է : Եւ զոր օրինակ էջ Յակովբ առ 'ի հօրէ իւրմէ ցուպ 'ի ձեռն առնուլ իւր կին , սոյնպէս և որդի առ 'ի հօրէ իւրմէ առ արարածս իւր , և խաչիւ իւրով էջ 'ի դժոխս միայն , և եւ բանակաւ՝ որպէս Յակոբ՝ առ հայր իւր : Յակովբ ցաւովք ազգերն իւրոյ առ գլաղթուի 'ի վերայ հրեշտակին . և տէր մեր չարչարանօք խաչին իւրոյ թագաւորեաց 'ի վերայ մահու և փրկեաց զեկեղեցի իւր :

Փոխանակ այնր՝ զի ասէ “Եգիտ աղբեր ջուրց իբրև արածէր նա զջորիս հօր իւրոյ” , հերթայեցի ասէ . “Եգիտ հսկայս յանապատին , ջրբիք ոչ են” :

Փոխանակ այնք՝ զի ասէ՝ «Կոչեաց զահուռն նորա Սաքովթ», հերբայեցի՝ տաղաւարս : Եւ առ զնոյ Յակոբ տեղի մի, հար զխորան իւր . զի յայտ արասցէ, զի և զբաժինն զոր առին գնոյ արդարեւն ՚ի Սիւքէմ յերկրին իւրեանց զխորհուրդ տեառն մերոյ յայտնեցին . զի իւրով զիւրն գնեաց : Եւ զի ասէ՝ «Ի բաց առէք զատուածս օտարոտիս ՚ի միջոյ ձերմէ», վասն կռոցն Ղաբանու ասէ, և վասն զնգացն՝ զոր ետ նոցա Ղաբան հեթանոսաբար մինչ գեռ տղայքն էին :

«Եւ այս թագաւորը որ թագաւորեցին յերկրին եդոմայեցոցմէնչ չի երերեւեալ թագաւոր որդւոցն Իսրայէլի» : Քանզի ասացեալ էր . «Ահաւանիկ տէր և գլուխ կացուցի զնա ՚ի վերայ քո», յայտ առնէր՝ զի յառաջ քան զայն նախապետուին թագաւորեցին նոքա : Բայց իբրեւ եկն նախապետութիւնն ՚ի ձեռն Դաւթի, հար սատակեաց զԵդոմ իբրեւ զծառայ մի հնազանդ . և գնաց Դաւթ արկանել զձեռն իւր ՚ի գետն Եփրատ . այս ինքն՝ զի տիրեցին ՚ի գետոյ անտի մինչև յԵգիպտոս, որպէս և ասաց Խմց Աբրահամ . և զի ել ընդ առաջ նորա Ադրայազար, և հար սատակեաց զնա անդէն Դաւթի : Նա և ՚ի վերայ Յովթայ ասի այս . զի և նա մի յայնցանէ էր՝ որ յԵդոմն թագաւորեցին . և նա հինգերորդ է յԱբրահամի, և թուի այսպէս . Աբրահամ ծնաւ զԻստհակ, Իստհակ ծնաւ զԵսաւ և զՅակովբ . և Եսաւ ծնաւ ՚ի Մադաղթայ ՚ի դստերէ անտի Իամայելի զՀըռաբուէլ . Հըռաբուէլ ծնաւ զԶարեհ : Զարեհ ծնաւ զՅովթար, զի նա ինքն է Յովթ :

Փոխանակ այնք՝ զի ասէ՝ «Գիտաց Ոփնան թէ նորա լինի զաւակ», . հերբայեցի՝ «Եւ գիտաց Ոփնան թէ ոչ յանուն իւր կոչի զաւակ իւր», : Ընդ կամս բժշկի հայիս դու և գովեն . կամ ընդ գործն նորա հայիս դու և արհամարհեն . սոյնպէս ընդ կամս Թամարայ, զի ահա այլում առն նա ոչ եղև : Սոյն պէս և դստերացն Ղաւթայ . և բարեկամն Յուդայ ընդ նմա էր . և ոչ խնդրեաց և տա մտանել առ նա : Եւ իբրեւ եփես Յուդայ, թէ նոյն ժամայն ընկալաւ զյղութի, ասէ՝ «Արդարացեալ է Թամար և որդիք իմ մեղաւորը», : Բայց դարձեալ արդարացեալ է

քան զիս . զի ես 'ի գէմն պռոնկուծէ մեքձեցայ առ նա . բայց նա զաւակի և որդւոյս իմոյ սրբոյ ցանկացաւ : Կամ զի զերկուս որդիս իմ ամփոփեաց , և զիս դարձեալ պարտաւորեաց : Բան միջին ասաց . “ Վասն այսորիկ ոչ ետու զնա Սելումայ որդւոյ իմոյ ” . այս ինքն զի յաղթահարեաց զորդիս իմ մահուամբ իւրեանց . վասն այսորիկ ոչ ետու զնա նմա թէ գուցէ և զնա ևս մեռուցանիցէ : Զի ահաւանիկ և ինձ յաղթեաց խորհրդովք իւրովք . զի ակն ունէր թէ պարտաւորիցէ նա արեան որդւոյ իմոց . թեղեալ նա թակ ոչ հաճեցաւ 'ի սերմն նոցա , մահաւանդ իբրեւ լուայ ես թէ պռոնկեցաւ նա : Բայց իբրեւ եցոյց նա զվկայսն , յաղթեաց ինձ . զի սոքա ետուն ընդ նորա պատասխանի . եթէ զգաւակ քո ատեցի ես ասէ , գիւրդ դարձեալ միւստնգամ զինի նորա գնացի : Թէ այդ այդպէս է , բարւոք յաղթահարեցաւ նա , և ասաց “ Արդարացեալ է քան զիս ” : Զի ոչ ետու ես զնա Սաղումայ որդւոյ իմոյ , ծաղր արար նա զիս , զի մի ծանեայց զնա . զի իբրեւ 'ի խաւարի որոացաւ զիս , զի մի տուից զնա 'ի միտ . և ահա անտեղութի համարեալ և չնուծի 'ի վերայ հարցն : Իբրեւ զայն զի ասացին որդիքն Յակովբու . ասեն “ Ոչ գործի այսպիսի 'ի միջի մերում ” : Եւ Հուրեղի և ամուրհացւոցն ես , ասէ , յանցեայ 'ի նա . բայց հերքայեցի մեկնէ . “ Եւ ոչ , ասէ , յաւել ևս գիտել զնա ինքն Յուդա ” , ասէ : Զիք աստ , ասեն , թող . ահա մի վկայուծի . դարձեալ եկն բարեկամ նորա և ոչ եգիտ . ահա ետու ես և լուաւ . արդարացեալ , ասէ , քան զիս : Ես իբրեւ առ բոլ մի չոգայ կորուսանել զգաւակս զայս , որ գտանելոց է գկորուստն հեթանոսաց . և նա հաւատովք իւրովք իբրեւ զօրհնուի եկն առնուլ զպարգեմն , որ սրբէ զայնոսիկ որ առնուն զնա : Եւ սրբեցաւ Թամար 'ի պռոնկուծէ իւրում 'ի չնուէ . զի հաւատք որպէս և կուսուծի առաւել է : Զի են բազումք որ վասն ամօթոյ այլոց պահեն զկուսուի . բայց ա իբրեւ պռոնկուի արտաքոյ օրինացն չարաչար 'ի գէմն չնուէ առանց օրինաց յօժարեաց 'ի չնուի կամօք իւրովք , զի զրկեցին զնա 'ի հաղորդուէ առանց կամաց իւրոց : Զի ոչ ետուն նմա 'ի ջուրց անտի ան

ձին իւրոյ, խնդրուածք նորա արարին զիմաստու-
թի ծարաւ նորա, զի գողացի նա զընդոք՝ որ թա-
ղեալ էր 'ի միտս ըմպելի հեթանոսաց :

Օ արմանալ է ընդ երկոսին . զի ոչ յառաջ քան
զայս գործ, և ոչ զկնի սորուն գրէ ուրեք վասն նո-
ցա իբրեւ զայս : Բայց 'ի վերայ Թամարայ քարոզէ
տուիչն, զի մի խնդրուածս խնդրեաց նա, և երկու
տուան նմա զկնի երկուց արանց իւրոց : Չարմանք
են դարձեալ, զի ոչ երկեալ եթէ գուցէ հայիցի ընդ-
երեսս նորա և ծանիցէ զնա . այլ հաւատքն Թամա-
րայ ուսուցին և զեղիշա՝ թէ կարող են աղօթք զաչս
ունել . և ոչ երկեալ և զարհուրեցաւ 'ի Ժամանակի
իբրեւ խօսէր ընդ նմա, թէ գուցէ ծանիցէ զձայն
բարբառոյ նորա : Զի ուսաւ նա 'ի հօրէ անտի Յու-
դայ, զի չարութի ունէր ձայնն Յակովթու . զի ա-
ռաջի Յաֆայայ յանդիմանեաց զնա 'ի Ժամանակի
իբրեւ եմուտ նա զօրհնուինն Եսաւայ յափշտակել .
զի զայն ինչ զոր յափշտակեաց Յակովթ յԵսաւայ 'ի
ձեռն մորթոյն, զնոյն կորզեաց Թամար երեւելի հան-
դերձիւն իւրով : Զի կարծեաց Յուդա թէ 'ի պատ-
ճառս Թամարայ սատակին որդիք նորա, ելին երկու
որդիքն Թամարայ, որ 'ի միջի իւրումէին, զի հան-
գուսցեն զնա 'ի կարեաց անտի զոր համբեր յերկուց
արանցն իւրոց՝ որ արտաքոյքան զնա : Աս իւր Թամար
երիս վկայս յայտնիս, և ապա առ նա զաներեւոյթ
երրորդութիւնն . հան զերիսն վկայս զորս առ իւրն
ունէր, զի մի կորիցէ ինքն երկու որդւովքն իւրովք
հանդերձ : Ելին երրորդքն և ապրեցուցին զերիսն .
զի մի հատցի կարգն երրորդին : Փարեջ՝ խրամատիչ
ցանկոյ . Չարեհ ծագումն :

ԳԼՈՒԽ Թ

“Եւ Յովսէփ, ասէ, եւ թնուտամսամի էր, զի ա-
րածէր եղբարքն հանդերձ զխաչինս հօր իւրոյ . և
ինքն մնանէր ընդ որդիսն Բաղայ և ընդ որդիսն Զեդ-
փայ կանանցն հօր իւրոյ ” : Եւ զի ընդ որդիսն աղախ-
նացն մնանէր նա, զի ոչ էր նմա փոյթ վասն աղա-

տուութեան , որպէս ազատութեան մտաց . զի ոչ համբեր որդին մատաղ բնակել ընդ Հռուբէլի , որ պղծեաց զանկողինս հօր իւրոյ . և ոչ զի եղիցի նա ընդ Շմաւոնի և ընդ Ղեեայ , որք կործանեցին զպարիսպս բարկութեւ իւրեանց , և կոտորեցին զարս սրտմտութեամբ իւրեանց . և ոչ դարձեալ թոյլ տային նմա խորհուրդք սրտի իւրոյ հաղորդել ընդ Յուդայ , զի պոռնկեցաւ նա ընդ նուոյ իւրում : Հեռացաւ նա յամենեցունց , և ընդ սոսա միայն լինէր նա : Բայց հէբրայեցի փոխանակ այնր՝ զի ասէ « Ինքն սնանէր ընդ որդիսն Բաղայ և Զեղփայ » , « Ինքն , ասէ , կրպսեր էր քան զորդիսն Բաղայ և Զեղփայ » :

« Եւ եկն երեք , ասէ , Յովսէփ զհամբաւ չար զեղբարցն իւրոց առ հայրն իւրեանց , և ամբաստան լինէր զնոցանէ » : Իսկ զի՞նչ էր համբաւն չար . բայց եթէ գործք չար կորստեան խաշինն : Քանզի նա տղայ էր , և իշխանուի հեռի էր ի նմանէ . տրտմէր և չար թուէր նմա վասն խաշանցն , զի չարաչար առաջնորդէին նոցա եղբարքն իւր : Եւ զի ետես հայրն նորա զՃշմարտութի նորա և զհեղութի զգաստուէ նորա՝ , արար նմա առ սէր շապիկս թեզանեօք : Բայց հէբրայեցին՝ « Հապիկս նկարէնս ծաղկեայս » . այս ինքն պարեգօտս : Զի սոյն իսկ այս թեպէտ և զՅովսէփ ուրախ առնէր , սակայն եղբարքն նախանձ արկանէր : « Իբրեւ տեսին , ասէ , եղբարքն՝ եթէ զնա սիրէ հայրն առաւել քան զամենայն եղբարսն , յայնժամ բազմացաւ ռիսութի սրտից նոցա , և ոչ կարացին խօսել ընդ նմա բանս խաղաղութեան » . զի եմուտ նախանձ ՚ի միտս նոցա , և մերժեաց զհարազատութիւն ՚ի միջոյ սրտէ որդւոցն հօրնորա :

« Երազ տեսանել սկսաւ , ասէ , Յովսէփ . և պատմեաց զայն եղբարցն իւրոց » : Այս ինքն զի մերձեցուցանէր զնոսա բանիւք իւրովք . քանզի նշան էր նա , զի զշինութի և զխաղաղութի սիրէր նա : « Եւ արուբ , ասէ , երազոյս զոր տեսի ես , պատմեցից ձեզ . թուէր ինձ , ասէ , թէ որայ կապէաք ՚ի դաշտի միջ » . այս սկիզբն միաբանութե է , և մերձենալն նոցա որ առ միմեանս : « Եւ ահա , ասէ , յարեաւ որայն

իմ և կանգնեցաւ ,. այս մեծութիւն փառաց է : “Եւ ահա , ասէ , գային պատէին որայքն ձեր , և խոնարհ երկիր պագանէին որայոյն իմն ” : այս նշան հնազանդուե է . և վամս այսորիկ յաւելին ևս առեւ զնա , զի եմուտ լուր կատարածի երազոյն և լոյծ զսեր սկզբան նորա :

Ի մոտտացան եղբարքն և ասեն . “Արդ թագաւորելով թագաւորե՞լ կամիս դու ՚ի վերայ մեր ” : “Նոքա մեկնեցին ՚ի վերայ անձանց իւրեանց . իբրեւ զայն՝ զի ասէ “Ընկեսցուք մեզ աշտարակ , զի մի ցրուիցիմք ” , և ցրուեցան . իբրեւ զայն՝ զի ասեն “Հաներ զմեզ յանապատ զի մեւցուք ” , և եղև . և զոր օրինակ հատին ՚ի վերայ անձանց իւրեանց մշակք այգւոյն . ասեն “Չարաչար սատակեսցէ զնոսա ” : “Թագաւորելով՝ ասեն , թագաւորե՞լ կամիս դու ՚ի վերայ մեր . կամ տիրելով տիրե՞ս դու ՚ի վերայ մեր ” : Բարեք է երազ քո , ՚ի գործոյ այտի մեկնութիւն . կանգնեցաւ աջ քո , և եղև ժողովիչ երկրին եգիպտացւոց . ցորեան յտեմարանս քո , և երկիր պագանեն քեզ որդիք հօր քո : Բայց նոքա լի եղեն սրտմըտութիւն բարկութիւն ընդ իմաստութիւն մեկնութե : Յայնժամ տրտմեցաւ Յովսէփ , զի ոչ կացին մնացին ՚ի կատարածն , որպէս և ՚ի սկզբանն : Եւ ասէ Յովսէփ ցեղբարսն . ոչ տերութի քարոզեցի ձեզ և ոչ թագաւորութի . ես զայն ինչ զոր տեսի՝ պատմեցի ձեզ , և դուք ըստ կամն ձեր արարէք պատասխանի մեկնուե : Ես երազ միայն ասացի , և դուք թագաւոր արարէք զիս . երազ միայն պատմեցի , և դուք ստացարուք զհնազանդութիւն ձեր . կամ մի մեկնէք զերազս իմ , կամ մի տրտմիք ընդ մարգարէութիւնդ ձեր . ըստ կամն ձեր որպէս կամեցարուք ասացէք . և որպէս զի ոչ կամեցայ ես , բարկացայք դուք :

Եւ ասաւ դարձեալ այլ երազ տեսանել : Ոչ դադարէ ճշմարտութիւն ՚ի պատմելոյ զկերպարանս իւր հաշապագօր . և պատմեացն եղբարցն իւրոց և առաջի հօր իւրոյ : Ո՞վ Յովսէփ , ոչ երկեար զարհուրեցար դու յերազոյ անտի յառաջնոյ , զի ռիացան ընդ քեզ ամենեքին : Վասն այսորիկ առաջի հօրն պատմեաց , զի թերևս , ասէ , չըջեսցէ հայր իմ զմեկնութիւն . այլ

ինչ ասացէլ և հաշտեցին եղբարքն իմ վասն առաջին ցասմանն։ Եւ սկսաւ դարձեալ միւսանգամ Յովսէփ, իբրեւ զասի հարեալ էր յոխակալ հայելոյ ան տի եղբարքն իւրոց՝ որ էր առ նա, և ասէ ցնոսա. «Դարձեալ միւս ևս այլ երազ տեսանէի. Թուէր ինձ իբրեւ արեգակնդ և լուսինդ և աստեղք մետասան գային և ինձ երկիր պագանէին»։ Այտ մեկ նութի՝ ի պատմութիս յաւելլու. զի այն առաջինն որայոյն մատուցանէ զերկրպագութիւն. և այս վերջինս առ ինքն մերձեցուցանէ զհնազանդութիւն։ Եւ իբր ամենեքին սպասէին և ակն ունէին լսել զոր ինչ հայր նոցա առնէր պատասխանի, սկսաւ նախ հայրն նորա սաստիւ պատուհասել զնա. զի սաստել պատուհասեին նորա զնա՝ ցածուացէ նախ զազառնութիւն և զատելութիւն եղբարց նորա։ «Արդ գայցեմք, ասէ, ես և մայր քո և եղբարք քո առաջի քո, և քեզ խնայարհ երկիր պագանիցեմք»։ և ահա մայրն նորա մեղեալ էր. այլ քանզի մի մարմին էն նոքա, և մայր նորա պագ նմա երկիր՝ ի պագանել երկիրն Յակովբայ։ Արդ սաստեաց պատուհասեաց զնա յանդիման նոցա, քանզի ետես նա՝ թէ ներկան նոքա նախանձու. ոչ եթէ զի չէր ստոյգ և հաւատարիմ Յակովբու մեկնութիւն երազոյն, այլ զի պատուհասիւն իւրով զցատումն նոցա՝ ի բաց արասցէ։ Զի թէպէտ որպէս զհարդ գործին և իրեն լինելոց էին՝ Յակովբ ոչ գիտէր, սակայն ի միտս իւր հանապազօր այն խորհուրդք բեւեռեալ և տնկեալ էին. «Եւ հայր նորա, ասէ, պահէր զբանսն»։

Եւ եղբարքն Յովսէփու անցին գնացին արածել զխաչինսն ի Սիւքեմ. և զնա ոչ առաքեաց ընդ նոսա հայր նոցա, եթէ գուցէ յիշեսցեն զերազս նորա և տրտմեցուցանիցեն զնա։ Իբրեւ անցին ժամանակք հարուստ մի, Յակովբու այսպէս թուեցաւ՝ թէ յայսմ հետէ մոռացեալ է ցատումն ի սրտէ եղբարց նորա, «Եւ ասէ Յակոբ ցՅովսէփ. երթ տես զեղբարսն և զխաչինսն թէ ողջ կայցեն, և բեր ինչ զրոյց»։ Թէպէտ և տրտմեալ էր Յովսէփ և երկուցեալ յեղբարց անտի իւրոց, սակայն քանզի ոչ էր բովոր

արհամարհել անցանել զհրաման հարնս իւրով, ետ զանձն իւր երթալ : Եւ մինչդեռ երթայր 'ի ճանապարհի միջորեցաւ նա ըստ արտուղի, զի բազմացան հոգք խորհրդոց նորա, և միջորեցաւ նա 'ի ճանապարհէ անտի : Իբրեւ տեսին եղբարքն իւր՝ սկսան կրճտել զատամուռնս իւրեանց և ասել. ահա երազաւ տեսն՝ որ դիմեալ գայ առ մեզ : Փոխեցաւ ընութի եղբայրութեն 'ի փոփոխումն մտաց, և մոռացեալ եղև եղբայրն 'ի խորհրդոց նոցա. զի բանք դառնութե էին քան զսրտմտութի խստութե 'ի նմանութի լարեալ աղեղան՝ իբրև զնետս սլաքեալս թռանէին բարկութիւն առ նա : Յայնժամ կալան զնա և ասեն . հը հը, անկար 'ի ձեռս մեր՝ երազատես . այն է մեկ նութի երազոց քոց . արդ ընդ կառափն քո հանցուք զամենայն, զոր և ասացեր դու . և երկիր պագցենքեզ վէմք հարուածովք, և խաւարեսցի արեգակն 'ի սատակման քում, և լուսին և աստեղք 'ի վերայ քո մթասցին, զի կարծեցեր դու բարձրանալ թագաւորել 'ի վերայ մեր լուսով նոցա :

Իայց Հռուբէլ աղաչէր հաւանեցուցանել զնոսա յասել իւրում. «Մի, ասէ, սպանցուք և ոգեպարտ եղիցուք, և մի արասցուք աշխատ զձեռս մեր 'ի նա, և մի հեղցուք զարին նորա յերկիր . ոչ, ասէ, բարւոք է սպանութի . այլ արկցուք զնա 'ի դուք մի յա. նապատի աստ, և զձեռս ձեր դուք աշխատ 'ի նա մի առնէք» : Ո՛վ Հռուբէլ, զինչ գործեսդ . և ոչ է լաւ մահ ժամանակեան միոյ քան զտանջանս գբոյ : Այլ Հռուբէլ ոչ եթէ զի մեռցի Յովսէփ 'ի ներքս 'ի դուռն կամէր, այլ զի խելօք թափիցէ 'ի նոցանէն և անդրէն միւսանգամ 'ի հայր իւր հասուցանել մարթասցէ . զի ցանկայր նա բժշկել զցաւս իւր դեղօք իւրովք որպէս բժիշկ իմաստուն՝ որ անձին իւրում յաճախէ զօգտութիւնս 'ի հալածել իւրում առ յինքնէն զցաւս փասակարս : «Եւ մատեան, ասէ, ձգեցին հանին զՅովսէփ 'ի գբոյ անտի, և ետուն զնոյ իսմայելացւոց» : Ո՛վ ծառայք, որ վաճառէին ըգտեառնորդին իւրեանց : Դան և Նեփթաղիմ որդիք Բաղդայ միաբանեցին վաճառել զորդին Հռաքելայ, այն որ արար շնորհս ընդ Բաղա աղախին իւր, և ետ

զնա Յակովլբու առն իւրոյ : Ո՛վ Յովսէփ , ո՛ւր են երազք քո՝ զոր ասէիր դու . արեգակն և լուսին և աստեղք երկիր պազանէին ինձ : Եւ փոխանակ զի երկրպագիցի նա , որպէս երևեցաւ նմա , երթեալ պաշտէր զծառայութիւն 'ի մէջ եգիպտացւոցն :

Իբրեւ լուաւ Յակովբ թէ մեռաւ Յովսէփ , զրեալ է ասէ . « Ժողովեցան ուստերք և զստեքք նորա և եկին մխիթարել զնա » : Եւ եթէ դստերք եղեն Յակովբու յետ ' ելանելոցն , զիարդ ոչ առնէ յայտ . և թէ հաճոյ եղեն Յակովբայ յետնեղութեն մխիթարել , զիարդ ոչ առնէ յայտ զդստերսն եթէ իջին յերկիրն եգիպտացւոց , և կամ թէ արանց եղեն նոքա յերկրին քանանացւոց : Քանզի 'ի նմին իսկ երկրէ և օրդիք նոցա առին իւրեանց կանայս , և յիջանէն իւրեանց յերկիրն եգիպտացւոց ամենեքեան կանայս ունէին : Կամ՝ զդստերս որդւոց նորա կարգաց դստերս նմա : Փոխանակ այնր՝ զի ասէ « Գազան ուրեմն երեկ զՅովսէփ որդեակ իմ » . հերբայեցի , « Գազան ուրեմն չար եկեր զնա » , ասէ :

Եւ թնուտանամի էր զի վաճառեցաւ Յովսէփ . եղև 'ի տան Պետափրեայ մետառան ամ . քսանեութամի էր 'ի Ժամանակին իբրեւ յարեաւ 'ի վերայ նորա տիկին նորա . մատնեցաւ նա 'ի տուն բանտի զերկուս ամս , և երեսնամի էր զի կաց առաջի Փարաւոնի : Եւ յամին երեսներորդի իններորդի Յովսէփու մուտ Յակովբ յեգիպտոս . զքսան և զերկուս ամս պահեաց Յակովբ սուգ վասն Յովսէփու որդւոյ իւրոյ , և ոչ եղև նմա յայտնի թէ կենդանի իցէ և չիցէ մեռեալ : Եւ զի՞ ոչ յայտնեաց նձ Յակովբայ , զի մի խափանեսցին իսքանչելիքն որ գործեցան :

« Եւ եղև , ասէ , յետ պատգամացս այսոցիկ արկ զմիտս իւր տիկին տեառն Յովսէփու , և ակն եղ նմա և ասէ ցնա . վաղ եկ արա զկամս իմ » : Իբրեւ ետես Յովսէփ թէ այնչափ շտապ տագնապի 'ի վերայ հասուցանէր , եթող զձորձս իւր 'ի նա , և ինքն փախըտեայ արտաքս ելանէր : Թշնամութիւն այն , որ անկաւ զկնի նորա յեղբարց անտի նորա և վաճառեաց

զնա, նոյն դարձեալ միւսանգամ պատահեաց առաջի երեսաց իւրոց։ Այլ այն անձ՝ որ տարեցոյց զնա 'ի նոցանէ, նա դարձեալ փրկեաց զնա 'ի տիկնոջէ անտի իւրմէ։ «Եւ առ պատեաց, ասէ, և եդ զձորձսն Յովսէփու առ ինքն» . և 'ի դատ պահէր առն իւրում մինչև եկեսցէ տէր տանն։ Եւ իբրև եկն տէրն, պատմեաց նմա զչարչարանսն իւր ստուծի։ Այլ թէպէտ նա զրպարտեաց զնա՝ և այն հաւատաց նմա, սակայն անձ՝ որ գիտէ զծածկեալս, ոչ եթող զնա 'ի ձեռանէ։ Այլ դու, ով տէր Յովսէփու, ոչ էր արժան առնուլ քեզ 'ի միտ եթէ ոյր ձորձքդ տանն առ ընկեր իւր։ զի եթէ ձորձք կնոջքդ գտանն առ Յովսէփու, բարւոք հաւատացեր դու կնոջքդ քո, ապա եթէ ձորձք Յովսէփու առ կնոջքդ քում գտան, ոչ ահա յոյսնի է այս՝ եթէ նա եհար բուռն զնմանէ, զի կատարեցէ զկամս նորա։

Իւ զնա տէրն իւր և տարաւ արկ զնա 'ի տուն բանտին. և արգելեալ էին անդ ծառայք փարաւոնի, և տեսին երկոքինն երազ յաւուր միում, և տրտմեալ էին։ Հարց զնոսա Յովսէփ և յայտնեցին նմա։ «Երազ, ասէ, տեսաք. և ոչ ոք է որ մեկնէ մեզդ զայն։ Ասէ ցնոսա Յովսէփ. պատմեցէք ինձ»։ Ով Յովսէփ, և ահա երազքն զոր դու անձին քում տեսեր՝ առ քեզ ոչ հաստատեցան, զիմրդ խոստանառ դու այլոց մեկնուծի երազոց։ Այլ յայսմիկ զի յուսացեալ համարձակուծի հարց զնոսա և վաղվադակի մեկնեաց նոցա, յայտ արար թէ հաւատացեալ էր 'ի միտ իւր՝ թէ հանդերձեալ են կատարել տեսիլք նորա։ Եւ մինչ դեռ 'ի տան բանտին էր, պատմեաց Յովսէփու նախ տակառապետն։ Այս ինքն ամենայն յայ լինէր, և արկանել զնոսա 'ի բանտ անդր, և զի տեսցեն երազս։ Զի թէ պատմեալ էր մատակարարին նախ, քանզի վճիռ մահու զնէր 'ի վերայ նորա 'ի մեկնել երազոյ նորա, երկնէր տակառապետն և ոչ պատմէր նմա զիւրն։ Այլ նախ պատմեաց տակառապետն, զի վասն բարւոք մեկնուծե երազոյ նորա յուսացի մատակարարն ասել և նա որ ինչ ետես։

Սկիզբն երազոյն Յովսէփու ընդդէմ հուրբելի լինէր յոյժ, զի նա էր գլուխ և անդրանիկ եղբարց իւր

րոց . արդ տես դու զի որպէս Յօշնաթանն յաղթեաց
 նախանձու և ատելութե տանն Վայէնի : Ատելութի
 արանց և սէր կանանց արեկին զՅովսէփ 'ի բանտ գու-
 բրն . ատեցին զնա արք, արեկին 'ի գուբն յանապատի :
 Սիրեաց զնա կին, և արեկ 'ի գուբ 'ի տան բանտին . եւ
 'ի գրոյ անտի ատելութե , զի փոխարէն ատելութեն
 հատուցանել ոչ կամեցաւ . եւ 'ի գրոյ անտի ցան-
 կութե , զի փոխարէն սիրոյն ոչ հատոյց : Ոչ հատոյց
 նա փոխարէն եղբարոյն իւրոց . քանզի ոչ եթէ ըստ
 ատելութեն , որպէս ատեցին զնա , ատեաց զնոսա .
 այլ զլացաւ լաւացաւ զփոխարէն կնոջ տեառն իւ-
 րոյ , զի ոչ սիրեաց զնա որպէս և նայն սիրեաց զնա :
 Համբուրեաց զեղբարսն իւր զայնոսիկ՝ որ կրճտէին 'ի
 վերայ նորա զատամուսն իւրեանց . բայց դարձոյց զե-
 րեսս իւր և փախեաւ յայնմանէ՝ որ փափաքեալ ցան-
 կայր պագանել զնա : Հատոյց ատելուն , և զլացաւ
 զցանկութիւն . այս է օր հատոյց և փառաւորեցաւ ,
 զլացաւ և գովեցաւ . հատոյց սիրով իւրով ատելուն ,
 և զլացաւ սիրով իւրով զցանկութիւն : Ետ նա կրկին
 պատմուճանս այնոցիկ՝ որ պատառեցին պարեգօտս
 նորա . զոր օրինակ պատառիցեն գաղանք : Եթող զձոր
 ձրս իւր և փախեաւ 'ի գաղանէ անտի , որ խնդրէր
 պատառել զմարմինս նորա և զհեղուի հանդարտուն
 նորա : Ատեաց դարձեալ զսենեակ , քանզի յանդոր-
 րութե նորա հեղութի նեղեալ էր . բայց սիրեաց
 զգուբն , զի 'ի մէջ նեղութե նորա կուսութի ցնծայր :
 Ատեաց զսենեակ , այն որ կանայքն 'ի մէջ նորա պա-
 տերազմ առնէին . բայց սիրեաց նա զտունն բանտին ,
 զի անդ և աւաղակք դադարեցին յամենայն պատե-
 րազմոյ :

« Իսաղան , տես , ուրեմն չար երեկ զնա » . արդա-
 րեւ գաղան չար : Իսկ արդ օր գաղան չար քան զա-
 տելութի : Արդ երկիր դու յատելութենէ , զի մի
 ելցէ ապականիցէ զբազումս , որպէս Վայէնն զՀա-
 բել , և որպէս եղբարքն Յովսէփու զՅովսէփ : Վայե-
 լէր իսկ գեղ Յովսէփու և ոչ պոռնկաց . և Ըուշա-
 նայ և ոչ չնացօղ կանանց . և իմաստութի Դանիէլի
 և ոչ մուրերոց . և մեծութիւն Յովթայ և ոչ ագա-
 հաց : Եթէ իբրեւ զՅովսէփ էին ամենայն երիտա-

սարգք, այր ընդ կնոջ ընկերի իւրում ոչ չնայր. և եթէ իբրեւ զՇուշան էին ամենայն կանայք, կին ընդ այլոյ առն ոչ պղծէր. և եթէ իբրեւ զՅովսէփ էին ամենայն մեծատունք, ամենայն որոց հարք էին, և ամենայն այրեաց արք: Սոյնպէս և ամենայն պտուղ արարածոյ. առ դու զնոսա յերկուս կողմանս զչարացն և զբարեաց, և տեո դու զի զամենայն ինչ զոր և հաստեաց, բարւոք հաստեաց. և ազատուիս մեր ոչ կամի առաքինանալ նովաւ: Յերիս առուքս մոռացաւ տակառապետն զՅովսէփ. և յետ երկուց ամաց յիշեաց զնա. այլ ոչ նա՝ զի մոռացաւ զնա, այլ նա՝ զի ոչ մոռացաւ զնա:

Փոխանակ այնր՝ զի ասէ “Ազագունք և խորշակահարք” . ասէ “Ի սաստիկ հողմոյ արեւելից” . Մթթէ առանց նյ գտանի՞ պատասխանի խաղաղութե փառաւորի. գիտէ տեսանել, և գիտէ մեկնել. այն զի ասէ “Տեսցէ փարաւորն այր” , վասն անձին իւրոյ աւուր. զի ոչ ասաց նա արս, այլ այր: Պատմեաց փառաւորն զերազն իւր առաջի իմաստնոց և կախարդաց եգիպտացւոց, և ոչ կարացին մեկնել: Եւ ահա յայտնի էր երկնջքն, զի ուտէին զերկնջս. և զի մեկնեսցէ զնա յայտնապէս, հապքն զի ուտէին զհասկս. զի յորժամ եկեսցէ Յովսէփ և մեկնեսցէ զնա, ամաչիցեն կախարդքն այնոքիկ, որ կարծեցին կալ ընդդէմ Մովսիսի արուեստգիտութիւն իւրեանց:

“Եւ իջին, ասէ, եղբարքն Յովսէփու յերկիրն եգիպտացւոց գնել իւրեանց կերակուր” . Ժողովեցան և եկին վաճառականքն, զի բերան նոցա կշտաւբեալ յանդիմանեսցէ զնոսա. զի զտէրն իւրեանց վաճառեցին, երկիր պագին նմա իբրեւ դատաւորի. աղաղակեցին ի ձայն բարձր բարբառոյ և ատեն. “Ծառայք թո եմք” : Բայց նա ասէ ցնոսա. “Ոչ այդպէս է, այլ լրուտեպք էք դուք” : Զիւրն ասէր նոցա Յովսէփ, զի քննելով քննէր զնոսա գիտել ճանաչել եթէ կայցէ Բենիամին եղբայր իւր: Քանզի ետես նա զնոսա, և զԲենիամին ընդ նոսա ոչ ետես, կարծեաց թէ և զնա սպանին և բարձին գլխատակ հռաքէլայ վասն նախանձու Լիայ. վասն այսորիկ ասէ ցնոսա՝ լրուտեպք էք: “Ասին ցնա. ոչ տէր, այլ ծա-

ուայք քո եմք,, : Ո՛վ վաճառականք, ո՞վ է ծառայ,
դուք՝ եթէ Յովսէփ : Այս են վաճառականք, որ ե-
ղեն ծառայք վաճառի իւրեանց : “Երկոտասան եմք
մեք, ասեն, որդիք առն միոյ . և որ կրտսերն է, առ-
հայրն մեր մնացեալ է . և միւսն ևս չիք ’ի միջի ” :
Յովսէփ իբրեւ լուաւ թէ կրտսերն առ հայր իւր է,
և վասն նորին հարցուածոյն իւրոյ փոյթ եղե նմա,
“Ոչ ելանէք դուք աստի, ասէ, եթէ ոչ զեղբայրն
կրտսեր ձեր ածէք դուք առ իս : Արդ առաքեցէք
դուք զմի ոք ’ի ձէնջ, և ածէք վաղվաղակի զեղբայրն
ձեր ” . զի կարծեաց նա թէ ուրեք վաճառեալ իցէ
կամ գրաւեալ : Ես, ասէ, ոչ առաքեմ, այլ դուք
առաքեցէք ուր գիտէք թէ իցէ եղբայրն ձեր . զի ես
ինքնիս, ասէ, յայ երկիւղած եմ :

Ի բարբառ գթոյ ասէր Յովսէփ . փոխանակ բաղ-
մաց, ասէ, մի ’ի ձէնջ մնասցէ աստ ’ի բանտի : Նու-
քա իբրեւ տեսին, ասեն . “Այո այո . արդ յիշեցաք զի
հասին մեզ այն մեղք կարեացն եղբօրն մերոյ, զի
արհամարհեցաք մեք զնեղութի ոգւոց նորա . զի ան-
կանէր պատէր զմեօք վասն ոգւոց իւրոց, և մեք ոչ
անսացաք նմա . վասն այսորիկ հասին այս ամենայն
փորձութիւնք և նեղութիւնք ’ի վերայ մեր ” : Ո՛վ նա-
խանձ չար և հակառակութի դառնութե՛ն, զի իբրեւ
նեղեցաւ տաղնապեցաւ, դատեցաւ զանձն իւր ստու-
գութե՛ն : Աիք ’ի միջի տանջանք և ոչ քերանք և ոչ
կշտամբիչք, և եղեն ինքեանք դատաւորք և ինքեանք
կշտամբիչք և ինքեանք յանդիմանիչք միմեանց :
Յովսէփ լուաւ թէ լեզուն իւրեանց պարտաւորեաց
գնոսա, և իբրեւ ’ի վերայ մեռելոյ խօսէին, և իբրեւ
յայ զհատուցումն ընդունէին, և յուզեցաւ գութ
ողորմութե՛ն նորա վասն ջնորհացն Հռութիւի . և դար-
ձաւ գնաց առ ’ի նոցանէ մեկուսագոյն և ելաց : Եւ
հրամայեաց ունել զՇմաւոն և կապել զնա, և եթող
զՀռութիւ . զի լուաւ նա, զի ասէր ցեղբարսն իւր .
“Ո՛չ ասացի ձեզ այն օր՝ թէ մի մեղանէք մանկանն
և դուք ոչ լսէիք ինձ . արդ աւասիկ արիւն նորա,
ինդրի ’ի ձեռաց ձերոց ” : “Եւ ինքեանք, ասէ, ոչ
գիտէին եթէ զայն ամենայն լսէ Յովսէփ, զի թարգ-
ման կայր ’ի մէջ նոցա ” :

Հրաման ետ Յովսէփ ընդ զամանս նոցա ցուրենեալ . և տալ պաշար 'ի ճանապարհ . և զիւրաքանչիւր գինս զնել անդէն 'ի ցորեան անդ յիւրաքանչիւր քրձի : Բարի առնէր նոցա և ոչ յայտնէր, զի մի գիտասցեն զչնորհման և 'ի համարձակութենէ անտի երկմտիցեն : Խաբեաց զնոսա դարձեալ 'ի սկիհ անդր , զի ոռնէր և բախէր զնա . զի կարծիցեն թէ դիւթուութի խօսեսցի ընդ նմա . “Եւ 'ի դմին , ասէ , հմայելով հմայէր զամենայն” . յայնմանէ ասեն , զի բազմեցան առաջի նորա երէցն ըստ երիցութե , և կրտսերն ըստ կրտսերոյն . և զարմացան , ասէ , այր ընդ եղբոր իւրում : Եւ զի ասէ “Առ որում սկիհն իմ գացի” նա եղիցի իմ ծառայ” , փորձելով փորձէր զնոսա՝ թէ արդարեւ տայցեն զԲենիամին 'ի ձեռսն ուրա . և զի եղ Յուդա զանձն իւր փոխանակ նորա , և յի շեաց զսէր նորա որ էր առ հայրն իւր , յայտնեցաւ Յովսէփ եղբարցն իւրոց . պատուէր տայր նոցա Յովսէփ և ասէր . մի ինչ կազիցէք և զայրանայցէք դուք ընդ միմեանս 'ի ճանապարհի փոխանակ այնր զի վաճառեցէք զիս . զի այն որ արարն զիս զի վաճառեցայց , նա եղև պատճառք բարեաց մերոց . կամ՝ վասն շեղ ջակուտացն զոր բարձին առաջի նորա :

Իայց Յովսէփ 'ի գբոյ անտի 'ի թագաւորութի արքայուէ , և յանարգանաց 'ի փառս պատուոյ . և տէր մեր 'ի խաչէ անտի ընդ երկինս , և 'ի դժոխոց անտի յաթոռ փառաց : ԶՅովսէփ իբրև տեսին եղբարք նորա , ասեն . “Ահա աւանիկ երազատեսն որ դիմեալ գաց առ մեզ . եկայք սպանցուք զնա , և տեսցուք թէ երազք նորա ընդ ինչ ելանիցեն” : Եւ զտէր մեր իբրև տեսին մշակքն , ասեն . “Աս է ժառանգն այգւոյս . եկայք սպանցուք զսա , և եղիցի այնուհետև մեր ժառանգութիս” : Յովսէփ անկաւ յերկուս գուբս , 'ի մի՝ վասն երազոց իւրոց , և 'ի միւսն ևս վասն յաղթութե իւրոյ 'ի վերայ ցանկութեն : Եւ տէր մեր արգելաւ յերկուս գուբս . 'ի մարմին անդ վասն ողորմութե իւրոյ , և 'ի դժոխս վասն յաղթութե իւրոյ 'ի վերայ մահու : Յովսէփ փոխանակ պոռնիկ տիկնոջ իւրոյ առ նա իւր կին զԱսանէթ . և տէր մեր փոխանակ սպանող առաջին

ժողովրդեանն ընտրեաց իւր զեկեղեցի սուրբ : Մինչ
 չե եկեալ էր Յովսէփու յերկիրն եգիպտացւոց,
 շքով և պատուով էր առ հօր իւրում . և տէր մեր
 մինչ չե եկեալ էր յաշխարհ այսր, փառօք և գո
 հուծք էր առ առաքիչն իւր : Երազն առաջին եղ
 բարցն իւրոց, և ապա հարց իւրոց . քանզի և եղբարքն
 նորա պազին նմա երկիր յառաջագոյն, և ապա յեր
 կրորդ գալստեանն հարց իւր : Յովսէփ արգելեալ
 կայր 'ի բանտի անդ իբրեւ չարագործ' իբրու զգեցեալ
 էր զամենայն հեղուի զգաստութե . և տէր մեր ել 'ի
 խաչ իբրեւ զմեղաւոր, իբրու նա յաղթեաց աշխարհի :
 Յովսէփ եմուտ յերկիրն եգիպտացւոց, և ցանկա
 ցաւ նմա տիկինն իւր . և տէր մեր եմուտ 'ի գերեզ
 մանն, և ցանկացան նմա դժոխք : Տիկինն ընթացաւ
 ապականել զՅովսէփ . և դժոխք ընթացան ապական
 նել զտէր մեր : Ոչ կինն կարաց յաղթել զօրութեն .
 Յովսէփու, և ոչ դժոխք կարացին յաղթել զօրութե
 տեառն մերոյ : Տիկինն Յովսէփու զձորձոց նորա
 բուռն եհար, և Յովսէփ ապրեցաւ . սոյնպէս և
 դժոխք զհանդերձէն տեառն մերոյ բուռն հարին, և
 մարմին նորա յարեաւ և կանգնեցաւ : Յովսէփ զկա
 լանաւորսն կերակրէր . և տէր մեր 'ի դժոխս մեռե
 լոցն լուսատու լինէր : Մուտ Յովսէփ 'ի բանտ անդր
 և մխիթարեաց զկալանաւորսն . մուտ տէր մեր 'ի
 դժոխս և մխիթարեաց զմեռեալս : Եւ զոր օրինակ
 մեկնեաց Յովսէփ ծառայիցն Փարաւոնի, զմինն դաւ
 ձոյց կացոյց 'ի գործ տակառապետութեն իւրոյ և
 զմիւսն հան 'ի խաչ, սոյնպէս և տէր մեր զմինն մոյծ
 'ի դրախտն փափկութե վասն հաւատոց իւրոց, և 'ի
 վերայ միւսոյն եղ վճիռ պատժոց վասն երկմտութե
 իւրոյ : Եւ զոր օրինակ դատեցաւ Յովսէփ զդատիւնն
 իւր և արի 'ի բանտ զայնոսիկ՝ ողբ զնայն արգելին 'ի
 գուբ անդր, սոյնպէս և տէր մեր լինի դատաւոր խա
 չահանուաց իւրոց : Եւ որպէս զենաւ ուն և ապրե
 ցաւ Յովսէփ, սոյնպէս ետ տէր մեր զմարմին իւր 'ի
 խաչ վասն փրկութե եկեղեցւոյ իւրոյ : Եւ զոր օրի
 նակ պարեգօտքն Յովսէփու թաթաւեցաւ արեամբ,
 բայց մարմին նորա ինչ ոչ փնասեցաւ : սոյնպէս և
 զմարմինն տեառն մերոյ կալան և ոչ զաստուածուի

նորա : Եւ զոր օրինակ երեսնամի էր Յովսէփ 'ի Ժա-
 մանակի իբրեւ կայ առաջի Փարաւոնի, նա և Դաւիթ
 երեսնամի օծաւ, սոյնպէս և տէր մեր երեսնամի էր 'ի
 Ժամանակի իբրեւ մկրտեցաւ 'ի Յորդանան գետ : Եւ
 զոր օրինակ յերկրորդում նուագի անդ ծանեան եղ-
 բարքն զՅովսէփ, սոյնպէս և Ժողովուրդն յերկրոր-
 դում գալստեան տեառն մերոյ գիտեն ճանաչեն
 եթէ նա է Գրիստոս, որպէս և ասէ . “Հայեսցին առ-
 այն զոր խոցեցինն” . 'ի տէր մեր զոր խոցեցինն : Եւ
 Յովսէփ առ 'ի տիկնոջէ անտի իւրմէ առանց բաձկո-
 նի, զոր օրինակ եւ նա առ յեղբարց անտի առանց
 պարեգօտից . առաջին պարեգօտիւքն հաւատարիմ
 եղև Յակովբու սուտ մահն Յովսէփու . և 'ի ձեռն
 բաձկոնին հաւատարիմ եղև տեառն իւրոյ զրպար-
 տութի ստուծէ տիկնոջ նորա : Հայեցարուք դուք
 յողորմութի անդր որչափ հանապազորդէ ընդ ար-
 դարս : Անկաւ Յովսէփ 'ի գուք, հան զնա անտի ա-
 ռանց արատոյ . վաճառեցաւ 'ի մէջ եգիպտացւոց, ա-
 րար զնա տէր 'ի վերայ ընկերաց իւրոց : Արկին զնա
 'ի տուն բանտի, պատրաստեաց նմա անդ զփառս և
 զպատիւ . մուտ նա առաջի Փարաւոնի, արար զնա կե-
 րակրիչ երկրին եգիպտացւոց : Ո՛վ արդար . զի փոփո-
 խեաց նա տեղիս բազումն, և ոչ փոփոխեաց նա ըզ-
 ճշմարտսի իւր : Հասին պատեցան զնովաւ նեղուիք
 ճգնութե, և ոչ կարացին փոփոխել զարբուծի նո-
 րա . բազմացան յաճախեցան փորձութիք նորա, և
 ոչ նուաղեաց և կարճեցաւ պարկեշտութի նորա :
 Բախեցին զնա ալիք, և ոչ լուծաւ քակտեցու նա
 նորա . անկան 'ի վերայ նորա աւազակք, և ոչ կարա-
 ցին կապուտ կողոպուտ առնել զգանձս նորա : Ան-
 կաւ նա 'ի մէջ զբօսանաց, և ոչ ընկղմեցան վաճառք
 նորա . քննեաց զնա ստուգուի, և մեծացոյց զնա
 օղորմութի . փորձեաց զնա ծառայութի, և բարձ-
 րացոյց զնա ազատութի :

ԳԼՈՒԽ Ժ

“Եւ ասէ անձ ցիտրայէլ 'ի տեսլեան գիշերոյ . և ասէ . մի երկնայի դու իջանել յերկիրն եգիպտացւոց , իբրու իշխանութի տերութեն Յովսէփու երանդ : Բայց զնոսա թէպէտ և բռնութիւն հնազանդեցուցանէր , սակայն ելանել անտի չկամէին : Երկիւղ 'ի մտանել նոցա , և բռնութիւն յեղանելն նոցա : Յակովբ երկեալ , զի մի մտցէ 'ի քաղաքն կախարդաց . և զաւակ նորա ոչ կամէր ելանել 'ի դիւթ երկրէ անտի եգիպտացւոց : Արդ երկեալ իջանել Յակովբ յերկիրն եգիպտացւոց , զի մի մեղիցէ որդւոցն նորա հախարդութիւն եգիպտացւոց . վասն այսորիկ երևեցաւ նմա անձ և ասէ ցնա . “Մի երկնայի դու իջանել յերկիրն եգիպտացւոց , : Եւ զի խղճէր նա՝ թէ գուցէ մնայցեն նոքա անդէն վասն սիրոյ երկրին եգիպտացւոց , և խափանեսցին այնուհետև աւետիք հարանցըն , ասէ ցնա . “Ես իջանեմ ընդ քեզ յերկիրն եգիպտացւոց , և ես հանեմ զքեզ անտի , : Զի երկուցեալ խռովեալ էր նա՝ եթէ գուցէ մեռանիցի և ոչ տեսանիցէ զՅովսէփ , մխիթարեաց զնա յասել իւրում . “Յովսէփ , ասէ , սպասեսցէ ձեռք իւրովք աչաց քոց , : “Ես . ասէ , իջանեմ ընդ քեզ յերկիրն եգիպտացւոց , : Այցելու եղև նոցա և 'ի Բաբելոն կառօքն իւրովք :

Յովսէփ յամեն լիութե հինգերորդէր զերկիրն եգիպտացւոց . և իբրև առ զնոյ զամենայն երկիրն եգիպտացւոց 'ի ծառայութի փարաւոնի , ետ հրաման զի տացեն 'ի հնգէ մի : Որպէս . այլ զի լուալ փարաւոն՝ թէ ոով հանդերձեալ է գալ , հրամայեաց նա զի բռնութե պահանջիցեն . որպէս զի պահեսցի նոցա մնացորդ : Բայց իբրև առ նա զնոյ զերկիրն նոցա , արար զնոսա հարկատուս արդիւնաւորս : Բայց հերթեցի մեկնէ զնա . փախանակ այնր՝ զի ասէ “Առցեն մի 'ի հնգէ , , “կարգեսցեն զերկիրն , ասէ :

“Եւ մենայն հոգիք , ասէ , որ եկին մօին ընդ Յակով

բույերկիրն եգիպտացւոց, եւթանասուն », . և ահա վաթսուն և չորք են . Յովսէփ մտեալ էր , և Եփրեմ և Մանասէ անդ ծնեալ էին յԱսանեթայ : Եւ փռ խանակ այնու՝ զի ասէ « Երկիր եպագ Խորայէլ 'ի ծայր գաւազանի իւրոյ », « Ի գլուխ մահճացն իւրոց », . այս ինքն նոյ : Ուրախ եղեն տունն փարաւոնի ընդ գալ եղբարցն Յովսէփու . այս ինքն է զի յայտնի եղև՝ թէ ազնուական է 'ի մեծազգեաց տոհմէ . զի մի ասիցեն՝ թէ ծառայ մի գերի եկն թագաւորեաց 'ի վերայ մեր : Եւ իբրև պատմեաց Յովսէփ զերազն իւր եգիպտացւոցն , յայտնի եղև թէ երազքն փարաւոնի վասն երազոցն Յովսէփու երևեցան : Աւգեգիպտոս գնոյ , և տանջեաց զնոսա օրով . զի յամթ լիցի Եգիպտոս յորժամ կոչէ զկախարդան կալ ընդդէմ Մովսիսի : Ժողովեցին ամփոփեցին ետուն եգիպտացիք զարծաթ երկրին . ետուն վարձս վարձկանքն , և ապա գործեցին . և զգինս որդւոց իւրեանց ետուն վարձս : Ի ցող ցորենոյ կերակրեաց և հաստատեաց Յովսէփ զերկիրն եգիպտացւոց . և նա եղև եղէգն ջաղջախ նեցուկ եղբարցն Յովսէփու :

« Իսէ Յակովբ ցՅովսէփ . ահաւասիկ տամ ես քեզ բաժին մի աւելի արտաքոյ եղբարցն բաժնի , զոր առի ես 'ի ձեռաց ամուրհացւոց 'ի սուր սուսերի իմոյ և 'ի կորովս կապարճաց իմոց » : Եւ ուր է նա՝ զի ասէ « Ի խորհուրդս նոցա ոչ եմուտ անձն իմ » . և զի ասէ . « Անիծեալ է բարկուի և սրտմրտութի նոցա » : Բայց զայն՝ 'ի սուր սուսերի իմոյ և 'ի կորովս կապարճից իմոց , զոր ինչ առին և թափեցին 'ի Սիւբէմայ նոքա խիտ սրով իւրեանց , նա աւղօթիւք իւրովք կարաց ստանալ զնա երկրորդում : Արդ զողորմուին որ եղև նմա օգնական՝ կոչեաց կորով կապարճից , զի կամեցան զօրաժողով լինել գալ 'ի վերայ նոցա , հարկանել կոտորել սատակել զնոսա : և արգել եղև նոցա յոյ , այս ինքն վասն Յակովբու : Զի եթէ ըստ Շմաւոնի և ըստ Ղեեայ էր , ես մեռեալ էի : Կամ զժառանգութիւն զոր առ նա գնոյ , կարգաց սուր սուսերի և կորովս կապարճից . իբր ոք զի ասիցէ . առի ես գնոյ 'ի զօրութի բազկաց իմոց , և որովայն զոր թափեցի ես 'ի Ղաբանայ իբրև

‘ի պատերազմի: Իբրեւ աւերեցաւ Սիւքէմ, կալան յետ ամաց զամենայն Սիւքէմ՝ այնու ժառանգութիւն չանդերծ:

Եւ իբրեւ ասաց Յակովբ վասն ժառանգութեն զոր առ զնոյ, խօսեցաւ նա վասն ամենայն Սիւքէմայ. քանզի Յակովբու անիծիւք անիծեալ էր զաւերիչն Սիւքէմայ. հայեցաւ Յակովբ և ետես՝ զի տեղին այն որ վասն ցանկութեն աւերեցաւ, խորհեցաւ ‘ի միտս իւր և ասէ. եթէ այժմ արժան է տալ զար ժառանգութի, որ ցանկութեն յաղթեաց. զի մի եկեսցէ զկնի ժառանգաւորացն նորա վրէժխնդրութի սպաւնելոց նորա: Զի արժան իսկ էր եթէ տեղին՝ ուր ցանկութիւնն յաղթեաց, իբրեւ պսակ տացի այնմիկ՝ որում ցանկութիւնն յաղթահարեցաւ ‘ի նմանէ:

() Բհնեաց Սահակ զՅակովբ, և արար զնա անդրանիկ: Օրհնեաց Յակոբ Յովսէփ, և արար զնա անդրանիկ, յայնմիկ զի ասէ. “Ի գլուխ Յովսէփու և ‘ի վերայ գլխոյ պսակի եղբարց իւրոյ”, : Եւ ինքն Յովսէփ, զի ետ զաջն միաբանութե հաւասարութեան ‘ի վերայ գլխոյն Եփրեմի, աջն այն արարիչ անդրանկաց էր: Տես դու, զի թէ ոչ աջոյն լինէին անդրանիկ, զինչ հարկ էր Յակովբու փոփոխել արկանել զմիեւեամբք զձեռս իւր. կամ Յովսէփ ընդէր օգնէր ձեռին հօր իւրոյ հանել զձեռնն ‘ի գլխոյ Եփրեմի և արկանել զգլխոյն Մանասէի: Այլ մինչ դեռ կամէր Յովսէփ ցուցանել թէ որ զօրութի էր յաջու անդհօր իւրոյ, փութացաւ հայր նորա եցոյց զօրութի՝ որ էր յաջ նորա: Զի կնքեաց աջն այնորիկ՝ որ առ զանդրանկութիւն. Եսաւայ, ‘ի վերայ աջոյն այնորիկ՝ որ առ զանդրանկութիւն Հուրբէլի. և յաջոյ անտի յերկուց անդրանկացն յորդեալ հոսեցաւ անդրանկութիւն ‘ի վերայ գլխոյն այնորիկ՝ որ առ զանդրանկութիւն Մանասէի: “Ոչ այդ այդպէս է հայր, այլ տա է, ասէ, անդրանիկ”, : Յովսէփ՝ որ եկն ուսուցանել, ուսուցին զնա այլք: “Գիտեմ և ես, ասէ, որ դեակ, գիտեմ. այլ եղբայրն, ասէ, կրտսեր՝ մեծ լիցի քան զնա”, :

Եւ Յակովբ զանդրանկութիւն ‘ի Հուրբէլայ և ետ Յովսէփու յասել իւրում. “Ահա աղիկ ետու ես քեզ

բաժին մի աւելի արտաքոյ եղբարցն բաժնի, . զի անդրանիկն, ասէ, երկուս բաժինս ժառանգեսցէ, զի նա է սկիզբն ծննդեան նորա, և նմա է արժան անդրանկութիւն : Եւ զոր օրինակ վասն զի պղծեաց Հռուբէլ զանկողինս Հօր իւրոյ՝ բարձաւ 'ի նմանէ անդրանկութի, սոյնպէս և Յովսէփու վասն Հեղութէ զգաւ տուութի իւրոյ տուաւ . և վկայէ այն՝ զի ասէ "Եփրեմդ, ասէ, և Մանասէդ իբրեւ զՀռուբէլ և զՀմաւոն եղիցին ինձ" . այս ինքն փոխանակ ողորմութեն զոր արարեր դու եղբարցն քոց, եղիցին որդիքդ եղբարք որդւոց Հօր քո : "Իբրեւ զՀռուբէլ, ասէ, և զՀմաւոն եղիցին ինձ . բայց այլ ծնունդք որ լինիցին 'ի քէն՝ քեզ լիցին" . զի մի երկու միայն Յովսէփ և Բենիամին եղիցին Հռաքելայ 'ի թիւս ազգաց, այլ չորք : "Եւ փոփոխեաց, ասէ, և արկ զմխեամբք զձեռս իւր . և եդ զաջ իւր 'ի վերայ գլխոյն Եփրեմի" . ոչ վասն արդարութեն Եփրեմի, և ոչ վասն յանցանաց Մանասէի . պարզեք են իշխանութե նորա : Սոյնպէս և Հեթանոսաց տուաւ անդրանկութի, և բամբասել ժողովուրդն ոչ կարէ . և եթէ բամբասիցէ վասն Մանասէին՝ զի ոչ յանցեալ, բայց 'ի նոցանէ արդարութե բարձաւ անդրանկութի . փոխանակ զի 'ի խաչ Հանին զտէրն անդրանկութե :

Օրհնութիք Յակովբու :

() Օրհնեցին արդարք, և եղեն օրհնութիք նոցա ընդունելեացն յաւուրս իւրեանց . զի գիտասցեն՝ զի և որդիք նոցա յորժամ օրհնեն, այսպէս լինին : Եւ յայսմիկ ետուն փառս և մեծվայելչութիւն, զի կաւ տարեաց զքանա նոցա արդեամբք առ ազգս նոցա : "Բնակիցէ, ասէ, յարկս Հեմայ, : Ետեա Հեմ իբրեւ մօտն հրեշտակքն առ Աբրահամ որդի իւր . և ետես դարձեալ զի չոգաւ թափեաց զսողոմայեցիսն զորդիսն Քանանու, և կոչեսցին նոքա գերիք Աբրահամու, և եղև Քանան ծառայ : Օրհնեաց Սահակ 'ի միտս խորագիտութե զԵսաւ, փոխանակ զի խորամանկեցաւ առաւել քան զնոսա Յակովբ :
Հռուբէլ . եթէ Հանդերձեալ էին անէծքն Յա-

կովքու՝ զի մի եկեացեն 'ի վերայ Հռուբէլի, զիարդասէր Յակովբ «Եկայք ժողովեցարուք, և պատմեցից ձեզ՝ որ ինչ պատահելոց է ձեզ յառուրս յետինս ժամանակաց» . և ոչ եթէ 'ի վախճան, այլ յետ ժամանակի: Բայց արդարութեանէ՞ զնա, փոխանակ զի պղծեաց զանկողինս նորա . և քանզի վասն շնուն պատուհասէր զնա, յայտ արար վասն անձին իւրոյ՝ զի յայս գործ արտաքոյ քան զամուսնութիւն կանանցն իւրոց ոչ պղծեցաւ, յասել իւրում. «Հռուբէլ անդրանիկ իմ ես գու, զօրութի իմ և սկիզբն հարրստութե իմոյ» . այս ինքն դու ես սկիզբն զօրութեան իմոյ. զի յառաջ քան զմայր քո 'ի պէտս կանանց ես ոչ անկայ: Եւ դու զիարդ յետ հանգչելոյն քո 'ի վերայ ամուսնուէ կնոջ քո, պղծեցեր զանկողինս իմ: «Արդ մոլորեցար դու իբրեւ զջուր» . զի արձակեալ թողեալ են, և ոռոգանեն զերկիր օտար: Եւ փոխանակ զի արբ նա 'ի ջուրոց օտարոտեաց, ասէ ցնա հայր իւր. «Մոլորեցար իբրեւ զջուր մի մնասջիւր, այլ առաւելու թե և զօրութեց» . այս ինքն աւելի մասն էիր դու, և աւելի զօրութի, վասն անդրանկութե նորա . կամ դու զի ես սկիզբն զօրութե իմոյ, և այլ, ասէ, առաւելութե և զօրութե . այս ինքն այլքն ևս եղբարք նորա զկնի: Բայց հերբայեցի փոխանակ այնր՝ զի ասէ «Առաւելութեան և զօրութեան», «Այլ առաւելութի զօրութե իմոյ և սկիզբն սաստկութե իմոյ» .:

Արդ անիծաւ Հռուբէլ . եթէ անէծք են, արդարեւ տեսցուք զգործս նոցա որպէս զգործն օրհնութեց, զի յայտնապէս եղեն: «Մոլորեցար դու, իբրեւ զջուր մի մնասջիւր», . բայց հերբայեցի՝ «Կրամատեցար դու իբրեւ զջուրս և ոչ մնացեր»: Եւ զոր օրինակ ջուրք զի ոչ մնան և դադարեն յերկիր, մի մնասջիւր դու 'ի մէջ ժառանգութե քո, այս ինքն 'ի թիւ ազգացն . վասն այսորիկ առաց Մովսէս՝ եղիցի 'ի համար թուոյ, զի 'ի մէջ ժառանգութե իւրեանց ընկալան զօրհնութիս իւրեանց: Բայց փութացաւ վազկագեաց պապախարութիւն Հռուբէլի . և արար իւր թիկունս զէզուն Մովսիսի . ելոյ՞ զանէ՞մն զոր կապեաց. ստուգութիւն Յակովբու: Եւ ահա ետես

իսկ Յակովբ զապաշխարուծին Հռուբէլի, ընդէր անէծ զնա : Զի 'ի ժամանակի իբրեւ բաժանեցաւ Կորին, բաժանեցան ընդ նմա և Դադան և Աբիբոն որդիքն Փաղէթայ յազգէ անտի Հռուբէլի, և ընկղմեցան ընդ նմա իբրեւ զջուր 'ի մէջ երկրի . գործ անիծիցն հօր նորա : Բայց եկն եհաս նմա ողորմութի, և յիշեաց նմա և զբարիմն զոր արար նա առ Յովսէփ : Եւ զոր օրինակ անիծաւ նա վամն մեղացն, սոխպէս և օրհնեցաւ նա վամն արդարութեն : Անէծ զնա Հոգին սուրբ 'ի բերանոյ Յակոբու, իբրու պահէր զնա օրհնութին Մովսիսի : Զի այն՝ որ ընթեռնու զպատիժս պատուհասից, երկիցէ յանցուածոց . և այն՝ որ թեակոխի 'ի քաւութի թողութե, մի անկցի առ յուսահատութին . զի ոչ յանցանք ապստամբեցին, և՛ ոչ ողորմութին զրկեցաւ : Արդ սկսաւ լինել սատակումն որդւոցն Հռուբէլի յանապատի անդ յընկղմել նոցա 'ի մէջ երկրի իբրեւ զջուր, եթէ ոչ էր փութացեալ վաղվաղեալ այնորիկ, զի ասէ "Կեցցէ Հռուբէլ և մի մեռցի" : Առ սակաւ սակաւ մաշեալ և սպառեալ լինէին : Եւ եթէ ասիցես . իսկ ընդէր բազմացան նոքա, զի քան զայն՝ զի բազմացան որպէս ջուրք, արժան էր ըմպել զնոսա երկրին որպէս ջուրք . վամն ծածուկ մաշուն առաց Յակովբ . զի մահ Հռուբէլի իբրեւ զմահ ամենայն եղբարց իւրոց եղև : Եւ դարձեալ առաց Յովսէփ . "Որդիք քո իբրեւ զՀռուբէլ և զՀմաւոն եղիցին ինձ", . ըստ բազմութե Հռուբէլի, և ըստ չի նութեն՝ որ 'ի յայս աշխարհ :

(Մաւռնի և Ղեեայ, եթէ էր տուեալ զդատերմն իւրեանց նոցա կանայս, և առեալ էր 'ի դատերաց նոցա իւրեանց կանայս՝ խափանեալ լինէին աւետիքն այն, զի սատակելոց էին քանանացիքն : Բայց հատ Յակոբ, և անէծ զնոսա, զի ոչ համբերեցին որպէս և հարքն նոցա . զի վարեցան 'ի նոցանէ կանայքն նոցա և համբերին, և եղեն նոցա դատաստանք վրէժխնդրութե : Զի փորձեաց նա 'ի Ղաբան աներ իւր, և յեսաւ եղբայր իւր՝ թէ պահապան գոյ նորա : Եւ անէծ զնոսա, զի անձ ոչ կոտորեաց զնոսա . "Չև ևս են, ասէ, կատարեալ մեղքն ամուրհացեաց", . և

կանխեցին նորա յառաջագոյն ցուցին սուր՝ որ ոչ էր յայ : եւ զի յայտ արասցէ , զի ոչ գիտէր զգործն նոցա , ասէ . “Ի խորհուրդս նոցա ոչ եմուտ անձն իմա , , զի ոչ կարացին զօրութեան նորա գիմակայ լինել ընակիւք երկրին :

Ի՞նչ . “Ոչ իջի ես ՚ի պատուէ փառաց իմոց , , բայց հերբայեցի՝ “Ի ժողովս նոցա ոչ հաղորդեցաւ պատիւ փառաց իմոց , , զի ողորմութիւն , ասէ , ան խայեցայ ես յանարգանաց . և ՚ի թշնամանաց , թէ պէտ առ ՚ի նոցանէ ես ՚ի սուր հրաւիրեալ էի : “Վասն այսորիկ բաժանեցից զնոսա , , այլ գոն բաժինք մարմնոց , և են բաժինք մտաց . արդ բաժանեաց զ՚ի միտս նոցա , զի մի ևս միաբանիցեն և հաւասարիցեն երկոքեան գործել ինչ մի . զի Զամբրիւ ֆենեհէզ՝ որդիք Շմաւոնի և Ղեւայ՝ ընդդէմ միմեանց գործեցին ՚ի ժամանակի , իբրեւ բաժանեցան ՚ի վերայ միմեանց վասն այնր անիծից . զի միաբանք և հաւասարք էին երկոքին յամենայն ինչ . զոր օրինակ և ոչ չորիցն եղբարց իւրեանց այլոցն յայտնեցին ՚ի ժամանակի իբրեւ մտին նոքա ՚ի Սիւքէմ : Տես դու զի ընդդէմ միաբանութե նոցա ած զբաժանելն նոցա . իբրեւ զայն՝ զի ասէ “Թշնամութիւն եդից ՚ի մէջ քո և ՚ի մէջ կնոջդ , և ՚ի մէջ զաւակի քո և ՚ի մէջ զաւակի նորա , , Զի ոչ ինչ օգտութիւն եղև նոցա առաջին միաբանութեն , բեր եդ փոխանակ միաբանութեան բաժինս երկմտութե օգտակար : Իբրեւ զայն՝ զի ասէ “Եթէ փեսայեսըիք դուք ընդ նոսա , եղիցին նոքա իբրեւ փուշ յաչս ձեր , , : Իբրեւ զայն զի ասէ . “Մի լուիցէ այր լեզուի ընկերին իւրոյ , , : “Եղիցին , ասէ , հինգ ՚ի միում տան , և բաժանեցին , , : Բաժանեաց զնոսա դարձեալ ՚ի ժառանգութենէ իւրեանց , Ղեւայ ոչ տուաւ ժառանգութիւն , քանզի մասունս ետուն նմա այր յազգէ իւրմէ . և Շմաւոն՝ զի սակաւ էր ժառանգութիւն իւր , ետուն նմա վերադիր ՚ի վերայ ժառանգութե եղբարց իւրոց :

Ի՞նչ քանզի անցոյց ՚ի Հռուբէլայ զօրհնուինս , զի ոչ իսկ էր արժանի նմա՝ թէ իբրեւ զանդրանիկ օրհնեսցի . բարձ ՚ի նմանէ և զթագաւորութիւն , զի նմա ոչ վայել էր : զի նա՝ որ զանձն իւր ոչ կամեցաւ ՚ի

կարգի ունել արդարութիւն, անցոյց 'ի նմանէ զառաջ նորդութիւն ժողովրդեան 'ի ժամ օրհնութեցն, իբրև անց 'ի Հռուբէլէ և եկն Եհան առ Շմաւոն, հաւառարեցոյց ընդ նմա և զՂևի ևս. զի հայեցաւ ստուգութիւն և 'ի նոսա. զի եթէ մինչ դեռ խոնարհաբոյնք և նուազունք են, վասն փոքր մի յանցանաց զայս ամենայն համարձակութիւն գործեցին, զի զքաղաք մի լըիւ իւրով սատակեցին. եթէ մեծասցին և տիրիցեն որչափ ևս չարիս գործիցեն, Զի ոչ էին արժանի թագաւորութե, և 'ի նոցանէ անցոյց զնա. զի արդ կարէին նոքա՝ որք եղեն անօթք բարկութե, լինել անօթք շինարար թագաւորութեան:

Եւ իբրև եկին հասին առ Յուդայ, հայեցաւ Յակովբ՝ թէ արդարութիւն նմա արժան է թագաւորութիւն. զի թէպէտ և Յովսէփ արդար էր և իմաստուն, սակայն անցանել առ Յուդայէ առանց յանցանաց՝ չէր արդարութիւն. իբրու առ Յովսէփ պաշտեցաւ: Իբրև սկսաւ օրհնութիւն ծագել 'ի վերայ Յուդայի, ուրախ եղեն 'ի նա եղբարքն իւր և մեծութեցան. զի 'ի նմա սահմանեցան անէծքն, և եղև դարձեալ սկիզբն օրհնութեցն: «Զբէն, ասէ, գոհասցին եղբարք քո» . զի անխայեցեր դու զնոսա 'ի սպանութեանտի Յովսէփու: Զի եթէ ոչ տուեալ էր նորա խրատ և կեցուցեալ էր զնա, 'ի սովոյ սատակէին: Արդ փոխանակ զի անխայեցեր դու զնոսա 'ի մեղաց սպանութե և 'ի մահուանէ սովոյ, «Զբեզ օրհնեցեն եղբարք քո» . «Նա և Յովսէփայ իսկ գոհութիւ պարտ էր մատուցանել Յուդայ վասն կենաց իւրոց: Հեբրայեցի զՅուդա՝ երկրպագեալ մեկնէ. և փոխանակ այնք՝ զի ասէ «Զբէն գոհասցին եղբարք քո» . «Բեզ երկիր պագցեն» ասէ:

«Եւ ձեռն քո՝ի վերայ թիկանց թշնամեաց քոց» . զի հնազանդեալ է թագաւորութիւն նորա զթշնամիս: «Ի սպանուէ, որդեակ իմ, ելեր» . 'ի դատաստանէ անտի՝ զոր հրամայեցեր 'ի վերայ թամարայ և երկուց որդւոց նորա: Կամ զի ոչ հազորդեցաւ ընդ սպանումն Յովսէփայ, վասն այսորիկ ընկալաւ զթագաւորութիւն, և հնազանդեաց զթշնամիս իւր. այս ինքն Դաւիթ, զի հար սատակեաց զփղտացիսն այս:

լովք ազգովք հանդերձ, «Ձեռն քո, ասէ, 'ի վերայ
թիկանց թշնամեաց քոց», : Եւ զի ասէ «Ի սպանու-
թենէ, որդեակ իմ, ելեր», : Ինքն Դաւիթ 'ի ժամա-
նակի իբրեւ ապրեցաւ նա 'ի ձեռաց Շաւուղայ : Կամ
զի խնայեաց նա 'ի վերայ Շաւուղայ, և ոչ սպան զնա
'ի ժամանակի' իբրեւ մատնեցաւ նա 'ի ձեռս նորա :
այնու հանդերձ Շեմայն, Նաբազայն, Աբեսերայն և
Յովաբուն : Բայց եբրայեցի, «Ի կերոյ, որդեակ իմ,
ելեր. նիստ և բազմեաց իբրեւ զառեւծ, իբրեւ զկո-
րիւն առեւծու», : վասն զօրութե նորա :

Եւ զի ասէ «Արդ ո՞վ իցէ որ յարուցանիցէ զնա», :
զի ոչ դժ շարժեաց և յարոյց զնա 'ի թագաւորութե
իւրմէ յազգաց անտի հեթանոսաց՝ զորս հնազանդե-
ցոյց : այն իսկ է ասէ, «Ձեռն քո 'ի վերայ թիկանց
թշնամեաց քոց», : «Մի պահասեսցէ ազգ յիշխանու-
թի, զի նա է հովիւ և առաջնորդ», : Եւ փոխանակ
այնր՝ զի ասէ «Եւ մի մարգարէ յերանաց նորա», :
բայց հերբայեցի՝ դատաւոր ասէ. «Մինչև եկեսցէ
որոյ իւր է թագաւորութի», : Ո՛վ. Դաւիթ : Եւ զի
ասէ «Նմա տգտեսցեն հեթանոսք», : յօրէ անտի
յայնմանէ յորմէ հետէ սպան նա զԳողիադ, ակն ու-
նէին և սպասէին նմա ժողովուրդքն այնորիկ՝ որ հնա-
զանդեալ էին Խարայէլի. մանաւանդ զի չարչարեալ ևս
էր Շաւուղ յայսոյ անտի ազծոյ : Կամ զազգսն Խարայ-
էլի կարդայ ժողովուրդս. իբրեւ զայն՝ զի ասէ «Այլ
մի ևս լինիցին նոքա երկու ժողովուրդք, և երկու
թագաւորութիւք», : և իբրեւ զայն՝ զի ասէ «Փոխա-
նակ զի ասաց 'ի վերայ ձեր թշնամին՝ երկու ժողո-
վուրդք և երկու քաղաքդ այդ իմ են, և ես ժառան-
գեցից զնոսա», :

«Եւ ասեցէ զգրաստ իւր զօրթոյ», : 'ի ժողովուրդն
գթագաւորութի իւր. Կամ յԽարայէլ զգաւակ իւր՝
վասն կարգին իւրոյ, զի ոչ հատանի իշխանութիւն
նորա յօրդւոց իւրոց. որպէս մի մի յազգաց անտի
'ի ժամանակի իբրեւ եղեն 'ի նոցանէ դատաւորք ոչ
տիրեցին որդիք նորա զինի նոցա, որպէս և տունն
Դաւթի զի տիրեցին : «Եւ ասեցէ զպատմութեան իւր
'ի գինի և զհանդերձն իւր յարիւն խաղողոյ», : վասն
հարկաց՝ որ ելանէին նմա 'ի ժողովուրդենէ անտի 'ի վե-

րայ սեղանոյ նորա . զի գինի և արիւն խաղողոյ պըտուղ են այգւոյ : Եւ զի ասէ “Զուարթագին են աչք իւր , և սպիտակ են ատամնէն իւր , . վասն գրգռութեց փափկութեց , որ են ’ի նմին հարկաց” :

“{Յուդայ , զքէն գոհասցին եղբարք քո , . ’ի վերայ տեառն մերոյ , զի ’ի նմանէն ծագեաց . և խոստովան լինին և գոհանան զնմանէն հեթանոսք և ժողովուրդն , այն իսկ է՝ զի ասէ “Խոստովան եղիցին քեզ ժողովուրդք անծ” : Եւ յերայեցւոյն դարձեալ ’ի վերայ նորա առաւել ևս կատարի . “Երկրպագեալ , ասէ , քեզ երկրպագեսցեն եղբարք քո . և ձեռք քո ’ի վերայ թիկանց թշնամեաց քոց , . իբրև զայն՝ զի ասէ “Եդից զթշնամիս քո ’ի ներքոյ ոտից քոց” : “Ամենայն ծունձ , ասէ , կրկնեսցի , և ամենայն լեզու խոստովան եղիցի՝ թէ տէր է Յիսուս . զի զամենայն ինչ հնազանդ արար ’ի ներքոյ ոտից նորա , . Այն իսկ է՝ զի ասէ “Երկիր պագցեն քեզ որդիք հօր քո” . եղբարք տեառն մերոյ՝ որդիքն Յովսէփու , և առաքեալքն և այլ հեթանոսք : “Կսրին առեւծու Յուդայ , . զի ’ի նմանէ ծագեաց : “Ի սպանութի , որդեակ իմ , ելեր , . այս ինքն խաչին : Ասէ “Ոչ թողեր զանձն իմ ’ի դժոխս , և ոչ սրբոյ քում ետուր տեսանել զապականուի” , . “Ի սպանութի , որդեակ իմ , ելեր , . զի սպան նա զմեղս խաչին իւրով , և սպան զմահ յիշխանութի իւրմէ : Բարձրասցի , ասէ , աջ քո ’ի վերայ թշնամեաց քոց , և ամենայն ատելիք քո սատակեսցին . նիստ և բազմեաց ’ի վերայ մահու և սատակեսցի . իբրև առեւծ՝ ’ի վերայ կերոյ իւրոյ : Եւ զի ասէ “Արդ ո՞վ իցէ որ յարուցանիցէ զնա ’ի նոցանէ” , զի ոչ գոյ պատան բեկման նորա . և “Ո՞վ իցէ , դարձեալ , որ յարուցանիցէ զնա” , յաթողոյ արքայութի իւրոյ . զի այն՝ որ փոխէ զնա և անցուցանէ , ոչ գոյ . որպէս և Դանիէլ վկայէ . “Տէրութի նորա , ասէ , տէրութի յաւիտեանից , և արքայութի նորա ոչ եղծանի” : Եւ կնքէ Գաբրիէլ . “Տացէ նմա , ասէ , տէր անծ զաթողոն Դաւթի , և եղիցի նա թագաւոր ’ի վերայ տանն Յակովբու յաւիտեանս ժամանակաց , և արքայութե նորա վախճան մի լիցի” :

Եւ զի ասէ “Մի պակասեսցէ ազգ թագաւոր , .

իրեւ զայն՝ զի ասէ «Բղխեսցէ, ասէ, գաւազան յարմատեաց անտի Յեսսեայ» . և մարգարէ դատաւոր, ասէ հերբայեցի : «Մինչև եկեսցէ որոյ իւրն է» : Զի թէպէտ և խափանեցաւ թագաւորութիւն նոցա յաւուրս ծեղեկիայ, զի ասէ այսպէս . «Գրեցէք զայրս զայս տարագիր անժառանգ անորդի» , սակայն զնա ասաց, այս ինքն զգաւազանն՝ որ յարոյց կանգնեաց զխորանն Դաւթի զանկեալն՝ ի ձեռն Զորաբարելի յովնաբեանց, զոր գերեաց Նաբուքոդոնոսոր արքայ . և կոչեցաւ նա իշխան . իրեւ այն Եղեկիէլին . «Իշխանն, ասէ, որ ի միջի ձերում իցէ, բարձցէ բեռն ի թիկունս իւր» : Արդ ոչ պակասեաց նա հապետութիւն նոցա ի ժամանակին գերութեանոցա . այլ ի ժամանակի իրեւ իջին նոքա ի Բաբելոն, զի խրատեսցին անդ, Յղոնիա որդւովք իւրովք հանդերձ անդ . և Զորաբարել՝ որ հան զնոսա, և թագաւորեաց ի վերայ նոցա : Եւ եթէ նեղեցին զնոսա Յոյք, փոքր մի ժամանակս խափանեցին զնոսա, իրեւ զաւակն Դաւթի կայր : «Արարից ես, ասէ, զիշխանն Յուդայ իրեւ ջահս վառեալս ընդ եղէզն . և եղիցի՝ որ տկարն իցէ ի նոսա՝ իրեւ ըզրաւիթ, և տունն Դաւթի իրեւ զնձ» :

Իայց դարձեալ . «Մի պակասեսցէ իշխան Յուդայ» . ոչ եթէ վասն թագաւորութե միայն . յայնմ միկ՝ զի և ոչ մարգարէ . և այլ ևս, զի ահա թագաւորութիւն խափանեալ էր յաւուրց անտի Յակովբու մինչև ի Դաւիթ . և ի Բաբելոն դարձեալ խափանեալ էր . և ի Զորաբարելի մինչև ի ծնունդն Գրիստոսի այլ բարձ նա զթագաւորութիւն, և ցուցանէ՝ թէ թագաւորութիւն առանց քահանայութեան ոչ օժանի : Թպէտ և յայտնի է՝ թէ որ ազգ է, սակայն մարգարէ պիտոյ է յասել՝ թէ այս պիտոյ է արքայութե . քաղաք թագաւորութե պիտոյ է . ի նրմա և տաճար ի սպաս պաշտաման, և հանդերձ քահանայութե : Արդ թէպէտ և խափանեցաւ թագաւորութիւն մինչ կանխաւ որպէս և այս օրս, սակայն լի կատարեալ որպէս և այս օրս՝ ոչ երբէք : Զի յորժամ թագաւորութիւն խափանեալ լինէր, մարգարէութիւն գտեալ լինէր . և յորժամ երկղբին խափա

նեալ լինէին, քահանայութիւն հաստատուն կայր
և տաճարն հանդերձ քաղաքաւն թագաւորութեն.
և յորժամ քաղաքն և այլ խափանեալք լինէին,
մարգարէութիւն հաստատուն կայր:

Արդ Յակովբ զամենեսին կարդաց թագաւորու-
թիւ. այս ինքն մի յայտցանէ մի պակասեացէ մինչև
եկեսցէ՝ որոյ իւրն է: Եւ իբրեւ եկն, թէպէտ և թա-
գաւորութիւն տանն Դաւթի ոչ կայր, քանզի Հե-
րովդէս թելակալ պահապան էր տեղւոյն, սակայն
քահանայութիւնն Էմաւոնի հաստատուն կայր, և
մարգարէութիւն Յովհաննու, և քաղաքն թագաւո-
րութեւ, “Մի, ասէ, այտուհետև պակասեացէ մինչև
եկեսցէ որոյ իւրն է”, Իսկ զի նա ինքն է տէր մեր.
և զի ասէ “Եւ է յոյս հեթանոսաց”, այն իսկ է՝ զի
ասէ. “Խոստովան եղիցին առ քեզ ժողովուրդք անծ”,
Եւ զի ասէ “Կապեացէ զգրաստ իւր զորթոյ”, ըստ
բանիցն Զաքարիայ. “Ահաւասիկ, ասէ, թագաւոր
քո գայ քեզ հեզ և խոնարհ և հանդարտ է, և հե-
ծեալ է ի վերայ գրաստու”, Եւ զի յաւել ևս
յասել. “Ի վերայ յովանակի իշոյ”, զի ցուցցէ՝ եթէ
ոչ ի ջորի հեծանի յորժամ թագաւորէ, որպէս Սա-
ղովմոնն և այլ թագաւորք: Արդ “Կապեացէ զգր-
աստ իւր զորթոյ”, այս ինքն ի Մարիամ զմարմին
իւր, կամ ի խաչն զմարմին իւր, կամ ի ժողովուր-
դին զիշխանութիւն իւր, “Եւ զյովանակ իշոյն զոր-
թոյն գնդակէ”, յաղագս Յուդայ զթագաւորու-
թիւնն իւր:

Այլ “Սպիտակացուցէ զպատմութեան իւր ի գի-
նի. և յարիւն խաղողոյ զհանդերձ իւր”, զի և
դժուարինք գիւրին են նմա. իբրեւ զայն՝ զի կաւոյն
եբաց զաչս կուրին: Արդ “Սպիտակացուցէ զպա-
տմութեան իւր գինի”, այս ինքն զմարմինն իւր, վարա-
զոյրն նորա ասէ, զի նա ինքն է մարմինն իւր: Սպի-
տակաւոյց դարձեալ ի գինի խորհրդեան իւրոյ զե-
կեղեցի իւր, զի նա ինքն է մարմինն իւր. քանզի մեք
անդամք եմք յանդամոց նորա, Զի եթէ վասն ճշ-
մարիտ մարմնոյ իւրոյ ասաց, ո՛ւր է այն՝ զի ասէ
“Ո՛վ ի ձէնջ յանդիմանէ զիս վասն մեղաց”, և զի
ասէ “Ես յազնեցի աշխարհի”, “Զուարթագին են

աչք իւր իբրեւ 'ի գինւոյ , . զի սուրբ իսկ են . “Եւ սպիւ տակ են ատամնուք իւր քան զկաթն , . ” Եւ աւետեօքն՝ որ ելանեն 'ի միջոյ շրթանց նորա : Քանզի 'Իսկի սուտ եղև ակն նորա 'ի հայել տեսանեն , և անօրիւ նեցաւ բերան նորա 'ի հրաման տալ հրովարտակին . վասն այսորիկ 'ի վերայ տեառն մերոյ կատարի այս : “Սպիտակացուցէ , ասէ , զպատմութեան իւր 'ի գինի , և զհանգերձ իւր յարիւն խաղողոյ , . զի 'ի ձեռն Մովսիսի դարձան շրջեցան ջուրքն յարիւն , և բանիւ տեառն մերոյ եղև գինի : Վասն այսորիկ երկրորդէ զնա Յակովբ 'ի վերայ Յուդայ . “Լուսացէ , ասէ , զպատմութեան իւր յարիւն , և յարիւն խաղողոյ զհանգերձ իւր , . : Եւ որոշեալ մեկնեաց 'ի մէջ արեանն և արեան խաղողոյն . և նորին իսկ տեառն մերոյ են երկոքին , և 'ի վերայ նորա կատարին . զի մարմին նորա լուացաւ արեամբ , և հոգին նորա խառնեաց առաքելոցն նորա յարիւն բաժակին նորոց կտակարանացն , զոր ետ աշակերտացն նորա :

“ () աբուգոն ծովեզերք բնակութի քեզ , և սահմանք նորա մինչև 'ի ծայդան , . Բայց հերբայեցի՝ “Վիճակակիցք նաւաց , և ձկտեսցի մինչև 'ի ծայդան , . քանզի 'ի նաւաց անտի էր կերակուր նոցա :

“Իսաքար այր հզօր , . Գեղէն զի արձակ հրեշտակս հրովարտակօք հանգերձ , զի եկեսցեն հասցեն 'ի վերայ մադիանացւոցն : Եւ զի ասէ “Ետես զբնակուի իւր զի գեղեցիկ է , և զերկիր իւր զի պարարտ է , . զի ետես նա զերկիրն որ հասեալ էր նմա , զի բոլոր գկաթն և զմեղր : Այլ եթէ զի պարարտ էր քան զբնկերաց իւրոց , այլ զի ոչ տրանջեաց նա և ասաց որ պէս և այլքն՝ Թէ “Երկիր մարդավար է բնակչաց իւրոց , . այլ օրհնեաց նա զայն՝ որ ասացն “Զիթենի , ասէ , զոր ոչ իցէ տնկեալ քո , և ապարանս զոր ոչ իցէ քո շինեալ , տաց քեզ , . : Եւ ոչ բարձրացաւ նա և մոլորեցաւ , որպէս և նոքայն . այլ հնազանդ եղև նա որպէս և մշակ մի և պանդուխտ տեառն երկրին . “Երկիր , ասէ , ճշմարտութի մի վաճառիցի , քանզի իմ իսկ է ամենայն , . որ և հնազանդեսցի նմա որ պէս տեառն երկրի : Բայց հերբայեցի՝ “Իսաքար իբրեւ էշ մի , զի լայնեալ հանգուցեալ նստցի 'ի մէջ

աղբակաց . և ետես զհանգիստ իւր զի գեղեցիկ է , և զերկիր իւր զի պարարտ է , եղ զուս իւր 'ի գործել , , , այլովք հանգերձ . այս ինքն զի լաւ թուեցաւ նմա գործել զերկիր , և ոչ ելանել 'ի մարտ պատերազմի :

“Եւ Եւստեմիոս զժողովուրդ իւր” . ‘ի վերայ Սամիսոնի , , : “Զի ինքն է օձ դարանակալ ‘ի վերայ ճանապարհի , , . զի եկն նա և չարչարեաց զփղշտացիսն : Եւ զի ասէ “Ի վախճան փրկութեան մնայ տեառն , , . վասն նորին Սամիսոնի , զԵրեմիայի Զուր , և ետ նմա Աստուած :

“Եւստեմիոս աւագակս ելցէ , , . այնոքիկ՝ որ քառասուն հազարաւ սպառազէն վառելովք . զի նա առաջնորդէր գնացից նոցա հանդերձ Յեշու նաւեանց : Եւ զի ասէ “Նա եղիցի վերջապահ , , . զի նա ինքն էր առաջնապահ և վերջնապահ . քանզի յառաջագոյն ժառանգեաց նա զերկիրն , և հարստութիւն դարձեալ առաջնոյն ‘ի զօրութե վերջնոյն գտեալ լինէր . և ‘ի վերայ նորա նախ եկին հասին պաղեստինացիքն , և հար սատակեաց զնոսա : Բայց հերբայեցի , “Գաղ՝ աւագակք աւագակեսցեն զնա , , . ‘ի վերայ Նափեթայ . զի եղև հալածական յեղբարց իւրոց , և արարին զնա հինահար : Եւ զի ասէ “Ինքն ‘ի հինի ելցէ , , . յետոյ զի կարօտացան նովաւ զօրքն և ածին զնա , և եղև նա դատաւոր . և կորզեաց թափեաց նա զժառանգութիւն իւր յեղբարց անտի իւրոց :

“Եւստեմիոս , ‘ի պարարտութի երկրի իւրոյ . և նա եղիցի համբարակ թագաւորաց , , . երկիրն ապամուցւոց : “Զի թացցէ , ասէ , զոտս իւր իւղով , , , ասաց Մովսէս : Բայց հերբայեցի ասէ . “Աշեր՝ ինքն ‘ի պարարտութիւն հացի , և համբարակեալ իցէ թագաւորաց , , :

“Եւստեմիոս երազ հրեշտակ , , . բայց հերբայեցի՝ եղջերու երազ , բարակ . զի ետ տանել աւետիս բարեաց ամենայն փախստելիցն , և նա դարձեալ կերակրեաց զԻսրայէլ ‘ի ժամանակի իբրև եկին նոքա թագաւորեցուցանել զԴաւիթ : Կամ վասն տկարութե նորա , զի էր տկար և վատթար քան զերէ , կարգաց զնա եղջերու . զի ոչ կամեցաւ նա երթալ

ի մարտ պատերազմի, մինչև զի չօգտւ. Դեբրովրա :
Եւ զի ասէ՝ «Որոտայ զխօսս բարւոյս և գեղեցիկս» .
վասն օրհնութեանն զոր օրհնեաց զնա Դեբրովրայիւ
հանդերձ :

«Եւ վստփ, եւ դու իբրև զակն շինուածոյ հաս-
տատուն» . զի օրհնելոց էր նա երկու որդւովքն իւ-
րովք հանդերձ, զի հաստատեալ լինէր նա յաջ և
յահեակ : Զի «Վասն քո, ասէ, խորհուրդ խորհե-
ցան նենգութե, և ռիսացան ընդ քեզ արք աղե-
ղանց» . կամ վասն բազմուն նոցա, կամ վասն բա-
նից նոցա, զի սաստկագոյնք էին, սակայն դարձաւ
աղեղն նոցա : Իսկ Յովսէփու զօրութիւն, զի տիրեաց
ի վերայ նոցա . այլ լուծան ջիւք բազկաց նորա, զի
ոչ սպան զնոսա : «Քաւ եղիցի ինձ, ասէ, զի ես ՚ի
ներքոյ երկիւղի այ եմ» . վասն անուան զօրութեան
Յակովբու : «Վասն այսորիկ, որդեակ իմ, ինքնին ան-
հօր քո օգնեսցէ քեզ, զի արարեր դու զողորմութի
գթութե ՚ի վերայ եղբարց քոյ վասն անուան նո-
րա» : Իսկ այն՝ զի ասէ «Վասն անուան զօրութեանն
Յակովբու», այս ինքն՝ զի անուն հօրին Յակովբու
կոչեցաւ ՚ի վերայ նոցա, և անուն հովուին վիմին իւ-
րայէլի . զի վեմն այն որ հովուեաց նոցա յանապատի
անդ յօթեվանաց յօթեվանս՝ որ տուաւ ազգացն
այնոցիկ . վասն այնորիկ ոչ սպաներ դու զնոսա . վասն
այսորիկ ընկալ դու զամենայն օրհնութիւն օրինաց՝
որ տուեալ լինին ազգացս այսոցիկ զորս կեցուցեր
դու . և փոխանակ զի կեցուցեր դու զնոսա, եղիցին
նոքա քեզ պսակ փառաց : Եւ յայտ արար՝ Թէ Թա-
գաւորելոց է նա ՚ի վերայ նոցա՝ սպանանել և կե-
ցուցանել . զի վայելէր իսկ նմա : Զի զոր օրինակ տի-
րեաց նա ՚ի վերայ նոցա յերկրին եգիպտացւոց իբրու
յանցաւորք և փնասակարք էին, և ոչ սպան զնոսա,
սոյնպէս կեցուցէ զնոսա յերկրին իւրեանց :

Իայց դարձեալ շինուած հաստատուն, զի հաս-
տատեցաւ նա անդրանկութիւն և Թագաւորութիւն .
և զսոսա կարդաց պարիսպ : Նա և յերկրին եգիպ-
տացւոց Թագաւորեաց ՚ի վերայ նոցա . և վասն այ-
սորիկ հակառակեցին և ռիսացան ընդ նմա, և լուծան
տկարացան ջիւք բազկաց նորա, զի վաճառեցին զնա՝

փոխանակ թագաւորի իբրեւ զծառայ մի. սակայն դարձաւ աղեղն նորա զօրութիւն : Բան ասաց յետ յառաջ . այլ 'ի ձեռանէ հզօրին Յակովբու դարձաւ . և յանուանէ հովուին վիմի՝ 'ի վերայ թագաւորութեան ակնարկէ . քանզի հանդերձեալ էր նա թագաւորել , դարձոյց զաղեղն նորա զի տիրելոց էր : “Օրհնութիւն հօր քո զօրացան 'ի վերայ օրհնութեց ծնանելեաց քոց ” . կամ զի յաւելան օրհնութիւն իմ 'ի վերայ օրհնութե նոցա . այս ինքն զի առաւել են օրհնութիւն զոր օրհնեցի ես զքեզ՝ քան զայն օրհնութիւն զոր ես օրհնեցայ : Կամ մինչև յոյս բարձանց յաւիտենից : Զլեառնն ամուրհացուց ած 'ի մէջ յայսմ վայրի , ուր Սահակն պատարագեցաւ . և բարձր է , ասէ , քան զբարձունս որ էին անդ . և բարձունք , ասէ , որ յաւիտենից իմ են , կամ բարձունք յաւիտենից մինչև 'ի դրախտ . իբրեւ զայն զի ասաց Մովսէս՝ 'ի գլխաւոր լեռնէ արեւելից : Բայց հերբայեցի , “Որդի պտղաւից այգւոյ , որ նորձակեալ է 'ի վերայ ջուրց գնացից , և մածեալ տարածեցաւ 'ի վերայ շինուածոյ . և անց նա ընդ պարիսպ , և ռխացան ընդ նմա արքաղեղանց ” . և այլ ևս : Եւ փոխանակ այնր՝ զի ասէ “Մինչև յոյս բարձանց յաւիտենից ” , ասէ “Օրհնութիւն հօր քո զօրացան 'ի վերայ օրհնութեց ծնանելեաց իմոց ” . զի այսմիկ իսկ ցանկացան իշխանքն որ յաւիտենից . այս ինքն 'ի վերայ Եսաւայ ակնարկէ : Եւ զի ասէ “Ի վերայ գլխոյ պսակի եղբարց իւրոց ” . ասէ “Ի վերայ գլխոյ ուխտի եղբարց իւրոց ” :

“Ի՞նչիսմին գայլ յափշտակօղ . այգուն կերակուր կերիցէ , և առ երեկս համբար մթերեսցէ , և բաշխեսցէ կերակուր , ” : Ի ժամանակի իբրեւ արարին նոքա ժողովուրդ 'ի մէջ Խորայէլի յետ կոտորածոյ բեւիթմենեան գնդին , և մնացեալ էին նոքա չորեքհարիւր այր միայն . և յանձն առին նոցա Խորայէլեանքն յօսեռլ յափշտակել իւրեանց 'ի ժողովրդէնէ անտի կուսանս , զի մի կորիցէ ազգն ամենայն : Բայց դարձեալ՝ գայլ յափշտակօղ , վասն ժպրհնութե համարձակութե նորա՝ որ եղև առ կինն Ղեեայ , և վասն պատերազմին զոր արար ընդ եղբարսն իւր , ասաց ընդ առաւօտս կերիցէ զկերակուր՝ այլովք հան

դերձ : Դարձեալ Բենիամին յորժամ լինի առաւօտ, այս ինքն փրկութի, որպէս յաւուրն Սինիքերիմ արքայի, քանզի 'ի տանէ անտի սրբութե ելանէր փրկութի. ելանէր աւար հարկանէր, և առ երեկ՝ այս ինքն հանգստիւ՝ որպէս և ընդ երեկս բաշխէր նա որ զինչ առնոյր աւար : Կամ փոխանակ զի չոգաւ նա կոտորեաց զամաղէկացիսն, և բաշխեաց զաւար նոցա : Կամ զի ոչ պահեաց նա զպատուէր հրամանի Մովսիսի կամ Շմուէլի՝ զոր պատուիրեաց վասն ամաղէկացւոցն, կարգաց նա գայլ յափշտակող : Փոխանակ այնր՝ զի ասէ “Ի ներքոյ ւոյ եմ ես”, “Քանզի երկիւղած եմ ես յոյ” :

“Հանջիք դուք, ասէ, և զիմ ոսկերս ընդ ձեզ” : զի որչափ գանձն սուրբ եղեալ էր յայն երկիր 'ի պիղծ, առնէ 'ի վերայ նոցա ան ինայութի. վասն այսորիկ դարձան նոքա 'ի Բաբելոնէ : Բայց 'ի ժամաւ նակի իբրեւ կախեցին նոքա 'ի վերայ խաչափայտին զմարմինն զայն, զի 'ի նմա էր գանձն կենաց հեծաւ նոսաց, գծացաւ նա 'ի վերայ երկրին հեծանոսաց : զի ընկալաւ նա զգանձն զայս : Եւ փոխանակ այնր՝ զի ասէ “Եղին զնա 'ի Դովնա 'ի տապանի”, այս ինքն 'ի յարկեղ :

Կ ԱՅԱՐԵՑԱԻ ԱՐԱՐԱԾՈՑ ԳԻՐՔՄ

ՍՐԲՈՅՆ ԵՓՐԵՍԻ

ՄԵԿԵՈՒԹԻՒՆ

ԵԼԻՑ

Տ Ե Ա Ռ Ն

Ե Փ Ր Ե Մ Ի

Խ Ո Ր Ի Ն Ա Ս Ո Ր Ի Ո Յ

Ե Լ Վ

Գ Լ Ո Ր Խ Ա

ՓՈՒԱՆԱԿ այնքան զի ասէ՝ “Ամենայն ոգիք, որ ելին յերանազ Եփեսոս, իւթանասուն մարդ. և Յովսէփ անդէն էր յերկրին եգիպտացւոց”, և բայց հերթայեցի, “Յովսէփաւ հանդերձ, որ էր յերկրին եգիպտացւոց”, և եւ այն՝ զի ասաց Փարաւոն. Կոչէ՛ “Խորհեսցուք վասն նոցա”, այս ինքն հնարեսցուք վասն նոցա։ Մանկաբարձքն ապրեցուցին կեցուցին զտղայսն. նա ինքն տոհմ յաւիտենից. “Արարին իւրեանց, ասէ, տունս”, “Եղիցի, ասէ, տուն ծառայիք”, այս ինքն զաւակ նորա. և “Դատիմ ես, ասէ, զտունն Հեղեայ”, այս ինքն զզաւակ նորա։ Կամ իսրայելացիքն արարին նոցա տունս ՚ի ժամանակի իբրեւ երկեան մանկաբարձքն ՚ի տեառնէ. քանզի աւերեաց Փարաւոն զտունս նոցա ՚ի ժամանակին իբրեւ բարկացաւ ՚ի վերայ նոցա։ Կամ զի երկեան նոքա ՚ի տեառնէ, յայտ արար նոցա տունս. զի նոքա եղիցին երթալ ծնուցանել զհերթայեցիս, որպէս զի կեցուցեն զամենայն արու մանուկ. և ոչ առնէին նոքա յայտ զանձինս իւրեանց թէ երթան։ Կամ զի առնուին նոքա յանձն մեռանել, և ոչ հեղձուցանել զտղայս, բարի արար նոցա տէր. և ՚ի ձեռն արու տղայոցն շինեցին նոքա զազգան իբրեւ զտուն, և ոչ

կործանեցին : Իբրև զայն՝ զի ասէ Դաւիթ . “Դու աւսացեր շինել քեզ տուն” :

Փոխանակ այնր՝ զի ասէ “Տեօին զմանուկն զի գեղեցիկ էր , և Թաքուցին զնա” . երբայեցի ասէ . “Իբրև տեսին զմանուկն շոյտ” : Բայց շոյտ՝ կամ անուն է , կամ բարերար՝ իբրև զփրկիչ . քանզի ակն իսկ ունէին Թէ փրկիչ ծնանելոց է նոցա . և յայտնեցաւ , ասէ , մօր նորա Թէ սա է : Արդ տես դու որչափ քրն նեցին նոքա . զի ոչ ևս կարացին Թաքուցանել զՄովսէս : Արդ տես դու որչափ պահեաց զնոսա ողորմուլ Թի չնորհաց , զի վեց հարիւր հազար ելին նոքա յերկրէն եգիպտացոց . “Որչափ նոքա , ասէ , Ծնչէին զնոսա , առաւել ևս աճէին բազմանային և զօրանային որդիքն խրայելի” : Հնարս խնդրեաց Փարաւոն , զի որք կենդանիքն իցեն , աշխատուք մաշեսցէ . և որ ծնանելոցն իցեն , սպանցէ հրամանաւ . և ամարէ զահ և զերկիւղ իւր ի սիրտս մանկաբարձացն , զի մի սպանցեն . և պատրաստեաց բանս ի բերան նոցա , զի մարԹասցեն պատասխանի տալ Թագաւորին :

“Իսկ զքեզ , ասէ , ով կացոյց իշխան և դատաւոր ՚ի միջի մերում” : Զարհուրեցաւ Մովսէս . և յայսմիկ յայտ արար , զի տրում ոչ ակն ունէր Թէ գիտիցէ՝ լուաւ նա զբանս . զի այն առաջին որ փրկեցան՝ արժանի իսկ էր , զի ոչ եթէ անիրաւութիւն փրկեաց զնա Մովսէս . բայց նա յայտնեաց ընկերի իւրում սիրով , և նա կշտամբեաց զնա չարութիւն : Իբրև փախեաւ նա դարձեալ ՚ի Մագիւս , և ոչ լուեաց դադարեաց նա ՚ի ստուգութենէ . խնդրեաց նա զվրէժ զրկեալ աղջկանցն ՚ի վերայ Զրհորոյն հովուաց :

“Ի՞նչ գնաց , ասէ , Մովսէս զխաշինան Յաթրոնայ . և եկն եւ նա ՚ի լեռնն այլ ՚ի Քորէբ : Անդ երևեցաւ նմա հրեշտակ տեսուն ՚ի բոց հրոյ ՚ի մէջ մորենւոյ” : Մորենին այն զի ոչ էր պիտանացուլ լինել ՚ի նմանէ պատկեր մեռելոտի աստուածոց , գտաւ՝ զի նկարեսցէ ՚ի նմանէ խորհուրդ այլ կենդանւոյ : Եւ առաւել ևս . զի տացէ նա մեզ օրինակ , զի խոնարհութիւն նորա նմանօրք եղիցուք մեք նմա , զի յանարգ մորենւոյ անտի երևեցաւ նա : “Եւ յո՞ , ասէ , հայեցայց

և բնակեցայց, այլ 'ի հեզս և 'ի խոնարհս" : Զոր օրինակ և 'ի Մովսէս՝ զի բնակեցոյց զփառս իւր, վկայեաց նա վասն նորա՝ թէ խոնարհ էր քան զամենայն մարդիկ հանդերձ այլովք արդարովք : Սոյն պէս և միածին նորա 'ի կուսէ 'ի դատերէ անտի աղքատաց :

Երդ խոտորեցաւ Մովսէս անասնել զայն տեսիլ սքանչելի . և իբրեւ բազում խորհուրդս խորհէր նա երկուցեալ զարհուրեալ, ճայն բարբառոյ եղև նմա 'ի միջոյ հրոյն և ասէ . Մատիւր մերձեաց, ասէ, Մովսէս՝ հանեալ 'ի Զուրց, զի Զուրք 'ի հրոյ ոչ երբէք ելլէն : Զի եթէ մարեմին ոչ այրեցաւ 'ի հրոյ անտի՝ որ լուծեալ էր 'ի նմա, որչափ ևս առաւել քաջալերեալ լինէր որդին Զուրց, և մերձենայր առ նա : "Կոչեաց, ասէ, զանուն նորա Մովսէս . քանզի 'ի Զրոյ անտի հանի զնա" : Ահաւասիկ 'ի մանկութե քումմէ 'ի խորհուրդ մկրտութե աւագանին դրոշմեալ ես դու, 'ի հրոյ զիարդ երկնչիս դու : Այլ ոչ եթէ 'ի հրոյ երկեաւ նա, քանզի և 'ի հուր անդ խորհուրդ Որդւոյ դրոշմեալ էր . "Նա, ասէ, մկրտեսցէ զձեզ 'ի հուր և 'ի Հոգի սուրբ" : Ի մորեմին դարձեալ չարութիւն խրայելի նկարեցաւ . զի յայտ արասցէ մեզ թէ որպիսի ժողովուրդ է հերբայեցոց : Եւ զի ասէ "Ես եմ Թոմաս Սաքաճամու, Թոմ Սահակայ, Թոմ Յակովբու" . և ոչ ասաց Թոմ Սաքաճամու, Սահակայ և Յակովբու . զի նկարեսցէ զխորհուրդն երրորդուն, և զկատարումն անուանն, զի ընթանայ զկնի անձանց :

Եւ զի ասէ "Եւ զկոչիկս քո յոտից քոց" . զի յայտ արասցէ նմա՝ թէ ոյր առաջի կայ . և անդ զի գիտասցէ և ծանիցէ Յիշով որդի Նաւեայ թէ զինչ է պատիւ փառաց այնորիկ՝ որ եկն 'ի թիկունս նորա օգնական լինել նմա : Բայց դարձեալ՝ Եւ զկոչիկս քո՝ իբրեւ զայն է, զոր ետես մարգարէն 'ի ժամանակի իբրեւ դիմեալ գայր յեղովմայ . զի խնդրեաց նա 'ի նոցանէ զվրէժ հատուցման որդւոցն խրայելի, զի ասէ . "Ի վերայ եդումայ լուծից զկոչիկս իմ, և 'ի վերայ փղշտացւոց զաղաղակ բարձից" : "Հնձան, ասէ, հարի ես միայն, ճմլեցի ես զնոսա բարկութե իմով :

և կոխեցի ես զնոսա սրտմտու թիւ իմով , : Եւ սոյն :
 պէս և Մովսէսի ասացաւ . լոյծ զկօշիկս քո . զի հըն
 ձան հանդերձեալ էր նա հարկանել 'ի մէջ երկրին
 եգիպտացւոց , այս ինքն վտան զօրու թեցն՝ զոր արար
 նա անդ : Քեզ իսկ , ո՛վ Մովսէս , այս եղիցի . քեզ
 նշան՝ զի տեսեր դու զա՛ծ , զի բնակեալ էր 'ի մէջ
 հրոյն . այսպէս իցէ ձեզ պաշտել 'ի ձեռն հրոյ զա՛ծ՝
 որ բնակեալ է 'ի մէջ հրոյ : “Ես եմ , ասէ , ա՛ծ Աբ-
 րահամու , Սահակայ և Յակովբու , : զի լուիցեն որ
 դիքն Աբրահամու՝ որ էին յերկրին եգիպտացւոց .
 զի եթէ հարքն նոցա իբրու մեռեալ էին՝ կենդանի
 են ինձ , որչափ ևս առաւել կենդանի են ինձ այնո-
 քիկ՝ որ 'ի նեղութիւն իցեն : Եւ եթէ մեռեալքն նո-
 ցա իբրեւ կենդանիք համարեալ են ինձ , զի կենդա-
 նութի յարութե՛ն նոցա՝ 'ի դժոխոց դիւրին է ինձ ,
 որչափ ևս առաւել դիւրին է ինձ փրկուի՝ նոցա՝ որ
 յերկրին եգիպտացւոց : Յորժամ ելանիցեն նոքա
 անտի փրկութիւն իմով և կենդանութիւն , ամաչեացեն
 մահն սպանօղ , և Փարաւոն նեղիչ : Վասն այսորիկ
 անարգեաց անգոմանեաց Մովսէս զգանձան եգիպտա-
 ցւոց , և փութացեալ ընթացաւ նա առ ոսկերան
 Յովսէփու . զի 'ի նոսա ծածկեալ կայր գանձն կեն-
 դանութե՛ն , որպէս զոսկերան Եղիշայի :

“Եւ , ասէ , ոչ հաւատան ինձ , քանզի ասեն ոչ
 երեւեցաւ քեզ տէր , : Եւ զի ետես տէր եթէ նշան
 ինդրէ , ետ նմա նշան 'ի գաւազանն՝ որ եղև վիշապ .
 զի ուսուցէ զնա թէ չէ խիստ Փարաւոն քան զայս
 վիշապ : Եւ ահա արիւն ձեր ոչ է ծածկեալ յայնմա
 նէ որ արար զջուրն արիւն , և ոչ ժողովուրդ ձեր 'ի
 բորոտեալ ձեռանէ անտի . ձեռն քո , ասէ , որ բու-
 րոտեցաւ՝ սրբեցաւ 'ի ծոցոյ բումփէ : Դա գրէ օրէնս՝
 որ սրբեն և պղծեն , ծոց նորա էր պղծիչ և տեղի
 սրբութե . “Դարձո անդրէն , ասէ , զձեռն քո 'ի ծոց
 քո , : Ի միում յանդամի նորա ետ նմա նշան փրկ-
 կուէ . քանզի առ մի ժողովուրդ առաքեաց զնա հա-
 նել զնոսա յերկրէն եգիպտացւոց : Եւ զի ցուցցէ նմա՝
 թէ զոր օրինակ բորոտեցաւ ձեռն նորա և պղծեցաւ ,
 նոյնպէս և նոքա պղծեցան 'ի կուռմն եգիպտացւոց :
 և զոր օրինակ սրբեցաւ ձեռնն նորա . յետ պղծելոյն ,

սոյնպէս և նորա սրբեցան յամսն և 'ի ծոփն : Բայց տէր մեր զի փրկիչ էր աշխարհաց ժողովրդեանն և հեթանոսաց , յամենայն մարմին նորա՝ զի մեռաւ վասն մեր՝ տուաւ մեզ նշան փրկութե . և ոչ եթէ որպէս Մովսէսն զի մի անդամ իւր եղև նա նշան որդւոց ազգի ժողովրդեան իւրոյ , զի յայտ արասցէ՝ եթէ վասն ժողովրդեանն ցոյց նմա զայսպիսի սքանչելիս : Ասէ . «Եթէ ոչ հաւատասցենք քեզ առաջին նշանիդ , հաւատասցեն միւսումդ ևս . ապա թէ ոչ հաւատայցեն այդ երկուց նշանաց , առ դու ջուր 'ի գետոյ այտի և հեղ 'ի ցամաքի . և զջուրն զոր հեղուցուս դու 'ի ցամաքի անդ , եղիցի նա արիւն » : Եւ այս զի ուսցի նա թէ առաջի աչաց նորա է արիւն տղայոց նոցա՝ զոր հեղձուցին 'ի մէջ ջուրցն . և հաւատասցեն 'ի միտս իւրեանց , զի եթէ 'ի վերայ մեռելոց նոցա փոյթ է նմա , որչափ ևս առաւել 'ի վերայ նոցա , զի կենդանի են :

Եւ իբրեւ ցարդ չև ևս առեալ էր Մովսիսի յանձն երթալ , ասէ ցնա տէր . «Կապուտ փողպուտ արասջիր զեգիպտացիսն » : Ի ու , ասէ , զայս բարբառ սերմանեսջիր յականջս ժողովրդեանն՝ որ ծառայ են մամոնայի . և տես դու՝ զի հաւատանք քեզ : Այլ ոչ երկեալ Մովսէս 'ի Փարաոնէ , այլ յարայելէ . «Ահա , ասէ , ոչ լսեն ինձ » : Մինչև յոր վայր հրաժարեաց նա 'ի նոցանէ , մինչև զի կացցէ հակառակ ընդդէմ նոյ . սակայն դիւրին էր հակառակել նմա ընդ նոյ , քան հակառակել ընդ իսրայելի . լաւ իցէ գլել վէմն . և «Լաւ իցեն , ասէ , հարուածք բարեկամի » : Թերևս յայսմ վայրի չարախօս եղև Մովսէս զնոցանէ բազում իրօք . զի ոչ ասաց նմա Մովսէս՝ թէ ոչ լսեմ ես քեզ , այլ ասէ . ոչ լսեն ինձ , կակազոտ եմ ես , ասէ : Բայսմիկ , ասէ , փոքր ես դու : այլ ահա նովաւ մեծանաս դու . զի եղիցի քեզ մարգարէ խօսող , որպէս և նոյ :

Իայց դարձեալ զի հրաժարեաց , քանզի յիշեաց նա զնախանձն Կայէնի և զԵսաւայ՝ երկեալ և նա . վասն այնորիկ ասէ ցնա . «Ահաւասիկ եղայր քո ելցէ ընդ առաջ քո , տեսցէ զքեզ և ուրախ եղիցի » : Ոչ եմ ես այր խօսող . կամ բան միջին ասաց :

“Զի այր մինրբաձայն ծանրախօս եմ ես”, ոչ կարեմ ես խօսել առաջի խօսող ժողովրդեանն: Կամ զի լուծցի կապանք լեզուի իւրոյ՝ խնդրեաց նա: “Եթէ առաքեա դու զիս, ոչ եմ ես, ասէ, այր խօսող յերեկուստ և յեռանտուստ”: Կամ երկեալ նա՝ ի հերբայեցւոց անտի, զի առեալ էր նորա զճաշակս չարարանաց նոցա յախմիկ՝ զի ասէ “Միթէ և զիս սպանանել կամիցիս դու որպէս և զեգիպտացին”: Կամ՝ ի տանէ անտի Փարաւոնի զգուշացեալ էր նա, զի տեղեկացեալ էր նա և գիտէր զկնճիռն դառնութեան նոցա: Այլ զայս ասասցուք. քանզի նշանք բազումք եղեն աւանդ առ նմա առնել, ծանրախօսութի նորա և կապանք լեզուի նորա ոչ արձակեցան. զի տեղեակ գիտէին զնա եգիպտացիքն. վասն այսորիկ “Առաքեա դու, ասէ, յոր ձեռն առաքելոցն ես դու” որ կարօղն իցէ խօսել”, ոչ եմ ես այր խօսող, այս ինքն համեմատ եգիպտացւոցն: Վասն այսորիկ “Ահաւանիկ կայ Ահարոն մարգարէ քո”: “Առաքեա դու, ասէ, ի ձեռն այսորիկ՝ որ առաքելոցն ես”, այս ինքն զոր հանդերձեալն ես դու առաքել. որ նա ինքն է տէր մեր Յիսուս Քրիստոս: Վասն այսորիկ բարկացաւ ի վերայ նորա սրտմտուք տէր, փոխանակ զի խնդրեաց նա զնա տարաժամ: Ես, ասէ տէր, ժամուն իւրում պահեցից զնա:

Եւ զի մի օտարացուցէ նա զՄովսէս, ոչ փոխեցաւ անուն նորա, և ոչ լուծաւ կապանք լեզուի նորա: Յայսմիկ մեծացաւ Մովսէս քան զբազումս, իբրու մեծ էր նա խրատուն և իմաստութիւն եգիպտացւոցն, անգոսնեաց և խոնարհեցոյց զիմաստութի գիտութե իւրոյ վասն սիրոյն այ իւրոյ. վասն այսորիկ անուն այ և դէմ յանդիման. և վկայ այն, զի իջին փառքն այ և նստան ի վերայ երեսաց նորա: Եւ զոր օրինակ ի ժամանակի, իբրեւ ստեղծաւ Ագամ՝ հնազանդեցան նմա ամենայն գաղանք, քանզի ի նմանութի պատկերի կերպարանաց արարչին իւրոյ էր, սոխպէս ի ժամանակի իբրեւ առաքեաց զՄովսէս փրկիչ նոցա, քանզի գիտէր նա թէ աղօթս և պաղատանս առաջի տեառն իւրոյ փոխանակ ընդ ժողովրդեան ազգին իւրոյ հանդերձեալ մատուցա-

նեւ՝ զի ինքն կորեցէ և մի ժողովուրդն ջնջեսցի , վասն այսորիկ և ինքն բարերարն իբրև ետես զխոնարհութի հեզութե նորա , զանուն իւր առանց նախանձու եղ ՚ի վերայ նորա : Վասն այսորիկ պաշտեցին զնա արարածք իբրև աղախնայք . զի ծովն առաջի երեսաց նորա իբրև զծառայ մի ՚ի սպաս պաշտաման նորա պատրաստեալ էր : Եւ այս են զարմանք , զի բնութի որ ոչ ունէր իմաստութի , ընկալաւ ՚ի ձեռն հրամանի նորա զչարչարանս գիտութե . և երկինք հնազանդեցան բանի նորա , զի յառաւօտե մինչև յերեկոյ վեց հարիւր հազարին հաց պատրաստիցէ :

Եւ զի ասէ «Պատահեաց նմա տէր , և խնդրէր սպանանել զՄովսէս» , ոչ եթէ վասն թլփատուն , այլ զի առ նա ընդ իւր զկին իւր և զորդիս իւր , և էջ առնել զնշանս և զարուեստս . զի անտի դարձաւ և մնաց կին նորա որդւովք իւրովք հանդերձ : Արդդու , ասէ , որ մտանես հանել զորդիս ժողովրդեան քո յերկրէն եգիպտացոց , առեալ վարեալ զկին քո և զորդիս և մտանես անդր : Եւ միւս ևս , զի զարացի նա ՚ի սաստէ անտի հրեշտակին . զի յապրելն իւրում ՚ի սպառնութէ անտի հրեշտակին , թեթեասցի յաչս իւր այն՝ զի խիթայր նա երթալ առ Փարաւոն , իբրև զայն զՅակովբուն առ Եսաւ : Կամ զի մեծանէր նա զորդիսն իւր՝ անթլփատութիւն ՚ի վերայ թլփատութե , երկմտութի անխմաստ ժողովրդեանն . վասն այնորիկ երկեցոյց զնա զի թլփատեսցէ : Զի մատեաւ ծիփորա , բուռն հար զուից հրեշտակին , և աղաչեաց զնա և խնդրեաց ՚ի նմանէ վասն Մովսիսի , զի ոչ էր թլփատեալ նորա զմանուկն . և իբրև թլփատեաց զմանուկն ծիփորա , ընկալաւ ՚ի նմանէ հրեշտակն զազօթս նորա , և ետ նմա զՄովսէս պարգև : Փոխանակ արեանն , ասէ , զոր հեղի ես առաջի նորա , ետ զքեզ ինձ փեսայ արեան , ուխտ արեան . զի առ Աբրահամ յորժամ թլփատեաց , ուրախութի և ցնծութի . և առ մեզ սուգ և տրտմութի :

Իայց դարձեալ , զի խնդրեաց հրեշտակն սպանանել զՄովսէս , ետես զնա ստուգութիւն՝ զի յերկրին

եղիպտացւոց նախանձայոյդ եղև Մովսէս, և հարստակեաց զեգիպտացին. և առ կին իւր ոչ եղև նախանձախնդիր, զի խափանեաց զուխտն նոյնորա: Արդ եկն սպանանել զնա հրեշտակն քինայոյդ նախանձախնդիր, զի ցուցցէ նմա ո՞վ բուռն և սատուիկ իցէ՝ ընդ հրեշտակն և ընդ այն՝ որ զքեզն արգել. և երկու՝ զի օտար էր նա՝ ոչ պահեաց նմա որս վասն ողորմութե գթութե իւրոյ: Եւ զի չորեք հարիւր ամ հաւատացին թլփատութն, սակայն զայս ասացուք. զի ուսոյց նմա յասել իւրում. ասէ՝ «Ասաջիր գողջիր. անձ հարցն մերոց առաքեաց զիս առ ձեզ»: Աստուած, ասէ, Աբրահամն՝ ի բերան քո, և հակառակութի սրբութե վասն զաւակի քոյ: Եւ զի ոչ առնոյր յանձն նմա կինն իւր, ցոյց նմա զահ և զերկիւղ, զի ինքն ձեռօք իւրովք թլփատեսցէ զնա, և զի յամենայն ինչ երկիցէ նա՝ ի Մովսիսէ: Եւ դարձեալ քանզի օրէնսդիր նա երթայր լինել, ցոյց նմա՝ թէ որպիսի ահ և երկիւղ մերձ է առ նա, զի զգուշացի. և զի զգուշացին դարձեալ ի տեսիլն նորա որդիքն Իսրայէլի:

Իւր զի յայտ արածսցէ դարձեալ միւսանգամ, զի ի ժամէ անտի յայնմանէ՝ յորմէ հետէ խօսեցաւ ընդ նմա անձ, ոչ մերձեցաւ առ կինն իւր. բայց ինքն կինն ոչ հաւատայր նմա, և դատաստանք էին նոցա վասն այսր: Զի ի տան հօր նորա ոչ կարաց Մովսէս ասել ընդ նմա բան ինչ. այլ յօթեվանս ճանապարհին աւուրն այնորիկ՝ իբրեւ ոչ կամեցաւ երթալ առ նա յանկողինս նորա, բայց խառնեաց, և վասն անթլփատութե արդւոյ նորա ասէ այսպէս. հրամայեաց անձ՝ թէ կորիցէ անձն անթլփատ յազգէ տոհմէ իւրմէ, և ահաւասիկ յամենայն իմիջ եղեր դու ինձ սատանայ: Եւ իբրեւ ննջեցին նոքա այսու խօսիւք, եկն հրեշտակն տեսուն ի տեսիլ ահագին, իբրեւ խնդրէր զվրէժ թլփատութե. և ինդրէր ապանանել զՄովսէս զորդին Աբրահամն՝ որ գիտէր զուխտն Աբրահամն: Ծիփորա իբրեւ ետես զայն ամենայն ահ և երկիւղ, արար զերկոսին միւսանգամայն. թլփատեաց զորդին իւր, և սրբեցաւ արեամբ ընն իւրով հանգերձ. քանզի դողաց և զարհուրեւ.

ցաւ նա 'ի շքեղ տեսլենէ հրեշտակին : Ասէ Մովսէս ցկին իւր . դու 'ի հրեշտակէ անտի այդչափ զարհուրեցար տաքնապեցար , և արարեր նմա պատիւ . ես՝ զի տէր հրեշտակաց յայտնեցաւ ինձ 'ի բոց հրոյ , և դարձեալ հանդերձեալ է յայսմ հետէ և անդր յայտնել ինձ , որչափ ևս առաւել արժան է ինձ առնել նմա պատիւ և սրբել նմա զանձն իմ : Ծիփորա իբրեւ ետես թէ հրեշտակք և տէր հրեշտակաց յայտնի նոցա և այցելու լինի նոցա , մեծացաւ յայս ծիփորայ տեսիլ հրեշտակին առաւել քան զամուսնութի բնութե . և ստուգեցան հաւատարիմ եղեն նմա ամենայն բանքն՝ զոր խօսէր ընդ նմա Մովսէս՝ թէ արդարեւ յայտնեցաւ նմա նձ :

Եւ քանզի 'ի պատճառս թլփատութե եկն հրեշտակն , այդպէս արժան եղև՝ զի 'ի պատճառս թլփատութեան եկեսցէ , թէպէտ և վասն երկոցուն իսկ եկն . և քանզի ետես ծիփորա զահն և զերկիւղն մեծ , սիրեաց նա և սրբանալ : Բայց Դանիէլ խռովեցաւ իբրեւ ետես զհրեշտակն . վասն այսորիկ անուանեաց զիրան յանուն թլփատութեան . փեսայ , ասէ , արեան է ինձ . իբրեւ զայն՝ զի ասէ , վէմօքնութեան՝ և ձոր ողկուղոյ : Եւ արդ այն փեսայութի՝ որ եղև մեզ յառաքաստի անդ՝ այսօր յուխտն թլփատութե հարցն քոց ամուսնանամ ես ընդ քեզ . և մի , ասէ , այսուհետեւ կոչեսջիր դու ինձ այր անկողնաց , այլ փեսայ սուրբ ուխտին հարց քոց : Դարձեալ փեսայ արեան՝ փեսայութի ուրախութե . ուրախութիւն է ինձ , ասէ , զի գնեցի ես արեամբ որդւոյ իմոյ . քանզի ասաց նմա . ասէ , ուրախութիւն եղև 'ի տանն Աբրահամու յորժամ թլփատեաց զորդին իւր . յայսմ , ասէ , խորհրդի հաղորդի մարդ ընդ տոհմ մեր : Փեսայութի դարձեալ ամուսնութի է . յայսմ հետէ , ասէ , զայ ինձ հաղորդութի ընդ քեզ յայս նշան ուխտի . խոստովանութի խոստովան եղև նա Մովսէսի . քանզի յառաջագոյն ոչ հնազանդեցաւ նմա , հաւասարեսցիս , ասէ , յայսմ ուխտի փոխանակ ամուսնութեան հարսանեաց :

ԳԼՈՒԽ Բ

181. զիարդ հաւատացին 'ի Մովսէս յերկրին եւ զիպտացւոց վասն նշանաց իւրոց : Կամ թէ մարգարէք յայտ արարին վնմանէ՝ թէ ահա գալոց է . այլ զի սպասէին եւ ակն ունէին բանին այնմիկ՝ զի ասէ . զչորեքհարիւր ամ միայն կայցեն 'ի հնազանդու թէ : Կախ յառաջագոյն զժողովուրդն հաճեաց եւ հաւանեցոյց Մովսէս 'ի վիշապ անդր : Ոչ , ասէ , խիստ ե բուռն իցէ Փարաւոն քան զայս վիշապ . եւ ահաւանիկ արիւնն ձեր ոչ է ծածկեալ յայնմանէ՝ որ արար զջուրն արիւն , եւ ոչ ժողովուրդդ . ձեր 'ի բորոտեալ ձեռանէ անտի վասն ծերակոյտ ժողովուրդեան : Եւ զի լուաւ վասն նշանացն զոր արար Մովսէս առաջի ծերակոյտ ժողովուրդեանն , ոչ ել ընդ առաջ նորա խտու թէ : « Ընդէր , ասէ , Մովսէս եւ Ահարոն , խախանէք դուք զժողովուրդս զայս 'ի գործոյ իւրեանց » :

« Եւ դու , ասէ , զգաւազանդ քո , եւ ընկեա առաջի Փարաւոնի , եւ եղիցի վիշապ » : Զի օձն այն՝ որ երաց զբերան իւր մինչ կանխաւ , եւ սփռեաց տարածեաց զչարու թի իւր 'ի վերայ ամենայն մարդկան , նա երաց զբերան իւր , եւ առ կուլ զամենայն չարու թի կախարդաց : Եւ քանզի երկեալ Մովսէս 'ի Փարաւոնն , եդ ան առաջի նորա երկիւղ մտաւ որ քան զՓարաւոնին . զի զգէն նորա արար , զի եղիցի նմա հակառակորդ . եւ դարձաւ ետ նմա իշխանուի 'ի վերայ նորա , որպէս եւ 'ի վերայ Փարաւոնի : Եւ փոխանակ զի խնդրեացէ Փարաւոն նշան 'ի Մովսէսէ , եւ ապա արձակեացէ զժողովուրդն , եւ ասէ . « Ո՞վ է տէր , զի լուայց ձայնի նորա » : Արդ նա ինքն կուլեաց զհարուածն բանիւ խտու թէ , յասեւն իւրում՝ ով է տէր . եւ զի ասաց՝ բայ « Ոչ գիտեմ գտէր » , հարկ եղև արարածոցն ցուցանել ընկերին իւրեանց թէ ով իցէ տէրն հասարակաց : Եթէ ոչ գիտես դու՝ թէ ով է Աստուած , 'ի կախարդաց անտի՝ զոր գիտեսն դու , գիտաւիր դու զայն՝ զոր ոչն գիտես

դու, «Ձեռն, ասեն, Աստուծոյ է այս», :

Եւ յառաջ քան զամենայն հարուածսն, այն մեծ էր քան զամենայն հարուածսն, ասէ Աստուած ցփարաւոն 'ի ձայն բարբառոյ . այն զի ասէ . «Զորդի քո անդրանիկ հարկանեմ», : Բայց գործով զվիշապն ուր փոքր էր քան զամենայն հարուածս, ցոյց նմա : Առ կուլ գաւազանն զգաւազանն, փոխանակ զի կլցէ մահ զանդրանիկս նոցա . մինն եղև յահ յերկիւղ, և միւսն ևս 'ի պահպանութիւն : Արժան իսկ էր նմա 'ի գաւազանաց անտի որ կլան՝ ուսանել վասն անդրանկացն զի մի ընկլցին : Նա և երկրորդ հարուածքն ահի երկիւղի էին, զի մեռան դարձեալ ձկունքն փոխանակ անդրանկացն . և զի ոչ հաւանեցան նմա մահուամբ ձկանցն, հաւանեցան մահուամբ անդրանկացն . և փոխանակ այնր՝ զի ոչ ած նա զմրտաւ, փութապէս վաղվաղակի տաքնապաւ վարեաց հան զնոսա յաշխարհէ իւրմէ : Սատակեցաւ մի ծնունդ ձկանց, և բղիւեաց միւս ևս ծնունդ գորտոց : Եւ զի ոչ հաւանեցաւ նա մեռելովքն, ուսաւ կենդանեօքն . «Որդի իմ, ասէ, անդրանիկ խորայել», . զի յայտ արասցէ թէ և այլ եղբարք են նորա, այս ինքն հեթանոսք : Եւ զի կոչեցաւ ամենայն խորայել որդի անդրանիկ, խնդրեաց զվրէժ զամենեցունց յանդրանկաց անտի եգիպտացւոց :

Եւ փոխանակ այնր՝ զի ասէ . եղիցի արիւն յեգիպտոս 'ի փայտ և 'ի քար . եղիցին ամենայն ջուրք նոցա արիւն, և ջուրք ևս որ կայր յանօթս փայտեղէնս, և յանօթս քարեղէնս . «Հար, ասէ, գաւազանաւդ քո զջուրսդ, և եղիցին արիւն», : Եւ այս են զարմանք, զի 'ի միում վայրի հարկանէր, և ամենայն ջուրքն յարիւն դառնային, և ձկունք ամենայն գետոյն առ հասարակ սատակէին : Խորհուրդ մեծ, զի 'ի ձեռն տեառն մերոյ . զի 'ի միում տեղով տնկեաց նա զխաչափայտն իւր, և աշխարհս ամենայն լցաւ 'ի նմանէ, և ամենայն պաշտամունք կուոց խափանեցան յերեսաց ծագելոյ նորա : Ասի դարձեալ, զի 'ի սահմանս եգիպտացւոց միայն եղեն ջուրքն աւրիւն, և այլքն ևս յստակ էին որպէս յաղբերականց իւրեանց : Այլ առ օրինակի մեծ է անդ . զի գետն

սրբուհի իւրով՝ ժողովուրդն խրայելի է, և եգիպտոս օրինակ մեղաց է : Զոր օրինակ գետն եգիպտացւոց յաղբերականց իւրոց սուրբ էր, սոյնպէս և խրայել յԱբրահամէ 'ի հօրէն իւրեանց յատակք և սուրբք էին . և իբրեւ 'ի բնակութիւն մեղաց եգիպտացւոց մտին նոքա, յարիւն զոհիցն պղծեցան նոքա . որպէս գետն եգիպտացւոց, զի դարձաւ յարիւն : Որպէս զի և Եսայի յայտնապէս ասաց վասն նոցա, « Զի եթէ եղիցին, ասէ, մեղք ձեր », և այլ ևս : Եւ զի 'ի դոյն տգեղութե արեան զազրութե ներկեալ էին, հարկ եղև զի սրբեսցին 'ի մկրտութի ջուրցն, և ապա ընկալցին զկերակուրն հոգևոր : « Ամենեքին, ասէ, 'ի ջուրսն մկրտեցան, և ամենեքեան զկերակուրն հոգևոր կերան, և զըմբելի զհոգևոր արբին » :

Եւ զի ետես Մովսէս զՓարաւոն՝ թէ խտացաւ սիրտ նորա, զի ետես զգաւազանսն եգիպտացւոց՝ զի եղէն վիշապք, որպէս և գաւազանն նորին Մովսիսի . և զի դարձոյց զջուրսն յարիւն . և իբրեւ ած 'ի վերայ նոցա զգորտն, ասէ ցնա Փարաւոն . « Աղօթս աւրարէք վասն իմ, զի 'ի բաց արասցէ յինէն զգորտս : Ասէ ցնա Մովսէս . Ժամ դիր առ երբ խնդրեսցուք, զի Թափիցի գորտդ 'ի քէն և 'ի զօրաց քոց » : Եւ այս, զի մի կարծիցէ նա՝ թէ իբրու դէպ ինչ կամ պատահար կամ արուեստգիտութեամբն կախարդաց եղև նմա հանդիստ, եդ նմա սահման, զի ցուցցէ նմա թէ հարուածք և բժշկութիւն 'ի ձեռս նորա եկին . սոյնպէս և այլ հարուածքն՝ որ եկին 'ի վերայ նորա, գնէր նա ժամ յասել իւրում . « Առ վաղիւ եղիցի նշանս այս » . իբր դե զի ասէ՝ թէ կարօղ իցես դու օգնել անձին քում, 'ի ձեռն կախարդացն երթայք հնարեցէք և արգելէք՝ զի մի եկեսցէ . կամ խափանեցէք յորժամ եկեսցեն հարուածքն, զոր ածէ Մովսէս 'ի վերայ ձեր : Թոյլ ետ նոցա կենդանի գորտովք, արգել և յամօթ արար մեռեալ մարմնով զկենդանի կախարդսն . տանջեցան կեղովն, և դարձան պատերազմ արարին անդ :

Եւ երից տանջանաց խօստովան եղէն և աստ : Յետ երից տանջանաց և մատնցոյց արարին . անդ կարասեալ իւրեանց, և աստ անձամբք իւրեանց :

Այլ որպէս և նկարիչք՝ զկերպարանս և գնշմարանս
 իրացն ցուցանէին կախարդքն . այլ տանջեցան նո-
 քա կեղովն , զի կերպարանօք և նշմարանօք 'ի ճրշ-
 մարտութենէ զայլս մի մոլորեցուցեն : Եւ յորժամ
 խոստովան լինիցին և պարտաւորեսցին , երևեսցի
 յաղթութի ճշմարտութե՝ իբրև առաքինանայր 'ի
 մէջ բանից նոցա : Եւ եթէ արասցեն դարձեալ և
 զայս ևս ըստ սովորութեն իւրեանց ընդդէմ Մով-
 սիսի , ահա այնուհետև նկարեցին պաղթութիւն
 ճշմարտութե 'ի մարմինս իւրեանց : Զի եթէ Մով-
 սիսի նմանէին նոքա , ահաւանիկ ինքն Մովսէս հար-
 կանէր զնոսա 'ի խաղաւարտս կեղոյ . և յորժամ
 խնդրէին նոքա առնել ընդդէմ Մովսիսի , նկարէին
 դարձեալ գգործն նորա 'ի մարմինս իւրեանց . զի
 գործովն Մովսիսի տանջեսցին , և իւրեանց գործով
 յանդիմանեալ կշտամբեսցին : Զի եթէ ընդ Մով-
 սիսի առնէին նոքա , զոր օրինակ հար և չարչարեաց
 զնոսա Մովսէս , նոյնպէս և նոքա չարչարէին զՄով-
 սէս կեղովն : Այլ քանզի ոչ ուսան նոքա յառաջինսն
 զոր արարին , եթէ ընդդէմ անձանց արարին զայն ,
 արար զայս զմի զկեղոյս՝ զի ուսցին միանգամայն զեր-
 կոսին : Զի եթէ առնիցեն իբրև զնա զկեղան 'ի մար-
 մինս իւրեանց , տանջեն զանձինս իւրեանց ձեռօք
 իւրեանց առաջի ամենայն եգիպտացւոցն : Եւ եթէ
 ուսցին՝ թէ չէր արժան առնել զայս՝ որպէս և նայն ,
 ուսցին եթէ չարաչար գործեցին զոր գործեցինն
 ընդդէմ առաջնոցն . զի զոր օրինակ այս հարուածք
 էին մարմնոց նոցա , սոյնպէս և առաջինքն հարուածք
 էին եղբարցն իւրեանց : Եւ զի ոչ խնայեցին նոքա 'ի
 վերայ անդամոց իւրեանց՝ չարչարեաց զնոսա 'ի մար-
 մինս իւրեանց , զի գիտասցեն եթէ ցաւս 'ի վերայ
 ցաւոց յաւելուին բժշկութիւնս իւրեանց որդւոց աչ-
 գին իւրեանց :

Իւրդ չարչարեաց զչարչարիչսն , զի մի խստացու-
 ցեն զսիրտսն երկրին եգիպտացւոց , զի մի՛ դարձեալ
 տանջեսցին . “Արարին , ասէ , նոքա որպէս և Մով-
 սէսն ,” . և ոչ եթէ ընդդէմ Մովսիսի . վասն այնու-
 րիկ ոչ սատակեաց զնոսա այն՝ որ խռովեաց զնոսա 'ի
 ձեռն կեղոյն : Արդ ընդ նմին իսկ ընդ Մովսիսի հար-

վանէին և նոքա ևս զերկիրն եգիպտացւոց . զի կողմն է նա նենգաւոր յայբաժանեալ, և ընդ անձն իւր չէ միաբան : Եւ զի դարձուցանէին զԶուրն յարիւն և չարչարէին զերկիրն եգիպտացւոց , զնոյն արիւն ընդէր ոչ դարձուցանէին 'ի Զուր և տրտմեցուցանէին զՄովսէս :

Սակայն Փարաւոն իբրեւ ետես՝ եթէ ոչ են կարող կախարդքն լուծանել արձակել զոր ինչ Մովսէսն կապէր , 'ի Մովսէս ապաստան լինէր 'ի նեղութեան իւրում . քանզի տեղեակ էր և գիտէր՝ թէ այն որ հարկանէ , նոյն և բժշկէ : Բայց նոքա ոչ եթէ արդարեւ ճշմարիտ փոփոխէին զարարածն նման Մովսիսի , այլ առ աջօք առնէին և մոլորեցուցանէին զտեսողս . վասն այսորիկ պատուիրեաց Մովսէս յասել իւրում . ասէ՝ «Մի եղիցի 'ի միջի քում կախարդ» . և այն՝ որ առ աջօք առնիցէ : Զի եթէ զյայտնին և զդիւրին երազն Փարաւոնի նոքա ոչ ծանեան , զիարդ կարէին նոքա փոփոխել զարարածս :

Երդ այն զի խտացաւ Փարաւոն 'ի սկիզբն հարուածոցն , իբրեւ զայն իսկ է՝ որ եղև 'ի կատարած հարուածոց : Քանզի ոչ չարչարեցին զնա հարուածք գետոցն՝ խտացաւ նա , զի եթէ էր հաւանեցուցեալ զնա առաջնոյն , խափանեալ լինէին ևս այն՝ որ վասն վրիժուց խնդրելոյ ապստամբութեւնորա և զօրացն իւրոց պատրաստեալ էին : Եւ դարձեալ , զի 'ի խրատեալն նոցա , խրայել իմաստնասցի . իբրեւ զայն զի ասէ . անզգամ տանջի և իմաստուն խրատի : «Ես , ասէ , խտացուցի զնա հակառակութիւն , զի 'ի նմացուցից զգօրութիւն իմ» : Բայց զի ոչ կաղացոյց զազատութիւննորա , յայտ արար յայնմիկ՝ զի յորժամ ստիպէին 'ի վերայ նորա հարուածքն , խոստանայր արձակել . իբրեւ անցանէին հարուածքն , ապստամբ լինէր և դառնայր անդրէն 'ի նոյն յառաջին յամառութիւն : Զի այն՝ որ իշխան է փոփոխել զքնութիւնս , զազատութիւն փոփոխել ոչ կամեցաւ վասն ողորմութեան իւրոյ : Բայց թէպէտ և թոյլ տայ վասն ողորմութեան իւրոյ , սակայն ցուցանէ ընդ ժամանակս ժամանակս զստուգութիւն իւր . զի 'ի զեղուլ չափոյն մեղաց տանն՝ Նոյի , Զուրքն որ 'ի բարձանց և 'ի խորոց՝ որ

պէս 'ի մէջ երկուց ձեռաց հեղձոյց զնոսա . և 'ի վերայ սողումացուցն հուր տեղեաց . և ամենայն դար 'ի կարգի իւրում . և վասն խրատու Նաբուքոդոնոսոր արքայի սիրտ գազանի տուաւ նմա :

Իբրդ ոչ է եպերեալ ստուգութի նորա . զի եթէ նա խտացոյց զնա , ընդէր դատի զնա . “Ես , ասէ , խտացուցից զՓարաւոն” : Յետ եւթն հարուածոց ասացաւ այս . զի եթէ էր յառաջագոյն ասացեալ նախ քան զհարուածսն՝ և ապա էր խտացեալ , յայտ էր թէ նա խտացուցանէր զազատութի նորա հայհոյել ընդդէմ նորա : Զի եթէ անցին եւթն հարուածքն , և ապա ասաց “Ես խտացուցի զնա” , յայտ եղև՝ զի 'ի պատճառս անփոյթ առնելոյն որ 'ի նմանէ՝ խտացաւ սիրտ նորա : Զի եթէ յօրէ յառաջնմէ իբրև խտացաւ , և խնդրեալ էր զվրէժն 'ի նմանէ , ոչ ևս յաւելոյր նա և այլ ևս հայհոյել : “Ես , ասէ , խտացուցի զնա” . այս ինքն զի թոյլ ետ նմա . յայնմիկ՝ զի լսէր նա աղօթիցն Մովսիսի , և անցուցանէր զբարկութի յերկրէ նորա :

Իայց որ զինն է՝ այսր՝ նա յայտ առնէ զառաջինն : “Թոյլ ետու ես նմա , ասէ , զի ցուցից 'ի նմա զգորութի իմ և զփառս իմ” . բայց զգորութի նորա վասն սքանչելեաց նորա , և փառք նորա վասն համբերութեան նորա . կամ ես խտացուցի զնա կալ և հակառակել : Ոչ եթէ նա խտացոյց զնա , զի մի հաւանիցի և առցէ յանձն . այլ զի յայտ արասցէ՝ զի ոչ եթէ հակառակուք կամ զգորութի կարող եղև հանդարտել դիմակալ լինել նմա Փարաւոն՝ զի մի արձակեսցէ զժողովուրդն , այլ ոչ կամեցաւ՝ զի վարեսցէ բռնութի զազատութիւն նորա . և զյամանուող կամս նորա : Զի եթէ ոչ էր ասացեալ գրոց՝ ես խտացուցի զնա , կարծիք իմն էին՝ թէ իբրև այլով իմն զգորութի հակառակեաց և եկաց ընդդէմ այ . և զի գիտաց թէ ոչ էր արժանի՝ թէ եղիցի 'ի վերայ նորա ողորմութիւն , արդ “Ես խտացուցի զնա , ասէ , զի 'ի նմա ցուցից զգորութի իմ և զփառս իմ” :

Իայց յայտ առնէ , զի այս որ եղեն՝ զի սքանչելիքն յաճախեսցին , և հեթանոսք լուիցեն և փութացեալ տաղնապետցին , և ժողովուրդն մխիթարեալ

քաջալերեսցի . զի «Քարոզեսցի , ասէ , անուն իմ ընդ ամենայն երկիր » . Բայց քարոզեսցի , որպէս զէ հաւատալի եղիցի : Արդ յայտ արար՝ թէ վասն այսորիկ անփոյթ արար և թոյլ ետ նա փարաւանի , որ պէս զի եղիցին և կախարդքն ևս քարոզք անուան նորա յաղաղակել յասել իւրեանց . «Ձեռն նոյն է այս » . զի 'ի լսեն հեթանոսաց՝ եթէ ձեռն նոյն՝ որ ընդ ժողովրդեանն էր , սատակեաց զկախարդան : «Լուաք մեք , ասէ , զհամբաւ և զլուր ձեր , և խռովեալ դողացին սիրտք մեր » :

Փոխանակ այնր՝ զի ասէ «Գարին ջովացեալ էր , և կտաւն 'ի ծաղկի էր » , հերբայեցի ասէ . «Գարին հասեալ պարարեալ էր , և կտաւն ընտացեալ էր » : «Բայց ցորեանն և հաճարն ոչ հարաւ , զի ոչ էր բուսեալ » . քանզի անագանավար էին : Փոխանակ այնր՝ զի ասէ «Հան նծ հողմ խորշակի , և յարոյց զմաւրախն » , հերբայեցի «Հողմ յարեւելից » , ասէ : Եւ փոխանակ այնր՝ զի ասէ «Մի մնացէ և մի մի եղունդն » , հերբայեցի «Եւ մի կճղակ մի » , ասէ :

Բայց դարձեալ ասի . զոր օրինակ զգուշացեալ էր փարաւոն 'ի ժողովուրդ անդ , և տանջէր չարաւորէր զնա . զի ոչ ելանել յերկրէ իւրմէ թոյլ տայր նմա , և ոչ հանգչել 'ի մէջ աշխարհի իւրում տայր նմա : Սոյնպէս և արար նմա ստուգութիւն , զի զգուշացեալ էր 'ի նմա զի մի տացէ 'ի ձեռս զժողովուրդն . և զի հարկանէր զնա , զի թոյլ տացէ ժողովրդեանն . քանզի մի պատիժ պատուհասի փոքր և սակաւ էր խրատել զՓարաւոն , հար զնոսա տասնհարուածեայ գաւազանաւն , այնոքիկ՝ որ հարիւր հարուածովք ոչ էին կարող հատուցանել զփոխարէնս զոր պարտ էին նոցա վասն նոցա : Եւ քանզի առաջին հարուածովքն մատաղելով մատաղեցոյց նա զՓարաւոն , որ պէս զի կակղացի նա ընդունել զխրատ նորա : Ի ժաւ մանակի իբրեւ արար նա զԱհարոն միջնորդ 'ի մէջ Մովսէսի և Փարաւոնի , որպէս մարգարէ 'ի մէջ նոյն և մարդկան . և իբրեւ սկսաւ նա խտտանալ և գալ , սկսաւ Մովսէս աստուածն փարաւոնի երեւել նշանօք իւրովք :

«Եւ ցանեաց , ասէ , Մովսէս զմօխտին ընդ եր-

կինս'ի վեր, և եղիցի փոշի երևիլ, ասէ, այս ինքն դա-
լուկն, և հատցի 'ի վերայ ամենայն մարդոյ կեղ, և
խաղաւարտք եռասցեն, : Եւ իբրեւ տեսին կախարդ-
քնն եթէ տանջեցան նոքա 'ի մէջ երկրին եգիպտա-
ցւոց, ասեն. «Ձեռնն նոյ է այս», : Զի որչափ առա-
ջին հարուածովքն, որչափ և է՝ սաստկացեալ հա-
կառակէին. այլ և յորժամ հայեցեալ երևեցաւ 'ի
վերայ նոցա աստուածն եգիպտացւոցն, եկին և ժո-
ղովեցան առ միմեանս ահիւ և երկիւղիւ : Վասն այ-
սորիկ և Փարաւոն իբրեւ ետես զնոսա՝ թէ տկարա-
ցան լքան ձեռք նորա, և լուծան անկան ջիւք բազ-
կաց նորա 'ի բռնութի գործոյն. և զի գիտաց Փա-
րաւոն թէ հաստատեցան կացին 'ի վերայ նորա չա-
րիքն հանել արձակել զորդիսն Յակովբու 'ի ծառայ-
ութենէ անտի հնազանդութե նորա, ցոյց նա Մով-
սիսիւ 'ի դէմն ցասման յասել իւրում ցնա. «Այլ
մի ևս յաւելցես դու անկանել յակն իմ. զի յաւուր
յորում երևեսցիս դու ինձ, նոյն օրին մեռցիս», : Եւ
զի անց նա զսահմանաւ, և ետ վճիռ մահու 'ի վե-
րայ նոյն՝ որ տուաւ նմա, սատակեցան և ամենայն
երկիրն եգիպտացւոց. զի անունն նոյ որ կոչեցեալ
էր 'ի վերայ Մովսիսի, անմահ էր : Եւ զի վճիռ մա-
հու ետ 'ի վերայ նորա, յայնժամ եկն եհան 'ի վե-
րայ նորա պատիժք մահու :

ԳԼՈՒԽ Գ

«ԼՄԻՍՍ այս եղիցի ձեզ սկիզբն, ամսոց», . զի 'ի
նմա արար նժ փրկութիւն հեթանոսաց և ժողովորդ-
դեան. ժողովորդեանն 'ի ձեռն Մովսիսի, և հեթանո-
սաց 'ի ձեռն մահու կենարարին : Ի նմա հանգեան
աշխատեալքն՝ որ վաստակէին առանց վարձուց. և
ազատեցան նոքա 'ի խիստ տէրուէ անտի. և 'ի նմա
ազատեցան արարածք և բնակիչք նորա 'ի հնազան-
դութե անտի սատանայի : Ի նմա ելին արդեւեալքն
'ի հանգիստ, և 'ի նմա զգեցան մերկացեալքն ըզ-
փառս : Ի նմա արձակեցան կապեալք յաւերակ գբոյ
անտի, և 'ի նմա մեծացան աղքատք և ստացան զոր

ինչ ոչ ունէին : Ի նմա հորդեցաւ ճանապարհ յանապատ անդ, և 'ի նմա արձակեցաւ արգելեալ ճանապարհն 'ի դրախտն փափկութե : Ի նմա արգելաւ դառն փրկութե, և 'ի նմա արգելաւ դառնն ճշմարտութեան 'ի յարգանդ կուսին : Ի նմա յաղթեաց լոյս, և 'ի նմա ծագեաց լոյսն մեր :

Եւ զի ասէ “Ընդ երեկս զենցեն”, ‘ի մէջ երկուց լուսաւորաց, ‘ի մտանել արևու և 'ի ծագել լուսնի . որպէս զի երբ իցէ՝ հասցէ լոյս 'ի լոյս, և մի տիեացէ խաւար 'ի մահու անդ նորա : Բայց դարձեալ զի ասէ՝ ընդ արևուն մտանել սպանցեն զնա, զի հանդերձեալ էր արևն 'ի մահուն դառնալ . զի ժամ նորա 'ի վերայ նորա մարգարեացաւ, իբրև զայն զվրան ժամուն : Մտին նոքա յԵգիպտոս իբրև յերկիր խաւարին, և իբրև 'ի խաւարի և 'ի գիշերի բնակեալ էին 'ի նմա . սոյնպէս և 'ի գիշերի ելին նոքա անտի, որպէս և գրեալ է . ասէ . “Այս գիշեր յառաջապահ պահեստ տեառն” : Եւ զի ասէ “Աւցեն յարենէ անտի, և նշանեսցեն 'ի վերայ սեմոցն չորեցունց” . զնշան խաչին դրոշմէ մեզ՝ որ 'ի բարձրութեան և 'ի խոնարհութեան, յաջ և յահեակ : Եւ զի ասէ “Խորովեալ հրով” . խորհուրդ կենդանի հացին զոր առնումք մեք . և զի մի յամիցեն յեփեթն նորա, և զի բաղարջ կերիցեն, զի յիշեսցեն զշտապ տագնապի իւրեանց . զի ոչ ետուն նոցա թոյլ խմորել զհայսն իւրեանց, զի նկարիցէ զնշան նորոգութե եկեղեցւոյ իւրոյ : Քանզի թուեաւ տարածեցաւ հին խմորն Եւայի, որ հնացոյց զամենայն . եկն եհաս խորհուրդ բաղարջին, զի նորոգեսցէ զամենայն : Եւ զի ասէ “Եղէգ կերիցեն” . զի յիշեսցեն զդառնութի եգիպտացւոցն հնազանդեցուցացն իւրեանց : “Դառնացուցանէին, ասէ, և կեղէին զկեանս նոցա խիստ հնազանդութիւն” : Եւ զի ասէ “Նշխար ինչ մի թուղուցուք” . զի մի արհամարհեալ եղիցի նա իբրև ըզկերակուր ինչ դոյզն և անցաւոր, զի եղիցի քեզ իբրև զգեղ կենաց : Եւ զի մի ոք կերիցէ զնա իբրև նստցի, խորհուրդ մարմնոյ նորա սրբոյ . զի եթէ սրովէք փուլ թացեալ տագնապեալ ահիւ և երկեզիւ կան առաջի նորա, իսկ ով ուտէր զնա 'ի նստեղեաց : Եւ զի

ասէ “Գօտիք ընդ մէջ” . փութապէս , ասէ , որպէս մարդք պատրաստեալ են ելանել երթալ ճանապարհ , ’ի դրոշմելն նորա զայն՝ զի ասէ “Եղիցին մէջք ձեր պնդեալ” , այլովք հանդերձ : Եւ զի ասէ “Յուպք ’ի ձեռին” . խաչք իւրեանց ’ի վերայ ուսոց իւրեանց : Եւ զի ասէ “Ոսկր մի բեկանիցէք” . այն իսկ է զի բեկին զբարձս աւազակացն , և զնորայն ոչ բեկին : Եւ զի ասէ “Անհետք անհիշիք զամենայն խրմոր ’ի տանց ձերոց” , այս ինքն զեգիպտացւոց , այն իսկ է՝ զի ասէ “Արասցուք տօնս մի ’ի խմորս հինս , և մի ’ի խմորս չարութե և անօրէնութեց , այլ յամ խմոր ստուգուեց և ողորմութեց և ճշմարտութեց” : Եւ “Ամենայն անձն որ կերիցէ հաց ի հայսէ խմորելոյ , սատակեսցի անձն այն յորդւոց Խորայելի ’ի բնաւ կաց և յեկաց” . հերբայեցի՝ “Հրէից և ’ի պանդրիւ տաց” , ասէ :

Փրկութի մեծ Խորայելի ելքն իւր էին յերկրէն եգիպտացւոց . և ծանր պարծանք նորա այն են՝ աւրիւնն որ նշանեցաւ ’ի վերայ դրանց նոցա . և փակեալ դրամբք իւրեանց՝ ամենայն մարդ ’ի ներքս ’ի տան իւրում՝ քահանայ անձին իւրում լինէր . և ոչ Ղէի պիտոյ եղև անդ և ոչ Ահարոն , ոչ քահանայութիւն և ոչ պաշտօն և ոչ եւթնոստեայ աշտաւ նախ և այլ պահպանութիւն օրինացն : Եւ եթէ անդ՝ զի խորհուրդ էր՝ այսպիսի կատարումն դրոշմեցաւ անդ , առ ճշմարտունի որչափ ևս առաւել . զի անդ գառն սպանեալ , և աստ մարմին կենդանի : Այլ ոչ եթէ գառն մաքեաց զօրագոյն ինչ էր քան զամենայն նշանս , և վասն այսորիկ նովաւ փրկեցաւ ժողովուրդն . այլ զօրագոյն է նա , զի եղև նա օրինակ հօրին : Սոյնպէս և գաւազանն որ փրկեաց , և փայտըն որ քաղցրացոյց զջուրն գառնուե , և օձն պղնձի որ բժշկեաց զհարուածս օձիցն :

Եւ զի մի կարծիցեն՝ թէ սղբին իրքս այս ընտրեալ և սուրբ են , անիծեալ օձիւն արար սղանչելիս յառաջագոյն առաջի Փարաւոնի : Զի նոյն իսկ զայն գաւազան զսուրբն՝ արար օձ անիծեալ , խորհուրդ սրբոյն այնորիկ՝ որ առն զմեղս բազմաց յանձն իւր . զի քննեսցեն և գիտասցեն՝ թէ այս անիծեալ զիարգ

եղև 'ի փրկութի, եթէ ոչ խորհուրդ ինչ օրհնելոյ հանդերձեալ էր նա : Զի եթէ էր գնացեալ նորա ոսկւով ասէին, վասն զի պատուական է . և հրով զի ահագին է . այլ գնացնա 'ի պէտս պիտոյից անիւ ծեալ օծիւն և անարդ մորենալն և անբառաչ գաւաւմն, որ զվրէժ անձին իւրոյ ոչ կարէր ինդրել :

Բայց տես դու զքանչելիս, զոր արար Մովսէս հրով և յիրս ահագինս, որ կարեն ինդրել զվրէժ անձանց իւրեանց . և ժողովրդեանն՝ զի ինդրեացէ առցէ զվրէժ՝ ոչ կարաց, մինչև առ ինդրեաց զվրէժ ժողովրդեանն գաւաւմն՝ որ զանձին իւրոյ զվրէժ ոչ կարէր ինդրել : Զի այն իննհարուածեայ գաւաւմնն զխիտ պարանոցն նորա ոչ խոնարհեցոյց, 'ի սատակել անդրանկացն իւրեանց լուծան լքան ձեռք նորա, զի Խարայէլ ապրիցէ, և անձ բարձրասցի : Զի զոր օրինակ նեղեաց զկախարդան նորա խորհուրդ խաչին խոստովան լինել նոցա յասել իւրեանց՝ թէ «Ձեռն այլ է», սոյնպէս հնազանդեցաւ և նա 'ի զեւնուլ անդ գաւինն, որ նկարէր զխորհուրդ կատարեալ լրմանն . զի զԽարայէլ անդրանիկ ազատեսցէ 'ի հնազանդութե անտի ծառայութե նորա : Այլ ոչ սրբեցաւ Եգիպտոս տաճն նշանօքն, մինչև զի գառն զենաւ . զոր օրինակ և ոչ Ադամ փրկեցաւ քարոզութեն մարգարեիցն, մինչև զի գառն ճշմարտութե 'ի վերայ խաչափայտին կախեցաւ :

«Եւ որդիքն Խարայէլի արարին, ասէ, ըստ բանիցն Մովսիսի, և ինդրեցին նոքա յեգիպտացւոց անտի զհանդերձս զարդու զգարդ ոսկւոյ և զգարդ արծաթոյ : Եւ կապուտ կողոպուտ արարին նոքա զեգիպտացիսն», : Զի եթէ այս կամք էին այլ, նախ Մովսիսի իսկ արժան էր կողոպտել յափշտակել զեգիպտացիսն . այլ Մովսէս՝ զի ոչ ծառայեաց և աշխատեցաւ յազիւսարկի անդ, վարձս կողոպտոյ նա ոչ առ . բայց առ նա զոսկերսն Յովսէփու, զի յամօթ արասցեն հաւատքն մեռելոյն զթերահաւատութիւն կենդանեաց . զի մեռեալն փութայր մտանել յայն երկիր պարգեաց, և կենդանիքն փութային փախել յերկրէ անտի պարգեաց : Արդ առ նա զոսկերսն Յովսէփու, զի երդմնեցոյց զնոսա . և կշտամբեաց

նորքը զորդի ազգի ժողովրդեան իւրոյ, որ պոռնկեցան ընդ դատերն մադիանացւոց :

Ա) Գուշացեալ էր. անձ 'ի միտս ժողովրդեանն . վասն այսորիկ որչափ զեգիպտացիսն տանջէր և չարչարէր, նոցա Թնամուծի յաճախէր առ հերբայեցիսն . և որքան Թնամուծին արտաքոյ յաճախէր և բազմաւնայր, ինք և խիղճ 'ի ներքոյ սաստկացեալ զօրանայր : Այլ քանզի ոչ էր բաւական այս միայն՝ զի նեղեցեց զնոսա ելանել, դարձաւ ետ զնոսա յողորմութի, զի ևս քան զևս սաստկացեալ զօրասցի Թշնամուծին . զի կապուտ կողոպուտ առնեն զքանչելի գանձսն եգիպտացւոց և ելանեն : Չի Թէպէտ և վասն երկիւղի ոչ ելցեն, սակայն գոնեայ վասն ճրի գանձուցն հարկ լիցի նոցա ելանել : վասն այսորիկ դարձեալ միւսանգամ անդրէն յերկիրն եգիպտացւոց մի մոցեն : Կամ վասն զի սիրէին, զի ըմբռնինեսցեն զօր ինչ առինն . կամ վասն զի երկնչէին, զի մի տուժիցին զօր ինչ բարձին անտի, վիհ մեծ արար անձ 'ի մէջ իսրայէլացւոցն և 'ի մէջ եգիպտացւոցն : Թէպէտ և նոքա զվարձս վաստակոց իւրեանց և զգինս կենաց որդւոց իւրեանց առին և ելին արդարութի, սակայն զայն զօր խնդրեցինն և առին 'ի զարդու՝ գողութի եղև նոցա . և այնորիկ որ ետուն 'ի զարդու, դարձաւ եղև նոցա խաբէութի : Արդայն՝ որ արար զխաբէութիւն, փախչելով փութայր փախչել . և այն՝ որ ծաղրն եղև, սպառնութիւն մերձ էր 'ի բերան նորա :

Բ) Երդ որչափ և փախուստն ժողովրդեանն հեռանայր, սպառնութի եգիպտացւոցն զօրանայր . արդ 'ի մէջ փախստեանն և սպառնութեն արար անձ վիհ 'ի մէջ իսրայէլացւոցն և եգիպտացւոցն, լինել օգնական անապատն անապատուի իւրով, և սոփն խղճիւ իւրով, ծարաւն նեղութի իւրով . մանաւանդ ծոփն պարիսպ տալ տեղի առաջի երեսաց նորա ոչ առնոյր յանձն : Եւ այս ամենայն ոչ եթէ զի մի եկեսցէ եգիպտոս զկնի նոցա, այլ զի նոքա . մի դարձցին անդրէն յեգիպտոս : Բայց իբրև տեսին՝ Թէ ոչ կարեն մարմնք նոցա հատանել անցանել զայս ամենայն պարիսպս ամրացեալս, և դառնալ միւսանգամ յե-

գիպտոս, փոխանակ ընդ մարմնոց նոցա՝ դարձան սիրտք իւրեանց։ Զի գիտակ և խելամուտ էին այսմիկ, զի եթէ դառնային, ծովն այն՝ որ իբրև զբարեկամս գիտաց զնոսա, յանցանել անդ նոցա՝ իբրև զթշկամիս ճանաչէր զնոսա, թէ դառնայցեն։ Արդ իբրև ետես Մովսէս՝ թէ զօրագոյն է զէնն զոր ետ անութին, և կարօղ է բռնութիւն փարաւոնի հնազանդել նովաւ, և խստութիւն խորայելի զի կակղացի նովաբ, դարձաւ նա տեսանել թէ իցէ պատերազ մօղ զօրագոյն քան զնա, զի զգեցցի նա զէնն նորա։

Եւ յայնմիկ՝ զի ասէ «Առաքեա զու յոր ձեռն առաքելոց ես», զի լաւ թուէր Մովսիսի՝ փոխանակ թէ ինքն եղիցի փրկիչ, թէ այնու որ զօրագոյն իցէ քան զնա՝ փրկեսցի ժողովուրդն։ որպէս զի եղիցի փրկուին կատարեալ այնմիկ՝ որ նեղեցաւ նեղութի կատարեալ։ Սակայն անձ՝ ոչ եթէ զօրութիւն զօրաւորաց տուեալ լինի յաղթութիւն նորա, այլ տկարութեամբ տկարաց քարոզի առաքելութիւն նորա։ զի ոչ եթէ պատուական ամանովք արբուցանէ անձ զդեղ կենաց, զի մի թողուցուն ըմպողքն զըմպելն և զարմացին ընդ անօթման։ և ոչ եթէ կշռաւոր մեծամեծ աւրամբք ցուցանէ զփրկութիւն իւր, զի մի թողուցուն զյաղթութիւն և զարմացին ընդ երկարս հասակաց։ Այլ ետ պտուղ կենարար յանարգ արմատոց, զի երկ պատիկ յաշխեսցեն բազմացին փառք նորա, թէ որպիսի մեծութիւն յորպիսւոյ գանձուց, և որպիսի սքանչելի յորպիսւոյ տկարութենէ։ Զի թագաւորաց յորժամ փառաւորեալ լինին հրեշտակք իւրեանց, նոքին իսկ թագաւորքն մեծացեալ բարձրանան նոքօք։ այլ անձն զայն զոր առաքէն՝ կամի մեծացուցանել, և ընդ նմա և ի ձեռն նորա և զայնոսիկ ևս՝ առ որս առաքի նա։

Արդ եթէ տկար ես դու, ո՞վ Մովսէս, ահա տկարութիւնդ քո մեծացուցանէ զքեզ, և զժողովուրդդ քո և զթշկամիսն քո զարմացուցանէ։ զի անձն քո փառաւորեալ գովէ՝ զի դու մեծացեալ բարձրանաս։ Զի կակազոտ ծանրախօսն՝ որ ոչ կարէր խօսել զճշմարտութիւն առաքելի իւրոյ, խօսեցան նշանքն և սքանչելիքն փոխանակ ընդ նորա զփրկութիւնն՝ որ

առաքեցաւ 'ի ձեռն նորա : Եւ իբրեւ լեզուն թոթով
'ի բերան նորա , խօսէր . գաւազանն լուծթ՝ զոր ու-
նէր 'ի ձեռին իւրում . զի յորժամ լեզուն նորա
հատկոտոր էր ձայնիւ , գաւազան նորա մեծ էր . գործ-
ով : զի քան բերանոյ Ահարոնի էր , բայց զգործ
բանին գաւազանն ցուցանէր : Զի յորժամ արուեստ
գիտութի բանիցն պատերազմէր , լեզուն Ահարոնի
պարտաւորէր զնա . և յորժամ թերահաւատութիւն
մարտնչէր , գաւազանն նշանօքն կշտամբէր զնա :

Ապա զնոյն իսկ զգաւազանն յերկրին եգիպտաւ
ցւոց Ահարոն ունէր 'ի ձեռին . որպէս զի եղիցի ու-
րոշեալ մեկնեալ և զատեալ պատիւ փառաց այնու-
րիկ՝ որ զգեցեալ էր զգէնն , քան զայն՝ որ բարձեալ
ունէր զգէնն . զի Ահարոն՝ մարգարէ էր Մովսիսի և
կապարճակիր : Եւ այս են զարմանք սքանչելեաց , զի
ամենայն պատերազմօղք յորժամ զգեցեալ են զգէնս
իւրեանց՝ պատերազմին . բայց Մովսէս յորժամ այլք
բարձեալ ունէին զգէնն նորա՝ մարտնչէր . այլ ոչ
եթէ նա մարտնչէր , այլ զգէնն մարտնչէր ընդ նորա .
որպէս զի յայտնի եղիցի՝ թէ որչափ ինչ պատուական
էր Մովսէս , զի եղբայրն նորա խօսէր ընդ նորա , և
գաւազանն նորա մարտնչէր ընդ նորա : Այն՝ զի ա-
սաց "Առաքեաց յոյր ձեռն առաքելոց ես դու" . և
այսպէս կարծեաց նա՝ թէ արք Տօբօք պիտոյ իցեն նոյ .
ուսոյց նմա՝ թէ և ոչ զայս՝ զոր կարէրս Մովսէս առ-
նել , ետ նմա առնել : Զի ամբառնալն զգաւազանն
իւր և հարկանել , և առնուլ հող և ցանել ընդ եր-
կինս կարօղ էր նա : Թէպէտ և կարօղ էր , և ոչ որովք
կարօղս էր՝ աշխատ ինչ արար զնա . զի յայտ արասցէ
նմա՝ թէ ինքնին իսկ քնարն յանձնէ իւրմէ երգեաց
աղեօք իւրովք փրկութի իսրայելացւոց :

Այլ քանզի և ոչ եթէ ամօթ ինչ էր նմա բառ-
նալ զխորհուրդս տեսուն իւրոյ , յետ ելից նոցա
յերկրէն եգիպտացւոց Ահարոն այլ 'ի գաւազանն
ոչ մերձեցաւ . որպէս զի յայտնի եղիցի՝ թէ 'ի զարդ-
երկուց եղբարցն տուաւ գաւազանն՝ խորհուրդ խա-
չին և փայտին միածնին : Այլ բարձեալ ունէր զնա
Ահարոն յերկրին եգիպտացւոց , զի ծանիցեն եգիպ-
տացիքն՝ թէ որչափ պատուական է Մովսէս քան զԱ-

Հարոն : Բայց բարձեալ ունէր զնա Մովսէս յանապատի անդ, զի գիտասցէ Խորայէ՛լ թէ որչափ պատուական է որդի քան զծառայ : Զի եթէ Ահարոն յերկրին եգիպտացւոց իբրեւ հրամանաւ Մովսէսի զնայր՝ մեծացեալ բարձրանայր նշանօքն զոր առնէր, որչափ ևս առաւել բարձրացեալ մեծանայր Մովսէս, զի զնշան որդւոյ բարձեալ ունէր : Արդ ոչ հար Մովսէս նովաւ զգետն փոքր յերկրին եգիպտացւոց, զի հանդերձեալ էր նա հարկանել նովաւ զծոմն մեծ . և ոչ համբարձ զնա 'ի վերայ Զոնդաց և Զոփորովից, զի հանդերձեալ էր նա համբառնալ զնա 'ի վերայ վիմին, զի բղիւսցէ գետս :

Արդ տես դու, զի անձ միով յայսցանէ՝ զոր և խօսեցաւ Մովսէս, ոչ բարկացաւ . բայց յայնմիկ զի առաց՝ բայ “Առաքեաց յոր ձեռն առաքելոցն ես” . զի զգորութիւն զոր ընտրեաց Մովսէս, տկարութիւն զայ ցուցանէր : Զի եթէ հզօրօք կարօղ է անձ փրկել, ո՞վ Մովսէս, դու զիարդ տեսեր զմորենին տրկար, զի ոչ այրէր 'ի սուրբ հրոյ անտի : Այլ այն՝ որ ետ մորենւոյն զի մի փնասիցի 'ի հրոյ անտի, մեծաւցի և փառաւորեացի քան զամենայն ծառս փառաւորեալս, նա ետ և քեզ, զի այսու առաքինուութեամբ մեծասցիս և փառաւորեացիս քան զամենայն պնդակազմ հզօրս : Եւ ընդէր բարկացաւ 'ի վերայ նորա անձ : Այլ մինչև առաքեալ էր այ զծանրախօսն վասն փրկութե, ետ նմա օրինակ 'ի լուռ մորենին, զի ոչ փնասեալ լինէր նա 'ի խօսուն հրոյ անտի : Զի զոր օրինակ հաղորդեղև մորենին ըստ սիրոյ հրոյն՝ զի արար զնա հաղորդ զօրութիւն իւրում, սոյնպէս հաղորդեաց զնա ընդ ինքն աստուածութիւն 'ի մէջ մորենւոյն զայն՝ զոր ասաց արտաքոյ քան ըզմորենին . “Առաքեաց յոր ձեռն առաքելոցն ես” : Եւ այս յետ բազում նշանացն՝ զոր ցոյց նմա, ասաց “Առաքեա յոր ձեռն առաքելոցն ես” : Արդ յայտարար նմա, զի ոչ եթէ նովաւ ինչ կարօտեալ էր անձ, այլ զի ինքն Մովսէս մեծասցի, և եղիցի նա անձ՝ այն որ բնութիւն իւրով ոչ էր անձ . այս է անձ մեր՝ որ նեղէ սիրուն իւրով զմահկանացուս, զի եղիցին անձք :

Չար թուեցաւ նմա վասն Մովսիսի, զի ոչ կամեցաւ իջնիել լինել անձի վերայ Փարաւոնի. և ոչ վասն Մովսէսի բարեկամի միայն, այլ և վասն Փարաւոնի թշնամւոյ. զի ի տեսանելն Փարաւոնի թէ որ պիտի պանչելիս կարօղ են հաւատք գործել, հաւատասցէ նա՝ թէ կարօղ է ողորմուի բարերարին քաւել և արդարացուցանել զբազում չարին նորա: Բայց Մովսէս պաշտելով պաշտէր, այլ խորայել պաշտելով պաշտեցաւ. զի ի կարծել մեծամեծացն՝ թէ պատուականք իցեն, ծանիցեն և գիտասցեն կրտսերքն¹, թէ ինքեանք են պատուականք, այս է Մովսէս՝ ճշրագ օրինակ Լուսաւորին մերոյ՝ որ պաշտեաց յերկրին եգիպտացւոց զխաւարեալ տեղին. զի յայտ աւրասցէ վասն լուսոյն՝ որ հալածեաց զխաւարն մեր ի մէնջ. այս է Մովսէս՝ որ բանիւ առանց աշխատուեմեծամեծ պանչելիս որպէս զան առնէր, այն որ յառաջագոյն զփոքր նշանս առանց աշխատուեմ առնել ոչ կարէր: Զի իշխանութի ունէր ձայն բարբառոյ իւրոյ լուծանել զառաջին նշանն, զի անցցեն. և կուէր զվերջին նշանն, զի եկեսցեն: Զի զառաջինն ողորմութի սահմանէր վասն խստանալոյն Փարաւոնի, և զվերջինն արդարութի անէր վասն զրկելոյն Փարաւոնի:

Այլ այս՝ որ յաղթեաց ամենայն եգիպտացւոց, յաղթահարեցաւ նա վասն թերահաւատութե² իւրոյ ի վերայ ծովուն: Այլ ստոյգն իբրեւ ետես զԱւտուածն Փարաւոնի՝ թէ երկեաւ նա յերեսաց Փարաւոնի, յանդիմանեաց զնա՝ թէ այլ ի մարդկանէ երկնչել չէր արժան: Զի, ասէ, անկեալ կաս դու հզօրդ առաջի տկարի. արի և արի ամա ի ծով զգա և զամենայն զօրս դորա, զի ծանիցէ եթէ որչափ յոյժ բազում է զօրութի գաւազանին քան զզօրութի մարդոյն: Արդ համբարձ դու զձեռն քո ի վերայ ծովուդ իբրեւ զան և Խկ արդ դու երբ համբարձեր զձեռն քո ի վերայ արարածոց, և ոչ տագնապեալ փութացան յերեսաց զինուդ՝ որ ի ձեռին քո: Զի գրեցաւ նմին Փարաւոնի անուն այ տասն

1 Եօրինակին կրտսերն:

2 Եօրինակին Թերահաւատութեան:

Հարուածովքն , որպէս և տաճն նշանօքն , զի նորօք կոչեսցէ և ծանիցէ զայն՝ զոր ոչն ճանաչէր : Խրատեաց զնա Մովսէս իբրև զվարդապետ մի. քաջ . և զի ոչ կամեցաւ ընդունել զվարդապետութիւն Մովսիսի , առ ընկալաւ զնա ծոփն , և խրատեաց զնա՝ ի մէջ ալեաց իւրոց : «Փախիցուք , ասեն , յերեսաց իւրայելացւոցն , զի տէր ինքնին ետ պատերազմ՝ ընդ զօրսն եգիպտացւոց » : Արդ տես դու , զի այն ինչ որ եղև յերկիրն եգիպտացւոց , անդէն յեգիպտոս ոչ ծանեան , մինչև եկին ուսան զայն՝ ի մէջ ծովուն : Բայց հերբայեցի ասէ . «Փախիցուք յերեսաց իւրայելացւոց , զի այս այն տէր է՝ որ արար մարտ պատերազմի փոխանակ նոցա յերկիրն եգիպտացւոց » : Արդ ՚ի սպանանել և արու մանկանցն՝ որդիքն Խրայելի ոչ սպառեցան , և Մովսէս ոչ սպանաւ : Սոյնպէս և ՚ի Բրիստոսին ոչ եսպան զարու մանկունսն , զի էգ մանկունքն եղիցին ստացուածք նորա . և ոչ գիտէր եթէ ՚ի նոտա ծածկեալ էին պնդակազմ՝ նահատակքն , որ հարին վանեցին զնա . զի թեպէտ և զպտուղն ապականէր նա , սակայն ակամայ կամօք պահպան լինէր արմատոցն նորա . և ստուգութիւն համբարձաւ վրէժ ինդրել ՚ի նոցանէ : Եւ ՚ի ժամ առաւօտու , զի ՚ի նմա թագաւորէ լոյս՝ և գործք նորա ՚ի վերայ խաւարի , զգայն ժպրհութիւն իւր եթող զնա , և դաւազանաւն՝ խաղաղութե եղև կործանումն նորա . և զժանիսն նորա զջարչարիչս խըզեաց ընկէց ստուգութիւն , և ՚ի խզելն նոցա ճաշակեցոյց նմա զջարչարանսն , զի ամենայնի ճաշակեցուցանէր նա զջարչարանսն : Ոչ մնաց մնացորդ յազգէ նորա , և ոչ ապրեալ զերծեալ ՚ի տոհմն նորա . ՚ի վերայ ամենայնի ամբարտաւանեաց նա մեղանչել , և առ յամենեցունց ելանէր հեծութիւն վանն նորա . վանն այսորիկ յամենայն տեղիս արկ կործանեաց զնա աջն : Ուրախ եղեն թելակալք ընդ լիութիւն , և խոռտովան եղեն հովիւք ընդ կերակրութիւն . և ՚ի գիպել այսր ամենայնի , հաւատք ՚ի հովուաց անտի ոչ գտան զրկեալ . փոխանակ զի խորհեցաւ նա հինգ

չարչարանս 'ի վերայ ժողովրդեանն, մինչև եկն եհաս 'ի վերայ տամնահարուածեան ցասումնն . և ընդ միոյ երկու հատուցաւ նմա : Եւ որդիք ազգի ժողովրդեան իւրոյ , զի զլացան զրկեցին զվարձս աղիւսարկին , թօթափեցան 'ի դանձից իւրեանց . կամ զի մի դարձցին նոքա անդրէն յերկիրն եգիպտացւոց , զօրացոյց զնոսա կապուտ կողոպուտ առնել զստացուածս նոցա . կամ զի հանդերձեալ էր հանել առնուլ 'ի նոցանէ զկեանս նոցա , հան առ նախ յառաջագոյն զստացուածս նոցա : Ապրեալք 'ի Զուրց անտի ընկղմեցին զեգիպտոս՝ որ ընկղմէր զտղայսն . և զերծեալքն յառեւծուց անտի , սպանին զՆաբուգոդոնոսոր առեւծ :

Յետ երկերիւր հինգետասան ամի ելին նոքա յերկրէն եգիպտացւոց : Իսկ արդ ուր է այն՝ զի ասէ չորեքհարիւր . այս ինքն յօրէ անտի՝ յորմէ հետէ աւացաւ բանն . ասէ “Պանդուխտք եղիցին” , “Նա և եղեն իսկ նոքա . իբրև զայն՝ զի ասէ “Եին նոքա 'ի թիւ սակաւք նուազք և պանդուխտք 'ի նմա” , Եւ զերեսուն ամն աւելի զոր ասաց Առաքեալ , զի 'ի Ժաւմանակի իբրև կատարեցան չորեքհարիւր ամն՝ առաքեցաւ Մովսէս փրկել զնոսա : Եւ իբրև ետ նա զնշան փրկութեն խրայելի , և զօրինակ ընկղմելոյն եգիպտացւոց՝ որպէս և Ստեփաննոս ինքնին վկայեաց , ոչ ընկալան , ասէ , զառաքելութի նորա , և հալածեցին զնա . վասն այսորիկ յամեցին նոքա անդէն զայն զերեսուն ամ :

Եւ առաջնորդեաց ան խրայելի ընդ անապատ կողմն , զի մի նեղեցեց տրտմեցուցեց զհեթանոսս յանցանելն նոցա ընդ աշխարհ նոցա . և նոքա ոչ ուղղեցին զսիրտս իւրեանց 'ի գործ պաշտաման նորա : “Իբրև ետես , ասէ , խրայել զձեռն բարձր և զբազուկ հզօր՝ զոր արար 'ի վերայ նորա , և զիստակեցան եգիպտացիքն , յայնժամ հաւատացին 'ի տէր և 'ի Մովսէս ծառայ նորա” , “Յայնմ ժամանակի , ասէ , Մովսէս և որդիքն խրայելի օրհնեցին զԱստուած զօրհնութիւնս զայս , և մատեան յասել” , “Զի 'ի ժամանակի իբրև զօրացան խորհուրդք նոցա , և իբրև 'ի կաթ մի 'ի Հոգւոյն սրբոյ հա-

ղորդեցան նոքա, խոստովան եղեն և ասեն. «Ո՛վ է իբրև զքեզ տէր», . այլովք հանդերձ. այս ինքն ընդդէմ Փարաւոնի՝ զի ասաց, ասէ «Ոչ գիտեմ զտէր», : Ի նախատել իւրեանց զնա, ասեն. «Սա է իմ ամ, և փառաւոր արարից զսա», : Փոխանակ այնր՝ զի ասէ «Աճցես զնոսա և տնկեսցես զնոսա՝ ի լեառն ժառանգութե քո, ի պատրաստութիւն բնակութե քո. արարեր դու, տէր, զսրբուի քո. տէր պատրաստեաց զնա ձեռօք իւրովք», : Հերբայեցի ասէ. «Տարցես զնա, և տնկեսցես զնոսա՝ ի լեառն ժառանգութե քո և ի տեղի պատրաստութե, զոր պատրաստեցեր, տէր, սրբութիւն. զոր պատրաստեցին ձեռք քո», :

ԳԼՈՒԽ Դ

«Եւ եկն, ասէ, Խարայէլ՝ ի Մառաթ. և սկսան տրանջել», : Եւ զի յայտ արասցէ՝ զի ոչ եթէ վասն ջուրց տրտմեցան նոքա, այլ զի հեռացան նոքա յերկրէ անտի եգիպտացւոց. և զի մի գտցի նոցա պատճառք ասել. զի ոչ գիտէաք մեք զօրէնս, «Գրեաց, ասէ, անդ. ետ նմա զիրաւունս և զդատաստանս», : Զինչ են. «Եթէ լսելով լուիջիք, ասէ, ձայնի տեառն այձերոյ, զամենայն ախտս չարչարանաց հարուածոցն զոր ամի ի վերայ եգիպտացւոցն, զայն ոչ ամից ի վերայ քո», :

Եւ իբրև եկին դարձեալ յեգիպտոս ի տեղին ցանկալի, յայտնի եղեն խորհուրդք նոցա և ասեն. «Ուրեմն լաւ էր մեզ եթէ մեռեալ էաք անդէն յերկրին եգիպտացւոց, զի ուտէաք անդ և յագէաք», : Եւ զի ցուցին նոքա կարծիս՝ թէ վասն քաղցոյ իւրեանց տրանջեցին, ոչ արգել զխնդրուածսնոցա. և ոչ որպէս խնդրեցինս միայն, այլ առանց աշխատութե՝ յերկնից տեղեաց նոցա, զի պատճառք ինչ մի գտցի նոցա : Սակայն նոքա ոչ համբերեին խնդրել որպէս և կարօտեալք, այլ որպէս և փորձիչք. զի եթէ ոչ տացէ նոցա զխնդրուածսնոցա, ոչ արասցեն զինչ և պատուիրեացնոցա : Սակայն և ոչ այսպէս պահեցին նոքա զուխտն նորա. զի նա զհաց հրեշտակաց ետ նոցա,

և նոքա զխորհուրդս մարմնաւորս ստացան : Փոխանակ այնր՝ զի ասէ “Ընդ ցածնուլ ցօղոյն” : Հերբայեցի, “Ամպ ցօղոյ” : Եւ փոխանակ այնր՝ զի ասէ “Համ իւր քաղցր էր իբրեւ զխորիսխ մեղու” : Հերբայեցի, “Համ իւր իբրեւ կնճիթ ՚ի մեղր” :

Եւ զի չափով առին նոքա հրաման, զի կարճեսցին յորկորստութիւն անտի, և եղիցին նոքա ՚ի ներքոյ պատուիրանին . և զի ոչ յաւելլաւ որ շատն քաղեաց, զի ընթացաւ նա որկորստութիւն յաւելի անսր . և որ սակաւն ժողովեաց՝ ոչ պակասեաց, զի կաց նա ՚ի պատուէր հրամանին և չափով ժողովեաց : Զի նեխեցաւ զոր թողին, զի խնդրեցին և առին . հրամայեցաւ նոցա և ոչ պահեցին : Եւ զի ծանիցես թէ այս այսպէս է, ահա աւանիկ հանդերձն նոցա որ բնութիւն իւրով մաշելոց էր, ոչ մաշեցաւ . և մանանայն զի ոչ մեղանչէր, ապականեցաւ . զի պահեցի խորհուրդն, և յայտնի լիցի առակն օրինակի : “Մի որ, ասէ, ՚ի ձէնջ եթէ ՚ի վաղիւ որ թողուցու յայնմանէ” : Այն իսկ է զի ասէ . “Մի հոգաք վաճառականս” : Ոչ ինչ յաւելլու՝ որ շատն ժողովեաց . և ոչ ինչ պակասեաց՝ որ սակաւն ժողովեաց : Խորհուրդ մարմնոյն տեսաւ մերոյ . զի եթէ շատ դք առնուցու և եթէ սակաւ, մի պարգևս առնուն : Բայց գոյ և նմա և առակ օրինակի տկար բնութեն մերոյ . զի այն՝ որ շատն ժողովէ, ոչ ինչ երթայ ընդ նմա . սակայն և այն՝ որ սակաւն ժողովեաց, ոչ ինչ պակասեաց . զի նեղութիւնք նորա աստէն ընդ մարմնս մնան, և կարօտութիւնք նորա աստէն յաշխարհի թողեալ լինին : Եւ զի ասէ “Որ ինչ մնայ ՚ի ձէնջ առ վաղիւ, ոյժ պահեցիք” : Հերբայեցի ասէ . “Զոր ինչ պատրաստէք դուք՝ պատրաստեցէք մինչև յառաւօտ” :

“Եւ մի երանէք դուք, ասէ, յառաւօտ եւ թնեւորդի . և ոչ անսացին” : Զի եթէ մինչ դեռ զգործն տեսանէին՝ երկմտեալ բաժանէին, եթէ զհանդերձեալն խոստացեալ էր նոցա՝ զիմրդ լսէին նոքա : Եւ այս ոչ եթէ մոլորութեւ նոցա էր, այլ ապստամբութեւ նոցա է : Եւ զոր օրինակ զնոսա բռնութիւն հանգոյց ՚ի քաղեւոյ անտի մանանային, այսպէս բռնութիւն նեղեաց զնոսա, զի հանգուսցեն զծառայս իւրեանց . զի այն

ազահուլթի՝ որ գնոսա նեղեաց զի աշխատեսցին, նոյն ազահուլթի դարձեալ նեղէր գնոսա աշխատ առնել զծառայան իւրեանց: Զի առին նոքա հրաման զի մի թողուցուն, և թողին. և զի մի ելցեն յաւուրն եւթ ներորդի քաղել, և ոչ անսացին. վասն այսորիկ զբազումն սակաւացոյց 'ի չափ անդր, և զաւելին զազրացոյց յեռալ որդանն, և զեւթներորդն ժամանեաց պատուիրանաւ:

Եւ զայս զոր արար՝ զի եղիցին նոքա 'ի ներքոյ լծոյ, և ամենայնիւ 'ի լծոյ անտի ապստամբէին. մինչև ցանկացան և խոնարհ եղեն, և նուաղեցին և մտին 'ի փորձանս: Եւ ոչ առին 'ի միտ, զի անցին նոքա ընդ ծոփն առանց նաւաց, և ընդ անդունդս առանց կարկուրէից. և կապեցան ջուրքն զօրութիւն, և կացին իբրեւ պարիսպ զհրամանաւ. և գործեցաւ խորհուրդ 'ի մէջ ջուրցն, և ամենայն նշմարանք և կերպարանք իբրեւ ճշմարտութիւն երեւեցաւ նոցա: Եւ եղև յոյս ապաստանի իւրեանց 'ի տաճարն քարեղէն, և փրկութիւն նոցա 'ի դառն մեղի. և սրբութիւն նոցա յորոշել կերակրոցն, հանդիստ նոցա 'ի բազում արմտիս, զարդ նոցա 'ի գոյնագոյն հանդերձս, մեծութիւն նոցա 'ի ստացուածս անամնոց, պարծանք նոցա յաղթութիւն սրոյն՝ կոտորել զընկերս իւրեանց: Այլ իմաստունք նոցա որոշեցին մեկնեցին զնշմարանս՝ որ առաջի երեսաց իւրեանց. և 'ի միտ առին զառակս օրինակաց մարգարէից, և զխորհուրդս զոր դրոշմեաց հոգին սուրբ վասն դալստեանն Բրիստոսի: Զի թէպէտ և յառակս օրինակաց կային նոքա, սակայն ճշմարտութեանն որ հանդերձեալ էր յայտնել, ակն ունէին: Բայց բազումք 'ի նոցանէ այսպէս կարծէին՝ թէ Մովսէս 'ի կամս իւր առաջնորդէ նոցա. և վկայեաց այն՝ զի ասէ «Կոչեաց զանուն տեղոյն այնորիկ փորձութիւնք և տանջանք. եթէ իցէ, ասեն, անձ ընդ մեզ թէ ոչ»: Վասն այսորիկ գրգռեցաւ ել 'ի վերայ նոցա Ամաղէկ, զի անկցի 'ի վերայ նոցա ահ և երկիւղ հեթանոսաց, և զի եղիցին դառնալ առ Մովսէս 'ի տեսանելն իւրեանց զի 'ի ձեռն նորա փրկեալ լինէին յամենայն փորձութենէ, և նա է փրկանք կենաց նոցա, իբրեւ նոքա կամէին սպանանել զնա:

«Յայնմ ժամանակի, ասէ, յարեալ ժողովեաց պատրաստեաց Ամաղէկ դալ տալ պատերազմ ընդ որդիսն Խարայէլի», : Վասն այսորիկ Ամաղէկ սկիզբն հեթանոսաց . այս ինքն զի նա յառաջագոյն արար ընդ նոսա մարտ պատերազմի : Արդ որովհետեւ եղև նա սկիզբն, սատակելով սատակեսցի, կատարած նորա յաւիտեանս ժամանակաց : Սոյնպէս և Համան որդի նորա պահեաց զոխս, և նեղեաց զժողովուրդն վասն Մուրթբէի . իբրև զի զԵսաւ նորա ոչ էր տեսեալ՝ այն որ պահեաց զոխս յաւիտենից, իբրև զնա ոչ էր տեսեալ քո, զմիտս նորա ով ուսոյց զքեզ : Արդ կամեցաւ Ամաղէկ խափանել զօրհնութիւնսն Սահակայ, քանզի երկուցեալ զարհուրեալ էր նա՝ ի բանէ անտի յայնմանէ՝ որ ասացաւն խաւայ . ասէ «Եղբօր քում ծառայեսցես», . քանզի Ամաղէկ հարձորդի էր Եղի փազու որդւոյ խաւայ : Եւ զի հնազանդեցոյց Սահակ զԵսաւ ի ներքոյ ձեռին Յակովբու փոխանակ կանանցն զոր առ նա, որ դառնացուցանէին զորդս հարցն նորա, և նոքա էին դատերք Բանանու, այն որ անիծաւ ի Նոյէ . և զի կամեցաւ Ամաղէկ խափանել զանէծան Նոյի և զօրհնութիւնսն Սահակայ, և աւնեւ մարտ պատերազմի ընդ որդիսն Յակովբու . վասն այսորիկ արդարութիւն գրեաց ի վերայ նորա զպատիւ ժրս պատուհասից, զի ջնջեսցի յիշատակ Ամաղէկի ի ձեռն որդւոցն Հռաքելայ : Նախ Յիշով որդի Նաւեայ յազգէ անտի Յովսէփու, և ապա Սաւուդ բեւիաւմնեանց . և զմնացորդսն որ մնացեալ էր նորա, բարձաւ ի ձեռն Աղթերայ և Մուրթբէի :

«Եւ շինեաց, ասէ, անդ սեղան, և կոչեաց զանուն նորա՝ Տէր փորձեաց», . զի փորձեցին անդ հեթանոսք և որդիքն Խարայէլի . այնոքիկ, զի թէ պատերազմ տացեն՝ սատակեսցին . և այսոքիկ, եթէ հաւատասցեն՝ յաղթեսցեն . ցոյց երկոցունց կողմանց՝ եթէ օգնութիւն այլուստ ելանէ նոցա, այս ինքն ի ձեռաց Մովսիսի : «Արդ ահա, ասէ, ձեռն ի վերայ աթոռոյն», . այս ինքն ձեռն տեառն ի վերայ աթոռոյն՝ յորոյ վերայ նստէր Մովսէս, զի եղիցի պատերազմ տեառն ընդ Ամաղէկ : Քանզի պատերազմ առաջին էր, շինեաց սեղան ի վկայութիւն Խարայէլի

և հեթանոսաց, զի մի ժպրհեցցին և համարձակեցցին առ զօրութի՛ որ զօրագոյն և բռնագոյն է քան զնոսա . թէպէտ և տեսին նոքա թէ՛ ի ձեռս Մովսիսի կախեալ կայ օգնութի՛ նոցա և փասս նոցա, սակայն ոչ խնդրեցին ձեռն : Ասէ տուր ձեռն քաղաքաց, նախ զորս պաշարես դու :

Երդ շինեաց սեղան, սեղան ՚ի տեսիլ : “Գրեա դու, ասէ, և ՚ի մատեանս յիշատակաց . և զհամբաւն լուիցեն ամենայն հեթանոսք՝ թէ ջնջելով ջնջ ջնմ ես զյիշատակ նորա” . զի թէ թերեւ կամ նոքա երկիցեն, կամ սոքա ապաշխարեցեն, և դարձուցէ ՚ի նոցանէն . իբրև զայն՝ զի ասէ “Տարաւ մայծ զգաւ բաւոնացիս և զմովաբացիս” : Եւ զի ասէ դարձեալ “Գրեա ՚ի մատեանս յիշատակաց” . զի հեռագոյն էր վրէժն հատուցման . և ձեռն ՚ի վերայ աթոռոյ, շարժումն և խուլութի՛ աթոռոյ թագաւորութե նորա, զի մի տացէ նմա թոյլ դադարել՝ մինչև խնդրեցցի ՚ի նմանէ վրէժն հատուցման : Արդ հար սատակեաց զԱմսդէկ, զի ոչ ողորմեցաւ ՚ի վերայ նոցա . զի յանողորմութե՛ անտի նորա ուսցին նոքա զյորդութի՛ սիրոյ՝ որ առ միմեանս :

Երդ տուր իրաւ, ով որ պատուհասեսդ, և լեր միջնորդ արդար ՚ի մէջ խրատչին և ՚ի մէջ յանցաւորաց . միթէ արժան ինչ էր Սեհոնի և Ովգայ՝ յետ ծովուն բաժանելոյ, և յետ ընկղմելոյն Փարաւոնի գալ և առնել մարտ պատերազմի ընդ զօրս՝ որոյ պայսիսի առաքինութիւնք գործեցան : Նա և օրէն ինչ էր՝ յետ բաժանելոյն Յորդանան գետոյ, և կործանման պարսպացն յերիքով քաղաքի, ժպրհել համարձակել քանանացւոցն գալ և առնել մարտ պատերազմի ընդ ձեռին այնմիկ՝ որ ՚ի վերայ ամենայնի իշխանն էր : Պարտ ինչ էր դարձեալ՝ յետ նշանացն այնոցիկ, որ եղեն յերկրին եգիպտացւոց, և սքանչելեացն այնոցիկ՝ որ եղեն յանապատի անդ, փոխանակել խարայէլի ընդ որթուն զտէրն նշանաց և զարարին սքանչելեաց : Եւ պատշաճ ինչ էր դարձեալ և մեզ՝ զի ՚ի լսեն մեր զվրէժ հատուցման չարաց, և զգաուն տանջանս՝ որ եկին հասին ՚ի վերաց մեղաւորաց, մեղս ՚ի վերայ մեղաց յաւելու :

ԳԼՈՒԽ Ե

«Եւ եկին ելին, ասէ, յանապատ'ի Սինէ. և խօսեցաւ տէր ընդ Մովսիսի'ի մառախուղ ամպոյ անտի», զի երկիցեն այնոքիկ՝ որոց խաւարեալ են սիրտք իւրեանց, իբրեւ ինքն Մովսէս լուսաւոր ամպոյն տեսառն մերոյ արժանի եղև։ Բայց 'ի Հերբայեցի՝ մրրիկ ամպոյ գրեալ է փոխանակ մառախոյ : Փոխանակ այնր՝ զի ասէ «Վկայեա զգուշացո ժողովրդեանն, զի մի Հեռացին Հայել մերձենալ»։ Հերբայեցի, «Գուցէ ժողովին Հայել մերձենալ»։

«Եւ եմ տէր անձ թո՛ր Հանի զքեզ, ասէ, յերկրէն եգիպտացոց. մի արասցես դու քեզ այլ աստուածս բայց յինէն, զի ես եմ տէր անձ թո՛ր. անախանձոտ եմ, Հատուցանեմ զմեղս Հարցն յորդիս մինչև յերիս և 'ի չորս դարս»։ Հերբայեցի 'Խնդրէ զվրէժ մեղաց»։ Իբրեւ զայն զԱմովսայն՝ զի ասէ «Զի 'ի չորս չորս անսրէնու թիւնոցա, և առնէ զողորմուի 'ի Հազար դար»։ զի յիշէր նա զսէր արդարոց իւրոց, և քաւէր զմեղս որդւոց նոցա։ «Մի սպանաներ. մի գողանար. մի սուտ վկայութի վկայեր 'ի վերայ ընկերի թո՛ր»։ Եւ այս սերմանեալ լի են 'ի սիրտս մարդկան 'ի սկզբանէ յաւիտենից, և սոքօք առաւելան Հարքն արդարք։ Բայց եղև 'ի սոսա փոփոխումն իբրեւ սքանչելեօք յօգտութի ըստ կամացնայ. զի յայսմիկ յայտ արասցէ վասն լուծանելոյ օրինացնայ. զի գրեալ է, ասէ «Մի չնար»։ և դարձեալ ասացաւ մարգարէին. ասէ «Գնա. և առ դու քեզ կին մի պոռնիկ և շուն»։ զի այսուիկ զարմասցին, զի 'ի Հարցանեմն իւրեանց զնա՝ յանդիմանեացէ զնոսա պոռնկութիւն իւրեանց, որ պոռնկեցան և ելին այն : Վասն այսորիկ եղեն նմա մարգարէքն 'ի նշան, այլ ոչ պղծեցաւ մարգարէն, զի Հրամանաւ այ գործեաց. յայնժամ պղծեալ լինէր նա՝ թէ ոչ էր առեալ զկինն, զի զպատուէր Հրամանին այ անգոսնէր : Եւ դարձեալ ասէ «Մի գողանար»։ և Մովսէս, և որ ընդ նմա էին՝ զեգիպտացիմս կապուտ կռ

դուպլուտ արարին . և քանզի պատուէր հրամանի նշէր , ոչ եպերեցան . թէպէտ և եգիպտացիքն տրրու մեցան , և գող համարեցան զնոսա , որպէս և համարեցաւ մարգարէն պողնիկ՝ իբրեւ նշ իւրոյ սուրբ էր նա : Եւ դարձեալ ասէ “Մի ստեր” . և Մովսէս ստեաց , և ոչ պատուհասեցաւ . ասէ “Երեքօրեայ մի գնաց ճանապարհ երթիցուք , և եկեսցուք” . և Հմուէլ դարձեալ դոյնպէս գործեաց պատուիրանաւ յերթալն իւրում օծանել զԴաւիթ , և յասել անդ “Պատարագ մատուցանել տեառն եկի ես” : Ասէ “Մի սպանաներ” . և Մովսէս նախ սպան զեգիպտացին . և զի ոչ կամեցաւ սպանանել Հաւուդ զԱբադ , անարգեցաւ յարքայութենէ իւրմէ . և Հմուէլ՝ զի պատառեաց զնա , առաքինացաւ . և Ախաբ՝ զի ոչ հար սատակեաց զԲարհադադ , ինքն սատակեցաւ . և Եղիա՝ զի կոտորեաց նախանձու իւրով զպաշտօնեայն Բահադու , արդարացաւ և ընդ երկինս վերացաւ . և Դաւիթ բազում արիւն եհեղ , և ոչ համարեցան նմա մեղք : Եւ եթէ ոք ասիցէ . ահա արգելաւ նա , զի մի շինիցէ զտաճարն վամն արեանն , զի եհեղ : Իսկ ընդէր զամենայն թագաւորս արդարս նմա համեմատէ , և Զորաբաբէլ ՚ի նա անուանէ , և յիշատակ անուան նորա փրկեաց զքաղաքն և զթագաւորն . թէպէտ կարի յոյժ արդար էր Եզեկիա : Բայց այն՝ զի արգել զնա՝ զի մի շինեսցէ զտունն , զայս յայտ առնէ . յոյժ աշխատեցար դու , ասէ , ՚ի մարտ պատերազմաց . մի յաւելուր դու այլ աշխատութիւն քեզ : Եւ զի մի տրտմեսցի նա , ուրախ աւար զնա յայնմիկ՝ զի ասէ . “Որդի քո , ասէ , որ ելանէ յերանայ քոց , նա շինեսցէ” : Եւ այս ոչ եթէ պատուհասից ինչ է , այլ պատուոյ և փառաց . զի ահա աւանիկ Սողոմոն՝ որ շինեաց զտաճարն , զկուռս պաշտեաց :

Եւ զայս՝ զի ասացաք , զի յայտ արասցուք՝ զի ոչ երբէք պահեցան օրէնք՝ որ ՚ի գիրս էին : Այլ ոչ երբէք լուծանելով ինչ լուծաւ ստուգութիւն . այլ իշխանութիւն Աստուծոյ երևեցաւ պէսպէս սքանչելեօք , որպէս կատարեցին Ճմարտութիւն արարածոց . թէպէտ և փոփոխեցան նոքա ՚ի ձեռն Մովսիսի ,

առ ժամանակ մի վասն Փարաւոնի : Բաժանեցաւ ծով, պատառեցաւ վէմ, և հան զլորամարդին, և իջոյց զմանանայն : Եւ յաւուրս Յիշովայ բաժանեցաւ գետ, և արգելաւ կաց արեգակն և լուսին : Եւ յաւուրս Եգիպտոս դարձաւ յետս արեգակն : և ոչ եթէ հանապազ լինին, այլ յօգտութիւն եղեն յորժամ եղեն, և բնութիւն նոցա չէ անցեալ : Եւ ստուգութիւն թէպէտ և փոխեցաւ առ ժամանակ մի 'ի ձեռն արդարոց իւրոց վասն օգտութե, սակայն հաստատուն կայ 'ի ճշմարտութե իւրում, զի ոչ փոփոխի : և նովաւ արդարացան առաջինքն : և յայտնի եղև լուծումն օրինացն յայլակերպս լինելոյն նորա 'ի ժամանակի իւրում : և նովաւ առաքինանան ամենեքեան 'ի հեռանալն իւրեանց 'ի պահպանութեց անտի օրինաց, այն՝ որ երբէք ոչ կատարեցան, և 'ի ստուգութենէ սրտից իւրեանց արդարացան :

Իսկ ընդէր պատուիրանքն՝ որ գրեալ էին 'ի տախտական, մի շնար ասեն, և ոչ ասեն մի պոռնկիր : Այլ քանզի ժողովրդեանն Խրայելի պատուիրեցաւ պատուէրն այն՝ զի ասացաւ 'ի միւսում պատուիրանի : ասէ «Պոռնիկ 'ի դստերս Խրայելի մի եղիցին», որպէս ժողովուրդ մի՝ որ արգելեալ կարճեալ իցէ 'ի պոռնկութե, պատուէրն որ վասն պոռնկութենէ եր և վասն չնութեցն՝ որ լինելոց եր յերկրի նոցա, 'ի կանայս նոցա և 'ի դստերս նոցա, նովաւ ուսոյց և պատուիրեաց նոցա : Եւ երկու՝ զի մի անուանեսցէ և անուանելով բնաւ ամենեւին պոռնկուի 'ի մէջ նոցա : զի գոն իրը յորժամ պարսաւէ զնոսա բանիւք իւրովք, յիշեցուցիչ լինի նոցա, և յիշատակք նոցա ոչ ինչ բարի գործ գործեն 'ի միտս լսողի : զի չէր ինչ մարթամենայն լսողաց պնդակազմ լինել մտօք խորհրդովք իւրեանց : Եւ խորհուրդք՝ յորժամ գտանին լուծութի յայնմ ժամու, վասն լուծութեան իւրոյ խառնեալ լինի ընդ նմանոյն, իսկ յիշատակն խտրողութե լով իւրով : և իբրեւ տնկեալ լինի նա՝ 'ի նմա, հարկ է զի և պտուղ ևս նորա երևեսցի 'ի նմա :

Վասն շաբաթու :

“Յիշեալիր դու, ասէ, զօրն շաբաթուց սրբել և փափուկ ունել զնա . զվեց օր զգործ զամենայն զքո գործեալիր . և օրն եւթներորդ՝ շաբաթ փափուկ տեսուն այ քո . մի գործեսցես դու 'ի նմա զամենայն զգործ քո” : Վասն էր . “Զի 'ի նմա հանգեալ, ասէ, անձ յամենայն գործոց իւրոց” : Եւ ուր է այն՝ զի ասէ “Ոչ տառապի և ոչ աշխատի և ոչ վաստակէ” : Եւ այն՝ զի ասէ հանգեալ, այն իսկ է՝ զի կատարեաց զարարածս . և զի յիշեցուցէ թէ անձ է հաստիւ և արարիւ ամենայնի : Բայց պատուիրանս այս զարուծի նոցա յայտ առնէ, և վասն անողորմ կապեալ զթուութեան նոցա՝ որ էր առ անասունն իւրեանց : “Զի հանգիցէ, ասէ, ծառայն քո և աղախինն քո” : այլովքն հանդերձ : Արդ ասաց՝ բայ հանգեալ, զի մեք հանգուցուք . իբրեւ զայն՝ զի ասէ . “Զղջացայ զի արարի զմարդ 'ի վերայ երկրի” : զի յայտ արասցէ թէ նա է արարիւ նորա . և զի մեք 'ի միտս մեր զղջացեալ վշտասցուք, թէ անձ զղջացաւ վասն մեր :

Արդ շաբաթու մեկնութիւնն որպէս հանգիստ է : Եւ եթէ 'ի հանգիստ տուաւ նա, առանց շաբաթու եթէ որ հանգուցանէ զծառայ իւր՝ պահէ՞ նա զշաբաթ եթէ ոչ . այլ ասէ՝ ոչ հրամայեաց անձ : Իսկ արդ երբ հրամայեաց անձ . ոչ ասես ինձ յԱգամայն արդեւք, եթէ 'ի Շէթայ, յԵնովքայ և 'ի Նոյէ . զի եթէ անձ ոչ արգելու յաւուրն շաբաթու զգործս իւր, զի ոչ անձրեւ արգելաւ 'ի ջրհեղեղի անդ, և ոչ մինչև ցայս . օր ժամանակի արգելեալ լինին գործք նորա 'ի գրնացից իւրեանց . զի արեգակն ծագէ զճառագայթս իւր յաւուր շաբաթու, և լուսին տայ զլոյս իւր, և աղբէրք բղխեն, և գետք գնան, և աստեղք ընդ ա մենայն երկիր տան զլոյս իւրեանց . արդ զի՞նչ օգուտ է խափանել շաբաթուն : Եւ եթէ վասն թլփատութե, ցուցաք մեք՝ եթէ ինչ մի փոքր է . բայց ոչ ինչ արգելեալ լինին նոքա յաւուրն շաբաթու թլփատել . ահաւանիկ և ինքն թլփատութիւն տկար՝ ելոյծ

զշարաթն խափանեալ : Եւ եթէ քահանային՝ զի արժան էր փութապէս և առանց բամբասանաց պաշտել զօրէնսն , հրաման տան նմա օրէնքն գործել յաւուր շաբաթու , և փոխանակ տօնից տարեկանաց՝ որ դիպեալ պատահէին նմա , և քահանայն՝ վարդապետն օրինաց՝ ոչ պահէ զօրէնս շաբաթուն . այլ որպէս օրէնսդէտի միջ հրաման ետ նմա գործել , իբրու նա այլոց խափանել հրամայէ :

Եւ զի պատուհաս ետ , բամբասես դու՝ եթէ ըստ հանգստեան քահանայից գնամք մեք . և եթէ սրբութիւն շաբաթու է խափան , ահա պղծեաց նա զմեռեալ , և մեռանի՝ ի նմա . և պղծեաց զգնացս գիշութեւ երազոց , և լինի՝ ի նմա . և ծնունդ ամենայն աշխարհի պիղծ . “Զբառասուն օր , ասէ , պիղծ է կինն որ ծնանի” . և ահա բազում շաբաթ անցաւ նեն՝ ի վերայ նորա , և ոչ կարաց արգելուլ շաբաթն սրբութիւն իւրով զգործն սրբութեւ , զի մի պաշտեցին : Եւ եթէ վասն զի բնութիւնք են՝ զի այսպէս են հաստատեալ . ահա բաժանեցաւ ծով , և կաց արեգակն և լուսին , զի պատուեսցեն զպատուէր հրամանի նորա . սոյնպէս և սոքա եթէ յօգտութի եղեալ էր նախ յառաջ զբնութիւնոցա , լուեցուցանէր ի նմա , որպէս և զայլ բնութիւնս կապեալս , զի հրամանաւ արձակեցան :

Եւ զշաբաթ զգործս բարիս անուանեաց . զի ոչ եթէ շաբաթն պահէ զմեզ ի բարիս , և ոչ այլ աւուրք մոլորեցուցանեն զմեզ ի չարիս . ոչ եթէ առնեմք մեք ի բարիս յաւուրն շաբաթու՝ պատուհասիմք , զոր օրինակ և ոչ եթէ առնեմք զշար յայլ աւուրս՝ պարտաւորիմք մեք : Զի եթէ արդար են գործք բարիք՝ հանապազորդ , թէպէտ և յաւուրն շաբաթու արասցեն . և չարիք կարճեալ արգելեալ են հանապազօր . ոչ ահա աւասիկ յայտնի է այս՝ թէ վասն իստուէ պարանոցի նոցա ետ նոցա , զի գմնայ յաւուրն շաբաթու մերձեսցին նոքա ի գործն բարութեց . զի շաբաթ սակաւ ինչ ժամանակս ծաղկեաց : Եւ դարձաւ եցոյց նա զխստապարանոցութի՝ դարձուցանել զթիկունս՝ փախստեայ գնալ տկար պարգեւօքն իւրովք , և փոքր չափովն իւրով յերե-

սաց հօրն որ ծնիչն էր ամենայնի . զի նա ինքն է միաշաբաթի : Սա՛ որ եղև անդրանիկ գործոց և սկիզբն եղելոց , զի 'ի նմա հաստատեցան երկինք և երկիր . այս է չափ որ կապե զլոյս իշխանութի իւրով , և կրչուորդ ճշմարտութե պակասե խաւար յիշխանութի իւրմէ : Ի նմա որոշեցան մեկնեցան աւուրք 'ի միմեանց . իբրու լեալ է նա նոցա գլուխ , և առաջնորդ միաշաբաթին :

Երդ եթէ օգտութի ինչ լեալ էր 'ի շաբաթուանդ՝ հարցն տայր զնա , այնոքիկ՝ որ անուանը նոցա փրկեցին ապրեցուցին զպահօղս շաբաթուցն : Եւ Յիշով յայտնապէս խափանեաց զնա յերիքով քաղաքի ամենայն ժողովրդեամբն հանդերձ . և յայտ արար մեզ , զի ոչ եթէ պահպանութիւնը ինչ շաբաթուց պիտոյ են առ կատարեալս . և եթէ յոչ պահեն շաբաթու՝ ոչ ինչ եղև արգել փրկութեն լինելոց , այլ առանց ձեռացն զօրութի պարսպացն անկեալ կործանեցաւ . իբր ոչ եթէ մոռացեալ ինչ էր նոյ , զի հրամայեաց շուրջ պալ զերիքով քաղաքաւ . և հրամայեաց զի պահեսցի շաբաթ : Եւ ոչ եթէ Յիշով միայն լոյծ և խափանեաց զնա , այլ և Մովսէս 'ի լեւրին անդ , և քահանայք 'ի տաճարի անդ , և Եղիա 'ի Բորէք լեառն , և Գանիէլ պահօքն իւրովք , և մակաբայեցիքն պատերազմօք . 'ի լուծանելն 'ի խափանելն զնա՝ ապա յաղթեցին . և 'ի պահեն իւրեանց զնա՝ պարտաւորեցան և յաղթահարեցան . և Աքար իբրեւ անց զնզովիւքն , նա ամենայն ընչիւքն իւրովք քարկոծ եղև , և ոչինչ օգնական եղև նմա շաբաթն և թլփատութին :

Քանզի ոչ ինչ օգուտ են զոհք հանդերձ թլփատութեն և շաբաթու . զի ոչ առաց՝ թէ որ սպանանէ՝ զոհիւք քաւեսցի , և ոչ՝ որ հայհոյէ զանձ՝ թլփատութի ապրեցուցէ . և որ զայն՝ որ պոռնկին՝ թէ շաբաթ փրկեսցէ . այլ ասէ՝ « Սպանող մահու մեռցի » . և ուր են զոհքն , զի ոչ քաւեսցին : Եւ այն « Որ հայհոյէ , ասէ , մահու մեռցի » . և ուր է շաբաթն , զի ոչ փրկեաց : Եւ զայն « Որ շնայ՝ քարկոծ լիցի » . և ուր է թլփատութին , զի ոչ օգնեաց . և զի պատճառք ժամանակաց էին , անարգեցան և անցին : Արդ

ոչ կարացինք քաւել զոճքն և թլփատութիւն և շաբաթ վասն սպանութեց և շնութեց . բայց զեղջ և ապաշաւ մտաց քաւեաց : «Մեղայ, ասէ, Գաւիթ», : Ասէ ցնա . «Եւ տէր թողցէ զյանցանս քո», :

Ի՞նչ որ մարմնով իւրով խափանեալ է 'ի չարեաց յաւուր շաբաթու, և մտօք իւրովք գործէ զչարիս, զիարդ կոչեսցուք ցնա՝ պահօղ շաբաթու, թէ լուծիչ օրինաց : Այլ խափանեաց զբարիսն մի օր՝ եթէ գոնեայ բռնուք 'ի չարեաց անտի լուեցուսցէ ցնոսա . բայց 'ի տաճարի անդ քանզի ոչ կարէին չար գործել, ոչ կապեաց ցնոսա յօրէնս շաբաթուն . քանզի գիտաց եթէ կապեալ են 'ի բռնութի սպասուն պաշտաման : Եւ դարձեալ, զի ուսուսցէ թէ մարմինն իւր տաճար այ է, համարձակէ մտացն նորա որպէս և քահանայի, զի պաշտեսցէ զանութիւն՝ որ բնակեալ է 'ի խորանի իւրում : Այլ քանզի կուսպաշտութիւնն բնակեալ էր 'ի նոսա, այն զի 'ի Ժամանակի իբրեւ վերացաւ 'ի նոցանէ բռնութիւնն Մովսիսի՝ երկիր պագին կուսպաշտութեանն, և պաշտեցին ցնա յայտնապէս, զայն՝ որ ծածուկն պաշտեալ լինէր 'ի նոցանէ . վասն այսորիկ կապեաց ցնոսա բռնութիւն աւուրն եւթներորդի, զի կապեսցէ զձեռս նոցա խափանելովն՝ զի դադարեսցեն 'ի չարեաց անտի : Եւ զի խլեսցէ զկուսպաշտութիւն 'ի մտաց նոցա, խափանեաց ցնոսա զի մի զոճեսցեն կուսպաշտութեանցն . զի եթէ քահանայիցն իւրոց համարձակեաց մատուցանել զպատարաքս, յայտ է ամենայն՝ զի կապեալ էին նոքա, զի կուսպաշտութեն զոճէին : Եւ զի յետ ամենայն պատուիրանի երկրորդեաց նա յասել իւրում, թէ «Ես եմ տէր անձ քո» . զի յայտ արասցէ՝ եթէ որպէս մերձենայ գրովք առ պատուիրանն իւր, սոյն պէս մերձէ և գործով առ անցանել զպատուիրանաւն : Փոխանակ այնր՝ զի ասէ «Սեղան հողեղէն շինեսցիք ինձ» . հերբայեցի, «Սեղան յերկրի շինեսցիք ինձ» :

Իրաւունք դատաստանի :

“Եթէ գնեսցես դու քեզ ծառայ 'ի հերբայեցւոց , զվեց ամ ծառայեսցէ քեզ . յամին եւթներորդի արձակեցես զնա , և գնասցէ նա ձրի 'ի քէն ” : Եւ ո՞ր է այն՝ զի ասէ “Եղիցի Բանան ծառայ նորա ” . և այն՝ զի ասէ “Մի ծառայեցուսցես զեղբայրն քո զհերբայեցի , մի զայր և մի զկին ” : Այլ յորժամ վաճառիցի քեզ եղբայրն քո , այն իսկ է՝ զի ասէ . եթէ ոչ ինչ իցէ գողոյն տալ զտոյժս , վաճառեսցի 'ի գողութե իւրում . կամ այն՝ որ վասն աղքատութե իւրոյ վաճառի , վասն այնպիսւոյն ասաց . ասէ , “Յամին եւթներորդի ազատ գնասցէ 'ի քէն ” : Երիտ պատուիրանս եդ նմա . մի՛ զի յամին եւթներորդի . և երկու՝ թէ մեռցի տէրն նորա , ոչ , ասէ , ունի նա իշխանութի ժառանգել զնա որդւոյ իւրում կամ դստեր . իբրեւ զայն՝ զի ասէ “Երկիրն , ասէ , ճշմարտութե ընուութե մի վաճառեսցի , զի իմ է , և նոքա ծառայք իմ են՝ զոր հանի ես յերկրէն եգիպտացւոց . մի վաճառեսցին նոքա ըստ վաճառի ծառայից ” : Երրորդ՝ եթէ հասեալ իցէ ամն յորելեան , զի նա ինքն է ամն յիսներորդ : “ Զվեց ամ , ասէ , ծառայեսցէ քեզ , և յամին եւթներորդի ազատ գնասցէ ” : Ապա եթէ կապեսցի նա 'ի սէր աշխարհին և 'ի տեառնն՝ որ անուանեցաւ նմա , անցեալ է 'ի նմանէ գիր կատարեալ ազատութե իւրոյ : և ընդունի նա դրողմ յականջի իւրում , նշան՝ որ ոչ լսէ , զի մոռացաւ նա զազգատոհմ ազատութե իւրոյ :

“Եթէ հարցէ որ զոք և մեռցի , մահու մեռցի : Իսկ եթէ որ ոչ յիւր կամս հար , այլ անձ ետ զնա 'ի ձեռս նորա , այս ինքն օրհամս եկն հաս , իբր ոչ 'ի կամս առնն պաշտեցան 'ի նմա կամք նյ , փախիցէ նա 'ի քաղաքն ապաստանի ” : Փոխանակ այնր՝ զի ասէ “Եթէ որ հարցէ զծառայ իւր ձերք իւրով և մեռցի 'ի ձեռն նորա , իրաւունք դատեսցեն զնա ” . հերբայեցի , “Խնդրեսցեն զվրէժ արեան նորա ” : “ Ապա թէ կռուիցին արք երկու , և առ ոտն հարկանիցեն զկին յղի , և անկանիցի սաղմն կերպարան աննկար , այս ինքն է

Թէ ոչ իցէ կատարեալ, զարժանն տուժեսցի», : Եւ զի չիք վրէժխնդրուԹի անկերպարան սաղմն, զի մի կորիցէ անձնն կատարեալ փոխանակ փոքր ընչի : «Եւ եթէ կատարեալ իցէ, ասէ, սաղմն նկարեալ կերպարանեալ, տացէ անձն ընդ անձին», : Բայց հերթայեցի՝ «Եւ առ ոտն հարկանիցեն զկին յղի, և անկանիցի սաղմն անկերպարան աննկար յորովայնէ անտի, և ինքն կինն ոչ մեռանիցի, զարժանն տուժեսցի, որպէս զինչ և արկցեն դատաւորք. ապա եթէ մեռցի և ինքն կինն հանդերձ սաղմիւն, տացէ անձն ընդ անձին», :

Եւ դան իրաւունք դատաստանի, զի յաւելցին օրէնքն արժանաւորուԹիք : Զի եթէ մի ակն իցէ մարդոյ և կուրացելոյ՝ որ կուրացոյցն զնա՝ զակն նորա զինչ արասցեն. զի ահա ոչ լինի հատուցեալ, եթէ մի ակն իւր կուրանայ. զի նա զամենայն զլոյս նորա բարձ՝ ի նմանէ, և զնորա զմի կուրացուցանեն : Եւ եթէ կուրացուցանէ այն՝ որոյ մի ակնն է, զայն՝ որոյ երկուքն են, զինչ ինչ է՝ արժան է զի բարձցի լոյսն նորա՝ ի նմանէ : Վասն այսորիկ եդան իրաւունք դատաստանի, զի ըստ տեսանելոյն խնդրեսցեն զվրէժն : Այլ ոչ եթէ զի հատուցեն զփոխարէն հրամայեաց, այլ զի հատցէ զժպրհուԹի հաժարձակուԹե զառաջ նոյն : Եւ զի դէպ եղև՝ վասն էր կուրանայ միւսն ևս. զի մի եղիցին նոքա կարծել՝ Թէ սաստ միայն է և սպառնուԹի դոյզն առանց խրատու, և արհամարհեսցեն : Արդ երեւի Թէ վասն անձեռուԹե մարդկուԹե են պատուիրանքս « Որ սպանանէ՝ մեռցի », . վասն բազմուԹե մարդկուԹե է. զի մահուամբն միոյն զբազումս ի մահուանէ խնայեաց, նա և զնոյն իսկ զսպանողն ահիւն և երկեղիւն :

Եւ այն զի ասէ « Բարկոծ լիցի ցուլն հարկանօղ », . զի եղիցի պակասուԹի, և զի հանգիցէ և վրէժխընդիւն. իբրև զայն՝ զի ասէ « Բարկոծ լիցի անասունն ընդ որում մարդն պղծիցի », . զի մի յիշեսցին ի միջն նոցա իրքն այն, « Ապա Թէ ցուլ ուրուք զցուլ սպանցէ, ցուլն կենդանի տուժեսցի ընդ մեռեալ ցլուն. և եթէ հարկանիցէ զայր, քարկոծ լիցի », . այն իսկ է՝ զի ասէ « Ի ձեռաց ամենայն գաղանաց խնդրեսցից զնա », . խորհուրդ կատարելոյն. զի պահանջէ զնա

ի վախճանի յամենայն դազանաց։ «Ապա եթէ զծառայ, ասէ, կամ զաղախին հարցէ, երեսուն սատեր տացէ տեառն նորա . և ցուն քարկոծ լիցի» . խորհուրդ տեառն մերոյ և Յուդայ։

«Ի՛յ» եթէ յական գտցի գող, և հարցի ՚ի գիշերի և մեռցի անդէն, արիւնն քին ՚ի մահ մի գրեացի։ Ապա թէ արեւ ՚ի վերայ հասցէ, գոյ նորա վրէժինդ ըստ թի. մահապարտ է՝ որ հարկանէն, ։ Իբրեւ զայն՝ զի ասէ «Զի եթէ ՚ի հալածել մերձաւորի արեանն, եթէ գտցէ արտաքոյ քան զքաղաքն ապաստանի և հարցէ սպանցէ զնա, անդատ լիցի. ապա եթէ արեւ ՚ի վերայ հասցէ՝ պահանջեսցի, տուժելով տուժեսցի ընդ միոյ չորս . և եթէ ոչ ինչ իցէ գողոյն, զնա իսկ վաճառեսցեն» ։

«Ի՛յ» եթէ դք ընկերի իւրում յաւանդ տացէ արծաթ կամ այլ ինչ կարասի զիւր, և գողդ գողասցին ՚ի տանէ առնն, եթէ գողքն ՚ի մէջ եկեսցեն՝ կրկին տուժեսցի . ապա եթէ ոչ գտցի գողոնն, առաջի դատաւորաց մտցեն բանք երկոցունց, և որ պարտիցին առաջի դատաւորաց՝ կրկին տուժեսցի ընկերի իւրոյ ։ Այս ինքն զի երկեցունցեն զնոսա դատաւորքն պատուհասիւ խրատու, զի գուցէ վամն երդման լինին նոքա զրկել զբազումն, որպէս և ասէ . «Եթէ տացէ դք ընկերի իւրում յաւանդ գրաստ, և եզն կամ ոչ խար, կամ զինչ անասուն և իցէ . կամ բեկցի, կամ մեռցի, և ոչ դք գիտասցէ, երդումն քի եղիցի ՚ի մէջ նոցա . ապա՝ եթէ ՚ի նմանէ գողասցին՝ տուժեսցի նա տեառն կարասոյն . և եթէ բեկցի, բերցէ զնա ՚ի վկայուի . և ընդ բեկելոյն մի տուժեսցի» ։ Փոխանակ այնր՝ զի ասէ «Եթէ վարձու առեալ իցէ, վարձուց իւրոց գինք են» . հերթայեցի, «Թէ վարձուց է, յաւելցէ տեառն նորա ՚ի վարձս նորա» ։

Եւ զի ասէ «Մի մատուցես ՚ի վերայ խմորելոյն զարիւն զոհից քոց, զի աղտեղեալ են և շարաւոտեալ» . զի բազում անգամ խմոր յորժամ թրեն յանօթս բազումն փոփոխեն՝ որ ոչ իցէ սուրբ . կամ թէպէտ և սուրբ իցէ, սակայն դարձեալ կարգի նա, և այնորիկ որ գալոցն է ոչ պահէն զնա . իբրեւ զայն զի ասէ . «Մեզր մի մատուցես պատարագ վամն մե-

զուի, զի իջանէ 'ի վերայ մեռելոտուոյ և 'ի վերայ ամենայն պղծութեւ. կամ զի ոչ անկանի 'ի նա աղ: «Զամենայն զպատարագ քո, ասէ, աղիւ համեմատեալսն»:

«Վ'ի եփեսցես զուլ 'ի կաթն մօր իւրոյ», Կամ զի մի զոհեսցէ զնա մինչ դեռ յղի է նովաւ, կամ մինչ չեւ լցեալ է նորա ութ օր, մի պատարագեսցի նա ընդ մօր իւրում 'ի զօհս պատարագաց. քանզի գրեալ է վերագոյն քան զնա, ասէ. «Որք կամ գառն յորժամ ծնցի, նոյն օրին մի զօհեսցես ինձ. այլ զի լցցի նա կաթամբ իւրով զութ օր, և ապա մատուցես», Եւ այս ինքն զի դաշն մօրն այրէ զգութ աղեաց իւրոց 'ի բորբոքել սիրոյ մանկանն 'ի սիրտ մօր իւրոյ: Եւ զի մի ցաւեցուցէ զգութ աղեաց նորա, ընդերկարեաց զութ օր, որպէս զի ցածիցէ և զովասցի այրումն գութոյ աղեաց նորա, և ապա մատուցեալ լինիցի նա 'ի զօհս պատարագաց: Սոյնպէս և զթլփատութիւն՝ յաւուրն ութերորդի, ասէ, թլփատեալիք, զի մի 'ի ձայնէ ճշելոյ 'ի ցաւոց անտի չարչարանաց թլփատութեւ մանկան՝ նեղիցի չարչարիցի զութ աղեաց մօր նորա. մանաւանդ զի չէ 'ի մանուկն համբերութիւն, և յանդամն նորա զօրութիւն: Կամ պարզ ուղիղ՝ զի մի ոք զենցէ ուլ և եփեսցէ զնա 'ի կաթն մօր իւրոյ. կամ զի մի եփեսցեն զուլ և զմայր 'ի միասին. կամ զի կաթն սնուցիչ նորա՝ մի եղիցի եփիչ նորա. այն զի և պահեն իսկ հովիւք մինչև ցայսօր ժամանակի, զի ոչ եփեն զուլ 'ի կաթն մօր իւրոյ: Դարձեալ, մի եփեսցեն զուլ 'ի կաթն մօր իւրոյ. այս ինքն զանդրանիկս խաշանց քոց վաղ վաղակի մատուցես ինձ, զի մի ագահեսցես դու 'ի վերայ նորա յորժամ աճիցէ: Եւ իսկ է՝ զի ասէ. «Մի գործիցես դու անդրանկօք զուարակաց քոց, և մի կտրեսցես դու զանդրանիկս խաշանց քոց»: Կամ այն իսկ է՝ զի ասէ. «Մի հատուցցէ որդի զմեզս հօր իւրոյ»:

«Եւ զթիւ աւուրց քոց կատարեցից», զի ոչ եթէ կէտ ինչ էր, ոչ ամենայն մարդոյ, այլ Խաբայէլի. այս ինքն զի մի եղիցի կին ամուլ, և այր անսերմն. այլ բազմասցի զաւակ քո, և մի մեռցի յառաջ քան զծե-

րոմաւ, այլ կատարեալ առուրդք իւրեանց. իբրեւ զայն՝ զի ասէ Դաւիթ. «Բայց եթէ մեռցի՝ ի պատերազմի, կամ տէր հարցէ սպանցէ զնա՝ կամ օրհաս իւր հասցէ», Եւ եթէ օր նորա է՝ զիմրդ՝ ի պատերազմի. և եթէ ի պատերազմի՝ ոչ էր օր նորա: Երիս դնէ անդ. եթէ ապրեսցի յերկուց անտի, հարկ է ծերսնալ և ի մահիճս իւր մեռանել:

«Վեղուս, ասէ, առաքեսցէ տէր առաջի քո» . զի յայտ արասցէ զքաղցրուն պտղոյ երկրին պարգևաց սիրելեաց իւրոց, և դառնուն սրոյ ատելեաց իւրոց. զի քաղցրուն ի բերանոյ նորա ճաշակեալ լինէր, և դառնուն ի խայթոց նորա չարչարէր: Կամ զի լուան նոքա՝ թէ ազգք բազումք են, զի մի յորժամ յաղթեսցեն, ասիցեն՝ թէ մեք յաղթեցաք. իբրեւ զայն զԳեղէնին. «Ես, ասէ, առաքեմ զօրս» . իբրեւ որ զի ասիցէ՝ իբրեւ զմարախ: «Վեղուս առաքեսցէ տէր» . զայնոսիկ՝ որ ի ձեռս ձեր հանդերձեալ էր անձ հարկանել սատակել զնոսա վասն անհաւատուն նոցա: «Առաջի մեղուաց», . այս ինքն առաջի անարգ և արհամարհ մեղուաց տկարացուցէ զնոսա: Փոխա նակ այն՝ զի ասէ «Առաքեսցից զմեղուդ առաջի քո» . հերբայեցի, «Առաքեսցից զհարուածս իմ առաջի քո, և սատակեցից զքանանացիս», . այլովք հանդերձ:

Եւ այն՝ զի ասէ «Առ սակաւ սակաւ սատակեցից զնոսա, զի մի գաղանք անապատի բազմասցին», . զայս կամեցաւ նա ասել. զի մի բազմասցին ի վերայ քո մեղք շնութե՝. զի նոքօք ուսանէին նոքա ոչ եթէ յայտնի պատերազմ, այլ ծածուկ. զ՝ ի դադարել ի մէջը՝ արտաբին թշնամեացն՝ զարթոցեն ի վերայ մեր ներքին թշնամիք: Արդ զարթնուն ի վերայ յայտնի թշնամիքն, զի մի երբէք զարթոցուք և ցածուսցուք զծածուկ զթշնամիսն, և զի թերևս ապաշխարեսցեն և հեթանոսք: ՅՅակովք ասէ. «Ես իջից ընդ քեզ, և ես հանից զքեզ անտի», . Եւ զի ցուցցէ՝ թէ ոչ մոռացաւ զնոսա, հնազանդեցան նոքա ի գործ ազիւսարկին, ցոյց նոցա յետ փրկելոյն նոցա ազիւս մի շափիւղայ, այս ինքն խորհուրդ ծովու. և աղիւսն

1 Եզրեակին վիտիւն:

2 Եզրեակին ի Դէ:

նշան հնազանդութե : Եւ այն՝ զի ասէ՝ «Իբրեւ զըտու-
թիւն երկնից » . հերբայեցի , «Իբրեւ զտեսիլ երկ-
նից » . այս ինքն սուրբ : «Եւ 'ի վերայ ծերոց ոչ
ձգեաց զձեռն իւր հովանի առնել 'ի վերաց նոցա ,
զի մարդարեւասցին » . զի վասն տեսանելոյ ելեալ
էին նոքա անդր : Փոխանակ այնր՝ զի ասէ՝ «Ի վերայ
ծերոց ոչ ձգեաց զձեռն իւր » . հերբայեցի , «Եւ առ
Մովսէս զարիւնն և ցանեաց , ասէ , 'ի վերայ սեղա-
նոյն և 'ի վերայ ժողովրդեանն » . այս ինքն՝ զի ոչ
կարաց նա 'ի վերայ ամենայն ժողովրդեանն ցանել
զարիւնն . բայց միայն 'ի վերայ այնոցիկ որ մօտն էին
առ նա , ասէ . «Եւ տեսին զձծ Խարայէլի և այլքն ևս ,
յորոց վերայ ոչ եհաս արիւնն . կերան և արբին և
ուրախ եղեն » : Եւ այն՝ զի ասէ՝ «Ըստ նմանուէն որ
երեւեցաւ քեզ 'ի լերին անդ » , զի կարծիս տացէ նո-
ցա թէ այսպէս իցէ յերկինս , զի եղիցին շքեղ և
ահագին . և զի մի կարծիցեն եթէ այսօր խորհեցաւ
թէ եղիցի այսպէս :

ԳԼՈՒԽ 2

«Ի ԲՐԵՒԷՏԵՆ , ասէ , ժողովուրդն թէ յամեաց
Մովսէս 'ի լերին անդ , կուտեցան 'ի վերայ Ահարո-
նի և ասեն ցնա . այրն այն , ասեն , Մովսէսն՝ որ Ե-
հան զմեզ յերկրէն եգիպտացւոց , չգիտեմք զի՞ եղև
նմա . արդ ծն արի արա մեզ աստուածս , որ առաջ
նորդեացեն մեզ » : Եւ յայսմանէ ուսաւ և Յորդո-
վամ , զի ոչ եթէ մի որթ միայն խնդրէին նոքա .
բայց Ահարոն զմին արար , և զմիւսն արգել . զի այ-
նու զոր արարն՝ ժողովեացէ զանօրէն զբարմն . և այ-
սու զոր ոչս արար՝ հաւանեցուցէ զանձն իւր հա-
ւատացելոց : Եւ զիսորդ արդեւք խնդրեաց Ահա-
րոն իւր պատճառս՝ թէ մի է ձծ , միայն արժան ձեզ
առնել . զհաւանութիւն նորա ընկալան , և ձայն բար-
բառոյ նոցա 'ի բազմաց անտի ոչ դադարեաց . ասեն .
«Այս են աստուածք քո , Խարայէլ » : «Եւ ընդէր , ա-
սեն , հաներ զմեզ յերկրէ անտի՝ որ բղխէր զկաթն և
զմեղր » : Եթէ չար եղև՝ որ ելինն , թշնամանեցին

զկուռան իւրեանց . և եթէ բարի էր , զրկեցին զաստուածն իւրեանց : Կշեաց ծոփն զԺողովուրդն և զհեթանոսս , զի մի ասասցեն իբրև զայն . «Աճ լեւանց է անոցա» :

«Երա դու մեզ , ասեն , աստուածս » : Ո՛վ մոլորութիւն բազմաց . զիմոր նեղէր նա զմարդն ինեւ նմա արարիչ աստուածոց : Զի այն՝ որ արարն նոցա աստուածան , զնա իսկ արժան էր նոցա առնել իւրեանց աստուած : «այլ նոքա՝ որ մոլորութիւն կուրացան , այսպէս կարծէին եթէ մեծ իցէ գործն քան զառնելի գործոյն : Զի այն՝ որ զմանանայն և զլուրամարգին հանդերձ ամենայն բարութիւնք՝ զոր հանդերձեալ էր և տալ նոցա , ետ նոցա . զի ոչ եթէ գնով տայր նոցա կերակուրս , այն՝ որ մեծամեծ փորձանք զնեաց զնոսա յեգիպտոսէ . և ոչ եթէ տրը տրնջելով տայր նոցա զվերջինսն , այն որ ողորմութիւն և գթութեամբ արար զառաջինսն . զի զփոխարէն չաւրեաց ընդդէմ եգիպտացւոց՝ ի մէջ եգիպտոսի ընդունէին . այլ պահէր նա զբարիսն զոր առնէր . զի յառնելն նոցա եղիցին նոքա բով քննութեան առողջսն իւրեանց . զի յանդիմանեալ կշտամբեսցին նոքօք եթէ այսօրիկ չէին արժանի : «Ահա , ասեն , աստուածք քո , Խաբայէլ » : Եւ եթէ էր նոցա պապեալ երկիր գառինն փոխանակ որթուն , գոյր ՚ի նմա հաւանութիւն . թէ վասն փրկութեան գառինն զատկաց մոլորեցան նովաւ , և երկիր պագին նմա : Այլ ոչ պագին նոքա երկիր գառինն զատկաց , զի տեսին ՚ի նմա զխորհուրդ անութեն . ատեցին նոքա զանութիւն և զխորհուրդս նորա , իբրև զայն՝ զի ասէ «Եթէ մարգարէանայք դուք մեզ յանդիմանութիւն , և բարձեք խափանեցեք դուք ՚ի մէջ զսուրբն Խաբայէլի » :

«Թոյլ տուր ինձ , ասէ , ՚ի բաց կաց . թող հարից՝ սատակեցից ջնջեցից զԺողովուրդդ» : Ես հողս զտէր , մոխիրս զանձ . արարեալս զարարիչ , հաստեալս հաստիչ : Եւ եթէ մեծարել մեծացուցանել կամիս դու զիս , յոյր աչա մեծացուցանես դու զիս . եթէ յաչս Ժողովուրդեանն , Ժողովուրդ Ժպիրհ յամառոտ է նա .

և փորձականաւ դու 'ի միտս նորա , և լինին նոքա ա-
տել՝ եթէ ոչ Մովսիսի լեալ էր , սատակէր զմեզ յա-
նապատի անդ : Բայց զի ասես դու զիս՝ թոյլ տուր
ինձ . զի՛նչ արասցես : Զի ջնջել զժողովուրդն : Մի՛թէ
դարձեալ զեգիպտացիսն՝ որ մնացինն . ոչ : Իսկ ապա
զամաղէկացիսն , կամ զքանանացիսն . ոչ : Ապա թէ
ոչ զո՞ ջնջես . զժողովուրդն , զգաւալն աբրահամեան ,
զորդինս՝ Սահակայ , զԾնունդս՝ Յակովթու . զայս՝ զոր
հաներ դու յերկրէն եգիպտացւոց . զայս՝ զոր կոտո-
րեցեր զեգիպտոս , և սատակեցեր 'ի Ծովու անդ զե-
գիպտացիսն վասն դորա . զայս՝ զոր փրկեցեր դու ա-
ռաքինութիւն . զայս՝ զոր լուան հեթանոսք ամենայն
զփրկու թի՛ դորա :

() Ի՛նչ ասիցեն հեթանոսք որ շուրջ իցեն , կամ
եգիպտացիքն . զրպարտեն զքեզ հեթանոսք և եգիպ-
տացիք , և լինին նոքա ասել . ոչ գիտէր նա զայն ժո-
ղովուրդ մինչև փորձեաց և առ զչափ նորա . ապ'
եթէ գիտէր նա զնոսա , ընդէր յետ փրկելոյն զնա
դարձաւ սատակեաց զնոսա . յանապատի անդ : Եւ ե-
թէ այս 'ի մտի էր քո , թող փրկեալ էր զնոսա դոյզն
փրկութեամբ , և ոչ էր զգացեալ հեթանոսաց զփրկ-
կութի՛նոցա , քան այսօր՝ զի լուան հեթանոսք զա-
ռաքինութիւնս զոր արարեր դու նմա . և արդ կամիս
դու սատակել կորուսանել զնա : Զի՛նչ ասիցեն . ոչ
ահա համարին նոքա զողորմութիւնսն չնորհաց քոց
չարութի , և լինին ասել՝ զի եթէ վասն այսր հան
զնոսա յերկրէն եգիպտացւոց սատակել զնոսա յա-
նապատի անդ , մի՛թէ գերեզմանք ոչ էին յերկրին ե-
գիպտացւոց . կամ ոչ էին արժանի թաղել անդ , և
վասն այնորիկ հան զնոսա . և զի՛նչ հարկ էր առաքի-
նութիւնն այնոքիկ փրկել զժողովուրդն , զի գիա-
կունքն ոցա գերեզմանաց արժանի ոչ եղեն : Կամ
զեգիպտացիսն ընդէր կոտորեաց սատակեաց վասն
ժողովրդեանն , զի այսպիսի վախճան կատարածի պա-
հելոց էր նմա : Կամ թերևս ոչ կարաց տանել զնոսա
յայն երկիր խոտացեալ երդմամբ հարցն իւրեանց ,
վասն այնորիկ հար սատակեաց կորոյս զնոսա 'ի մէջ
լերանց :

() Իս իսկ չարարին յամօթ եգիպտացիքն 'ի ժա-

մանակի՝ իբրեւ չորայ ես փրկել զնոսա, ասէին զիս . զմի եկեալ փրկելո՞ւ դու : Ասեմ զնոսա՝ զԺողովուրդ ան : Ասեն նոքա երբ . յորմէ հետէ և այսր եղև այս Ժողովուրդ՝ Ժողովուրդ ան, ահա ընդ մեզ երկիր պազանէ սա կռոց, և առաւել ևս քան զմեզ նոքա նուիրին նոցա : Մուտ դու, և տես ՚ի սենեակս նոցա զիարդ պազանեն նոքա երկիր որթուցն՝ զոր ուղղեալ և եղեալ է նոցա : Եթէ ընդունիս դու զհէքրայեցիս հանդերձ որթուքն իւրեանց, ապա մի փրկեր զնոսա, զի ՚ի պաշտամանէ մերմէ նոքա ոչ փոխին : Եւ եթէ ոչ հաւանիս դու, գայ գործն ՚ի մէջ, և հաւանեցուցանէ զքեզ : Երէկ ընդ մեզ որթուց երկիր պազանէին . և յորմէ հետէ դու եկիր եղէ՛ն նոքա Ժողովուրդ որոյ մի անձ է : Զայս նախատինս լուան ականջք իմ յերկրէն եգիպտացոց . և չար թուեցաւ ինձ, զի զայս ասացին նոքա յականջս իմ, քան զայն՝ զոր արարին կախարդքն յանգիւման իմ : Եւ ես ՚ի բանս քո հաստատեալ կայի, զի առաքեցերն զիս . նա փորը մի և ես գիտէի զնոսա, զի ընդ նոսա իսկ մեալ էի ես : Կարէի ես թաքել անգէն յերկրին եգիպտացոց . ՚ի նոցանէ իսկ երկեայ ես առաւել, քան ՚ի Փարաւոնէ . զի նոքա իսկ չարախօսեցին զինէն, և դառնային մատնէին զիս : Դու առաքեցեր զիս յետ փախելոյ իմոյ . և ես այսպէս ակն ունէի՝ Եթէ փոխեցան նոքա ՚ի բարոյից անտի իւրեանց, և վամն այնորիկ առաքեցեր դու զիս . և վամն յուսոյ ապաստանի բանիցն քոց անգոմնեցի անարգեցի զարհամարհանս և զչարախօսութիւն եգիպտացոց :

Եւ զի ասացեր դու ինձ, բամ “Թոյլ տուր, ՚ի բաց կաց : Եթող հարից սատակեցից ջնջեցից զնա” : Եւ զբարւոքս որ են ՚ի նմա՝ և զնոսա ջնջիցես, և ըզԺերմն կորուսանիցես դու, և զտղայմն սատակիցես դու . և զիս զինչ առնիցես դու, և զին սպանանիցես դու . կամ զիս միայն թողուցուս դու : Եւ ոչ լաւ իցէ ինձ մեռանել առաջի նոցա, քան եթէ ՚ի կեանս իմ տեսանիցեմ ես զայն աղէտ տարակոյս ապակա նութեան : Եթէ այդ այդպէս իցէ, և՛ ուրեմն մեղայքեզ, և ինձ բաղմացուցանել յաճախես զտանջանս չարչարանաց ՚ի թողուլ քո զիս տեսանել ինձ զգա-

զանս երկրի և զԹուշուս երկնից, զի գայցեն ուտիցեն զմարմինս զայնոցիկ՝ զոր հաներ դու յերկրէն եւ գիպտացւոց առաքինութիւնք : Արդ զինչ արարից յետոյ, կամ յո՞ երթայց ես, կամ ո՞վ առնուցու յանձն դարձեալ ընդունել զիս . յեգիպտոս երթայց, կամ առ ամաղէկացիսն և առ քանանացիսն երթայց պանդրխտուք . զպաշտօն նոցա պաշտիցեմ, թէ 'ի քեզ հաստատեալ կայցեմ :

Արդ յորժամ հարցանիցեն զիս և ասիցեն . զո՞վ պաշտես դու . զինչ ասիցեմ : Ասեմ զած Խրայելի . Ասիցեն զիս . զայն անձ պաշտես դու, որ սատակեաց կորոյս զժողովուրդն իւր . ոչ ահա նա ասէր՝ որդի իմ է . ոչ ասէր՝ անդրանիկ իմ է : Զխորդ գգուեաց սիրեաց բարձրացոյց զնա, և դարձեալ միւսանգամ անդրէն խոնարհեցոյց կործանեաց զնա . արդ դու ո՞վ ես . եթէ 'ի նոցանէն իցես դու, զիմորդ ոչ սատակեցար դու ընդ նոսա յանապատի անդ . և եթէ չիցես 'ի նոցանէ, զիմորդ պապանես դու երկիր անյն նոցա . Զինչ ասացից նոցա . ստեցից, դանդաւեցից . ասիցեմ թէ չեմ 'ի նոցանէ . նա թլփատութիւն և շաբաթն և ընտրութիւն կերակրոցն յանդիմանեն զիս : Եւ եթէ ասիցեմ՝ թէ 'ի նոցանէն եմ, ասեն . իսկ դու զիմորդ ապրեցար : Զինչ ասիցեմ ցճեթանոսն՝ առ որս եմս երթանայցեմ . ասեմ . Մովսէս եմ ես : Լինին նոքա նախատել զիս և ասել . ոչ շատ իցէ քեզ այն, զի աւերեցերն դու զեգիպտոս և սատակեցեր կորուսեր զժողովուրդն . զի՞ եկիր դու դարձեալ այսր . մեթէ պատրել հանել կամիս դու զմեզ յանապատ սատակել կորուսանել և զմեզ ևս, որպէս սատակեցեր կորուսեր դու զժողովուրդն՝ զոր հաներ յերկրէն եգիպտացւոց :

Արդ զայս արասցես դու ժողովրդեանն, որ չորք անկիւնք լուան զփրկութիւն՝ զոր արարեր դու նմա : «Թոյլ տուր ինձ, ասէ, թող սատակեցից ջնջեցից զժողովուրդն», : Եւ յորժամ ջնջես դու զնոսա, ես 'ի մէջ հեթանոսաց վաճառ օրինաց քոց և վաճառ այլոյ ընչի ոչ կարեմ երթալ . զինչ արասցես դու զիս, եթէ չնորհս ողորմութե առնիցես ընդ իս, յայսմիկ՝ զի միայն թողուցուս զիս . մահ լաւ իցէ ինձ քան

ղայս կեանսս . Թափուր է ինձ անապատս աւերակ , Արդ զի՛նչ առնիցես , զի մնամ ես միայն 'ի սատակ ման նոցա . կամ Թէ զորդիս նոցա Թողուցուս դու , և այն որդիքն ո՛չ ահա որդիք են նոքա հարցն այս նոցիկ :

Ա՛խ տրտմիր դու , ո՛վ Մովսէս . յազգ մեծ և 'ի հզօր արարից զքեզ : Տէր , ազգին՝ որում իշխան կա ցուցանես զիս , ուստի՛ իցէ . յոչնչէ՛ հաստիցես զնա , Թէ յերկրէ աստի ստեղծուցուս զնա . կամ Թէ 'ի վերայ եգիպտացւոց դարձուցանիցես կացուցանիցես զիս , Թէ 'ի վերայ քանանացւոցն այնոցիկ՝ զորս մեքն երթամք հարկանել և սատակել զնոսավան գործոց իւրեանց չարաց . Թէ զհեթանոսս ածիցես դու 'ի հեռաստանէ , և կացուցանիցես զիս իշխան 'ի վերայ նոցա : Եւ այն ժողովուրդ՝ զոր ածիցես դու կամ յարուցանիցես , ո՛չ մեղանչիցէ . կամ յորժամ մեղանչիցէ , և զնա նոյնպէս առնիցես դու : Եւ եթէ այսպէս առնիցես դու զնա , լաւ իցէ նմա Թէ ոչ հաստիցի և ոչ եկեսցէ , քան եթէ յետ հաստելոյն դարձեալ միւսանգամ այսպիսի կատարած լինիցի նմա :

Ա՛րդ զիմրդ ընդունիցին զիս ժողովուրդն՝ զոր ածիցես դու , կամ առ քեզ զիմրդ հաւանիցին գալ . նշանս և սքանչելիս մեծամեծս քան զայս՝ որ եղեն յերկրին եգիպտացւոց և յանապատի անդ՝ Թէ առնիցեմ ես 'ի մէջ նոցա , փոխանակ զի ընդունելով ոչ ընդունիցին զիս , և դարձեալ նախատիցեն զիս և կարգայցեն զիս սպանօղ ժողովրդեան իւրոյ և սատակիչ որդւոց ազգի իւրոյ , և գալ ընդ իս ոչ հաւանիցին . և զի՛նչ քարոզիցեմ ես նոցա . զառաքինութիւնն՝ որ յերկրին եգիպտացւոց արարեր , Թէ զքս քանչելիսն՝ զոր արարեր յանապատի աստ : Եւ յորժամ հարցանիցեն զիս և ասիցեն . ո՛ւմ եղև այս զոր քարոզես դու . արդ զի՛նչ ասիցեմ : Ասեմ՝ Ժողովրդդ եման . և եթէ ասիցեն ո՛ւր է . ասեմ՝ սատակեցան . ասիցեն ո՛ւր են աւետիքն և պարգեքն տանն Աբրահամու , և ո՛ւր է այն զի ասէին « Ի դարս չորրորդ դարձցին նոքա այսրէն » . կամ զերդումնն զոր երդուաւ Աբրահամու և ասէ . « Ի զաւակի բումօրհնես յին ամենայն ազգք » : Զայս յորժամ երկրորդեսցեն

ինձ, զինչ ասիցեմ նոցա : Արեմ համարձակ . վասն զի երկիր պագին նորա որթուն , դարձաւ և նա յայնմանէ զոր ինչ և խոստացաւ նոցա : Եւ զինչ , ասեն , հարկ էր նմա խոստանալ երդնուլ , իբրու գիտէր զնոսա՝ թէ այսպէս են : Արդ մեզ զի քարոզես դու և ասես . մտանեմք մեք ժառանգել զերկիրն զոր երդուաւ տալ Աբրահամու և զաւակի նորա : Եւ զաւակ նորա , որ հաճոյ եղև նմա և երդուաւ նմա , ոչ կարաց մտանել , արդ զմեզ տանի՞նա և մեծանէ այն՝ որ զայնոսիկ ոչ տարաւ մոյծ : Եւ յայսմիկ իբրև զխաբէրայ թուիցիմ , և իբրու աղուփոխ . համարիցիմ ես նոցա , և հաւանել չառնուցու յանձն :

“Թոյլ տուր ինձ , ասէ , թող կոտորեցից ջնջեցից զժողովուրդդ ” . և այս՝ զի բացցէ նմա դուռն՝ խընդրել վասն նոցա : Զի եթէ սատակել զնոսա խընդրէր , Մովսիսի ոչ յայտնէր . և եթէ ջնջել զնոսա կամէր , խրամակարկատի ժողովրդեանն ոչ ցուցանէր . դատաւորն առ ինդրօղ բարեխօսն ոչ գայր . և պատժարարն առ այն՝ որ ունէր զնախապետութիս ժողովրդեանն : “Թոյլ տուր ինձ , ասէ . թող սատակեցից ջնջեցից զժողովուրդդ , և զքեզ արարից յազգ մեծ ” : Եւ ոչ առ յանձն Մովսէս , զի եղիցի և այս ևս վասն փառաց նորա . զի փոխանակ փոքր ժողովրդեանն իւրոյ ազաչեաց զի ապրեսցին , և մեծ իշխանութեն ակն ոչ առ . զի ՚ի փորձ քննութեան մոյծ զնա և յայսմիկ ևս : Եւ զի ետես նձ զճշմարտութի նորա , առ ակն աղօթից ինդրուածոց նորա : “Արարից , ասէ , զքեզ յազգ մեծ ” . և ոչ կամեցաւ նա հրաժարել յայնցանէ , որք հրաժարեցինն ՚ի նմանէ : “Ո՛վ , ասեն , արար զքեզ իշխան և դատաւոր ՚ի վերայ մեր ” : Ո՛չ կամիս դու քարոզել այլոց , ահա քարոզէ զքեզ ազգն մեծ : Ո՛ր . հեթանոսք : Եւ զօրագոյն է քան զժողովուրդն . այո . զի ասէ նա վասն Խրայէի . “Դուք նուազ էք քան զամենայն հեթանոսս ” : Եւ բանն նորա վկայեաց՝ թէ լաւագոյն է ազգն այն քան զայն , որում Մովսէսն առաջնորդէր : Եւ եթէ վասն դարուն այնորիկ ասաց , որդիք նոցա ոչ ահա անդ էին . չի որդւոց նոցա ոչ էր լեալ Մովսէս առաջնորդ : Եւ զիմիդ ասաց “Արարից զքեզ

յազգ մեծ և 'ի հզօր քան զնոսա » : Այլ այս՝ փոխանակ զի տրտմեցաւ Մովսէս վասն նոցա . որպէս Շմուէլ՝ զի տրտմեցաւ վասն Շաւուղի , ասէ ցնա .
 «Եթ օծ դու զԴաւիթ » :

Օ ի տեսին նոքա զպայթիւն երկնից , և զփայլիւն փայլատականց , և զթանձրութի ամպոցն զօրութե . և իբրեւ այն՝ թէ անդ միայն իցէ և ոչ ընդ ամենայն տեղիս . այլ զի արկցէ զահ և զերկիւղ իւր 'ի վերայ նոցա : «Քաջալերացարուք պինդ կացեք , զի փորձել , ասէ , եկն առ ձեզ տէր նձ . զի անկիցէ 'ի սրտի ձերում զերկիւղ զահ իւրոյ » : Թէպէտ և զայս արար ընդ նոսա , սակայն կալ մնալ զայն զքառասուն օր ոչ կարացին համբերել :

Իսէ ցՄովսէս . «Անօրինեցաւ , ասէ , ժողովուրդն քո » : Եւ իբրեւ ետես Մովսէս՝ թէ մեղան նոքա , զի ցրեաց զնոսա Ահարոն . և եթէ Ահարոն յանցոյց զնոսա , զիարդ ոչ ընկալաւ նա զպատիժս պատուհասից : Այլ քանզի Մովսէս զԱհարոն և զՌփր հրամայեաց 'ի վերայ ժողովրդեանն . և ինքն գնաց , յայտ առնէ մեզ բանն Ահարոնի՝ եթէ զՌփր քարկոծելով քարկոծեցին . յասել իւրում «Սակաւիկ միւս ևս քարկոծ առնէին զիս » : Եւ տրտմեցաւ Մովսէս վասն նորա . զի երկեաւ նա , զի մի քարկոծ լիցի՝ որպէս ընկերն իւր : Բայց ոչ լի կատարեալ տրտմեցաւ վասն նորա . զի և ոչ նձ ած 'ի վերայ նորա զպատիժս պատուհասից , և ոչ Մովսէս գրեաց 'ի վերայ նորա խըրատ ըստ անուան յանցանացն : Եւ զի գրեաց զկնի նորա պակասութի , իբրու չիք զկնի նորա յանցանք , զի մի եղիցի զրոյց նոցա գայթաղութի . և կարծիցեն թէ ակնառութի թոյլ ետ՝ անփոյթ արար 'ի նրմանէ : Յայնմիկ՝ զի ասէ «Սակաւիկ միւս ևս քարկոծ առնէին զիս » , յայտ արար՝ թէ աւելի քան զզօրութի նորա հակառակեաց կաց ընդդէմ նոցա , զի խըտանայր սիրտ նոցա . զի եթէ մեռեալ քարձեալ էր նա յերեսաց նոցա , զի այլ առաջնորդ և գլուխ էր հրամայեալ նոցա առ 'ի Մովսէս : Զի եթէ զերկոսին քարկոծեալ էր նոցա , ո՞վ կարէր կալ առաջի նոցա . նոյն ժամայն անդրէն դառնային , և մոռնել յեղիպտոս փութային : Զօրացան 'ի վերայ եգիպ-

տացւոցն . և Փարաւոն և զօրութիւն նորա ընկողմեցան : Եւ փոխանակ զի գոհասցին , սկսան սիրտք նոցա երգիծանել մեղօքն . և 'ի նշանաց և 'ի սքանչելեաց անտի՝ որ շուրջ պատեալ էր զնոքօք , ոչ ամայնցին . և 'ի Մովսիսէ ոչ երկնչին՝ թէ գուցէ իջանիցէ վաղ վաղակի :

Եւրդ եթէ Ահարոնի զկամն նոցա չէր արարեալ , անդրէն յեգիպտոս դառնային նոքա . վասն այսորիկ համբեր Ահարոն յանձն իւր և հաւանեցաւ նոցա , զի մի ժողովուրդն սատակեացի յայ խտուածք , և մի ինքն քարկոծ լինցի , և մի Մովսիսի տրտմութի եղիցի : Արդ արար նա խորհրդիւ , զի մի ժողովուրդն առանց առաջնորդի եղիցին , և ապստամբեցին . և հնազանդ եղև կամաց նոցա : Քանզի գիտաց նա՝ թէ այն ինչ ոչ նկարեցաւ 'ի խորհուրդս նոցա՝ 'ի ծածուկ , արժանի է պատժոց պատուհասից . և զի խրատեցին նոքա մինչ դեռ 'ի ծածուկ է , գայթակղութիւն էր այն բաղմաց : Արդ արար նա զկամն նոցա , քանզի գիտէր իսկ եթէ վասն այնորիկ մերժեցաւ հեռացաւ 'ի նոցանէ Մովսէս առ ժամանակ մի : Եւ զի ստուգեալ էր՝ թէ իջանէ Մովսէս , և խնդրէ զվրէժ 'ի նոցանէ , անփոյթ արար . որպէս զի յայտնի եղիցին առ մեռայն սիրելիք որթուն :

Եւ իջ Մովսէս և պատուհասեաց զԱհարոն . ոչ եթէ զի ոչ գիտէր՝ թէ ոչ է Ահարոն հաղորդ յանցանացն նոցա , այլ իբրև ետես թէ Ովր մեռաւ , և 'ի միտ առ՝ թէ իմաստութիւն մեծաւ արար Ահարոն . և ունել շնորհս նմա՝ 'ի ծածուկ էր յիորայելէ , և յայտնի էր որթն ձուլածոյ : Եւ զի ժամանակ էր վրիժուց խնդրելոյ , զի մի եղիցի տեղի կարծեաց ակնառութեանն վասն նորա՝ իբրու նա է առնելի որթուն , սակայն աղատեաց զնա՝ 'ի բամբասանաց , և զնոսա սատակեաց : Նախ ընդհարաւ ընդ նա , զի իբրև ետես իորայել՝ եթէ Ահարոնի ցասեալ , երկեան զարհուրեցան յոյժ տալ պատասխանի Ահարոնի : Եւ անփոյթ առնելն այ , զի ոչ յիշեաց զյանցանս նորա , կամ ամենայն՝ զի ոչ յիշեաց անձ 'ի վրէժիւնդրութեանդ զյանցանսն Ահարոնի , զի աղօթս մատոյց վասն նորա Մովսէս առաջի տեառն Աստուծոյ : Զի 'ի

զգուշացուցանեն Մովսիսի զժողովուրդն յերկրորդ յօրէնսն, բերէ զնա 'ի մէջ իմաստութեամբ և ասէ. «Նա և 'ի վերայ Ահարոնի աղաչեցի ես յայնմ ժամանակի», . այս ինքն՝ ոչ եթէ ակն ինչ առ Աստուած, զի ոչ ած 'ի վերայ նորա զպատիժս պատուհասից. զի ես աղաչեցի վասն նորա: Այլ այս՝ զի ասէ աղաչեցի, 'ի հարցանել խնդրել եղ զնա: Վասն էր զամենայն խորայել որպէս զԱհարոնն ոչ ապրեցուցեր, ո՞վ Մովսէս: Սակայն և այս 'ի միջի եղեալ է: Զի եթէ գիտէր ձեռք եթէ չարաչար խնդրեաց Մովսէս, ոչ առնու յանձն. և այն՝ զի ասէ «Ողորմեցայց որում ողորմեցայց, և գթացայց 'ի վերայ՝ յորոյ վերայ գթացայց», . եւ իբրեւ այն՝ զի 'ի վերայ Ահարոնի և 'ի վերայ ղեւտացւոց ասացեալ է՝ գթացայց. և 'ի վերայ այլոցն, զի ոչ հաւանեցան՝ ողորմեցի ողորմելով: Բայց ոչ դարձեալ պատուհասեցաւ, զի առ յայ եղև քննութիւն փորձանաց նոցա. և ոչ կարէր նա արգելուլ զնա. իբրեւ զայն զԴաւթին, իբրեւ կամեցաւ ձեռ խրատել զժողովուրդն, ոչ եղև կարող Դաւթի՛ գթելու: քանզի 'ի ձեռն նորա իսկ սկիզբն արար խրատն ամենայն ժողովրդեանն:

Արդ յանփոյթ առնելոյ անտի նայ, և 'ի տալ պատասխանի Ահարոնի, գիտասցի՛ր՝ զի վասն էր ոչ ընկալաւ նա զպատիժս պատուհասից, զի հազարապետ եղև նա կամացն նայ. զի կամեցաւ նա քննել զնոսա յայն 'ի քառամասօրեայ ժամանակի: Արդ խելամուտ լեր դու, զի ոչ եթէ ըստ մեծուէ գործոյն պատուհասեաց զնա Մովսէս. վասն այսորիկ և Դաւթի՛, զի գիտաց նա՝ թէ ոչ գտաւ 'ի նմա արատ ինչ, ասէ սուրբ է Մովսէս. և ոչ դադարեաց. այլ ձեռ հաւասարեաց ընդ Մովսիսի զԱհարոն ևս. «Եւ Ահարոն, ասէ, 'ի քահանայս նորա», :

ԳԼՈՒԽ Է

Եւ իբրեւ եւ Մովսէս'ի լեառն , Յիշով ընդ նմա էր . ապա թէ ոչ' ոչ տայր նոցա թոյլ անունն Յեշու վայ երկիր պագանել կուոց : Այլ իբրեւ ելին նոքա 'ի լեառն անդր , Յիշով մնաց 'ի խոնարհ անդր , և Մովսէս ել 'ի վեր . զի ահա 'ի դառնալ անդ Մովսիսի և իջանել ասէ ցնա Յեշով . « Ձայն պատերազմի լսեմ' եթ 'ի բանակէ անտի » , Զի եթէ 'ի բանակի անդ լեալ էր նորա՝ զայն ոչ ասէր , զի գիտէր նա թէ որթու երկիր պագին . և եթէ ընդ Մովսիսի էր՝ զայն ոչ երկրորդէր նմա , զի լսէր նա զայն . զի ասաց « Անորինեցաւ Ժողովուրդն քո » : Փոխանակ այնր՝ զի ասէ « Զձայն բարբառոյ մեղաց լկտութեան լսեմ' » . հերբայեցի , « Ձայն բարբառոյ երգոց լկտութեմ' » :

Աւ եղև իբրեւ մերձեցան 'ի բանակ անդր , հայեցաւ ետես , ասէ , Մովսէս զորթն , և շուրջ զնովաւ զկաքաւիս պարուն . բարկանայր 'ի սրտմտութի իւր , զձեռն զձերբ ածէր , և ընկենոյր զտախտական քաղեղէնս՝ խորտակէր անդէն առ ստորոտ լերինն : Ընկէց . զտախտական ընտիրս , զի ձեռք պիղծք զնա մի ընկալցին . ջնջեաց զգիրն սրբութեմ , զի այք պիղծք ընդ նա մի հայեսցին . ընկէց զօրէնսն 'ի ձեռաց իւրոց , զի անիծեալ բերանոյն՝ որով զորթն համբուրեաց , մի ընթերցցի զնա . զոր օրինակ ոք զձեռն զօձեօք արկանէ և զպատմութեան պատառէ՝ յորժամ տեսանիցէ թշուառութի ինչ 'ի տան իւրում , սոյն պէս և Մովսէս բուռն հար և ձգեաց յինքն , և պառառեաց զպատուիրանն իբրեւ զպատմութեան մի 'ի տեսանել նորա զկուռն , որ կապուտ կողպուտ առարին զսիրտ որդւոց ազգի Ժողովուրդեան իւրոյ : Իբրեւ ետես չափն զանձութիւն՝ թէ 'ի ձեռն տախտակացն իջանէ և խառնի ընդ մարդկութի , 'ի ձուլել որթուն խառնեաց զնոսա ընդ կռապաշտութի :

Խորտակեաց Մովսէս զտախտական սրբութեմ , զի յայտ արասցէ՝ թէ ոչ եղև Ժողովուրդն վասն տախտակացն , այլ տախտակքն վասն Ժողովրդեանն . սոյն

պէս և տաճարն և քահանայութիւն և Թագաւորութիւն : Ոչ եթէ հրեշտակ գրեաց զպատուիրանսն 'ի վերայ տախտակացն, զի ոչ եթէ նա է տուիչ օրինաց . կոփածն մարդոյ, և գիրն նոյն . զի յայտնի լիցի եթէ հաղորդեալ է անձ ընդ մարդոյ՝ օրինազն . անձ 'ի տալ իւրում, և մարդ 'ի պահել իւրում : Ետ նա մեզ զգիր օրինաց, զի տացուք մեք նմա զպահել օրինացն . գրեաց զնա ձեռնն տիրացեալ, զի Թեալօսիցի նովաւ ազատութիւն տիրացեալ . գրեաց զնա անձ, իջոյց զնա մարդ : Մովսէս քանզի անձ էր ժամանակեան միոյ, և կտակարանք ժամանակեան ժողովն 'ի ձեռս նորա . այլ տէր մեր քանզի անձ կատարեալ է, և կտակարանք նորա յաւիտենից են : Վասն Մովսիսի ասէ . « Ետու ես զքեզ աստուած Փարառնի », « Բայց վասն Որդւոյ ասէ . « Անձ ամենայն երկրի կոչեցի », և կտակարանքն Մովսիսի անկեան միջ գաւառի միոյ փոքու . և Որդւոյ կտակարանք ամենայն ծագաց երկրի :

« Եւ առ, ասէ, Մովսէս զորքն՝ զոր արարեալ էր, այրեաց զնա 'ի հուր, և խարտեաց զնա մանր և ցառեաց զնա 'ի վերայ ջուրցն, և արեոյց որդւոցն խաբայելի » : Եւ իբրեւ մտին ջուրքն աղացեալ որթուռն առ սիրտ նոցա, այն՝ որ սիրեաց զորքն, պատահեաց որքն աղացեալ սիրով իւրով, և գոչեաց նա 'ի մէջ որովայնից նոցա թէ այս սէր՝ սէր մեղաց է . և իբր ռք զի ասիցէ, զի բերան չիցէ նորա խօսելոյն, իբրու զգլու խրս իւրեանց առաջի նորա խոնարհեցուցանէին, որ պէս իբրեւ բանիւ արգելցէ և կարճեցէ զԺպրհոյն համարձակութեան նոցա : Իբրեւ եղև նմա տեղի . և առ սեղանն 'ի պատուէր հրամանի, յայտ արար զկամս ընութեան իւրոյ, զի ոչ հաւասարէր նա ցանկութեան Ժպրհութեան համարձակութեան նոցա : Արդ գոչեաց նա յորովայնի այնոցիկ՝ ոյք սիրեցինն զնա, և մեծաւ նախանձու զերկրպագուս իւր հեղձ պայծայց . այս է որք՝ որ ծնաւ պոռնկութիւն, և աղացաւ նախանձու, և արբաւ օրինազ, և յղացաւ 'ի քննութիւն . զի ամենայն սիրտ ամուլ՝ որ ոչ ընկալաւ զսեղան զամուսնութեան սիրոյ նորա, ոչ ապականեաց զնա նշանն քննութեան . քանզի ոչ գոյր 'ի նմա յղութիւն պաշտաւ

ման նորա : Նա և աստի իսկ տուաւ օրինաքն , և Հաստատեցաւ պատուիրանն , զի ամենայն կին որ զանցանիցէ զարամբ իւրով , եկեցէ նա առ քահանայն . զի 'ի գալն նորա առ քահանայն , 'ի ցուցանել զյստակ նախանձ իւր որդւոցն Ահարոնի՝ թէ ատեամ ես ըզնու թիւս , և ոչ եմ ես հաճեալ ընդ ումունանալին և կնոջն իմոյ՝ եթէ անցցէ նա ըստ ճանապարհ ամունու թիւս իմոյ , եղիցի 'ի յիշել և յիշեցուցանել զպուռնկութիւն որթուն : Զի յայտնել կնոջն նորա , Զուրբն քննութե զգուշացի ինքն յանցանելոյ ըստ ճանապարհ այ իմոյ . մանաւանդ զի նախանձուն իւրով ազատի նախանձն այ . և 'ի գալն նորա առ քահանայն , բարձցէ զեպերանն յայնմանէ՝ օրարդարութիւն ինդրեաց զվրէժն պուռնկութե Ժողովրդեան իւրոյ : Վասն այսորիկ գրէ 'ի Ժամանակի իբրև յափրշտակեցին Հեթանոսք զԺողովուրդն նորա յասել իւրում . “ Նախանձեցայ ես 'ի Սիոն նախանձ մեծ , ”

“ () ետող առ , ասէ , Մովսէս առաջի զբան բանակին և ասէ . հապա , եթէ ոք 'ի տէր պանձացեալ իցէ , առ իս մատիցէ : Ծայն վայր վաղվաղակի հասանին որդիքն Ղեեայ : Սկսաւ խօսել Մովսէս և ասէ ցնոսա . այսպէս ասէ տէր անձ Իսրայէլի . լցէք կատարեցէք զձեռս ձեր այսօր տեառն յարենէ եղբարք ձերոց , զի տուեալ լիցի 'ի վերայ ձեր օրհնութիւն : Որայն զոր ասաց , զի զեղբարս իւր ոչ ծանեաւ , գիցէ նա խունկս 'ի բարկութե քում : Եւ զիարդ , իվ տէր Մովսէս . առ վրէժինդրութիւն անձին քո հեզ և հանդարտ ես դու , և առ գործ այ խիստ և սաստիկ ես դու : Սակայն նմին իսկ Աստուծոյ նման լինին երկրպագուք ' նորա . այն որ զիւրն անփոյթ առնէ , և զծառայիցն իւրոց վրէժ խնդրէ : Զի թող նա այնոցիկ՝ որք երկիր պագին որթուն , և առ խնդրեաց զվրէժ յայնցանէ՝ որք բամբասեցինն զՄովսէս . սոյնպէս և Մովսէս : Իբրև աղաչեաց Մովսէս , եթող անձ զմեզ Ժողովրդեանն : Եւ Մովսէս , և առ խնդրեաց զվրէժ հատուցման 'ի նոցանէ նշանաւ Զուրբն քննութե , և 'ի սուր սայր սուսերի զևտացուցն :

1 Եղբանակն ելիւպագոս :

Թեպէտ և սպանութի պղծիչ է սպանողի, սակայն առ որդիան Ղեեայ սուրբ է և յստակ, զի 'ի սպանանէն իւրեանց արդարացան, և 'ի հեղուլ իւրեանց զարին քաւեցան. որպէս Մովսէս 'ի սպանանէն իւրում առաքինացաւ. և Փենեհէզ յաշտիճան մեծութե քահանայութե եհաս. և Եղիա զքուրմն, և Շմուել զՍգադ:

«Եթէ Թողուս նոցա, ասէ, զյանցանս Թող. ապա Թէ նոցա զյանցանս ոչ Թողուս, և զիս ջնջեա 'ի դպրութե քումմէ՝ զոր գրեցեր կենաց», Բայց բազմացաւ գութ ողորմութե այ քան զաղօթս խնդրուածոց նորա. զի պատրաստեալ էր բարեբարն հաշտել՝ յասել իւրում. «Թոյլ տուր ինձ», սակայն Մովսէս եղև ձեռնկալու շնորհացն ողորմութե նորա, զի մի յառաջագոյն կանխիցէ Թողուցու ողորմածն իբրև չիցէ միջնորդ՝ որ խնդրիցէ 'ի նմանէ. և լինին այնուհետև բազում չար գործել:

Եւ ընդէր յետ Թողութե յանցանաց էջ Մովսէս կոտորեաց զԹողովուրդն. և յետ Թողոյն տեառն գրեալ է, ասէ. «Հար տէր զԹողովուրդն անհարին հարուածովք», փոխանակ զի պաշտեցին նոքա զորթ, և երկիր պագին նմա: Զի եթէ էր Թողեալ զնոսա Մովսիսի առանց պատժոց պատուհասից, ժպրհէին համարձակէին նոքա. յապտամբութի, և ուսուցանէին: ևս որդւոցն իւրեանց զԺպրհութի համարձակութե անօրէնութե մեղացն իւրեանց. վասն այսորիկ առ խնդրեաց զվրէժ հատուցման 'ի նոցանէն: Եւ եթէ ոչ էր առեալ նոցա զպատուհաս խրատու յայ, այսպէս կարծէին՝ Թէ Մովսէս 'ի կամս իւր խնդրեաց զվրէժն 'ի նոցանէ, և այ ընդունելի լինէր դործն նոցա: Մովսէս եղբարբքն իւրովք որդւովքն Ղեեայ կոտորեաց զնոսա, և անձ նշանաւ ջուրբքն բրնսութե խայտառակեաց զնոսա:

«Եթէ ոչ, ասէ, դու ինքնին երթիցես առաջի մեր, մի հաներ զմեզ աստի: Եւ զիարդ, ասէ, գիտասցեն», Եւ իբրև հաւանեցաւ առ յանձն, ասէ. «Ծոյց ինձ զփառս քո», Զիարդ լինիցիմք մեք որոշեալ մեկնեալ զատեալ յամենայն հեթանոսաց. այ նորիկ՝ որ հրեշտակք նոցա 'ի սպասու առաջնորդու:

ԹՔ, եթէ ոչ դու ինքնին երթիցես առաջի մեր :
 “Եւ կոչեցի զքեզ յանուն իմ տէր ,” . Իբրեւ զի ասէ :
 “Արարի զքեզ անձ Փարաւոնի ,” : Եւ աստ կատարեաց
 արդեամբք յայնմիկ, զի իջին նստան փառք 'ի վերայ
 երեսաց նորա : “Քաւեմ զանօրէնուի եւ զմեղս եւ զա-
 նիրաւուի , եւ ոչ առնեմ անպարտ զպարտաւորն ,” .
 Հերբայեցի, “Եւ խնդրելով ոչ խնդրեմ, ածեմ զմեղս
 հարց յերիս եւ 'ի չորս դարս ,” : Ոչ եթէ զմեղս հարց
 կուտէ 'ի վերայ նոցա, այլ մինչև յերիս եւ 'ի չորս դարս
 ներէ եւ երկայնամիտ լինի առ նոսա . յիշեցուցանէ զնա
 'ի վերայ նոցա , զի խնդրեսցէ 'ի նմանէ, յայնմիկ զի
 ասէ . “Ոչ երթամ ես ընդ ձեզ, այլ հրեշտակ իմ ,” :
 “Տեսէք, ասէ, մի մեղանչիցէք . գուցէ ոչ թողուցու
 զմեղս անօրէնութե ձերոյ ,” : Ես, ասէ, թողում . եւ
 'ի մէջ այսց ասէ . “Ես եմ տէր անձ ողորմած եւ գը-
 թած, հատուցանեմ զմեղս յերիս եւ 'ի չորս դարս
 ատելեաց իմոց ,” . այս ինքն այնոցիկ՝ որ կատարեալ
 լինին 'ի կարգս մեղաց հարցն իւրեանց քանանա-
 ցւոց : Այն իսկ է՝ որ Աբրահամուհն ասացաւ . ասէ
 “Հնազանդեսցի զաւակ քո զչորեքարիւր ամ ,” : “Եւ
 յորժամ ընուն, ասէ, մեղքն ամուրհացւոց, ապա
 ելցեն նոքա 'ի դար չորրորդ ,” : Զի չոգաւ նա ներե-
 լովն եւ երկայնամտութեն իւրով ընդ մեղաւորս մինչև
 'ի դար չորրորդ . եւ իբրեւ ոչ դարձան յապաշխարու-
 թիւն, առ խնդրեաց զվրէժ հատուցման 'ի նոցանէն
 ստուգութիւն նորա : Փոխանակ այնր՝ զի ասէ “Ծոյց
 ինձ զճանապարհ քո, եւ ծանեայց զքեզ ,” . Հերբայե-
 ցի, “Ծոյց ինձ զճանապարհ քո ,” . այս ինքն յաւուրցն
 Ադամայ : Եւ անդ, ասեն, յայտնեցաւ նմա այն՝ որ
 գրեաց վասն արարածոց :

Եւ զի ասէ “Տեսցես զթիկունս իմ ,” : այս ինքն յետ
 հաստատելոյ աշխարհիս : “Եւ երեսք իմ քեզ մի երե-
 եացին ,” . մինչ չև հաստատեալ էր աշխարհ : տիմար
 քրն մտօք ասեն զայս . տէր մեր ասէ այն որ է առ ան-
 մտօք իւրովք, նոյն իսկ է նմա տեսիլ առ աներեւոյթ
 անձ : Արդ Մովսէս ոչ եթէ տեսանել զանձ գոյի իւ-
 րով խնդրէր, այլ 'ի պատճառս խնդրելոյ նորա տե-

սանել զնա, քարոզեսցի՝ թէ ոչ երևեցաւ և ոչ երևի, իբրեւ զայն՝ զի ասէ՝ «Թոյլ տուր ինձ, թող ջնջեցից զնա», և մատեաւ նա խնդրել ստուգութիւն. իբրեւ այն՝ թէ արդարեւ խնդրէր Աստուած ջնջել զնա. բայց եթէ զք ժողովեսցէ զնոսա ամենսսին՝ ի հարցաւ նել, ի հարկէ մնացեալ լինին։ Մովսէս իբրեւ լուաւ զձայնն անծեղէն, իմացաւ թէ այս ձայն օտար է ի լսելեաց իւրոց, և գովելի է. վասն այսորիկ ասէ՝ «Ծոյց ինձ զփառս քո», և զի ասէ՝ «Ոչ կարէ տեսաւ նել զիս մարդ և ապրել», և զոր օրինակ օտար են լսելիք քո այնմ ձայնի՝ զոր լուար դու, սոյնպէս և օտար է ակն քո այնմ տեսեանն՝ զոր խնդրեցեր դու տեսանել։ Մուտ նա յայրն, փայլեաց ի վերայ նորա լոյս. եղև նմա իբրեւ երկինք, անկաւ ի վերայ նորա աչ և երկիւղ. սկսաւ աղաղակել և ասել. «Տէր անծ ողորմած և գթած», այլովքն հանդերձ։

Բայց դարձեալ զի յօժարէր նա տեսանել զանձ, վասն սիրոյ կարծէր նա՝ թէ և տեսանել կարեմ. քանզի սէրդ ըստ ամենայն չափո զանցանէ։ Այլ անծ իբրեւ ետես զնա թէ ոչ մնայ ի խնդրուածոց իւրոց, և ոչ տեսանել զնա բովանդակ է վասն բնութե իւրոյ, ցոյց նմա որպէս և կարօղ էր տեսանել։ Եւ զի յայտ արասցէ՝ եթէ այն՝ որ հայի ընդ անձ՝ ծնեալ լինի նա վերստին, զի եղիցի նա իբրեւ զորդիս անյ, միշտ զնա յայրն իբրեւ յորովայն. և ծնաւ այլ ծնունդ զգեցեալ փառօք՝ որ ոչ ի բնութե իւրում։ Եւ զի ասէ՝ «Ծոյց ինձ զփառս քո», զայս կամեցաւ խնդրել նա, զի ընդ նմա ճշմարտապէս խօսեցեալ լիցի յայ, և ոչ միջնորդաւ. այս ինքն կամ հրով, կամ հրեշտակաւ, կամ բարբառով. այն իսկ է, զի խօսեցաւ ընդ նմա բերան ի բերան, և ձեռն ի ձեռն գէմ յանդիման։ Փոխանակ այնր՝ զի ասէ՝ «Առաջի իմ երթիցես դու, զետեղեցից զքեզ», հերբայեցի՝ «Ես ինքն իսկ երթայցեմ առաջի քո», և փոխանակ այնր՝ զի ասէ՝ «Յականէ յանուանէ գիտեմ ըզքեզ», հերբայեցի, «Ծանուցից քեզ», ասէ. իբրեւ զայն զԴաւթին, ասէ՝ «Արարից քեզ անուն», և Փոխանակ այնր՝ զի ասէ՝ «Փառաւորեցան երեսք Մովսիսի», հերբայեցի՝ լուսաւորեցան. այս ինքն իբրեւ զարեգական։

Եւ զի երկիցս անդամ քառասուն քառասունս մնաց 'ի լերինն, ուսուցանելով, ասեն, ուսուցանէր նմա՝ Թէ զինչ արասցէ 'ի սպաս պաշտաման խորան ժամուն : Եւ ահա ոչ կարէր նա ուսանել առանց պարգեաց . և եթէ պարգեօք ուսանէր, յական Թօթա փել ուսանէր . ամենայն իմաստութեամբ խելամուտ առնէր զնա : Այլ զայս ասասցուք, եթէ վասն քրն . նուրբ ժողովուրդեանն արգել զնա անդ զքառասուն օր զառաջինն : «Գնա էջ դու աստի, ասէ, զի անօրիւնեցաւ ժողովուրդն քո», : Եւ էջ խորտակեաց զտախտակսն, և ոչ պատուհասեցաւ . զի ժողովուրդ պիղծ և անօրէն էր : Եւ քառասուն ևս օր վասն էր . զի մի եղևին նոքա ասել՝ Թէ չեն այս նոյն օրէնք : Զի եթէ էր նա իջեալ վաղվաղակի, լինէին նոքա ասել՝ Թէ զինչ է, զի առաջին կտակարանքն քառասնօրեայ ժամանակօք տուան, և վերջինն փոքր աւուրքք . ոչ են հաւասար վերջինքս առաջնոյն : Մանաւանդ զի յայսմ ուխտի աղաչել վասն նոցա ելեալ էր նա, զի մի Թեթ և իցեն աղօթք նորա որ վասն նոցա . կաց մնաց զքառասուն օր, որպէս զի մեծասցին և յանցանք նոցա յաչա իւրեանց :

Եւ զի յերկուս տախտակսն տուան օրէնքն, առակ օրինակի երկուց կտակարանաց, իբրու մի է տուիչ նոցա : Եւ զի տախտակքն փոխանակ տախտակաց տուան, երկուս ժողովուրդս յայտ առնէ . այն՝ որ խոտեցաւն անարգեցաւ, և եկեղեցի՝ որ ընտրեցաւ : Բայց է դարձեալ, զի մի արհամարհեսցին տախտակքն վերջինք Մովսիսի քան զառաջինսն այ, զգեցոյց նմա շուք փառաց և անուն երկրպագեալ . զի անդ ասացաւ նմա, ասէ «Կոչեցից զքեզ յանուն տեառն», . զի ըստ նմանունն այ եղիցի նա : Եորժամ գիշերի ելանէր Մովսէս, խաւարն յամենայն յանապատէ անտի փախուցեալ հալածական լինէր, և լոյս 'ի վերայ ամենայն անապատին սփռեալ տարածեալ լինէր : Զի լոյսն՝ որ յերեսաց նորա ծագէր, հալածական առնէր զխաւարն յերեսաց յաչաց իւրոց : Այլ իբրեւ տեսանէին զնա որդիքն Խարայելի և քանանացիքն, ոչ նոքա երկնէին և տային զանձինս իւրեանց 'ի ձեռս նորա, և ոչ սոքա հաւանէին աշա-

կերտել նմա : Վասն այսորիկ քանանացիքն , զի ոչ ետուն ձեռն Մովսիսի , հրակրեցան նորա . և որդիքն Խարայելի աշակերտեցան նմա , հար սատակեաց զնոսա հրամանն նախ Մովսիսին : Այլ աչացն Մովսիսի լոյսն որ 'ի նոցանէն հաղորդեալ էր ընդ տեսանելիս նոցին . այս ինքն լոյս՝ որ ոչ 'ի բնութե ընդ տեսանելիսն՝ որ 'ի բնութե . զի ամենայն աչաց տեսիլ գոյ , այլ ոչ ամենայն աչաց լոյս գոյ : Սոյնպէս ոչ են կարօտ աչք արդարոց լուսով , զի լոյս նոցա խառնեալ է ընդ հայելիս նոցին . որպէս և Մովսէմն , զի մուրացեալ լուսոյ ոչ էր կարօտ , և մարմինն նորա զայսպիսի փառս զգեցեալ էր , զամօթ խայտառակունէն Ագամայ ոչ ստացաւ :

Տասն պատուիրան յերկուս տախտակս . հինգ մի՝ և հինգ միւս . և համեմատին ընդ միմեանս այսպէս : Առաջինն ընդ վեցերորդին . երկրորդն ընդ եւթներորդին . երրորդն ընդ ութերորդին . չորրորդն ընդ իններորդին . հինգերորդն ընդ տասներորդին : Առաջին՝ Ես եմ տէր անձ : Երկրորդ՝ Մի արասցես դու քեզ այլ անձ : Երրորդ՝ Մի երդնուցուս յանուն տեառն : Չորրորդ՝ Բիշեսջիր դու զօրն շաբաթու սրբել : Հինգերորդ՝ Պատուես դու զհայր քո և զմայր : Վեցերորդ՝ Մի սպանաներ . եթէ ես եմ , մի սպանաներ : Եւթներորդ՝ Մի չնար , պոռնկութի է քեզ խոտորել յԱստուծոյ քուսմէ : Ութերորդ՝ Մի գողանար . եթէ գողանաս երդնուս : Իններորդ՝ Մի սուտ վկայութիւն վկայեր 'ի վերայ ընկերի քո . ապ' եթէ չաւատաս դու՝ թէ նա արար զերկինս և զերկիր , վկայութիւն ստութեան վկայես : Տասներորդ՝ Մի ակն դներ տան ընկերի քո . և որպէս պատուես դու զհարմն քո , սոյնպէս պատուես զընկերն քո : Եւ մի ակն դներ ամենեւին զքն , ընկերին քո իցէ : Այն իսկ է՝ զի ասէ « Սիրեսցես զընկեր քո իբրև զանձն քո » :

ԿԱՏԱՐԵՑԱԻ ԵԼԻՔ ԴՊՐՈՒԹԻՒՆ ԵՐԿՐՈՐԴ
ԱՐԱՐԱԾՈՑ

ՍՐԲՈՅՆ ԵՓՐԵՄԻ

ՄԵԿԵՆՈՒԹԻՒՆ

ՂԵՒՏԱՑԻՈՑ

Տ Ե Ա Ռ Ն

Ե Փ Ր Ե Մ Ի

ԽՈՐԻՆ ԱՍՈՐԻՈՅ

ԴԳՐՈՒԹԻՒՆ ԵՐՐՈՐԴ

Դ Ե Ի Տ Ա Յ Ի Ո Յ Ն

ԳԼՈՒԽ Ա

ԼՍՏՈՒԱԾ, զի առ յանձն զպատարազն իւրայելի, թէ գուցէ լռելն իւր 'ի զոհից անտի օգնական ապստամբութե նոցա լինիցի, և եղիցին նոքա այնուհետեւ զոհել դիւաց. զի յիշէին նոքա զփափկութիւն իւրեանց՝ որ յերկրին եգիպտացւոց, դառնային նոքա յերկիւղէ նորա, 'ի տալ նոցա ձեռն յայսմիկ իսկ եղև քաւութի մեղաց: «Ինձ, ասէ, զոհեսջիք». այս ինքն ըստ օրինաց՝ զոր պատուիրեմ. և անասուն՝ զոր որոշեաց մեկնեաց և զատեաց նոցա, զոր զոհիցեն նոքա՝. զի ծանրասցին իրքն յաչս նոցա, և մեծասցին քան զհեթանոսացն. զի մի կարծիցեն թէ զոհք դիւաց սուրբ են քան զնոյ, և զգուշութիւն մատուցեալ լինին. և դառնայցեն նոքա: Զի թէ ասացեալ էր նոցա անասուն մատուցանել, զայն զոր ոչ միտք մարդկան ախորժէին, այն զի ոչ դիւաց մատուցեալ լինին նոքա, զիարդ ոչ դառնային նոքա առ նոսա: Ապա թէ որ ընդդէմ դարձցի և ասիցէ՝ թէ վասն դիւաց առ նա յանձն զոհան իւրայելի: Իսկ Աբրահամ, նոյ և Հաբէլ, որ յառաջ

քան զօրէնան մատուցին պատարագ, զի՛նչ են : Այլ զայս ասասցուք . զի ուսուցէ զԽրայէլ՝ թէ ոչ նոր ինչ է այս , և երկմտեալ բաժանեցի նա՝ թէ յառաջագոյն են զոչք հեթանոսաց քան զնորայն : Սակայն և ոչ առաջնոցն ասաց նա ըստ գրոց մատուցանել զոչս պատարագաց . այլ և զայս ևս արար նա , զի մի պարծիցէ Խրայէլ՝ թէ ՚ի հեթանոսաց ուսան և ընկալան նոքա . անուանեաց ՚ի վերայ առաջնոցն , զի յընթեռնուլ իւրեանց զգիրս՝ ծանիցեն և գիտասցեն , թէ յառաջագոյն է հարց նոցա քան զհեթանոսաց :

() Ի բազում են զոր պատուիրեցին օրէնք՝ զոր ուտիցեն , և զոր ոչ ուտիցեն . որպէս սովորութիւնն հաւանեցուցանէ , և ՚ի նոցանէ անխայեաց : Զի զայն ինչ՝ որ ոչ իցէ նոցա սովորութիւն , մի ուտիցեն . զի քաղցրասցի նոցա օրէնսդրութիւն , և ուրախ եղիցին ՚ի նա ՚ի մեծարել իւրեանց զնա . և զորս բարձն ՚ի նոցանէ , զի եղիցի օտար փոքր մի և նորոգ յաչսնոցա . և ՚ի նոցանէ հրամայեաց , զի կերիցեն զայնոսիկ՝ որոց եգիպտացիքն երկիր պապանէին : Զի ՚ի զենուն իւրեանց զնոսա , իմասցին և գիտասցեն ՚ի ձեռն չարչարանաց նոցա՝ թէ ընդունայն և տարապարտուց երկրպագութիւն նոցա , այն՝ որ են զուարակք և ոչ խաբք և այլ ևս :

Բայց զայնոսիկ՝ որ յերկրին եգիպտացուց առանց կարգաց ՚ի պէտս իւրեանց գնային , և օրկորստութիւն ագահութիւն ուտէին , հեռանալ ՚ի նոցանէն հրամայեաց , և զնոսա ՚ի նոցանէ կարձեաց . զի նա ինքն է խոզ , այն զի խնդրեցին յանապատի անդ : Բայց դարձեալ , քանզի միտք մարդկան կանխեցին յառաջագոյն խոտեցին անարգեցին զբազումն ՚ի պատճառս պատճառս , և զնոցն իսկ զսովորութիւն յորում կապեալ էին նովաւ դարձն կարգելովն ոչ շրջեցին օրէնքն . բայց զայս նեղեցին , զի կերիցեն զայնոսիկ՝ որոց երկիրն պապանէին եգիպտացիքն . և զայս զի մի կերիցեն , զորս ագահութիւն և օրկորստութեամբ ուտէին յերկրին եգիպտացուց . զի բնաւ ամենայնիւ խելացէ զեգիպտոս ՚ի մտաց նոցա հանդերձ զոհիւք իւրովք :

Ըստ ոչ եթէ մի կարգ էր զոհիցն և պատարա-
գացն . զի է՝ որ փոխանակ զոհից և վասն սրբութե,
և է՝ վասն օրհնութե կամ շնորհ սննելոյ, և է՝ որ
ըստ կարգի մասին, և է՝ վասն ողջակիզաց : Զի յոր
ժամ 'ի հիւանդութե, կամ 'ի պատերազմէ, կամ
եթէ պատճառք ինչ ապրելոյ 'ի նեղութե մատու-
ցանէ, իբրու յիշեցուցանէ զայն զԴաւթայն . « Զի՞նչ
տաց, ասէ, տրիտուր տեառն ընդ ամենայնի զոր ետ
ինձ », Եւ զայս զի ետ նոցա, զի որոշեսցեն . ոչ եթէ
սուրբ էին նոքա քան զհեթանոսս : Զի ահաւանիկ
և ոչ զամենայն՝ որ սուրբ էր, հրամայեաց նոցա ու-
տել . ասէ « Զճարպ դոցա մի ուտիցէք, այլ 'ի վերայ
սեղանոյ հանջիք : Եւ զարիւն, դարձեալ, մի ու-
տիցէք . 'ի վերայ սեղանոյն սրսկեսցի » : Եւ տես դու՝
զի արիւն պիղծ է առ ուտել, և ճարպ սուրբ է . և
երկրքին 'ի վերայ սեղանոյ ելանեն : Եւ իբրեւ համա-
րեցաւ զսուրբան, համարեցաւ անդ և զայծեամն և
զեղջերու : « Եւ 'ի վերայ սեղանոյ, ասէ, մի հանի-
ցէք, այլ 'ի տան քում՝ կերիցես զնա : Եւ զճարպ
նոցա, դարձեալ, մի ուտիցէք » : Եւ և զմեղը սուրբ
արար առ յուտել . « Եւ 'ի վերայ սեղանոյ, ասէ, մի
մատուցես », Եւ կին մարդ սուրբ է յամուսնութի
ընութե, և պիղծ է նա պոռնկութե արտաբոյ ընու-
թեն . զի ամենայն ինչ պատուիրանաւ որոշի : Եւ 'ի
տեղի ուրիշ զամենայն զծնունդ այգւոյ պղծէ, և առ
պատարագս սուրբ է : Եւ Սամիսոն ոչ պատուհասե-
ցաւ, զի եկեր նա զմեղրն 'ի նեխեալ 'ի մեռելոտի
մարմնոյ անտի պիղծ գազանի : Եւ յայսմիկ յայտ
եղե՝ թէ ոչ լի կատարեալ սրբէին նոքա 'ի ձեռն
այնր՝ զի ոչ հրամայեաց նոցա մատուցանել պատա-
րագ 'ի նոցանէ : « Անասուն, ասէ, անարատ մա-
տուցես » . խորհուրդ այնորիկ՝ որ առանց մեղացն
էր, որ քաւեաց զմեղս մարդկութեան : Ոչ անասուն
արատաւոր կարէր քաւել, և ոչ մեղաւորն և լի ա-
րատով պիտոյ էր մեռանել փոխանակ մարդկութե :
Ըրդ տես դու զի և Յովորքըմապետ էր հեթա-
նոսաց, և արդարացաւ . և գաբաւոնացիքն յոյս ա-
պագայի արարին զժողովուրդն . և զի կամեցաւ
Հաւուդ կոտորել զնոսա, արգելան երեկնք 'ի ցոյոյ .

և զբարկուծի՝ զոր խորհեցաւ նա 'ի վերայ նոցա , յեւթն որդիս նորա ել : Եւ Ովբարեղովմայեցի՝ օրհնեցաւ տունն նորա , փոխանակ զի պատուեաց նա ըզտապանակն կտակարանաց առաւել քան զքահանայս : Եւ Աթի գեթացի կերակրեաց զԴաւիթ 'ի ժամանակի իբրեւ հալածական էր նա յերեսաց Աբիսաղովմայ որդւոյ իւրոյ : Եւ Աբեղովէք քուշացի հնդիկ հան զԵրեմիայ 'ի գբոյ անտի տղմոյ , զի արկին զնա անդր որդիք ժողովրդեան իւրոյ . նոքա գերեցան , և նա ապրեցաւ : Եւ Ուրիա քետացի մի յիշխանաց էր Դաւիթի . և Բահաբ յազգն Յուդայ յարեցաւ , և 'ի տոհմ տանն 'Դաւիթի խառնեցաւ . և Հրուծ մովաբացի , և Նեէմի ամոնացի : Սոյնպէս և ոչ եպերեցան որք ընկալան զնոսա , այլ 'ի նոցանէ ծնան թագաւորք օծեալք և մարդարեք , և ոչ կարաց կալ ընդդէմ նորա պատուիրանն . այն՝ զի խոսէ «Մի մոցէ ամանացի և մովաբացի 'ի ժողովուրդ տեառն» : Եւ ոչ 'ի դար տամերորդ . այլ զոր ինչ ստուգուծին հատանէ վասն օգտակարուծե , ողորմուծի արձակէ վասն ապաշխարուծե . զի առանց օրինաց է :

Արդ քանզի մի արարիչ է այս , որ զամենայն զոր և արար բարի է յոյժ , եթէ անուանեաց սրբուծիւն և պղծուծի՝ յայտ է թէ պատճառք են այս . այսպէս և 'ի նմին յօրինաց . զի ահա առասիկ որք ընտրեցին և կերան , ոչ արդարացան . և որք անփոյթ արարին , վասն նոցա ոչ պատուհասեցաւ արդարուծի նոցա . և ահա սուրբն՝ եթէ մեռելոտի լինին , պղծին : Արդ ո՛ր է սրբուծի նոցա . և զոր զենոյին , ոչ լինէր պղծեալ՝ թէ այսպէս էր , զի երկաթ սրբէ զնոսա , և ոչ երկաթն դարձեալ սրբէ զնոսա . զի եթէ պեղծ է այն՝ որ զենուն , նովաւ պղծուի է . և 'ի մերձեալ սրբոյն 'ի պղծուծի պղծեալ լինէր : Թէ այդպէս է , զօրագոյն է պղծուծի քան զսրբուծիւնն : Այլ յայտ է այս՝ թէ առակք օրինակաց և պատճառք ինչ են . զի ահա Եղիա ոչ պղծեցաւ յազառաւուց անտի և 'ի մնոյն , այն զի չէր իսկ յայտնի թէ ուստի էր , կամ երևէր . և յօրէնս ասէ . «Ետուես ձեզ զամենայն միս» , զպիղծն և զսուրբն , որպէս

զայծեամն և զեղջերու : Եւ ահա արիւնն՝ որով պրղծեալ լինէր մեռեալն , նովաւ սրբէր սեղանն , և ՚ի վերայ նորին սրկեալ լինէր , և ոչ ինչ էր այլ պիտոյ . ասէ “Ոչ ուտեմ ես միս զուարակաց , և ոչ զարիւն նոխազաց ըմպեմ ես” :

Եւ տեսցուք եթէ կացին մնացին սուրբքն և պիղծքն ՚ի կարծիս իւրեանց : Արդ գիտեմք՝ եթէ անիծաւ օձն , զի եղև նա պատճառք մահու , և ապա յետոյ եղև նա պատճառք կենաց : “Ամենայն որ հայէր , ասէ , ընդ օձն պղնձի , կայր և ապրէր” : Արդ յայտ եղև՝ եթէ պատուիրանն եթէ վասն պատճառանաց ընդ պիղծ է՝ և սրբէ , և ոչ եթէ ընու թի՛ նոցա պիղծ է : Եթէ ընու թեամբ չար էին օձք , զապստամբօք պահէին , և զհլուս ապականէին . զոր օրինակ և առեւծքն զի պահեցին զԴանիէլ , և կերան զչարախօսմն՝ ոչ եթէ որպէս պիղծք , այլ որպէս և ստոյգք և արդարք . և ագուաւուցն դարձեալ զԱխար արժան էր կերակրել և ոչ զեղիս : Այսու իրիք ՚ի վերայ ամենայն սողնոց թռչնոց և գազանաց հաւանեցուցաք՝ եթէ չիք պղծուի ՚ի բնուն , այլ կամք են . և պատուիրանն ընտրեաց և անարգեաց զգոհս :

Եւ եթէ օգուտ ինչ էր ընտրութի կերակրոց , ահա զբառասուն ամ յանապատի անդ զմանանայն կերան , և ոչ կարաց սրբել զհիւանդացեալ միտս նոցա : Եւ տապանն սրբեաց զամենայն՝ որ ՚ի նմա , զի հաւատովք ապրեցան ՚ի ջրհեղեղէ անտի : “Եւ զի՛նչ , ասէ , պիտոյ է ինձ բազմուի զօհից ձերոց . և զճարպ դառանց և զարիւն ցլուց և նոխազաց ձերոց ոչ կամիմ տեսանել . յագեալ եմ ձեզք” : Եւ չիք հնար յայսմ հետէ , այլ ոչ ևս ներեցից մեղաց ձերոց : Եւ զազրացաւ նա և յայնցանէ՝ որ զպատարագան մատուցանէին , յայնմիկ՝ զի ասէ “Մերժեցից զնոսա յերեսաց իմնց” , և զի ասէ “Բնաւ ո՛ իսկ խընդրեաց զայդ ՚ի ձեռաց ձերոց . կոխել դուք ամենեկին այսուհետեւ զգաւթի իմ մի յաճախիցէք : Եթէ մատուցանէք դուք զնաչիհ պատարագ , այն զուր է ձեզ . եթէ արկանէք դուք ինձ խունկս , և այն պիղծ համարեալ է ինձ” : Եւ համարեցաւ զնոսա իբրեւ սպանութիւն , յայնմիկ՝ զի ասէ “Բայց անօրէնն՝ որ

մատուցանէ ինձ եղն պատարագ՝ այնպէս իցէ, որպէս զի հարկանիցէ որ զկառաւին մարդոյ, ։ Եւ համարեցաւ զսուրբն իբրեւ զպիղծս, յայնմիկ՝ զի ասէ “Եւ որ մատուցանէ որ զոչխար պատարագ՝ այնպէս իցէ, որպէս թէ մորթիցէ որ զշուն . և որ մատուցանէ որ զնաշիհ պատարագ՝ այնպէս իցէ, որպէս հեղուցու որ զարիւն խողի, ։ յայնմիկ՝ զի անարգեալ է նա ՚ի սրսկելոյ ։ Եթէ քնութիւն իւրեանց սուրբք և պիղծ էին, ոչ փոփոխեալ լինէին նոքա . այլ պատճառք են, զի նոքոր մերձեցին տգէտք ՚ի գիտութիւն ճշմարտութե ։

Ի՞նչ պատարագք վասն նշանակի տուան . զի ահա ոչ արդարք կարօտ եղեն նոքոր, և ոչ մեղաւորացն օգուտ ինչ եղեն նոքա . յայնմիկ՝ զի ասէ “Մի՛ քաւիցին մեղք և անօրէնութիւնք տանն Հեղեայ զոհիւք և պատարագովք ՚ի ձեռն տօնիցն զոհից, ։ Յայտարար զգոհսն օգտակարս, յայնմիկ՝ զի ասէ “Ղաւ է լուր քան զպատարագ, ։ “Մատուցուծոյ պատարագ օրհնուէ, ։ և “Պատարագ խոնարհ և սիրտ աշխատեալ, ։ Եւ զի հպարտացեալ էին ՚ի տաճարն, “Տաճար էք դուք, ասէ, տեառն Աստուծոյ՝ եթէ հաճոյ արասցէք զգործս ձեր, ։ և այսու խափանեաց դտաճարն ։ “Եւ ես յո՞ հայեցայց և բնակեցից, բայց ՚ի հեզս և ՚ի խոնարհս և յայնստիկ՝ որ դողան ՚ի բանից իմոց, ։

Ի՞նչա եթէ ասիցեն . եթէ պատարագք արդարոց բնդուենլի եղեն, զի՞նչ օգուտ է յանասունս՝ զի զմեղաւորս ոչ արդարացուցին . և արդարոցն եթէ ոչ էր զոհեալ, ոչ մեղանէին . առանց զոհից առաւելան և առաքինացան, և յիշատակք նոցա օգնական եղեն այնոցիկ՝ որ զգոհսն մատուցանէին . և ՚ի զոհսն չիք ինչ պէտք ։ Եւ զի հրամայեցան զոհքն վասն նշանակի գիտուէ այ . զի Մովսէս ոչ եթէ զոհիւք հաշտեցոյց զանձ ՚ի ժամանակի՝ իբրեւ մեղաւ ժողովուրդն, բայց աղօթիւք հանդերձ այլովք առաքինութիւնք ։ Եւ եղեկիա ոչ եթէ զոհիւք հաճոյ եղև այ և փրկեաց զբաղաքն, այլ աղօթիւք ։ Եւ Յեշով ոչ եթէ զոհիւք հանդերձ բաժանեաց զՅորդանան, և կործանեաց զպարտաւն երկրով քաղաքի, և արգել զարե-

գանձն և զլուսին , և հար վանեաց զթագաւորս , այլ 'ի տարածանել ձեռաց աղօթիւք : Եւ փենեհէս աղօթիւք առաքինացաւ առանց զոհից . և Եղիա ցրովք հանդերձ : Զի ոչ քաւեցին զոհք վամս սպանութեց և ճնութեց , բայց զեղջ և ապաշաւ ոգւոց քաւեաց : «Մեղայ , ասէ , Դաւիթ , : Ասէ ցնա . «Եւ տէր Թողցէ զմեղս յանցանաց քոց» :

Վանգի զոհէին նոքա դիւաց 'ի գաշտս , ասէ , և 'ի լերինս , հրամայեաց զի նմա զօհեցեն . զի 'ի ձեռն այսր՝ կապեացին նոքա 'ի սէրն նորա . զոր օրինակ և տօնքն զի պատուիրեցան , զի յիշեցեն զոգորմութի շնորհաց նորա , և խոստովան եղիցին նմա այնորիկ՝ որ կատարեալն են սիրով նորա . բարձրագոյն են նոքա 'ի պատճառանաց օրինաց : Տօն առաջին բաղարջակերաց , զի խոստովան եղիցին այնմիկ՝ որ փրկեաց զնոսա յերկրէն եգիպտացւոց : Եւ տօն երկրորդ պէնտակոստէից , զի 'ի նմա տուան նոցա օրէնք , զի մի մոռացեն զտէր պատուիրանաց : Եւ տօն երրորդ՝ իսկիզքն տարւոյն ըստ Թուոյ ամացնուցա , զի խոստովան եղիցին տեառնն կենաց իւրեանց : Եւ տօն չորրորդ յաւուրն տասներորդ յամենանն եւթներորդի . պահք , խոնարհութի , որ վամս որթուն . «Պահեցեն , ասէ , վամս ամենայն մեղաց և յանցանաց իւրեանց» . զի յիշեցեն նոքա զստուգութիւն՝ որ խնդրեաց 'ի նոցանէ զվրէժն , և արգելեալ կարճեացին նոքա 'ի մեղանչելոյ : Եւ տօն հինգերորդ տաղաւարահարաց , զի մի մոռացին զայն՝ որ ծածկեաց զնոսա 'ի ներքոյ ամպոյն յանապատի անդ : Արդ վամս յիշատակի դժուարին մտացնոցա տուան նոցա տօնք տարեկանաց , զի 'ի պատճառս տօնիցն ուրօգեացէ 'ի նոսա զսէրն նոյ իւրեանց , որպէս և ասաց իսկ . ասէ «Ամենայն՝ զի ետու ես զօրէնս զայսոսիկ , զի ծանիցես դու զտէր նձ քո» :

Վէ Թողցուք անդր զօրէնս , և տեսցուք յետ այսորիկ 'ի ձեռն աղօթից : Ի՛ւ եղև փրկութիւն գերդն . ոչ ահա աղօթիւք երեմիայի . այն՝ որ յորովայնէ մօր իւրոյ սրբացեալ էր 'ի կերակրոց . այն զի ասէ «Իւ ոչ Մովսէս և Շմուէլ , որք ընտրեցինն իսկ զկերակուրս , Թէպէտ և կացցեն յաղօթս առաջի իմ՝

յայսմ՝ ժամանակի, սակայն ոչ լուայց նոցա, և Եւտունն Անանիայ թէպէտ և ունդս ուտէին, սակայն ոչ կարացին ապրեցուցանել զորդիս ժողովրդեան ազգին իւրեանց յերկրպագութէ անտի պատկերին, բայց միայն զանձինս իւրեանց: Եւ Եսթեր, զի ուտէր 'ի խորտկաց անտի թագաւորին, և ըմպէր 'ի գինւոյն նորա, և ննջէր 'ի ծոց նորա, կաց յաղօթս զերիս աւուրս, և լսելի եղեն աղօթք նորա. և ոչ հաւարեցաւ նմա պղծութիւն:

Այլ զայս դարձեալ ասասցուք. եթէ վասն կերակրոց՝ որ մերժեալ ընկեցեալ լինի յորովայնէ արտաքս, ցոյց եթէ պղծէ զայն՝ որ կատարէ զպէտս իւր նոքօք, որչափ ևս առաւել պղծեն գործք չարք որ 'ի կամաց լինին: Զի եթէ որք ոչ 'ի կաման մեր պատահեն մեզ, պղծիմք մեք. արդ յորժամ լինի 'ի մարմինս մարդոյ արիւն կամ աղտեղութի դաշտանի, կամ աղտեղութի սերման ելանելոյ գիշերի, և եթէ մերձենայ 'ի նոսա՝ որ սուրբն իցէ՝ պղծեալ լինի նա, որչափ ևս առաւել արժան է մեզ զգուշանալ 'ի սպանող մեղաց՝ որ կամաւ գործեալ լինին:

ԳԼՈՒԽ Բ

ԵՏՐԵՑԱԻ Ժողովուրդն յամենայն ժողովրդոց. ընտրեցաւ տոհմն յամենայն տոհմաց. ընտրեցաւ ազգ յամենայն ազգաց. ընտրեցաւ այր յամենայն արանց առանց արատոյ: Արդ տես դու որչափ ընտրուիք են, զի եղիցի ընտրուին կատարեալ. և եթէ էր արատ ինչ յանձն քահանային, կամ եթէ լինի արատ 'ի մարմին նորա, և տես դու զիմրդ մարդ՝ յորում արատ գուցէ 'ի մարմին նորա, մատուցանէ պատարագ՝ յորում լիցի արատ, և ընդունելի լինի: Եւ մարդն անարատ մարմնով իւրով մատուցանէ պատարագ՝ յորում արատ իցէ, և ոչ լինիցի ընդունելի: Եւ իբրեւ այս հոգաբարձութի եղև 'ի վերայ քահանայից, մեռան նոքա յօտար հրոյ անտի, և ընտրութի նոցա ոչ ինչ օգնեաց նոցա: Արդ վրան ժամուն նշան եղև խորանին. և ժողովուրդն որ խա-

ժանեցաւ, եկն տաճարն և խափանեաց զխորանն, և զտաճարն քակեցին թշնամիք. և քահանայն խորհուրդ Գրիստոսի է, զի չիք 'ի նմա արատ. զի արատ մարմնոյ՝ խորհուրդ է յանցանաց անգամաց ոգւոց։ Արդ զոր օրինակ մերժէ երիտասարդուի զտղայուի, և ծերութի զերիտասարդութի, սոյնպէս մերժեաց անցոյց Տրեութի զՏեթանոսութի, և քրիստոնէութի զՏրեութի. սրպէս մերժեաց անցոյց կրտսերութի զանդրանկութիւն։

Եւ զգոհս զոր սիրէր՝ զայն մատուցէք նմա. այն զի յայտնի զոհքն 'ի վերայ նոցա վկայեն՝ եթէ հայելի են արարածք գեղոյ ծածուկ պատարագին, զի 'ի նմա կապեալ լինիցի խորհուրդք, սէր, գութ և աղօթք մատուցողացն։ Եւ յորժամ ընդունելի լինիցի, եղիցի վկայութի 'ի վերայ ծածուկ և գեղեցիկ մտացն մատուցչին նորա. և յանարդեւն նորա դարձեալ, յայտնապէս եղիցի վկայութի յայտնի առաջի Ժողովրդեանն, որ ատեայ զներքին պատարագս, և ընթանայ հաշոյ լինել արտաքին պատարագք։ Արդ արտաքին պատարագքն հանապազորդ մերձաւորութեն իւրեանց յանդիմանիւք ոչ են այնոցիկ՝ որ ոչն են հանապազորդ ներքին պատարագք։ Սոյն պէս սեղանն արտաքին՝ մարգարէ է ամենայն իրովք ծածուկ սեղանոյն. և քահանայն՝ խորհուրդ է ծածուկ քահանային։

Արդ Ժողովեցէք զանդամս ձեր, և արարէք նմա մի խորան սրբութե, և զխորհուրդս ձեր պատարագ հաշոյութե, և զկնճիւռն ձեր արարէք սեղան հաշտութե, զի 'ի վերայ նորա նուիրեսցէ սիրտ զծածկեալ խորհուրդս իւր հատուցչին ծածկելոց։ Զի առ մենայն յստակ խորհուրդ եկեղեցի է 'ի ծածուկ, և սիրտ՝ սեղան ընտրութեց եղեալ է 'ի նմա։ Յանդիմանեա զնոսա յայսմիկ. զի եթէ մարմնոյ նոցա տաճար նոյ լիեալ էր, ոչ լինէր անձ հակառակ անձին իւրոյ՝ թէ 'ի տաճար քարեղէն պաշտեալ լինիցի, և տաճար մարդկութե ոչ պաշտենցի։ Վասն այսորիկ եդ զնանս իւր 'ի վերայ պատկերի մերոյ, զի յայտ արասցէ՝ եթէ նա է յամենայն մարմնոյ խորան անձութեան։ Արդ ամենայն պատարագք կրկին գառնան

առ մատուցին իւրեանց, զի խնդրուածք իւրեանց
 ոչ են կարօտ նոքօք. զի վասն պատճառանաց բարեաց
 անուանեցաւ կարօտութի'ն միջի, զի նովաւ եղիցի
 մեզ հանապազօրդ. յորդորումն բարեաց նորա : Զի
 'ի տալն մերում նմա, զարթուցուք 'ի վերայ մեր
 զպարգևսն նորա . և 'ի թօթափելն մերում զգանձ-
 սըն մեր փոխ տալ նմա, փախուսցուք գնա 'ի խղճէ
 աստի 'ի տուն գանձի նորա : Եւ զի եղեալ է 'ի վե-
 րայ պատարագաց մերոց անուն կարօտութե'ն նորա,
 և յանփոյթ առնելոյ ստուգութե'ն նորա՝ երկեցուս-
 ցէ զտուրմն մեր, զի մի ննջեսցեն, կապեաց դար-
 ձեալ զգոհս պատարագաց նոցա 'ի միում վայրի . և
 յայտ արար նոցա, զի եթէ բարկացուցեն՝ հատանէ
 նա զարմատան՝ յորում կապեալն են, և լուծեալ
 արձակեալ և խափանեալ լինին տեղեալն հանդերձ :
 Բայց հանդերձն՝ որ էր 'ի վերայ լանջաց քա-
 հանայապետին, զոր օրինակ դատաւորք՝ զի ածեն
 սուր ընդ մէջ իւրեանց վասն ահի երկեղի իշխա-
 նութեան իւրեանց, և վասն պատժոց պատուհասից
 անցելոցն զօրինովք, սոյնպէս և այն՝ որ եղեալ էր
 'ի վերայ լանջաց քահանայապետին, կատարումն իշ-
 խանութեան նորա և խոստումն պատժոցն պատու-
 հասից անցելոցն զպատուիրանօքն : Արդ ամենայն
 հանդերձն լանջաց նորա իրաւունս դատաստանիքաւ
 ըողէ :

Թիպէտ և պատուական էր քահանայն յայտնի
 հանդերձիւն, սակայն յոյժ փառաւոր և քան զնա
 քահանայն ծածուկ : «Քահանայ, ասէ, յորժամ
 մտանիցէ 'ի խորան, գինի մի արբցէ», : Բայց ուխտա-
 ւորն բնաւ ամենւին գինի և ցքի մի ճաշակեսցէ, և
 բնաւ որ ինչ ծնունդ որթոյ իցէ : «Եւ առ մեռեալ,
 ասէ, մի մտանիցէ, քանզի պսակ նոյ իւրոյ 'ի վերայ
 գլխոյ նորա», : Յայտմ վայրի յայտ արար մեզ՝ եթէ
 առաւել է պսակ ուխտաւորին, որպէս և քահանայ-
 ապետին . զի պսակ նոյ իւրոյ 'ի վերայ գլխոյ նորա՝
 այս ինքն աղօթք ուխտի նորա :

Իճութիւն յայտնեցաւ 'ի վերայ առաջին զոհիցն
 'ի խորանի անդ, և հուրն ել և կեր . և նոքա հպար-
 տութիւն պարծանօք արբեցան փոխանակ ընդ գինւոյ,

և չողան արկանել նոքա խունկա առանց հրամանի՝ քանզի ոչ էր նոցա զենեալ։ Զի զնոխազն զվասն մեղաց յերկիւղէ իւրեանց ոչ կերան, այլ այրեցին զնա. բարկաւի, ասէ, եղև. կամ զի յամեցին նոքա ՚ի գիւնուջ, շիջաւ հուրն. այն զի պատուիրեցաւ նոցա հանապազօր դարման ունել նմա փայտիւ։ Եւ վասն այսորիկ բերին նոքա հուր օտար արտաքուստ. և վառեցաւ բորբոքեցաւ ՚ի նոսա, և անդէն սաստկեաց. զի ոչ պատուեցին նոքա զպաշտօնն իւրեանց քան զգինի. և «Որ զիսն, ասէ, պատուիցին, պատուեցից զնոսա. և որ զիսն անարգիցին, անարգեցից զնոսա»։

Իարձեալ ասի. զի ոչ եթէ շիջաւ հուրն, այլ իբրև արբեցան նոքա յանցանել զգինեաւն իւրեանց, ասեն այր ցրնկեր. արիւթ թող արկցուք խունկա. և ՚ի պատճառս խնկոցն արկանելոյ, արկին նախ ըստ սովորուէ բնուէ իւրեանց հուր օտար ՚ի բուրուառս իւրեանց. այն զի արժան էր նոցա ՚ի ներքուստ առնուլ. և վասն այսորիկ այրեցան նոքա։ Եւ ՚ի սուրբն սրբոց մօտին նոքա, ուր ոչ ունէին նոքա իշխանութի մտանել. զի սեղանն խնկոց և սեղանն ողջակիզաց արծաթոյ էր, և անտի ՚ի ներքուստ ել հուրն. և վասն այսորիկ ասէ. «Ի ժամանակի իբրև մտանիցէ քահանայն, յոր ժամ և իցէ, գինի մի ըմպիցէ»։ զի գոյր ժամանակ՝ թօթափել զսպասն մտանէր։ Զի եթէ վասն հրոյն շիջանելոյ ոչ խունկա մուծանէին բուրվառօքն՝ այլ հուր, քանզի հրամայէր նա վասն հրոյն՝ զի մի շիջի, զինչ օգուտ էր այն՝ զի ասէ «Մի ըմպիցէ գինի՝ յորժամ մտանիցէ»։ Ապա թէ յառաջ քան զմտանելն շիջեալ էր, գողցուք բնաւ թէ ծարաւի իսկ էին։

Երդ յայնմանէ զի պատուիրեաց նա Ահարոնի՝ զի մի եղիցի մտանել ՚ի ներքն քան զվարագոյրն, զի մի մեռանիցի, յայտ է թէ ՚ի սուրբ սրբոյն, համար ձակեցան. ժպրհեցան մտանել արկանել խունկա։ Բայց դարձեալ, խունկքն հանապազօր ընդ առաւ. օտս եղեալ լինէին, նա և եղեալ իսկ էր այնր առուր Ահարոնի, և աւելի իմն գործ գործեցին օրդիւք նորա։ Այլ ՚ի մէջ սրբոյն սրբոց և ընդ սրահն արտաքին սենեակ էր, զի ՚ի նմա եղեալ էր սեղանն

Հանապազորդ հացիցն, և սեղան ոսկի խնկոցն, և աչ տանակքն վեցոստեան, խունկքն հանապազորդք, և հացն պատարագաց շաբաթէ շաբաթ, և ճրագարանքն մշտնջենաւորք: Բայց 'ի ներքս մի անգամ 'ի տարւոյն մտանէին խնկովք և արեամբք. բայց Մովսէս հանապազոր մտանէր, զի ժամադիր լինիցի նմա անդ, զի խօսեսցի ընդ նմա. և վասն այնորիկ ասէ. «Ամենայն 'ի տան իմում հաւատարիմ է. բայց ընդ ձեզ երազովք և տեսեամբք»:

Բայց յետ այսորիկ իբրև լաց ժողովուրդն 'ի վերայ այրեցելոցն, մատոյց զնոխազն վասն մեղաց. և առին եղիազար և Իթամար որդիքն Ահարոնի և ոչ մատուցին զնա, այլ պահեցին. վասն այսորիկ գրէ. ասէ «Եւ զնոխազն զվասն մեղացն խնդրելով խնդրեաց Մովսէս»: Ի բորբոքել նախանձուն իւրոյ, յայտ առնէ՝ Թէ ժողովրդեանն էր, յասել իւրում. «Չնա, ասէ, ետու ես ձեզ», զի բարձցէ զմեզս ժողովրդեան. և քաւել վասն նորա: «Առէք դուք, ասէ, զնշխար ողջակիզաց պատարագաց ընծայիցն տեառն, և կերի՛րք դուք բաղարջ առաջի սեղանոյն, զի սուրբ սրբոց է. զի օրէնք են քեզ այդ, և որդւոց քոց»: Եւ բարկացաւ նա 'ի վերայ որդւոցն Ահարոնի, զի ոչ մատուցին Ահարոնի առ սեղանն՝ զի քաւեսցեն մեղք բանակին. և կերիցեն զայն նոքա: Ասէ ցնոսա Մովսէս. եթէ նոխազ էր նա, որ մատուցեալ լինէր յողջակիզ պատարագաց, բարւոք զնոխոյթ տունէիք. զի յայտմ սգի մտանէր 'ի սուրբ սրբոց ոչ կամէիք դուք. այլ ըստ մեղաց՝ սոյնպէս և պատարագ նորա. այլ Թող կերեալ էր ձեր զնա 'ի տեղւոյ մի սուրբ, այս ինքն 'ի սրահի անդ վրան ժամուռն:

Ահարոն իբրև ետես զՄովսէս Թէ սաստիւ խօսի, ետ նմա պատասխանի տրտմութիւն խոնարհութիւն, զի քաղցր բարբառօքն և աղերս բանիւք խոնարհեցուցէ և ձգեսցէ զգութ ողորմութեն Մովսիսի առ տրտմութիւն իւր: Ահա ասէ, տէր, օր ութերորդ է օծման իմոյ այսօր, զի 'ի սմա եղև յորդիս իմ խրամ. զի այսօր մատուցին պատարագ զվասն մեղաց և զողջակիզք առաջի տեառն, այս ինքն ժողովուրդն: Եւ այնպիսի ինչ անցք անցին ընդ իս: Որպիսի: Որդիքն

իմ, զի այրեցան բարկութիւնք. միտք իմ, զի վառեալ բորբոքեալ են 'ի սէրն նոցա, և չիք նմա միտքարուծիւն սփոփութե 'ի սահմանէ անտի զոր եղիւր դու՝ ոչ զգլուխ իմ բանալ, և ոչ զհանգերձ իմ պատառել, և ոչ ձայնս արկածնել, և ոչ 'ի խորանէ անտի ելանել, և ոչ զորդեակս իմ համբուրել և թաղել զնոսա: Այս ամենայն յեւ ողջակիզացն մատուցանելոյ անցք անցին ընդ իս: Եւ յայսմիկ, տէր, բարձեալ են միտք մեր, և չիք 'ի մեզ միտք հաստատուն առողջութե: Ի տրտմութե աստի նուաղեցաւ սիրտ իմ յայս ինչ՝ զոր ետես անձն մեր. խռովեաց զմեզ ստրջուամ յանկարծակի, զի 'ի մէջ սկիզբն արար տէր տիրել հարուածովք, զի չիցէ նորա բժշկութի. և գելուն աղիք մեր, զի այսօր մատուցին ժողովուրդն զողակեզան զվան մեղացն, և ոչ ինչ յամենաց պատուհասն խրատու, և արբեցոյց զմեզ 'ի բաժակէ անտի բարկութե տեսուն: Եւ արդ ահա աւասիկ պահանջէ զմեզ նախանձդ քո. մարդ՝ որ բնաւ իսկ և գիտեն ոչ զանձինս իւրեանց՝ ուր իցեն: Այլ դու, տէր, բարւոյք և արդարութե պատուիրեցեր. և զիսորդ մարթեաք ուտել այն օրին զպատարագ՝ որ վան մեղացդ էր. գուցէ արդեւք ոչ հաճէր տէր: Իբրեւ լուաւ Մովսէս, և հաճեցաւ: Փոխանակ այնր՝ զի ասէ «Ոչ մտանէ արիւնն նորա առաջի սրբութե», հերբայեցի, «Ոչ էր արիւնդ դորա մտեալ առաջի սրբութե. թող կերեալ էր ձեր զգա»:

Վահանայութիւն՝ որդւոցն Ահարոնի, այլ սպաս պաշտաման խորանին վկայութեանց և այլ ևս որդւոցն Ղեւայ: Ասէ Մովսէս ցկորիս. «Ոչ շատ իցէ ձեզ այդ, զի ընտրեաց և զատեաց զձեզ անձ յամենայն ժողովրդենէ աստի, և մերձեցոյց առ իւր պաշտել զպաշտօն վրան ժամուդ, կալ յանդիման խորանիդ և սպաս ունել դմա, նուաճել ինքն զքեզ և զորդիս քո և զեղբարս Ղեւայ ընդ քեզ. արդ քահանայութեան ևս ցանկայք», իսկ արդ զորդիսն Մովսիսի որ պատճառք կուեցին զի 'ի քահանայութիւն մի մերձեցին: Թերեւս ասիցես. ընդ մօրն իւրեանց դարձան անդրէն 'ի Մագիւսի. զի կամեցաւ մայրն՝ թէ զպաշտօն հարց իւրոց եղիցին պաշտել

որդիքն, սակայն և հայրն նորա կատարեալ էր զկնի Մովսիսի : Ապ' եթէ այդ այդպէս իցէ, որ պատճառք կոչեցին զնոսա թողուլ զպատիւ հարց իւրեանց, և երթալ 'ի տուն մօր իւրեանց : Նա և ոչ տունն մօր իւրեանց փոքր ինչ էր : զի քրմապետ էր նա ամենայն մադիպնացւոց : Եթէ պատճառք պատուոյ են, յոյժ փոքր էր հայրենի տունն նորա քան զՄովսիսին : Եթէ վասն պաշտաման հօր իւրոյ, նա և ինքն հայր նորա կատարեալ էր զկնի Մովսիսի : ապա եթէ վասն թլփատութե նոցա, թլփատեալ էին. և եթէ վասն նեղութեց երկնչէին, միանգամ զնաց և եկն կինն : Եւ եթէ պիտոյ ինչ իցէ այս յապել, նա և որդիքն Ահարոնի ընդէ՞ր ոչ մտին ամենեքին 'ի քահանայութի, բայց միայն Եղիազար : նա և ոչ որդիքն Մարեմու յայտնապէս :

Յաներեւութէ աստի փոքր մի ճաշակս ցուցից քեզ : Քանզի հօրեղբօրն իւրեանց որդի կորիս է . զի եթէ նա եղբայրաթիւ հեռաւոր էր, լրբութիւն լրբեցաւ յափշտակել առնուլ զքահանայութիւն Մովսիսի : Բայց զի՞նչ ասասցուք վասն կորիսայ. նա և Ահարոն իսկ և Մարիամ նախանձեցան ընդ նա . զոր օրինակ և Աբեշաղովմ ապստամբեաց 'ի Դաւթայ, իբրեւ որդի աղեաց էր նորա : Սոյնպէս եթէ էր տըւեալ Մովսիսի պատճառս լինել որդւոց իւրոց քահանայք, հպարտացեալ բարձրանային նոքա 'ի վերայ նորա և 'ի վերայ ամենայն ժողովրդեանն . մանաւանդ զի Ահարոն ընտրեցաւ, և ոչ որդիք նորա : Եւ դարձեալ, զի զաւակ էին նոքա Մադիամու, և մնունդ մայրենի 'ի տանն իւրեանց, վասն այսորիկ ոչ մերձեցոյց զնոսա . բայց զի անարգեաց զնոսա, անխայեաց զանձն իւր 'ի տրտնջելոյ անտի ժողովրդեանն : Եւ մի դարձեալ պակասութի ինչ լինիցի նմա, իբրեւ զայն՝ զի փոքր մի իրք արգելին զնա յերկրէ անտի պարգեաց : Արդ անխայեաց նա զանձն իւր յաշխատութի բծոց . զի 'ի պատճառս որդւոցն Շմուէլի խնդրեաց ժողովուրդն թագաւոր, և 'ի պատճառս որդւոցն Հեղեայ եղև բարկութի 'ի վերայ որդւոցն Իսրայէլի : Կամ զի անուանեցաւ նա անձ, ոչ միշտ զորդիս նորա՝ զի եղիցին քահանայաւ

պետք , զի պակաս էր. նա 'ի կատարելոյ . զի Որդին
այ միայն եղև քահանայապետ , և քաւեաց զմեզս
աշխարհի իբրև զայն զՍահակայն :

Իայց. հրամայեաց վասն մեղու , զի մի մատուցեալ
լինի նա 'ի պատարագս , զի ոչ անկանի 'ի նա աղ . ա
սէ “ Զամենայն զպատարագս քո աղիւ համեմեացես ” :
Կամ զի իջանէ հանգչի մեղու 'ի վերայ մեռելոտւոյ
և 'ի վերայ ամենայն պղծութեան՝ որ ըստ օրինացն
պղծէ : Բայց երբայեցի փոխանակ այնր՝ զի ասէ “ Զա
մենայն խմորեալ , զամենայն մեղրեալ ” . “ Զամենայն
խմոր և զամենայն մեղր ” :

ԳԼՈՒԽ Գ

“ Եւ , ասէ , եթէ յղասցի և ծնցի արու մանուկ ,
պիղծ կացցէ զեւթն օր և երեսուն և երիս աւուրս ” :
Եւ վասն էգ ծննդեան չորեքտասան օր և վաթսուն
և վեց : “ Եւ ապա եկեսցէ նա առ դուռն խորանին
վկայութե մատուցանել պատարագ . և ապա իշխեա
ցէ նա կալ յաղօթս 'ի տեղին սրբութեանց ” : Իսկ
ընդէր 'ի ծնանել արու մանկանն նստի նա յաղտե
ղութի պղծութե իւրոյ զքառասուն օր , և 'ի ծնա
նել էգ մանկանն զութսուն օր : Զի 'ի քառասուն
օր կատարի մանուկն կերպարանօք իւրովք , և աղ
ջիկն զութսուն օր , վասն այսորիկ 'ի կատարել ժա
մանակին մինչ չև կատարեալ էր այն ինչ՝ որ յորո
վայնի նորա էր , նստցի յաղտեղութի պղծութեան
իւրոյ մայրն . զի արգելեալ էր 'ի նմա մեռեալ : Զի
մինչ չև կատարեալ էր մանուկն կերպարանօք իւ
րովք , ոչ փչեցեալ լինի 'ի նմա ոգի , և ընկալեալ
լինի զկենդանութի : Արդ որչափ ժամանակս զի ոչն
էր 'ի նմա կենդանութի , նա մեռեալ էր , և մայրն
նորա գերեզման էր : Արդ զայս ամենայն աւուրս որ
չափ եղև նա գերեզման դիականն՝ որ 'ի միջի նորա ,
ըստ թուոյ աւուրցն նոցա եզիցի նա պիղծ , և մի իշ
խեսցէ նա մերձեալ 'ի սուրբ ինչ : Եւ վասն էգ ման
կանն զութսուն օր : Եւ ընդէր էգն յութսուն , և
արուն 'ի քառասուն . քանզի յաջակողման է արուն

իրբե պատուով, և յառաջագոյն կանխէ հասանէ նա 'ի հասուցանելոյ անդի ղեղոյն . այլ էգն մանուկն, քանզի 'ի ձախ կողմն կայ հանդարտութիւն, ընդ երկար առնու զաճումն մանդեանն . զոր օրինակ երկուք մասամբք հեռի է արուն 'ի զեղևոյ անտի, նոյնչափ ևս հեռի է 'ի նմանէ և էգն :

Այլ յայտնեսցուք զառակս օրինակաց՝ որ 'ի միջի նորա քանզի պահեաց Մովսէս զքառասուն օր, և եղիա զքառասուն, զի տացեն առակ օրինակի եկեղեցւոյ : Զոր օրինակ Մովսէս արգելաւ անդ զքառասուն օր, թէպէտ և ոչ 'ի սկզբանն վասն այլոց ընչի, զի հանդերձեալ էր նա գործել, զի չե ևս էր լիեալ նոցա արժանի ընդունել զկտակարանսն : Վասն այսորիկ և ոչ կնիքն կտակին լի կատարեալ գործեցաւ . այլ կրկնեցան առուրքն, զի մի պակասեալ տկարացի խորհուրդն և ասիցէ՝ թէ տկարագոյն և թէ ըրի այս քան զառաջինն . զի առաջինն 'ի քառասուն օր տուաւ, և այս 'ի քանի և իցէ : Արդ ծնաւ յաւուրս քառասուն, և փառաւորեցան դէմք երեսաց նորա, զի նկարեսցին 'ի նմա երկզքին . զի եկեղեցի 'ի նման արու մանկանն, զի 'ի քառասուն օր փառաւորի պահովք իւրովք, և ընդունի զոգի 'ի ջուրց անտի աւազանին մկրտութեն, որպէս և մանուկն զոգի . և ժողովուրդն խորայելի որպէս էգ մանուկն յութսուն օր, զի յետ ութսուն առուր՝ և ապա եղև արժանի ընդունել : Անդ օրէնքն պզծուի ընդ երկար, և աստ սրբութի մերձաւոր :

“Այս, ասէ, օրէնք են բորոտուէ, որով արբեսցի . առցեն 'ի սրբելոյն հաւս երկուս կենդանիս, և փայտ նոճի” . այլովք հանդերձ . զի եղիցին իրքն շքեղ, և զի անկցի 'ի նմա պատճառս նոցա հոգի Աստուծոյ . և զի զնեսցէ զնա, զի մի եղիցի անարդ ձրի :

Վասն կանանց :

Այլ վասն կանանց հրամայեաց, ասէ “Առ դուռն խորանին վկայութե կայցեն յաղօթս, և 'ի ներքս մի մտցեն” . իբրև զայն՝ թէ սրբութիւն կանանց պիղծէ, և քան զայր ոք դոյզն : Մի եթէ ծնունդ կանանց

այլ իցէ : Իսկ արդ ուր է այն՝ զի ասէ՝ «Թողցէ այր զհայր իւր և զմայր իւր , և երթիցէ զհետ կնոջ իւրոյ , և եղիցին երկոքեան 'ի մարմին մի » : Արդ ոչ եթէ վասն պղծութե արգելան կանայք զի մի մոցեն 'ի խորան վկայութեց , այլ վասն այլոց պատճառանաց : Ապ' եթէ պիղծ իցէ կին մարդ , իսկ ընդէր էջ հանգեաւ Հոգին 'ի Մարիամ քոյրն Ահարոնի . և զԴերովրայ ընտրեաց և առաքինացոյց . և Հոգի մարդարէ էր . և խաննա մայրն Սամուէլի առաքինացաւ . և դուտորն Փանուէլի մարգարէացաւ , հանդերձ այլ լովք՝ յորս պաշտեցան կամք նոյ : Ապ' եթէ վասն պղտեղութե դաշտանի արգելեալ են նոցա , նա և արանց լինի այսպիսի իրը : Կամ վասն յղութե արգելեաց արգելան . նա և արանց իսկ փերմն 'ի նորին կայ : Եւ եթէ յղութի պղծութի իցէ , ուր է այն՝ զի ասէ՝ ցերեմիայ . «Մինչ չև նկարեալ զքեզ իցէ՝ յորովայնէ ծանեայ . զքեզ . և մինչ չև ելեալ իցէ քո յարգանդէ՝ սրբեցի զքեզ » :

Եւս եթէ անկարէ մանկուսն յարգանդի , ուր է պղծութիւն . և «Ես եմ , ասէ , որ ծնուցանեմ և արգելում » , ասէ անծ . և ուր է այն՝ զի ասէ՝ «Սփռեցից յողոյ . իմնէ 'ի վերայ ծառայից իմոց և 'ի վերայ աղախնաց իմոց . և մարգարէացին դուտերք ձեր և դստերք ձեր » : Եւ եթէ այս ճշմարիտ է , ընդէր արգելան կանայք 'ի խորանէ անտի վկայութեց , միթէ զի մի պղծիցեն զօրէնան կրօնականաց : Եւ առաւել արգելեք իցեն օրէնքն քան կտուիչ օրինացն . և ահա խոտացաւ նա՝ թէ քափանելոց են , և նոր կտակարանք տալոց են : Այլ թերեւ առիցեն . անեծքն օրինաց խափանելոց են 'ի դարձի անդ , և ոչ եթէ օրէնքն ամենայն : Սակայն ոչ տայ թոյլ մարգարէն յասել իւրում . ասէ . «Առաջինն մի անկցի 'ի սիրտ . և տաց նոցա իբրեւ զայն զհարցն իւրեանց » : Եւ յայտ է թէ հարցն նոցա ամենայն օրէնքն լի կատարեալ տուան օրհնութիւնք և անիծիւք . և ամենայնիւ խափանի և անցանէ , և ապա տուեալ լինի մեւ և սայլ . զի նա ինքն է գիտութիւն արտի , որպէս և գրեալ է . ասէ . «Ի փոքրկանց մինչև ցլեծառեւծս ծանիցեն զիս » :

Լյառահետե, 'ի սիրտս Երևի անձ և պաշտի, և չիք պղծութի՝ եթէ յայտնիցի արանց և կանանց, որպէս և քսէ : «Սփռեցից յողջայ իմմէ 'ի վերայ ծառայից իմոց և 'ի վերայ ազախնաց իմոց . զոր օրինակ և առաջին օրէնքն հասարակաց տուան, և եղան 'ի սուրբն սրբոց վասն նոցա . զի ահա հրամայեաց Յեշովայ առնել սեղան, և գրել 'ի նմա յայտնապէս զամենայն օրէնսն, և ոչ արգել ընթեռնուիլ օտարաց : Ոչ եթէ զի զրկեալ էին նոքա 'ի նոցանէ, այլ զի եղիցին նոքա յիշեցուցիւք օրինացն մտացն նոցա : Եւ յայտ եղեթէ ոչ ինչ աւելի ետ նոցա . զի ահա օրէնքն նոցա յանապատիւնսդ յանդիման ամենայն մարդոյ գրեցաւ : Այլ յաւելուածքն թլիպտութեան և շարաթուցն և ընտրութե կերակրոցն հանգերձ այլովք՝ որ յաւելան 'ի վերայ օրինացն մտաց, վասն յանցաւորութե 'ի ստուգուէ անտիւայն՝ որ բղիւնի և գնայր յաւիտենից 'ի սկզբանէ 'ի միտս ամենայն արդարոց : Վասն այսորիկ յաւել նոցա մանունս, զի 'ի պատճառս նոցա պահեսցին մեծամեծք : Եւ յօժարեցութիւն մարդարեւից եղև 'ի վերայ նոցա, մինչև երևեցաւ զաւակն՝ որ խոտացաւ անձ : Արքահամու, զի 'ի նա օրհնեսցին ամենայն ազգք հեթանոսաց . և ըստանան զգիտութիւն ճշմարտութե, և յիշեն զօրէնս բնութե իւրեանց, զի 'ի նմանէ դատելոց են . և առնուն 'ի զհատուցումն ամենայն արգիւր մարդկան, լուսաւորս և կատարեալս : Յորժամ զգենոյր քահանայ, ընդունէր նա զգիտութիւն և զայտնութիւն . կամ զլուսաւորսն և զկատարեալս դարձաւ կարգաց գիտութիւն և ճշմարտութիւն :

Վասն բարոտութեան և աղաց արատոց :

Վարձեալ հրամայեաց . ասէ . «Յորում արատ ինչ մարմնոյ իցէ, մի մերձեսցի 'ի սեղանս» : Եւ այս ոչ եթէ 'ի մէջ մեղաց և արդարութեան որոշեն . զի խեղութիւնը արատոյ յայ են, և մեղք անօրէնութե 'ի կամաց են . և ազատութիւն առնու զհատուցումն,

և նոյն դարձեալ պատուհասի։ Ապ' եթէ ոչ, եթէ ամենայն յորում խեղութիւն արատոյ իցէ, խոտեալ անարգեալ է, թէպէտ և յառաջագոյն ընտրեալ էր։ Թէ այդ այդպէս իցէ, Սահակ' զի շլացան աչք նորա՝ խոտեալ անարգեալ է։ և ահա 'ի խեղութիւն արատոյն իւրոյ առաւել ևս եղև նա ընդունելի։ օրհնեաց և եղև հաւատարիմ։ Նա և Յակոբ յետ ընդարմանալոյ ամուլաջլի իւրոյ՝ և եղև 'ի նմա արատ կաղութեմ, արժան էր նմա լինել խոտան անարգ։ և ոչ շինել սեղանայ, և ոչ տասանորդել, և ոչ ասուգել օրհնութեցն մարգարէութիւն։ և առաւել ևս յետ կաղալոյն իւրոյ կոչեցաւ անուն նորա Իսրայէլ։ Եւ Մովսէս կակազոտ էր, ընդէր ոչ անարգեցաւ։ և ոչ բժշկեաց զնա անձ, թէպէտ և կարի շատ խնդրեաց 'ի նմանէ։ այլ հաւանեցուցանէ զնա և ասէ։ “Ո՞ր տուեալ է մարդոյ բերան, կամ ո՞ր արարեալ է զհամբեր և զխուլ և զականխ և զկոյրս։ ո՞չ ես տէր անձ, ։ Եւ իբրև ընտրեաց զնա, զգեցոյց զնա բորոտութիւն, և այլ արատ 'ի վերայ արատոյ նորա յաւել նմա։ և ոչ միայն զի ոչ անարգեցաւ նա, այլ առաւել ևս հաւատարիմ եղև, և տուաւ նմա առնել նշանս և սքանչելիս։ Եւ Հեղի իբրև ծերացաւ և շլացաւ աչք նորա, ընդունելի էր նայ, և 'ի քահանայութե կայր։ և որդիք նորա՝ զի ողջ էին, խոտեալ անարգեցան։ Եւ Դանիէլ և ընկերք իւր, և նորա ներքինիք էին և արատ գոյր 'ի նոսա։ և ոչ միայն զի ոչ անարգեցան նորա, այլ և առաքինացան ևս։ Եւ որդիքն Իսրայէլի հնազանդեցան ծառայեցին Եգիպտոսարքային մովսէսեացուց 'ի ձեռն Ահմարայ, որոյ ձեռն իւր աջ կարկամեալ էր։ և եղև փրկութիւն ամենայն ողջոցն։

Եւ յայսմիկ յայտ եղև՝ Թէ ոչ եթէ արատք մարմնոյ անարգեալ են յայ, այլ գործք չարք որ 'ի կամաց լինին։ Եւ օրէնք զի հրամայեցին՝ ոչ եթէ վասն ողջոց, այլ վասն տղայոց անմեղաց։ զի յայտնի տեսլեամբ շքեղացուցէ զպաշտօնս յաշնոցա։ և զի ուսուցէ նոցա 'ի ձեռն յայտնի արատոցն, զի զգուշացին ծածուկ արատոյ անտի ոգւոց։ Այլ 'ի նմանէ ոչ եղևն պղծեալ։ զի ահաւանիկ ոչ արգել և կար-

Ճեռաց զնոսա ուտել՝ի պատարագաց անտի իւրոց, այլ վասն տղայոցն անմեղաց ասէ՝ արտաքս մի երևեսցին : Զի ոչ եթէ պատիժք պատուհասի եղեալ են ՚ի վերայ արատոյ մարմնոյ, այլ ՚ի սպասուէ անտի պաշտաման մերժէ զնոսա և հեռացուցանէ վասն լքանելոյ լուծուէ տեսողաց . և ոչ եթէ սպանանելով սպանանեն արատք մարմնոյ : «Որ քնայ, ասէ, ոչ եթէ անարատ մարմնով, այլ ճանապարհ անբիծ, նա պաշտեացէ զիս» : Եւ ց Աթահասմայսպէս ասէ . «Հաճոյ լեր առաջի իմ» . մարմնով արդեւք, եթէ հոգւով : Եւ «Լիւր դու անարատ» . մտօք արդեւք, թէ մարմնով : Ոչ ահա յայանի է այս՝ թէ գործովք և ոչ անդամովք :

Այդ արատք մարմնոյ հանդերձ դաշտանի վասն տղայոց անմեղաց . և վասն զի խորհէին զայն ՚ի մէջ հեթանոսաց, ետ և նոցա, զի մի կարծիցեն թէ պաշտօն կուոց սուրբ է քան զայլ . և վասն այնորիկ ետ նոցա քնարս և սաղմոսարանս և զամենայն երգս արուեստականաց . այլ որքեաց նա զճարսն, զի նա ինքն յատկութի և սրբութի մտոյ . և պղծեաց զբոլորութի, զի չիք ՚ի նմա արիւն, զի նա որքէ զսեղանն և զսպաս նորին : Եւ զի նա ինքն է կեանք մարմնոյ, և առանց նորա մեռեալ է նա : Եւ զի եւթն ազգասաց վասն բորոտուէ . ՚ի յաճախել անդ և ՚ի տուն ուրուք, ասէ, և յանօթ, ՚ի մեծացուցանել անդ, և կարծեսցի թէ ինչ աւելի կայցէ նոցա քան զհեթանոսաց, զի կապիցին ՚ի նա իբրեւ զայն, զի առ յանձն զղոհն նոցա . զի արգելցէ զնոսա առ ՚ի դիւաց՝ զի ՚ի նմա կապեսցին, առաջի խորանին, ասէ, վկայութեց . և բանիւ քահանային սոխպէս . և այն երկուցն հաւուց . ահա, ասէ, սրբիք դուք . որպէս զի ուրախ լինիցին ընդ քաւութիւն՝ որ լինի նոցա ՚ի ձեռն թաւանելոյ հաւուն : Եւ իբրեւ զայն գնոխազն ազազայելի . և իբրեւ զայն զի ասէ «Բարձցէ զմեղս մեր և ընկեսցէ ՚ի խորս անդնդոց ծովու» : Այլ քանզի ՚ի խորհուրդս գրեցան՝ զոր դրոշմեալ է Մովսիսի, զի վկայէ նորն հնոյն՝ թէ «Այս գրեցաւ վասն մեր, զի ոչ եթէ, ասէ, վասն եղանց ինչ փոյթ էր այլ» : Արդ բորոտն այն որպէս իբրեւ զխորհրդիւ յառնուլ զար-

բուծիւնն եղև պատարագ վասն նորա փոխանակ քաւութե՛ն նորա :

Հաւն որ զենեալ լինէր և հեղեալ լինէր արիւն նորա՝ ի վերայ ընկերին իւրոյ, այն զի ոչ հաւատաւ ընալ լինէր ընկերութե մահուն նորա, խորհուրդ նկարեալ էր նա ի ծննդոցն Ադամայ . զոր օրինակ լի էր բորոտութեամբ մարմին նորա, սոյնպէս և Ադամ մահուամբն իւրով : Եւ զոր օրինակ պիտոյ լինէր կենդանի վասն պարտեաց նորա, զի կորուսցէ զկենդանութիւն իւր փոխանակ սրբութե բորոտին, սոյնպէս պիտոյ էր միջնորդ ի սրբութիւն հին մարդոցն . զի եթէ հաւն, զի ոչ էր մերձ ի բորոտն, և դատապարտեցաւ ի մահ, սոյնպէս և Որդի իբրև զմեզս ոչ գործեաց . «Ոչ, ասէ, գործեաց զանօրէնութիւն», և «Ո՞ր ձէնջ յանդիմանեացէ զիս վասն մեղաց», ետ զանձն իւր վասն սրբութե պղծութե հօրն մերոյ, այն՝ որ բորոտեալն էր մահուամբ : «Թա գաւորեաց, ասէ, մահ և ի վերայ այնոցիկ՝ որ ոչն մեղան», Արդ որ խորհուրդ առաւել է քան զայս, կամ առակ օրինակի՝ որ յայտնապէս ցուցանէ զխորհուրդս նորոյն կտակաբանաց : Իբրև զայն՝ զի բորոտն սրբեցաւ իբրև զԱդամ, և քահանայն իբրև զՅովհաննէս : Աղբիւրն իբրև զմկրտուի աւազանի, փայտ նոճի իբրև զփայտ խաչին . և երկու հաւքն՝ մին որ զենեալ լինէր, և միւսն որ ոչն մեռանէր, երկու զօրութիւն մարմնեղէնք և անեղէնք :

Եւ քանզի ցայնժամ նշմարանք էին և ոչ մարմնք, և խորհուրդք էին և ոչ լրումն ճշմարիտ, ակնարկեաց ի ձեռն խորհուրդոցն գործհին հանդերձեալ . զի ամենեքին այնոցիկ՝ որք կային ի վերայ աղբերն, սրբութե առն որ անդ՝ մի եղբն և խառնելով : Եւ զի հանդերձեալ էր աէր մեր մասնել զմարմին իւր ի մահ, զի ոչ կարէր տիրել ի վերայ այնր բնութեան գաւազան ժպրհին : Եւ առաջագոյն կանխեաց նկարեաց ի հաւսն երկտին . զի այն՝ որ մեռանէրն, եղիցի օրինակ մարմնոյն . և փայտն՝ որ թանայր արեամբն նորա, եղիցի խաչն՝ որ ընդունի զարիւն ի կողից նորա . և աղբերն-խորհուրդ աւազանին մկրտութե : Եւ զի բարձ այն՝ որ ոչն հա-

զորդեցաւ 'ի մահն նորա, զչարչարանա արեւոնն այնորիկ որ զնաւն : Որպէս և անութին, զի կարծեցաւ թէ չարչարեցաւ ցաւովք խաչին : որպէս զի եղեցի կենդանի մեռեալն անբաժնի : որ հեղեալ է 'ի վերայ թիփանց հաւուն թռուցելոյ : խորհուրդ տեսուն մերոյ, զի վերացաւ ելնստաւ ընդ աջն աւթոռոյն անութեան :

Եւ ել 'ի խաչ Որդի, իբրու անութին ոչ չարչարեցաւ : որպէս հաւն՝ զի բարձեալ ունէր 'ի վերայ թռուցելոց իւրոց զչարչարանս մեռելոյն և թռուցեր : Այլ չարչարեցաւ, զի զարիւն չարչարանաց բարձեալ ունէր 'ի վերայ թռուցելոց : այլ ոչ չարչարեցաւ, զի ահա կենդանութիւն նորա քարոզ է 'ի վերայ զբարտունն՝ որ եղեալ էր 'ի թիկնամէջս նորա : Եւ Յովսէփու հեզի խոնարհի, զի բարձ տարաւ պատմունքանն նորա զչարչարանս մահու առ հայրն նորա : և ցաւք ուղոյն առ եղբարս նորա : Զի զոր օրինակ նկարեալ էին նշանքն տեսուն մերոյ 'ի Յովսէփի, սոյն պէս դրոշմեալ էր խոնարհութիւն նորա յուն՝ որ ընկալաւ զմահ նորա : Զի թէպէտ և արիւն ուղոյն 'ի վերայ պատմունքանին Յովսէփու հեղաւ 'ի ձեռաց անտի եղբարցն իւրոց, սակայն 'ի միտն Յակովբու հօրն իւրեանց Յովսէփի սպանեալ էր : Իբր ոչ կարացին սպանանել զՅովսէփի, զվկայութիւն բերանոյ իւրեանց առ հայրն իւրեանց հաստատելին՝ եթէ զարիւնն զոր հեղին ձեռք իւրեանց, Յովսէփու է : զոր օրինակ և Հրեայքն որդիքն նոցա թխտին՝ թէ զայն զոր արարին ընդ նա, յայն՝ զոր խոստովանիմքն մեք՝ թէ անձ է նա, մարդոյ գործեցին : Այլ ոչ Յովսէփի վնասեցաւ, և ոչ անութիւնն չարչարեցաւ :

Փոխանակ այնր՝ զի ասէ «Ազուամազ», 'ի հերայեցի, «Աագ խարտեաշ», : Եւ փոխանակ այնր՝ զի ասէ «Զբերան իւր պատեալ կրեսցէ», : հերայեցի, «Յաղթես նստցի», : Փոխանակ այնր՝ զի ասէ «Յառէջ կամ յողումն», : հերայեցի, «Յառէջ կամ 'ի թեզան», : Ի հայեւեաց անտի կանանց, 'ի տեղւոջ յորում եղեալ էր զաւազանն արուրի 'ի վերայ աշտի ճանաչն պղնձեաց, զի 'ի նմանէ արուցանելն զճուրն քննութե. կամ 'ի հայեւեաց անտի, զի գային կա :

նայք յազօթս կային առ դուռնս վրան ժամօն, զի տեսցեն զնա կանայք և երկիցեն, Փոխանակ այնր՝ զի ասէ՝ «Զենցեն զհաւն ՚ի վերայ աղբեր ջուրցն կենդանեաց», հերբայեցի, «Զենցէ զհաւն յաման մի՝ յորում իցէ ջուր աղբեր կենդանի», :

Վասն մեռելոյ :

«Որ մերձեցայ, ասէ, ՚ի մեռեալ, պիղծ կացցէ», եւ ընդէր եկն լուսացի և սրբեսցի, և եթէ մարմին պղծէ. թէ այդ այդպէս իցէ, պմենայն սրբութի ոգւոյ իցէ : Կամ : զիայդ ոչ սրբեաց նա ըզմարմին ՚ի մերձենալն իւրում. և եթէ այս այսպէս իցէ, ընդէր պղծին կենդանիք վասն արատոց և մեղաց. և ընդէր անուանք և մարմինք Աբրահամու Սահակայ և Յակրվբու սուրբ են հանդերձ ոսկերօքն Յովսէփու և Դաւթի և Եղիշայի, հանդերձ այլովքն : Այլ յայտ է այս՝ թէ ամենայն որ արդարքն էին գործովքն իւրեանց, և մարմինք իւրեանց սուրբ և սիրելի են. և այնոքիկ որք մեղաւորքն էին ՚ի կեանքս իւրեանց, և յիշատակ նոցա ատելի է, և զազրացեալ աղտեղեալ են մարմինք նոցա իբրեւ զԱխաաբուն, զՄանասէին և զԵրոբովամուն հանդերձ այլովք : Եւ Եղիշայի մարմինն առաւել քան ՚ի կեանս իւր առաքինացաւ : Մովսէս ոսկերօքն Յովսէփու առաւելաւ, և ած թաղեաց ծածկեաց զնա. և չիք պղծութի առ առողջս : Եւ Սամիսն իշու ոսկերովքն առաքինացաւ. և ոչ պղծեցաւ, բայց իբրեւ մեղաւ և անց ըստ ուխտ իւր, և լաւ թուեցաւ նմա կինն իւր քան զնա : Եւ Եղիշայ ՚ի մերձենալն իւրում առ մեռեալն նա և ոչ պղծեցաւ, ՚ի ժամանակի իբրեւ եղ զբերան առ բերան և զամենայն առ ամենայն, այլ սրբութիւն նորա ևս քան զևս յաճախեաց և բազմացաւ, և մարմնով վերացաւ ընդ երկինս : Արդ գործք սրբին և պղծեն, և ոչ եթէ մեռելութիւն և կենդանութի, այլ պատուիրանն՝ զի տուաւ :

Եւ վասն կերակրոցն զի զգուշացոյց, ասէ «Զմեռելոտի մի ուտիցէք» և ահա յառաջ քան զօրէնսն

այս սովորութի սուրբ մտացն , և երկու՝ զի յուտելոյ անտի իւրոյ ծանրանան մարմինք : Իբրե զայն՝ Թէ ընդ մեռելութի նորա հաղորդին , « Բնաւ , ասէ , ամենեւին մի մերձենայք » . զի յայտ արասցէ ինչ մի նոր զի չիցէ՝ ՚ի մէջ հեթանոսաց , սրբութի պարկեշտութե , սիրեցեալ ՚ի վերայ ընութե : Քանզի զերկրաւորս խոռտացաւ ժողովրդեանն այնմիկ , պարտ էր՝ Թէ ՚ի վերայ այսր սրբութե պարկեշտութե պատուիրեսցէ : Արդ զգուշութի ՚ի բորոտութե և՝ յայլոց արատոց անտի՝ վամս խիթի խղճի նոցա , զի երկիցեն յայ : Իբրե զայն զնութե , ասէ « Որ չնայ , մեռցի » . զի յերկիւզէ պատժոցն պատուհասից . պահեսցէ նա զպատուիրանն : Արդ որ առին զարատն , խնդրեն յայ զի փրկենցին . և որ ոչն առին , աղաչեն զի ապրեսցին . և զի յամենայն ժամ յիշեսցի արդարութին , այս Բնքն ան առաջի երեսաց իւրոց :

« Իիցէ , ասէ , Ահարոն ՚ի վերայ երկուց նոխազաց վիճակս երկուս . վիճակ մի յանուս տեառն , և վիճակ մի ազազայելի՝ յանապատ » : Մինն երթայր և դառնայր տարոյ տարի : Կարմիրն մանեալ զի սպիտականայր , և զի ոչ հաւատան այլք , զենցի նոցա միւսն ևս ՚ի քաւութի : Իբրե զայն՝ զի ասէ . « Թէ եղիցին մեզքն ձեր իբրե որդան կարմիր . և եթէ եղիցին իբրե զձանձրախարիթ , իբրե զձիւն սպիտակ արարից : Եթէ ախորժեսցիք և լուիցէք ինձ բանից իմից , զերանութի երկրի կերիցէք » . որպէս նոխազն զի արածի զերանութի երկրի և դառնայ . այլ ոչ եթէ զօրութի ինչ այլ է ազազայել , այլ որպէս առնապատն Կադէս : Կամ իբրե զայն՝ զի ասէ « Բարձրցէ զմեզս մեր և ընկեսցէ ՚ի խորս անդնդոց ծովու , և իբրե զմատեանս յեփրատ » : Բայց դարձեալ ասասցուք . և զօր օրինակ ետ նոցա զտօնս տարեկանաց , զի նորօք յիշեսցին զքանչելիս նորա՝ որ առնոսա . և ՚ի միտ առցեն զի ոչ ընդդէմ մեղաւորաց փակեաց զգուռն , և ոչ յապստամբողաց արգել զիւրաւ իւր : Սոյնպէս և ազազայել , զի յիշեսցեն ըզսաստկութի նորա և զբարկութի նորա՝ որ եղև ՚ի վե-

1 Յօդնակն աւագի . ուղղեցաւ . ըստ այլ տեղեացն :

բայ նոցա յանապատի անդ . և արգելցին նոքա 'ի մեզաց , զի ազազայելդ՝ սաստկութի նյ անուանի : Արդ ուսոյց նոցա նովին գործալն նյ :

Եւ զի եդ նա զօրէնսն , այլ ոչ եթէ 'ի ներքոյ ուխտի օրինաց իւրոց է նա , յորժամ անցանէն զուխ տիւ նորա : Խոստացաւ Հարցն նոցա . ասէ " Ի դարս չորրորդ մոցեն յերկիրն քանանացւոց , " : Եւ փոխա նակ զի անցին նոքա զուխտիւ նորա , առ ցրուեաց զոսկերս նոցա յանապատի անդ : Եւ ցոյց նոցա ըզ սաստկութի իւր , իբր ոչ քտէ նա զուխտ իւր . զի յա մենայն ժողովրդենէ անտի զերկուսն տարաւ մոյծ : Մնացորդք են , որչափ և էն , 'ի դարէ անտի յայն մանէ . արժանի արար երկրին պարգւեաց , զի զուխտն իւր . Հաստատեցէ , և 'ի ժողովրդենէ անտի վրէժ խնդրեցէ , և վկայքն մի զրկեցին :

Օ այս անապատ , որ այսպիսի իրք գործեցան 'ի սմն , և զայս սաստկութիւն ստուգութե , զի ոչ ան խայեաց 'ի նոպա , արար զի յիշեցեն յանապատի անդ՝ յորում Հարութոյ լինէր նոխալն : Եւ զի մի լքցին մեղաւորք 'ի կենաց իւրեանց յորժամ լսիցեն զսաստկութի նորա , և Հատցեն զյոյս անձանց իւրեանց , եւ նոցա նշանակ շինութե 'ի պատարագել նոխալին զենւոյ . զի թէպէտ և իցէ նյ սաստկութի , զի ոչ ընդունի զգոհս պատարագաց խաւանց արդաւրութեց . ողորմութե , սակայն գոյ նորա և ողորմութե , զի հրամայեաց նա մատուցանել զգոհս պատարագաց՝ անասուն փոխանակ մարդկան : Զի երկու իրօք՝ որ միմեանց ոչ նմանեն , զի անկեալ կայցեն նոքա 'ի մէջ ծփանաց , զի մի յողորմութիւն նորա ապաստան լինիցին վասն սաստկութե նորա . և մի 'ի խստութե նէ անտի նորա զարհուրեալ երկիցեն վասն քաղցրութե նորա . և զի մի 'ի պատարագան ապաստան լի իցին առանց արդարութեան . և մի 'ի ստուգութե անտի զարհուրեալ երկիցեն յորժամ յապաշխարութիւն ապաստան լինիցին , որպէս և յայլում վայրի գրէ . ասէ . " Հատուցանէ զմեղս Հարց յորդիս՝ յերիս և չորս դարս " : Եւ զի եղև ժպրհութիւն որ գողութեքն ոչ Հաստատեաց առ Աքար իխոստովանօղն իւր : Եւ 'ի միւսում վայրի լոյծ զուխտ օրինաց իւրոց ար-

դարութիւն, որ պատահեաց նմա՝ ի ժամանակի իբրև անարգեաց զՀեզի, և ընտրեաց զՀմուէլ : Զի այնոքիկ որ լսեն՝ թէ մինչ ի չորս դարսն ներեւ և երկայնամիտ լինի, և Լքանին լուծանել ի մեղանչել, զարհուրեալք երկիցեն ի հարուածոց անտի Աքարայ . զի ոչ ապրեցան որդիքն նորա՝ որ հեռի էին ի յանցանաց անտի նորա՝ ի բարկութեանտի, որ եկն ի վերայ նորա : Եւ քահանայքն որդիքն Ղեւայ, թէ կարծիցին՝ զի իբրև մեղաւորք իցեն, փութացեալ ընթանան աւետիքն պարգեաց Ահարոնի առ նոսա, արգելեալ կարճացին Հմուէլի զևտացւով, որ ընտրեցաւ ի քահանայութիւն : «Որ զիմն պատուիցեն, ասէ, պատուեալ լիցին . և որ զիմն անարգեսցեն, անարգեալ լիցին » : Իբրև ակնարկեաց դարձեալ վամն տեառն մերոյ, զի նոխազն՝ որ փոխանակ յանցաւորաց զենեալ լինէր, զԱգամ երկրորդ նկարէր . զի փոխանակ մեղաց դարուց նորա ի խաչ մահնեալ լինէր : Իբրև զայն զուարթիին, զի արքաքոյ բանակին պրեցեալ լինէր, այլ և Քրիստոս արտաքոյ բանակին յանձն առ զարչարանս : Եւ զի վիճակ որպէս այն եւրանէր նմա, զի յայտ արտացէ վազն անորիկ որ ծածկեալն էր . և կաքմիրն մանեալ նշան արեան նորա, զի բառնայր նոխազն զմեղս և եւանէր . իբրև զայն՝ զի ասաց մարգարէն վամն Որդւոյ . ասէ . «Դա զմեղս բազմաց բարձցէ և ընդ անօրէնս համարեսցի », այլովք հանդերձ :

ԳԼՈՒԽ Դ

«**ՅԱՄՍԵԱՆ**, ասէ, եւթներորդի ի տամն ամսոյն պահեսջիք և խոնարհեցուցիք զանձինս ձեր . ամենայն ինչ գործ գործուն յայն աւուր մի գործիցի » : Եւ եթէ յայս պահս, որ տարւոյ տարի լինի, ամենայն մեղք թողեալ լինին . զոհք և քաւութիւնք ընդէր : Արդ ոչ եթէ՝ ի պատճառս որթուն են այս պահք միայն, այլ վամն ամենայն մեղաց և անօրէնութեան նոցա : Որ օր եւթն և տամն էր մարգաց ամսոյ, էջ ի լեռնէ անտի Մովսէս, և խորտակեաց զտախտակ-

սրն , և խարտեաց մանրեաց զորթն . և ամիսն եւթն-
ներորդ , զի 'ի նմա ետ նոցա պատուէր հրամաննի պա-
հել զպահան , հոռի ամիս է : Փոխանակ այնր՝ զի
ասէ "Որ որ և արեցէ զտերմն իւր 'ի կին օտար" , հե-
րայեցի , "Մի տացես 'ի սերմանէ քումմէ պատիւ
Մեղքումայ" , . այսինքն , զի դատերք հեթանոսաց յա-
ռաջ մինչև արանց լինէին , նախ պառնկէին և ապա
արանց լինէին , և զվարձս պոռնկութեան կուսու-
թե իւրեանց կուոցն նուիրէին : Ասէ "Մի տացես դու
'ի սերմանէ քումմէ Մեղքումայ" , . զի նա ինքն է
Թարհաթայ կուռքն որդւոցն Ամոնայ :

"Եւ որ , ասէ , որ և տացէ զանձն իւր 'ի խառնս
անամոյ , մահու մեռցի , և զանասունն քարկոծ ա-
րացեն" , : Զի այն օրէնսդիրն , որ զքարինսն զգե-
ցեալ բորոտութեամբ հրաման ետ խլել յորմոյ՝ զի
յստակեցուցէ և պարզեցէ զմիտս թնակչաց աշխար-
հին , նա դարձեալ հրամայեաց քարկոծ առնել զա-
նասունսն՝ որ պղծեցաւ . զի մի քնասիցին 'ի դնել
մտաց իւրեանց տեսողքն նորա , և զի մի դարձեալ
յիշեցին 'ի մէջ նոցա իրքն այն :

"Եւ ուստի քահանայի , ասէ , եթէ յաղտեղութե
պղծութեան հայհոյիցի , կենդանւոյն այրեսցեն . և
դուստր դոյզն մարդոյ դոյզն մահու մեռցի" , : Բայց
նա քանզի 'ի սրբութե անտի ուտեր , որչափ ևս ա-
ռաւել այն՝ որ ուտէ զմարմինն կենդանի , կամ պղծէ
զխորանն սրբութե :

Եւ ամն ամենեաց և հասկաքաղաց և ճաքաղի զոր
պատուիրեաց , զի ուսուցէ նոցա ողորմութիւն , զի
հաղորդեսցին որոց ոչն իցէ աստ ընդ այնոսիկ՝ որոց
իցէ : Եւ զի ոչ ետ սրբանալ քահանայիցն յամուս-
նութե , զի մի խափանեսցին , և նուազեսցին զաւակ
քահանայութե . զի ահա հրամայեաց զի մի արքեն
քահանայքն գինի յորժամ 'ի սպաս պաշտաման մեր-
ձենայցեն . և որդիքն Յովնադարու թնաւ ամենեւին
գինի ոչ արբին , և ոչ ագարակ ստացան . արդ եպե-
րեալ ինչ իցեն նոքա՝ թէ ահա յաւելլով յաւելլին
յօրէնսն . ոչ :

Եւ որ , ասէ , եթէ իշխեսցէ հայհոյել նզովել
լիւծ , մեղք լիցին 'ի նմա" , : Այս ինքն ամենայն որ

իշխեսցէ ասեւ, այսպէս եղիցի տեառն նոյ Խորայելի, այնպիսին մահու մեռցի : Կամ որ հայհոյիցէ զկուռս 'ի կարգալ իւրում նմա զանուն նոյ . և այսպիսի ինչ եղիցի այսր անուան նոյ, մահու մեռցի . փոխանակ զի հայհոյեաց նա զանունն երկրպագեալ, և ետ զնա կուոց : Բայց հերբայեցի, «Որ հայհոյեսցէ զգատաւոր իւր, մեղք լիցին նմա . այլ որ իշխեսցէ անուանել հայհոյութիւն զանունն տեառն, մահու մեռցի» : Եւ այն՝ զի ասէ «Յետ յիսուն ամի դարձցի մարդ 'ի սահման իւր, զի եղիցին արմաիքն յիսունն ամի 'ի տեղ գնոց . և ապա աւուցէ զսահմանս իւր» :

ԿԱՏԱՐԵՑԱՒ ԴՊՐՈՒԹԻՒՆ ՂԵՒՑԱՑԻՈՑ

ՍՐԻՈՅՆ ԵՓՐԵՄԻ

ՄԵԿԵՆՈՒԹԻՒՆ

ԹՈՒՌՈՑ

ՏԵԱՌՆ

Լ Փ Ր Ե Մ Ի

ԽՈՐԻՆ ԱՍՈՐԻՈՑ

ԳՐՈՒԹԻՒՆ ՉՈՐՐՈՐԴ ԱՐԱՐԱԾՈՑ

Թ Ի Ի Վ

ԳԼՈՒԽ Ա

ԽՍՍԵԼ սկսաւ տէր ընդ Մովսիսի և ասէ .
“Խօսեաց դու ընդ որդիսդ Խորայէլի և ա-
սասցես . այր կամ կին որ՝ որ որ արասցէ ինչ մի յա-
մենայն մեղաց մարդկօրէն յանցանս, դատապարտեա-
ցի անձն այն . և խոստովան եղիցին վաղվաղակի ըզ-
մեղս իւրեանց՝ զոր արարին , և դարձցին մեղք նորա
’ի գլուխ նորա , : Բայց Հերբայեցի , “Մատուցե-
ղվան գողման , նախ զգլուխան , և ապա զՀինգերորդ-
մամս ’ի վերայ . և տացէ այնմիկ՝ որում յանցեաւն :
Ապա թէ չիցէ որ առնն մերձաւոր , ածցեն զնա առ-
քահանայն , ժողովուրդն տասանորդել զԼտացւոց .
և զԼտացիքն Ահարոնի , և Ահարոնն , : Եւ իշխան
որդւոցն Գադայ , Եղիփաս որդի Հաազուէլի . անուն
է Հերբայեցերէն Յութորայ : Որդիք Գեթանեայ յե-
տոյ խորանին բանակեալ էին յարեմոնից կողմանէ ,
և դուրք նորա ընդ արեւելս :

“Ի՞նչ ուրուք , ասէ , եթէ ելցէ ’ի վերայ նորա ոգի
նախանձու , և նախանձեացի ընդ կնոջ իւրում , ածցէ
զկինն առ քահանայն , : այլովք հանդերձ : “Ապա թէ
ոչ իցէ , ասէ , պղծեալ կինն , քաւեալ եղիցի , և ծնցի

արու մանուկ , : Եւ եթէ ամուլիցէ զհարդ ծնցի . սակայն և այս ողորմուի նորա է : Եւ որպէս զի եղիցին վարձք զրպարտութե նորա , բանալն արգանդի իւրոյ , “Քաւեալ լիցի նա , ասէ , և ծնցի արու մանուկ , : Բայց երբայեցի փոխանակ այնր՝ զի ասէ “Եւ ջուրս քննութե , : “Ջուրս անիծեալս նզովեալս , : ասէ : “Այ՛ եթէ չիցէ , ասէ , պղծեալ , բերցէ նա պատարագ քաւել զինքն , և այրն անպարտ եղիցի , : Իսկ արդ կինն զի՛ մեղաւ . բերցէ զպատարագն այր նորա , որ զրպարտեաց զնա : Այլ քանզի նախանձ զայրման առն իւրոյ այրն պահպանէ նորա , և ոչ կա մի նա ընդ կործանելն նորա . այն՝ որ արթունն կայր վասն պահպանութե նորա : Այլ թերեւս ինքն կինն ետ պատճառս ՚ի լկտութեն իւրում . զի կարծիցէ ՚ի վերայ նորա , պոպէս և յանցոյց զնա . թէպէտ և յազմեաց նա արդարութե , սակայն ՚ի ներքոյ բծի դնէ զնա , զի զգուշացի նա : Եւ փոխանակ այնր՝ զի ասէ “Եւ չի՛ է նախանձու զայրման , : Հերբայեցի , “Պատարագ է նախանձու զայրման , : ասէ . զի գաւոյ չիք նա չի՛ : Եւ փոխանակ այնր՝ զի ասէ “Ջուր սուրբ կենդանի խեցեղէն ամանով , : “Ջուր աղբեր , : ասէ : “Այլ խառնիճաղանճն , ասէ , որ ելեալ էր ընդ նոսա , ցանկացան զցանկութի յանապատի անդ . և դարձան լացուցին ևս և զորդիսն Խորայելի , : Այս ինքն՝ զի նոցա անօրէն գործովն ուսան և նոքա ևս տրտնջել : Արդ տես դու , խմորն չար զհարդ դառնացուցանէ զամենայն քաղցր զանգուածն . զի որչափ և հեռանայր Խորայել յերկրէն եգիպտացւոց , ևս քան զևս յաճախելին բամբասանք նորա յարժանաւոր պատճառս : Անարժան սրտմտութե ընդ նա . բայց կուրացոյց զնա սրտմտութիւն՝ արտնջելով իւրով : Կուրացեալ էր նա՝ զի արտնջէր , զի դարձցի նա մտաւնել յերկիրն ապականիչ եգիպտացւոց , քան մտանել յայնմ երկիր ազատութեան : Լաւ համարեցաւ նա ընտրել իւր զծառայութի հնազանդութե երկրին եգիպտացւոց , քան զլինել ներքոյ հնազանդութե օրինաց . զի ամենայն խրատ նսրա որ ընդ ամե-

նոյն տեղիս է, զի լուծն օրինաց 'ի վերայ պարանոցի նորա մի դիցի :

Իայց իբրև ետես խրատիլն՝ թէ կամօք հաճու թեամբ ոչ խոնարհեցուցանեն զպարանոցս իւրեանց 'ի ներքոյ լծոյն օրինաց, զարթոյց բռնութի 'ի վերայ կամակար կամացն . զի "Ի բազուկ, ասէ, բարձր, և մեծաւ բարկութեամբ թագաւորեցից 'ի վերայ նոցա" : Ած 'ի վերայ նորա 'ի սկզբան նախ զամաղէ կացիսն, զի երկիցեն նոքա գառնալանդրէն յերկիրն եգիպտացւոց 'ի պատերազմէ անտի հէթանոսաց : Օգնական եղև նոցա 'ի ձեռն Մովսիսի, զի կարծեսցեն նոքա թէ յաղթուի նոցա 'ի ձեռն Մովսիսի, և սիրեսցեն զնա : Թող դարձեալ նոցա զմեզս յանցանաց նոցա վասն աղօթիցն Մովսիսի, զի մի ևս արտնջեսցեն վասն նորա : Բնակեցոյց 'ի վերայ նորա զփառս նոցա, զի մի քարկոծ արասցեն զնա :

"Ի լրացուք, ասեն, մեզ իշխան, և դարձցուք անդրէն յեգիպտոս" : Ասէ ցնա տէր . "Ի բաց կաց, թոյլ տուր ինձ, թող սատակեցից և ջնջեցից զնոսա, և զքեզ արարից յազգ մեծ" : Խռովեցան նոքա, զի ոչ ոք էր իբրև զՄովսէս, զի եղիցի փոխանակ ընդ նոցա բարեխօս : "Զի՞նչ, ասէ, առնեմ ես զժողովուրդս զայս, զի սակաւիկ միւս ևս քարկոծ առնեն զիս" : Զգեցոյց նմա զփառսն նոյ, զի փոխանակ քարկոծելոյն երկրպագութի մատուցեն նմա : Սրբեաց զնոսա զերիս աւուրս, և խօսեցաւ ընդ նոսա որոտմամբ և փայլատակմամբ . զի կարծիցեն թէ փառք ինչ յորդեցան 'ի վերայ նոցա, զի եղիցին շքեղ անձիւք իւրեանց յաչս իւրեանց : Նա և այն՝ որ ընդունի զպատիւ փառաց նախապետութե և թագաւորութեան, շքեղանայ անձն նորա յաչս նորա : Եւ խնայեաց նա 'ի պատիւ փառաց իւրոց . զի յիրս անարգս մի թէ թեւացուցէ զնա :

Ի ժամանակի իբրև սկսան նոքա արտնջել, յայտնեցաւ նոցա սիւն . զի ծանիցեն եթէ այն՝ որ երևեցաւ 'ի սիւն հրոյ եգիպտացւոց և խռովեաց զնոսա, ոչ եթէ խտաբոյն են նոքա քան զնա : Այլ այն՝ որ յայսմ նշանի խրատեաց զժպիրհսն յամառոտս, նովին իսկ ցոյց զողորմութի գթութե իւրոյ : Իբրև

ու տանջին նոքա, երկեցուցէ զնոսա. զի 'ի գնացս այնոցիկ՝ որ տանջեցան, մի հասցեն : Եւ եղև սահման նոցա դարձեալ Եգիպտոս և Սոդոմ. մի օր տանջեցան, և միւս ևս՝ օր կործանեցան. զի 'ի լինել նոցա սահմանք երկրի նոցա յայտնապէս, եղիցին և սահմանք խորհրդոց նոցա 'ի ծածուկ. զի կործանումն Սոդոմայ և տանջանքն Եգիպտոսի յիշեցուցանէին նոցա յամենայն ժամու, զի զգործան եգիպտացւոց և սոդոմլմայեցւոց մի գործեսցեն :

Հար սատակեաց նա զանդրանիկան եգիպտացւոց, և կապեաց զյիշատակս ելից նոցա 'ի գառլին անդ : Հերձ բաժանեաց զծովն, կապեաց զյիշատակ փրբ կուլթեան նոցա յօրհնուի անդ : Քաղցրացոյց զճուրդն դառնութե, կապեաց զքաղցրութի նոցա 'ի դռնել օրինացն և իրաւանց դատաստանի : Փրկեաց զնոսա յամաղէկացւոց անտի, կապեաց զյիշատակ յաղթութեան նոցա 'ի մատեանն յիշատակաց : Ետ նոցա զմանանայն, կապեաց զյիշատակս նոցա 'ի սափոր անդ : Եւ բժշկեաց զնոսա 'ի հարուածոց օձից անտի, կապեաց զյիշատակ բժշկութեան նոցա յօձն պղնծի : Եւ զոր օրինակ 'ի բարձրանալ օձին 'ի վերայ փայտին, կեցին և ապրեցան այնոքիկ՝ որ հայելին յօձն պղնծի անիծեալ, սոյնապէս 'ի բարձրանալ մարմնոյն տեառն մերոյ 'ի վերայ խաչափայտին, կեցին և կեան ամենեքին ոյք հային ընդ այն՝ որ եղև անէծք վասն մեր :

Փոխանակ այնր՝ զի ասէ “Անն նօրա իբրև զակն բիւրեղ”, հեբրայեցի, “Իբրև զտեսիլ մարգարտի”, ասէ : Փոխանակ այնր՝ զի ասէ “Աւնէին 'ի նմանէ նկանս”, հեբրայեցի, “Իբրև զշօթ”, : Փոխանակ այնր՝ զի ասէ “Եղիցի ձեզ 'ի դառնութի”, հեբրայեցի, “Իբրև 'ի զագրթութիւն, մինչև այսօրէն, ասէ, ընդ քիթս ձեր դարձցի” :

“Վ եց հարիւր հազար, ասէ, զօրք են արք հեռեակը ժողովրդեանս, ուր կամս ես 'ի մէջ նոցա. և դու ասես. տացես նոցա միս և կերիցես ամսօրեայ մի ժամանակ կրս. և զինչ խաշինք, ասէ, արջառոց կամ ուխարի բաւական լիցին դոցա. զի եթէ ամենայն հեղեղքն ձկանց որ 'ի ծովու անդ իցեն՝ որսասցին, բաւական

կարիցեն լինել գոցա՝ի կերակուր,, : Եւ այս ոչ եթէ երկմտեաց նա, այլ զի ցուցցէ՝ եթէ այն ինչ՝ որ մարդկան դժուարին իցէ, բանն քի բաւական է՝ ի կերակրել զնա, ըստ նմանութե՝ այն զի ասաց Փիլիպպոս. ասէ՝ «Հինգ հարիւր դահեկանի հաց ոչ է բաւական նոցա, իբրու առ սակաւ սակաւ կերիցեն,, : Փոխանակ այն՝ զի ասէ՝ «Ձեռն տեառն բաւական է,, : հերբայեցի, «Միթէ ձեռն տեառն տկար և փոքր ինչ երևեսցի քեզ,, :

«Այ, ասէ, կարեմ ես հանդարտել միայն ժողովրդեանս այսմիկ : Ասէ ցնա տէր, ժողովեալ դու առ իս արս իւթանասուն, և առից ես յոգաց անտի քումմէ, և արկից զնոքոք : Եւ եղեցին նոքա քեզ ոգնական՝ դիմակալ լինել նոքոք հանդերձ ժողովրդեանն, և քեզ միայն մի ծանրասցին,, : Արդ այն հոգին՝ զոր բաշխեաց նոցա, զարմատս նորա՝ ի մի անդկապեաց, զի մի բաժանեսցեն զնա որդիք մարդկան ի բազում արմատս : Արքայց նոցա նձ ի միջէ աղբերէ անտի, զի մի արբցեն բազումք ի բազում աղբերաց. զի իւրաքանչիւր յեւթանասուն ծերոց անտի իմանայր և սգայր ի մտանել հոգւոյն՝ որ մտանէր ի փոր նորա, գիտէր թէ ի Մովսիսէ ընդունիմ : Եւ զոր օրինակ ընդունի պտուղ ծառոց զգորութիւն ջուրցն յարմատոց անտի, վասն այսորիկ և նոքա ի Մովսէս իբրև պտուղ յարմատս իւրեանց ուրախ լինէին : Եւ ի Մովսէս իբրև ծառ մի ի պտուղ իւր ցնծայր :

Այլ իբրև կամեցաւ Յեշով որդի Նաւեայ՝ զի արկցէ բաժինս ի մէջ պտղոյ և ի մէջ ծառոյն նոցա, դարձաւ ծառն խոնարհեցաւ բանիւք իւրովք իբրև ոստովք իւրովք և առ չարս, զի պատուատեսցին նոքա յոստ նորա : «Ո՞տացէ ինձ, ասէ, տեսանել զամենայն ժողովուրդս տեառն ի մարդարեութի դարձեալ,, : Եւ զի ասէ. «Յոգւոյ քումմէ առից և արկից զնոքոք,, : զի մի բարձրասցին նոքա ի վերայ նորա : Բայց ինքն Մովսէս զի և զայս ևս այ տացէ, ասէ. «Բանգի արկ տէր զհոգին իւր ի վերայ նոցա,, : Բայց հերբայեցի, «Յորժամ արկցէ տէր զհոգին իւր ի վերայ նոցա,, գրեալ է : Զայս մարդարեանային ելլադ և Մովսէս հանդերձ իւթանասուն ծերովքն,

յասեին իւրեանց . «Մովսէս եհան զմեզ յերկրէն եգիպտացւոց , և Յիշով տանի յայն երկիր պարգեւաց , » : Վասն այսորիկ ասաց Յեշով . «Տէր իմ Մովսէս , հրաման տուր դու արանցն այնոցիկ , զի արգելցին նոքա 'ի մարգարէութենէ անտի , » : Կամ զի ահա մարգարէանային նոքա առանց քո , ասէ «Հրաւման տուր և արգելցին , » : Բայց լռեցոյց կարճեաց , զի գիտաց թէ նախանձու ասաց : «Մի , ասէ , նախանձեցուցաներ դու զիս , » : Բայց հեբրայեցի՝ փոխանակ այնր՝ զի ասէ «Մարգարէացան , և այլ ոչ ևս յաւելին , » . «Մարգարէացան , ասէ , և այլ ոչ ևս հատան , » : Եւ փոխանակ այնր՝ զի ասէ «Որ քնաւ սա կաւ ժողովեաց տանն շեղջ , » . ասէ «Տանն քու , » :

ԳԼՈՒԽ Բ

«Լի սկսան , ասէ , բամբասել Մարիամ և Ահարոն զՄովսիսէ վասն կնոջն այլազգւոյ , » . քանզի կին 'ի Հնդկաց ունէր Մովսէս : Եւ վասն այսոր ցուցանէ և Յովսէպոս , ասէ 'ի մատենաս իւր . ասէ այսպէս : Ի ժամանակի իբրեւ աճեաց , ասէ , Մովսէս , աւաբեցին զՄովսէս առնել մարտ պատերազմի ընդ Հնդիկս՝ ընդ թշնամիսն եգիպտացւոց . զի յուսացեալ յայս ապաստանէին Հնդիկք , եթէ ընդ ճանապարհսն անապատի ոչ որ կարէ գալ 'ի վերայ նոցա վասն թեւաւոր օձիցն խարամանեաց՝ որ էին անդ . և զսահմանս իւրեանց՝ որ յայլոց կողմանց էին՝ պահէին զգուշութիւն : Բայց Մովսէս այսմ խելամուտ և տեղեակ էր , և ելս եգիպտոս գործոյն . և չոգաւ նա ընդ անապատ կողմն . և ածին թռչունս , զի 'ի ձայնէ թռչնոցն փախչէին օձքն թեւաւորք . և արձակեցին առաջի զօրացն : Եւ որչափ ևս լսէին զձայնս թռչնոցն օձքն թեւաւորք , տեղի տային . մինչև եկն եհաս 'ի վերայ թշնամեացն իւրեանց , և փախստեայ հալածականս արար զնոսա : Եւ զի յանկարծակի հաս 'ի վերայ նոցա և պաշարեաց զնոսա , և լուծան լքան ձեռք նոցա , և փախստական անկան 'ի կղզի մի՝ զի անուռն էր նորա Սարա . այս իսկ է՝ զի ասէ «Թագաւորք Արաբայ և

Սաբայ , . և ապա յետոյ կոչեցաւ Մրիայ 'ի Կրամբէսասեայ ըստ անուան քեռ նորա : Եւ իբրեւ մերձեցողց Մովսէս զգօրսն իւր առ 'ի պարիսպն մարտնչել , տես զնա Թերբաս դուստր Թագաւորին Հնդկաց' Թէ զօրնակէս մարտնչէր , և ընդ գիւտս խորագիտութե նորա զարմանայր . և ապա յետոյ անկաւ պարտասեցաւ նա 'ի գութ սիրոյ նորա . և առաքեաց առ նա : Իբրեւ պաշարեաց Մովսէս զկողին և նեղեաց զնոսա , և հուպ յառնուլ արար , սկսաւ աղաչել զՄովսէս տիկինն Հնդկաց , զի տացէ Մովսիսի զանձն իւր . և ժողէ զնա իւր կնուծե , բայց միայն զքաղաքն մի նեղեացէ : Եւ ետես Մովսէս եթէ հնար ինչ գիւրին յաղթել ոչ գոյ բայց յայսմիկ , և նստել պաշարել զնոսա ընդ երկայն ժամանակս ոչ կարէր , ձեռն ետ նմա Մովսէս և առ զնա իւր կնուծեան , որպէս զի տացէ զգօրսն և զաշխարհսն իւր 'ի ձեռս եգիպտացւոց : Վասն այսօրիկ ասացին . ասեն "Կին այլ ազգի արար նա" : Եւ գիրք ևս կնքեն վասն այսօրիկ . այո , ասեն , և կին հնդիկ արար : Եւ այս յառաջ քան զփախչելն յեգիպտոսէ , և յերթալ առ Յովթոր , և առնուլ զդուստր նորա զԹիփորա իւր կնուծե :

Եւ միւս ևս այլ մատենագիր Յունաց , որ անուա նեալ կոչի Արտեմիսոս , գրէ այսպէս . ասէ : Իբրեւ եղեն Թագաւորք յեգիպտոս , Թագաւորեաց Փաղմոնծէս յԱրեգ քաղաքի . և էր նա Թննամի ազգին Հրէից : Եւ եղև նորա դուստր մի , զի անուն էր նորա Մառի . և ետ զնա կնուծե Բանեփրայ Թագաւորի մենպեսացւոց քաղաքի , զի նա ինքն է Հռագուսա , այն' որ առն զՄովսէս յորդեգիր : Եւ իբրեւ զօրացաւ , ասէ , Մովսէս , և շինեաց նա զՀերմոպօլիս քաղաք . և արար նա մարտպատերազմի ընդ Հնդիկս և ընդ Թերայեցիսն զտանն ամ' : Եւ յետ մահունն այնօրիկ' որ առն զՄովսէս յորդեգիրս , Բանեփրա այրն նորա սպառնայր Մովսիսի սպանանել զնա : Եւ Թաղեցաւ ինքն Մառի յեգիպտոս . և 'ի նմանէ կոչեցաւ Մոռիա քաղաք : Եւ իբրեւ գիտաց Մովսէս զնեւ գութԹիւնն Բանեփրայ , սպան նա զԲաննոթէսայն , այն որ կամչին սպանանել զնա . և ինքն փախստեայ

գնաց յԱրարիա առ Հռազուէլ . և առ զդուստրն նորա իւր կնուծէ :

“յԱ սկսան , ասէ , Մարիամ և Ահարոն բամբասել զՄովսիսէ վասն կնոջն այլազգւոյ զոր առ ,” : Եւ ահաւասիկ պատճառքն հրաժարեցուծեն Մովսիսի մերձեցուցին զԱհարոն . թէպէտ և այս այսպէս իցէ , սակայն մարդարէ անուանեցաւ աստուծոյն Փարաւոնի : “Զիարդ ոչ , ասէ , զանգիտիցէք և ոչ զարհուրեցարուք բամբասել զՄովսիսէ ծառայէ իմմէ ,” : Իբրև Մովսէս վասն այսր ոչ եղև ամբաստան , սակայն անձ ոչ անփոյթ արար . զի ստոյգքն և արդարք առ վրէժխնդրուծի անձանց իւրեանց հեղք քաղցունք լինէին , և ողորմուծք և անմեղուծք գնային¹ . բայց որ այ իրք էին , իբրև զբոց բորբոքէին նախանձուն իւրեանց . նմա իսկ նմանողք լինէին , զի վասն իւրոյն անփոյթ առնէ , և զծառայիցն իւրոց վրէժ խնդրէ : Գրեալ այսպէս է . ասէ . “Խօսեցան որդիքն Խարայէ լի զբան հայհոյութեան ’ի վերայ այ ,” : Եւ ոչ ուրեք յայտ առնէ² թէ ասաց . զիարդ ոչ զանգիտիցէք և ոչ զարհուրեցարուք ’ի բամբասել զինէն . որպէս և արասն , ասէ “Զիարդ ոչ զանգիտիցէք և ոչ զարհուրեցարուք բամբասել զՄովսէսէ զծառայէ իմմէ ,” :

Փութացաւ վաղվաղակի վրէժխնդրուծիւն զինի պատգամին , որպէս զի փութացեալ տաղնապետցին տեսողքն , և ’ի նշանն պառժոց յայտնի եղիցին . յանցաւորքն : Արդ սկիզբն արար վրէժխնդրուծին այնմիկ , զի սկիզբն արար նախանձու . և բորոտուծիւնն եղև յայտնի և ծանուցիչ ’ի վերայ այնորիկ³ որ վաղհասուկ եղև ’ի ժպրհուծի համարձակութե . որպէս զի փութացեալ յօժարեսցի ապաշխարօղն յապաշխարուծի , և ապրեսցէ ’ի բարկութի խրատու : Արդ յայս ամենայն փառքն այլ քարոզեցան , և խոնարհութի հեղուծե Մովսիսի յայտնի եղև , Եւ փոխանակ զի ոչ եղև նա ամբաստան զայնմանէ⁴ որ յանցեան նմա , այլ աղօթս փոխանակ ընդ նոցա մատուցանէր : Բայց անձ աղօթից նորա առ ժամանակ մի ոչ անսաց . ոչ եթէ զի ոչ էր հաճեալ ընդ նա , զի ահա

1 Եղիցին փայլի :

աւանիկ 'ի Բորէր լեառնն զմահն և զապականիչն սահմանեաց աղօթիւք իւրովք՝ 'ի Ժամանակի իբրև փոխանակեցին նորա ընդ որթուն զնձ . այլ զի քարոզեցի նախ Ժպրհուծի համարձակութե Մարեմուն առաջի տեսողաց , ասէ "Խրատեսցի զեւթն օր" . որպէս զի լուիցէ ամենայն Ժողովուրդն : Ոչ եթէ զի խայտառակեսցէ զնա , այլ զի գիցէ ահ և երկիւղ առաջի նոցա . զի "Ի մերձաւորս իմ , ասէ , փառաւորեցայց ես յանդիման Ժողովրդեանդ" : Եւ զի ցուցցէ ինքն Մովսէս՝ Թէ առաւել են հաւատք քան ըզպատուէր հրամանի :

Իբրև բորոտեցաւ Մարիամ , ոչ եթէ օրինօքն այնորթիւք՝ զոր ետ նա վասն բորոտութեանն՝ բժշկեաց զնա , այլ հաւատովք և աղօթիւք : Բայց Ահարոն զի ապրեցաւ , զի զղջացաւ և ապաշխարեաց : Զի զոր զրինսկ 'ի Ժամանակի իբրև հանց Ագամ զպատուիրանաւն , ոչ վաղվաղակի եդ 'ի վերայ նորա զպատիժսն պատուհասից , այլ Թոյլ ետ նմա՝ զի ապաշխարեսցէ , յայնմիկ՝ զի հարց զեւայ , և անէծ զօճն նախ : Եւ զի արար նա զայս վասն յանդիմանութե նորա , սակայն ոչ զղջացաւ և ապաշխարեաց . և կարգեցան եկին հասին պատիժքն պատուհասից 'ի վերայ Եւայի , և Ագամ ոչ կակղացաւ . ապա և զնա ևս հան ընկէց արտաքս ստուգութիւն 'ի դրախտէ անտի : Սոյն պէս Ահարոն . իբրև ետես եթէ ընկալաւ Մարիամ զպատիժս պատուհասից իւրոյ , գիտաց Թէ և ինքն չէ ապրելոց , զի հաղորդակից էր նա յանցանաց նորա , որպէս Ագամ ընդ Եւայի . վասն այսորիկ փութացաւ վաղվաղեաց ապաւէն իւր արար զՄովսէս : "Ազաչեմ , ասէ , զքեզ տէր , մի շտապ տագնապի հասուցաներ 'ի վերայ մեր , զի յանցեալք և մեղաք մեք 'ի տգիտութե մերում" : Եւ քանզի փոխանակ անձին իւրոյ և քեռն իւրոյ հասարակաց աղաչեաց , որպէս զայն զՀմաւսնին Վիմի . "Զինչ , ասէ , եղիցի մեզ" : Եւ գթածն քաւեաց վասն յանցանաց նոցա : Որպէս և Դաւիթ ասաց ցլաթան , ասէ "Մեղայ" . ետ նմա անդրէն պատասխանի և ասէ . "Եւ տէր Թողցէ զյանցանս քո և մի մեռցիս" :

"Սի , ասէ , եղիցի պատուհաս մինչև 'ի մահ . որ-

պէս և մեռեալ՝ զի ելանէ յարգանդէ՝ մօր իւրոյ , և կերեալ է կէս մարմնոյ նորա , . այս ինքն զի մեռաւ մորթ մարմնոյն , զի վառեցաւ նա բորոտութիւն , զի ոչ զեռաց 'ի նա արիւն կենդանի : Բայց 'ի հեբրայեցի ասէ . ասէ "Մի՛ եղիցի իբրեւ զմեռեալ մի , զի մինչև ելեալ իցէ նա յորովայնէ՝ մօր իւրոյ , կերեալ իցէ զկէս մարմնոյ նորա անդէն 'ի նմին , . բայց պատճառք , զի տրտնջեցին նոքա վասն նորա՝ կարծիք այս են : Քանզի խրատատու եղև Մովսիսի աներն իւր , և հաճոյ թուեցաւ նմա խրատն նորա : Եւ ասէ ցնա Մովսէս . "Մի՛ թողուր զմեզ յայս անապատի . լեր դու մեր առաջնորդ , . այս ինքն իբրեւ զմարգարէ մի 'ի նմանութիւն Ահարոնի : Եւ իբրեւ տեսին Ահարոն և Մարիամ նախանձեցան . քանզի Ահարոն էր Մովսիսի 'ի տեղ մարգարէի : Փոխանակ այնր՝ զի ասէ "Եղեր դու մեզ առաջնորդ , . ասէ "Եղեր դու մեզ վկայութի , . :

"Ղաքեա դու , ասէ , արս ընտիրս երթալ դիտել զերկիրն քանանացւոց , . : Եւ այս ոչ եթէ յայտնի եղև Մովսէսի ազգն քանանացւոց՝ ասաց նմա . ասէ "Առաքեսցես արս լրուտեսս անդր , . այլ զի հանդէս արասցէ , և զչափ առցէ զանհաւատ դառնացող ժողովրդեանն . և յանդիմանեալ դսրովեսցի 'ի Հուսիսի հաւատացեալ : Իբրու մեծամեծ պանչելի էին նշանքն որ շուրջ էին զնոքօք , յամենայն ժամ երկմբ տեալ բաժանէր նա 'ի նշան անդ պտղոյն , այն՝ որ ըստ համեմատի յոյժ փոքր և նուազ էր նա քան զընկերս իւր , իբրեւ զայն զՅեշովայն որդւոյ Նաւեայ և զՀուսիսաբայն : Բայց ողկոյզն բաժակ փրկութեան նորոցն կտակարանաց . և դարձեալ խորհուրդ խաչին որ 'ի միջի , և երկու որ բարձեալն էին զնա , իբրեւ զայն՝ որ ելն 'ի խաչ 'ի մէջ երկուցն անօրինաց :

"Ղրկիրն , ասեն , մարդաժախ մարդավար է , . Եւ զիմրդ տեսէք դուք անդ սկայս որդիք սկայից 'ի հրակայազանց . երկիր մի՝ որոյ այսպիսի պտուղ է , զիմրդ է նա չար : Եկն պտուղն , և եղև երաշխաւոր . քանզի սուտ համարեալ են յաչս նոցա աւետիքն և պարգևք , հայհոյեցին վասն բարութեան երկրին այնորիկ . զի պտուղն՝ որ բերին յերկրէ անտի յայնմանէ ,

յանդիմանեալ կշտամբեաց զհամբաւսն՝ զոր հանին 'ի վերայ նորա : Զի եթէ չար էր երկիրն այն , իսկ զհարդ պողալծով բարձին զողկոյզն և բերին : Եւ եթէ երկիրն արդարեւ մարդավար մարդածախ է , իսկ զհարդ մնոյց աճեցոյց երկիրն սկայս և սկայալ զունս . և դուք , զի մնայք յերկիրն եգիպտացւոց իբրեւ նստէիք դուք առ կատսայս լի մսով , զհարդ եղեւ դուք դուք յաչս նոցա իբրեւ զմարախ :

Աբրահամու զի ասացաւ նմա , բայ "Քեզ տաց զերկիրս զայս և զաւակի քում" յետ քո" , ցանկայր՝ զի 'ի քայլել ոտից զաւակին իւրոյ հաստատեսցի ուխտն այն իւրոյ : Եւ 'ի ժամանակի իբրեւ մտին լրուտեալն , զի խրամատեսցեն զցանկն հին և զսահմանն՝ որ յաւիտենից՝ զի ժողովուրդն երթիցէ մտցէ առ հարս իւր , ընթացոյց Աբրահամ թաղեալ յերկիր զպտուղ երկրին առ որդիս իւր , որպէս աղաւնին զպտուղ ձիւ թենեցն առ 'նոյ արդար : Եւ զի ոչ էին նոքա որդիք Աբրահամու եթէ փափագիցեն և ցանկացին , եւա նել ընդ առաջ պարգեւացն հօրն իւրեանց ոչ կամեցան : Եւ զի ոչ էին զաւակ նորա , ոչ վասն պարգեւացն հօրն իւրեանց խոստովան եղեն , և ոչ աւետեաց նորա արժանի եղեն , զի մնունդ էին նոքա եգիպտացւոց և ոչ Աբրահամու : Առաքեաց ընդ առաջ նոցա զերկիրն օրհնեալ աւետեօքն , այն՝ որ ժողովեաց ամփոփեաց 'ի ներքոյ թւոց իւրոց զհարսն օրհնեալ , զպտուղն քաղցր և զանոյշ . խորհուրդ գործոյ հարցն նոցա՝ տուգաց և արդարոց : Այլ ոչ գործոցն հարցն իւրեանց նմանօրք եղեն , և ոչ բարոք առհաւատչեիւն ճշմարիտ աւետեաց խոստովան եղեն նոքա : Եւ զի ոչ եթէ զպտուղ երկրի նոցա զրկեցին նոքա , այլ զաւետիմն անգոմանեցին նոքա . ընդդէմ այնր՝ զի ասէ "Երկիր է որ բղխէ զմեզ և զկաթն" , դարձուցին յասել իւրեանց . ասեն "Երկիր մարդավար մարդածախ է" :

Այս ողկոյց նմանութի Աբրահամու , զի բարձեալ ունէր 'ի թեա իւր զժողովս խաղողոյ իւրոյ , և մտանէ առ զաւակ իւր բաժանել բաշխել ծննդոց իւրոց ըզքաղցրութի աւետեաց իւրոց : Սակայն ոչ փափագեաց և ցանկացաւ նմա ժողովուրդն . զի խաղող նոցա խա-

զող դառնութիւն . վասն այսորիկ մասնեցան նորա 'ի ձեռս մահու հնծանահարին իւրեանց . փոխանակ զի անարգեցին խոտեցիննորա զողկոյզն՝ որ մտանէր խորհրդիւ , զի քաղցրացուցէ զդառնութիւն զողկուզացն որ ելին յերկրէն եգիպտացւոց : «Խաղող նոցա , ասէ , խաղող լեղի , և ողկոյզ նոցա ողկոյզ դառնութեան , » : Եւ զի գիտաց թշնամին զխորհուրդն , խռովեաց զժողովուրդն յօրինակ անդ : Այս է զլացութիւն առաջին որ եղև օրինակ զրպարտութեան վերջնոց . զի հարջն զրկեցին զլացան զերկիրն և ասեն . «Մարգածախ մարդավար է , » և զողկոյզն զվկայն ճշմարիտ պարարտ երկրին . և որդիք նոցա զրպարտեցին զՄարիամ և պտուղն որ 'ի նմանէ , որ հալածէ քաղցրութեամբ իւրով զդառնութիւն հեթանոսաց : Զի վասն այսորիկ ողկոյզն խորհրդիւ իւրով սահման հաստատեաց և եդ , զի զրպարտիչքն իւր յերկիրն պարգեաց մի մոցեն . զի նկարեացէ գործովն իւրով զխաչն , այն՝ որ զժողովուրդն զլացող 'ի ժողովրդենէ իւրմէ եհան , և փոխանակ նոցա տնկեաց տունկ նորատունկ՝ որ խոնարհի յըմպելի արեանն ազատւին իւրոյ 'ի դրախտի անդ իւրում , զի նա ինքն է աւետիք պարգեաց իւրոց . զի հինն նորովն սիրեսցի , և նորն հնովն հաւատարիմ լիցի : Փոխանակ այնր՝ զի ասէ «Կենդանի եմ ես . և լցան փառքն տեառն յամենայն երկիր , » . հերբայեցի , «Կենդանի եմ ես , և փառք իմ ընդ ամենայն երկիր , » : Փոխանակ այնր՝ զի ասէ «Եւ ընկաւցին զպոռնկութիւն իւրեանց , » . հերբայեցի , «Զմեղս իւրեանց , » :

«Վնայն որ արասցէ , ասէ , 'ի ձեռն բարձր , » . այս ինքն՝ որ յաճախէ մեղանչել հպարտութեամբ պարծանք . կամ անգոսնէ՝ իբրև գիտէ թէ մեղանչէ . կամ իբրև յիշէ մեղանչէ . յակամայ խաբէութիւն ոչ մտտուցանէ : «Հանէք , ասէ , զայրն զայն՝ որ քաղեաց զփայտն յաւուրն շաքաթու , և մեղցի , » : Քանզի ամենայն ժողովուրդն խափանեալ նստէր , և նա հպարտացաւ ամբարտաւանութեմ , որպէս զԶամբրին : Եւ զի մի խորամանկեցին , որպէս և այլն որ զփայտն քաղեաց : «Մտաւնալով , ասէ , մտաւոյց ես , » : Ասէ «Արարէք դուք ձեզ արկանելիս քղանցաւ

ւորս, զի մի մուրիցիք գուք զկնի տրտից ձերոց» :

“Սպո գիտասջիք, ասէ, եթէ տէր առաքեաց զիս, և ոչ եթէ յանձնէ ինչ գործեցի որպէս և դուք կարծէք” : “Ասացից, ասէ, և յանուն տեառն, և եղիցի : Արդ եթէ ըստ օրահասի մահու ըստ ամենայն մարդոյ մեռանիցին մարդիկս այս, և այցելու թի պատուիրանի լիցի սոցա իբրև այլոց, ապա զիս տեառն չիցէ առաքեալ գործել զայդ գործ : Իսկ եթէ արարածս ինչ հաստատիցէ, և ցուցցէ զգորութիւն տէր, և բացցէ երկիր զբերան իւր, գիտասջիք, ասէ, եթէ ոչ ՚ի կամս իմ ինչ բանամ ես զբերան իմ” : Եւ եթէ բարկացողացն սրբեցան բուրվառք իւրեանց յանձինս իւրեանց, որչափ ևս առաւել սրբին մարմինք մարտիրոսաց յանձինս իւրեանց : “Մի, ասէ, մերձեացի. օտարածինն արկանել խունկս առաջի իմ, զի մի եղիցի նա իբրև զՎորդի և զԺողովուրդն իւր” : Եւ ՚ի վաղիւ անգր յարեան Ժողովեղաւք և Թայրաթոսք և ամենայն ազգատոհմք . “Դուք, ասէ, սպառնէք կոտորեցէք ջնջեցէք զայնչափ Ժողովուրդն նոն” : այս ինքն, զի կացէք դուք, ասեն, յաղօթս, և արար զկամս ձեր Աստուած : Եցոյց զըպարտեալն զսէր իւր զոր ունէր առնոսա : “Աւ դու, ասէ, բուրվառ մի և արկ խունկ և քաւեա ՚ի վերայ նոցա” : Եւ ապա ըստուգեցաւ նոցա այն՝ զի ասէ . “Արարից զքեզ յազգ մեծ” : Փոխանակ այնր՝ զի ասէ “Զի մի մտանիցեն տեսանիցեն զսրբութին մինչ դեռ ընկղմեցի” : Տեբրայեցի, “Մինչ դեռ յայսնի է” ասէ :

“Ի՞նչքեն քեզ, ասէ, երինջ մի կարմիր տրմուղ ան արատ” : Եւ եթէ զոհիւքն կարօտ էր, իսկ մոխրորմն երնջոցն՝ զոր ետ ՚ի սրբութի կարօտելոցն, զինչ կարօտ էր նա : Սկիզբն արար ՚ի զուարակէ մինչև ՚ի տատրակ, զի յայտ արասցէ՝ զի զոր օրինակ ոչ բռնադատեաց զնոսա յայտնի պատարագօքն աւելի քան զգորութի նոցա, սոյնպէս և ոչ բռնադատեաց զնոսա Ժածուկ պատարագօք. այլ Թաղեաց ՚ի զոհս անդ և զմոխիրն ևս երնջոյն իրս անարգս : Զի յորժամ կարծիցեն՝ թէ զոհիւք ինչ կարօտ իցէ, յանդիմանեալ կշտամբեացին ինքնին զոհքն. և եղիցի լուծանել նոցա յանձանց իւրեանց : Սոյնպէս մոյծ Թաղեաց զամե-

նայն յամենայն ինչ . զի այն ինչ զոր Թաղեացն 'ի նմա, այն ինքն լուծցէ զնա : Եւ զի ելցէ զենցէ զքօջն, 'ի վաստակելն իւրում քահանայն՝ տացէ նա զվարձս քահանային , այն որ սրբին , զվարձս ոտից նորա :

ԳԼՈՒԽ Գ

«**Ա**ռեցեա զու , ասէ , ընդ վիմիգ , և արձակեալ է քէ ձեզ ջուրս » : Եւ փոխանակ զի բարկացաւ նա , և ոչ արձակեաց զջուրս իւր , յաւել ևս Մովսէս և Եհար զնա , և ապա արձակեաց զջուրս իւր : Այո , տէր Մովսէս . իսկ արդ զու երբ համբարձեր զձեռն քո 'ի վերայ արարածոց , և ոչ փութացեալ տազնաւ պեցան 'ի զինէ անտի՝ որ 'ի ձեռին քում : Զի եթէ կամեցեալ էր Մովսիսի առնել մի 'ի նշանաց անտի գաւազանան և ոչ էր լեալ , բարեօք երկմտեալ բաժանէր նա 'ի վերայ գաւազանին . ապ' եթէ յամենայն տեղիս , ուր և կամեցաւ առնել նշանս և զբան չելիս , փութացեալ վաղվաղակի լինէին , չարաչար անարգեաց Թերահաւատութեն իւրով զգէն՝ որ պտակեացն զնա իբրեւ զարդար : Այս է Մովսէսի , զի 'ի թարձրութիւն անտի աստուածութեն իւրոյ եջ նա 'ի Թերահաւատութիւն : Ասէ . «**Ի** վիմէ՞ աստի յայսմանէ հանէ ձեզ տէր ջուրս » . ոչ եթէ զանձն իւր միայն անարացոյց յայսմ՝ վայրի ինքնին աստուածն փարաւ լոնի , այլ զԱստուածն ևս խրայելի փոքրկացոյց ընդ իւր : Այլ պարգեքն այն և իբրեւ ոչ կամէին՝ ցուցին զգօրութի իւրեանց առ ասօղս իւրեանց . զի ուսուցէ , զի եթէ Թերահաւատութեն ասողին՝ իւրոյ այս պիտի զօրութիւն գործեաց , որչափ ևս առաւել հաւատովք նորա առաքինանայր նա :

Իբդ «**Հ**ար , ասէ , Մովսէս զվէմն » . զի ցուցցէ եթէ ոչ կարեն ելանել ջուրք փափուկք 'ի ցամաք վիմէն : Բայց վէմն վաղվաղակի փութապէս բոլորեաց գետս , զի ելցեն ջուրք և կշտամբեալ յանդիմանիցեն զայն՝ որ երկմտեալն բաժանեցաւ . զի խորհուրդ էր

նա այնորիկ՝ որ յորժամ երկմտեալ բաժանէին 'ի վերայ նորա որդիք ազգի ժողովրդեանն Մովսիսի, գործ սքանչելեացն նորա յանդիմանեալ կշտամբէր զնոսա : Արդ փոխանակ զի երկմտեալ բաժանեցաւ նա, զրկեաց և արգել զնա յերկրէ անտի պարգեաց : Այլ ոչ եթէ 'ի օրտի իւրում անգոմնեաց նա զպատուիրանն : «Դառնացուցին, ասէ, զորդի նորա, և խօսեցաւ շրթամիջ իւրովք : Փոխանակ, ասէ, զի ոչ հաւատացէք դուք զիս՝ փառաւոր առնել զիս 'ի մէջ ժողովրդոցն Խարայելի, մի մեցէք դուք յայն երկիր պարգեաց » :

Արդ Մովսէս, այն որ պէսպէս նշանսն գործէր, ուղղել զսիրտ ժողովրդեանն առ Աստուածն իւր հնարէր նա գործովն իւրով՝ որ 'ի վերայ վիմին եղև, իբրև մօրդ : Այս 'ի մտաց անտի նորա վերպեցաւ, և աղօթսնս վասն յանցանացն ոչ մատոյց . վասն այնորիկ եգաւ 'ի վերայ նորա փնտս յանցանացն, զի զժողովրդն իւր առ Աստուածն իւր ոչ հայեցոյց նոցա . իբրև զամենայն զգործս իւր՝ որ ինչ միանգամ գործէր նա՝ Աստուծով իւրով գործէր, և առանց դայթազողութե լինէրն նա ժողովրդեանն : Յայսմիկ իսկ զի Աստուած մի՛ անձամբ իբրև 'ի պատիւ փառաց նորա և յաշակերտութի ժողովրդեանն՝ բազում սիրովն իւրով զոր ունէր առ նա՝ խոստացաւ նմա, զի ընդ նմա և առ նմա և առաջի նորա կայցէ նա : Իսկ նա բարկանալովն իւրով 'ի վերայ վիմին հաղորդ և կցորդ լինէր նա ուրացողացն . զի վէմն այն ցամաք որ նկարեալն էր 'ի հիմն հաւատարիմ, այն որ ծնուցիւն էր արինացն, զպտուղս զոր յղացեալ ունէր վէմն, ոչ եթէ օրտմտութիւն ինչ արժան էր ծնուցանել զնա, և ոչ բարկութիւն ինչ պարտ էր հանել զնոսա : Վասն զի աղօթիւք և խնդրուածովք պարտ և պատշաճ էր խորհուրդն փառաւորեալ կատարեալ հօրն փառաւորի զխոստումն իւր 'ի ձեռնկալոյն իւրոյ կատարէր նա . և զխորհուրդն Որդւոյ զգուցել Մովսիսի արժան էր : Քանզի խորհուրդն երրորդութե անդ նկարեալ լինէր . զի ահա աւանիկ Հայրն անդ էր, և ծնունդն՝ որ ոչ 'ի ընտելութե 'ի խորհուրդ վիմին առաջի նորին : Կվէմն, ասէ . զի նա ինքն է՝ Քրիստոս » : Եւ Հորին՝ որ

ի Մովսիսի անդ է, այն որ առանց Հոգւոյ մի ինչ ՚ի գործոց իւրոց նա ոչ կատարեաց: Նա և մարգարէն իսկ նովին տրտմութի գործոյն այսպէս ասաց, եթէ «Դառնացուցին զհոգի նորա, և խօսեցաւ շրթամբք իւրովք»: այն՝ որ այսու գործով միայն և եթէ եպերեցաւ, զի եղև նա առանց աղօթից: զի վասն այսորիկ իսկ պատուհասեցաւ նա, քանզի ըստ օրինակի գործոյն զժողովուրդն առ ինքն դարձոյց: Իբրու զի եթէ ինքն զօրութիւն անձին իւրոյ զովացոյց զպապեռումն ծառաւոյն նոցա: Զի եթէ պէտ և ոչ այսպէս կամէր նա, սակայն ժողովուրդն այսպէս խորհեցաւ: զի վասն այսորիկ արգել և զրկեաց զնա յերկրէ անտի պարգևաց:

Այլ ոչ եթէ վասն այսր ինչ առաւել ցաւէր Մովսիսի արդարոյն մտանելն յայն երկիրն պարգևաց: այլ զի արգելեալ կարճեցան գնացք նորա, զի մի տարցէ մոռցէ զարդարն առ հարսն իւր, այս ինքն զՅովսէփ առ ծնանելիսն իւր: զի ոչ տուաւ նմա մտանել տարածանել զձեռս իւր ՚ի վերայ տեղւոյն՝ ուր եղեալ էին հարքն իւր, և գոհասցի զայնմանէ՝ որ եղզնոսա յերկիրն քանանացւոց մեռեալ կռապաշտուութիւն. և պահեաց զնոսա ՚ի միջի նորա իբրև շունչ ՚ի մէջ մարմնոյ: Զի վասն այսորիկ գրեալ է, եթէ «Սիրեաց Աստուած զերկիրն զայն», ոչ զի արժան էր նա սիրելոյ, զի ահա աւանիկ պիղծ էր նա իբրև զայլ ընկերմն իւր: այլ վասն սգայուն ամանոցն՝ որ պաշտեցաւ ՚ի նոսա աստուածութիւն ՚ի ժամանակի անդ իւրեանց: Արդ զի ոչ առ նա ակն յանցանացն Մովսիսի և ոչ աշառեցաւ նմա, զի եղիցի և այս ևս վասն փառաց նորա: զի եթէ անփոյթ արարեալ էր, կարծիք ինչէ ին եթէ և այլ ևս բազում յանցանս յանցուցեալ էր նորա, և ոչ յայտնեաց վասն նորա: Արդ ՚ի պատուհասելն նորա զնա վասն այսր յանցանաց, յայտարար եթէ այլ յանցանս նորա չէր յանցուցեալ: ապա եթէ ոչ և ոչ զայն թողոյր նմա, իբրև զայն զԴաւթայն: զի յայտ արասցէ՝ եթէ և ոչ արդարոց իւրոց ակն առնու նա:

Այլ եթէ ասիցես, եթէ ահա աւանիկ և ՚ի միւսում վայրի երկմտեալ բաժանեցաւ Մովսէս, զի ասէ այլ

պէս . “Զինչ խաշինք արջառոյ կամ ոչխարի բաւական լիցի դոցա . զի եթէ ամենայն հեղեղքն՝ որ ՚ի ծովու անդ իցեն՝ բաւական կարիցեն լինել դոցա ՚ի կերակուր ,” : Բայց այս ոչ եթէ նորա է , այլ զերկմտութի ժողովրդեան առ նա յանձն , և մատոյց առ Աստուած , որպէս զի լուիցէ ժողովուրդն յայ եթէ ձեռն տեսառն բաւական է , և հաւատայցեն : “Փոխանակ զի ոչ , ասէ , հաւատացէք դուք փառաւոր առնել զիս ՚ի մշջ որդւոցն Խրայէլի , մի մտանիցէք դուք յայն երկիրն պարգեաց ,” : Եւ ահաւանիկ յետ այսր կաց նոցա յաղօթս վասն այնոցիկ՝ որ խածատեցան յօձից անտի , և լսելի եղեն աղօթք նորա , զիմրդ վասն անձին իւրոյ ոչ լինէր նա լսելի՝ թէ արդարեւ յանցուցեալ էր նորա : Թէպէտ և խնդրեաց նա և վասն այսր , այլ մտանել յերկիր անդր պարգեաց խնդրեաց նա աղօթիւք , և ոչ վասն զի մեղաւ նա : Այն զի թէ արդարեւ ճշմարտիւ մեղուցեալ էր նորա , վասն լաւութեան անձին իւրոյ փոյթ յանձին ունէր նա , և ոչ եթէ մտանել յերկիրն քանանացուց . զի լաւ էր նմա ընդունել զբաւութիւն և մեռանել յանապատի անդ , քան մտանել լի մեղօք յայն երկիրն պարգեաց : Զի թէպէտ և զայն՝ որ խնդրեաց՝ ոչ տուաւ նմա , սակայն զայն ինչ՝ որ լաւ ևս էր՝ արար նմա . զի ՚ի լեռնէ անտի ցոյց նմա զայն երկիրն պարգեաց :

Իւրդ զի ոչ ետ Մովսէս փառս գաւազանաւն իւրով ՚ի վերայ վիմին , ասէ “Կսաղաց առաջ ջուր հորոց ,” : Արդ ժողովելով ժողովէին ծերակոյտն յօթեվանաց յօթեվանս , և օրհնէին ՚ի վերայ գաւազանացն իւրեանց . և ապա յայտնի լինէր վէմն՝ ուստի ջուրքն բղխէին : “Եւ յայտնեցին զնա , ասէ , գաւազանօք իւրեանց ,” : Բայց հերբայեցի , “Փորեցին զնա , ասէ , իշխանք ժողովրդեանն , և յայտնիքն գաւազանօքն իւրեանց ,” : այս ինքն Մովսէս և Ահարոն : Եւ փոխանակ այնր՝ զի ասէ “Եւ ապա յանապատէ անտի տուաւ ՚ի Մանթանին , և ՚ի Մանթանեայ ՚ի Մանայէլ , և ՚ի Մանայէլայ ՚ի Բեմոնթ” . հերբայեցի ասէ . “Եւ յանապատէ տուաւ նոցա . և յորմէ հետէ տուաւ նոցա , էջնա ընդ նոսա ՚ի ձորան , և ՚ի

ձորոց անտի 'ի բարձունս՝ որ հայեցեալ երեկն դէմ յանդիման Աշիմոն անապատին , Վանթանին՝ հերբայեցերէն՝ տուաւ նոցա թարգմանի , և Մանայէլն՝ ձորք , և Բեմոթն՝ բարձունք :

Եւ դուռն խորանին եղ զօձն , զի դարձուցեն զերեսս իւրեանց անդրէն , զի դարձուցեալ էին անտի . և ծանիցեն ամենեքին թէ ուստի ելանէ բժշկութիւն . եւ զոր օրինակ նոքա որով խոցեցան՝ նովին բժշկեցան , աոյապէս փայտիւն մեռաւ Աքամ և փայտիւն եկեաց : եւ զի ժողովուրդ էր նա անիծեալ , անիծեալ օձիւն փրկեաց զնոսա . և հեթանոսք կենդանարարաւն ամենայնի բժշկեցան : Բայց դարձեալ , զի 'ի ձեռն օձիցն խրատեաց զնոսա . փոխանակ զի ետ օձին հող կերակուր , և ոչ տրտնջեաց , առաքեաց զնա 'ի վերայ ժողովուրդեանն՝ որ ուտէին զհացն հրեշտակաց և տրտնջէին : Կանգնեաց հաստատեաց կացոյց նոցա զօձն իբրեւ զնշան , զի յայտ արասցէ՝ թէ ապաստումն յուսոյն նոցա անիծեալ է 'ի նկարել անդ զհորհուրդ խաչին , այն՝ որ առ զանէծման յանձն իւր :

Եւ որ խրատու օձին մեռան մարգիկ յանցանել զպատուիրանաւն . և տեսլեամբ օձին կեցին 'ի պահել զպատուիրանն : եւ զի կարծեցին տուն Ագամայ՝ թէ օձն կարօղ եղև լինել հակառակորդ նոյ , արար նոց զօձն հակառակորդ անձին իւրոյ . զի եղիցի խափանել օձն պոնձի զթոյնս հարկանօղ օձին կենդանուոյ : եւ զի եղև նա նշան կենդանութե մարդկան , վասն այսորիկ "Որպէս բարձրացոյց , ասէ , Մովսէս զօձն յանապատի անդ . " և զոր օրինակ մաքառեցան առաջինքն յայսմիկ՝ թէ զիմրդ պահեսցուք մեք և հաւատասցուք յայն յանիծեալն և 'ի սպանօղն , այլ ընդ պատուիրանն հայելին և զբժշկութիւն հայեցեալ տեսանէին , աոյապէս արժան է և վերջնոցս՝ զի մի գայթաղեցեն խաչիւն , այլ ընդ զօրութիւն նորա նայեցին և գարձցին :

Փոխանակ այնր՝ զի ասէ "Անձինք մեր վշտացան նեղեցան ոսկաւ հացիւս" . հերբայեցի , "Բաւախ հացիւս" , ասէ : եւ փոխանակ այնր՝ զի ասէ "Արա դու քեզ օձ պոնձի , և դիդ զնա 'ի նշան" . հերբայեցի , "Ի տեղւոյ միում 'ի բարձու" , եւ փոխանակ

այնր զի ասէ, եթէ «Բանակեցան յակնս հերբայեցոց» . այլ հերբայեցի, «Ի ձոր մի ջուրց 'ի տեղեղ՝ ուր հուն է» . ասէ : Փոխանակ այնր՝ զի ասէ «Վասն այսորիկ ասացեալ է 'ի դպրութե մատենից պատերազմաց տեառն» . հերբայեցի, «Վասն այսորիկ ասէ գրեալ է 'ի մատենս պատերազմունք տեառն» :

ԳԼՈՒԽ Դ

ԼԻԱՔԵԱՑ Մովսէս հրեշտակ առ Սեհն թագաւոր ամուրհացեաց 'ի պատգամս խաղաղութեան և ասէ . «Տուր մեզ տեղի անց ճանապարհի ընդ երկիր քո» : Եւ եթէ էր տուեալ նոցա տեղի անցանել, ոչ կոտորեալ լինէին նոքա 'ի նոցանէն . այլ յառաջագոյն կանխեաց գիտաց նա՝ թէ ոչ տան տեղի, վասն այսորիկ ինդրեաց նա 'ի նմանէն կերպարանս, զի մի երեւեցին թէ նոքա յառաջագոյն գրգռեցան 'ի մարտ պատերազմի : Զի թէպէտ և վճիռ հրամանին և դատախիժն եղեալ էին 'ի վերայ նոցա, սակայն քարոզեն ցոյց զոգորմութիւն իւր . զի և ոչ յայնցանէ, որ չենն արժանի, արգելեալ լինի ողորմութիւն նոքա : Զի կանխեաց յառաջագոյն խօսեցաւ 'ի վերայ նոցա սուր, և քարոզեաց նոցա զխաղաղութիւն . զի եթէ հաւանեացին նոքա, ձեռն չինութեան տացեն նոցա, իբրեւ զայն գերիքով քաղաքին . զի երկայնեաց նոցա զքարոզութի 'ի ձեռն շուրջն գալոյ, և արկ 'ի վերայ խտացեալ սրտից նոցա զխաղաղութիւն և զահ և զերկիւղ զձայն փողոյն . զի եթէ կակդացին և խոնարհեցին, տացեն նոցա ձեռն 'ի շինութի, զի «Հուր, ասէ, ել յԵսեբոնայ, և եկեր զՄովսէս և զպաշտօնեայս մեհէնին Աւնոֆայ» . հերբայեցի, «Զտեարս քաղաքացն Աւնոֆայ», ասէ : Եւ փոխանակ այնր՝ զի ասէ «Սատակեցար ժողովուրդ Բամոշայ» . հերբայեցի, «Սատակեցար կորեար ժողովուրդ՝ որ ծառայէք Բամոշայ» : Եւ փոխանակ այնր՝ զի ասէ «Իշխանութիւն տերութե Եսեբոնայ սատակեցաւ կորեաւ» . հերբայեցի, «Պաշտօն կռոյն Եսեբոնայ սատակեցաւ կորեաւ» : Փոխանակ այնր՝ զի ասէ «Բաղաամ որդի Բառվայ

‘ի փիթովը քաղաքէ ‘ի Միջագետաց , . հերբայեցի ,
 “Բաղաամ որդի Բեովրայ հարցուկ’ի Միջագետաց , ,
 Եւ փոխանակ այնր’ զի ասէ “Եւ դիւթուիք իւրեանց
 ‘ի ձեռս իւրեանց , , . հերբայեցի , , “Հրովարտակք իւ-
 րեանց ‘ի ձեռս իւրեանց , , :

Եւ զի լուաւ Բաղակ զսքանչելիսն որ եղէն յերկ-
 րին եգիպտացւոց և յանապատի անդ , առաքեաց նա
 զկնի Բաղաամու , զի եկեսցէ նա յանիծանել ‘ի նոռ
 վել զժողովուրդն իսրայէլեան . որպէս զի անէծքն
 և նոզվքն նորա արգելեալ կարճեսցեն ‘ի նոցանէն
 զօրհնութիւնն այ : Վասն այսորիկ և ան ‘ի ձեռն այ-
 նորիկ յորմէ նիրեացն լսել ‘ի նմանէն զճշմարտու-
 թիւն արքայն մովաբացւոց , ‘ի ձեռն նորուն ծանոց
 նմա ան զճշմարտութիւն : Եւ զի թոյլ ետ ան Բա-
 ղաամու , ոչ եթէ վասն ժողովրդեանն միայն , այլ զի
 և այլ հեթանոսք դարձցին ‘ի գիտութիւնորա , որ-
 պէս և ինքն իսկ ասաց . “Ի քեզ , ասէ , ցուցից զգո-
 րութի իմ , և քարողեսցի անուն իմ ընդ ամենայն
 երկիր , , : Այլ քարողէն’ որպէս զի հաւատարիմ լի-
 ցի տեսչութիւնն այ , կարծիցի յամենայն ժամու : Զի
 իբրեւ զայն’ թէ մի գործ եթէ գտեալ իցէ ‘ի նմա ,
 և մի ինչ եթէ ինդրէ հաստատել և ուղղել : Այլ
 բազում ևս յայսմիկ կատարէ ; զի զԱբրահամ պա-
 տուէ , յայսմիկ’ զի զաւետիսն նորա կատարէ . և
 Փարաւոնի դարձեալ հատուցանէ , և զհաւատսն այ
 հաստատեալ ստուգէ . և հեթանոսքն’ որ ընդ ա-
 մենայն երկիր , զգիտութիւնորա ‘ի ձեռն համբաւուն
 զսքանչելեաց իւրոց սերմանէ . և այլ պատճառս’ որ
 վասն նորա արար , զի մեք նոցա խելամուտ չեմք , զի
 և ինքն Բաղաամ դարձցի յապաշխարութիւն ահիւ և
 երկեղիւ ‘ի տեսանելիւրում թէ գոյ զգորութիւն հա-
 րուստ և սաստիկ քան զնա , յայսմիկ’ զի զկամսն իւր
 առնել ոչ ետ թոյլ նմա : Զի շատ ինչ իբր գործեալ
 լինին ‘ի ձեռն մեղաւորաց վասն արժանաւոր պի-
 տոյից ; որպէս և յաւուրսն Աբրաբա . զի եղև այսն
 պեղծ յերեսաց տեառն , և ել մոլորեցուցանել զսուտ
 մարգարէսն . բայց Միքա յայտնեաց . “Թէ ելանես
 դու , ասէ , մեռանիս , , : Փորձեաց զնա ան մարգա-
 րէիւքն նորա ստութիւնք , և իննայեաց ‘ի վերայ նորա

ի ձեռն Միքէի ողորմութիւնք : Սոյնպէս և երազքն փարաւմնի երևեցան վասն կերակրելոյն՝ որ հանդեր ձեալն էր , այլովք հանդերձ :

Որպէս և տայր խրատ երբեմն Ախիտովել Դաւթայ և լինէր , սոյնպէս և Բաղաամ : “Իբրև որ զի հարցանէ , ասէ , յայ , ” : Այլ զի խարեացէ և մեծացուցէ զզոհման Բաղաամ , զանուն այ զնէր ՚ի վերայ նոցա : Եւ այն՝ զի ասէ “Եթէ տացէ ինձ Բաղակ լի տամքն սոկի կամ արծաթ , ” . որպէս զի վաճառեացէ զերթալն իւր ծանր գնոց՝ խորամանկեցաւ : Նա և զի գիտացես դու՝ եթէ նիւթ շահու օգտութիւն արկ նա իւր . ահա աւանիկ ասաց նմա Աստուած , բայ “Ծի երթար , ” . և յաւել ևս դարձեալ հարցաւ նել . և յերթալն իւրում դարձեալ առէ . “Օրհնեա , ” . և նա ետ նմա խրատ անիծից : Եւ եթէ ասացեալ էր՝ Թէ երթ , զնոյն իսկ զոր խրատ ետ՝ տայր նմա , և նովաւ և ընդ նմա և անիծանէր ևս , և զերկասին ընդ միմեանս յեռոյր նա , որպէս և սովոր իսկ էր նա . զի յանիծանել քնդ իւրում եհան նա զգրտեւրմն մադիանացւոյն՝ քնդ արձանութի :

Այլ իբրև այս խորամանկութի նորա սպանանէր ժողովուրդն , սակայն անմեղաց մոլորութի էր այս յոյժ . ասէին՝ Թէ անէծքն Բաղաամու սատակեցին զնոսա : Բայց իբրև արգելաւ նա՝ զի մի անիծանիցէ , գիտաց նա՝ Թէ նոյնժամայն փնասեցաւ . զի ոչ ասէն մովաբացիքն՝ Թէ անիծանելով անէծ . բայց սակայն նոյն իսկ նենգութի խրատուն նորա կայր : Զի եթէ գիտէր Բաղաամ՝ եթէ ոչ է զօրութիւն ՚ի խրատու անդ նորա , այլ յանէծս և յօրհնութիւն նորա , ոչ տայր նա խրատ չարի , զի չգոյր ՚ի նմա զօրութի վասն ժողովրդեանն՝ որ օրհնեցաւ ՚ի նմանէ : Եւ զի զկնի օրհնութեն ետ նմա խրատ չարի , յայտ արար եթէ խոտան և անարգ են անէծք և օրհնութիւնք նորա , զի կերպարանօք ունէր նա զնոսա . զի տացէ կարծիս մարգկան՝ Թէ անձ գոյ ընդ նմա , զի մի որ մեղիցէ նմա . և զի մեծացի քան զիմաստունս և զխորհրդաւորս : Զի փոյթ ամենայն Բաղաամու այս էր , զի ուսցի Թէ զինչ իցեն ամենայն օրէնքն՝ զոր ետ անձ ժողովրդեանն : Ետես նա՝ Թէ այս երկու են՝ որ սա .

տակեն զԺողովուրդն, կռապաշտութի՝ իբրև զօրթն զի լուաւ թէ արարին և սատակեցան . և պոռնկու թի՝ զի գիտաց նա՝ թէ գեղ կանաց ածցէ զնոսա՝ ի Բեղլեգովք : «Մի՛, ասէ, փեսայեօջիք դուք ընդ դքս տերս նոցա, զի մի խոտորեցուացեն նոքա զսիրտ ձեր զհետ դից իւրեանց » :

Արդ զի մի ասասցեն, զի եթէ էր ելեալ Բաղաւ մու, անխժանէր զնորա՝ և սատակէին, ոչ արգել զնա անձ երթալ . և ոչ հրեշտակն դարձոյց զնա ի ճանապարհէ անտի, իբրև զի ցուցցէ թէ ի ներքոյ իշխանուէ նորա է : «Թեթևս, ասէ, հաճոյ եղիցի փեսան » : ասպա այսուհետեւ տէր է՝ որ անխժանէ : «Եւ եթէ էր, ասէ, սուր ի ձեռս իմում, աստէն սպանանէի գրեզ, » : Արեցնա էջն . վեց հարիւր հազար բախիւ ելանես դու անխժանել սատակել ի հեռաստանէ, ես զի անցեալ նստիմ ի ներքոյ քո, առանց սրոյ ոչ կարես դու յաղթել զօրութե իմոյ : Փոխանակ այնր՝ զի ասէ «Ասաց Բաղաւմ ցէջն իւր . փոխանակ զի այսին կատականաց արարեր դու զիս » : հերբայեցի ասէ . «Փոխանակ զի չարարեցեր ճմլեցեր դու զիս ընդ որմն » : Եւ փոխանակ այնր՝ զի ասէ «Տարաւ զնա ի քաղաքն Եփրովթայ » : հերբայեցի, «Ի քաղաքս Բաղաւ » ասէ . զի Եփրովթ՝ բախք են : Փոխանակ այնր՝ զի ասէ «Հան զնա ի բեմովթ Բահաղու » : հերբայեցի, «Ի բարձաւանդակ Բահաղու » ասէ :

«Ը ինեա դու, ասէ, ինձ աստ եւթն սեղան, և պատրաստեա դու ինձ եւթն զուարակ և եւթն խոյ » : Արդ զօհիւք և ռեղանովք կամէր Բաղաւմ խողել զանձ, որպէս ինքն խողեցաւ պատուովքն և պատարագօք : Բայց յայտ արար նմա Աստուած ի վերայ զօհիւք իւրոց, և յամօթ արար զնա ի վերայ սեղանոց իւրոց, յայնմիկ՝ զի փութացոյց զնա, և եդ բանս ի բերան նորա, զի օրհնեսցէ : Բայց կորոյս նա զպատիւ մարգարէութեանն ապահովեալ իւրով . զի քաղցրացան նմա իրքն մամանայի առաւել քան զմարգարէութիւն ձողոյ : Բայց հաւանեցուցէ գրեզ այս . զի զոր օրինակ իբրև ստեաց յառաջին նուագի անդ, զի ասաց նմա անձ՝ բայ «Մի երթար » . և նա յաւել ևս հարցանել : Եւ իբր եցոյց նմա դարձեալ հրեշ-

տանն՝ թէ մահաւ արժանի էր, յայնմիկ՝ զի դարձան միտք նորա՝ ի ճանապարհի անդ, և խորհեցաւ նա անիծանել զնոսա. ասէ ցնա հրեշտակն. «Եւ ի ես լի նեւ քեզ սատանայ, փոխանակ զի կամակորեալ են ճանապարհք քո առաջի իմ», . որպէս և գրեալ է ի հեբրայեցի :

Եւ իբրեւ դարձեալ փորձեաց զոհիւքն միանգամ և երկիցս, և գիտաց ի ձեռն այսոցիկ՝ թէ կամք այսա են, զի ժողովուրդն օրհնեսցի, յերկրորդել և յերրորդել սեղանոցն իւրոց՝ զկամնն այնչառա խընդութի փոփոխել չըջել, զոր ինչ մարգարէքն ճշմարիտք այսպէս ոչ գործէին : Արդ զոր օրինակ զկնի այսր աւմենայնի յաւել և խօսեցաւ ընդ նմա ան ոչ վասն արդարութե նորա, այլ քանզի պատշաճ իսկ էր, կապեցան ի նմին ի Բաղաամու իրքն այն, և նովին իսկ մարգարէութի իւրով մարթ էր լուծանել, սոյնպէս վասն սորին իսկ այսր կամեցաւ խօսել ընդ նմա ան ի սկզբանն. իբր ոչ էր սովորութիւն Հոգւոյն սրբոյ՝ եթէ պղծոյն զխորհուրդս իւր սուրբս յայտնեսցէ : Զի եթէ ոչ էր յայտնեալ նմա այ, և արգելեալ էր զնա ի ներքոյ ահի երկեդի իւրոյ, ի տեսանելն Բաղաամու՝ զի ոչ ետ նմա ան պատասխանի, գտաւ ներ իւր պատճառս, և երթայր անիծանէր զնոսա. և լինէր այսուհետեւ գրգռութի ի մարտ պատերազմի ի մէջ եղբարցն : Զի եթէ իբրեւ ան յայտնեցաւ և հրեշտակ երևեցաւ և էչն խօսեցաւ, նա զթոյնս իւր դառնութի իւրով չար խորհրդովք իւրովք որպէս և չար խայթոցիւք արկանէր, և քսան և չորս հազարս ի նոցանէն սատակէր, որչափ ևս առաւել արկանէր նա զթոյնս իւր՝ եթէ ոչ էր տեսեալ նորա զայս ամենայն. այլ եկն նա հարցանել, իբրու այն թէ զանձ պատուիցէ :

Այսանեցաւ նմա ան, և արգել և փակեացն զնա ի ներքոյ պահի և երկիւղի. իբրու էր անդ բեր խորամանկութի ի միջի : Զի եթէ արգելեալ էր զնա այ, բռնութի թապաւորեալ լինէր մուրդութիւնն յարգելով անգ նորա. և լինէին նոքա ասել. վասն զի զօրութի գոյք յանէծս նորա, արգել զնա ան, զի մի երթիցէ նա : Եւ եթէ կամեցեալ էր հրեշտա-

կացն առել վաճառ նորա մինչ դեռ հեռի էր՝ թէ անէծ-
նա զժողովուրդն, նա և այսպէս խռովեալ լինէր Իս-
րայէլ . և լինէին այնուհետեւ ճշմարիտ անեծք նորա
'ի վերայ նոցա 'ի պարտաւորութի : Վասն այսորիկ
հնարեաց իմաստութիւն բարձանց, լոյծ իմաստութիւն
զաւմենայն կամակորութիւն՝ որ մի ըստ միոջէ, զԲա-
ղաման, զԲաղակայ և զԻսրայէլի : Բայց եկն Բա-
ղամա՝ պահանջել զվարձս իւր, և սպանին զնա 'ի
Մադիան, զի առաւել ևս լուծցի մոլորութի՝ օգնա
կանին Բաղակայ . զի անձին իւրում նա ոչ կարէր
օգնական լինել : Եւ յայնմ ժամու իբրեւ եկն եհսա
Իսրայէլ 'ի վերայ մադիանացւոցն մարտիւ պատե-
րազմաւ, ոչ արդեւք անիծէր և պարտաւորէր նա
զԻսրայէլ, և օրհնէր և տայր յաղթութիւն մադիա-
նացւոցն, զոնեայ վասն անձին իւրոյ՝ զի մի մեռցի :

Փոխանակ այնր՝ զի ասէ “Եւ գնաց նա ուղղորդ-
ընդդէմ” . հերբայեցի, “Եւ գնաց նա միայն առան-
ձինն” , ասէ : Փոխանակ այնր՝ զի ասէ “Ի հեթանոսս
մի համարիցի” . հերբայեցի, “Եւ ընդ հեթանոսս
մի խառնեացի, ասէ, որպէս զի եղիջիք դուք ինձ սի-
րելիք քան զաւմենայն հեթանոսս” : Եւ փոխանակ
այնր՝ զի ասէ “Ո՞ համարեսցի զհամարս յակովբեան
զաւակին” . հերբայեցի, “Զհող նորա, ասէ . կամ
ո՞ կարասցէ զթիւ ունել զորորորդ մասին զիսրայէ-
լեան գնդին” . այն իսկ է՝ զի ասէ . “Իբրեւ զհող բա-
զում եղիցի զաւակ քո” : Փոխանակ այնր՝ զի ասէ
“Ըստ ժամանակի ժամանակի խօսեսցի և այլ ևս” .
հերբայեցի, “Ոչ գոն հմայք 'ի տան Բակովբու, և
ոչ դիւթութիք 'ի մէջ Իսրայէլի . այլ ըստ ժամա-
նակի ժամանակի խօսեսցի ընդ Բակովբու և ընդ Իս-
րայէլի զինչ գործելոց էր ընդ նոսա ամ” . այն իսկ
է զի ասէ . “Ոչ ինչ առնէ տէր տերանց, թէ ոչ յայտ-
նէ նախ զխորհուրդս իւր մարգարէից” . Փոխանակ
այնր՝ զի ասէ “Այնր՝ որոյ յայտնի է ակն իւր” . հեր-
բայեցի, “Այն՝ որում ծածկեալքն յայտնի էին
նմա” : Եւ փոխանակ այնր՝ զի ասէ “Այր որ տեսա-
նէր զտեսին նայ աչօք բացօք” . հերբայեցի, “Այրն
որ պազանէր երկիր 'ի վերայ երեսաց իւրոց, և երե-
ւէր նմա” :

“Իբրեւ ետես նա, ասէ, զբանական իտրայէլացւոց, զի գաւնդագունդ բանակեալ էին ՚ի դաշտի անդ, ասէ. Իբրեւ զի գեղեցիկ են բանակք քո, Յակովբ, և պարկեշտ են խորանք քո, Իսրայէլ, ՝ Փոխանակ այնր՝ զի ասէ “Իբրեւ ուղիք զի գնան, և իբրեւ զբուրաստան առ ափն գետոյ”, ՝ Հերբայեցի, “Իբրեւ զբուրաստան լի ծաղկաւ վտակալից առ ափն գետոյ”, ՝ Եւ փոխանակ այնր՝ զի ասէ “Իբրեւ զխորան՝ զոր ձեռին տեսան կանգնեալ”, ՝ Հերբայեցի, “Իբրեւ զդարաստան տօսախոյ յանցս վտակաց՝ զոր տնկեաց տէր”, ՝ Յարիցէ այր յորդւոց նորա”, Ըաւուղ: “Եւ զաւակ նորա ՚ի ջուրս բազումս”, ՝ զի զօրացաւ և մեծացաւ նա ՚ի վերայ մարդկայնոցն: “Եւ բարձրացի առաւել քան զԱգափ Թագաւոր, և բարձցի Թագաւորութի նորա”, ՝ այս ինքն սպառեացի: Ընդէր. փոխանակ զի կոտորեաց սատակեաց նա զգաբաւոնացիսն ՚ի Ժամաւ նակի իբրեւ կոտորեաց նա զԱբիմեւիք և զտուն Տօր նորա: Եւ գաբաւոնացիքն որ հաղորդք էին սեղանոյն, զի փայտաքաղք էին նոքա և ջրբերք: Բայց Հերբայեցի, “Բարձրացի առաւել քան զԱգափ Թագաւոր նորա, և մեծացի Թագաւորութի նորա”, ՝

“Իայց եկ յայտնեմ քեզ զինչ գործ գործեսցեն զօրքս այս ընդ զօրս քո յետին աւուրց Ժամանակի”, ՝ այն իսկ է՝ զի ասէ. “Հարցէ սատակեացէ զիշխանն Մովաբու”, ՝ Եւ իբրեւ զայս լուաւ Բաղակ, նմա այդ պէս Թուեցաւ Թէ հասեալ է սատակումն նորա ՚ի կարծել իւրում դարձեալ Թէ Բաղաամու է այս և ոչ այլ. ասէ ցնա Բաղակ. “Ես ասացի՝ բամ մեծարելով մեծարեցի զքեզ, արդ կորոյս ՚ի քէն տէր զփառս քո”, ՝ Ասէ ցնա Բաղաամ. մի այդպէս փութացեալ տագնապիր դու. ոչ եթէ սատակումն քո է. Թէ պէտ և խրատիս դու սակաւիկ մի, սակայն ոչ եթէ բարձեալ լինի Թագաւորութի քո. զի հայեցայ ես յայնմիկ՝ որ առնեն քեզ սատակումն. և ոչ է մերձ, այլ յետ բազում դարուց:

“Նազեացէ ասող Յակովբայ, և հարցէ սատակեացէ զիշխանն Մովաբու”, ՝ այլովք հանդերձ: Փոխանակ այնր՝ զի ասէ “Յարիցէ այր յորդւոց նորա, և զաւակ նորա ՚ի ջուրս բազումս”, ՝ Հերբայեցի,

“Ելլեն ջուրը ’ի բազկաց նորա, և զաւակ նորա իբրև ջուրս բազումս” : Եւ փոխանակ այնր՝ զի ասէ “Եւ զլիցի ’ի Սէիր ժառանգութիւն թշնամեաց իւրոց” : հերբայեցի, “Եւ զլիցի Սէիր ժառանգութի թշնամեաց իւրոյ” : Փոխանակ այնր՝ զի ասէ “Զօրացի և զարութիցէ ’ի Յակովայ, և սատակեացէ զմնացորդս քաղաքի” : հերբայեցի, “Եւ իջցէ տկարութիւնն տանն Յակովայ, և սատակեացէ զքաղաքն, և մի որ մնացէ ’ի նմանէ մնացորդ” : իբրև զայն՝ զի ասէ “Սահաւաւորն հաղարաւոր եղիցի” : իբրև զայն՝ զի ասէ “Մինն հալածէր զհաղարս, և երկու զքեւրս” :

Եւ որ իբր ոչ կարաց Բաղաամ ապուել գերիվել ’ի ձեռն աղտեղի արուեստագիտութե իւրոյ զշահ և զօգուտ անօրէնութե ըստ սովորութե իւրոյ, յայնմօք՝ զի ոչ ետ նմա ըստ կամաց նորա օրհնել, խորհուրդ խորհեցաւ նա ընդ Բաղակայ և ասէ . Որչափ, առէ, զնձն իւրեանց յոյս և ապաւէն արարեալ է նոցա, ոչ կարէք դուք յաղթել զօրութե նոցա . այլ առէք զորդարեցէք դուք զգոտերս ձեր . և ահա այնուհետև կապին նոքա յերկրպագութի կռոց դատերացն ձերոց, և հարկանէք կոտորէք դուք զնոսա ’ի վերայ դռտերացն Մադիամու : Բայց զնոյն զմադիաւ նացիմն կոտորեցին, և ոչ զմովաբացիմն . այլ նձ ոչ զխարայել եթող առանց վրիժուց խնդրելոյ . և ոչ զԲաղաամ եթող առանց պատժոց պատուհասից : Բայց զժողովուրդն իւր ինքն խրատեաց, և զմադիաւ նացիմն ’ի ձեռն ժողովրդեան իւրոյ կոտորեաց սառակեաց :

Եւ զի ոչ եղև նձ երկայնամիտ առ Իզրայէլի ’ի ժամանակի իբրև պոռնկեցան նոքա ընդ գոտերսն մադիանացւոց . զի կատարեացէ երկուս, մի՝ զի յանդիմանեալ կշտամբեցին օրհնութիւն Բաղաամու, և միւս ևս՝ զի պատիժքն պատուհասից փութացեալ կարճեցէ զնոսա ’ի պոռնկութե անտի : Բայց ուսանանդ զճմարտութիւն սիրելիք ճմարտութե . զի ոչ յօրհնութիւնն նորա պէտք ինչ էին, և ոչ յանէծս նորա, այլ ստուգութի տեառն հատուցմանց . ուստն՝ թէ որչափ իշխանութի ունին ազօթք քան զմուրումն, այս ինքն նախանձայոյզ փնտհեցեալ քան

գիւղաւանու դիւթի : Դա և ժողովուրդն կոյր իբրեւ լուան զի ասաց նմա Աստուած, ըսյ «Օրհնեալ է ժողովուրդն, մի անիծաներ դու զնա», նոքա այսպէս կարծեցին 'ի միտս իւրեանց. ասեն. Թէպէտ և պոռնկիցիմք, սակայն օրհնեալ եմք, ոչ ինչ պատուհասիմք :

Իսայց անձ ուսոյց մովաբացւոցն և ամենայն հեթանոսացն՝ Թէ ամենայն հեթանոսք զի անիծեալ են վասն գործոց իւրեանց. ահաւանիկ տեսէք զինչ անցս անցոյց ընդ օրհնեալսն՝ որ պոռնկեցան : Եւ զի յայտ արասցէ ժողովրդեան իւրում, զի եթէ մեզք իւրեանց ոչ պարտաւորեն զնոսա՝ չիք այն ձեռն՝ որ կարէ տիրել 'ի վերայ նոցա : Եւ եթէ ոչ կուրացեալ էին մովաբացիքն, դիւրին էր նոցա դառնալ ընդդէմ Բաղաամու և ասել, Թէ զիսորդ հարկանին նոքա պոռնկութիւնք, ազգ մի՝ զոր դու ինքեմ օրհնեցեր զնոսա : Եւ այս վկայ իսկ էր, զի գիտած և խելամուտ իսկ էր Բաղաամ՝ Թէ չիք զօրութի յօրհնութի և յանէծս նորա : Եւ զի յայտ արասցէ՝ Թէ տոռագութիւն ասաց Բաղաամ, այն զի ասէ. «Զոր ինչ ասէ ինձ տէր, զայն գործեմ» : Ասէ. «Մի միտցէ ամոնիւացի և մովաբացի 'ի ժողովուրդ տեսուն, փոխանակ զի ոչ հանին ընդ առաջ ձեր հաց և ջուր, և փոխանակ զի 'ի վարձու կալան վասն քո զԲաղաամ յանիծանել 'ի նզովել զքեզ, և ոչ կամեցաւ տէր լսել նմա. և դարձոյց զանէծսն նորա յօրհնութիւնս» :

Արդ իբրեւ հպարտացեալ մեծացաւ Բաղաամ, եցոյց անձ եթէ ելեալ էր հրաման վասն նոցա, ասել զինի նորա դարձեալ. «Հանդէս արա, համար կալ զօրաց ժողովրդեանդ այդորիկ 'ի քօանտմենից և 'ի վեր» : Եւ տ սատակմանն նոցա : Զի վասն այսորիկ ոչ ետ նմա թոյլ անիծանել զնոսա, զի մի ասիցեն՝ Թէ յանէծսն Բաղաամու սատակեցան, և ոչ 'ի մեղս իւրեանց մեռան : Արդ նախատէ քանն. զմեռեալսն, ասէ, սպանանես դու, ով Բաղաամ, և ոչ զինչ դանիս :

Երկայնագոյն է մարգարէութիւն Բաղաամու քան զՄովսիսի. զի Մովսէս զպատմութիւն դառնացութիւն

նոցա ցուցանէ՝ զանցելոցն զմերձաւորացն . զի յօրհնութե իւրում այսպէս ասէ . «Մեղան՝ այլ ոչ եթէ նմա» . զի զինքեանս ապականեցին . բայց ազգութեւր և կամակոր վասն հանդերձելոցն : Զի ահա աւանիկ յանդիմանէ զնոսա և ասէ . «Ոչ սա ինքն է հայրքո՛ր ստացաւ զքեզ և հաստատեաց զքեզ» : Յիշեաց զօրէնսն որ յաւիտենից : Իբրու յայտ առնէ թէ վասն որոյ ժամանակի ասաց . ասէ «Բնակեցոյց զնա ՚ի վերայ զօրութե երկրի , և ջամբեաց նմա կերակուր ՚ի վայրէ» : Զի մինչ դեռ յանապատի անդ էր , մեղը ՚ի վիմէ ցոյց նմա՝ յասել իւրում զայս ցուցանէր . «Գիրացաւ , ասէ , Խրայէլ և կիցս ընկէց . գիրացաւ յօրացաւ և մոռացաւ զարարիչ իւր , և անարգեաց զա՛ծ որ ստացաւն զնա , և հայհոյեաց զԱստուած փրկիչ իւր» : Իբրու յայտ առնէ դարձեալ , եթէ հանդերձեալ ծառայել կուոցն օտարոտեաց . ասէ «Գրգռեցին զնա օտարոտեօք իւրեանց , և կուովք իւրեանց բարկացուցին զնա» :

Ի՞րդ գտանի մարգարէութիւն Բաղասմու երկայնագոյն քան զՄովսիսի . ասէ «Տեսի զնա , և ոչ առարդ . և հայեցայ ՚ի նա , և ոչ էր մօտ» . հեռի է ասէ . զի քաջալերեսցէ զայն՝ որ ածն զնա ՚ի յայտնել իւրում նմա : Ասէ ոչ եթէ արդէն լինիցի սատակումն քո . զի հայեցայ ես այնմիկ՝ որ առնելոց է քեզ սատակումն , և ոչ է մօտ : «Ծագեսցէ , ասէ , աստղ ՚ի Յակովբայ , և յարիցէ իշխան ՚ի յԽրայէլ , և հարցէ սատակեսցէ զիշխանս Մովսէրու» : Եւ զի յայտ արասցէ նմա՝ և զի ոչ եթէ նմա միայն ստաց , այլ և ամենայն որդւոցն Շէթայ . այս ինքն որդւոցն Աբամայ : Քանզի Աբամանիծաւ և Կայէն երբ և տատան եղև , և Հաբէլ մեռաւ անորդի , կուչեցաւ Շէթ՝ Ադամ :

Ի՞րդ ծագեսցէ ՚ի վերայ Զօրաբաբելի . զի երեմիայ այսպէս ասէ . «Ծագեցից Դաւթի ծագումն , և կուչեսցեն զնա Տէր բաժին մեր» . այս ինքն մասն մեր : «Եւ ահա այր , և անուն նորա ծագումն» : Եւ այս աւանդան ՚ի վերայ նորա կատարի . զի յերկրորդում ձեռինն , այս ինքն՝ զի նա կաց ՚ի տեղի Յեշովայ որդւոյ Նաւեայ , և նա ժառանգեցոյց զնոսա յերկրորդ

գում նուագի անդ զերկիրն պարզեաց . և նա դարձեալ նորոգեաց զտաճարն երկրորդում . և ՚ի ձեռն նորա էին սատակելոց հեթանոսքն այնոքիկ , ամոլնալցիքն և մովարացիքն և այլ ևս : “Եւ սատակեսցէ զքաղաքն , , զի նա ինքն է Եսաւայ . զի վասն սորին իսկ այսր ասաց Դանիէլ . ասէ . “Տեսանէի ես զգազանն զի սատակեցաւ և կորեաւ մարմինն նորա , , այս ինքն չիք ուրեք :

Եւ զՄովսէս զսատակումնն Խրայելի յայտարար . “Օրհնեցէք , ասէ , ազինք ժողովդովք նորա , և դարձուցանէ զվեժ հատուցման ՚ի վերայ ասելեաց իւրոց , , Բայց Բաղասամ , “Ծագեսցէ աստղ և սատակեսցէ զորդինն Եսաւայ , , Եւ այն՝ զի ասէ . “Եթէ եղիցի ճառքազեալ կինացին , մինչև յասորեստան վառեսցի , , Եւ փոխանակ այնր՝ զի ասէ . “Լեզեոնք ելանել , , հերբայեցի , “Ելցեն դեզբացիք ՚ի կիտացւոց , , այս ինքն է Յոյնք : “Եւ հարցեն և չարչարեսցեն զասորեստան և զՄիջագետս , , Եւ զի ասէ “Ինքեանք անդէն միանգամայն առ հասարակ սատակեսցին , , զի ոչ հաստատեցաւ թագաւորութիւն արքայութեան նոցա . կամ ՚ի վերայ տանն Անտիոքայ , զի հարին կոտորեցին սատակեցին զհերբայեցիան յաւուրս մակաբայեցւոցն :

Եւ զտանի զի յառաջագոյն է քան զԲաղասամ Մովսէս յասել իւրում զկատարած սատակմանն Խրայելի . զի իբրեւ ետես զնոսա խաղող լեղի և ողկոյզ դառնութե , և լցան նոքա սրտմտութիւն վիշապաց . “Սրտմտութիւն , ասէ , վիշապաց սրտմտութիւն նոցա , , Եւ զի յայտարարեցէ՝ թէ հատուցանէ նոցա , յասել իւրում . “Իմ է հատուցումն զոր հատուցանեմ ես նոցա , , Ե՛րբ . ՚ի ժամանակի իբրեւ սխալէ ոտն նոցա : Ոչ , ասէ , հեռի է , այլ մերձ է ժամանակ կորստեան նոցա . և փութացուցանէ որ ինչ պատրաստեալ է նոցա : Այլ իբրեւ մերձեցաւ ժամանակն , ասէ վասն նոցա . “Համբարձի յերկինս զձեռն իմ և երդուայ յաջ իմ և ասացի . կենդանի եմ ես յաւիտեան , , Եւ զի յայտարարեցէ՝ թէ սրով բարկութիւն սատակէ զնոսա , փոխանակ զի պաշտեցին նոքա զկռուս , ասէ . “Սրեցից իբրեւ զփայլակն զսուր

սուսերի իմոյ, և բուռն հարեալ կայցի 'ի գատաստանի ձեռն իմ», այս ինքն ստուգութեան ձեռն իմ: «Եւ արեցուցից զնետս իմ յարենէ, և սուր իմ կերիցէ զմարմին յարենէ վիրաւորաց և գերեաց, և 'ի գլխոց թագի թնամեաց»: Այլ այս 'ի Յեշուկայ մինչև 'ի Նաթանայէլ որդի Մակաբէի գործեալ լինէին նոցա յորժամ յանցանէին: այս ինքն յիշեանաց իւրեանց:

Այլ իբրև խրատեաց զնոսա սրով իւրով, բարկացաւ 'ի վերայ նոցա յաւիտեանս ժամանակաց: Ասէ 'ի թողուն զնոսա, և յերթախ իւրում 'ի մէջ հեթանոսաց, «Օրհնեցէք ազնիւ ժողովուրդք նորա, զի ինդրէ զվրէժ արեան ծառայից իւրոց, զմարդարէիցն, զբահանայիցն և զարդարոցն՝ որ հեղաւ 'ի մէջ ազգաց նոցա», այն զոր երկրորդեաց փրկիչն մեր յասել իւրում: «Չի եկեացէ 'ի վերայ նոցա արինն ամենայն արդարոց»: Եւ դարձուցանէ, ասէ, զվրէժ հատուցման 'ի վերայ ատելեաց իւրոց, և վրէժ հատուցման ամենեցուն. որոց բանքն իւրեանց հասանեն, ասէ. թէպէտ և ոգորմէր 'ի հրամանն անարգութեան, սակայն ետ նոցա զանարգն և զխոնարհքն՝ որ մեռանէր և արդարացուցանէր զարդարս: Փռխանակ այնր՝ զի ասէ «Առականով առականըիր զնոսա առաջի տեառն յանդիման արեւու», «Կանգնեա զնոսա յանդիման արեւու»,:

ԳԼՈՒԽ Ե

ԱՅՅ Գաղթի գուստր էր թագաւորի. և ուր խորանն հարեալ էր նորա, ներքինիք շուրջ կային բզնովաւ: Ետեա զնա Զամբրի, և մուտ առ նա: Եւ ասէ ցնա կինն. ես Մովսիսի կամ միոյ ումեք 'ի գլխաւորաց անտի հրաման ունիմ տալ զանձն իմ: Ասէ ցնա Զամբրի. ես լաւ ևս եմ քան զնոսա: Ասէ ցնա կինն. ին գիտացից: Ասէ ցնա. ահաւասիկ առաջի նոցա ցուցանեմ ես զի մտանեմ, զոր ինչ այլք 'ի ծածուկ գործեն: Եւ «Չոգաւ մուտ, ասէ, յանդիման Մովսիսի և յանդիման ծերակոյտ ժողովրդեանն», Եւ

եռեն փենեհէզ և խրոխտացաւ 'ի վերայ նորա : Ներքինիքն այսպէս կարծէին՝ թէ 'ի պոռնկել մտանէ, և ոչ ետուն նմա թող : Արէ ցնոսաւ . մտէք ատայեք նմա , թէ փենեհէզ կամի մտանել այդր : Նա խորեւ լուաւ , ուրախ եղև . նա այսպէս կարծեաց 'ի միտս իւր , թէ ամենայն ժողովուրդն 'ի պոռնկութի դարձաւ . և մնւտ խոցեաց զնոսա զերկոսին , և բարձ եղ զնոսա 'ի վերայ ուսոյ իւրոյ : Աստի այսորիկ առնուա քահանայ զթեկնն և զծնօտն :

Փենեհէզ խոցեաց զնոսա , և հին համար թռոյն սատակեցաւ սղաւեցաւ . վասն այսորիկ մեծացաւ փենեհէզ , զի կաց նա 'ի մէջ նորոցն՝ որ ժառանգելոցն են , և 'ի մէջ հնոցն՝ որ ոչն ժառանգելոցն : Փախանակ այնր՝ զի ասէ "Եղեն որ մեռան յանկարծակի 'ի մահուանէ անտի , . "Որ մեռան բարեկուք , . ասէ : "Փենեհէզ , ասէ , նախանձեցաւ զնախանձ 'ի միջի ձերում , . ասէ ցնա Մովսէս : Եւ յայնմիկ և զՄովսէս ևս 'ի ներքս արկ . ասէ "Յանդիման Մովսիսի և յանդիման ծերակոյտ ժողովուրդեանն , . զի ոչ եթէ վասն չար խօսելոյ զմանէ ասեմք մեք զայս , այլ զգրեան երկրորդեմք մեք :

Երդ Մովսէս , այն որ լիեալ էր առաջնորդութիւն նորա ժողովուրդեանն՝ որպէս և ոգիք զի բարձեալ ունիցին զմարմին , զիարդ տկարացաւ նա քան զնախանձ փենեհէզայ 'ի ժամու անդ ցորժամ պոռնրկեցաւ ժողովուրդն ընդ դատերոն Մադիամու , որպէս 'ի յընթերցուածոյ աստի : Մովսէս կամ վայրապարկայր , կամ խղճիւ և հեռիւ էր վասն գործոյն փենեհէզայ : Արդ զիարդ դադարէր նա , և վասն էր եթէ էր նա 'ի ժամու՝ յորում արհամարհեալ լինէին օրէնքն , զոր եդ նա : Զի առաջի ամենեցուն եդ՝ նա զպատուէրն յասել իւրում . "Մի եղիցի պոռնիկ 'ի դատերացդ խրայելի , . և զկնի բանին ժողովուրդն իւր յոչ ժողովուրդ զգործ պոռնկութեան գործէր : Այլ զայն ասացուք : զի փենեհէզ , այն որ այսու միով գործովս իւրով առաքիւնացաւ , մի 'ի գործոց իւրոց ուրեք ոչ առնէ յայտ՝ եթէ պատկեցաւ նա : Բայց Մովսէս յամենայն զնացս իւր առ խնդրուածըս մերձենալ ունէր զանձն իւր , և գործ մատակա-

‘ի Փիթովը քաղաքէ ‘ի Միջագետաց , . հերբայեցի ,
 “Բաղաամ որդի Բեովրայ հարցուկ ‘ի Միջագետաց , ,
 Եւ փոխանակ այնր՝ զի ասէ “Եւ դիւթուիք իւրեանց
 ‘ի ձեռս իւրեանց , . հերբայեցի , “Հրովարտակք իւ-
 րեանց ‘ի ձեռս իւրեանց , , :

Եւ զի լուաւ Բաղակ զսքանչելիսն որ եղէն յերկ-
 րին եգիպտացւոց և յանապատի անդ , առաքեաց նա
 զկնի Բաղաամու , զի եկեսցէ նա յանիծանել ‘ի նզու-
 վէլ զժողովուրդն իսրայէլեան . որպէս զի անէծքն
 և նզովքն նորա արգելեալ կարձեսցեն ‘ի նոցանէն
 զօրհնութիւնն նյ : Վասն այսորիկ և նժ ‘ի ձեռն այ-
 նորիկ՝ յորմէ սիրեացն լսել ‘ի նմանէն զճմարտու-
 թիւն արքայն մովաբացւոց , ‘ի ձեռն նորուն ծանոյց
 նմա նժ զճմարտութիւն : Եւ զի թոյլ ետ նժ Բա-
 ղաամու , ոչ եթէ վասն ժողովրդեանն միայն , այլ զի
 և այլ հեթանոսք դարձցին ‘ի գիտութիւնորա , որ-
 պէս և ինքն իսկ ասաց . “Ի քեզ , ասէ , ցուցից զգո-
 րութի իմ , և քարոզեսցի անուն իմ ընդ ամենայն
 երկիր , , : Այլ քարոզելն՝ որպէս զի հաւատարիմ լի-
 ցի տեսութիւնն նյ , կարծիցի յամենայն ժամու : Զի
 իբրեւ զայն՝ թէ մի գործ և եթ գտեալ իցէ ‘ի նմա ,
 և մի ինչ և եթ ինդրէ հաստատել և ուղղել : Այլ
 բազում ևս յայսմիկ կատարէ , զի Վաբաշամ պա-
 տուէ , յայնմիկ՝ զի զաւետիսն նորա կատարէ . և
 Փարաւոնի դարձեալ հատուցանէ , և զհաւատսն նյ
 հաստատեալ ստուգէ . և հեթանոսքն՝ որ ընդ ա-
 մենայն երկիր , զգիտութիւնորա ‘ի ձեռն համբաւուն
 զսքանչելեաց իւրոց սերմանէ . և այլ պատճառս՝ որ
 վասն նորա արար , զի մեք նոցա խելամուտ չեմք , զի
 և ինքն Բաղաամ դարձցի յապաշխարութիւն ահիւ և
 երկեղիւ ‘ի տեսանել իւրում թէ գոյ զօրութիւն հա-
 րուստ և սաստիկ քան զնա , յայնմիկ՝ զի զկամսն իւր
 առնել ոչ ետ թոյլ նմա : Զի շատ ինչ իբր գործեալ
 լինին ‘ի ձեռն մեղաւորաց վասն արժանաւոր պի-
 տոյից , որպէս և յաւուրսն Աբայաբու . զի եղև այնս
 պեղծ յերեսաց տեառն , և ել միլորեցուցանել զսուտ
 մարդբարէսն . բայց Միքա յայտնեաց . “Թէ ելանես
 դու , ասէ , մեռանիս , , : Փորձեաց զնա նժ մարգա-
 րէիւքն նորա տութիւնք , և ինայեաց ‘ի վերայ նորա

ի ձեռն Միքէի ողորմութիւնք : Սոյնպէս և երազքն Փարաւմնի երեւեցան վասն կերակրելոյն՝ որ հանդերձեալն էր , այլովք հանդերձ :

Որպէս և տայր խրատ երբեմն Ախիտօփէլ Դաւթայ և լինէր , սոյնպէս և Բաղաամ : « Իբրեւ որ զի հարցանէ , ասէ , յայ » : Այլ զի խաբեսցէ և մեծացուցէ զզոհսն Բաղաամ , զանուն այ դնէր 'ի վերայ նոցա : Եւ այն՝ զի ասէ « Եթէ տացէ ինձ Բաղալի լի տամբն ոսկի կամ արծաթ » , որպէս զի վաճառեսցէ զերթալն իւր ծանր գնոց՝ խորամանկեցաւ : Նա և զի գիտացես դու՝ եթէ նիւթ շահու օգտութիւն արկ նա իւր . ահա աւանիկ ասաց նմա Աստուած , բայ « Մի երթար » , և յաւել ևս դարձեալ հարցաւ նել . և յերթալն իւրում դարձեալ ասէ . « Օրհնեա » , և նա ետ նմա խրատ անիծից : Եւ եթէ ասացեալ էր՝ թէ երթ , զնոյն իսկ զոր խրատ ետ՝ տայր նմա , և նովաւ և ընդ նմա և անիծանէր ևս , և զերկոսին ընդ միմեանս յեռոյր նա , որպէս և սողոր իսկ էր նա . զի յանիծանել անդ իւրում եհան նա զգլխտերմն մադիանացւոց՝ ի պնդակութի :

Եւ իբրեւ այս խորամանկութի նորա սպանանէր զԺողովուրդն , սակայն անմեղաց մոլորութի էր այս յոյժ . ասէին՝ թէ անէծքն Բաղաամու սատակեցին զնոսա : Բայց իբրեւ արգելաւ նա՝ զի մի անիծանիցէ , գիտաց նա՝ թէ նոյնժամայն փնտսեցաւ . զի ոչ ասեն մովաբացիքն՝ թէ անիծանելով անէծ . բայց սակայն նոյն իսկ նենգութի խրատուն նորա կայր : Զի եթէ գիտէր Բաղաամ՝ եթէ ոչ է զօրութիւն 'ի խրատուն անդ նորա , այլ յանէծս և յօրհնութիւն նորա , ոչ տայր նա խրատ չարի , զի չգոյր 'ի նմա զօրութի վասն Ժողովրդեանն՝ որ օրհնեցաւ 'ի նմանէ : Եւ զի զկնի օրհնութեն ետ նմա խրատ չարի , յայտ արար եթէ խոտան և անարգ են անէծք և օրհնութիւնք նորա , զի կերպարանօք ունէր նա զնոսա . զի տացէ կարծիս մարդկան՝ թէ անձ գոյ ընդ նմա , զի մի որ մեղիցէ նմա . և զի մեծասցի քան զիմաստունս և զխորհրդաւորս : Զի փոյթ ամենայն Բաղաամու այս էր , զի ուսցի թէ զինչ իցեն ամենայն օրէնքն՝ զոր ետ անձ Ժողովրդեանն : Ետես նա՝ թէ այս երկու են՝ որ սա .

տակեն զԺողովուրդն, կռապաշտութի՝ իբրև զորթն զի լուաւ թէ արարին և սատակեցան . և պոռնկու թի՝ զի գիտաց նա՝ թէ գեղ կանաց ամաց զնոսա՝ ի Բեղլեզովը : «Մի՛, ասէ, փեսայեսջիք դուք ընդ դքս տերս նոցա, զի մի խոտորեցուսցեն նոքա զսիրտ ձեր զՀետ զից իւրեանց » :

Արդ զի մի ասասցեն, զի եթէ էր ելեալ Բաղաւ մաւ, անխժանէր զնոսա՝ և սատակէին, ոչ արգել զնա ամ երթալ . և ոչ հրեշտակն դարձոյց զնա՝ ի ճանապարհէ անտի, իբրև զի ցուցցէ թէ ի ներքոյ իշխանուէ նորա է : «Թեբէս, ասէ, հաճոյ եղիցի փառն » : ապա այսուհետեւ տէր է՝ որ անխժանէ : «Եւ եթէ էր, ասէ, սուր ի ձեռս իմում, աստէն սպանանէի զքեզ, » : Արեցնա էջն . վեց հարիւր հազար բանիւ ելանես գու անխժանել սատակել ի հեռաստանէ, ես զի անցեալ նստիմ ի ներքոյ քո, առանց սրոյ ոչ կարես դու յաղթել զօրութի իմոյ : Փոխանակ այնր՝ զի ասէ «Ասաց Բաղաւմ ցէջն իւր . փոխանակ զի այսն կատականաց արարեր դու զիս » , հերբայեցի ասէ . «Փոխանակ զի չարարեցեր ճմլեցեր դու զիս ընդ որմն » : Եւ փոխանակ այնր՝ զի ասէ «Տարաւ զնա ի քաղաքն Եփրովայ » . հերբայեցի, «Ի քաղաքս Բաղաց » , ասէ . զի Եփրովայ՝ բաւէ են : Փոխանակ այնր՝ զի ասէ «Հան զնա ի բեմովթ Բահաղու » . հերբայեցի, «Ի Բարձաւանդակ Բահաղու » , ասէ :

«Ը ինեա դու, ասէ, ինձ աստ եւթն սեղան, և պատրաստեա դու ինձ եւթն զուարակ և եւթն խոյ » : Արդ զոհիւք և սեղանովք կամէր Բաղաւմ խողել զամ, որպէս ինքն խողեցաւ պատուովքն և պատարագօք : Բայց յայտ արար նմա Աստուած ի վերայ զոհից իւրոց, և յամօթ արար զնա ի վերայ սեղանոց իւրոց, յայնմիկ՝ զի փութացոյց զնա, և եդ բանս ի բերան նորա, զի օրհնեսցէ : Բայց կորոյսնա զպատիւ մարգարէութեանն ապահովթ իւրով . զի քաղցրացան նմա իրեն մամանայի առաւել քան զմարդարէութիւն Հոգւոյ : Բայց հաւանեցուցէ զքեզ այս . զի զոր օրինակ իբրև ստեաց յառաջին նուագի անդ, զի ասաց նմա ամբայ «Մի երթար » . և նա յաւել ևս հարցանել : Եւ իբր եցոյց նմա դարձեալ հրեշ-

տակն՝ թէ մահու արժանի էր, յայնմիկ՝ զի դարձան միտք նորա՝ ի ճանապարհի անդ, և խորհեցաւ նա անիծանել զնոսա. ասէ ցնա հրեշտակն. “Ելի ես լի նել քեզ սատանայ, փոխանակ զի կամակորեալ են ճանապարհք քո առաջի իմ”, որպէս և գրեալ է ի հեբրայեցի :

Եւ իբրեւ դարձեալ փորձեաց զոհիւքն միանգամ և երկիցս, և գիտաց ի ձեռն այսոցիկ՝ թէ կամք այսա են, զի ժողովուրդն օրհնեսցի, յերկրորդէլ և յերրորդէլ սեղանոցն իւրոց՝ զկամսն այնաբա խնդրէր փոփոխել չըջել, զոր ինչ մարգարէքն ճշմարիտք այսպէս ոչ գործէին : Արդ զոր օրինակ զկնի այսր աւմենայնի յաւել և խօսեցաւ ընդ նմա ան ոչ վասն արդարութե նորա, այլ քանզի պատշաճ իսկ էր, կապեցան ի նմին ի Բաղասամու իրքն այն, և նովին իսկ մարգարեութի իւրով մարթ էր լուծանել, սոյնպէս վասն սորին իսկ այսր կամեցաւ խօսել ընդ նմա ան ի սկզբանն. իբր ոչ էր սովորութիւն Հոգւոյն սրբոյ՝ եթէ պղծոյն զխորհուրդս իւր սուրբս յայտնեսցէ : Զի եթէ ոչ էր յայտնեալ նմա այ, և արգելեալ էր զնա ի ներքոյ ահի երկեղի իւրոյ, ի տեսանելն Բաղասամու՝ զի ոչ ետ նմա ան պատասխանի, գտաւ ներ իւր պատճառս, և երթայր անիծանէր զնոսա. և լինէր այնուհետեւ գրգռութի ի մարտ պատերազմի ի մէջ եղբարցն : Զի եթէ իբրեւ ան յայտնեցաւ և հրեշտակ երևեցաւ և էչն խօսեցաւ, նա զթոյնս իւր դառնութի իւրով չար խորհրդովք իւրովք որպէս և չար խայթոցիւք արկանէր, և քսան և չորս հազարս ի նոցանէն սատակէր, որչափ ևս առաւել արկանէր նա զթոյնս իւր՝ եթէ ոչ էր տեսեալ նորա զայս ամենայն. այլ եկն նա հարցանել, իբրու այն թէ զանձ պատուիցէ :

Այստեցաւ նմա ան, և արգել և փակեացն զնա ի ներքոյ պահի և երկիւղի. իբրու էր անդ բեւր խորամանկութի ի միջի : Զի եթէ արգելեալ էր զնա այ, բռնութի թաքաւորեալ լինէր մալուրութիւնն յարգելով անգ նորա. և լինէին նոքա ասել. վասն զի զօրութի գոյք յանէծս նորա, արգել զնա ան, զի մի երթիցէ նա : Եւ եթէ կամեցեալ էր հրեշտա-

կացն ասել վասն նորա մինչ դեռ հեռի էր՝ թէ անէծ-
նա զԺողովուրդն, նա և այսպէս խռովեալ լինէր Խա-
րայէլ . և լինէին այնուհետեւ ճշմարիտ անեծք նորա
'ի վերայ նոցա 'ի պարտաւորութի : Վասն այսորիկ
հնարեաց իմաստութիւն բարձանց, լոյծ իմաստութիւն
զամենայն կամակորութիւն՝ որ մի ըստ միովն, զԲա-
ղամու, զԲաղակայ և զԽարայէլի : Բայց եկն Բա-
ղամա՝ պահանջել զվարձս իւր, և սպանին զնա 'ի
Մադիան, զի առաւել ևս լուծցի մոլորութիւն օգնա-
կանին Բաղակայ . զի անձին իւրում նա ոչ կարէր
օգնական լինել : Եւ յայնմ ժամու իբրեւ եկն եհնա
Խարայէլ 'ի վերայ մադիանացւոցն մարտիւ պատե-
րազմաւ, ոչ արդեւք անիծէր և պարտաւորէր նա
զԽարայէլ, և օրհնէր և տայր յաղթութիւն մադիա-
նացւոցն, գոնեայ վասն անձին իւրոյ՝ զի մի մեռցի :

Փոխանակ այնր՝ զի ասէ "Եւ զնաց նա ուղղորդ-
րնդդէմ" . հերբայեցի, "Եւ զնաց նա միայն առան-
ձինն" . ասէ : Փոխանակ այնր՝ զի ասէ "Ի հեթանոսս
մի համարիցի" . հերբայեցի, "Եւ ընդ հեթանոսս
մի խառնեացի, ասէ, որպէս զի եղիջիք դուք ինձ սի-
րելիք քան զամենայն հեթանոսս" : Եւ փոխանակ
այնր՝ զի ասէ "Ո՞ համարեցի զհամարս յակովբեան
զաւակին" . հերբայեցի, "Զհոյ նորա, ասէ . կամ
ո՞ կարասցէ զթիւ ունել զչորրորդ մասին զխարայէ-
լեան գնդին" . այն իսկ է՝ զի ասէ . "Իբրեւ զհոյ բա-
ղում եղիցի զաւակ քո" : Փոխանակ այնր՝ զի ասէ
"Ըստ ժամանակի ժամանակի՝ խօսեսցի և այլ ևս" .
հերբայեցի, "Ոչ գոն հմայք 'ի տան Յակովբու, և
ոչ դիւթութիւն 'ի մէջ Խարայէլի . այլ ըստ ժամա-
նակի ժամանակի խօսեսցի ընդ Յակովբու և ընդ Խա-
րայէլի զինչ գործելոց էր ընդ նոսա ան" . այն իսկ
է զի ասէ . "Ոչ ինչ առնէ տէր տերանց, թէ ոչ յայտ-
նէ նախ զխորհուրդս իւր մարգարէից" . Փոխանակ
այնր՝ զի ասէ "Այնր՝ որոյ յայտնի է ակն իւր" . հեր-
բայեցի, "Այն՝ որում ծածկեալքն յայտնի էին
նմա" : Եւ փոխանակ այնր՝ զի ասէ "Այր որ տեսա-
նէր զտեսիլն այլ աչօք բացօք" . հերբայեցի, "Այն
որ պահանէր երկիր 'ի վերայ երեսաց իւրոց, և երե-
ւէր նմա" :

“Իբրև ետես նա, ասէ, զբանական իորայելացւոց, զի գաւնդագունդ բանակեալ էին ՚ի դաշտի անդ, ասէ. Իբրև զի գեղեցիկ են բանակք քո, Յակովբ, և պարկեշտ են խորանք քո, Իսրայել, ՝ Փոխանակ այնր՝ զի ասէ “Իբրև ուղիք զի գնան, և իբրև զբուրաստան առ ամիս գետոյ”, ՝ Հերբայեցի, “Իբրև զբուրաստան լի ծաղկաւ վտակալից առ ամիս գետոյ”, ՝ Եւ փոխանակ այնր՝ զի ասէ “Իբրև զխորան՝ զոր ձեռին տեառն կանգնեալ”, ՝ Հերբայեցի, “Իբրև զգարաստան տօսախոյ յանցս վտակաց՝ զոր տնկեաց տէր”, ՝ “Յարիցէ այր յորդւոց նորա”, Ըաւուղ: “Եւ զաւակ նորա ՚ի ջուրս բազում”, ՝ զի զօրացաւ և մեծացաւ նա ՚ի վերայ մարդկայնոցն: “Եւ բարձրացի առաւել քան զԱգագ Թագաւոր, և բարձի Թագաւորութի նորա”, ՝ այս ինքն սպառեացի: Ընդէր. փոխանակ զի կոտորեաց սատակեաց նա զգաբաւոնացիսն ՚ի Ժամաւ նակի իբրև կոտորեաց նա զԱբիմեւէք և զտուն Տօր նորա: Եւ գաբաւոնացիքն որ հաղորդք էին սեղանոյն, զի փայտաբաղք էին նոքա և ջրերք: Բայց Հերբայեցի, “Բարձրացի առաւել քան զԱգագ Թագաւոր նորա, և մեծացի Թագաւորութի նորա”, ՝

“Իայց եկ յայտնեմ քեզ զինչ գործ գործեսցեն զօրքս այս ընդ զօրս քո յետին աւուրց Ժամանակի”, ՝ այն իսկ է՝ զի ասէ. “Հարցէ սատակեաց զիշխանսն Մովաբու”, ՝ Եւ իբրև զայս լուաւ Բաղակ, նմա այդ պէս Թուեցաւ Թէ հասեալ է սատակումն նորա ՚ի կարծել իւրում դարձեալ Թէ Բաղաամու է այս և ոչ այլ. ասէ ցնա Բաղակ. “Ես ասացի բամ մեծարելով մեծարեցի զքեզ, արդ կորոյս ՚ի քէն տէր զփառս քո”, ՝ Ասէ ցնա Բաղաամ. մի այդպէս փութացեալ տագնապիր դու. ոչ եթէ սատակումն քո է. Թէ պէտ և խրատիս դու սակաւիկ մի, սակայն ոչ եթէ բարձեալ լինի Թագաւորութի քո. զի հայեցայ ես յայնմիկ՝ որ առնեն քեզ սատակումն. և ոչ է մերձ, այլ յետ բազում դարուց:

“Եւ զեցեցէ աստղ Յակովբայ, և հարցէ սատակեաց զիշխանսն Մովաբու”, ՝ այլովք հանդերձ: Փոխանակ այնր՝ զի ասէ “Յարիցէ այր յորդւոց նորա, և զաւակ նորա ՚ի ջուրս բազում”, ՝ Հերբայեցի,

“Ելլեն ջուրը 'ի բազկաց նորա, և զաւակ նորա իբրև ջուրս բազումս” : Եւ փոխանակ այնր՝ զի ասէ “Եղիցի 'ի Սէիր ժառանգութիւն թշնամեաց իւրոց” : Հերբայեցի, “Եղիցի Սէիր ժառանգութի թշնամեաց իւրոյ” : Փոխանակ այնր՝ զի ասէ “Զօրասցի և զարթիցէ 'ի Յակովբայ, և սատակեսցէ զմնացորդս քաղաքի” : Հերբայեցի, “Եւ իջէ տկարութիւնն տանն Յակովբայ, և սատակեսցէ զքաղաքն, և մի ոք մնացէ 'ի նոյնն մնացորդ” : Իբրև զայն՝ զի ասէ “Սակաւաւորն հազարաւոր եղիցի” : Իբրև զայն՝ զի ասէ “Մինն հալածէր զհազարս, և երկու զքեւրս” :

Եւ իբր ոչ կարաց Բաղաամ ապուել գերբիւլ 'ի ձեռն աղտեղի արուեստագիտութե իւրոյ զչափ և զօգուտ անօրէնութե ըստ սովորութե իւրոյ, յայնմիկ՝ զի ոչ ետ նմա ըստ կամաց նորա օրհնել, խորհուրդ խորհեցաւ նա ընդ Բաղակայ և ասէ . Որչափ, ասէ, զածն իւրեանց յոյս և ապաւէն արարեալ է նոցա, ոչ կարէք դուք յաղթել զօրութե նոցա . այլ առէք զարդարեցէք դուք զգոտերս ձեր . և ահա այնուհետեւ կապին նոքա յերկրպագութի կռոց դատերացն ձերոց, և հարկանէք կոտորէք դուք զնոսա 'ի վերայ դռտերացն Մադիամու : Բայց զնոյն զմադիաւ նացիմն կոտորեցին, և ոչ զմովաբացիմն . այլ անոչ զիարայել եթող առանց վրիժուց խնդրելոյ . և ոչ զԲաղաամ եթող առանց պատժոց պատուհասից : Բայց զժողովուրդն իւր ինքն խրատեաց, և զմադիաւ նացիմն 'ի ձեռն ժողովրդեան իւրոյ կոտորեաց սատակեաց :

Եւ զի ոչ եղև ան իրկայնամիտ առ Իսրայէլի 'ի ժամանակի իբրև պոռնկեցան նոքա ընդ գոտերսն մադիամու . զի կատարեսցէ երկուս, մի՝ զի յանդիմանեալ կշտաժեցցին օրհնութիւն Բաղաամու, և միւս ևս՝ զի պատիժքն պատուհասից փութացեալ կարճեսցէ զնոսա 'ի պոռնկութե անտի : Բայց ուսանան զձմարտութիւն սիրելիք ձմարտութե . զի ոչ յօրհնութիւնն նորա պէտք ինչ էին, և ոչ յանէծս նորա, այլ ստուգութի տեառն հատուցմանց . ուսան՝ թէ ոչչափ իշխանութի ունին ազօթք քան զմալորութի, այս ինքն նախանձայոյզ փնեհհեցեայ՝ քան

գիւղատանու դիւթի : Դա և ժողովուրդն կոյր իբրեւ լուսան զի ասաց նմա Աստուած, բայ «Օրհնեալ է ժողովուրդն, մի անիծաներ դու զնա», նոքա այս պէս կարծեցին 'ի միտս իւրեանց. ասեն. թէպէտ և պոռնկիցիմք, սակայն օրհնեալ եմք, ոչ ինչ պատու հասիմք :

Իսկայն նծ ուսոյց մովաբացւոցն և ամենայն հեթանոսացն՝ թէ ամենայն հեթանոսք զի անիծեալ են վասն գործոց իւրեանց. ահաւանիկ տեսէք զինչ անցս անցոյց ընդ օրհնեալսն՝ որ պոռնկեցան : Եւ զի յայտ արասցէ ժողովրդեան իւրում, զի եթէ մեղք իւրեանց ոչ պարտաւորեն զնոսա՝ չիք այն ձեռն՝ որ կարէ տիրել 'ի վերայ նոցա : Եւ եթէ ոչ կուրացեալ էին մովաբացիքն, դիւրին էր նոցա դառնալ ընդդէմ Բաղաամու և ասել, թէ զիւրդ հարկանին նոքա պոռնկութիւնք, աղք մի՛ զոր դու ինքնին օրհնեցեր զնոսա : Եւ այս վիշայ իսկ էր, զի գիտակ և խելամուտ իսկ էր Բաղաամ՝ թէ չիք զօրութի յօրհնութի և յանէծս նորա : Եւ զի յայտ արասցէ՝ թէ տոռգութիւն ասաց Բաղաամ, այն զի ասէ. «Զոր ինչ ասէ ինձ տէր, զայն գործեմ», : Ասէ. «Մի միտցէ ամոնացի և մովաբացի 'ի ժողովուրդ տեառն, փոխանակ զի ոչ հանին ընդ առաջ ձեր հաց և ջուր, և փոխանակ զի 'ի վարձու կալան վասն քո զԲաղաամ յանիծանել 'ի նպովել զքեզ, և ոչ կամեցաւ տէր լսել նմա. և դարձոյց զանէծսն նորա յօրհնութիւնս » :

Իրդ իբրեւ հպարտացեալ մեծացաւ Բաղաամ, եցոյց նծ եթէ ելեալ էր հրաման վասն նոցա, ասել զինի նորա դարձեալ. «Հանդէս արա, համար կալ զօրաց ժողովրդեանդ այդորիկ 'ի քօնաւմենից և 'ի վեր», : Եւ տ սատակմանն նոցա : Զի վասն այսորիկ ոչ էտ նմա թոյլ անիծանել զնոսա, զի մի տօիցեն՝ թէ յանէծսն Բաղաամու սատակեցան, և ոչ 'ի մեղս իւրեանց մեռան : Արդ նախատէ բանն. զմեռեալսն, ասէ, սպանանես դու, ով Բաղաամ, և ոչ զինչ դանիս :

Երկայնագոյն է մարգարէութի Բաղաամու քան զՄովսիսի. զի Մովսէս զպատմութիւն դառնացութի

նոցա ցուցանէ՝ զանցելոցն զմերձաւորացն . զի յօրհնութե իւրում այսպէս ասէ . “Մեղան՝ այլ ոչ եթէ նմա” . զի զինքեանս ապականեցին . բայց ազգութեւր և կամակոր վասն հանդերձելոցն : Զի ահա աւանիկ յանդիմանէ զնոսա և ասէ . “Ո՛չ սա ինքն է հայրքո՝ որ ստացաւ զքեզ և հաստատեաց զքեզ” : Յիշեաց զօրէնսն որ յաւիտենից : Իբրու յայտ առնէ թէ վասն որոյ ժամանակի ասաց . ասէ “Բնակեցոյց զնա ՚ի վերայ զօրութե երկրի, և ջամբեաց նմա կերակուր ՚ի վայրէ” : Զի մինչ դեռ յանապատի անդ էր, մեղը ՚ի վիմէ ցոյց նմա՝ յասել իւրում զայս ցուցանէր . “Գիրացաւ, ասէ, իսրայէլ և կիցս ընկեց . գիրացաւ յօրացաւ և մոռացաւ զարարիչ իւր, և անարգեաց զնա՝ որ ստացաւն զնա, և հայհոյեաց զԱստուած փրկիչ իւր” : Իբրու յայտ առնէ դարձեալ, եթէ հանդերձեալ ծառայել կուոցն օտարոտեաց . ասէ “Գրգռեցին զնա օտարոտեօք իւրեանց, և կռուք իւրեանց բարկացուցին զնա” :

Երդ գտանի մարգարէութիւն Բաղասամու երկայնափոյն քան զՄովսիսի . ասէ “Տեսի զնա, և ոչ աւարդ . և հայեցայ ՚ի նա, և ոչ էր մօտ” . հեռի է ասէ . զի քաջալերեսցէ զայն՝ որ ածն զնա ՚ի յայտնել իւրում նմա : Ասէ ոչ եթէ արդէն լինիցի սատակումն քո . զի հայեցայ ես այնմիկ՝ որ առնելոց է քեզ սատակումն, և ոչ է մօտ : “Ծագեսցէ, ասէ, աստղ ՚ի Յակովբայ, և յարիցէ իշխան ՚ի յիսրայէլէ, և հարցէ սատակեսցէ զիշխանս Մովաբու” : Եւ զի յայտ արասցէ նմա՝ և զի ոչ եթէ նմա միայն առաց, այլ և ամենայն որդւոցն Հէթայ . այս ինքն որդւոցն Աբամայ : Քանզի Աբամանիծաւ և Վայէն երեր և տատան եղև, և Հաբէլ մեռաւ անորդի, կռչեցաւ Հէթ՝ Աբամ :

Երդ ծագեսցէ ՚ի վերայ Զօրաբարէլի . զի երեմիայ այսպէս ասէ . “Ծագեսցից Դաւթի ծագումն, և կռչեսցեն զնա Տէր բաժին մեր” . այս ինքն մասն մեր : “Եւ ահա այր, և անուն նորա ծագումն” : Եւ այս ամենայն ՚ի վերայ նորա կատարի . զի յերկրորդում ձեռինն, այս ինքն՝ զի նա կաց ՚ի տեղի Յեշովայ որդւոց Նաւեայ, և նա ժառանգեցոյց զնոսա յերկրոր

գում նուագի անդ ղերկիրն պարգեւաց . և նա դարձեալ նորոգեաց զտաճարն երկրորդում . և 'ի ձեռն նորա էին սատակելոց հեթանոսքն այնոքիկ , ամոլնալցիքն և մովաբացիքն և այլ ևս : "Եւ սատակեսցէ զբազանքն , , զի նա ինքն է Եսաւայ . զի վասն սորին իսկ այսր ասաց Դանիէլ . ասէ . "Տեսանէի ես զգազանն զի սատակեցաւ և կորեաւ մարմին նորա , , այս ինքն չիք ուրեք :

Եւ Կոնստնտնուպոլսոյ իւրաքանչիւր յայտարար . "Օրհնեցէք , ասէ , ազինք ժողովրդովք նորա , և դարձուցանէ զվեժ հատուցման 'ի վերայ առեւեաց իւրոց , , Բայց Բաղասմ , "Ծագեսցէ աստղ և սատակեսցէ զորդին Եսաւայ , , Եւ այն՝ զի ասէ . "Եթէ եղիցի ճաքաղեալ կինացին , մինչև յասորեւ տան վառեսցի , , Եւ փոխանակ այն՝ զի ասէ "Լեգէոք ելանել , , հերոսայեցի , "Ելքն դեղբացիք 'ի կիտացւոց , , այս ինքն է Յոնք : "Եւ հարցն և չարչարեսցեն զասորեստան և զՄիջագետս , , Եւ զի ասէ "Ինքեանք անդէն միանգամայն առ հասարակ տատակեսցին , , զի ոչ հաստատեցաւ Թագաւորութիւն արքայութեան նոցա . կամ 'ի վերայ տանն Անտիոքայ , զի հարին կոտորեցին սատակեցին զհերոսայեցիսն յաւուրս մակաբայեցւոցն :

Եւ Գոսանի զի յառաջագոյն է քան զԲաղասմ Կոնստնտնուպոլսոյ իւրում զկատարած սատակման իւրայելի . զի իբրեւ ետես զնոսա խաղող լեղի և ողկոյլ դառնութե , և լցան նոքա սրտմտութիւ վիշապաց . "Սրտմտութի , ասէ , վիշապաց սրտմտութիւն նոցա , , Եւ զի յայտարարեցէ՝ Թէ հատուցանէ նոցա , յասել իւրում . "Իմ է հատուցումն զոր հատուցանեմ ես նոցա , , Ե՛րբ . 'ի ժամանակի իբրեւ սխալէ ոտն նոցա : Ոչ , ասէ , հեռի է , այլ մերձ է ժամանակ կորստեան նոցա . և փութացուցանէ որ ինչ պատրաստեալ է նոցա : Այլ իբրեւ մերձեցաւ ժամանակն , ասէ վասն նոցա . "Համբարձի յերկինս զձեռն իմ և երդուայ յաջ իմ և ասացի . կենդանի եմ ես յաւիտեան , , Եւ զի յայտարարեցէ՝ Թէ սրով բարկութիւ սատակէ զնոսա , փոխանակ զի պաշտեցին նոքա զհուռս , ասէ . "Սրեցից իբրեւ զփայլակն զսուր :

սուսերի իմոյ, և բուռն հարեալ կալցի 'ի գատա-
տանի ձեռն իմ», այս ինքն ստուգութեան ձեռն իմ:
“Եւ արեցուցից զնետս իմ յարեան, և սուր իմ կե-
րիցէ զմարմին յարեան վերաւորաց և գերեաց, և 'ի
գլխոց թագի թշնամեաց»: Այլ այս 'ի Յեշովայ մին
չև 'ի Նաթանայէլ որդի Մակաբէի գործեալ լի-
նէին նոցա յորժամ յանցանէին: այս ինքն յիշա-
նաց իւրեանց:

Եւ իբրև խրատեաց զնոսա սրով իւրով, բարկա-
ցաւ 'ի վերայ նոցա յաւիտեանս ժամանակաց: Ասէ
'ի Թողուն զնոսա, և յերթալն իւրում 'ի մէջ հե-
թանոսաց, “Օրհնեցէք ազիւք ժողովուրդք նորա, զի
ինդրէ զվրէժ արեան ծառայից իւրոց, զմարգա-
րէիցն, զբահանայիցն և զարդարոցն՝ որ հեղաւ 'ի
մէջ ազգաց նոցա», . այն զոր երկրորդեաց փրկիչն
մեր յասել իւրում. “Չի եկեացէ 'ի վերայ նոցա ա-
րիւնն ամենայն արդարոց», : Եւ դարձուցանէ, ասէ,
զվրէժ հատուցման 'ի վերայ ատելեաց իւրոց, և
վրէժ հատուցման ամենեցուն. որոց բանքն իւրեանց
հասանեն, ասէ. Թէպէտ և ոգորմէր 'ի հրամանն ան-
արգելութեան, սակայն ետ նոցա զանարգն և զխոնար-
հքն՝ որ մեռանէր և արդարացուցանէր զարդարս: Փռ
խանակ այնր՝ զի ասէ “Առակելով առակեալիւր զնոսա
առաջի տեառն յանդիման արեւու», . “Կանգնեա
զնոսա յանդիման արեւու», :

ԳԼՈՒԽ Ե

ԲԱՅՑ Գառի դուստր էր Թագաւորի. և ուր
խորանն հարեալ էր նորա, ներքինիք շուրջ կային բզ-
նովաւ: Ետես զնա Զամբրի, և մնւտ առ նա: Եւ ասէ
ցնա կինն. ես Մովսիսի կամ միոյ ումեք 'ի գլխաւո-
րաց անտի հրաման ունիմ տալ զանձն իմ: Ասէ ցնա
Զամբրի. ես լաւ եւ եմքան զնոսա: Ասէ ցնա կինն.
ին գիտացից: Ասէ ցնա. ահաւասիկ առաջի նոցա
ցուցանեմ ես զի մտանեմ, զոր ինչ այլք 'ի ծածուկ
գործեն: Եւ “Զագաւ մնւտ, ասէ, յանդիման Մով-
սիսի և յանդիման Ծերակոյտ ժողովրդեանն», : Եւ

եռեա փենեհէզ և խորխտացաւ 'ի վերայ նորա : Ներքինիքն այսպէս կարծէին՝ թէ 'ի պռոնկել մտանէ, և ոչ ետուն նմա թող : Արէ ցնոսա . մտէք առայեք նմա, թէ փենեհէզ կամի մտանել այդր : Նա խորեւ լուաւ, ուրախ եղև . նա այսպէս կարծեաց 'ի միտս իւր, թէ ամենայն ժողովուրդն 'ի պռոնկութի դարձաւ . և մնւտ խոցեաց զնոսա զերկոսին, և բարձ եղ զնոսա 'ի վերայ ուսոյ իւրոյ : Վասն այսորիկ առնաւ քահանայ զթեկնն և զծնոտն :

Փենեհէզ խոցեաց զնոսա, և հին համար թուոյն սատակեցաւ սղաւեցաւ . վասն այսորիկ մեծացաւ փենեհէզ, զի կաց նա 'ի մէջ նորոցն՝ որ ժառանգելոցն են, և 'ի մէջ հոգն՝ որ ոչն ժառանգեցին : Փռխանակ այնր՝ զի ասէ "Եղեն որ մեռան յանկարծակի 'ի մահուանէ անտի", . "Որ մեռան բարկուք", ասէ : "Փենեհէզ, ասէ, նախանձեցաւ զնախանձ 'ի միջի ձերում", . ասէ ցնա Մովսէս : Եւ յայնմիկ և զՄովսէս ևս 'ի ներքս արկ . ասէ "Յանդիման Մովսիսի և յանդիման ծերակոյտ ժողովուրդեանն", . զի ոչ եթէ վասն չար խօսելոյ զնմանէ ասեմք մեք զայս, այլ զգրեալն երկրորդեմք մեք :

Եւ զՄովսէս, այն որ լինալ էր առաջնորդութիւն նորա ժողովուրդեանն՝ որպէս և ոգիք զի բարձեալ ունիցին զմարմին, զիարդ տկարացաւ նա քան զնախանձ փենեհէզայ 'ի ժամու անդ ցորժամ պռոնդեցաւ ժողովուրդն ընդ դատերոն Մադիամու, որպէս 'ի յընթերցուածոյ աստի : Մովսէս կամ վայրապարկայր, կամ խղճիւ և հեռիւ էր վասն գործոյն փենեհէզայ : Արդ զիարդ դադարէր նա, և վասն էր եթէ էր նա 'ի ժամու՝ յորում արհամարհեալ լինէին օրէնքն, զոր եգ նա : Զի առաջի ամենեցուն եգ նա զպատուէրն յասել իւրում . "Մի եղիցի պռոնիկ 'ի դատերացդ խորայելի", . և զինի բանին ժողովուրդն իւր յոչ ժողովուրդ զգործ պռոնկութեան գործէր : Այլ զայն ասացուք : զի փենեհէզ, այն որ այսու միով գործովս իւրով առաքինացաւ, մի 'ի գործոց իւրոց ուրեք ոչ առնէ յայտ՝ եթէ պսակեցաւ նա : Բայց Մովսէս յամենայն զնացս իւր առ խնդրուածքս մերձեալ ունէր զանձն իւր, և գործ մատակա-

բարութե նորա 'ի կատարածի իւրեանց զինիք անօթից նորա առնուն . թէպէտ և մինն գործ ցասման իւրոյ կարաց կողոպտել յափշտակել զնա :

Եւրդ այն՝ որ յամենայն տեղիս անօթիւք նորա առաքինացան , և ուրեք 'ի նախանձու իւրմէ յետոս նա ոչ եկաց , զիարդ 'ի ժամու անդ՝ յորում լուծեալ լինէր բանն նորա , և անարգեալ անգոսնեալ լինէր պատուէր . հրամանի նորա , և հայհոյեալ բամբասեալ լինէր անն նորա , դադարէր նա 'ի գործոյ անտի՝ որ պարտուպատշաճ էր նախանձու նորա : Բայց սակայն քանզի գործով իւրով ոչ էր տկար , և այն որպէս այր մի՝ զի չիք նորա ընկեր , ընտրեալ էր նա յայնմիկ՝ զի իբրեւ զնա խոնարհ 'ի ժողովրդեան նորա ոչ գտաւ 'ի ժամու անդ՝ յորժամ ժողովուրդն նորա 'ի համարձակութի պոռնկութե գայթագղեցաւ . զի ժողովուրդն որ ոչ անսայր բանից , 'ի տիղմ պղծութեան իւրոյ եթող , և առ տէր իւր անօթս և խնդրուածս մատուցանէր , և իբրեւ դաստիարակ իմաստուն զանօթս իւր առաջի տեառն իւրոյ սիւներ :

Եւրդ տես դու զցաւն խրատ՝ որ տարածեցաւ 'ի ժողովուրդն նորա . և հարուածքն խտուութե՝ որ տիրեցին 'ի վերայ նոցա , ուղղեաց զանձն իւր և դիմեաց չորաւ առ բժիշկն , զի փութացեալ ընթացի եկեսցէ սուր բժշկութիւն 'ի վերայ անդամոց : Արդ ժողովուրդն պոռնկէր , և Մովսէս անօթս մատուցանէր , և Փենեհէզ ընկեր լինէր այն նախանձու իւրոյ : Զի ետես նա՝ թէ մահ տիրեաց , և Մովսիսի չեւ էր յաղթիցն յարուցեալ . զի կամեցաւ նա՝ թէ զօրացեալ սաստկացի խրատն ժողովրդեանն , որ դառնացոյց զանն իւր պոռնկութե իւրով . և խորհեցաւ Փենեհէզ զի ընկեր եղիցի Մովսիսի , և հաղորդ քացի այն , սպան ընդ այն , և կաց յանօթս ընդ Մովսիսի :

« Զարեաւ , առե , Փենեհէս կաց յանօթս , և արգելաւ մահ » . զի ոչ եթէ հակառակորդ ինչ եղև Փենեհէս Մովսիսի գործովն իւրով թէ Մովսէս յանօթս կայր վասն սատակման ժողովրդեանն , և Փենեհէս խնդրուածս խնդրէր վասն փրկութեան ժողովրդեանն . այլ Մովսէս իբրեւ արբեալ մի 'ի գործ իւր հանապազորդ զբաղեալ էր . և Փենեհէս 'ի տեսին :

չարութե՛ւ նախանձուն իւրով իբրեւ հրով վառեալ բորբոքեալ էր. և դիակունք յամենայն կողմանց անկեալ դնէին : Բայց տէգն որ հարեալ կարեցաւ ընդ լանջս այնոցիկ , եղև իբրև սահման անչափ հեղեալ բարկութե՛ւ ստուգութե՛ն . և շտապ տնդնապի և գոչումն աղաղակի ժողովրդեանն զՄովսէս յաղօթից անտի դարձոյց, զի հանգիցէ նա 'ի տրտմութե՛ն անտի իւրմէ , և ելցէ տեսցէ զխրամատութիւն որ եղև 'ի դիակունս նոցա : Արդ երրորդութե՛ւ առ դու 'ի միտ, վասն զի ոչ հաւասարութե՛ւ համեմատին : զի 'ի ժամու յորժամ տեսանէր զանկեալ յիրաւորս, աղօթիւք իւրովք զածն իւր ցածուցանէր 'ի բարկութե՛ն . զոր օրինակ և Փենեհէզ 'ի հաղորդութիւն գործոյն մերձեցաւ, որպէս եղև հրամանաւ բանին իւրոյ Ահարոնի բուրուառաւն 'ի խնդրուածս աղօթից իւրոց : Այլ ոչ ետ յայտնապէս Մովսէսի զփրկութի, զի մի տկարացեալ աղքատացին խորհուրդքն Փենեհէզի , այն որ զայս գիւտօ նախանձու հնարեաց գտանել վասն պսակելոյ անձին իւրոյ :

Բայց Մովսէս, այն որ առաքինութիւնքն բազում էին , ոչ եթէ միովս այսուիկ մեծանան պարծանք գովութե՛ն նորա . զի մի գործ էր երկոցուն . և եթող զմին և գովեաց զմիւսն միայն առանձինն : Զի յետ գործոյն գրեցաւ . և փրկութի՛ն զի սովոր է ողորմութիւն կերակրել զբազումս իբրև զմի, և միով որպէս և բազմօք . զի 'ի վաստակել յաշխատելն իւրեանց յայտնապէս՝ գոն ընդ նոսա հաղորդք իւրեանց 'ի ծածուկ. զեւթն հազար եդեալ էին այ իբրև 'ի գանձի 'ի ծածուկ հանդերձ միովս յայտնի մշակաւն, որ կարծեաց թէ վասն աղօթից իւրոց եղև նա լսելի, 'ի ժամանակի իբրև կոտորեաց նա զքուրմն Բահաղու , և ոչ գիտէր նա՝ թէ գունդ մի մեծ է նոցա յաղօթս խնդրուածոց իւրոց : «Ահա , ասէ , թողի անձին իմոյ եւթն հազար » . այս ինքն ընտրեցի ես 'ի սպաս պաշտաման իմոյ զայնոսիկ՝ որք արժան իսկ էին ընտրութեան :

Փոխանակ այնր՝ զի ասէ «Որդիքն Կորխայ՝ 'ի թիւ համարու ոչ մտին » . հերբայեցի, «Եւ որդիքն Կորխայ , ասէ , ոչ մեռան » : Եւ զի ամենայն մարդ յաղ-

զի տոհմի իւրում սերասցի, զի մի եղիցին խառնել ազգքն ընդ միմեանս: Եւ այն՝ զի ասէ՝ «Մինչև մեռցի մեծ քահանայն», • վասն էր • այլ զի զգուշացուցէ զնա, զի բնաւ ամենեւին մի փրծանիցի երկաթ՝ զի եղիցին զգուշացեալք յամենայն ինչ: Եւ դարձեալ, զի ասէ՝ «Յորժամ մեռցի քահանայն մեծ, դարձցի սպանօղն անդրէն յերկիր ժառանգութեան իւրոյ», • անարկէ մեզ յայնմիկ՝ զի 'ի մեռանել մեծ քահանային դառնայ Ագամ'ի դրախտն ժառանգութե իւրոյ:

ԿԱՅԱՐԵՑԱԻ ԹԻՒՔ ՈՐԴԻՈՑՆ ԻՍՐԱՅԷԼԻ

ՍՐԻՈՅՆ ԵՓՐԵՄԻ

ՄԵԿԵՈՒԹԻՒՆ

ԵՐԿՐՈՐԴ ՕՐԻՆԱՑ

Տ Ե Ա Ռ Ն

Ե Փ Ր Ե Մ Ի

ԽՈՐԻՆ ԱՍՈՐԻՈՅ

ԴԳՐՈՒԹԻՒՆ

ԵՐԿՐՈՐԴ ՕՐԻՆԸՑ

ԳԼՈՒԽ Ա

Որչիս անձրև կանուխ զի զարթուցանէ զսերմանիս, և զայ հասանէ անձրևն անապան կատարէ ըզմնունդս նորա, սոյնպէս իբրև լուան զօրէնմն՝ ի լեառն Սինայ իբրև զանձրև կանուխ ընկալան զնա . և զերկրորդ զօրէնմն իբրև զանձրև անապան . զի զտարերս զարդարէ և ծաղկաց զփառս զգեցուցանէ : Ասան այսուրիկ «Յօղեսցէ իբրև զանձրև վարդապետութիւն իմ, և իջցէ որպէս ցօղ խօսք իմ», : Կամ զի եղծան ապականեցան յետ առաջնոյ որթուն, յաւելաւ նոցա երկրորդումն . զի եթէ էր կատարեալ նոցա զպահպանութիւն առաջնոյն, ոչ լինէր պէտս նոցա երկրորդն : Կամ զի այնոքիկ՝ որ լուան զառաջինմն սատակեցան ըստ հրամանին՝ որ ել'ի վերայ նոցա, հարկ եղև նորոգել առ որդիմն նոցա յերկրորդելն նորա՝ ի զգուշացուցանել զնոսա, զի մի եղիցին որպէս և հարք իւրեանց : Փոխանակ այնր՝ զի ասէ «Եւ հալածիցեն զձեզ իբրև զմեղուս ծխալիցս» . հերբացցի, «Իբրև զմեղուս՝ որ հալածիցին», : Փոխանակ այնր՝ զի ասէ «Ոմնացիք յառաջագոյն բնակեալ էին ի նմա», . եւ ըրայցի՝ սկայս ասէ . և դարձեալ մովաբացիք սկայս

կարդան նոցա : Փոխանակ այնր՝ զի ասէ «Վիճակ երգողայ» : Տէրայեցի ասէ , Վիճակ դերբկի» :

Եւ այն՝ զի ասէ . «Տէր անձ քո որոշեաց զնոսա» . վասն մօտաւորութե խորայելի և վասն հեռաւորութե հեթանոսաց՝ կամեցաւ ասել զիւրաքանչիւր ՚ի հեթանոսաց : Ընտրեցին կալան իւրեանց կուռս , և նա ոչ բռնադատեաց զնոսա . բայց զի որոշեաց զնոսա՝ ոչ եթէ զի երկրպագեցին . զի եթէ վասն երկրպագելոյ եղեն , ահաւանիկ բազում հեթանոսք են՝ որ ոչ պագանեն երկիր լուսաւորաց՝ քան զայնոսիկ՝ որ երկիր պագանեն նոցա : Եւ հէրայեցւոց ոչ հրամայեցաւ երկիր պագանել լուսաւորաց զիսրդ պագանելն նոքա երկիր : Բայց աւանիկ եղեկիկէլ , զի պագին նոքա երկիր արեգական , յանդիմանէ զնոսա . և երեւմիայ զայնոսիկ , որ արկանելին զխոռնկս պաշտամանն երկնից , կշտամբեաց զնոսա . և Մանասէ՝ ՚ի սրահ տաճարին տեառն շինեաց սեղանս ամենայն զօրութեց երկնից . և Ամովս , զի առին նոքա զվրանն Մողղբայ և Բեանայ պատկեր զաստղն՝ զոր արարին իւրեանց աստուած , նախատեցին զնոսա այլովք հանդերձ :

Եւ եթէ յայտնի՝ եթէ հեթանոսք ազգի ազգի կուոց երկիր պագին , յայտ է եթէ այն որոշեաց զնոսա , զի եղեցին նոքա լուսատու հեթանոսաց՝ ասացան , և ոչ եթէ զի երկրպագեցին նոքա ՚ի նոցանէ : «Եւ զքեզ , ասէ , մերձեցոյց առ իւր տէր անձ անաւել քան զամենայն հեթանոս» . իբրեւ զայն՝ զի ասէ «Աչ արար այսպէս ամենայն ազգաց» . այս ինքն նշանս և սքանչելիս՝ զոր արար առ նոսա : «Եւ զգառաստանս իւր ոչ յայտնեաց նոցա» . որպէս և ցոյց նոցա որդւոցն Յակովբայ : Վասն պարծանաց խորայելի ասացաւ այսպէս . և զի բարձր արասցէ զգլուխ նորա . իբրեւ զայն՝ զի ասէ «Եթէ լուսն այլ ժողովուրդ բաժայն նոյ , որպէս զի տէր անձ մեր մերձ է առ մեզ» : Զի ՚ի ցուցանելն նոցա՝ եթէ որպիսի տէր գոյ նոցա , զի մի թողոքն և դարձցին առ կուռս հեթանոսաց :

Բայց դարձեալ , զի որոշեաց զնոսա՝ իբրեւ զայն զՓարաւոնկն : «Ես , ասէ , գրգռեցի զնա» . զի եթէ նա գրգռեաց , իսկ էր ընդէր դատի . և եթէ որոշեաց , իսկ ընդէր պատուհասէ : Բայց հէրայեցի այսպէս

ասէ զրանն յայտնապէս. «Մի, ասէ, յորժամ հայիցիք դուք ընդ երկինս, տեսանիցէք դուք զարեգակն և զլուսին և զաստեղս և զամենայն զարդ երկնից, պակչիցիք յիմարիցիք մատչիցիք երկիր պազանիցէք նոցա, կամ սպաս պաշտաման տանիցիք նոցա, զոր հաստեաց տէր անձն», այս ինքն հաստատեաց կացոյց զնոսա՝ ի սպաս պաշտաման ամենայն հեթանոսաց՝ որ ի ներքոյ երկնից, հեթանոսաց և ժողովրդեանն: Եւ զի ասէ. «Զձեզ ընկալաւ անձ, և հան զձեզ ի հնոցէ երկաթոյ ի միջոյ Եգիպտոսի»: Հնոց զնեղութիւն անուանէ, և երկաթ զԽարայէլ, կամ զԵգիպտոս և զհաստութիւն նորա՝ որ հնազանդէ զլեւան որպէս և զերկաթ:

Փոխանակ այնր՝ զի ասէ «կամ փորձեցին զանձ, զի չողաւ նա և առ իւր ազգ մի յազգէ միոջէ», հերայեցի, «Եթէ իցէ՞ յազգաց ուրուք, ասէ, լուեալ զձայն այ կենդանւոյ ի միջոյ հրոյ. կամ փորձեաց անձ երբէք մտանել առնուլ հանել իւր ազգ մի յազգէ միոջէ փորձանօք նշանօք սքանչելօք և արուեստիւք, որպէս և արար մեզ տէր անձ մեր, և հան զմեզ յԵգիպտոսէ»: Փոխանակ այնր՝ զի ասէ «Սիրեսցես զտէր անձ քոյամենայն սրտէ քու մմէ», հերայեցի, «Յամենայն մտաց քոց», Փոխանակ այնր՝ զի ասէ. «Եղիցին այս պատուիրանք նշան ի ձեռին քո», հերայեցի, «Երբ և զնշան ի վերայ ձեռին քո», Փոխանակ այնր՝ զի ասէ «Առաքեցից զպիծակն և զմեղուդ առաջի երեսաց քոց», հերայեցի՝ հաւուածս ասէ:

Որպէս ցուցանէ յերկրորդ օրէնսն, երիցս անգամ պահեաց Մովսէս քառասուն քառասուն օր: Այն զի ասէ. «կացի եռ յաղօթս առաջի տեառն», «Յամենայն տեղի, ուր և, ասէ, յաղօթս կացի, պահեցի» գրեալ է ի հերայեցի: Եւ զոր օրինակ վան ժողովրդեանն պահեաց, սոյնպէս և վանն Ահարոնի զքառասուն օր պահեաց: Զի մեղք քահանայի քան զամենայն ժողովրդեանն խիստ է. զի փոխանակ ժողովրդեանն ամենայնի զուարակ միմատուցեալ լինէր, և փոխանակ քահանային զուարակ մի: Արդ ասաց նա «Եւ ի վերայ Ահարոնի, ասէ, բարկացաւ տէր

սատակել զնա, և վասն նորա պահեցի», : Արդ զառաջինն զոր պահեաց, զի առ զօրէնս. և զերկրորդն վասն ժողովրդեանն. և զերրորդն վասն Ահարոնի :

Եւ զի ասէ . «Չարչարեաց խոնարհեցոյց զքեզ և սովաբեկ արար զքեզ, և ետ ուտել քեզ զմանանայն յանապատի անդ՝ հաց խոնարհութե տառապանաց, զի յայտ արասցէ քեզ՝ թէ ոչ հացիւ միայն կեայ մարդ» : Բայց հաց խոնարհութե և տառապանաց՝ զի ասէ, զի չափով կշռով հրամայեցաւ նմա ուտել օր ըստ օրէ : Վասն այսորիկ կարդաց նա հաց խոնարհութե տառապանաց, զի ոչ տուաւ նոցա համարձակութի՝ թէ ըստ կամաց իւրեանց առցեն և կերիցեն. և հաց խոնարհութե՝ զի ասէ . «Անձինք մեր ձանձրացեալ նեղեալ են՝ ի հաց սակաւ» : այս ինքն բալախ հացիւս, որպէս և գրեալ է ի հեբրայեցի . այլ «Ամենայն բանիւ», ասէ : Զի եթէ անձրև ոչ իջանիցէ, և երկիր զպտուղ իւր ոչ տացէ . և դուք զհաճոյս արասիք, մի կարճամիտ լինիցիք դուք՝ թէպէտ և անցեալ իցէ ժամանակ հնձոց . զի ամենայն բանիւ կարող է կեցուցանել զձեզ . այս ինքն, զի եթէ քարանց հրամայիցէ հաց լինել, կամ երկնից հնարս լիութե՝ կարող է :

Փոխանակ այնր՝ զի ասէ «Ոչ պահէ ատելեաց իւրոց» . հեբրայեցի, «Ոչ յամէ առ ատելիս իւր», : Փոխանակ այնր՝ զի ասէ «Երկիր է, որ տէր անձ քո վրէժ խնդիր է նորա», . ի հեբրայեցի, «Այցելու է նորա», : Փոխանակ այնր՝ զի ասէ «Տացես դու օրհնութիւնս՝ ի վերայ լերինն Գարիզի, և զանէծս տացես ի լեառն Գեբաղ», . հեբրայեցի, «Ի Գարիզէն և ի լեառն Գեբաղ յամենայն տեղիս, ասէ, ուր և անուանիցես զանուն իմ, եկից իջից և օրհնեցից զքեզ» :

Հայնմիկ՝ զի ասէ «Մի ժտիր դու, ոչ ունիս իշխանութի մատուցանել քեզ պատարագ յամենայն տեղիս անխտիր», . տես զի արգելու և կարճէ զնոսա, զի մի յաճախեսցեն զօհեսցեն և ջեռցին ի զօհմս : Այլ զի մի զօհեսցեն, զաղօթման՝ որ ընդ ամենայն տեղիս

է, ոչ արգել: “Եւ յորժամ արասցես, ասէ, զայս ամենայն, և կատարեսցես զպահպանութիւն օրինաց որպէս պատուիրեցի քեզ, եկից իջից ես առ քեզ յամենայն տեղիս ուր և յիշեսցես զանուն իմ՝ ի նեղութե և յանդորրութե, և օրհնեցից քեզ ամենայն որ պիտոյն իցեն”, Եթէ այդ այդպէս իցէ, ի սկզբանէ գրեցաւ յայնմանէ ի սուրբ անամնոց անտի Նոյի:

Արդ տեսցուք թէ իբրու գիտէր զնոսա Նոյ յառաջագոյն պատուիրեցաւ, ապա թէ ոչ զօրհնէ զայն զոր զօրհնեցին արդարքն առաջինք, թերեւ ի պիղծանանոց անտի էին: Եւ եթէ գիտէին թէ այդ այդպէս իցէ, վասն զի մոռացին և այն քերցն իւրեանց և զշարժութեց և զմկրտութեց և թլփատութեն. և զոր օրինակ ոչ յայտնեաց անթլփատիցն Նոդայ և Նոյի՝ եթէ հանդերձեալ է նա պղծել թլփատութի, և ոչ Սէթայ և Նոուսայ՝ և եթէ սրբելոց իցէ նա զշարժան: սոյնպէս ոչ յայտնեաց՝ եթէ հանդերձեալ է նա լուծանել զշարժան, և արձակել թլփատութիւն: Եւ եթէ ոչ էր յայտնի արդեւք, յանձանց իւրեանց՝ իբրեւ մեղք էին առնուլ զքոյրս իւրեանց՝ առնոյին: Սոյնպէս անփոյթ արար զառաջինն և կապեաց զմիջինն և թոյլ ետ վերջնոցն. զի յայտ արասցէ զիշխանութի իւր օրէնսդիրն, ոչ յայտնեաց մինչև ինքեանք օրէնքն յայտնեցան, իւրաքանչիւր օրէնքն ի ժամու իւրում: Եւ եթէ դարձեալ հասեալ և յայտնեալ յառաջ քան զժամանակն՝ եթէ անցանելոց են, անարգեալ անդոսնեալ էին ի ժամանակս իւրեանց, և փութացեալ ընթանային առաջինքն թլփատել ի տարածամ ժամանակի. կամ լուծանէին միջինքն թլփատութիւն ի ժամանակի իւրում. ոչ է արժան լուծանել, եթէ յայտնեալ էր նոցա՝ թէ խափանելոց է զնոսա: Եթէ լուծեալ էր թլփատութիւն յանապատի անդ, ոչ ահա յոյժ անմտութի էր: Իսկ զի՞ տայր զնա յայնմ ժամանակի, զի ոչ ինչ էր պիտոյ. և եթէ պիտոյ էր, զիսորդ լուծանէր զնա միանգամայն և յաւիտեան: Սոյնպէս դարձեալ զշարժան. այսպէս և զամենայն ժամանակեան օրէնսն: Այլ կուրացոյց զնոսա յայնմիկ, զի

անցանէին զօրինօքն , և ոչ լինէին պատուհասեալ :

Երդ 'ի լուծանելն աւուրց աւուրցն կամ ժամ ընդ ժամ , յայտ առնէր վասն օրինացն թէ ոչ էին յաւիտեանից : Արդ օրէնքն բազում են , և 'ի զոհս անդ կապեալ են . և ընդ լուծանելն նորա , լուծանին նորա . ոչ ունիս իշխանութիւն յամենայն տեղիս անխտիր մատուցանել : Այլ օրէնքն ճշմարիտք՝ առանց սեղանոյ , առանց պատարագաց , ամենայն տեղի՝ տեղի իւրեանց է , և ամենայն ժամ՝ ժամ իւրեանց է : Արդ երկիցուք մեք 'ի թոյլ տալոյ փոքունց , գուցէ մեծամեծ բիծ դնիցեմք յանձինս մեր . զի ահա աւանիկ յորմէ հետէ պատուէրն եղաւ , յաւելլով յաւելաւ առաջինն 'ի միջինն , և միջինն 'ի վերջինն : Զոր ինչ մեկնեաց որոշեաց 'նոյ 'ի կերակուրման , պահեաց Աբրահամ թլփատութիւն , և զշաբաթն՝ որ 'ի Մովսիսէ , կապեալ է 'ի թլփատութեանդ՝ որ յԱբրահամէ : Եւ ընդէր Մովսէս՝ որ ետես զօրինակ խորանին , ոչ տուաւ նմա զի շինիցէ զտունն . այլ զխորանն անցոյց տաճարն , և զտաճարն քակեաց ձեռն թշնամոյ :

« (Եւ ամենայն քաղաքս , ասէ , և 'ի գեօղս՝ որ պիղծն իցէ 'ի քեզ և որ սուրբն իցէ , 'ի միասին կերիցեն առհասարակ » . այլ ոչ եթէ վասն պիղծ գաղանաց ասաց՝ և որ սուրբ իցէ և պիղծ , այլ վասն մարդկան ասէ . « Ամենայն որ սուրբ և պիղծ իցեն 'ի գեօղս քո , կերիցեն զնա » : Քանզի յանապատի անդ հրաման ետ նոցա և ասէ . « Ամենայն որ զենուցու ոչխար կամ զուարակ , առաջի սեղանոյն մատուցէ զնա զի սրբեացին , և ապա կերիցեն » : Աստ ասէ . « Յոր ժամ մտցես դու յերկիրն , զորս տէր Թժ քո տացէ քեզ , զեն և կեր ըստ ցանկութեան ձին քո . բայց միայն արիւն մի ուտիցես » :

Եւ այն՝ զի ասէ . « Թէ յարիցէ 'ի մէջ քո մարգարէ 'ի տեսիլս երազոց , և տացէ նշան , և եկեսցէ նշանն միջորութեան զոր խօսեցաւ նա ընդ քեզ , եթէ երթիցուք դից օտարոտեաց երկիր պագցուք՝ զոր ոչ ճանաչիցէք , մի հաւատասցես վասն նշանին միջորութեանորա , այլ վասն ճշմարտութեան քո երկիր պագցես դու Թժ քում : զի ես եմ միջորեցուցի զնա . և սատա կեսցես կորուսցես զնա 'ի միջոյ ժողովրդենէ իմմէ » :

Արդ ուսուցանէ քեզ օրինակ սպանանել զայնոսիկ . զի Աստուած ոչ եթէ 'ի նշանաց անտի իւրոց արժան է երկրպագել : Երկու բանք անմանք միմեանց 'ի վերայ երկուց մարգարէից . մի այն՝ որ խոտորեցուցանէն , զայ հասանէ բան նորա . և կատարի , բայց յանդիմանեալ կշտամբի նա յայնմիկ՝ զի խոտորեցուցանէ զքեզ . և միւսն այն՝ որ համարձակի ժարհուք և ոչ ուրացուցանէ զքեզ , կշտամբեալ յանդիմանի յայնմիկ՝ զի ոչ կատարի բան նորա :

Փոխանակ այնր՝ զի ասէ թէ՝ «Մի ցտիցէք զմարմինս ձեր ,» . հերբայեցի , «Մի մոլեգնիցէք , որպէս և այնոքիկ՝ որ մոլեգնեցանն , մինչև հեղաւ արիւն նոցա 'ի վերայ նոցա ,» : «Մի տնկիցես դու քեզ պէսպէս թունկս ծառոց ,» . իբրեւ զայն՝ զի ասէ «Մի խառնիցէք 'ի խառնս այլազգի զանասունս ձեր . և մի սերմանիցէք զայդիս ձեր խառնակ սերմանեօք ,» . զի զէրկիրն ազատեսցէ յաւելի աշխատութէ անտի , և ըզտէր երկրին 'ի բազում ագահութէ : «Եւ մի , ասէ , լծիցես դու զեզն և զէշ 'ի միասին ,» . մինն անթրլփատ , և միւսն թլփատեալ : Ողորմուէ նորա է այս . զի չէ ինչ իշոց 'ի լուծ մտանել և ձգել յակօս , զի զօրագոյն է եզն քան զնա . և եզն վաստակէ , զի լիք իբրեւ զնա 'ի վար լծոյ , և էշ տկարանայ և մաշի :

Եւ վասն հանդերձից դարձեալ հրամայէ՝ եթէ խառնուածոյ մի զգենուցուն . զի ամենայն գնացիւք իւրեանց զգուշացեալք լինիցին նոքա յօրինաց անտի պահել զնոսա : Զի ամենայն , ուր և գնայցեն նոքա , օրէնքն ընդ առաջ դիպեսցի նոցա . առաւել ևս յայնմիկ , զի ուսուսցէ նոցա՝ թէ ընդ հեթանոսս մի խառնակեսցին և գնացից նոցա մի ցանկացին . իբրեւ զայն՝ զի ասէ «Արասջիք ձեզ արկանելիս քղանցաւորս , և ճամուկս դարձիւք ,» :

Եւ զամբ դարձեալ և իշով զոր պատուիրեաց , բայ «Մի սերմանիցես նոքօք միանգամայն ,» , զի զորդիս ժողովրդեանն իւրեանց մի ստանայցեն իւրեանց ծառայս յաւիտեան , իբրեւ զօտարս : Եւ այն՝ զի ասէ «Զաբտավար ձեր մի սերմանիցէք խառնակ սերմանեօք ,» , զի զդատերս իւրեանց հեթանոսաց մի տայցեն : «Եւ մի սերմաներ զայդի . քո խառնակ սերմանեօք , զի մի նը

«Իրիցի ծնունդ սերմանեաց երկրի քո» . զի լինի նա
այնուհետեւ նզով երախայրեաց բաժին քահանայիցն» :

ԳԼՈՒԽ Բ

«ՄԱՐԳԱՐԷ մի, ասէ, 'ի միջոյ եղբարց քոց կանգ-
նեացէ քեզ տէր նա՞ծ քո իբրեւ զիս» . Զի զոր օրի-
նակ ետ նա զկտակարանսն, այնպէս տացէ այն որ գա-
լոցն է՝ կտակարանս նորս : Եւ եթէ ասիցեն, թէ
վասն Յեսովայ որդւոյ Նաւեայ, կամ վասն Սամուէ-
լի ասացեալ է, յանդիմանեալ կշտամբին նոքա յայն
մանէ, զի մարգարէ ասաց նա, և ոչ բազում մար-
գարէս : Եւ առաւել ևս, զի ոչ եթէ կտակարանք
ինչ նորոգեցան 'ի ձեռս նոցա, և ոչ պահպանութիւն
և ոչ սահմանիւք եղեն նոքա մարգարէութե : Արդ-
յայտ եղև՝ թէ մարգարէ իբրեւ զՄովսէս՝ վասն
տեառն մերոյ ասացեալ է . զի զնոր կտակարանսն ետ
նա՝ որ գրեալ են 'ի տախտակս սրտից : «Ոչ, ասէ,
իբրեւ զայն՝ որ ետու ես նոցա 'ի ժամանակի իբրեւ 'ի
ձեռն առի ես զհարս նոցա հանել զնոսս յերկրէն ե-
գիպտացւոց . այլ տաց ես զօրէնս իմ՝ 'ի խորհուրդս
նոցա, և 'ի վերայ սրտից նոցա գրեցից զնոսս» : Եւ
յայնմիկ՝ զի ասաց բայ նոր՝ զառաջինն հնացոյց :

Եւ զայս ասացուք, թէ 'ի ժամանակի՝ յորում
հան զնոսս Մովսէս, թող նա զճանապարհ կարճոյն
և զգիւրինն՝ որ յեգիպտոսէ 'ի հրէաստան պարզ ու-
ղեղ տանէր, և յանապատի անդ քառասուն ամ
շրջեցոյց զնոսս . որպէս զի ընդ երկար ժամանակօքն
փոխեցին նոքա 'ի սովորութե անտի չարութեն իւ-
րեանց՝ զոր ունէին նոքա յերկրին եգիպտացւոց : Իբրեւ
յաւելոււ նոցա օրէնս ևս՝ զի խառնեցին 'ի նոսս,
որպէս զի 'ի մոլորութե անտի կռոցն կարացէ փո-
խել զնոսս : Զի գլուխն պատուիրանաց նորա այս է՝
եթէ «Մի եղիցին քեզ աստուածք բաց յինէն : Մի
արացես քեզ կռուս պատկեր նմանութեան, որ ինչ
յերկինս կամ յերկրի» :

Եւ զի գիտաց Մովսէս՝ թէ ոչ կարէ բնաւ ամե-
նելին խել զցաւսն և զսովորութի զերկրպագութե

կռոցն 'ի մտացն անտի նոցա, հրամանն ետ նոցա զուհել, այս ինքն անուանայ. զի գոնեայ զկէս ցաւոյն հատցէ և խափանեսցէ. և վասն ուղղութե միւսոյն և կիսոյն յայլում ժամանակի 'ի ձեռն այլոյ ուրուք, որպէս և արժան իցէ, լինիցի. «Կմին, ասէ, մարգարէին լուարուք». զի յորժամ յայանեսցի 'ի ժամանակի, յորում կարիցեն նոքա լսել՝ զի անձ զողորմութիւն կամի և ոչ զպատարաքս: Եւ որք միանգամ յանձն առնուն և անսան նմա, արժանի եղիցին նոքա կենացն յաւիտենից. և որք միանգամ ոչ հաւատասցեն, 'ի սուր 'ի սատակումն մատնեսցին նոքա:

Եւ զքանզի ինքն իսկ գիտութիւն ուղղութիւն մարգարէին կարօտ էր, ժամանակն՝ յորում պարտուպատ շաճ էր առ նա յայտնել, նախ խրատեաց զնոսա լուել դադարել նոցա 'ի զոհից անտի: Եւ զի մի կարծեսցին նոքա՝ եթէ զրկեալ լինիցին նոքա 'ի թողութե անտի փոքր մեղացն՝ որ 'ի ձեռն զոհիցն լինէր նոցա, և կարճեալ լինիցին նոքա 'ի հաւատոց անտի, ետ նոցա մկրտութի. զի 'ի ձեռն ջուրցն զձմարիտ քաւովն արասցէ ամենայն մեղաց նոցա: Եւ ոյք միանգամ միաբանին նմա, 'ի կենանն յաւիտենից պահեսցէ զնոսա. և յորժամ այ հաճոյ լինիցին՝ ըստ կամաց նորա, ապրեալ լինիցին նոքա: Եթէ և սոքա այսպէս հեռացեալ մերժեցան, սակայն մարգարէն երևեցաւ, և նշանս գործեաց. և նախ զերկոտասան տն ընտրեաց և ապա զիւթանասուն և զերկուսն, թէ գոնեայ այսպէս 'ի ձեռն նմանութեանն Մովսիսի իմասցին ժողովուրդք նոցա՝ թէ այս պն մարգարէ է՝ զոր Մովսէսն քարոզեաց: Այլ թերեւ թիւ ամենայն ումեք դիւրին է առնել, բայց նշանս և որանչելիս դժուարին է գործել. այլ ահա աւանիկ աւելի քան զնշանսն զՄովսէսի 'ի մշջ ժողովրդքեանն՝ անթիւ և անբաւ նշանս և որանչելիս ցոյցնա:

«(Յորժամ, ասէ, ելանէք դուք 'ի գործ պատերազմի, մի երկնիք դուք. զի տէր անձ ձեզ է»: Եւ ասէ դարձեալ, եթէ «Կայցեն, ասէ, դպիրք օրինադիրքն ժողովրդեանն, և ասիցեն. եթէ իցէ կին

ըբ որումն խօսեցեալ իցէ նորա, և չիցէ ածեալ, դարձցի անդէն՝ զի մի մեռցի», այլովք հանդերձ: Եթէ տէր անձ է ընդ նոսա, գիարդ կարէ մի ի նոցանէ ֆատեղ. այլ զի մի երկմտեալ բաժանեսցին միոք նորա, և դիցէ գայթաղութի սրտից ընկերաց իւրոց, և առնիցէ զնոսա իբրեւ զինքն, իբրեւ այն զԳեղէնին: Զի իբրեւ ոչ առին նոքա յանձն ֆեալ ի պատերազմէ անտի ըստ բանի նորա, իջցց զնոսա ի վտակն ջուրց, և որոշեաց զնոսա, որպէս զի յայտ լիցի՝ եթէ ոչ բազմութի զօրաց առնէ զյաղթութի. քանզի տեառն նայ է պատերազմ: Եւ զի ասէ «Տէր անձ քո երթիցէ առաջի քո», զի քաջախերեսցին նոքա ի վերայ հեթանոսաց. զի ահաւանիկ դարձաւ ասաց նա՝ բայ «Գուցէ մեռանիցի, և այլ այր երթեալ նաւակատիս առնիցէ»:

Եւ զի ասէ «Մի՛ մոցէ բողոքի ի ժողովուրդ տեառն». զի յամօթ եղիցին հայր և մայր նորա: Եւ զի ասէ «Հան դինք և բողի կապէնք», զի անուամբ մեկնեացէ վասն շանն և վասն յորջորջման նորին, և յանուան շան զպատարագ բողին դարձեցոյց: «Մի՛, ասէ, տարցիր զնոսա ի տուն նայ քո», զպատարագ պիղծ ի գիլութենէ: Եւ զի ասէ «Լուսացեն զձեռս իւրեանց ի վերայ երկնջոցն». զի յայնմիկ որ իբրեւ զերդումն եղև նոցա՝ երկնչին և քննեն զիրան, զի մի գոցին սպանող. և զի մի ննջեացեն նոքա յայտմ վրիժառ ինդրերոյ և ի քինութէ: Բայց հերբայեցի փոխանակ այնր՝ զի ասէ «Եւ զենցեն զերինջ ի ձոր անդրը», «Հատցեն զգլուխ նորա», ասէ:

«Ի՞նչպա եթէ իցէ ուրուք որդի խեռ և անզգամ և հազառակօղ, և ոչ լինցէ ձայնի հօր և մօր իւրում, կեղցեն զնա հայր և մայր իւր, և ածցեն առաջի ծերակոյտ ժողովրդեանն. և դիցէ զձեռն իւր ի վերայ գլխոյն, և քարկոծ լիցի»: Երեւի՝ թէ առանց ողորմութեց է, այս ինքն զի ողորմութե է: Եւ զի ցուցցէ՝ թէ հայրն ծերունի եթէ յանցանիցէ, խրատեալցեն զնա. ապա թէ առանց յանցանաց տտիցէ զորդին իւր, ոչ միաբանին ընդ նմա ծերակոյտ ժողովուրդեանն, բայց եթէ մեծ ինչ իցեն յանցանք որդւոյն, մինչ զի յայտնի կալցին զմիջնորդան՝ ածեւ նոցա ի

վերայ նորա զպատիժ պատուհասից : «Դիցեն , ասէ , հայր և մայր նորա զձեռս իւրեանց 'ի վերայ գլխոյ նորա » : Զուգեաց զերկոսին զնոսա , զի ոչ կարելին երկղբին միաբանել և լինել առանց ողորմութեան . որպէս զի արդարեւ ոչ նա կարէ զերկոսին ատել լի կատարեալ . զի այն՝ որ ոչ լի կատարեալն ատեցաւ , ոչ կարէ լի կատարեալ ատիլ :

«Եւ յորժամ՝ գտանիցես դու , ասէ , ձագս մարդն հանդերձ , զմայրն արձակիցես , զի բարի լիցի . քեզ » . որպէս զի բարի արար նա հաւուն , բարի առնէ նմա անձ . և որպէս բազմացոյց նա զկեանս հաւուն , բազմանան կեանքն իւր : Աժ՝ այն որ երեւցաւ առանց ողորմութեան առ յանցաւորսն , այսպիսի սփռեալ տէր նորա 'ի վերայ թունոյն : Զի եթէ 'ի վերայ թունոց ասաց քեզ ողորմել , քանի՜ ևս առաւել մարդոյ . և եթէ առ հաւու անդ բարի է քեզ , առ մարմնակիցսն քո քանի՜ ևս առաւել :

Եւ եթէ չճմարտիցի 'ի վերայ կնոջ շնութիւն , քարկոծ լիցի . և եթէ չճմարտեսցի զըպարտութիւն 'ի վերայ առն , տուժեսցի նա հարիւր կշիռ արծաթոյ : «Մի՛ , ասէ , իշխեսցէ անարգել զնա զամենայն աւուրս կենաց իւրոց » . զի եթէպէտ և ոչ կարաց ըս պանանել զնա յայտնի զըպարտելովն իւրով , սակայն սպան զնա ծածուկ ատելութիւն իւրով , և օտարացեալ մերժեցաւ կինն զըպարտեալ վասն դիւրութեան իրիք , այն՝ զի տացէ նմա թուղթ ապահարզանի : Տես դու իբր պանանելին նոքա զկանայսն իւրեանց զըպարտութիւն : «Մովսէս , ասէ , վասն խտտարտութեան ձերոյ հրամայեաց ձեզ արձակել զկանայս ձեր , » :

«Եթէ ոք գտցէ , ասէ , զկին կոյս՝ որ ոչ իցէ խօսեալ առն , և բռնադատիցէ զնա , տացի հօր աղջկանն յիսուն սատեր արծաթոյ , և կինն նմա լիցի » : Կուսութիւն կուսին օգնեաց նմա : Իսկ այրն՝ որ շնացաւ գիշութիւն իւրով , կարող էր նա առնուլ զնա օրինօք , զի չէր նմա խօսեալ սւմեք : Իսկ առնակոյսն որ 'ի խօսման կայ , և առնակին յետ գլորմանն՝ սուր սուսերի կայ 'ի վերայ այնորիկ՝ որ անկանին . զի ծարաւի է սուր սուսերի արեան այնորիկ՝ որ արք զջուրս օտարս : Առնակինն վասն զի ամուսնացաւ

յայտ համարձակ և զանց զամուսնութիւն , չնութի պարտաւորեցաւ . աւելին զոր գողացաւ և եկեր , երգիծ զնա : Իսկ կուսութիւն վասն զի քաղցեալ էր և ոչ գոյր նորա , և վասն քաղցութիւն իւրոյ գողացաւ , և զի ոչ գոյր նորա ուտել , եգիտ զողորմութիւն , նա և զգողօնն 'ի ծանրութիւն բռնութե՛ կուսութեանն : Ծանրութիւն կամաց է կուսութիւն . թէ իջանէ յաշտի՞նքն ամուսնութե՛ , ամօթ է նմա . և ամուսնութիւն թէ իջանէ յաշտի՞նքն պոռնկութեան , մահ է նմա : Իսկ եթէ յաշտի՞նքն ամուսնութե՛ գտանիցի կուսութիւն , ամօթ է նմա և նախատինք . յաշտի՞նքն չնութե՛ և պոռնկութե՛ գտանիցի , որպիսի ամօթ բաւական իցէ նմա : Զի եթէ ուր գովեալն լինի ամուսնութիւն , կուսութիւն անդ ամօթալից լինի , ուր և ինքն ամուսնութիւն ամօթ կրէ , կուսութիւն ո՛ր գտանիցի :

« Եւ , ասէ , գարշիցիս դու յեղովմայեցւոց անտի , զի եղբայր քո է . և մի յեգիպտացւոց անտի , զի պանդուխտ լիեալ էիր դու յերկրի նոցա » : Ծնունդք՝ որ ծնանին նոցա 'ի դարի անդ չորրորդում , մոցեն 'ի ժողովուրդ տեառն . զի 'ի փոփոխել նոցա 'ի դարէ 'ի դար , մինչև 'ի չորրորդ դարս փոփոխեսցին սովորութիւնք նոցա , և կրթութիւնն չարաչար վարդապետութե՛ հարց նոցա : Եւ զի մի զրկիցէ զեղբայրութիւն Եսաւայ , և մի զեգիպտացւոց . զի ձեռնկալու եղեն նոքա նոցա յաւուրսն Յովսէփու :

« Եւ մատնիցես զծառայ 'ի ձեռս տերանց իւրեանց՝ որ 'ի քեզ ապաստան գայցէ 'ի հեթանոսաց . այլ բնակեցուցես դու զնոսա առ քեզ 'ի միում ուրեք 'ի քաղաքաց քոց » , ըստ օրինաց Հռոմոց և Պարսից . այն իսկ Սողոմոնին . վասն որդւոց ժողովրդեան իւրոյ ասաց նմա , զի մի լաւասցի զկորուստ ընկերին իւրոյ : « Սոյնպէս , ասէ , արասցես դու զեզն և զգլխատ և զծառայ և զաղախին ընկերի քո » :

« Եւ յորժամ , ասէ , մտանիցես դու յայգի կամ 'ի հունձս ընկերի քոյ , առ դու , ասէ , 'ի ձեռն . և մանկաղ , ասէ , մի արկանիցես յոճ ընկերի քո » : Զգեա , ասէ , զձեռն քո վասն քաղցութե՛ : Համար ձակեաց թողացոյց վասն քաղցութե՛ , և արգել կար

ճեաց զազահուծի : Զորովայն քո լցես դու լիութի վասն քաղցութի իւրոյ , բայց դոգքն քո ունայն լիցի . զի ունայն լիցի խորհուրդ քո յազահուծի : Մի կամիր դու՝ թէ ունայն իցեն ձիթենիքն քո 'ի ճուղ , զի մի ունայն գտցին նոքա . և 'ի բերոյ անտի պողոյն թող սակաւիկ մի , զի գտցես բազում . զի բազման զոր առեր դու , յաճախեսցէ օրհնութիւն քո . և սակաւուն զոր թողուս գու , հանգիցէ աղքատն և տնանկն :

Եւ զի համարձակեաց նոցա արձակել զկանայս իւրեանց՝ որ ատեցեալ լինէին 'ի նոցանէ , զի անխաչեացէ զկանայս 'ի սպանմանէ , և զարմն 'ի վերիժուց խնդրելոյ սպանմանն և 'ի պոռնկութենէ . զի երեքին այս եկեալ հաստնէին 'ի վերայ նորա , և եթէ ոչ էր թողեալ զնա : Բայց զայս ոչ եթէ Աստուած հրամայեաց , այլ Մովսէս . զի բազում ինչ եդ նա յիւրմէ վասն խստասրտուն ժողովրդեանն : Եւ վկայէ այն՝ զի ասէ , եթէ “Մովսէս , ասէ , վասն խստասրտութե ձերոյ հրամայեաց արձակել ձեզ զկանայս ձեր , բայց 'ի սկզբանէ ոչ այսպէս էր” : Եթէ երթիցէ , ասէ , կինն այն և լինիցի առն այլում , և մեռցի այրն յետին՝ որ առ զնա , մի իշխիցէ այրն առաջին՝ որ արձակեացն զնա՝ դառնալ առնուլ զնա իւր կնուծի 'ի վերայ պղծութե նորա . ապա թէ համարձակեսցի որ և առնուցու զնա , ահա բնակեալ է նա խեթիւ և խղճիւ . զի թերեւ դառնայցէ սիրտ նոցա առ միմեանս , և նա դարձեալ արկանիցէ զճառս վերջին առն իւրոյ : Եւ եթէ որ ոչ համարձակի առնուլ զնա յայնմանէ՝ զի երկնչին , ահա ելանէ նա 'ի դերեւ . զի ոչ այրն իւր դառնայ առ նա , և ոչ այլ այր առնու զնա : Եւ եթէ էր ասացեալ օրինացն եթէ յետ մահու առնն վերջնոյ դարձցի նա առ առաջինն անդր , սակայն և այնպէս խեթիւ և խղճիւ բնաւ էր 'ի կնոջէ անտի իւրմէ վասն կենաց իւրոց . կամ 'ի նենգութե առն առաջնոյ , և զրպարտութի լինէր այնուհետեւ , թէպէտ և յօրհաս իւրում մեռանէր նա . և ամենայն զի եհատ նա , զի մի դարձեալ դարձցի լինիցի նա առն առաջնում . զի բնակեսցին նոքա խաղաղութի , զի երկեցուցէ՝ զի մի որ թողցէ զկին :

“Ա՛յ իշխան լինիցիս երբէք զրկել զվերին երկան և զնեղքին . մի հատաներ զյոյս ընկերի քո, զի իբրև զոգիս գրաւէ այն՝ այնպիսին որ գրաւէն , . այս ինքն զի հատեր զյոյս նորա , և զի չիք պէտք ինչ օգտի ՚ի վերին երկանն միայն : Այ՛ , եթէ գրաւեսցես դու ըզ վերին երկանն , և զնեղքին զսատար նորա խափանես դու , և զվարձս նորա պահանջես դու . իբրև զայն , “եթէ կայցես գրաւ զանասուն , , : Զայս ասասցուք , թէ ողորմութիւն ուսոյց նոցա յայնմիկ . իբրև զայն՝ զի ասէ “Ընդ երեկս աւուր ժամանակի դարձուցես նմա զգրաւն , . բայց հերբայեցի , “Մի գրաւեր զերկան և զլուծ նորա , , ասէ :

“Օ գոյ լեր դու , ասէ . հայեաց յանձն քո՛ ի նըշանեալ բորոտութենէ . և պահեսձիք զնոսա յոյժ . և յուշ լիցի քեզ զինչ արար տէր ւծ քո ընդ Մարիամ ՚ի Ճանապարհի անդ , , : Զի թէ ես , ասէ , և Ահա ըսն և Մարիամ պահեցաք , դուք որչափ ևս : Եւ եթէ Մարիամ պատուհասեցաւ՝ զի այսին արար , որչափ ևս առաւել դուք :

“Իթէ ոչ , ասէ , կամիցի եղբայր առն իւրոյ առնու զնա , մատիցէ կին եղբօրն նորա առաջի ծերակոյտ ժողովրդեանն , և հանցէ կօշիկ յոտանէ և թքցէ ընդ երեսս նորա , , : Ոչ եթէ ընդ երեսս եղբօր առն նորա , այլ ընդ կօշին , այս ինքն ընդ ներքանս կօշիկ նորա . վամն զի պատուիցէ նա զայն՝ որ ըստ նմանութե պատկերի կերպարանաց այլ հաստատեցաւ , ասէ՝ թքցէ ՚ի կօշիկ նորա . “Եւ անուանեսցի , ասէ , անուն նորա ՚ի մէջ Իօրայելի՝ տուն բոկացելոյ , , :

Փոխանակ այն՝ զի ասէ “Յասորեստան վարեցաւ հայր իմ , , . հերբայեցի , “Ասորի եր կորուսեալ հայր իմ , , . որպէս և հեթանոսք մնլորեալ , խոստովանելով խոստովանի : Եւ զի ասէ “Ոչ կերայ ես ՚ի նմանէ՛ ՚ի սգաւորութեան իմում , , . հերբայեցի , “Ի ցաւս իմ , , : Եւ զի ասէ “Քննեցի ես զսրբութիւն իմ , , . “Կատարեցի ես , , ասէ . այս ինքն հանի ես զտասանորդել պաղոյն , և ետու ես անտի զւտացւոյն , և տաասնորդեցի ես զնա , և ապա կերայ : “Եւ ոչ սփռեցի ես զնոսա ՚ի պիղծս , , . այս ինքն սրբեցի ես ՚ի տաասնոր-

գերն իմում զնա : «Եւ ոչ ետու ես անտի մեռելոյ » . այս ինքն սեղանոցն , որ գնէին մեռելոցն ըստ սովորութեն՝ որ գործէին 'ի մէջ հեթանոսաց :

Ղարձեալ ասէ ցնոսա . «Եթէ պահիցէք դուք զօրէնս զայս , եկեսցեն 'ի վերայ քո օրհնութիւնս այս , եւ գտցեն զքեզ » . իբրեւ կնքէ եւ մարգարէն յատել իւրում . «Զի եթէ լուեալ էիր քո պատուիրանաց իմոց , եկեալ էր այնուհետեւ խաղաղութի՛ն քո իբրեւ զգետ , եւ արդարութիւն քո իբրեւ զալիս ծովու , եւ եղեալ լինէր զաւակ քո իբրեւ զաւազ առ ամիս ծովու » . իբրեւ զգուշացուցանէր զնոսա յատել իւրում . «Եւայեցարուք , ասէ , ընդ Աբրահամ հայր ձեր , եւ ընդ Սառայ՝ որ ծնաւն զձեզ , զի մի էր նա , եւ կոչեցի բազմացուցի զնա » :

Եւ եթէ այս իցէ Ճմարիտ օրհնութի՛ն օրինացն , եթէ այդ այդպէս իցէ՝ ամենայն հեթանոսք՝ որ հեռի իցեն յօրինաց , ոչ ծնանին եւ ոչ սերնան : Եւ եթէ տեսանեմք մեք , զի ամենայն հեթանոսք որ 'ի ներքոյ երկնից են , առաւել են քան զԽորայէլ ծնընդօք , խաղաղութի՛ն եւ լիութի՛ն , եւ նոքա 'ի գերութե՛ . եւ լաւ են քան զնոսա մովաբացիքն , զի ոչ երբէք վարեցան 'ի գերութի՛ն . լուեալ է , ասէ , եւ դադարեալ , եւ հանգուցեալ են նոքա 'ի մանգութե՛ն իւրեանց , եւ նոքա համբերին զգերութի՛ն եւ զանզաւակութի՛ն որովայնի : Եւ եթէ ասիցեն , եթէ իբրեւ զորդիսն Իսրայէլի խրատեաց զմեզ անձ , ահա աւանիկ եւ ծուրացիքն խրատեցան եւ ցրուեցան . եւ 'ի կատարել եւութեանսուն ամին՝ դարձոյց բնակեցոյց եւ շինեաց զնոսա . եւ որպէս զի մարգարէացան վամս նոցա մարգարէքն , սոյնպէս եւ վամս հեթանոսացն . եւ ահա աւանիկ ասէ «Իբրեւ օրդիք զնդկաց էք դուք ինձ որդիք Խորայէլի » :

Եւ որ առաւելութի՛ն գտանին առ նոսա՝ որ օրի նօք պարծին : Եւ եթէ օրհնութի՛ն ամուսնութեան ընտրեալ էր այլ , ընդէ՛ր պատուիրէր նա վամս սքոռութե՛ն : «Սրբեա , ասէ , դու զԺողովուրդն , զի մի՛ մերձեացին ինչ 'ի կին մարդ . եւ ապա երեւեցայց ես նոցա » : Եւ յայսմ վայրի գարշեցոյց նա զամուսնութիւն . «Եւ քահանայն , ասէ , յաւուրս ժամանակի պաշտա

ման իւրոյ 'ի կին իւր մի մերձեցի , ։ Եւ ընդէր զըկեաց զպաշտօնեայն իւր յօրհնութենէ անտի օրինաց , Եւ ահաւանիկ ոչ միայն զի մի մերձեցին 'ի կին մարդ' պատուիրեաց նոցա , այլ թէպէտ և յերազս ոք տեսանէ , պարտաւորեալ լինի : Եւ զինչ ևս ասասցուք . զկամն նորա գարշեցոյց , եթէ զգործս նորա անարգեաց : Եւ ահա աւանիկ նա ինքնին զուգեաց զնոսա : Այլ զի յայսմիկ ուսցին նոքա զգաստութիւն հեղութեան : Զի թէպէտ և նա ետ զամուսնութիւն , սակայն զի մի զանցանիցեն մոլեբար իբրեւ զգազանս աղտեղիս , և ուսցին դարձեալ թէ սուրբ է նա և պաշտօնեայք իւր : Վասն այսորիկ և քահանայիցն հրամանս ետ նա՝ թէ յորժամ մատչիցին նոքա 'ի պաշտօն նորա , սրբեցեն զանձինս իւրեանց : 'Մի' , ասէ , ասասցէ ներքինին՝ թէ ես եմ փայտ չոր . քանզի տաց ես նոցա 'ի տեղւոյ իմում անուն՝ որ առաւել իցէ քան զուստերաց և զգաստերաց յաւիտեանս ժամանակաց , ։ Եւ Եղիսէն առաւելաւ յայնմիկ՝ զի ոչ ամուսնացաւ . և Եղիս վերացաւ յերկինս . և Դանիէլի հրեշտակք իջին յողջոյն նորա : Եւ եթէ ասիցեն՝ եթէ ունիցին նոքա կանայս , և ահա գրեալ է վասն Եղիսէի՝ թէ սուրբ էր և յայնմիկ , զի նախա տեաց նա զԳեհէզի վասն ստացուածոց . յայտ է թէ ինքն չունէր ինչ ստացուածս , և յամենայն երկրաւոր գնացից ազատ էր : Սոյնպէս դարձեալ և Եղիս : Եւ առաւել համարեցաւ այլ՝ սրբութիւն քան զամուսնութիւն . յայնմիկ՝ զի ընդ սրբութին խօսեցաւ , և նմա հրամայեաց մերձենալ 'ի սպաս պաշտաման իւրոյ . ետ նմա անուն՝ որ առաւել իցէ յաւիտեանս ժամանակաց : Զայս ընդդէմ՝ այնոցիկ ասացաք , որ օրինօքն պարծին . այլ մեք զերկոսին ընդունիմք ըստ կամաց այլ . զի նա ինքն է տէր ամուսնութե , որ նկարէ մանկունս յարգանդի . և նա ինքն է Աստուած սրբութեան , և բնակի և հանգչի 'ի սուրբս՝ որք յազութիցին բնութեան իւրեանց կամօք իւրեանց , և նմանօք եղեն հրեշտակաց :

ԳԼՈՒԽ Գ

ՎԵՐԱՄԱՆ ետ Մովսէս և ասէ . «Թորժամ անցաւ նիցէք ընդ Թորդանան գետ , կանգնեսլիք դուք անդ արձանս . և բռեսցես զնոսա բռով , և գրեսցես 'ի վերայ նոցա զպատճէն օրինաց , և թողլիք զնոսա անդր . և շինեսցես անդ սեղան 'ի բոլորակ վիմաց , և մի միսեսցես 'ի ներքս երկաթ » : Եւ ահա աւանիկ տախտակք՝ որ գրեալ էին 'ի վերայ նոցա , 'ի տապանակի անդ եգան . և նա և սեղանն՝ որ գործեալ էր երկաթով Բեսելիէլի որդւոյ Ովրայ , անդ էր 'ի մէջ որդւոցն Իարայէլի : Իսկ օրէնքն՝ որ թողան 'ի մէջ հեթանոսաց , զի ճաշակեսցեն հեթանոսք զշորհս և զողորմութիւն՝ որ եղեն 'ի մէջ որդւոցն Իարայէլի . զի յորժամ ընթեռնուցուն նոքա զօրէնս , մեծաոցի նոցա գիւտք օրինացն , կամեսցին նոքա դառնալ առ Աստուած , իբրեւ տայ ձեռն անթլփատութեան նոցա սեղանն՝ որ շինեցաւ 'ի բոլոր վիմաց , զի չիցէ միտալ 'ի նոսա երկաթ : Եւ զի ակնարկեսցէ , զի և հեթանոսաց տուեալ լինէին օրէնքն և սեղան 'ի վախճան ժամանակի : Զի ահա աւանիկ 'ի սկզբանէ իսկ առ ինքեանս թողին զնոսա , զի թեւակոխեսցին նոքօք . վասն այսորիկ և ասէ . «Շունք ուտեն և 'ի փշրանաց սեղանոյ անտի տեառն իւրեանց և կեան » : Եւ քանզի գործեցաւ նա 'ի լուր խրատուն եգիպտացւոց 'ի զգուշացուցանել անդ՝ զի մի մեղիցեն , ոչ կաց մնաց նա մինչև յայսմ միայն . զի որ միանգամ զիրատ զոր լուեալ էր նոցա , թէպէտ և մեծամեծք էին , սակայն ոչ խռովեցուցանէին . վասն այսորիկ ասէ ցնա . «Եթէ ոչ լուիցես դու ձայնի տեառն այ քո , ածցէ տէր անձ 'ի վերայ քո » . ոչ դադարեաց . «Այլ և զամենայն արտս չարչարանաց՝ որ չիցէ գրեալ 'ի գիրս օրինացս այսոցիկ » . իբրեւ զայն՝ զի ասէ , եթէ «Ահա աւանիկ ես հաստատեմ 'ի վերայ ձեր չարիս , և նիւթեմ 'ի վերայ ձեր զխորհուրդս բարկութե » : Զոր օրինակ և գործեցաւ իսկ արդեամբք : «Զի եթէ , ասէ , արարածս նոր հաստատեսցէ անձ , և բացցէ

երկիր զբերան իւր և կլցէ զնոսա , , այլովքն հան-
դերձ : Զի յորժամ լուիցէ նա զսպառնումն բանիւ , և
ընկացի զպատիժս պատուհասից արդեամբք , խրա-
տեսցին նոքա պահել զպատուիրանն : “ Եւ զայլ
ախտս չարչարանաց , ասէ , որ ոչ իցէ գրեալ , ածցէ 'ի
վերայ քո ” : Եւ եթէ առ չարիսն ունի անձ յաւելուլ
'ի վերայ խրատուն առաջնոց՝ որ չիցէ գրեալ , քանի
ևս առաւել առ արդարսն ունի անձ յաւելուլ զբարիս՝
զոր ինչ ակն ոչ ետես , և ունկն ոչ լուաւ , և 'ի սիրտ
մարդոյ ոչ անկաւ :

Եւ զի ասէ “ Հարցէ ' զքեզ տէր անձ քո 'ի բոց և
յայրումն , ” հերբայեցի ասէ . “ Ի սառսուռ սաստկա-
ցեալ քերմամբ ” : Եւ զի ասիցէ “ Ընդ մի ճանապարհ
եկեսցեն 'ի վերայ քո թշնամիք քո , և ընդ եւթն
ճանապարհ փախիցեն յերեսաց քոց ” . յաւուրս Դաւ-
թայ և Եղիկայ : Եւ իբրեւ մեղան նոքա՝ դարձաւ
եղև 'ի վերայ նոցա յետս ընդդէմ : զի փախեան նոքա
ընդ եւթն ճանապարհ յերեսաց թշնամեաց իւ-
րեանց : “ Սերմն բազում հանցես , ասէ , և սակաւ ինչ
ժողովեսցես , , . այն իսկ է՝ զի ասէ . “ Քուռ սերմա-
նեսցես , և արասցես դրիւ մի , և դարձուցէ զքեզ
տէր անդրէն յերկիրն եգիպտացւոց հազարաւոր
զօրօք ” . այս ինքն թշնամեաց՝ որ դերեն զքեզ : Եւ զի
ասէ “ Ոչ ետ ձեզ տէր սիրտ գիտել , և աչ տեսանել ,
և ականջս լսել , , . յայլ բարբառ ասի այս . այս ինքն
ետ ձեզ . զի ասէ իսկ զկնի նորա , եթէ “ Հանդերձք
ձեր ոչ մաշեցան և կռիկք ձեր , , և այլն ևս :

Եւ զի ասէ “ Պաշտեցին նոքա զաստուածս՝ որ ոչ
գիտացին նոքա , , . այս ինքն յերկրպագութի . այն
իսկ է զի ասէ . “ Բաժանեաց ետ զնոսա անձ հեթա-
նոսաց ” : Փոխանակ այնր՝ զի ասէ “ Ոչ եթէ ընդ ձեզ
միայն կացուցանեմ զուխտս զայս , այլ և ընդ ամե-
նեսին որ աստ իցեն , , . հերբայեցի , “ Այլ և ընդ այ-
նոսիկ որ չիցեն աստ ընդ ձեզ , , . այս ինքն ընդ այնոսիկ
որ ոչն իցեն ծնեալ : Այն զի ասէ , եթէ “ Եղիցին
ցրուեալք քո ” . եղև յաւուրս Զորաբարէլի : Եւ զի
ասէ “ Եղիցին երկինք 'ի վերայ քո պղնձի , , յաւուրս

Աբալաբու : Եւ զի ասէ “Մի՛ի ձենջ հալածիցէ զհալարս” , , յաւուրս Գեղէոնի և Դաւթայ : Եւ զի ասէ “Նախանձեցուցի զձեզ յազգս անպատումս” , , վասն ազգին քրիստոնէից . այն է զի ասէ . “Օրհնեցէք հեթանոսք ժողովուրդ նորա” , :

“Ի՛ ժամանակի իբրեւ բաժանէր , ասէ , բարձրեալն զազգս ամենայն , և սփռէր զորդիս մարդկան , կացոյց զսահմանս հեթանոսաց՝ի թիւ որդւոցն Խարայէլի” , . բայց հերբայեցի , “Ըստ թուոյ որդւոցն Խարայէլի” , : Վասն զի իւթանասուն լեզու բաժանեցան հեթանոսք ըստ նմանութե իւթանասուն որդւոցն՝ որ իջանէին յեգիպտոս : Բայց դարձեալ կացոյց սահմանն զհեթանոսաց , վասն եւթն ազգացն՝ որ բաժանեցան ի ժառանգութի ըստ թուոյ որդւոցն Խարայէլի : Եւ զի սահմանեցան դարձեալ հեթանոսք ի ձեռն երկոտասան առաքելոցն : Զի դարձեալ միւսանգամ յերկրի զկուպաշտութի փայտեղէն քարեղէն կռոցն նոքա մի ելլեն :

Փոխանակ այնր՝ զի ասէ , թէ “Տէր արգել զնոսա” , . հերբայեցի ասէ , “Արհամարհեաց զնոսա , և թշաւիք մեր վրէժինդ իրք մեր” , . այն է զի ասէ . “Սոքա ժողովուրդ են այ” , : Եւ զի ասէ “Բուռն հարեալ ունիցի ձեռն իմ՝ի դատաստանի իբրեւ զլուծ կշռոց , զի չափիցէ նոցա և թշնամեաց նոցա” , որպէս Մովսէսն զԱմաղէկն և զԽարայէլ . խորհուրդ խաչին՝ որ հատուցանէ իւրոցն և թշնամեացն իւրոց : Փոխանակ այնր՝ զի ասէ “Եւ ընդ նմա՝ի բիւրոց սրբոց” , . հերբայեցի ասէ “Եւ գայ նա՝ի մեծ սրբութենէ” , . այս ինքն՝ի լեռնէ անտի՝ի Սինէ . այն է զի ասէ . “Ի տեղի ուր հասեալ կաս դու ի վերայ նորա , սուրբ է . և յաջմէ նորա հուր կիզելոյ” , : Նշան ետ մեզ , այն է հաւրն՝ որ ի գլուխ լերինն երեւեցաւ : Փոխանակ այնր՝ զի ասէ “Նոքա հասանեն յոտոքս” , . հերբայեցի ասէ , “Եւ նոքա երթան և յոտս նորա , և ընդուսին՝ի բանից անտի նորա զօրէնս՝ զորպատուիրեաց Մովսէս : Փոխանակ այնր՝ զի ասէ “Եւ եղիցի ի մէջ Խարայէլի նշան , և եղև ի մէջ Խարայէլի իբրեւ զԹադաւոր” , . վասն նորին Մովսիսի ասէ , ի ժողովել իշխանացն ժողովրդոց ի միասին ազգօքն հանդերձ Խարայէլի :

() օրհնեաց Սահակ զՅակովբ 'ի յերկրին քանա նացւոց : Օրհնեաց Յակովբ զերկոտասանն յերկրին եգիպտացւոց , զի ցուցցէ եթէ Յուդայէ է ընտրու թի թագաւորութե . և զի քաջալերեսցէ զնոսա ելա նել նոցա յերկրէ անտի եգիպտացւոց : Եւ Մովսէս յա նապատի անդ . օրհնութիւն իւրովք . զի զօրացուացէ և յորդորեսցէ զնոսա 'ի մոմանելն նոցա յերկրին պարգեաց , և յերկրին եգիպտացւոց մի դարձցին նոքա :

Օրհնութիւն Մովսէսի 'ի վերայ որդւոցն Իսրայէլի երկոտասանիցն :

Վարդմեաց ստուգութիւնն 'ի ժամանակ խրատու որդւոցն արդարոյ մինչև ցայս վայր : “Կեցցէ , ասէ , Բուբէլ ,” : Եւ օրհնութիւնք Յակովբայ , “ ժողովեցարուք զի պատմեցից ինչ ձեզ զինչ պատահեցւոց է ձեզ յաւուրս յետինս ժամանակաց ,” : Իբրև կիսուց 'ի նոցանէ անէծք են , ընդէր եղև Մովսէս հակառակ ընդդէմ Յակովբայ , յայնմիկ՝ զի ասէ՝ բայ “Կեցցէ Բուբէլ ,” : Բայց ոչ եթէ զօրհնութիւն նորա փոխէ , այլ զանէծս նորա : Սակայն և ոչ արժան իսկ էր Մովսէսի անդիծիւք սկսանել առ Հռուբէլ . զի պարտէր նա նմա զվարձս խրատուն նորա՝ որ եղև առ Յովսէփ . վասն այսորիկ իբրև աղօթիւք ասաց . ասէ “Կեցցէ Բուբէլ և մի մեռցի ,” : Զի 'ի ժամանակին իբրև մեղաւ Բուբէլ , գիտացին զնմանէ հայրն և եղբարք նորա : Իսկ իբրև արդարացաւ նա Յովսէփաւ , ոչ դք գիտէր զնմանէ . բայց անձ որ սրտագէտն է : Եւ զի գիտէր անձ՝ եթէ կորդէ նա զՅովսէփ 'ի ձեռաց նոցա , ոչ գիւ պեցոյց զնա անդ 'ի ժամանակի իբրև վաճառէին զնա . վասն այսորիկ ոչ ծածկեցաւ ապաշխարութիւն նորա : Եւ յայնմիկ որ թէպէտ բաժակաւ ջուր ցուրտ տացես դու յանուն նորա ծարաւոյ՝ ոչ զրկէ զքեզ : Այլ կա բաց ոչ Բուբէլ հանել զՅովսէփ 'ի գոյ անտի . զի խորհուրդք եղբարցն Յովսէփու յայնմ՝ ժամու սպան ման էին . և եթէ էր նորա մեռեալ , ազգ մի ջնջեալ լինէր 'ի թուոյ անտի երկոտասանիցն : Վասն այսորիկ “Կեցցէ Բուբէլ ,” . վասն զի կամեցաւ նա կեցուցանել : “Եւ եղիցին թիւք նոցա 'ի համար ազգաց ,” . զի խորհեցաւ նա պահել զազգ մի թուովք իւրովք :

Ետես իսկ Մովսէս՝ եթէ ընկալաւ զաւակ նորա ըզպատիժս պատուհասից իւրոց, Դադան և Աբիւրոն որդիք Եղիաբու որդիք Բուբէլայ, ետ նմա կեանս . և այն Յակովբայն ոչ խախանեցաւ, և ոչ շնորհքն՝ որ եղեն առ Յովսէփ՝ զրկեցան :

Եւ զՄովսէս ասաց նախ ՚ի վերայ Բուբէլի վասն անդրանկութեցն . ապա ՚ի վերայ Յուդայի վասն Թադաւորութեց . և ապա ՚ի վերայ Ղեւայ վասն քահանայութեն . ապա ՚ի վերայ Բենիամինի վասն տեղւոյն Թադաւորութե և քահանայութեան . ապա ՚ի վերայ Յովսէփու դարձեալ վասն Թադաւորութեն :

“Եւ զայս, ասէ, ասաց Յուդայի, զվնի այնր Բուբէլայն : Եւ յայսմիկ զի ած յարեաց և խառնեաց զնա ընդ նմա, յայտ է՝ թէ և զնա ևս ՚ի չար իրաց ընդէ անցուցանէ նա . այս ինքն յայնմանէ, զի եմուտ Բենիամին փոխանակ ընդ նորա : Եւ վասն զի գողացաւ Յուդայ ՚ի քաղաքէ անտի յանդրանիկ քաղաքացն՝ որ տասանորդեցաւ, գողացեալ եղև նա ՚ի Թադաւորութէ անտի Յուդայ զքառասուն ամ : “Եւ ՚ի Ժողովն նորա, ասէ, Ժողովեսցին, զի ձեռք նորա ընտրեսցեն նմա . ինքն զինքն դատիցի, ,. լսի այս և վասն այնր՝ զի բարձաւ Թադաւորութիւն Բենիամինի, և եմուտ Յուդայն . և վասն դարձին որ ՚ի Բաբելոնէ, զի յեւանեւն նորա անտի նա Թադաւորեաց : Բայց հերայեցի փոխանակ այնր՝ զի ասէ “Եւ ՚ի Ժողովն նորա Ժողովեա զնա, ,. “Հան զնա, , ասէ . այս ինքն տիրեցո զնա : Եւ փոխանակ այնր՝ զի ասէ “Ձեռք նորա ընտրեսցեն նմա, և օգնական ՚ի Թշնամեաց իւրոց լեր նմա, ,. “հերայեցի ասէ . “Ձեռք նորա խնդրեսցեն ըզվրէժ նմա ՚ի Թշնամեաց իւրոց, և օգնականք և պաշտպանք եղիցին նմա, , :

Եւ զԵլաւ Շամաւն յօրհնութենէն, զի մի արգելցէ նա զբազումս ՚ի յօրհնութենէ . և եղև նա ՚ի կողմ անիծչացն, զի մի ընկալցին բազումք զանէծ : “Զայր, ասէ, անօրէն որդիք իւր արդարք անիծցեն, ,. զի վասն նորա եղեն նորա նախատ յաշխարհի . բայց ստուգութիւն՝ իբրև խորհրդիւ անէծ զՇամաւն ՚ի բերան

Մովսիսի , յայնմիկ՝ զի զօրհնութիւնն Ղևեայ հնա-
րեցաւ արար զնա անէծս Շմաւոնի :

“Եւ որ թաւառաւ զուր , ասէ , զօրհնութիւն թշնամեաց
նորա , ասաց վասն Ղևեայ : Զի թէպէտ և կատարի
այս ի վերայ Մովսիսի , որ կոտորեաց նա յանցս Յոր
դանան գետոյ զթագաւորսն ամուրհացւոց , սակայն և
ոչ առ Փենեհէս օտար է այս , այն որ ցցեաց զտէգն
իւր ի քամակ Զամբրեայ նահապետին շմաւոնեանց
զնդին՝ թշնամւոյն Ղևեայ : Եւ եթէ ասիցես , ընդէն
ոչ քաւեաց Մովսէս զՇմաւոն որպէս զԲուրհէն , յիշեա
դու՝ զի տէր զնա երազոյն Յովսէփու ամենայն ընդդէմ
Բուրհէի անդրամական էր . և փոխանակ զի նա ատեա
ցէ աւելի քան զեղբարսն իւր , աւելի քան զամենեւին
սիրեաց զնա : Արդ տես դու՝ զի որպէս Յովնաթանն
յաղթեաց նախանձու և ատելութե տանն Կայէնի ,
ջանացաւ ապրեցողցանել զՅովսէփ , և ոչ կարաց : Եւ
զի ետես Մովսէս զլալիւնն և զարտասուս Ռուբէնի
ի վերայ գբոյն Յովսէփու , քաւեաց զնա : Կամ վասն
Զամբրեայ ոչ օրհնեցաւ Շմաւոն : Զի զոր օրինակ
Յակոբ հան զԲուրհէ ի թուոյ անտի ազգաց մինչև ի
Մովսէս , զի ած խառնեաց զնա , սոյնպէս վասն Նա
բովբայ յապաղեալ խափանեցաւ թագաւորութիւն
Յուդայ ի նմանէ մինչև ի Դաւիթ : Սոյնպէս և
պատճառքն՝ որ մերժեցին զՇմաւոն , չէին սակաւ
ինչ . զի քսան և չորք հազարք սատակեցան ի պատ
ճառս նորա : Արդ թող նա , զի մի եկեացեն ի մէջ
յանցանք նորա , և անիծիւք նզովեացի նա : Կամ
վասն այսր ոչ օրհնեցաւ Շմաւոն ի Մովսիսէ , զի
կացցեն մնացեն ի վերայ նորա անէծքն Յակովբու
հօր իւրոյ : Եւ եթէ ասիցեն՝ թէ ահա շմաւոնիկ Ղևի
ընկեր նորա օրհնեցաւ , այլ Ղևի ելոյծ զանէծս հօր
իւրոյ զօրծով նախանձուն իւրով ի Գորէբ լերին .
զի զեղբարսն իւր նա ոչ ծանեաւ :

“Եւ աստարումն քո , ասէ , և լոյս քո առն արդարոյ , .
այս ինքն գիտութի քո և ճշմարտութիւն քո իբրեւ
տուն կատարելոյ : “Փորձեցի զնա , ասէ , ի վերայ
Յուդոյն հապառակութե , զի արբոյց նոցա . և վասն
զի զհայր իւր և զմայր իւր ոչ ծանեաւ , պահեցին
նոքա զպատուիրանս քո . ” զայն ինչ՝ որ ասացաւ նա :

ցա գործել, եթէ “Հարէք սատակեցէք, ասէ, իւրաքանչիւր զեզայր իւր”, ։ Վասն այսորիկ “Ուսուցեն զիրաւունս քո Յակովբայ”, ։ զի մի մեծասցին նոքա, և երկու՝ զի նոցա վայելէր ուսուցանել ։ Որովհետեւ ուսուցին նոքա, “Դիցեն խունկս բարկութեան քո ՚ի Հանգիստ”, ։ յորժամ անցանիցէ Խարայել զվարդապետութեամբ նոցա ։ “Եւ կատարումն ՚ի վերայ սեղաւնոյ քո”, նոյն իսկ է ։ Եւ որպէս և նոքայն ոչ ծանեան զհարս իւրեանց, “Խորտակեա և դու զգորութիւնս թշնամեաց նորա”, ՚ի վերայ փղշտացւոցն՝ որ խորտակեցան առաջի Սամուէլի որդւոյ Ղլեայ . և Յոյնքն դարձեալ, զի ոչ կացին առաջի տանն Յուդայ Մաւկաբէի ։

Եւ ց Բենիամին ասէ . “Սիրեցեալն ՚ի տեառնէ բնակիցէ յուսով . և Աստուած հովանի իցէ ՚ի վերայ նաւրա, և իմէջ ուսոց իւրոց հանգուցէ զնա” . քանզի Երուսաղէմ միջնորդ է սահմանաց, և հանգիստն անդ է՝ ուր Հապքէլն մեռաւ ՚ի սահմանս Բենիամինի ։

(1) Յովնէփ օրհնեաց Մովսէս աւելի քան զՅակոբ զօրհնութիւն զերկնից և զերկրի և զանգոց և զցօղջ և զարեգակնս և զլուսնի և զդրախտի և “Ի գլխաւոր լերանց արեւելեց” . հերբայեցի ասէ, “Եւ ՚ի քաղցրութենէ լերանց առաջնոց” ։ “Անդրանիկք, ասէ, զուարակաց գեղ նորա” . փոխանակ մեծամեծ պարգեւացն՝ զոր մատուցանէ նա իբրեւ զԹագաւոր, և ոչ եթէ ուշ և ամիկս իբրեւ զանանկս և զաղքատս . կամ վասն պարգեւացն զոր առնու նա ՚ի ժողովրդենէ անտի ։ Բայց հերբայեցի ասէ . “Իբրեւ զանդրանիկս զուարակաց գեղեցիկ է նա, և եղջերք նորա իբրեւ եղջերք միեղջերոյ” . վասն թագաւորութեան՝ զոր Թագաւորէ նա ։

Բայց դարձեալ, նա՝ թէ ունի և տիրէ, մեկնէ զնա յասել իւրում, թէ “Այս բիւրաւորք Եփրեմի” . Յետու որդի նաւեայ, որ կոտորեաց զԵփրս հեթաւորսաց, որ կոտորեաց զհազարս Գեղէոն յաղքէ անտի Մանասէի . իբրեւ զայն՝ զի ասէ “Ետուն Դաւթայ զԵփրս, և ինձ զհազարս . և նորա է արքայութի” ։ Սոյնպէս և Եփրեմի վասն բիւրուցն ։ Բայց դարձեալ, “Եղջերք նորա իբրեւ եղջերք միեղջերոյ”, զի ոչ ՚ի վե

բայ միեղջերոյ լուծ, և ոչ 'ի վերայ Եփրեմի հնազանդութի: "Եւ նոքօք զհեթանոսս խեթկեացէ", իշխանութիւն անձին իւրոյ. Եւ զի ասէ "Մինչև 'ի ծագրս երկրի", զի յայտ արասցէ՝ զի եթէ նոքա արդարասցին, 'ի նմանէ չիք ինչ արդեւումն ինչ 'ի ծագս երկրի: "Այս բիւրաւորք Եփրեմի", զի նա թագաւորեաց, այս ինքն Յորոբովամ: Եւ զի ոչ ցուցցէ՝ թէ յաւուրսն՝ յորում թագաւորէ Յորոբովամ, պատառի 'ի նմանէ եղբայրն իւր լինել ընդ Հռովբովամու: Իբրեւ ակնարկէ վասն պատուոյ փառացն, որ լի նէր նմա վասն իշխանութե տէրութե զոր առնոյրնա 'ի վերայ եղբարց իւրոց, ասէ "Այս բիւրաւորք Եփրեմի, և այս հաղարաւորք Մանասէի", :

"Ուրախ լեր Զաբուղոն յեւս քո", . այս ինքն 'ի վաճառս քո: Յորոշելն իւրում 'ի վերայ ծովու, զի 'ի վերայ նաւահանգստացն բնակեալ նստէր նա 'ի շաւեղս հեթանոսաց. մուտս արմտեաց՝ որ մտանէին նմա 'ի նաւաց անտի. զի յամենայն ազգաց հեթանոսաց առնօյր նա և զպտուղ տուրեւառ բազում աշխարհաց. "Վասն այսորիկ զկաթն հեթանոսաց ծծեսցէ նա", :

Բայց Խաբար, "Յարկս քո գեղեցիկ բնակութիւն իւրով", . հեթանոսքն՝ որ շրջին 'ի ծովու անդ, ուխտս ուխտիցեն նաւահանգստին. վասն զի զլրութիւն ծովուն դիւիցեն նոքա: Տեարք լերին, և նաւք՝ որ թաղեալ են աւազով՝ յորժամ թափէին զերանութիւնս, բառնային աւազ և գնային՝ զի մի տապալիցին: Բայց հերբայեցի, "Նաւք որ կայցեն 'ի վերայ աւազոյ, և հեթանոսք 'ի լեառն անդր կարդայցեն զմիմեանս. զի ժամադիր լիցին, և երթիցեն 'ի նաւահանգիստն տանն Խաբայելի, և զոհեսցեն անդ զտուրս ողորմութե իւրեանց", : Եւ դարձեալ. հեթանոսք 'ի լեառն անդր կարդասցեն ըստ սովորութե նաւավարաց՝ որ երթան և կարդան, եթէ յոր քաղաք երթայցեն:

Իսկ "Անդ զոհեսցեն զզոհս արդարութե", . Զաբուղոն և Խաբար, զի լինի հաւասարութի միարանութե յերկրի նոցա. այս ինքն՝ զի մեծանան յղփութի կարօտեալք, և յագին լիութիւն քաղցեալք: Ընդէր ասէ: Այլ քանզի լիութիւն մեծութե ծովուց

դիեն նորա: Բայց դարձեալ հեթանոսքի լեառն անդըր կարգայցեն . այս ինքն 'ի տեղում՝ ուր յարկքն խաքարու էին, որ անցանէն ընդ ծով և հային ընդ լեառնն խաքարայ. զի անտի ելանէր նոցա օդ խաղաղութեան, և լինէր նոցա ցածուսն և դադարումն հանգստեան: Եւ քանզի 'ի հանդիպէ անտի նորա գլտանէին հեթանոսք հանգիստ նաւաց իւրեանց, իբրեւ խոտորէին անդ հանգչել, ելանէին 'ի լեառն զոհել: Եւ քանզի հրէութի չառնուին յանձն աշակերտել զոհել նոցա յերուսաղէմ, ոչ տային նոցա թոյլ՝ զոհել դիւաց, այլ անուանն այ: Եւ զի յանձն առնուին նորա, յայսմիկ ասաց Մովսէս վասն զոհից նոցա՝ թէ արդարութի էին: Եւ յայնմիկ՝ զի յորժամ ելանէին բնակիչք ծովուն 'ի լեառնն 'ի յարկս խաքարու գնէին և վաճառէին, թէ զլիութի մեծութե դիւիցեն նորա . այս ինքն բնակիչք աշխարհին: Խառնեաց անձ զանէծս 'ի բերան Յակովբու, և ցանեաց 'ի մէջ ամենայն իարայելի 'ի ձեռն Շմաւոնի և Ղլեայ: Խառնեաց դարձեալ անձ զօրհնութիս 'ի բեքան Մովսիսի 'ի ձեռն խաքարու և Զաբուղոնի, և սերմանեաց 'ի մէջ ամենայն հեթանոսաց՝ որ զօհեն զզոհս արդարութե:

“()ըհնեալ է այն, որ ընդարձակեաց Գաղայ յաշխատութէ անտի”, . քառասուն ամ նախկին նա հանգեաւ, խորտակեաց զբազուկ և գիշիան յայն կողմ՝ Յորդանան գետոյ, և յայս կողմն կոտորեաց նա: “Եւ ետես, ասէ, նա՝ 'ի նմա . զի նա նախ ժառանգեաց զառաջինն . զի անդ թաղեալ վիճակ մարգարէին”, . այս ինքն զի անդ թաղեալ է Մովսէս: Եւ փոխանակ այնր՝ զի ասէ “Ետես նա 'ի նմա”, . հերբայեցի՝ “Ետես այլ ևս՝ որ արժան էր նմա, զի անդ թաղեալ է բաժին մարգարէութեան . և գայ նա զօրս վարօք զօրացն ժողովողեան”, . վասն նախեթի: “Զարդարուիս տեառն գործեաց”, . զի մատոյց նա զդուստր իւր պատարագ: “Զիրաւունս և զօրէնս նորա 'ի մէջ իարայելի”, . այն իսկ իէ՝ որ երթան դատերն իարայելի տարւոյէ 'ի տարի, և լան վասն դատերն նախեթի:

1 Երեմիայի նախնա. ուղղեցաւ ըստ յաջորդին:

“Վան կորին առեւծու”, որդի 'ի Մանթանեայ 'ի Թագաւորութիւն անտի Ուլգ արքայի, զիէ զբարութիւն Բայց դարձեալ “Վան կորին առեւծու”, Սամիր սողն . որ առնոյր աւար 'ի Մենթեայ, այս ինքն 'ի փղտացւոց անտի :

“Նեփթաղիմ յադուրդ յագեալ, լցեալ բարւոյ կամօք նյ . ծով և հարաւ Ժառանգութիւն նորա ” : Եղև նա նաւահանգիստ ծովու, և բանակեաղ 'ի ցաւ մաքի . վասն այսորիկ յագեցան կամօք նորա ամենայն բարութիւն, և լի է օրհնութեամբ տեառն, և տայ նա զպատարագս բարիս, զի օրհնեաց նա գովութիւն զթա գաւորս : “Նեփթաղիմ յագեալ կամօք”, վասն Բաբակայ որ օրհնեցաւ, և Դերովայ :

“() օրհնեալ յորդիս Ասեր ” , զի տասանորդէր . զի զամենայն զոր միանգամ տացես ինձ, տասանորդէլով տասանորդեցից քեզ : “Եւ եղիցի, ասէ, ընդունելի կամօք յեղբարս իւր ” . զի գտանին կամօք նոցա առ նա : Եւ զի եմուտ Ղեի փոխանակ ընդ նորա, նա ոչ նախանձեցաւ . վասն այսորիկ օրհնեաց նա : Եւ զի ետ նա զօծումն իւր եղբոր իւրոյ, “Մխեսցէ 'ի ձէթ զոտն իւր ” . ցոյց թէ պարարտ է երկիր նորա և հզօր : Եւ քանզի քահանայութիւն և Թագաւորութիւն էր՝ առաջնորդութիւն խառնեալ է 'ի նմա, և հզօր է նա իբրեւ զերկաթ և զպղինձ՝ զի խառնեալ են ընդ միմեանս, ասէ ցնա . “Երկաթ և պղինձ կօշիկք քո ” . զի կոխիցես զթշնամիս քո : “Որպէս աւուրք քո, ասէ, զի բազում իցեն, բազմասցի զօրութիւն քո ” : Կամ զի երկիր նորա ապամացւոց երկիրն էր, ասէ “Մխեսցէ 'ի ձէթ զոտն իւր ” : Եւ զի մերձ էր նա 'ի կողմանս մարասացւոց, ասէ “Երկաթ և պղինձ կօշիկք քո ” : Փոխանակ այնր՝ զի ասէ “Որպէս աւուրք քո և զօրութիւն քո”, և այլ ևս . հերբայեցի, “Որպէս մանկութիւն քո, ծերութիւն քո ” :

“Այս քոյ իբրեւ զած Իարայելի, որ նստի յերկինս վասն օգնականութե քո՝ և մեծվայելութիւն իւրով զբարձունս հնազանդէ . ած նախ և 'ի ներքոյ ըզբռունս աշխարհի ” . այս ինքն զպատերազմօղս : Իբրեւ զայն զԵսայեայն՝ զի ասէ “Հրամայեցէ տէր ւած 'ի վերայ զօրութեանց բարձանց 'ի բարձունս, 'ի վերայ

Թագաւորութեց երկրի յերկիր , փոխանակ այնր՝ զի ասէ «Օգնական իցէ քեզ տէր անք քո , և ոչ եթէ 'ի սուր սուսերէ պարծանք քո » . հեբբայեցի , «Վահան է նա , ասէ , օգնականութեան քո , և սուր պարծանաց քոց » :

Յակովբ զյանցանս Ռուբէնի յիշատակէ ¹ , վասն զի պղծեաց զանկողինս նորա : Իսկ Մովսէս վասն բարւոյ խրատուն՝ զոր ետնմա վասն Յովսէփու , քաւեաց զմեղս նորա , և ամ խառնեաց 'ի Թիւ համարուց :

Յակովբ զՀամուտնի և զՂեւեայ գարձեալ զյանցանս երկրորդէ . և զԲնէլ ասէ . « Յրուեցից զնոսա » : Դաւանայ այնուհետեւ յօրհնութիւն Մովսէս , մեկնէ զնա գործողն՝ որ եղև 'ի Բորեք լեառն , և ստուգէ զբանն Յակովբայ իբրև ցարգ չև ևս լեալ էին քահանայք : Զի միաբանեցին , ասէ , քահանայքն , և դիցեն խառնկա 'ի բարկութե քում . և զի ասէ բաժանեցից զնոսա . Ղեւեայ ոչ տուաւ ժառանգութիւն Համուտնի , զի սակաւ էր . ետուն նմա վերագիր յիւրաքանչիւր ժառանգութե եղբօրն իւր :

Յակովբ վասն Յուդայի ասէ . « Ի սպանմանէ , որդեակ , ելեր » . վասն այնր թամարայն և Յովսէփու : Մովսէս ասէ . « Լուր , տէր , ձայնի Յուդայի , և 'ի ժողովս նորա ժողովեա զնա » . յայտ առնէ զգերուութի նորա : « Ձեռք նորա ընտրեացեն նմա » . զի ինքն յինքենէ Թագաւորեցէ :

Եւ Յակովբ ասէ Զաբուղոնի և Խաբարու վասն ժառանգութե նոցա . մարգարէացաւ՝ զի Զաբուղոն 'ի նաւահանգիստ բնակեալ էր , և Խաբար 'ի ծով եզերի և 'ի լերին . և Զաբուղոնի դարձեալ 'ի նմին լերին մինչև 'ի Սիզոն : Մովսէս Թարգմաննէ զնա . « Ուրախ լեր , ասէ , Զաբուղոն , յերս քո . Խաբար , յարկս քո . հեթանոսք՝ որ առ լեառն՝ կարդասցեն » . և այլ ևս :

Յակովբ ասէ . « Դան դատեսցէ զժողովուրդ իւր » , վասն Սամիսոնի : Մովսէս մեկնէ զնա . « Դան կորիւն առեւծոն » . որդի է 'ի Մենթանոյ :

Յակովբ վասն Գադայ ասէ . « Ընդ աւազակս ել

¹ Եօթնական յիշատակէ :

ցէ, և նա առաջնորդեսցէ գնացից նոցա , քանզի 'ի ժամանակի իբրև ժառանգեցուցանէր Մովսէս զՌուբէն և զԳադ , ասաց՝ թէ անցէք առաջի եղբարց ձերոց, և հարստութի վերջնոյն 'ի զօրութի առաջնոյն գտեալ լինէր : Մովսէս մեկնէ զնա . «Օրհնեալ այն՝ որ ընդարձակեաց Գադայ ,» :

Հակովբ վասն Ասերայ ասէ . «Ի պարարտութեան հացի, և համբարակ դնէ զնա թագաւորաց ,» : Մովսէս թարգմանէ զնա . «Եւ եղիցի , ասէ, ընդունելի յեղբարս իւր, և միեսցէ 'ի ձէթ զոտն իւր ,» . ցոյց՝ թէ պարարտ է երկիրն նորա և հզօր :

Հակովբ վասն Նեփթաղիմայ ասէ . «Հրեշտակ թեթեւ երազութեամբ ,» : Մովսէս թարգմանէ զնա , «Նեփթաղիմ՝ յագեալ կամօք , և տայ զխօսս՝ զի օրհնեաց նա զթագաւորս ,» :

Հակովբ վասն Յովսեփայ յայտ առնէ՝ թէ ոխացան ընդ նմա եղբարք իւր, և օրհնէ զնա օրհնութի գերկնից և գերկրի և զանդոց , իբրև յայտ առնէ թէ մինչև յոյս անդր մշանջենաւոր բարձանց մինչ 'ի դրախտն անդր : Մովսէս թարգմանէ զնա , և օրհնէ զնա աւելի քան զԵսայիբ՝ օրհնութի գերկնից և գերկրի , զարեգական և զլուսնի և զգրախտի , իբրև յայտ առնէ՝ եթէ թագաւոր լինելոց է 'ի նմանէ : «Եղջերք նորա , ասէ , իբրև մեղջերոյ եղջերք . այս բիւրաւորք եփրեմի ,» . զի թագաւոր է նա :

Հակովբ զԲենիամին գայլ յափշտակօղ դնէ վասն իրաց հարձին , կամ վասն Ամադէկայն և Շաւուդի : Իսկ Մովսէս ասէ . զամենայն աւուրս 'ի մէջ ուսոց իւրոց հանգստեան , որ էր յերուսաղէմ . զի նա ինքն է 'ի մէջ սահմանաց՝ ուր Հռաքէլն մեռաւ 'ի սահմանս Բենիամինի :

Յօդնակին Կեդրոն :

ԳԼՈՒԽ Դ

«Եւ ասէ տէր ցՄովսէս . ել դու 'ի լեառն , և նայեաց տես զամենայն երկիրն քանանացւոց , և ժողովեաց դու առ հարս քո յազգի քում , » : Են ոմանք՝ որ ասեն թէ անցուցանելով անցոյց անձ գերկիրն առաջի նորա , և ետես նա զնա : Այլ չէ ինչ նման այս . ոչ եթէ զի այդ դժուարին է այս , զի այն՝ որ ետ զգէնուլ զփառս երեսաց նորա , նա ետ նմա աչս լուսաւորս իբրեւ զարեգակոյն տեսանել զայն երկիր պարզեաց , որպէս զի ետես նա զնմանութիւն խորան ժամուն 'ի լերին անդ , և որպէս զի ետես նա զդրախտն փափկութեան 'ի ճանապարհի անդ : «Ել դու , ասէ , 'ի լեառն անդրր և մեռիր » : Եւ ոչ ասաց նմա թէ անձ արարեր զիս , ոչ մեռանիմ . այլ ուրախ եղև նա ընդունել զմեռելութիւն պահելով զպատուիրանն , և ոչ անձութիւն անցանելով զպատուիրանաւն : Նա և Պաւղոս և Բառնաբաս՝ 'ի ժամանակի իբրեւ արարին զնոսա աստուածս , ոչ կամեցան թաքուցանել զանձութիւնն զայնորիկ՝ որ զնոսայն առաքեաց . այլ յայտնեցին նա քա զանձութիւն նորա , և ոչ թաքուցին զմարդկութիւնն իւրեանց . պատառեցին զհանդերձս իւրեանց և ասեն . «Եւ մեք , ասեն , իբրեւ զձեզ մարդիկ եմք » : Փոխանակ այնր՝ զի ասէ «Եւ ել Մովսէս յՌաբովթ Մովաբու » . հերբայեցի ասէ «Ի դաշտէ անտի Մովաբու » : Եւ զի ասէ «Ոչ վատեցին աչք նորա , և ոչ թարշամեցան երեսք նորա » . խորհուրդ աշխարհի նորոյ նկարեաց մեզ : Եւ զի ծածկեցաւ գերեզմանն Մովսիսի , զի մի եղիցի հայհոյութի 'ի վերայ այն նորա . մանաւանդ զի Աստուծոյ իսկ արժան էր թաղել զաստուածն . այս ինքն՝ այն ճշմարիտն զայս , որ ըստ կրելոյն սուեալ էր : Եւ զի մի դարձեալ նուաղեալ գտցի մեծութիւն օրինաց յայնմ ժամու , զի տեսանէր ակնն գայթաղեալ զլոյսն զայն՝ որ սփռեցաւ 'ի վերայ երեսացն Մովսիսի , 'ի ժամանակի իբրեւ նուաղեալ շիջանէր առ սակաւ սակաւ : Կամ զի մի կանգնիցեն արձան 'ի վերայ գերեզմանի նորա ,

և պագանիցեն նմա երկիր . կսմ՝ զի մի՛ եկեցեն մովաբացիքն և հանցեն զոսկերս նորա և ցրուիցեն . զի մի՛ հեբրայեցիքն արտաքոյ կարգի պատուիցեն զնա , և հեթանոսք անարգեսցեն զնա : Փոխանակ այնր՝ զի ասէ «Մեռաւ Մովսէս , և թաղեաց զնա անձ» . հեբրայեցի , «Մեռաւ Մովսէս ըստ բանի տեառն» : Մնունդն Մովսիսի և թաղելն նորին՝ երկողքին այլ էին :

Շտապեալ տագնապեալ զարհուրէին մարգարէքն և երկնէին , իբրև հոգին՝ որ 'ի նոսա էր , 'ի ներքոյ այսր չարչարանաց չէր եղեալ : Զի ոչ եթէ ինքն 'ի նոսա փոփոխեալ լինէր , այլ զնոսա զկնի կամաց իւրոց ձգէր . զի պարզեւ էր նա՝ որ բնակեալ էր ընդ ազատութեն . և զազատութիւն բռնի ոչ վարէր նա . թէպէտ և խօսել զայն ինչ զոր կամէին նոքա՝ ստիպէր ոչ զնոսա , սակայն գործք՝ զայն ինչ զոր կամէին նոքա՝ բռնադատէր զնոսա 'ի հնազանդել զքեզ բնութեան մարգարէութեան իւրում . այլ ոչ հնազանդէր զազատութիւն նոցա բռնութիւն 'ի գործ պաշտաման իւրոյ : Նա և այս է , զի հնազանդեաց զբերանս մարգարէիցն խօսից իւրոց , զի ետես նա՝ զի հնազանդեցին նոքա զկամս իւրեանց օրինացն նորա , և որպէս բանից իւրոց զձայնս նոցա , և խօսից իւրոց զբերանս նոցա , սոյնպէս պարզեւքն հաւատոցն նոցա , և հարցմունքն նորա վաստակոց նոցա , և յաղթութիւնն հռզւոյն՝ մարտից նոցա : Եւ զի միանգամ բնակեալ էր 'ի նոսա անծութիւնն , կայր 'ի վերայ նոցա և կարգ մարգարէութե . թէպէտ և բնակեալ էր 'ի նոսա հոգին ծածկոյթ , սակայն տեղի տայր նա , զի մի մարգարէութիւն խափանի , և զի մի զրկեսցի անծութիւն յիւրոց անտի : Եւ եթէ զի յանդիմանեալ կշտամբեսցի փոքրկութիւն , և մի տրտմեսցին . այլ վասն զի յայտ լիցի խառնեալ մեծութիւն , և ընդ նմա է՝ իբրև ամփոփէր հոգին զպարզեւ 'ի նոսա : Եւ էր՝ որ սրբուէր զնոսա արտաքս քան զնոսա , և զինքն նոցա ոչ յայտնէր . և էր՝ որ և այլոց ընդ նոսա յայտնէր , զի և մարգարէն եղիցի կատարեալ , և լսողքն եղիցին փափագեալ . և ծանիցի մարգարէն՝ թէ շնորհաց է այս , և գոհացէ զնմանէ : Գիտացէ և լսողն՝ թէ ստացուած է սա հասարակաց , և ցանկասցի նմա :

Մարգարէք վարիւք իւրեանց առ հոգին առաքելաւ լինելին, և նա առ նոսա նշանօք հաւատարիմ լինէր : Յուցին մարգարէքն գործօք իւրեանց զչարանս վամն նոցա . և հոգին 'ի ձեռն նշանաց ըզպսակումն պատերազմի . զի 'ի ժամանակի իբրեւ համբեր Մովսէս փափկասուն խիստ հովուութեւ զքառասուն ամ, չարչարանքն էին նմա 'ի մարտ պատերազմի : Այլ և դարձեալ եղև նա հրամանատար զքառասուն ամ մարդկեղէն խաշին : Այս հատուցումն է այնորիկ՝ որ փախէր նա 'ի Փարաւոնէ, մարտ պատերազմի եղեալ վամն ժողովողեանն այ : Եւ իբրուհարկանէր զծովն, և նա փախէր յերեսաց նորա, այս փոխանակ իւր փախստեանն լինէր : Սոյնպէս և ամենայն մարգարէքն ընդունելին զպսակն 'ի հոգւոյն սրբոյ :

ԿԱՅԱՐԵՑԱՒ ԴԳՐՈՒԹԻՒՆ ՎԵՐԾԱՆՈՒԹԵԱՆ
ԱՐԱՐԱԾՈՑ ՄԵԿԵՆՈՒԹԵԱՆՍ

ՍՐԲՈՅՆ ԵՓՐԵՄԻ

ՄԵԿԵՆՈՒԹԻՒՆ

ՅԵՍՈՒԱՅ

ՄԵԿԵՈՒԹԻՒՆ

Յ Ե Ս Ո Վ Ա Յ

ՈՐԴԻՈՅ ՆԱԻԵԱՅ

ԶՈՐ ԱՐԱՐԵԱԼ Է

ՏԵՒՈՒՆ ԸՐԻՒՅ ԵՓՐԵՄԻ

ՅԱՆՁՆ եղև ժողովուրդն Յեսովայ տանել ժա-
ռանգեցուցանել նոցա զերկիրն պարգևաց :
Եւ իսկ և իսկ առաքեաց լրուտեսս յերկրով, զի հզա-
րացուցէ զփոքր թերահաւատութի ժողովրդեանն :
Իւստանաց զգետն . զի արկցէ զահ և զերկիւղ
քանանացւոցն, զի մի եկեացեն մարտնչել ընդ նմա և
կոտորեսցին 'ի սուր սուսերի նորա :
Թշափառեաց զժողովուրդն կրկնակի :
Կործանեաց զպարիսպն երկրովի :
Վարկոծեաց զԱքար, և արար զինամա ողորմուէ
'ի վերայ Ռահաբու :
Կոտորեաց զթագաւորսն քանանացւոց, զի ժրպր-
հեցան յանդգնեցան մարտնչել ընդ նմա :
Լրար ողորմութի գաղաւթնացւոց, զի երկեան և
ապաւինեցան 'ի նա :
Լքել զարեգակն և զլուսին, զի տացէ զհաւա-
նութի քանանացւոց . կամ զի եթէ աշակերտեսցին
նմա, կամ զի եթէ առցէ զտեղի 'ի գալոյ անտի մար-
տնչել ընդ նմա :

**Ի՞նչ զերկիրն պարզեաց որ 'ի յԱգրահամէն և այսր
խոստացեալ էր նոցա . բաժանեաց ազգաց ժողովլըր-
դեանն , որպէս և հրամայեցաւ նմա :**

**Օ այսոսիկ և որ սոցին նման են և որ ինչ եղև 'ի
ձեռն նորա՝ գրեաց :**

Ի ՍԿԶԲԱՆ ԲԱՆԻՑ ԻՐՈՑ ԱՍԱՑ ԱՅՍՊԵՍ

ԳԼՈՒԽ Ա

ՅԵՑ մահուն Մովսիսի ասաց տէր ցՅեշով
 պաշտօնեայ Մովսէսի,, : Զայս զի ասաց՝ ե-
 թէ «Պաշտօնեայ Մովսիսի,, խոնարհութիւն է Յեշո-
 վայ . քանզի 'ի ժամանակի իբրեւ հաւասարեաց զնա
 անժ ընդ Մովսիսի՝ ասէ ցնա, եթէ «Որպէս եղէ ընդ
 Մովսէսի, եղէց և ընդ քեզ,, : Բայց ոչ կամեցաւ հա-
 մարել զանձն իւր զոնեայ աշակերտ Մովսիսի, այլ
 պաշտօնեայ Մովսիսի : «Անց դու, ասէ, և ժողովուրդս
 այս ընդ Յորդանան,, : Եւ ամենայն գաւառ՝ զոր կո-
 խեսցեն ոտք ձեր, ճշմարտեալ հաւատասջիք, զի լինի
 նա վիճակ ժառանգութե ձերոյ, որպէս և խոստացայ
 ես Մովսիսի . զի յանապատէ անտի՝ որ եղերուքն դուք
 քառասուն ամ, և լեռանս այս Լիբանանու զոր տե-
 սանեն աչք ձեր, և մինչև ցգետն մեծ Արածանի,
 եղիցի սահմանք ձեր : Բայց ոչ կամեցան նորա ժա-
 ռանդել մինչև յԱրածանի . քանզի և ահա և յա-
 լուրսն իսկ Դաւթի մինչև յանցս Արածանույ գե-
 տոյ կոտորեցին և հրձիգ արարին : Բայց զի «Մի՛ որ
 կացցէ առաջի ձեր զամենայն աւուրս կենաց ձերոց,, :
 այլ և այնմ ազգի՝ որ ժառանգեաց զերկիրն՝ ի ձեռն
 Յեսուայ, որ զինի նորա գալոց են, որ պահեն զպա-
 առիրանս տեառն իբրեւ զԴաւիթ՝ խոստացաւ : Եւ
 զոր օրինակ եղէ ընդ Մովսիսի զօրութիւն և նշանօք,
 եղէց և ընդ քեզ, և ոչ թողից զքեզ 'ի ձեռանէ, և
 ոչ անտես արարից՝ զքեզ յամենայն մարտ պատերազ-
 մի, մինչ զի ժառանգեցուցես զերկիրն ժողովրդ-
 դեանն, որպէս խոստացայ ես արքահամեանց հարց նո-
 ցա : Բայց այսու ուխտիւ եղէց ընդ քեզ, որպէս եղէ

ընդ Մովսիսի, «Եթէ պահեսցես զամենայն օրէնս՝ զոր պատուիրեաց քեզ Մովսէս ծառայ իմ», . որպէս և ինքն իսկ Մովսէս պահեաց զնոսա :

«Ի՞նչէ Յետու ցժողովուրդն . պատրաստեցէք ձեզ պաշար իւրաքանչիւր», : Եւ զի՞նչ պիտոյ էր նոցա պատրաստութիւն , զի մանանայն մինչև ցայնժամ ոչ էր արգելեալ ՚ի նոցանէն . այլ վաճն զի ընդ դետն անցաւ նէին նոքա, ետ նոցա հրաման աւուրբ յառաջ պատրաստել պաշար իւրաքանչիւր ՚ի մանանայն անտի , որպէս զի պարապորդք լիցին կալ և տեսանել զպահն չեւիսն՝ որ լինելոց էր ՚ի գետ անդ ՚ի վաղիւ անդր : Եւ զգունդն Ռուբէնի վառեաց ընդ իւր քառասուն հազար կուռ վառեալ . այլ զի գուցէ մնալոյն իւրեանց յայն կոյս Յորդանան գետոյ բեկցեն զսիրտս եղբարց իւրեանց :

Եւ զի առաքեաց երկուս արս , և լրուտեսցին զԵրիքով . Թէպէտ և առ ՚ի քաջալերել ժողովրդեանն առաքեցան, այլ վասն Բահաբու պոռնկի առաքեցան արբանեակքն յԵսովեայ . զի ՚ի դէմն բազմաստուած բազմասիրդեան Բահաբու՝ որ ՚ի ձեռն կարմիր նշանին՝ որ ՚ի փայտն էր , միում՝ Աստուածոյ և միում առն համարեցաւ և անուանեցաւ , նկարագրեսցի խորհուրդ բազմապատկեր եկեղեցւոյ : Զի ՚ի ձեռն երկուտասան առաքելոցն Յիսուսի հանդերձեալ էր օտարանալ յամենայն կռոց և յամենայն չարեաց , և ՚ի մի անձ բարի գործովքն՝ զոր ընտրեալն է իւր՝ ապաւինեցէր :

Իսխաբ՝ որ իջոյց պարանօք զառաքեալն Յետուայ ընդ պատուհան պարսպին , զխորհուրդն եկեղեցւոյ գրեալ նկարէր , այն որ զՊաւղոս առաքեալն Յիսուսի իջոյց վանդակաւ ընդ պարիսպն Դամասկոսի : «Գիտացի , առէ , զի մասնեաց տէր գերկիրս ՚ի ձեռս ձեր» . և մեք և ամենայն բնակիչք երկրին քանանացւոց զահի հարեալ ՚ի մեծ երկիւղի կամք յերեսաց ձերոց . վասն զի լուաք մեք զի բաժանեաց զՊուրս Կարմիր ծովուն առաջի որդւոցն Խորայէլի ՚ի քառասուն ամէ և այսր , երկիրս այս ձեր է : Եւ արդեւք

վասն զի ապաշխարեսցուք, բնականացք 'ի սմա մինչև
ցայսօր. այլ յօրէ՛ զի բաժանեցաւ ծոյն և կոտորե-
ցան երկու թագաւորքն ամովրհացւոց, զահի հա-
րեալ շուղացին սիրտք մեր, և ոչ մնաց 'ի մեզ շունչ: Եւ
սակաւ որ 'ի ձէնջ՝ եթէ անցեալ յայս կոյս միով փոքր
գնդաւ՝ կարող էիք ունել զամենայն երկիրս քանա-
նացւոց: Արդ անձն ձեր նա իսկ է յերկինս 'ի վե-
րուստ. այնու զի իջոյց զհօւր և զկարկուտ յերկնից
'ի վերայ եգիպտացւոցն: Եւ նա ինքն է յերկրի 'ի
ներքոյ, զի բաժանեաց զներքին անդունդս ծովու ա-
ռաջի ազգաց ձերոց: Արդ այսուհետեւ եկայք եր-
դուարուք ինձ. մի 'ի կուռս և 'ի պատկերս Երիքովի
զոր անարգեցի, այլ երդուարուք ինձ 'ի տէր՝ եթէ
հատուցանեք ինձ շնորհս երախտեացս այսոցիկ, և
կեցուցանեք զիս 'ի ժողովրդեանն ձերում: Եւ որպէս
կեցուցի ես զձեզ 'ի մէջ քանանացւոց, կեցուսիք և
դուք զիս և զհարս և զեղբարս իմ վասն հաւատոց
նոցա, որ կարմիր նշանաւն 'ի պատուհանի կապեմ
ես, և վասն դառնալոյն նոցա 'ի կռոց պատկերաց, և
վասն հաւանութե՛ն նոցա՝ որ գալոց են 'ի մեծ հաւա-
նութի ճշմարիտն Աստուծոյ:

Իբն յնա, զի եթէ այսօր ոչ կարեմք մեք հա-
տուցանել քեզ զշնորհ երախտեացն զոր արարեր մեզ.
այլ յորժամ մատնէ տէր զերկիրն քանանացւոց 'ի
ձեռս մեր, հատուցուք քեզ յայանապէս 'ի լոյսն
արեգական զփոխարէնս շնորհիդ՝ զոր արարեր մեզ
'ի ժամս խաւարի. բայց միայն կապեսցիր 'ի պատու-
հանիդ քու՝ զնշանն: Մի՛ զայլ գոյն՝ որ պատշաճ և
պիտոյ է նշանի և ոչ խորհրդոյ. այլ զկարմիր նշանն՝
որ պատշաճիցի՝ յերկոսին դէմս: Եւ զի զգուշացու-
ցին՝ եթէ որ ելցէ 'ի տանէ անտի յայնմանէ՝ ուր նը-
շանն կապեալ է՝ և մեռցի, արիւն նորա 'ի գլուխ
իւր, յայտ արար և եցոյց՝ թէ զոր օրինակ ամենայն
որ արտաքս քան զտունն գտանէր, ոչ կարէր գտա-
նել զկեանս ժամանակեանս. սոյնպէս և ամենայն՝ որ
'ի խորհուրդն անդր Քրիստոսի չհաղորդի, ոչ կարէ
գտանել զկեանս յաւիտենից: Ի տանն Բախարու

1 Միւս օրինակն պաշտօնի:

կեանք ժամանակեան , և արտաքս քան զնա մահ ժա-
մանակեան : Իսկ յեկեղեցւոյ գոն կեանք յաւիտենից ,
և արտաքս քան զնա դարձեալ մահն յաւիտենից :
Եւ որ հանդուրժէր ժուժկալել 'ի կարմիր նշանն , 'ի
ժամ կործանման պարսպացն ոչ երկնէր նա : Սոյն-
պէս և որ 'ի խաչն հաւատայ 'ի ժամանակի զի կործա-
նին և քակտին արարածք , ոչ զարհուրի և ոչ շտապի :
Ի ժամուն զի կապէր Բախաբ զնշանն 'ի փայտի ,
զխորհուրդ ժողովրդեանն՝ որ կապելոց էր զորդին
միածին 'ի փայտի՝ նկարէր նա : Ո՛ր Բախաբ դուստր հե-
լ թանոսաց . զի մտանելովն իւրով՝ գրէր նկարէր զելա
նել ախոցիկ՝ առ որս երթայրն , մինչ չև խառնեալ էր
ընդ ժողովուրդս նոցա . հան ընկեց զժողովուրդս
նոցա : Եւ քանզի ոչ գրեալ անուն իւր 'ի համար բա-
նակի նոցա , թուղթ ապահարզանի գրեաց և ետ բա-
նակի նոցա :

Ըրդ 'ի ժամուն իբրև առ նա զնշանն կարմիր 'ի
ձեռն իւր , օտարացաւ նա 'ի կռոց պատկերաց . զի
նկարեացէ և նշանակեացէ զխորհուրդ խաչին . զի ա-
մենայն կուռք և պատկերք հանդերձեալ էին խափա-
նել յամենայն հեթանոսաց : Ձեռք նորա կալան ըզ-
նշանն կարմիր , այլ ոչ մերձեցան 'ի զոհս դիւաց : Եւ 'ի
ժամանակէն զի ներկեաւ՝ սէր նշանին 'ի սիրտ նորա ,
փարատեցաւ 'ի սրտէ նորա սէր բազում հոմանեաց՝
որ 'ի սրտի նորա տնկեալ կայր : Զգաստացոյց սրբեաց
զանձն իւր , և սպասէր և դէտակն ունէր Յեշովայ կու-
սանի , զի նկարեացէ զխորհուրդն եկեղեցւոյ , այն՝ որ
սրբովքն և ընտրելովքն իւրովք սպասէ և դէտակն
ունի Ճմարիտ Յիսուսի :

Ըրդ լրուտեպքն չոգան պատմեցին որ ինչ դէպն
տուաւ նոցա , բայց ոչ բեկին զսիրտս եղբարց իւրեանց
իբրև զընկերս իւրեանց՝ որ ասէին թէ՝ « Համարեալք
մեք յաչս նոցա իբրև մարախ » : Այլ թէպէտ և դառն
նեղութի պատահեցաւ նոցա , սակայն քաջալերեցին
զժողովուրդն և ասեն . եթէ մատնեաց տէր 'ի ձեռս
մեր . ոչ զերիբով միայն , այլ և զամենայն երկիրն
քանանացւոց . ահաւասիկ ուսաք և տեղեակ եղեալք ,

զի և 'ի համբաւոյն մերմէ անգամ զահի հարեալ և 'ի դողման կան բնակիչքն քանանացւոց յերեսաց մերոց :

ԳԼԱՒԻ Բ

Չու արարին ժողովուրդն, և եկին հասին յափն Յորդանան գետոյ . բանակեցան զերիս աւուրս զգետոյն, և այսր ոչ անցին . զի գուցէ թէ լուիցեն բնակիչք Երիքովի, երկիցեն բնակիչք Երիքովի և ինդրեսցեն զաջն խաղաղութե՛ն Յեսովայ և կեցցեն : Եւ զի յաւելցէ և ածցէ անձ զահ և զերկիւղ յամենայն ազգն քանանացւոց, զի մի եկեսցեն մարտնչել ընդ զօրութեն, Որ բաժանեաց զծոյն Կարմիր 'ի ձեռն Մովսէսի, յաւել բաժանեաց զգետն Յորդանան 'ի ձեռն Յեսուայ որդւոյ Նաւեայ . զի գիտացեն և ծանիցեն զի եթէ գան մարտնչել ընդ զօրութեն՝ որ բաժանեաց զՅորդանան առաջի Յեշովայ, կոտորէ զնոսա իբրեւ զամովրհացիս զօրութիւնն այն՝ որ բաժանեաց զծոյն Կարմիր առաջի Մովսէսի : Եւ վասն զի հանդերձեալ էր բառնալ՝ 'ի նոցանէ ամպն և սիւնն հանդերձ մանանայիւն, ցոյց նոցա զի յայսմ հետէ տապանակն կտակարանաց երթալոց էր առաջի նոցա : Եւ նոցա հրաման հեռանալ 'ի տապանակէ անտի իբրեւ երկուս հազարս կանգուն . վասն զի մեծաշուք արասցէ յաչս նոցա, և զի մեծաւ պատուով փառաւորեսցի սուրբ զօրութիւնն որ բնակեալ էր 'ի նմա : Հրամայեաց նոցա դարձեալ սրբել զանձինս իւրեանց աւուրբք յառաջ վասն սքանչելեացն՝ որ լինելոցն էր 'ի Յորդանան գետ : որպէս զի նշանակեսցէ զիսորհուրդն որդւթ, որ 'ի ձեռն Ջմարիտ Յիսուսին տարածանելոց էր ընդ ամենայն ազգս ազգաց :

Եւ իբրեւ չուեաց խաղաց տապանակն կտակարանաց, և ժողովուրդն զկնի նորա, ասաց տէր ց Յեշով . «Յայսմօրէ և անդր սկսայց», այս ինքն 'ի նշանէ աստի յայսմանէ, զոր առնելոց եմ ես 'ի ձեռն քո այսօր, «Սկսայց յարգել փառաւորել զքեզ յաչս ամենայն

1 Միւս օրնակն բաժանել . . . զտէր և զիւնն :

Խորայեղի, . զի գիտասցեն և ծանիցեն՝ թէ որպէս եղէ ես ընդ Մովսէսի՝ ի բաժանել անդ ծովուն, սոյնպէս լինիմ ես ընդ քեզ՝ ի բաժանելաստ գետոյդ։

Եւ զի տապանակակիրքն եկին հասին ի Յորդանան. և իսկ և իսկ իբրեւ հասին ոտք նոցա ի ջուր անդր, կացին և զտեղի առին ջուրքն, այս ինքն է բաժանեցան։ Քանզի ջուրքն ստորինք՝ որ ի ջանեն՝ ի ծովն արեւմտից՝ հատան սպառեցան, և ջուրքն վերինք դարձան անդրէն զանձամբք. որպէս զի բացէ ի բաց պահեսցին՝ ի տեղւոյն անտի ընդ որս անցանէին ժողովուրդն։ Զի մի զահի հարեալ երկիցէ ժողովուրդն վամս յողորդմանն կուտակադէզ մերձաւորու թէ ջուրքն վերնոց, իբրեւ ի տիկա արգելեալ կային։ Բացէ ի բաց հեռացան յերեսաց նոցա, որպէս զի և ակամբ անգամ մի տեսցեն. զի քաջալերու թէ վրստահասցին անցանել ընդ գետն։ Բայց ոչ միայն քաջաբքն, որ նստէին յստորին ափն Յորդանանու՝ որ տեսին զցամաքել գետոյն՝ գիտացին եթէ բաժանեցան, այլ որ և զվերին կողմնն նստէին՝ իբրեւ տեսին զանհաւան խաղաց բնու թի ջուրքն՝ որ յետն ընդդէմն գնայր՝ գիտացին եթէ բաժանելով բաժանեցաւ։

Եւ զի սքանչելի երայն, զի ցամաքեսցի ստորին կողմն գետոյն. բայց ոչ էր իբրեւ զայն զարմնալի, զի մեծահոտան ջուրքն անդրէն կուտակեալ յետս դարձան, զի մի իբրեւ խաղացէ բոտ իւրում սովորուէն, բազմասցի կուտակադէզք ջուրքն պարսպեալք, ելցէ և գերիեացէ զքաղաքսն ի հեղեղատէ ջուրքն մթերելոց՝ որ ի հնէն և ի վեր նստէին. և իբրեւ գիմեսցեն դարձեալ ջուրքն ի ջանել բոտ իւրեանց գնացիցն, յորդու թէքն իւրեանց հեղեղատեսցեն զգեօղս և զագարակս՝ որ զնեքնակողմնն ափն գետոյն կարգեալ նստէին, դարձան ջուրք վերինք ընդ արեւելս զի հեռասցին բացուստ ի բաց յԱրամ գեղքն, որ էր առ կողմն ժարթանուն³, տեղի անցանելոյ՝ ընդ որ անցին ժողովուրդն։ Եւ արգելան յորդաբուխ ջուրքն Յորդանանու. զի գուցէ թէ ժողոված ջուրքն

1 Միւս օրինակն ի վանքին ի Ժնև և Երևանի քաղաքի քանդակագործի Գրիգորի Բաբայանի քանդակը։

2 Միւս օրինակն զԿաթողիկոսին։

3 Միւս օրինակն Նաբաթիոսի։

կուտածոյ լինիցի ծով երկրորդ , և լինիցի ֆաա վեր նակողմանցն և ներքնակողմանցն . և զի ցուցցէ և յայտ արասցէ, զի ոչ յաւելլան ջուրքն , վասն զի արգելաւ և զտեղի առ բոլորմն ջուրցն :

Եւ յայր թէ դարձան ջուրքն Յորդանանու 'ի տեղիս իւրեանց, և գնացին իբրեւ յառաջագոյն ափամբ ընդ ամենայն երկարութի գետոյն Յորդանանու վերուստ 'ի վայր : Եւ զի ոչ միայն ազգքն հեթանոսաց , յորոց աւուրս բաժանեցաւ Յորդանան , գիտացեն զբաժաւ նել գետոյն , յաւել և եհան երկուտասան վէմն 'ի գետոյնստի . զի տեսլեամբն իւրեանց լիցին քարոզք ամենայնի որ անցանէ՝ եթէ բաժանեցաւ գետն Յորդանան 'ի ժամանակին՝ զի ժառանգեցին հերբայեցիք զերկիրն քանանացւոց , և տապանակ կտակարանացն երթայր առաջի ժողովրդեանն մինչև ցՅորդանան : Իբրեւ էջ 'ի գետ անդր , կաց և զտեղի առ 'ի մէջ նորա , որպէս զի տեսլեամբ տապանակին կտակարանաց՝ որ կայր ընդ երեսս ջուրցն վերնոց , քաջալերեցին փութասիրտքն և ծանծաղասիրտ կանայք և տղայք՝ յապահով յաներկիւղ անցանել ընդ Յորդանան :

Եւ իբրեւ անց ժողովուրդն ամենայն , քահանայքն տապանակակիրք՝ որ ընդ իջանել նոցա 'ի ջուրս անդր՝ բաժանեցան ջուրքն գետոյն , դարձեալ և ընդ ելանել նոցա՝ ի ցամաք անդր դարձան ջուրքն Յորդանանու 'ի խոնարհակողմն անդր ընդ ճանապարհ ճապաղ գնացից իւրեանց : Բայց ջուրքն գետոյն զի բաժանեցան վասն քանանացւոց , զի զահի հարեալ երկիցեն և մի կոտորեցին 'ի սրոյ սուսերի Յեշովայ որդւոյ Նաւեայ . որպէս և ջուրքն ծովուն զի բաժանեցան վասն ամովրհացւոց , զի գողացեն զանգիտասցեն և մի սատակեցին . ոչ երկեան քանանացիքն , որպէս և ոչ ամովրհացիքն : Եւ զոր օրինակ եկին ամովրհացիքն յետ ծովուն բաժանելոյ տալ զմարտ պատերազմի ընդ Մովսիսի և կոտորեցան , սոյնպէս և ժողովեցան քանանացիքն յետ բաժանելոյ Յորդանան գետոյ գալ միագունդ միահամուռ 'ի մարտ պատերազմի ընդ Յեսովայ և սատակեցան :

Եւ ընդ 'ի սմին յայսմ ժամանակի հրամանն թլիս .

տուութեան, որ խափանեալն էր յանապատին քառասուն ամ, դարձաւ նորոգեաց զնա 'ի ձեռն Յեշովայ որդւոյ Նաւեայ: Եւ իբրեւ մտանէին՝ խառնակել ընդ աղբան հեթանոսաց, թլփատեաց Յեսու զանթլփատսն՝ որ ծնան յանապատին. վասն զի անթլփատութիւն իւրեանց պահեաց զնոսա՝ ի ժամանակի՝ զի մահն իշխեցեալ տիրէր 'ի վերայ թլփատութեան վեց հարիւր հազարին: Եւ զի հրամայեաց նոցա թլփատել գայլախազիւն, վասն զի գիւրին է հարուած նորա, և արագագոյն էր առ 'ի բժշկել քան զվերս երկաթոյ, և դարձեալ ամենայն մարդոյ գտանէր. և զի 'ի ձեռն գայլախազին զարտաքին անդամն նոցա գրոշմէր, զի սիրտք նոցա գայլախազեայ կակղասցին, և օրինոքն նոյնն թլփատութիւն նոցա թլփատէր:

Եւ արդիւն զգատիկն, և արգելաւ մանանայն. զի գուցէ թէ որպէս փոխանակեցին զնա հարք նոցա յանապատին ընդ խտորոյն և ընդ սոխոյն, արհամարհեսցի նա և յաչ որդւոցն յերկիրն պարգեաց, յորժամ տեսանեն զերկիրն ժառանգութեան իւրեանց լի ամենայն երանութիւն:

Եւ իբրեւ թլփատեցաւ ամենայն ժողովուրդն նորոգապէս, և նստան յիւրաքանչիւր տեղիս անխիղճ մինչ զի բժշկեցան, ասաց տէր ցեօսով եթէ «Այսօր անցուցի զնախատինս եգիպտացուոց 'ի ձէնջ», և կամ զի թլփատեալ էին, և չէր որ որ հալածէր զթլփատութիւնն իբրեւ զտղայն յեգիպտոս, զի վասն թլփատութեան ընկենտիկն զնոսա 'ի գեա. և կամ զի յայնժամ պանդխտութիւն նստէին 'ի մէջ եգիպտացուոց, և այսօր կոխեցին ոտք իւրեանց զերկիր ժառանգութեւ իւրեանց. և կամ վասն զի նախատեին զնոսա յանապատի անդ եկն և խառնակն եգիպտոսի՝ որ էին ընդ նոսա թլփատեալք, զայսոսիկ՝ որ ոչ էին թլփատեալ. և զի կոչեաց զանուն տեղւոյն այնորիկ Գեղգուլ. այս ինքն է բլուր. անուն բալորակ

1 Աստի մինչև ցհայտին աշտպէս ունի միւս օրինակն հոսեին 'ի հոգ պարտադրի ընդդէմ հեթանոսաց, թլփատեաց Յեսու զանթլփատսն. զի յանագաթի տեղ աս

տալեցան անթլփատի. և վասն այնորիկ թլփատեաց զնոսա. և 'ի ժամանակի . . . 'ի վերայ անթլփատութեան վեց հարիւր հազարին:

2 Միւս օրինակն բարոբեամբ:

ԹլփատուԹե՛, զի յայնմ տեղւոջ նորոգեցաւ ԹըւփատուԹին՝ ի վեց հարիւր հազարսնոցա :

Եւ իբրեւ անդ էին նոքա , երևեցաւ Յեսուկայ այբ մի զի կայր ընդ երկինս և ընդ երկիր , իբրու ունէր ՚ի ձեռին իւրում սուսեր մերկացեալ : Եւ զի մի ըշտապեցի ժողովուրդն տեսեամբ նորա , ոչ ցոյց զան ձքն իւր ժողովրդեանն . զի յայտ լիցի Յեշուկայ և գիտացէ , Թէ հրեշտակ երթայ առաջի աչաց նոցա կոտորել զԹշնամիս իւրեանց , նմա միայն յայտնեցաւ . և ապա յետ այսորիկ նովաւ եղև ազդ ամենայն ժողովրդեանն : Բայց Յեշուկ իբրև ետես զայն , համարեցաւ նմա Թէ մի ոմն ՚ի գիցն հեթանոսաց ժպհեցաւ երևել նմա ՚ի ձեռն սուսերի , որպէս զի արկցէ ՚ի վերայ նոցա զա՛հ և զերկիւղ : Բայց Թէ գիտացեալ էր զնմանէն՝ եԹէ նա է զօրագլուխ զօրաց տեառն , ՚ի վերայ երեսաց իւրոց խոնարհ երկիր պագանէր նմա . և եԹէ զինչ հրամայէր տէր Ծառայի իւրում՝ ասէր ցնա , և ոչ եԹէ՝ ՚ի մէնջ ես գու , և կամ ՚ի Թշնամեաց մերոց՝ հարցանէր ցնա : Եւ զի ասաց հրեշտակն՝ եԹէ “Զօրագլուխ եմ ես տեառն , , զի ուսուսցէ զնա , և տեղեակ արասցէ նմա՝ Թէ հրեշտակն գլխաւոր եկեալ է՝ ի Թիկունսն երկնաւոր օգնականուԹեան մանկանց ժողովրդեանն նորա :

Եւ զի ասաց՝ եԹէ “Այժմ եկի , , յայտ արար եԹէ որչափ յանապատին էիք դուք առանց մարտի , ոչ եկի ես . Բայց այժմ , զի սկսարուք դուք տալ ճակատ և իջանել ՚ի մարտ պատերազմի ընդ քանանացիս , ահաւասիկ եկեալ հասեալ եմ ՚ի Թիկունս օգնականուԹե՛ ձերոյ : Եւ զի ասաց ցնա՝ Թէ “Լոյծ զկօշիկս քո յոտից քոց , , այս ընկեր է այնր՝ որ ըզտուտերն ցոյց նմա : “Լոյծ , ասէ , զկօշիկս քո հարկաւ նել հնձան զիԹաւալ գիականցն՝ որ հանդերձեալք ես կԹեւ ՚ի ձեռն մերկ պողովատիկ սուսերիս այսորիկ՝ որ ցուցի քեզ , , :

Եւ զի ասաց՝ եԹէ “Տեղիդ յորում կաս դուդ սուրբ է , , զի ցուցցէ նա Թէ առաջի ոյր կայր նա . զի զոր օրինակ այն՝ որ ընակեալն էր ՚ի մորենին՝ անէր , զի ՚ի ձեռն հրեշտակին որ յայտնեցաւ ՚ի նա՝ ասաց

ցՄովսէս հանել զկօշիկս 'ի յօտից իւրոց . իջնանել կոխել հարկանել հնձան զեգիպտացիսն , սոյնպէս և աստ մեծութիւնն բիւրապատիկ որ բնակեալ էր 'ի զօրագլուխ զօրաց տեառնն , որ երեւեցաւս քեզ՝ հրամայէ քեզ հանել զկօշիկս քո յօտից քոց՝ հարկանել վանել կոտորել սատակել և քեզ զքանանացիս՝ որպէս և կոտորեաց Մովսէս զեգիպտացիսն և զամովրհացիսն : Բայց գաւառքն սուրբք որ անուանեցան , յայտ եղեն վասն անօթեանն՝ որ 'ի մորենին՝ , և 'ի զօրագլուխ անդ՝ որ եկեալ էր . և զի գիտացեն քանանացիքն՝ եթէ գան մարտնչել ընդ նոսա , կոտորին սատակին նոքա յետ բաժանելոյն Յորդանանու : Վասն այնորիկ յաւել դաշտաձև կործանեաց զպարիսպն Երիքովի . որպէս զի կործանեալ պարսպօքն և 'ի խրախոյս բարբառոյ ժողովրդեանն զահի հարցին քանանացիքն , և մի եկեսցեն 'ի մարտնչել ընդ նմա յանկարծակի պատերազմաւ : Արար զքաղաքն նզով , վասն զի անցցեն նովաւ ընդ փորձ հանգիսի հեբրայեցիք : Եւ զի պարտ և պատշաճ էր քաղաքն առաջին զոր աւերեցին նոքա 'ի քանանացւոց անտի , տալ մի 'ի տասանէ այնմիկ՝ որ ետ նոցա զերկիրն ամենայն քանանացւոց : Եւ քան քաղաքն պաշարեաց ժողովուրդն զքաղաքն առաջին օրն և զերկրորդն և մինչև ցվեց օրն լռելեայն , և ոչ դողացին և զահի հարան որդիքն Երիքովի : Եւ յեւթներորդ աւուրն յորում ակն ունէին եթէ ոչ պաշարեն զնոսա հեբրայեցիքն վասն աւուրն շաբաթու , գտան նոքա՝ զի նոքին անձամբ իւրեանց լուծին զշաբաթն իւրեանց յառաջին մարտ պատերազմի . զի գուցէ վառեացին պատրաստեցին հեթանոսք գալ տալ ընդ նոսա ճակատ յաւուր շաբաթուն : Եւ լուծին այսուհետեւ զշաբաթն 'ի սկիզբն յառաջին մարտին իւրեանց . զի ազդ լիցի հեթանոսաց և գիտացեն , թէ երբ և եկեսցեն պատրաստ են հեբրայեցիքն ելանել ընդդէմ նոցա 'ի մարտ պատերազմի : Որդիքն Երիքովի ելին 'ի պարիսպ անդր վասն նոր գործոյն զոր գործեցին հեբրայեցիքն . զի բազում անգամ շուրջնակի պատեալ պաշարէին զքաղաքն :

1 Միւս օրհանգիսն 'ի հօգիտսն , և պարգևսն :

մանաւանդ վասն այնր կարի, զի գիտէին և վտահ էին, զի ոչ նետիւ և ոչ քարիւ մարտնչէին ընդ նոսա արտաքինն արտաքուստ 'ի ներքս: Իսկ պարիսպքն, իբրեւ բարձին համօրէն միահամուռ զնակիչս քաղաքին, ներքուստ 'ի վեր անկան կործանեցան 'ի խրախոյս բարբառ աղաղակի արտաքնոցն, և սպանին զորդիս իւրեանց որպէս զի արգելցեն զեբրայեցիս յաշխատութե անտի կորստեան թշնամեացն իւրեանց:

Իայց պարիսպն այն՝ յորում Բախաբն նստէր, ոչ կործանեցաւ. զի եթէ կործանեալ էր, կորուսանէր զԲախաբ և զտուն հօր իւրոյ: Արդ հրամանն՝ որ կործանեաց զպարիսպն Երիքովի, իբրեւ ետեօ զնշանն կարմիր՝ որ կապեալ էր 'ի փայտի անդ, արգելաւ կաց և զտեղի առ: Եւ այն՝ որ զաշտարական յաղթս և բարձրապարիսպսն կործանեաց, զմահարձանս պարսպացն՝ յորում Բախաբն նստէր, վասն խորհրդոյն՝ որ փայտիւն 'ի պատուհանի անդ կապեալ էր՝ ոչ շարժեաց: Բայց ոչ միայն 'ի ժամ կործանմանն պարսպին պահեաց խորհուրդն զպարիսպն, զի մինչև ցայսօր իսկ կան. այլ վասն զի եղիցի նա վկայ խորհրդոյն՝ որ պաշտեցաւ 'ի նմա: Քանզի ինքն խորհուրդն յամենայն ազգս պահէր զնա, իբրեւ տրւելութե ազգի ազգի եղիցի նա կարգեալ զպատմութի նորա. հանին զԲախաբ և զտուն հօր իւրոյ յԵրիքովի: Եւ յորում աւուր Աքար յուղայեանց 'ի Թուոյն Յուդայի ջնջեցաւ, Բախաբ 'ի հեթանոսաց 'ի Թիւ ազգին Յուդայի խառնեցաւ: Եւ զի նստուցին զտունն Բահաբու արտաքոյ բանակին, մի՞ զի սրբեցի 'ի պղծութենէ պտռնկութե զոր պաշտէրն. և դարձեալ զի Թափատեցին արուք նոցա, և ուրասցին 'ի ձուլածոյ դրօշեալ կռոցն իւրեանց, և ապա խառնեցին ընդ նոսա:

Եւ այսմ աւուր անէծ Յեշով զայրն՝ որ յարիցէ յետ անցանելոյ ժամանակաց, և շինեցէ զԵրիքով. մի՞ վասն զի ժպրհեցաւ մարտնչել ընդ նոսա յետ քառօթանելոյն Յորդանանու. և երկրորդ՝ զի զեւթն օր երկայնամիտք եղեն տալ զաջ խաղաղութեան ասու 'ի կեալ զկեանս իւրեանց, և ոչ կամեցան: Եւ վասն զի արար զնա նոյն յաւիտենից, խորհեցաւ նստառեցանէ զնա 'ի վերայ ապականութե. հատ և զդաստա-

վճիռն մահու և 'ի վերայ որդւոցն այնորիկ՝ որ շինեսցէ զնա . զի վասն գթոյ աղեացն խնայելոյ որդւոց իւրոց արգելցի այն՝ որ կամիցին շինել զնա :

ԳԼՈՒԽ Գ

ԼՊԱՔԱՐ յՈՒՂԱՅԵԱՆՑ 'ի նշովածոյ անտի և թաքոյց . բարկացաւ տէր 'ի վերայ ամենայն ժողովրդեանն առ հասարակ : Եւ որք յառաջ քան զնշովնս պարիսպն երիբովի մարտնչէին ընդ նոցա ընդ բնակիչն երիբովի, յետ նշովածոյ անտի ձախողակի շառափնատ՝ կապարճս դարձուցեալ փախստեայք լինէին յերեսաց բնակչացն Գեհայ՝ փոքր և սակաւազօր քաղաքին սկայազունք և քաջամարտիկն իսրայէլացւոց :

Երբ սրովն Գեհայ զի իշխեցաւ Խորայէլ յետ յաղթութեանն իւրեանց՝ որ եղև յերիբով, զետրհուրդաւերածին իւրեանց 'ի քանանացւոց՝ որ ուխտէին ընդ նոսա . ուխտ՝ գրէր և նշանակէր նոր կոտորածիւն որ եղև 'ի ժողովրդեան անդ, եղեն իբրև ջուր յերկեղէ իւրեանց : Անդ պատառէր Յեշով զհանդերձսն իւր, անկանէր 'ի վերայ երեսացիւրոց հանդերձ ծերակոյտ ժողովրդեամբն մինչև յերեկոյ, և ասէր ցտէր . անցուցեր զմեզ ընդ Յորդանան՝ մառնել զմեզ 'ի ձեռս ամովրհացւոց՝ և դու զինչ արասցես զանունդ . քո մեծ զօր երդուարն առնել զմեզ քեզ ժողովուրդ սեփհական յաւիտենից :

Իայց ոչ կամեցաւ ան լսել Յեշովայ և ծերակոյտ ժողովրդեանն զօրն ամենայն . զի թերևս եկեսցէ Աքար և խոստովանեսցի, և ապաշխարութիւն իւրով անցուցէ զբարկութիւն յանձնէն և յընտանեացն իւրոց : Աղերսէր Յեշով, վասն զի ոչ գիտէր խիղճ ինչ մտաց յանձին իւրում . և ասէր՝ թէ այժմ լսեսցեն քանանացիք եթէ տկար որդիքն Գայեայ կոտորեցին զմեզ, և վաղվաղակի զօրաժողով լինին կորուսանել

1 Միւս օրինակն խառնաք :

Գայեայ :

2 Յօդանունն 'ի լուսանցն

3 Միւս օրինակն կէտանայ :

զմեզ, և դու զինչ արասցես զանունդ քո, այն՝ որ յեգիպտոսէն ամենայն նահատակութիւնք կոչեցաւ և անուանեցաւ 'ի վերայ մեր :

Իսկ տէր ցեշուով . զի՛ անկեալ կաս դու 'ի վերայ երեսաց քոց զօճիս արկեալ՝ պատառեալ զգետտ քո, իբրեւ ցարդ ևս այն՝ վասն որոյ անկան վիրաւորեցան սպանեալք 'ի պատերազմի, զսիրտն իւր ոչ կամեցաւ պատառել . արդ մի կարասցեն որդիքն Խորայելի ունել զդէմ թշնամեաց իւրեանց . բայց եթէ անցուցեն զնզովն 'ի միջոյ իւրեանց : Զի ցուցցէ և յայտարարցէ Աբարայ, զի եթէ ապաշխարութիւնն իւր յայնմ՝ գիշերի ոչ ապրեցուցէ զնա, վիճակն ստուգութեան մատնէ զնա և զքնտանիս իւր 'ի մահակողմն անդր ընդ մերկ լուսանալ առաւօտուն :

Եւ նմա հրաման մատուցանել նմա զօգգոս և ըգտոհմն և զտունս և զարս . այրն՝ զոր որոսացէ տէր, կորիցէ նա և ամենայն տունն իւր հանդերձ ամենայն ընտանեօքն իւրովք : Յաճախեցոյց արկ նմա սպառնալիս, զի երկիցէ . և յաւել և զայն ևս՝ եթէ « Զոր տէրն յանդիմանեացէ » . զի ճշմարտեալ գիտացէ Աբար՝ եթէ ոչ կարասցէ զերծանել և ապրել : Իսկ իբրեւ յանդիմանեցաւ ազգն Աբարայ՝ և Աբար ոչ երկեաւ, յանդիմանեցաւ և ազգատոհմն՝ և նա ոչ զահի հարաւ, յանդիմանեցաւ և տունն իւր՝ և նա ոչ ամաշեաց, ապա իբրեւ ձեռն արկին և կալան զԱբար, այն՝ որ առանձինն ընդ ինքն և ընդ ցեշուով ոչ կամեցաւ խոստովանել վասն իւրոյ գողութենն, յանդիման ցեշովայ և ամենայն ծերակոյտ ժողովրդեանն ակամայ կամօքն՝ իբրեւ ոչ կամէր՝ եկն խոստովանել վասն նզովածին, որ 'ի վրանի նորա թաղեալ կայր :

Իսկ կինն և որդիք նորա զի՛ մեռան : Վասն զի գիտակ էին գողութե նորա, և ոչ կամեցան խոստովանել : Եւ զի՛ քարկոծեցան դարձեալ ստացուածք նորա : Զի արկցէ զահ և զերկիւղ 'ի վերայ ժողովրդեանն . զի իբրեւ տեսցէ ժողովուրդն թէ զորպիսի զինչս և զմեծութիւն ունէր նա, յաճախեսցի ցասումն սպառնալեաց նոցա՝ 'ի վերայ նորա : Զի ոչ եթէ վասն աղքատութե ինչ անց նա ըստ նզովն, այլ վասն ազահութենն . քարկոծեաց զնա ժողովուրդն, զի բաւա

կան լիցի նմա քարակոյտն՝ որում ոչն եղև նմա բա-
ւական ստացուածքն որ յեգիպտոսէն էին և որ 'ի
Թագաւորացն ամովրհացուց աւարի առեալ էր նորա:

Իսկ իբրև անցուցին զնոյն 'ի միջոյ իւրեանց, ե-
լին 'ի վերայ Գեհայ և հրձիգ արարին զնա: Եւ զի
հրամայեաց նստել 'ի դարանի 'ի վերայ փոքր քաղա-
քին, վասն զի ուսուցէ որդւոցն Իսրայէլի զտեղե-
կութի ճարտարութե պատերազմի: Եւ զի հրամայ-
եաց դարձուցանել զնիզակն զոր ունէր 'ի ձեռին իւ-
րում Յեշով, նշան ետ այնոցիկ՝ որք դարանամուտքն
էին, եթէ յորում ժամու պատշաճ էր նոցա ելա-
նել 'ի դարանէ անտի իւրեանց: Եւ զի ասաց՝ եթէ
«Ոչ դարձայց Յեշով զձեռն իւր՝ որով բարձեալ ու-
նէր զնիզակն, մինչ զի կոտորեսցեն զամենայն բնա-
կիւն Գեհայ», իբրև այն՝ զի ասէ, թէ «Ի կարկա-
ռու ձեռացն Մովսիսի կոտորեաց Յեշով՝ ի սուր սու-
սերի համօրէն զամաղէկացիսն»:

Իսկ սեղան՝ զոր շինեաց Յեշով տեառն 'ի լերին
անդ Գաբաղայ, թէպէտ և զհրամանն Մովսիսի կա-
տարէր նա, այլ ոչ եթէ առ 'ի մատուցանել զող-
ջակէզն շինեաց զնա. զպատուիրանսն օրինացն գրէր
'ի վերայ նորա, զի ցուցցէ և յայտ արասցէ, զի թէ-
պէտ և օրէնք էին ժամանակեան, այլ և օրէնք էին
հասարակաց: Քանզի ժողովրդեանն, տախտակօք՝
որ 'ի տապանակի անդ էր, ետ զօրէնսն. հեթանո-
սաց, քարամբքն՝ որ 'ի վերայ սեղանոյն եղեալ էր,
դրեաց և ետ զնա: Ընթերցան անդ առաջի ժողո-
վրդեանն զօրէնս, զի և այսու զհրամանս Մովսիսի
կատարեսցէ: Ընթերցաւ դարձեալ զօրհնութիւն և
զանէծս նորա. զի վասն օրհնութեանն փութացին
պահել զպահպանութի օրինացն, և վասն անիծիցն
նորա զահի հարեալ երկիցեն՝ առ 'ի հարկանել ընդ
ոսն զհրաման պատուիրանի օրինացն:

Եւսմ եղին, ազդ արարին քանանացիք գալ միա-
գունդ միահամուռ միաժողով տալ զմարտ պատե-
րազմի ընդ Իսրայէլի: Իսկ բնակիչք գաբաւոնա-
ցուոց՝ ոչ անկան 'ի խորհուրդս հեթանոսաց՝ որ շուրջ

1 Միւս օրինակն Գեհանայի:

զորքը բնակեալ էին, վասն զի զարհուրեցան 'ի զիւ պաշ անտի՝ որ ինչ եղև որդւոցն Երիքովի և որդւոցն Գեհայ : Եւ խորամանկեցան պաշարաւն և խաբեպատիր զգեստուք և սուտ բանիւք, զի մարթացեն գտանել զհնարս խաղաղութե՛ն յեշովայ և յիւրայեւացւոց, որով կարիցեն կեալ զկեանս ժամանակեան : Բայց ամենայն խորամանկութիւնք նոցա, յոր ապաւինեցան, եթէ 'ի հեռի աշխարհէ եմք մեք : վասն զի լուան զի ասացաւ Մովսիսի՝ եթէ "Մի՛ զիցեն ուխտ ընդ բնակիչսն քանանացւոց, այլ կոտորելով կոտորեացեն զնոսա : և ընդ այնոսիկ՝ որ յանցս Արածանի գետոյ իցեն, արացեն խաղաղութի՛ն, եթէ կամեցին լինել նոցա հարկատու՝ կալ նոցա 'ի ծառայութե՛ն", : Իսկ իբրև տեսին որդիքն Խրայելի զգաբաւոնացիս, վասն բանիցն իւրեանց և զգեստին, և պաշարին, հաւատացին եթէ 'ի հեռաւ տանէ են նոքա : Ետուն նոցա զօրհնութի՛ն, և արարին ընդ նոսա խաղաղութի՛ն, մանաւանդ զի ասացին ևս եթէ 'ի լուր տեառն եկաք մեք : "Լուաք, ասէ, զամենայն ինչ զոր արար յեգիպտոս և ընդ երկուս թագաւորս ամովըհացւոց", : Ետուն նոցա զաջն խաղաղութե՛ն իբրև ոչ հարցին 'ի բերանոյ տեառն :

Եւ յետ երից աւուրց եկին որդիքն Խրայելի և բնակեցան 'ի գեօղս նոցա : Եղև ամբօս մեծ՝ 'ի ժողովրդեանն սպանանել զնոսա ըստ հրամանացն Մովսիսի : Բայց ոչ թողին մեծամեծք ժողովրդեանն վասն երդմանն՝ զոր երդուան նոցա : Եւ զի ապրեցուցէ զնոսա Յեշով 'ի տրոնջոյ ժողովրդեանն, յանիծանել անդ իւրում՝ օրհնեաց զնոսա, արար զնոսա փայտաբերս և ջրկիրս 'ի տունն տեառն : Զի այնոքիկ որ ոչ կամէին թողուլ զնոսա կենդանի 'իմջ իւրեանց, յանուն անիծից արար զնոսա կցորդս և զովօղս սպաւոր քահանայիցն տան տեառն :

Եւ զաբաւոնացիքն որ հագին ապրեցան 'ի սրոյ սուսերի իսրայելացւոց, գրգռեցան թագաւորն քանանացւոց եւանել կոտորել հրձիգ առնել զքաղաքսն զաբաւոնացւոց : Քանզի երկեան զահի հարան 'ի գա-

1 Միւս օրինակն կասեռնութիւն : 2 Միւս օրինակն յանոն :

բաւոնացւոց անտի՝ զի գուցէ միաբանեցին ընդ իւրայելի, ուխտ դնիցեն և դաշինս կոխցեն՝ յորում աւուր գայցեն նոքա մարտնչել ընդ որդիսն իւրայելի : Աբաբեցին ազդ արարին գաբաւոնացիքն Յեշովայ, եկն եհաս ՚ի Թիկունս օգնութեան նոցա : Եւ իբրև հարին վանեցին կոտորեցին զնոսա, և բազում եղեն մեռեալքն որ մեռան ՚ի քարանց անտի կարկտի՝ զոր արկ տէր ՚ի վերայ նոցա, քան զկոտորեալն և զվիրաւորն՝ որ կոտորեցին որդիքն իւրայելի ՚ի սուր սուսերի, ձայն ետ և խօսեցաւ Յեշով առաջի տեառն և առաջի գնդին իւրայելացւոց : Արդեւ զարեգակն և զլուսին առաջի սպանողացն և անկելոցն . զի անկեալքն ջնջեցին նոքօք, և սպանողքն՝ որ տեսանէն զվատութարութի նոցա, մի խաբեսցին ՚ի նոսա : Արդ զդիսն հեթանոսաց և զհեթանոսսն առ հաւսարակ յաղթեաց . զի ցուցցէ և յայտ արասցէ, եթէ Յեշովն՝ որ յաղթեաց զգոյգն աստուածոցն ՚ի Ժամ Ճակատին, խորհուրդ էր Յիսուսի, այն որ հանդերձեալն էր յաղթել զամենայն դիւախունս հեթանոսաց ՚ի ձեռն խաչին իւրոյ :

«Վայ, ասէ, արեգակն ՚ի Գաբաւոն, և լուսին ՚ի դաշտ Իլմի» : Արդ նոքա գնան ըստ բանին Յեշովայ, և ոչ եթէ երկինք շրջին . զի եթէ երկինք շրջէին, ոչ հրամայէր նա կալ և զտեղի առնուլ լուսաւորացն, զի՝ զաստիկ շրջուածմն երկնից արգելոյր նա : Այսուհետև լուսաւորքն գնան . և վկայէ այն՝ որ բանին արգել զնոսա : Եւ զի եթէ երկինք շրջէին, զերկինն և զլուսաւորս միանգամայն արգելոյր . զի գուցէ ՚ի կացուցանելն արեգականն ՚ի Գաբաւոն, և արգելուլ լուսնին ՚ի դաշտ Իլմի, զերկինս շրջանաւորն իւրով յայլ տեղի ածիցէ նա : Իսկ երկու աւուրքն զոր արար Յեշով մի օր, զխորհուրդն զայնր նկարէր՝ որ ՚ի միոջէ օրէ երկուս աւուրս հանդերձեալ էր առնել յաւուր խաչելութեանն իւրոյ : Եւ զի ասաց՝ եթէ «Գրեալ էր ՚ի դպրութիւն օրհնութեանց», արգելք այն իսկ է՝ զի արեգակն և լուսին կացին ՚ի յարկս երկնից, այս ինքն արգելան և

1 Միւս օրինակն այլ կոտորի շրջանս երկնից ընդ լուսաւորսն արգելոյր և գնա :

կացին 'ի շաւղաց գնացից իւրեանց :

Եւ զկոտորեցին զԹադաւորան հանդերձ զօրօքն իւրեանց . և նոքա՝ որ կոտորեցան վասն պատուիրանազանցութեն , երեսուն և երկու արք կոտորեցան 'ի նոցանէն 'ի ձեռն որդւոցն Գայեայ : Իբրեւ պահեցին զհրաման պատուիրանին մեծ կոտորածիւն՝ զոր արարին 'ի զօրսն բազմաժողովն հինգ Թադաւորացին , ոչ մի այր յիտրայէլացւոցն վնասեցաւ : Զայսուսիկ Թադաւորս հանդերձ զօրօք իւրեանց կոտորեաց Յեշու , և զաշխարհս նոցա հար վանեաց 'ի սմբակո երիւարաց , և ոչ մնաց գոնեայ գեօղ մի փոքրիկ՝ որ ապրեցաւ 'ի նոցանէն՝ բայց Թէ Գաբաւոն , զորս ինքն կացոյց պաշտել ծառայել Իտրայէլի :

Եւ զի ասաց՝ եթէ "ի տեառնէ եղև այս " , զի հզօրացի սիրտն Թադաւորացն քաջալերութեամբ տալ զմարտ պատերազմի ընդ Իտրայէլի . յայտ արար և ցոյց՝ զի այնպիսի որ հարցուկէն և դիքն իւրեանց խոստացան նոցա յաղթութի , և ոչ գիտացին զի և այս 'ի տեառնէ եղև՝ ելանել կոտորել սատակել 'ի սուր սուսերի , լինել անժառանգ : Վասն զի ոչ հաւանեցան աշակերտել այնմիկ՝ որ զծովն բաժանեաց , և ընկղզ զՓարաւոն , և կոտորեաց զամովրհացիս , բաժանեաց զԹորդանան , կործանեաց զպարիսպս Եւրիքովի , արգել զարեգակն և զլուսին . դիքն անաւրիք անուանիքն՝ յորս հպարտացեալն էին քանանացիքն : Եւ զի յաւել և ուսաց՝ վասն զի կոտորեցին և մի եղիցի 'ի վերայ նոցա աղաչանք՝ և պաղատ . այս ինքն՝ զի մի եղիցի 'ի վերայ նոցա ինայութի 'ի ժողջ վրդենէ անտի :

Եւ այսորիկ կոտորեաց զսկայազունն զԷռնայինսն 'ի Գեբրոֆնէ և 'ի Էռնէն Յուդայի և Իտրայէլի , և ոչ մնաց այր յերկիր որդւոցն Իտրայէլի , բայց Թէ 'ի Գաղա և 'ի Գադ և յԱսեղովթ փղշտացւոց . և այսորիկ կամ վասն Աբիմեւէքայ և Փիզոդայ՝ որ պատուեցին զարքահամեանն , և կամ զի փորձեցին նաքօք որդիքն Իտրայէլի , որպէս և ասացեալ իսկէ վասն նոցա : Իսկ իբրեւ ծերացաւ Յեսու , և ոչ կոտորեաց

1 Միւս օրինակն գոթական : 2 Միւս օրինակն կիւսն և աւել :

զերկիրն ամենայն կարի, մանաւանդ զի և բաւական իսկ ոչ էին երկրին որդիքն խորայելի, խոստացաւ նմա տէր, և հանգոյց զնա՝ եթէ “Ես կոտորեցից զթագաւորսն հեթանոսաց որ մնացին”, ։ Բայց ՚ի ժառանգութիւն Ռուբէլի սպան խորայել զԲաղաամ գիտուն, իբրև կոտորեցին զիշխանս Սեհմիւնի՝ որ բնակեալ էին յերկրին։ Արդ կէս երկրին որդւոցն Ամոնայ՝ զոր ժառանգեցին ազգքն Գադայ, ոչ եթէ յորդւոցն Ամոնայ առ զնա Մովսէս, այլ Սեհմն արքային Եսեբոնայ առեալ էր զնա. և առ ՚ի նմանէն, և ետ որդւոցն Գադայ։ Եւ ժողովուրդն Թլփատեցաւ ՚ի Գադգաղայ. անդ նստան մինչև կոտորեցին զամենայն թագաւորսն քանանացւոց անդէն ՚ի Գադգաղայ։

Իսկայ Գադէբ որդի Յեփոմիւնայ ցՅեսուվ. դու քեզէն գիտես զպատգամն՝ զոր խոստացաւ տէր վասն իմ և վասն քո. այս ինքն, զի մեք միայն մոցուք յերկիրն պարգեւաց յամենայնէ՝ որ ելին յեգիպտոսէ. և ետու Ճմարիտ պատասխանի Մովսիսի, որպէս էր ՚ի սրտի իմում, և ոչ ինչ զահի հարայ խօսել զայլ ինչ ՚ի ջրթունս իմ յերկիւղէ ժողովրդեանն՝ որ խռովեցուցին լուտեղք բնկերք իմ։ Եւ վասն զի ասաց Մովսէս, եթէ “Երկիրն զոր կոխեսցես դու ոտիւք քովք՝ քեզ և որդւոց քոց եղիցին յաւիտեան”, և ահա եղև աւասիկ։ Արդ քառասուն և հինգ ամ է յորմէ հետէ ասաց տէր զբանս զայս, և այս օր թուուն և հինգ ամ է իմ, և կար զօրութե իմոյ յայն ժամ և այժմ նոյն է ՚ի մարտ պատերազմի. այս ինքն, որ մանկացոյց զքեզ կերպարանացն Մովսիսի վասն վայելութե փառացն զոր ընկալաւ ինքն, մանկացոյց և զզօրութի իմ վասն օրհնութե նորա։ Եւ այժմ տուր ինձ զբառնդ զոր ասաց տէր, և դու քեզէն լուար, այս ինքն “Զտեղի զոր կոխեսցեն ոտք քո՝ քեզ տաց”, ։ Թէպէտ և անուանիք քաջութեամբ և սկայազունք ՚ի մարտ պատերազմի, և քաղաքք ամրաշէնք ամրապարիսպք անյաղթք թուին՝ եթէ կայցեն անդ, բայց սակայն դու տուր ինձ քոյով բանիւդ, զի եղիցի տէր ընդ իս, որպէս և խոստացաւ. և կոտորեցից զնոսա, և ժառանգեցից զերկիր նոցա, որպէս զի ասաց ցիս յայնմ աւուր իբրև դարձաք մեք ՚ի լրտեսուէ երկրին։

Եւ ետ Յեշով Բաղեբայ զԳեբրոնն 'ի ժառանգու
թի, այնոցիկ՝ որ 'ի վերայ տկար և անպիտան որդւո
ցն Գեհայ զահի հարեալ երկնէին ելանել 'ի վե
րայ Գեբրոնի սկայազանցն՝ յաներկիւղ յանհոգ յա
պահով վստահութե փութացեալ ելանէին մարտն
չել. կոտորեաց Բաղեբ 'ի սուր սուսերի իւրոյ զերիս
որդիս սկայազանցն. Գարձեալ թէպէտ և զթագաւորն
Յերուսայ սպան Յեշով, այլ զքնակիւն յերուսացւոց՝
զինա ինքն է երուսալէմ՝ ոչ կոտորեցին որդիքն Յու
ղայ : Եւ եփրեմեանը ոչ կոտորեցին զքանանացիս որ
'ի Գազարն : Եին . քնակեցան ընդ նոսա և եղեն նո
ցա հարկատուք 'ի ծառայութե :

ԳԼՈՒԽ Դ

ՅԱՅԵՍ ժամանակի ժողովեցան որդիքն Խալայէլի
'ի Սելով, և եղին անդ զվրան ժամուն, և չոգան արք
յազգաց և գրեցին զգեօղն յելթն բաժինս . և վի
ճակեաց նոցա Յեշով վիճակս 'ի Սելով՝ առաջի
տեառն : Աւ և Յեշով գեօղ մի 'ի լեառնն եփրեմեան,
և շինեաց և քնակեցաւ 'ի նմա : Եւ զի ասաց դառ
նալ սպանողին՝ որ սպանանէ ակամայ կամօքն 'ի մե
ռանել մեծի քահանային, յայտ արար և ցոյց՝ զի
զգուշացին և յայնոցիկ չարեաց՝ որ ակամայ կամօքն
մարդոյն գործին : Եւ իբրեւ զատան մեկնեցան քա
ղաքն ապաւինութե, ետուն զքաղաքս 'ի մէջ ազ
գացն առ 'ի քնակութի քահանայից որդւոցն Ահա
րոնի՝ երեքտասան քաղաքս գեղիւք և ագարակօք
հանդերձ : Եւ այլոց որդւոցն Ահաթութու գեօղն և
քաղաքս տասն ագարակօք հանդերձ : Եւ որդւոցն
Գեթսոնի երեքտասան քաղաք ագարակօք հանդերձ :
Եւ որդւոցն Մերարեայ երեքտասան քաղաքս ագա
րակօք հանդերձ : Եւ ետ տէր Խալայէլի զերկիրն
ամենայն և ժառանգեցին, և որ 'ի թշնամեաց նոցա
ոչ կալաւ զդէմ նոցա, որպէս և խոստացաւ . և ոչ
խափանեցաւ բան մի յամենայն բարեացն՝ զոր ասաց

1 Միւս օրինակն 'ի Գաբրիէլ :

տէր տանն խորայելի : Բայց նորա զուխտիւն՝ որ ուխտեցին պաշտել զտէր, մօտ 'ի մօտոյ վաղվադակի անդրէն անցին, և փոխեցին զգիւն գիակունս ընդ այ կէն դանւոյ :

() Երհնեաց դարձեալ տէր և զգունդն Ռովբէնի, զի անցին առաջի եղբարց իւրեանց կազմն վառեալս 'ի Թիկունս ազգի իւրեանց, արձակեալ զնոսա դառնալ 'ի վիճակ ժառանգութե՝ իւրեանց : Եւ իբրեւ բաժանեցաւ երկիրն ինն և կէս ազգաց, բայց սակայն ընչիւք և մեծաւ աւարաւ դարձան . որպէս և 'ի Մովսէսէն կանխեցան և օրհնեցան : Արդ 'ի գալն իւրեանց 'ի ժառանգութի անդր, շինեցին իւրեանց սեղան, և առաքեցին առ նոսա ինն և կէս ազգքն զՓենէն քահանայ, և զտասն նահապետսն ազգաց, և ասէն ցնոսա . ընդէր 'ի ձեռն սեղանոյդ զոր շինեցէք, ցուցէք վասն ձեր և յայտ արարէք՝ եթէ զատեալ և որոշեալ էք դուք յերկրպագութեն տեառն : Քանզի համարեցան նորա, եթէ նախանձելով ինչ նախանձեցաւ Ռովբէլ անդրանիկ ընդ կրտսերոյն Բենիամինի, զի բնակեալ էր տէր 'ի մէջ ուսոց նորա, և վասն այնր շինեաց զսեղանս յիւրում՝ ժառանգութե . զի վասն այսորիկ պահանջէին նորա զպատասխանի տալն 'ի նոցին գնդէն ռովբէլեանց :

Եւ արին նորա անդրէն պատասխանի և ասեն . եթէ զխորայել՝ որ երկիր պագանէ առաջի Ճշմարիտ սեղանոյն, եթէ զիարդ և կամ որպէս պագանէ, ինքն ծածկադէտն գիտէ . և զմեզ եթէ վասն էր շինեցաք զայս սեղան, ինքն գիտէ . զի ոչ եթէ առ 'ի դառնալ 'ի տեառնէ շինեցաք զնա, այլ զի մի ասիցեն վաղիւ որդիքն ձեր ցմեր որդիսն՝ եթէ ոչ գոյ ձեզ մասն և բաժին 'ի յարկս տեառն, ահաւադիկ Յորդանան զատանէ և որոշէ ընդ մեզ և ընդ ձեզ : Եւ ինեցաք մեզ 'ի նմանութի սեղանոյ, զի եղիցի առ 'ի վկայսութի որդւոց մերոց . զի առաջի այնր Ճշմարիտ սեղանոյն երկիր պագանէին հարքն մեր 'ի ձեռն պատարագաց խոյոց և զուարակաց, և առաջի այսր 'ի ձեռն պատարագաց մտաց և խորհրդոց : Արդ 'ի նշան արարաք . շինեցաք զսեղանս զայս, զի գիտասցեն ծանիցեն ազգքն մեր՝ զի տեառն պագանէմք երկիր, և

գնասցեն ընդ հետ շաւղաց գնացից մերոց . և ոչ եթէ զի արդէն իսկ խոտորիցի մը 'ի տեառնէ՝ շինեցաք զնա որպէս դուք կարծէք : Արդ զի մի ասացեն ցնոսաբուրնեանք՝ եթէ ձեզ զի՝ փոյթ է եթէ դառնամք 'ի տեառնէ , ցուցին նոքա՝ զի վասն անձանց նոցա տրտում էին , զի մի հարցին և մաշեսցին . «Ոչ , ասէ , սրբեցաք մեք 'ի մեղացն Փեղփեղովրայ» . այս ինքն ոչ կատարեցաւ խրատն՝ որ եկն 'ի վերայ մեր ամենեցուն վասն նուազ սակաւութիւն՝ որ երկիր պագին Փեղփեղովրայ , և ոչ առ մի իթարութիւն ժողով բանակացն մերոց յանկելոց վիրաւորացն՝ որ կոտորեցանն 'ի մէջ վասն մեղացն Աքարայ : Նոքա առին կալան գնոցա հաւանութիւն , և եկին միաբանեցին ցածուցին զմանկունս ժողովրդեանն իւրեանց , որք ժամ եղեալ ժողովեալ պատրաստեալ էին դալ կորուստնել սատակել զնոսա :

II) Երձեցան աւուրք Յեշովայ մեռանելոյ , և ասէ ցնոսա . տեսէք աւաղիկ , զի ոչ ինչ պակաս արարի ձեզ , և ոչ մի բան յամենայն բանից բարեաց զոր ասաց տէր ւածել 'ի վերայ ձեր զբարիմն՝ զոր խոտացաւ ձեզ : Սոյնպէս ւածէ 'ի վերայ ձեր զդատավճիռն չարեացն՝ զոր հատ համառօտիւք 'ի վերայ ձեր , եթէ անցանիցէք զպատուիրանօք նորա : Եւ հեթանոսքն ազգացն՝ որ մնացին , եթէ խառնիցէք ընդ նոսա իմաւ մութիւն փեսայ լինել և հարսն առնուլ 'ի նոցանէն , ոչ կոտորեսցէ զնոսա տէր յերեսաց ձերոց , որպէս և խոտացաւն ձեզ . և լինիցի ձեզ յորոգայթս պոռնկութե և 'ի դայթագղութի կռապաշտութե , և կորնչիցիք յերկրէ . վասն զի նմանեցարուք դուք դործովք ձերով բնակչաց երկրիս : Եւ ժողովեաց ցնոսա Յեշով 'ի Սիւքէմ՝ առաջի վրան ժամուն՝ ասելով ցնոսա . «Այսպէս ասէ տէր . յանցս Արածանոյ դետոյ ընակեցան թաւա և Նաբովը , և պաշտեցին զգիւս դիակունս . և ետ Աբրահամու և որդւոց նորա զԲանան , և Եսաւայ զԷսաուն Սէիրա» : Եւ սկսան այնուհետեւ երկրորդել զգործման և զերախտիմն՝ որ եղէն առ նոսա 'ի ժամանակէն Յակովբու մինչև յոր մահուանն Յեշովայ : Եւ յետ այսորիկ ասէ ցնոսա . «Անցուցէք զգիւսն օտարոտիս , որոց տունն Նաբովրայ՝ որ 'ի Խա-

ռան՝, երկիր պաշտանէր նոցա, և հարք ձեր յեգիպտոս պաշտեցին զնոսա, և պաշտեցէք զտէր: Արդ ընտրեցէք ձեզ մինչ ես կենդանի եմ, զո՞ պաշտէք. զդին զոր պաշտեցին հարքն ձեր, եթէ զաստուածս ամսվըհացուոց՝ որ մտէք և ընակեցէք ՚ի մէջ նոցա, ։ Եւ զի յորդորեսցէ զնոսա երթալ զինի նորա, ասաց՝ թէ “Ես և տուն իմ՝ զտէր պաշտեմք, ։”

Ուստ եղին և դաշինս կռեցին և ընդ Յեշովայ յերկիրն քանանացուոց, որպէս և ուխտեցին ընդ Մովսէս յանապատի անդ պաշտել զտէր: Եւ ասէն ցնա. “Զտէր պաշտեսցուք, և նմա երկիր պագցուք, որ կորոյսն առաջի մեր զամովըհացիսն, և աստուածքն նոցա ոչ կարացին լինել նոցա թիկունք օգնականու թեան, ։” Երկրորդեցին դարձեալ և ասէն առ ՚ի հանդուցանել զկամն Յեշովայ, եթէ ոչ լինի մեզ այլ պաշտօն դից դիական, բայց եթէ զտէր պաշտեսցուք, և զձախ նորա լուսեցուք: Եւ կացոյց Յեշով զուխտ կտակարանաց. ժողովըդեանն յառաւ յայնմիկ: Եւ զորպիսի՞ կտակարանս. բայց եթէ զայս՝ զի ուխտեցին և երդուան եթէ զտէր պաշտեմք մեք: Եւ իբրեւ գրեաց զքանս նոցա, կանգնեաց զարձանն ՚ի տան սըր բուծե և ասէ. “Արձանս այս՝ որ ոչ անցանէ, եղիցի ՚ի վկայութիւն. վասն զի ինքնին լուաւ զքանս տեառն՝ որ խօսեցաւ ինն ընդ ձեզ, զի մի ստեղծիք յամենայն բանիցն՝ զոր խօսեցայք առաջի նորա այսօր, ։”

Պաշտեցին որդիքն Խարայէլի զտէր զամենայն աւուրս կենաց Յեշովայ և ծերակոյտ ժողովըդեանն՝ որ կեցին ըստ նմանէն:

1 Երբնակին խառն:

ԿԱՏԱՐԵԾԱՒ ՄԵԿԵՆՈՒԹԻՒՆ ՅԵՇԱԳԱՅ ՈՐԴԻՈՅ
ՆԱԻԵԱՅ

ՍՐԻՈՅՆ ԵՓՐԵՍԻ

ՄԵԿԵՈՒԹԻՒՆ

ԴԱՏԱԻՈՐԱՑ

Տ Ե Ա Ռ Ն

Ե Փ Ր Ե Մ Ի

ԽՈՐԻՆ ԱՍՈՐԻՈՑ

ՄԵԿԵՈՒԹԻՒՆ

ԳՐՈՑ Ե.Չ.ԳԵՑ

ԳՐԻՔ ազգաց դպրութի է դատաւորաց, որ կացին 'ի ժողովրդեանն յետ մահուանն Յեշովայ որդւոյ Նաւեայ:

Գրեցան 'ի գիրս յայսմ առաքինութիք նաճատակութեց, և փրկութիք զոր արար մի մի 'ի նոցանէ 'ի նաճապետաց անտի ժողովրդեանն և 'ի հեթանոսս:

Գրեաց և զժամանակս առաջնորդութեաննոցա՝ թէ զորչափ ինչ ամս մի մի 'ի նոցանէ դատեաց զժողովուրդն: Քանզի որպէս յար է սկիզբն առաջնորդութեն Յեշովայ 'ի կատարումն մարգարէութեան և առաջնորդութեանն Մովսիսի, սոյնպէս և խառն է սկիզբն առաջնորդութե և դատաւորութե դատաւորացն՝ որք կացին յետ Յեշովայ, 'ի կատարումն առաջնորդութե և դատաւորութեն Յեշովայ:

Օչայս և որ սոցին նման են, գրեալ է 'ի դպրութի դատաւորաց:

Ի ՍԿԻՋԲՆ ԲԱՆՆԻՑ ԻՌՈՑ ԱՅՍՊԵՍ ԱՍԱՑ

ԳԼՈՒԽ Ա

«Ե՛րբ յետ մահուանն Յեշովայ խնդրեցին որդիքն Խարայելի՝ ի տեառնէ և ասեն. ո՞վ ելցէ մեզ զօրոգւլուխ ի մարտ պատերազմի տալ ճակատ ընդ քա նանացիսն: Եւ ասէ տէր. Յուդայ ելցէ», . քանզի ի նմա խիկ խոստացեալ է առաջնորդութի նահապե տութեն ըստ օրհնութեցն Յակովբու: «Ետ պատաս խանի Յուդայ և ասէ ցԸմաւոն. եկ ընդ իս յիմոմ վիճակիս ի թիկունս օգնականութե՝ ի մարտ պա տերազմի, . այս ինքն եկ ընդ իս տալ ճակատ ընդ քա նանացիսն, որ բնակեալ նստին ի ժառանգութեանն՝ որ եհաս ինձ վիճակաւն. և ապա յետ այսորիկ տա ցուք ճակատ և մարտիցուք ընդ ընկերս նոցին, որ բնակեալ նստին ի ժառանգութեն՝ որ եհաս քեզ ի վիճակի անդ:»

Սու արարին խաղացին գնացին կոտորեցին զքա նանացիսն. հատին զթաթս ձեռաց և զօտից զարքայ ին Բեզեկայ, որ եւթանասուն թագաւորք թաթա հապք ձեռաց և ոտից իւրեանց քաղէին հաց ի ներ քոյ սեղանոյ նորա: Արդ այսու միով, որ յայտնե ցան անօրէնութիւնք նորա ընդ բաժին պատուհասից՝ որ եկն ի վերայ նորա, յայտ եղև թէ ամենայն քա նանացիքն՝ որ կոտորեցան ի մեզս և յանօրէնութիւն իւրեանց, սատակեցան ջնջեցան յերկրէ իւրեանց: Եւ վասն զի ոչ կամեցան որդիքն Խարայելի ջնջել սա տակել զքանանացիսն, որպէս և հրամայեցաւ նոցա, եւ հրեշտակ տեառն ի Գաղգաղայէ: Կամ Յեշով եր այն, որ ցարդ ևս ի բանակի անդ էր՝ որ բնակեալ նստէր ի Գաղգաղայ. և կամ այլ մարգարէ էր, զի

Վասն արբանեկութեանն իւրոյ կոչեցաւ հրեշտակ . և կամ ճշմարտիւ իսկ հրեշտակ էր, զի առաքեցաւ առ նոսա 'ի նմանութիւն առն : Զի թեպէտ և ասաց 'ի սկիզբն գրոցն ազգաց, եթէ «Յետ մահումնն Յեշովայ» 'ի սկզբն անդ գրոց, այլ գոյ ճառն Յեշովայ 'ի սկիզբն պատմութեանն . և ասպ դառնայ և գրէ զմահումնն նորա : Յանդիմանեաց զնոսա վասն քանանացւոցն, զի թողին . և լաց ժողովուրդն առաջի տեառն, վասն զի ցարդ ևս ոչ էր թողեալ նոցա :

Իյօսել սկոաւ տէր և ասէ . «Վասն զի անց ժողովուրդն զուխտիւ իմով, ոչ կորուսից սատակեցից զհեթանոսն՝ զոր եթող Յեշով» : Եւ արդ ո՞ր ուխտ էր այն՝ զորով անցին, բայց եթէ զայնու՝ զոր ուխտն եղին և դաշինս կուցին, զի մի արկեցն խնամութիւն ընդ քանանացիսն : Քանզի հեթանոսքն որ մնացին, նոքօք փորձէր զնոսա տէր՝ եթէ պահեն զճանապարհ տեառն ըստ ուխտին զոր ուխտեցին, եթէ ոչ : Բայց հեթանոսք որ թողան՝ այնք են, որ ընաւ ամենեւին ոչ մարտեաւ ընդ նոսա Յեշով . վասն զի ոչ էր կարօտեալ ինչ ցարդ ևս յերկիր նոցա . զի ասէր, թէ գիտասցեն և իմասցին ազգն որ 'ի յետոյն գալոց են՝ ուսանել զմարտ պատերազմի . քանզի ոչ գիտէին առաջինքն զտեղեկութիւն ճակատի 'ի մարտ պատերազմի, վասն զի ինքն մարտնէր փոխանակ նոցա, և առանց աշխատութե և խորամանկութե մատնէր զժնամիս իւրեանց 'ի ձեռս նոցա :

Իւրդ խօսեցին որդիքն Խարայելի խնամութիւն ընդ քանանացիս . 'ի նոցանէն առին, և նոցա ետուն, և խտորեցան զկնի Բահաղու և դիցն օտարութեաց, և մատնեցան 'ի ձեռս Քուսարսաթեմայ արքային ասորոց, և ծառայեցին նմա ութ ամ : Եւ կացոյց տէր փրկիչ զԳթթնիէլ զորդի Կենեզեայ՝ զեղբայր Քաղեբայ զկրտսերն : Եւ սպան զՔուսար անօրէն՝ որ անօրէն նեցաւ 'ի ժողովրդեանն : Եւ հանգեաւ երկիրն քառասուն ամ :

Իւարձեալ արարին որդիքն Խարայելի չար առաջի տեառն, և մատնեաց զնոսա տէր 'ի ձեռս Եգգով արքային մովաբացւոց : Կացին 'ի ծառայութեան, և պաշտեցին զնա ութ և տասն ամ : Ապա բողոք կալան

որդիքն Խորայելի առաջի տեառն նոյ, և յարոյց նոցա տէր փրկիչ զԱռովդ որդի Գերեայ՝ որդւոյ Ամենեայ։ Եւ սպան զԵգգով արքայ մովսրացւոց, և տամն հազար այր վառեալ ՚ի զօրաց անտի նորա։ Եւ զադարեաց երկիրն ութսուն ամ։ Ապա յետ սորա եղևնոցա Սամեգար որդի Անաթայ՝ փրկիչ, այն՝ որ կոտորեաց յայլազգեացն վեց հարիւր այր մաշիւն արօրոյ։

Իսկա դարձեալ յաճախեցին որդիքն Խորայելի գործել զչարիս առաջի տեառն. և մատնեաց զնոսա ՚ի ձեռն Յամին արքային քանանացւոց և զօրավար զօրացն նորա Սիսարա։ Եւ հար վանեաց հնազանդեաց զԺողովուրդն Խորայելացւոց, և կացոյց ՚ի Ժառայ ութ քսան ամ։ Եւ Դեբովրա մարգարէ՝ կին Աղփիգովթայ, և վասն մարգարէութե իւրոյ ինքն դատէր զԽորայել։ Եւ կոչեաց զԲարակ և ասէ ցնա. «Ճհրամայեաց քեզ տէր, յայտ արար՝ եթէ քեզ ետ տէր հրաման վարել ընդ քեզ տամն հազար յորդւոց նեփթաղիմայ յազգէ քումմէ, և յորդւոցն Զաբուղոնի սահմանակցացն քոց, և եկեսցեն ընդ քեզ ՚ի մարտ պատերազմի ՚ի վերայ Սիսարայ, և մատնեցից զնա ՚ի ձեռս քո։ Բայց մի իցէ եթէ պարծեսցիս ինչ, վասն զի ՚ի ձեռն կնոջ, այս ինքն ՚ի ձեռն Յայելի կնոջ Բաբերայ կենացւոյ աներոյն Մովսիսի մատնեսցէ տէր զՍիսարա։

Իսկ իբրեւ հրձիգ եղեն և կոտորեցան, և առին յաւարի զկառան Սիսարայ՝ ՚ի ձեռն Բարակայ, և մեռաւ Սիսարա ՚ի ձեռն Յայելի, օրհնեցին Դեբովրա և Բարակ որդի Աբենէեմայ յօր փրկութե իւրեանց յասել։ Եւ զիմորդ օրհնեցին երկոքեան իբրեւ ինքն Դեբովրա օրհներ և մարգարէանայր. բայց օրհնեաց Բարակ և ոչ օրհնեաց. օրհնեաց ընդ նմա ՚ի սկզբան օրհնուե՞ զոր ասէր ընդ նմա ՚ի յօր կոտորածին Սիսարայ, իբրեւ զայն՝ թէ «Օրհնեք զտէր, զի փառօք փառաւորեալ է». զոր օրհնեաց Մարիամ հանդերձ կանամբք յօր ընկզմելոյ եգիպտացւոցն։ Բայց ոչ օրհնեաց ընդ նմա. վասն զի Դեբովրայ էր օրհնութին և ոչ Բարակայ։ «Արէժխնդրութիւն, ասէ, զոր խնդրեաց Խորայելի օրհնութիւն ժողովրդեանն՝ որ օրհնեցին զտէր», . յայտ արար, զի վասն վրէժխնդրու-

Թէն՝ զոր խնդրեաց Խորայելի՝ ի Սիսարայ և ի զօրացն՝ օրհնեցին ժողովուրդն զօհնութիս զայս տեսաւն : Արդ զայս ի սկիզբն օրհնութեն ասացին երկոքեան . և աստի և անդր ինքն Գեթովրա ասէր զոր ինչ ասաց :

“Ուսարուք Թագաւորք՝ որ նմանէր Յարինայ, և պարծուկ՝ պետք և զօրավարք՝ որ նմանէր Սիսարայ . ես զտեսաւն օրհնութի օրհնեցից , . վասն գործոցն զոր գործեաց ընդ հալածիչս ժողովրդեանն : “Եւ տամնադեան սաղմոսարանաւն սաղմոս ասացից Աստուծոյ , . վասն որոյ իրիք հանդերձեալն է առնել աստի և անդր ընդ Թշնամիսն խորայելացոց : Եւ արդ սկսաւ ի պատճառ այսր փրկութե յիշատակել զառաջին երախտիս փրկութեանն : “Տէր , ասէ , յեւրանեք ջուր ի Սէիրայ , . վասն առաջին փրկութեանն՝ որ եղև Յակովբու հօր նոցա , Խաւայ՝ որ ընակեալ նստէր ի Սէիր , յիշատակէ : “Եւ սուրբն ի Փառան լեռնէ , . զփրկութի այն՝ որ եղև յեգիպտոս , յիշատակէ : “Իբրև գնացեր դու ի մէջ անգաստանացն եդովմացեաց՝ երկիր շարժեցաւ , հանդերձ այլովք . զնոյն զապրումն , որ եղև Յակովբայ յիսաւայ և յայլոց Թագաւորաց հեթանոսաց՝ որք ոչ ինչ մեղանչեցին նմա վասն կոտորածոյն Սիքեմայ , յիշատակէ : “Լերինք շարժեցան առաջի տեսաւն , և լերինք դողացան իբրև զլեռն Սինայ , . զհսկայազունսն՝ որ էին ընդ Եսաւայ , և զԹագաւորոն հեթանոսաց՝ որ ընակեալ նստէին շուրջ զՍիքեմաւ , յորժորջեաց ի լերինս :

“Հաւուրս Սամազարայ որդւոյ Քառնաթայ , . այն որ մաճիւն արօրոյ կոտորեաց յայլազգեաց վեց հարիւր այր յաւուրս Յայելի՝ որ առաքինեցաւն և սպան նահատակութիւն զՍիսարա : “Հատան կորեան ճանապարհք քաղաքացն և ճանապարհքն ընդ որս երթային , . տեղին՝ ուր ընակեալն էր սրբութիւնն , Թողան լքան շաւիղքն հորդեալք , և գնացին զարուուղի յերկիւղէ կառացն Սիսարայ : “Հատան մնացին գաշտք Խորայելի , . այս ինքն ի Գաղութ . ելին ի ընա-

կուէ՛ գեղքն և քաղաքքն և ագարակքն՝ որ անպարհապառակեալ նստելին . մինչ զի եկի հասի՝ կացի ես Գեղովրա, և մարգարէացայ և զօրացուցի զԲարակ :

«Ընտրեսցուք անձնոր, կամ Յայէլ նոր», . վասն զի ՚ի ձեռն զածածկողին՝ սատակեաց անձ Վիսարա զհակայազմն հեթանոսաց : Կամ զի թէ՛ ձեռն դու տերն հեթանոսաց եղև փրկութիւն հերբայեցուցն, կամ մարգարէն որով մարգարէացաւ յաւուրս փրկութե Բարակայ վասն մեծ փրկութեն՝ որ հանդերձեալ էր լինել ՚ի ձեռն Գեղեօշի . քանզի և անդ նոր գործեցաւ, զի ՚ի ձեռն ջուրցն փորձեցան և ընտրեցան սակաւքն և նուազքն, փորձեցան քննեցան և բազումք անարգեցան : Եւ կամ թէ այսու նորն սափորոցն և կանթեղացն և փողոցն, «Ընտրեսցուք, ասէ, Աստուած նոր», . այս ինքն եղիցի նոր ինչ, այնու՝ որ ՚ի ջուրն եղև, և կամ այնու՝ որ ՚ի կանթեղն և ՚ի փողն եղև : Եւ ապա եղիցի կոտորածն ՚ի մագիանացիս . այն՝ որ անակեցաւ ՚ի նկանակն դարեղէն : «Եւ սուսեր և գեղարդն մի երևեսցի ՚ի մէջ քառասուն հազարացն Խորայելի» . վասն զի այս քառասուն ամ, զոր տիրեաց նոցա Բարակ, հանգչեցցէին ՚ի պառտերազմէ . և ոչ էր երևեցցոյ ՚ի մէջ նոցա սուսեր և գեղարդն, այն որ վառեցոյց Յեշով զքառասուն հազարն՝ որ առաջի որդւոցն Խորայելի անցին յերկիրն պարգևաց : Իսկ ըստ հերբայեցի բարբառոյն փոխանակ այսորիկ զոր ասէս, թէ «Ընտրեսցուք անձնոր», . ասէ «Ընտրեսցէ անձնոր դատաւորս, և ուղղեսցէ նա քօք զիրաւունս և զարդարութի . սուսեր և գեղարդն մի երևեսցի ՚ի մէջ քառասուն հազարացն Խորայելի», . յայտ արար՝ եթէ յորժամ կան ուղիղ դատաւորքն, իշխէ սուր նոցա՝ ի թնամիս իւրեանց . որպէս և յաւուրս Յեշովայ, զի վառեցոյց զքառասուն հազար :

Եւ այն՝ եթէ «Սիրտ իմ ասաց ցըննիչ», . յայտ արար եթէ սիրտս իմ միաբան է ընդ վարդապետս Խորայելի, որք մեկնեն և ընտրեն ՚ի միտս իւրեանց ՚ի ժողովրդեանն օրհնեն զտէր : «Եւ որք նստիք յէշ

սպիտակս, և որ բնակեալն են յապարանս, և որք ճանապարհորդքն են, ընդ միտ ածէք 'ի բանից այտի քննողաց», . յայտ արար՝ եթէ մեծամեծք և փաքունք՝ և որ 'ի շէնս նստին, և որ ընդ ճանապարհս անցանեն, առ հասարակ օրհնեն յօրժամ տեսանեն զի կատարի արդեամբք կոտորածն Սիսարայ՝ որ կանխեցաւ և ասացաւ 'ի ձեռն բանի : Եւս առաւել անկանի զարմացումն յօրհնիցս և յերգարկս¹, յօրժամ տեսանեն եթէ 'ի ձեռն վատթարի և ծանակի՝ անկաւ պարծոյկ քաջամարտիկն հեթանոսաց : Իսկ ըստ հերբայեցւոց բարբառոյն փոխանակ այնր՝ թէ «Ընդ միտ ածէք 'ի բանից քննողացն», . ասէ՝ թէ «Ընդ միտ ածէք 'ի բարբառոյն փայտահարացն և ջրկրացն² տեղանոյն ամենայն իսրայէլացւոց», : «Ընդ աացեն զարդարութի տեսուն», . և զի ասաց՝ թէ որ հեծեալ յէշ³, հանդերձ այլովք, յայտ արար՝ թէ երկիրն շինի, և լինին գարբառնացիքն փայտակիրք⁴ և ջրբերք. և օրհնէ ժողովուրդն և վասն այսր առաջի դրան վրան ժամուն : «Եւ ապա եկն էջ ժողովուրդն 'ի դուռն տեսուն», . վասն զի փախստեայք եղեալ էին, և 'ի դառնալն իւրեանց եկին իջին 'ի դուռն վրան ժամուն օրհնել զտէր :

« () արթիր Դեբովրա և մարգարէաց, զարթիր զարթիր և քաջալերեաց զբարակ, զարթիր և զարթիր երթալ գերել զգերիչս իւր», . այս ինքն աւերել յաւարի զաւարիչս իւր : «Յայնժամ էջ զօրագլուխն զօրավարն օրհնել առաջի տեսուն», . յայտ արար և ցոյց՝ եթէ գալոց է Բարակ հատուցանել զխուտովանուի այ, զարթոյց զօրացոյց զնա՝ 'ի վերայ Յաբին արքային քանանացւոց : Բայց ըստ հերբայեցւոց բարբառոյն փոխանակ այնր՝ եթէ «Էջ ապրեցուցին օրհնել», . ասէ «Յայնժամ իշխեսցէ մնացորդն որ գտանիցի յիսրայէլ 'ի հսկայազմն հեթանոսաց, զի էջ ընդ իսարամքն յեփրեմէ, և գործք իւր յԱմազէկ», . Յեշոջն՝ որ կոտորեաց զամաղէկացիսն յանա-

1 Միւս օրինակն յերգարկս :

3 Միւս օրինակն Էսայիայի :

2 Միւս օրինակն ծանայ և պա-

4 Միւս օրինակն փայտէր :

լուի խաղաղութի :

պատի : “Ձկնի քո Բենիամին սիրով քո” , Սաւուղ , այն՝ որ կոտորեաց սատակեաց և ինքն զմնացորդս ամաղէկացւոց : “Ի Մաքերայ ել քննիչն” . այս ինքն վարդապետ և ուսուցիչ : “Եւ ի Չաբուղովնէ որ գրէին յեղէգն գրչի՝ դպիրք են նոքա” . յայտ աբար և ցոյց՝ թէ դպիրքն վարդապետքն , որ մեծամեծք Խաբաւայ , միաբանին ՚ի մարտ պատերազմի ընդ Դեբուրայ և ընդ Բարակայ : Եւ Խաբար իբրեւ առակի ՚ի հեթանոսս . վասն զի և նոքա իբրեւ զԲարակն քաջ եղեն ՚ի մարտ պատերազմի :

“Ղաքեցաւ յոտս իւր բաժինն Հուսթիլի” . այս ինքն ՚ի բաժինն Հուսթիլի նահապետ եղբարց իւրոց կարգեցաւ երթալ մարտնչել Բարակ նեփթաղի մեանց , միջնորդ եղբարց իւրոց : “Մեծամեծք են Ճշդուիք քննուէ սրտի” . վասն զի քննեցին հուսթիլեանք զսիրտ որդւոցն՝ որ ոչն էին ծնեալ , թէ “Մի , ասէ , ասացեն որդիքն ձեր ցմեր որդիան” . Սկսու ուսուցանել նմա , թէ “Չիարդ նստիս դու ՚ի մէջ շաւղաց լսել զխանչիւն ցուց” . այս ինքն է , զի թէ մեղիցէք և խոտորիցիք ՚ի տեառնէ , և երթիցէք ՚ի վերայ թշնամեաց ձերոց ընդ մի ճանապարհ , ընդ եւթն ճանապարհ փախստեայք լինիցիք յերեսաց նոցա :

“Եւ յադ յանցս Յորդանան գետոյ բնակեալ է” . ՚ի բաժինն Ովգայ . և յաղթ և հզօրագոյն է քան զամենայն թագաւորս : Եւ Դան , զի անուանեցաւ օձ իսարամանի¹ , որ հարկանէ զգարչապարս երիւարաց : “Հա գայ” նաւովք իջանել լինել պանդխտութեամբ ՚ի մէջ սոցա յերկիւղէն քանանացւոց : “Աքեր բնակեալ էր զծովեզերաւ . զի յորժամ լսէ զհամբաւն , և նա փախստեայ լինիցի , և բնակեսցէ ՚ի խրամատս նորա” . այս ինքն յամենայն աւերակս նորա բնակեսցէ զօրուի յերկիւղէ գերեվարացն : “Չաբուղովն՝ ժողովուրդն որ նախատեաց զանձն իւր ՚ի մահ” . այս ինքն զի խրոխտացաւ և ընկէց զանձն իւր ՚ի մահ : “Նեփթաղիմ՝ յետ յաղթութեն իւրոց ՚ի բարձունս ագաւրակաց բնակեսցէ” , հնձել զհունձ , և կթել զկուծ .

1 Միւս օրինակն խորամանկ :

2 Միւս օրին . Գան առաքել իջեալ :

և ոչ եթէ 'ի մէջ նաւաց նոտել պանդխտութիւն :

“Եւ ինչ թագաւորքն ժողովեցան , . յաւուրն Յեշոփայ : “Եւ եղև բեկումն նոցա 'ի վերայ Զուրցն Մեգեդոնայ , . զի 'ի վերայ նոցա ժողովեցան : “Զարծաթ և զոսկի ոչ առին , . վասն զի կոտորել յօժարէին և ոչ յաւարել : “Աստեղք ետուն ճակատ ըստ իւրաքանչիւր կարգաց , . կամ զի զտունն Բարակայ առաւելեաց յաստեղս , իբրև եղբարքն Յովսէփու՝ որ առաւելեցան յաստեղո 'ի ձեռն երազոյն Յովսէփու . և կամ զի 'ի ձեռն աստեղացն ծանուցէ , զի յերկնից եղև նոցա փրկութի 'ի ձեռն՝ Բարակայ : “Գերփեաց զնոսա ձորն Կիսմի , . կամ Զուրքն որ բղղխէին 'ի նմա , կամ արեամբն որ հեղաւ 'ի նմա . նա և Դաւիթ իսկ ցուցանէ՝ եթէ 'ի ձորն Կիշոնի կոտորեցան սիսարայեանք : “Հաս անձն իմ 'ի զօրութե վերայ , . այո ինքն սաացաւ զզօրութի : “Յայնժամ անկան կորեան սմբակք երիւարաց սիսարայեանց , և մոնչիւն զօրութեան պատերազմողացն Բարակայ : “Եղովեսթիք զՄրոփչ ասաց հրեշտակն տեառն , . որ ել 'ի գլուխ՝ տասն հազարացն Բարակայ : “Եղովեսթիք զնա և զքանկիչս իւր , զի ոչ ելին ընդ արս յօդ նախնութի ժողովրդեանն տեառն , . :

“() Րհնեցի 'ի կանայս Յայէլ , . ոչ յամենայն կանայս՝ որ յերկրի են , այլ “Ի կանայս որ 'ի վրանի են , . : Քանզի Յայէլ՝ որ սպան զԹշնամին ժողովորդեանն , ահպք եղև Մարիամու . զի 'ի ձեռն պողոյն՝ որ 'ի նմանէն եղև , վանեցաւ Թշնամին սատանայ հեթանոսաց և ժողովրդեանն : Մարիամ՝ օրհնեցի յաւանայն կանայս . վասն զի 'ի ձեռն որդւոյն՝ որ 'ի նմանէն ծնաւ , եղև փրկութի ճշմարիտ ամենայն բնակչաց երկրի : “Օրհնեցի 'ի կանայս Յայէլ կին Քեբբայ կինացւոյ աներոյն Մովսիսի , . զի ետ Աստուած փրկութի 'ի ձեռս նորա , զի եղիցի նոցա պարծանք 'ի մէջ ժողովրդեանն՝ ուր նստէինն 'ի պանդխտութե , և 'ի հեթանոսս՝ զի նախատէին զնոսա . վասն զի Թողլին զերկիրն և զգլխս նոցա , և եկին բնակե-

1 Յօրնաւին գժուարքն ձեռնի էր բառք . և 'ի մեւ օրինակն պապսկր ամբողջ բանն :

ցան 'ի մէջ իտրայէլացւոց: Արդ "Գտին , առէ , զաւար , և բաժանեցան " իւրաքանչիւր առ այր Զորի " : Արդ նայեաց և տես , զի զոր ինչ առաջն՝ եթէ "Մի տայք զանասունս ձեր 'ի խառնս " , զնա առաւել փութացաւ առնել ժողովուրդն . և ողորմութիւնք նորա իբրեւ ծագել արեգական տապեւանդն զօրութիւն իւրով , յայտ արար՝ զի 'ի վերայ ամենայնի սփռեալ են ողորմութիւնք նայ . զի իբրեւ ծագումն արեգական , զի անկանի Համօրէն 'ի մարգաց ամենանն 'ի վերայ ամենայնի գոլտխառն տապն արեգական :

ԳԼՈՒԽ Բ

ՅԵՑ այսորիկ տիրեցին մադիանացիքն 'ի վերայ ժողովրդեանն զեւթն ամ վասն մեղաց ժողովուրդեանն . և ոչ տային նոցա նստել ընականալ յերկիր ժառանգութե իւրեանց , վասն զի խաղացեալ գային ամենայն մադիանացիքն ոչ իբրեւ գերիւք՝ որ գերեն և թողուն մնացորդ , այլ գային Հասանէին ամենայն ստացուածովք իւրեանց , և լինէին անդ բազում ժամանակս . զի որ ինչ 'ի նոցանէն մնայր , աւերէր անառաւն նոցա : Բողոք բարձին ժողովուրդն վասն այսր առ տէր . և առաքեաց առ նոսա մարգարէ , և եկն պատմեաց վասն մեծի փրկութեն զոր արար նոցա յԵփրայտակ . և վասն զի զրպարտեցին զնա , և կցորդեղեն կռօցն ամովըհացւոց , ած 'ի վերայ նոցա զայս ամենայն : Եւ երեւցաւ Հրեշտակն տեսուն Գեղէովնի , և խոստացաւ նմա՝ զի 'ի ձեռն նորա փրկէ տէր զժողովուրդ իւր : Իբրեւ երեք զպատգամն , մատոյց զողջակէզն , վառեցաւ հուր 'ի վիմէ անտի , և եկեր զպատարագն , և վերացաւ : Եւ վասն զի երկեաւ Գեղէոն՝ զի գուցէ մեռանիցի 'ի տեսլենէ անտի Հրեշտակին , առէ ցնա տէր 'ի տեսլեանն , և կամ 'ի ձեռն մարգարէի որ յաւուրս նոցա էր . "Ողջոյն ընդ քեզ , մի երկնէիր , ոչ մեռանիցիս " : Դարձեալ քակեաց զմեհեանն Բահագու՝ որպէս ասացաւ նմա , և կոտորեաց

1 Միւս օրինակն Բաբելոնացի Իսրայէլիւր այր Զորի :

զանտառն . և զի մասնեաց զանձն իւր 'ի մահ , ապ-
րեցոյց հայր իւր 'ի ձեռաց ժողովրդեանն , որ կամե-
ցան սպանանել զնա :

Յայնմ ժամանակի ժողովեցան մադիանացիքն . և
խնդրեաց Գեղէոն նշան , որ պաշտէր զդէմն փրկու-
թէն նոցա , և նկարէր 'ի նմա խորհուրդ յաւիտեան
խոտելոյ նոցա : Քանզի գեղմնն ասու , զոր խնդ-
րեաց տեղալ 'ի վերայ նորա միայն անձրե , Երուսա-
ղէմ էր . զի 'ի նմա միայն բնակեալ էր սրբութիւնն
քան յամենայն քաղաքս . և զի մզեցաւ և լցաւ 'ի նը-
մանէ կրաւ միաւ ջուր , յայտ արար և եցոյց՝ զի մե-
կացաւ և կաց խայտառակ . վասն զի թողին զխոր-
հուրդսն մկրտութե՝ որ նկարեալ էին 'ի նմա : Եւ
զի երկրորդեաց և խնդրեաց՝ թէ 'ի վերայ ամենայն
երկրի եղիցի անձրե , և 'ի վերայ գեղմանն ոչ , նոյն
ինքն է Երուսաղէմ . զի եւ սրբութի 'ի միջոյ նորա .
և փոխանակ միոյ սեղանոյն , որ կանգնեալ էր 'ի նմա ,
սեղանք բազումք եղեն ընդ ամենայն երկիր , այս
ինքն է ընդ ամենայն եկեղեցիս Քրիստոսի ահա կազ-
մեալ կարգին :

Եւ զի մի՝ պարծեսցին ժողովուրդն՝ թէ բազմու-
թիւն իւրեանց յաղթեցին մադիանացւոցն՝ և ոչ օգ-
նութիւն տեսան , և զի ծանուցէ նոցա՝ թէ պահեն
զօրէնս Ճմարտիւ , պաշտի 'ի նոսա այն՝ զոր ասացն՝
թէ «Մինն 'ի ձէնջ զհազարսն հալածեսցէ , և եր-
կուքն զբիւրսն» , դարձոյց անդրէն զքսան և զեր-
կուս հազարսն վատասիրտս . և տանն հազար՝ որ մնա-
ցին , զատան մեկնեցան 'ի ջուրսն քննութե . զի որք
լափեսցեն զջուրսն լեզուաւ իւրեանց , նոքա են տի-
րասէրք իբրեւ շունք միսմիտք , և նոքա են արժանի
հաղորդել քեզ 'ի փրկութե յայս՝ որ լինի 'ի ձեռն
քո որդւոցն խորայելի : Զի եթէ ոչ էին նոքա հա-
ւատացեալք , ոչ իջանէին նոքա երեքարիւր արամբ
'ի վերայ բանակին՝ որ բազում էր իբրեւ զմարտի ,
ընդ որում ամենայն զօրք նոցա միահամուռ զահի
հարան մարտնչել ընդ նոսա . վասն զի մեկուսի եղև
Գեղէոն 'ի զօրուէ անտի զոր ժողովեաց , զի քաջա-
լերեսցի 'ի վերայ մադիանացւոցն : Առաքէ 'ի բանակ
անդր լրտես , զի լուիցէ թէ զինչ ինչ մարգարէանան

տեսիլքն մագիանացւոց :

Եւ զի նկանակ գարեղէն 'ի փոքրն և յանարգն առակեաց զսուր իւր . վասն զի նուազովք և սակաւութիւն կոտորեւոց էր զմեծ բանակն մագիանացւոց : Իսկ իբրեւ լուաւ Գեղէնն զերազն և զմեկնութիւն երազոյն , և ետես զի սուրն նորա առակեցաւ 'ի նկանակ գարեղէն , նկանակն գարեղէն՝ զոր կանխեաց մարգարէացաւ Դերսիլա վասն նորա , դարձաւ և ասաց՝ եթէ մատնեաց տէր 'ի ձեռս ձեր զբանակն մադիանացւոց . ոչ կարէր համարձակել և ասել՝ եթէ մատնեաց տէր զբանակն 'ի ձեռս ձեր , եթէ ոչ զի առնէք ին ճշմարտիւ հաւատացեալ էին 'ի տէր :

Եւ զի բարձցէ զպարծմանն հպարտութեան և 'ի սոցանէ , առ 'ի նոցանէն զսուսերս իւրեանց , և եղ 'ի ձեռս նոցա զփողս և զկանթեղս . զի 'ի բարբառոյ ազաղակի նոցա զարթիցէ Մադիան և վառեցի 'ի պատերազմ , և 'ի լուսոյն կանթեղաց ելցէ այր ընդ սուր ընկերի իւրոյ : Բարբառեալ կոչէին սուր . ոչ զգորուն խորայէլացւոց՝ որ երկեաւ և փախեաւ , այլ տեսնն՝ որ զԳեղէնն առաքեաց : Եւ Գեղէննին՝ զի ասէին , վասն զի 'ի ձեռն նորա կամեցաւ տէր փրկել և տալ զնահատակութիւն ժողովրդեանն : Եւ զի ցուցցէ և յայտ արասցէ նձ , զի եթէ մատնեալ զՄադիամ 'ի ձեռս ժողովրդեանն պատժէր , իւր թոյլ տայ փախստեայ լինել երկուց զօրավարաց Մադիամու , զի եղիցին ձերբակալ լինել 'ի ձեռաց եփրեմեան գնդին :

Եւ զի նորա փոխանակ զարմանալոյ ընդ մեծ հաւատս առնն , որ երեքարիւր մերկանդամ արամիքն քաջալերեաց ելանել 'ի վերայ կուռ վառեալ բանակին , որ բազում էր իբրեւ զաւազ առ ամս ծովու , և թէ զիարդ ինքն զինքն կոտորեաց Մադիամ , և անձամբ կոտորածոյն ետ զնահատակութիւնն Գեղէնին , եկին վասն երկուց փախստեից նորա նկանա 'ի ձեռս նոցա . ճառ արկեալ և կադէին ընդ նմա կադ չար , և ասեն՝ եթէ «Ընդէր ոչ կոչեցեր զմեզ յերթախ քո 'ի վերայ մագիանացւոցն 'ի մարտ պատերազմի» : Իսկ Գեղէնին արար իւր թիկունս և տուն ապաւինութեւ զխոնարհութիւն իւր . զի գուցէ՝

Թէ ապրեցաւ նա 'ի մադիանացւոցն, սպանանիցեն զնա գունդն եփրեմեան, ետ. պատասխանի եւ ասէ, եթէ «Լաւ է ճաքաղութիւն Եփրեմի, քան զԵւթոն խորայեւեան», : Այս ինքն, լաւագոյն է փրկուին՝ որ եղև Ժողովրդեանս 'ի ձեռն այդ երկուց փախստէիցդ զոր կալարուքդ, քան զԵւրոսն եւ զհազարսն մադիանացւոց, որ կոտորեցան 'ի կանթեղաց եւ 'ի բարբառոյ մերոյ : Այսու միով բանիւ խոնարհուեմք փառատեաց յիւրմէ զմահաբեր սպանաւորսն :

Երգ Գեղէոյնն՝ այն որ կանթեղոցն եւ աղաղակաւ կոտորեաց 'ի գիշերին հարիւր եւ քսան հազար, առաջի արկեալ փախստեայ տանէր 'ի տուէ զհնգեւտասան հազարն որ մնացին : Եւ ասէ ցորդին Սակքովթայ եւ ցրնկերս նոցուն, զի տացեն հաց զօրուն՝ որ նըողեալ էին 'ի սովոյն : Դարձուցին նոքա նմանդրէն անարգանս փոխանակ ընդ հացին : Բայց ոչ համբերէր նոցա իբրև զեփրեմեան զնդին . վասն զի իբրև կալաւ Զբեէ եւ Սաղմանա զթագաւորսն Մադիամու, որովք նախատեցաւ, մերկաց զոգիոն 'ի մարմնոյ նոցա 'ի ձեռն սրոյ սուսերի, վասն զի ոչ կաւ մեցան արկանել զոյժ զօրութե 'ի ձեռն հացին աւրանցն որ ընդ նմա էին . սպան եւ զտունն Զբեէայ : Վրէժխնդիր եղև 'ի նոցանէն երկոցունց զվրէժ աւրեան եղօր իւրոյ, որ սպանին սրով : Եւ հանգեաւ երկիրն յաւուրս նորա ամն քառասուն :

Ետ Գեղէոյնի կաց Աբիմէլէք հարձորդին Գեղէոյնի երիս ամն, եւ սպան զԵւթոնասուն զեղբարսն իւր . բայց Յովթամ միայն ապրեցաւ : Բայց որդիքն Սիքեմայ եւ ընկերքն իւրեանց, որ Թագաւորեցուցինն զնա, կոտորեցան 'ի նմանէն . սատակեցաւ եւ ինքն 'ի ձեռաց նոցա : Եւ եղև 'ի նոցանէն վրէժխնդրութի որդւոցն Գեղէոյնի՝ զորս սպանն Աբիմէլէք 'ի ձեռն ապիրատ մարդոց զոր վարձեացն եւթանասուն արծաթոյ . այսոքիկ որ 'ի Բագնեայ կոտցն իւրեանց Թոռակեցին նոքա : Ապա յարեաւ յետ Աբիմէլէքայ Թովա որդի Փուայ, եւ դատեաց զԺողովուրդն Խորայեի քսան եւ երիս ամն : Եւ յետ նորա յարեաւ Յայեր գաղաադացի, եւ առաջնորդեաց Խորայեի քսան եւ երկուս ամն :

Լ՛րդա յետ նորա գործեցին օրդիքն Խորայէլի զշարիս առաջի տեառն , և մասնեցան 'ի ձեռս օրդւոցն Ամֆէայ ութ և տասն ամ : Այդա բողոք բարձին օրդիքն Խորայէլի առաջի տեառն , և ոչ լուաւ նոցա : Առաքեցին առ Նափեթ գաղաադացի գալ լինել նոցա զօրավար զօրաց 'ի մարտ պատերազմի . և վասն զի տես նա՝ զի անարգեաց ժողովուրդն զիւրպանչիւր կուռն , և ոչ եղէն ընդունելի առաջի տեառն , մատուցին զպաղատանս , և ոչ լուաւ : Ասէր ընդ անձն իւր , Թէ ես իսկ ո՛վ իցեմ , զի ինձ լուիցէ այն՝ որ ոչ լուաւ ամենայն Խորայէլի . զի յազօթս կաց և խրնդրեաց 'ի նմանէն . և վասն զի ուխտել զանասուն անարգ էր , և ուխտել զմարդ բամբասելի էր . և Թէ իւ ցուցից զսէրն իմ առ նա , զայն ոչ գիտեմ : Ահաւասիկ բանամ զերբն իմ 'ի ծածուկ առ նա , Թէ որ ելցէ 'ի տանէ իմմէ ընդ առաջ իմ , մատուցից նմա պատարագ : Եւ արդ այսուհետեւ 'ի ձեռս նոց , զի պատրաստեցէ զպատարագն 'ի փառս ծառայից իւրոց , որպէս զի և երբեմն պատրաստեաց ըզգառն իւրում պատարագին :

Իսկ իբրեւ յաղթեաց և դարձաւ , և ուխտեաց յայտնապէս զօր ուխտեալն էր 'ի ծածուկ : Զի Թէ ուխտեալ էր զնա յայտնապէս մինչ գեռ երթայր 'ի պատերազմ , լսէին զհամբաւ ուխտի նորա , և զգուշանային ընտանիք նորա յերանելոյ ընդ առաջ նորա . նա և բարեկամքն իսկ և հարազատքն յետ յաղթութեն որք ընթանային 'ի տուն անդր , զի պատրաստեացեն հանել ընդ առաջ նորա որ ինչ պատշաճ էր առ 'ի մատուցանել զպատարագ ուխտից իւրեանց : Նա և աւետարերք յաղթութեան նորա պատմէին վասն ուխտից նորա , և կարճէր դուստր իւր յերանելոյ ընդ առաջ նորա : Արդ ո՛վ հան զդուստր իւր ընդ առաջ նորա , եթէ ոչ աւետարերք յաղթութե նորա : Արդ այնոցիկ՝ որ ընթացան առնուլ զառհաւատչեայն , որ զաւետիսն յաղթութե բարձեալ ունէին , եթէ գիտակ էին ուխտից նորա՝ յառաջ քան զտալ աւետեացն՝ նախ զգուշուի տային ընտանեաց նորա , զի մի մեռցին :

Լ՛րդ ուխտեաց զդուստր իւր , և ոչ ուխտեաց .

ուխտեաց զնա, զի ընդ ընակիչս տան իւրոյ համարեալ էր նմա իբրեւ ուխտէրն. բայց ոչ ուխտեաց զնա, զի ոչ զանունն դատերն իւրոյ ասաց յայտնապէս 'ի ժամ' ուխտից իւրոյ : Ծածուկ էին ուխտքն 'նափեթայ'. և առ 'ի փորձել մտացն նորա եւ միտմօրն ընդ առաջ նորա. և իբրեւ կարէր՝ ծածկել զուխտն, ոչ ծածկեաց զնա, այլ արտմեցաւ. զի ցուցցէ զսէրն իւր առ դուստրն իւր : Եւ դարձաւ 'ուխտեաց զնա յայտնապէս առաջի ամենայն ժողովրդեանն 'ի ժամանակի' զի ամենայն զբօսանք արեաց ստուծէ յարուցեալ էին 'ի վերայ նորա ծածկել զուխտ ուխտից իւրոյ :

Արդ որդիքն Եփրեմի ոչ վասն յաղթութեն նորա, և ոչ վասն արտմտութեան դատերն իւրոյ զոր ուխտեաց՝ զի մատուցանէր զնա պատարագ՝ պատկառեցան, այլ եկին մարտ եղին, սկսան կազել ընդ նմա : որպէս և կազեցան վասն Գեդէօնի. վասն զի ոչ կուչեաց զնոսա յերթալն իւրում 'ի մարտ պատերազմի : Արդ ոչ եթէ 'նափեթայ էր այս, զի կոչեացէ զնոսա, վասն զի հալածական էր նա. և զնա իսկ կոչելով կոչեցին յաւուր Ճակատին, յորում առւեր եկեալ հասեալ էր 'ի մարտ պատերազմի 'ի թիկունս նոցա : Վասն զի ոչ եթէ կազելով միայն կազեցան ընդ նմա, որպէս և ընդ Գեդէօնի, այլ և զտուն նորա այրել կամեցան : Մարտեան ընդ նոսա դադայադեան զնդաւն, և կոտորեաց 'ի նոցանէն քառասուն և երկուս հազարս : Եւ վրէժխնդիր եղև 'ի նոցանէն զամբարտաւանութեանն՝ որ յետ պատերազմին 'ի վերայ քաջացն յաղթողացն հպարտանային նոքա : Դատեաց 'նափեթ զԽորայէլ զվեց ամ :

Ապա կաց իշխան յետ նորա Եսերոֆն 'ի Բեթղէէմ՝ գեղջէ, և առաջնորդեաց Իսրայէլի ամս եւթն : Ապա առաջնորդեաց յետ նորա տանն Իսրայէլի Ելովմ՝ զաբուղմոնեան, և կաց նա իշխան 'ի վերայ տանն Իսրայէլի ամս տասն : Ապա կաց իշխան յետ նորա 'ի վերայ տանն Իսրայէլի Ղաբգան որդի Սիդիմայ ափրաթմոնացոյ, և առաջնորդեաց տանն Իսրայէլի ամս ութ :

1 Միւս օրինակն խոճէր :

ԳԼՈՒԽ Գ

ՄԱՐԱԶԱԼ անօրինեցան որդիքն խորայելի առաջի տեառն, և մատնեցան 'ի ձեռս այլազգեացն քառասուն ամ: Աւետարանեցաւ Սամիսոյն 'ի հրեշտակէ, զի ծնցի յամուլ կնոջէ անտի. և երևեցաւ հրեշտակն երկրորդ անգամ՝ կնոջն վասն խնդրուածոցն Մանուէայ առն իւրոյ, զի յայտ արասցէ և ցուցցէ՝ եթէ հրեշտակ տասց Մանուէայ, զի եթէ մատուցանիցես զողջակէզս՝ տեառն մատուցիր: Եւ զի ցուցցէ դարձեալ, եթէ անձ յայտնեաց՝ նովաւ, ասաց «Զի հարցանես վասն անուան իմոյ, զի նա է դրան լելի»:

Եւ իբրեւ ծնաւ մանուկն և եղև այր երիտասարդ, եղև 'ի կամաց տեառն առնուլ նմա կին 'ի դատերաց այլազգեաց: Նա իբրեւ իջանէր յայլազգիս ընդ հօր և ընդ մօր իւրոն՝ վասն այօր իրաց, և ահա կորուսն մի առեւծու գոջեաց ընդդէմ նորա. վառեցաւ 'ի նա հոգին զօրուծէ զոր զգեցեալն էր, և հեղձոյց զնա իբրեւ զուլ մի, և հօր և մօր իւրոն՝ ոչ ցոյց: Իբրեւ դարձաւ յետ աւուրցն առնուլ զկինն զոր խօսեցաւ, խոտորեցաւ 'ի ճանապարհէ անտի երթալ տեառնէլ զուկր յայրն առեւծու. և տեսանէր զի գնդակ մեղուաց պարս տուեալ էր 'ի բերան առեւծուն, և այն լի էր խորսխով մեղու. մատնաւ վազվազակի և յինքն կէծեաց զխորիտին մեղու. գնայր գայր և ուտէր: Եկն առ հայր և մայր իւր, և ետ նոցա 'ի խորսիս՝ անտի մեղու. առին կերան և նոքա բայց նա ոչ պատմեաց նոցա եթէ յառեւծու բերանոյ առեալ բերէր նոցա զմեղին. քանզի թէ յայտնեալ էր նոցա, ոչ ուտէին նոքա զմեղին՝ եթէ 'ի բերանոյ առեւծուն բերէր նա. վասն զի զօրէնս լուծանէին մեղուն, զի 'ի մեռեալ մարմնոյ առեւծուն ուտէին: Արդ քաղցր մեղին որ 'ի դառն առեւծն գտաւ, խորհուրդ նկարէր զախորիկ՝ որ 'ի ձեռն ապանօղ մագմ:

նոյն գտանէր զկեանս ամենայն որդւոց մարդկան :

Արդ առակեաց զառակն , և յայտնեաց զնա կնոջ իւրում , և թափեցին զնա 'ի նմանէն , զի զխորհուրդս սրտի իւրոյ այլ կնոջ մի յայտնեացէ : Բայց սակայն վառեցաւ 'ի նա հոգի զօրութե , և հատ յուն կանէն այլազգեաց և եդ 'ի բերան նոցա . այնու՝ զի 'ի ձեռն կոտորելոցն զոր կոտորեաց 'ի նոցանէն , նոքօք հատոյց նոցուն զպարտս պատմուճանացն . վասն զի նենգեաց զնա կինն իւր , զի պարտաւորեսցի յիւրոց սպասաւորացն : Արդ իբրեւ կոտորեաց զերեսուն այրն այլազգի , և աղուեսօքն այրեաց զամենայն արմիւ տիս անդաստանացն նոցա , եկին հասին այլազգիքն 'ի վերայ տանն Յուդայի , և կապեցին մատնեցին ըզ Սամիսոն այլազգեացն :

Իսկ իբրեւ յարեան այլազգիքն սպանանել զՍամիսոն , նա հատ կոտորեաց զկապանս իւր , և ծնօտիւ իշոյն՝ զոր եգիտ նա առաջի իւր՝ սպան 'ի նոցանէն հազար այր : Արդ ծնօտ իշոյն՝ որ 'ի ժամ պատերազ մին ելից նմա զտեղի սրոյն սուսերին , 'ի ժամ ծաւաւոյն դարձաւ և եղև նմա քաղցր աղբերակն : Արդ այն՝ որ սակաւիկ միւս ևս յառաջ զաղբերս արեանն հոսէր 'ի մարմնոցն այլազգեաց , յետ սակաւ մի ինքն անձամբ անձին աղբեր հովջուրց գտեալ լինէր առ 'ի հանդուցանել զծարաւն Սամիսոնի : Արդ այն՝ որ 'ի ժամ կոտորածոյն մերկանայր զոգիոն 'ի մարմնոցն այլազգեացն , 'ի ժամ աղբերն զնուաղեալ ոգին արկանէր 'ի մարմնն Սամիսոնի : Ունայն էր ծնօտն , և լի էր . ունայն էր 'ի ժամ պատերազմին , և լի էր 'ի ժամ ծարաւոյն : Արդ այն՝ որ յաջողեաց զնա 'ի ձեռն Սամիսոնի կոտորել նովաւ հազար այր , ինքն մեծացոյց յղփացոյց զնա բղիմամբ աղբեր , որով բաւական եղև յազեցուցանել զմեծ ծարաւն Սամիսոնի : Արդ ծնօտն որ հզօրացոյց զնա ջուրքն կակուղք՝ որ էին 'ի ներքոյ նորա , ոչ կարացին ծակել և ելանել արտաքս քան զնա , զկառաւորունս իշխանաց այլազգեացն խորտակէր , և զմարմնս նոցա յարինն գլխոցն իւրեանց լուանայր :

Ինչ զնաց անտի 'ի Գազայ : Ազդ եղև գազացւոցն . եկին պատեցին պաշարեցին զքաղաքն զգիշերն

ամենայն . և վասն զի յուսացեալ էին եթէ այսուհետեւ անկաւ նա 'ի ձեռս նոցա , վասն զի մուտ նա 'ի քաղաքն՝ որոյ դրուոնքն աղիւիւ փակեալ էին , յաւեաւ զարթեաւ 'ի կէս գիշերի , և բարձ զգրուոնս քաղաքին սեմօքն և դռնափակօքն հանդերձ . առ ըստ անձին , և բարձ գնաց տարաւ եհան 'ի վեր 'ի լեառնն , և անդ 'ի գլուխ լերինն կանգնեաց գէմ յանդիման Քերրոնի , և ինքն գնաց :

Իբրդ չափով զօրութիւն Սամիսոնի՝ զանչափ զօրութի տեառն իւրոյ նկարէր , որ զանյաղթ նիգա դժու խոց խորտակեալ հանդերձեալ էր : Սամիսոն զարմանալօքն զոր արար , զանչն իւր միայն ապրեցոյց 'ի մահուանէ . իսկ տէր մեր զմարմին իւր ապրեցոյց , և զամենայն մարմին ըստ նմանութեան իւրոյ մարմնոյն ապրեցուցանէ յիշխանէն մահու յօր դալստեան իւրոյ : Իսկ իբրեւ սիրեաց զԴաւիթ , և նեղեաց զնա զի յայտնեացէ նմա թէ իւ է մեծ զօրութի նորա , խաբեաց զնա եւթն զուարակեան ներդիւք դալարովք , և եւթն կարիւք նորովք՝ որ բնաւ ոչ էր 'ի գործ մաւտուցեալ , և եւթն գիսակօքն գլխոյ իւրոյ յուսանելովն՝ աղքատն ընդ նիւթս ոստայնայ : Իսկ իբրեւ յաճախեաց բազմացոյց առ նմա զպատրանս խաբէութեն , այր ծածկամիտ և խորախորհուրդ՝ որ հարցն իւրոց ոչ յայտնեաց վասն հեղձուցանելոյ առեւծուն , և վասն մեղուն՝ որ գտաւ 'ի նմա , պոռնկին առ յայտնեաց զուխտաւորութիւն իւր : Արեւցոյց և տքնեցոյց զնա . արկ զնա 'ի քուն խոր , և գերծ զգէտս գլխոյ նորա : Եւ վասն կաշառոցն զոր ընկալաւ յայլադգեացն , զհսկայազն և զքաջամարտին Խարայէլի իբրեւ զաղուէս մատնէր 'ի ձեռս այլադգեացն : Արդ զոր օրինակ զօրութիւն Սամիսոնի՝ զօրութի տեառն նկարեցաւ , սոխպէս և խոնարհութի վատթարութեն նորա՝ կորստախառն խոնարհութի աշխարհիս նկարեցաւ : Քանզի որպէս Սամիսոն առաջի Դաւիթայի 'ի ժամ՝ գերծեւոյն գլխոյ իւրոյ , այսպէս տկարացեալ վատթարեալ էր աշխարհս առաջի մեղացն և անօրէնութեանն՝ 'ի ժամանակի զի ժողովուրդն

1 Միւս օրինակն 'ի հիսելլի :

և հեթանոսքն կորացուցանէին զգլուխս իւրեանց առ առջի ամենայն կռոյն և պատկերաց :

Դեպքեցին փութացան այլազգիքն և բրեցին զաչս նորա առ 'ի խնդրել զքէնս վրիժուցն զանուանի հազար առնն՝ որ կոտորեաց 'ի նոցանէն : Ազգ արարին ժողովեցան մատուցանել զողջակէզս դիցն իւրեանց . վասն զի մատնեաց զթշնամին 'ի ձեռս նոցա , այն՝ որ հրձիգ արար զերկիրն յարմտեաց . բազմացոյց յաւճախեաց զսպանեալս և զվիրաւորեալս նոցա ծնօտիւ իշխն : Արդ 'ի կուրուծեան անդ շարժեաց զերկուս սիւնս տաճարին , և կործանեաց 'ի վերայ բազմականացն , և արկ միատարած զամենեւին առ հասարակ : Եւ բազում եղեն մեռեալք վիրաւորք մահաւամբն նորա քան զայն՝ զոր սպան 'ի կենդանութե իւրում : Կոյն ինքն Սամիսոպէս այս առաջնորդեաց Խորայէլի քսան ամ :

Իսկ Միքայն՝ զի ասաց ցմայր իւր , եթէ հազար և հարեւր արծաթն սր կորեաւ քո , այս ինքն զոր գողացանն 'ի քէն , և երդուար և ասացեր յականջս իմ , զի եթէ գտից՝ արարից 'ի նոցանէն պատկեր ձուլածոյ , ահա արծաթն քո : Իմ առեալ էր զնա . առ զքոյն 'ի քեզ , և արա 'ի նմանէն պատկեր ձուլածոյ , որպէս և ուխտեաց բերան քո : Օրհնեաց զնա մայր իւր : ոչ վասն զի դարձոյց անդրէն զարծաթն , այլ զի ասաց ցնա՝ թէ արա պատկեր ձուլածոյ : Եւ արար կիրն պատկեր ձուլածոյ քանդակադործ դրօշեալ , և եդ զնա Միքա 'ի բազնին կռոյ՝ զոր շինեաց նա 'ի տանն իւրում , արար և վակաս 'ի նմանութի ճշմարիտ վակասին : Եւ եկն մի ոմն յղեատացւոցն և ետ զինքն 'ի վարձու տամս արծաթոյ լինել քուրմ տանն Միքայի : Արդ եկին հասին որդիք դանեան գնդին , և առին բռնաբար զպատկեր ձուլածոյ , ոչ թէ բեկանել խորտակել զնա , այլ առնել իւրեանց կուռս օտարութի : Տարան եգին զնա 'ի քաղաքն Գեա , և զոր գերեցին . և կոչեցին զանուն նորա Դան՝ զամենայն աւուրս որչափ եղև տունն Աստուծոյ 'ի Սեբով :

։ Միւս գլխին Դեպքի ։

Յետ այսորիկ էր այր մի, և ունէր հարձ. և պոռնը կեցաւ հարձն նորա, և փախեալ 'ի նմանէ: Իբրեւ չոգաւ ածել զնա 'ի տուն իւր, ետ պատասխանի և առէ ցպատանին իւր. մի մացուք ուրեք 'ի քաղաք՝ որ ոչ է յԻրայէլի: Եւ եկին հասին 'ի Գաբա Բենիա. մինի 'ի ժամ՝ երեկորին. և ոչ էր դէ՝ որ մուծանէր զնոսա: Տես զնոսա այր մի ալեւոր յեփրեմեան գնդէն անտի, և տարաւ զնոսա 'ի տուն իւր: Եւ իբրեւ կերան և արբին, և ուրախ եղէն, ազդ եզկ արանցն քաղաքին այնորիկ. եկին պատեցին առ հասարակ զտունն, սկսան խորտակել զգրունսն, և ասէն ցալեօրն. հան արտաքս զայրդ՝ որ եմուտ առ քեզ 'ի տուն քո, զի գիտասցուք զդա՝ ով է դա: Իսկ իբրեւ խոստացաւ ալեւորն զդուստրն իւր կոյս և զհարձ առնն՝ և ոչ կալան յանձին, կալաւ այրն զհարձն իւր և հան զնա արտաքս առ նոսա: Տարան չարչարեցին զնա զգիշերն ամենայն: Իբրեւ այգ եղև, յարեաւ այրն երթալ զձանապարհ իւր. տես զհարձն իւր զի անկեալ կայր զսեմօք դրացն, արկ զձեռն իւր 'ի դարւ շոյն և պատառեաց զնա յերկոտասան մասունս, և ետ տանել ընդ ամենայն սահմանս Իրայէլի:

Իբրեւ ետես զայն ժողովուրդն Իրայէլի, նախանձայոյք եղէն ամենայն ժողովուրդն առ հառարակ: Ազդ ետուն ժողովեցան 'ի Մասեփա չորեքհարիւր հազար այր վառեալ. առաքեցին առ որդիան Բենիամինի տալ 'ի ձեռս զվրիժագործան չարեաց, և ոչ կամեցան. կամ զի թէ ամենեքին իսկ այնպէս էին, և կամ զի թէ 'ի պատճառ գրգռութե կնոջն լիցի վրէժինդրութի յայնցանէ՝ որ մնորեցան 'ի պատկերն Միքայի. զի յազգէն Դանայ առին զնա: Ազդ ետուն, ժողովեցան գունդն բենիամեան 'ի մարտ պառտերազմի. և եղև քսան և հինգ հազար և եւթն հարիւր: Հարցին գունդն իսրայելեան ցնծ թէ ո ելցէ մեզ զօրավար զօրաց 'ի մարտ պատերազմի: Ասէ ցնոսա տեր. Յուդայ: Եւ վասն զի 'ի պատկերսն և 'ի կուռսն ձուլածոյս յառաջինս՝ զոր արարին՝ ոչ նախանձեցան, և վասն պատկերին՝ զոր առ ազգն դանեան 'ի տանէն Միքայի, ոչ նախանձեցան, և վասն պոռնիկին՝ որում փոխարէնն հատուցաւ՝ նա.

խանձեցան : Վասն զի ծուլացան 'ի մեծամեծսն , և վասն փոքուն առ 'ի կորուսանել որդւոցն Բենիաւմինի փութացան ժողովել , տայր նոցա հրաման ելանել 'ի մարտ պատերազմի . ոչ զի խրատեսցին բենիամինեանք՝ որպէս և կարծեցան , այլ զի նոքա խրատեսցին 'ի ձեռն նոցա . զի էր հակառակ նոցա կարծեացն :

Իսկ իբրև կոտորեցան յԽրայէլէ յառաջին կոտորածին քսան և երկու հազարք , և ոչ իմացան ընդ միտ ածել՝ թէ ընդէր կոտորեցան , տայ նոցա միւսանգամ հրաման ելանել 'ի վերայ նոցա 'ի մարտ պատերազմի : Զի եթէ գիտացեալ էր նոցա յառաջին կոտորածին զյանցանսն իւրեանց , յերկրորդ հաբուածի աստ ոչ կոտորէին նոքա . և զի ետուն ըզպարտութին իւրեանց դիւաց և ոչ այ , յաւելան կոտորել կրկին անգամ , և անկան 'ի նոցանէն երեք տասան հազար : Իսկ իբրև սատակեցան՝ որ եղեն պատճառ առաջին կոտորել և ձուլածոյն պատկերին տանն Միքայ , և խնդրեաց զիւր վրէժսն ստուգութին 'ի չարացն և յանօրինացն 'ի ձեռն այնոցիկ՝ որ չարն էին և անօրէն քան զնոսա : Ապա յետ լալոյն և ծովելոյն նոցա , և զողջակէզմն մատուցանելոյն 'ի ձեռն փենեհէս քահանայի առաջի տեառն , ետ նոցա հրաման յերրորդ նուագին ելանել 'ի պատերազմ : Իբրև խոստանայր նոցա զՃշմարիտ յաղթութիւնն , ապա խորհուրդս խորհեցան և դարանամուտ եղեն առ Գաբայ Բենիամինի , որպէս և 'ի վերայ Գայեայ : Հարին վանեցին կոտորեցին 'ի Բենիամինէ քսան և հինգ հազար և հարիւր այր : Եւ վեց հարիւր այրն՝ որ ապրեցան , փախստեայք եղեն և արարին ապաւէն զքարանձաւսն Ռեմոնայ : Եւ յետ կոտորածոյն ազգին բենիամեան հանդերձ կանամբքն և որդւովք և ընչիւք իւրեանց , երդումն երդուան և դաշինս կուեցին , զի մի տայցեն զդատերս իւրեանց կնութե որդւոցն Բենիամինի :

Եւ զյետ երդմանն անկաւ զիղջ և ապաշաւ 'ի միտս նոցա . եկին սկսան լալ և մեղ դնել , ոչ մեղացն իւրեանց , այլ տեառն : “Ընդէր , ասեն , տէր՝ եղև այս , բնաջինջ լինել զնդի միջ 'ի միջոյ իտրայէլացւոց ” :

Եւ վասն զի մի ստեպցեն զերդուամ իւրեանց, և գտին 'ի ամանէ Յարիսայ Գաղայադու չորեքարիւր աղջիկ կոյս՝ որ ոչ գիտէին զայր, հարին սատակեցին զբնաւ կիւսն Յարիսայ գաղայադացւոյ 'ի սուրսուսերի. վասն զի ոչ ելին ընդ նոսա 'ի մարտ պատերազմի 'ի վերայ Բենիամինի. և չորեքարիւր կուսանսն զոր գտին 'ի նոցանէն, և ետուն զնոսա որդւոցն Բենիամինի: Ետուն զհաւանութիս և այլոցն՝ որ ոչ առին յառնուլ իւրեանց 'ի դռտերաց Սելուվայ, իբրեւ տայցեն ժողովուրդն պատասխանի ընդ նոսա որդւոցն Սելուվայ՝ զի ոչ եթէ կանայս տարան ընդ իւրեանս և չու գան փախստեայք, և արդ եկին յուսան առնուլ զկանայս 'ի վերայ այլոց կանանցն: Բայց շինեցին ազգ զբն Բենիամինի գեօղս և բնակեցան 'ի նմա: Եւ 'ի սակաւ ամս հազարքն որ կոտորեցան, նուազունքն որ մնացին՝ լին զհետս նոցա: Աստուծոյ՝ որ կացոյց զգառաւորս 'ի ժողովրդեան անդ՝ մինչև զի սահմանեցան Թադաւորօք և կարգեաց զթադաւորս. դարձեալ մինչև բովանդակեցաւ մինչև 'ի տէրն Թադաւորութեց՝ որ էն օրհնեալ յաւիտեանս. ամէն:

ԿԱՅԱՐԵՑԱԻ ՄԵԿԵՈՒԹԻԻՆ ԱԶԳԱՅԷ

ՍՐԻՈՅՆ ԵՓՐԵՄԻ

ՄԵԿԵՈՒԹԻՒՆ

Ա. ԵՒ Բ. ԹԱԳԱՆՈՐՈՒԹԵԱՆՑ

Տ Ե Ա Ռ Ն

Ե Փ Ր Ե Մ Ի

ԽՈՐԻՆ ԱՍՈՐԻՈՅ

ՄԵԿԵՈՒԹԻՒՆ

Ս Ը Մ Ո Ւ Լ Է Լ

Գ ԻՐՔ Սամուէլի, որ պատմեն զեղկանայէ և զերկուց կանանցն նորա :

Ս ամն ծննդեանն Սամուէլի և աղօթիցն Աննայի մօրն նորա :

Ս ամն ագահութի որդւոցն Հեղեայ, և քահա նայութեան անարգելոյ՝ որ յազգի նոցա կարգեալ քայր :

Ս ամն յայտնուեն այ առ Սամուէլ, և սպանման որդւոցն Հեղեայ :

Ս ամն գերի երթալոյ տապանակին կտակարանաց, և հարուածոց յայլազգիսն և ՚ի դիս նոցա և յերկիրնոցա :

Ս ամն դառնալոյ տապանակին առ հերբայցիս, և անարգելոյն Սամուէլի ՚ի ժողովրդենէն՝ խնդրելոյ զթագաւորն իւրեանց :

Ս ամն յանդիմանութեան Սաւուղի մատուցանել զողջակէզմն ՚ի Գաղգաղայ :

Ս ամն յանցանելոյն Եոնթաթանու ըստ նզովս հօրն իւրոյ. և ապրեցոյց զնա ժողովուրդն ՚ի ձեռաց հօր նորա, զի մի սպանցէ զնա :

Ս ամն առաքելոյն Սաւուղի կոտորել զամաղէկաւ

ցիւն, և զի կեցոյց զԱգագ արքայն, և անխայեաց 'ի գեղեցիկ խաշինս ամաղէկացւոց :

1) ամս օծման Դաւթի. և զի խնդրեցին զնա մատնել 'ի տունն Սաւուղի :

1) ամս տպանման իւր Դաւթի զհակայազմն ալաղգեացն, և զի գովեցին յարգեցին զնա կանայք յերգըս վիպասանաց, և նախանձեցաւ ընդ նմա Սաւուղ :

1) ամս փեսայ լինելոյ նորա Սաւուղի յերկու դուռ տերսնորա . և զի ձգեաց նմա զգեղարդն միանգամ և երկիցս . և զի փախոյց զնա Մեղքող դուստր Սաւուղի, և եդ ընդ նորա պատկեր 'ի գահոյն . և զի չուգաւ առ Սամուէլ . և զի չողան հրեշտակք Հաւուղի և Հաւուղ զկնի նորա և մարգարէացան . և զի չուգաւ ինքն և խնդրեաց հաց և սուսեր, և կոտորեցան քահանայքն վամն նորա . և զի մուտ 'ի Գաղայաւթ և ել պատգամաւ տեառն 'ի նմանէն, զի մի մատնեացն զնա 'ի ձեռս Հաւուղի բնակիչք քաղաքին . և զի ել Սաւուղ 'ի խնդիր Դաւթի, և ագաւ յայրին . և զի հառ Դաւթ զգրօշակ՝ վտաւակաց Սաւուղի և զղջացաւ :

1) ամս մահուն Սամուէլի, և անարգութեն նաւաղայ, և իմաստութե կնոջ նորա :

1) ամս ելանելոյ Սաւուղի զկնի Դաւթի, և քուն 'ի տեառնէ անկանելոյ 'ի վերայ նորա . և զի առ նա զստոմանն և զգեղարդն Սաւուղի, և նա ոչ գիտաց :

1) ամս երթալոյ Դաւթի առ Անքուշ արքայն այլ ազգեաց, և նստելոյ 'ի Սիկելակ :

1) ամս երթալոյ Սաւուղի յԱդոյիր և հարցանելոյ զՅուկն :

1) ամս երթալոյն Դաւթի 'ի Սիկելակ, և գտանելոյն զնա հրձիգ արարեալ :

1) ամս առնն որ եկն ետ զաւետիմն Դաւթի :

1) ամս մահուն Սաւուղի և Յոնթաթանու :

1) ամս սգալոյն և ողբս ատելոյ Դաւթի զերկուցունց :

1) ամս թագաւորելոյն Դաւթի 'ի Քերբոն, և զի խաղացին մանկաին 'ի գնդէն Աբեներեայ ընդ մանկաի գնդին յովաբեան, և գարձաւ խաղ նոցա 'ի սուր սուսերի :

1) ամեն գորգուելոյն Մեմփոսթեայ ընդ Աբեներեայ
'ի պատճառս հարձին Սաւուղի . և զի եկն նա ուխտ
եդ ընդ Դաւթի դարձուցանել առ նա զամենայն Խ-
րայէլ :

1) ամեն մահուէն Աբեներեայ , զի սպան զնա Յովաբ .
և վամն մահուէն Մեմփոսթեայ , զի մեռաւ նա 'ի Բա-
նեայ և 'ի Հռաքերայ :

1) ամեն դաւոյն Դաւթի յերուսաղէմ :

1) ամեն հանելոյ տապանակին . և ռատակելոյ Ողայ
քահանայի՝ որ ձգեաց զձեռն իւր յարկին կտակարաւ
նացն առ 'ի կանգնել զնա :

1) ամեն զի կամեցաւ Դաւիթ չինել տուն տեառն
և արգելաւ :

1) ամեն մեղացի՝ որ մեղաւ յՈւրիա քետացի :

1) ամեն պատերազմին՝ որ արար յԵդոմ , և ետ ճա-
կատ ընդ որդիսն Ամոնայ հանդերձ պլովք հեթա-
նոսք :

1) ամեն անարգելոյն Ամոնի զԹամար , և մեռ-
նելոյն յԱբսողովմայ :

1) ամեն փախստեայ լինելոյ Աբսողովմայ :

1) ամեն կնոջն Թեկուացւոյ՝ որ իմաստութիւն հա-
ճեցոյց զնա ընդ Դաւթի :

1) ամեն ապստամբելոյն Աբսողովմայ և Աբիտո-
փէլի :

1) ամեն փախստեայ լինելոյն Դաւթի յերեսացնա-
րա , և զի անարգեաց զհարձս հօրն իւրոյ :

1) ամեն Սիբայ , որ պատուեաց զԴաւիթ 'ի հալա-
ծանան :

1) ամեն Մեմփոսթեայ՝ որ ինդրեաց զԹադաւո-
րութին Սաւուղի :

1) ամեն ելանելոյն Աբսողովմայ զվնի հօր իւրոյ :

1) ամեն մեռանելոյն Աբսողովմայ , և սուգ ունե-
լոյ հօրն վամն նորա :

1) ամեն ամբարհաւաճելոյն Յովաբու 'ի վերայ
Դաւթի :

1) ամեն դառնալոյն Դաւթի 'ի հալածանացն , և
ընդ առաջ լինելոյն Սեմեայ առ ամին Յորդանանու :

1) ամեն հակառակելոյն ազգաց ցուցանել զսէրն
իւրեանց առ Դաւիթ յետ մահուանն Աբսողով-

մայ, որք յուրաստն եղեն յամենայն երախտեացն
Դաւթի՝ ի կեանսն Աբիսողովմայ :

Ամեն ապստամբելոյն Սամուայ, և զի հատին
զգլուխ նորա և ընկեցին զպարսպէ, և ապրեւոյն քա-
ղաքին :

Ամեն սովոյն, որ եղև զերիս ամս :

Ամեն որդւոցն Սաւուղի զորս սպանին :

Ամեն զինախանձ առ սպանանել զգաբաւոնացիս :

Ամեն բանիցն օրհնութե, թէ սիրեցի զքեզ տէր
զօրութի իմ և ապաւէն իմ, և վասն այլոց բանիցն
Դաւթի :

Ամեն անուանց նախարարացն Դաւթի՝ որ բազ-
մէին ի բարձի :

Ամեն գրգռելոյ տեառն զնոսա առ ի թուել հա-
մարել զժողովուրդն :

Ամեն մարդամահին՝ որ կոտորեաց ի նոցանէն յա-
ռաւօտէն մինչև ի վեց ժամն եւթանասուն հազար
այր :

Ամեն սեղանոյն՝ որ շինեաց ի կալն Արամայ յե-
բուսացւոյ :

Ամեն ընդունելոյ պատարագին նորա, և զի ար-
գելաւ մարդամահն ի ժողովրդենէն նորա :

Օ այս ամենայն և որ սոցին նման են՝ գրեալ է ի
դպրութիւն Սամուէլի :

Ի ՍԿԻԶԲԵ ԲԱՆԻՑ ԻՒՐՈՑ ԱՅՍՊԵՍ ԱՍԱՑ

ԳԼՈՒԽ Ա.

«**Լ**ՅՐ մի էր յարիմաթեան Սիփայ յեփրեմ լեռնէ», . այս ինքն զի բնակեալ էր նա 'ի լեռնն եփրեմի : «Եւ անուն նորա էր Եղկանա որդի երեմիայեանց Թովկեայ 'ի Նասիփ եփրեմի» : Արդ զի համարեաց զանուանս նոցա , զի յայտ արասցէ և ցուցցէ՝ Թէ քահանայ իսկ էր , և 'ի ցեղէ անտի ղեւտացւոց . որպէս և գիրք մնացորդացն գրէ և ցուցանէ : Եւ վասն այսորիկ ուխտեաց Խաննա զՍամուէլ տեառն . քանզի ոչ տային որդիքն Հեղեայ Սամուէլի կալ 'ի սպասու 'ի տաճարին տեառն , եթէ ոչ զի յազգէ անտի քահանայից էր նա : Այլ զի ինքն իսկ Սամուէլ հանդերձեալ էր համարձակիլ մատուցաւ նել զպատարագսն տեառն , վասն զի յորդւոց անտի Ղւեայ էր նա : Եւ զի ելանէր Եղկանա հանդերձ կաւնամբք իւրովք Աննայիւ և Փեննայիւ 'ի տօնս տարեկանս մատուցանել զպատարագ տեառն 'ի Սելով : Արդ նայեաց և 'ի միտ առ , զի ոչ եթէ մի 'ի տասանէ բերելո՞ւ նա մատուցանել , զի ինքն զայլս տասանորդէր . այլ զպատարագս փոխանակ մեղաց անձին իւրոյ գայր մատուցանել , որպէս և առեալ իսկ էր հրաման քահանայիցն յորինաց անտի : Բայց մատուցանէր զպատարագսն իւր 'ի ձեռն Ոփնեայ և Փենեէսի որդւոցն Հեղեայ քահանայից՝ որ պաշտէին 'ի ժամանակին յայնմ :

Լորդ Փեննա՝ կին Եղկանայի յայնմ աւուր ուրախութե նախանձարեկ առնէր զԱննա բարկութիւն . և զի ծանուցէ եթէ ամլութիւն նորին նախատէր զնա , ասաց . «Ծատուցանէր , ասէ , զնա» . վասն զի տրրտ.

մեացի նա , զի փակեաց տէր զդուռն արգանդի նորա : Եւ զի մի ոք ընդ միտ ածիցէ , եթէ երբէք ուրեք ինչ յանկարծակի տրտմեցոյց զնա , ասաց՝ եթէ այսպէս սարտուցանէր փեննա զխաննա ամ յամէ յամենայնի յորժամ ելանէին նոքա մատուցանել զպատարագս առաջի տեառն : Արդ իբրեւ եղև մի յաւուրց անտի , և տրտմեցոյց զնա ներն իւր , անդստին 'ի տեղւոջէ անտի եղև նմա մխիթարել 'ի տեառնէ իւրմէ : Քաջալերել սկսաւ Եղկանա զխաննա և ասէ . «Ո՛չ լաւ եմ ես քան զտասն որդի » : Արդ իբրեւ եկեր և յագեցաւ՝ ոչ անչափ , այլ իբրեւ առ 'ի հանգուցանել զկամս առնն իւրոյ , անց մեռտնա 'ի տունն այ , և արկ զանձն իւր առաջի տեառն : Եւ իբրեւ ուխտեաց տեառն յազագս այնորիկ՝ որ եբաց զքերան նորա , կաց և ասաց . զի եթէ տեսանելով տեսցես զանարգութի անձին իմոյ 'ի ներէ անտի իմմէ , և տացես ինձ զաւակ մարդոյ , և բացցես զանկար որովայն ամուլ արգանդի իմոյ , տաց զնա առաջի քո ուխտաւորութեամբ փոխանակ այսոցիկ՝ որ պաշտեն զքեզ որկորստութեամբ :

Իսկ Հեղի վասն յերկարելոյ աղօթիցն նորա , և զի ոչ եթէ բարբառելով իբրեւ զգտտերս ժողովրդեանն մատուցանէր նա զաղօթսն՝ զի արտասուօքն և անմուռնչ պաղատանօքն իբրեւ զգտտերս հեթանոսաց աղաչէր նա , և վասն զի շառագունեցան երեսք նորա եռանդմամբն սրտի , այլակերպեցաւ նա յաչս Հեղեայ . և համարեցաւ զնա եթէ գինի կալաւ զխելոս նորա 'ի տաճարի անդ , զայն՝ որ ընդունելութի աղօթից նորա ոչ թողոյր նմա կպտարել զաղօթս նորա : Իսկ իբրեւ անարգեաց զնա Հեղի , և կոչեաց զնա արբչիւ , զայն՝ որ արբեալն էր 'ի սէր աղօթիցն , կնքեաց զաղօթսն իւր , զի տեառն իւրում մատուցանէր զնա . և ետ վճիւռ պատասխանատուութե քահանային՝ որ գայթագղեցաւ 'ի նա : Բայց ոչ բամբասեաց նա զայն՝ որ բամբասեացն զնա՝ որով չէրն բամբասելի : Փութալալ բառնալ զգայթագղութի , ընկէց զինքն առաջի քահանային՝ որ գայթագղեցաւ 'ի նա : «Ինչ , ասէ , վըչ տագնեալ և ոչ եթէ արբեալ . զի 'ի յաղօթից աստի հեղեալ է անձն իմ՝ առաջի տեառն , և ոչ եթէ

ի գինւոյ . արդ մի համարեսցիս զաղախին քո դուռ
տըր ժանտ . զի ոչ եթէ իբրեւ յայլում ումեքէ խրն
գրեցի ես որդի , այլ յայ . և ոչ ելից ես ՚ի տեղւոջն
յայտմանէ մինչև առից զոր խնդրեցի ՚ի նմանէ , վասն
զի ոչ պատմեցի ես ումեք զհանապազորդ տրտմութի
իմ ՚ի ներոյ անտի իմմէ մինչև ցայս ժամ : Արդ յայտ
նի պատասխանի տալովն եցոյց զծածուկ գայթակ
զութի իւր . և փոխանակ զի տրտմեցոյց զնա անար
գանգըն , մխիթարեաց զնա օրհնութիւնքն :

Եւ իբրև անց զնաց ՚ի տուն իւր , և այլ ոչ եւս
տրտմեցաւ նա , յայտ արար և եցոյց՝ եթէ ՚ի յաղո
թից անտի նորա և ՚ի ձեռն օրհնութե քահանային՝
ծննդեան կապեալ դուռն արգանդի նորա բացաւ :
Իսկ իբրև յղացաւ և ծնաւ , եւ զնաց Եղկանա ըստ
աւուրցն սովորութեան մատուցանել զպատարագս
ուխտից իւրոց , այս ինքն ըստ իւրում սովորութեն :
Բայց խաննա կաց մնաց և զտեղի առ մինչ զի հա
տայց զմանուկն ՚ի ստենէ : Եւ ած կացոյց զորդին իւր
առաջի երեսաց տեառն , որպէս և ուխտեաց զնա
յաւուրն խնդրուածոց :

Արդ զաղութն Աննայի եւս ոմանք որ ասեն՝ եթէ
գոհանալով գոհացաւ , և ոչ եթէ մարգարէացաւ :
Արդ ոչ ՚ի միւում յիրս ՚ի գրոց ուրեք , և ոչ յայսմ
վայրի կոչեցաւ մարգարէ . բայց աղօթք նորա որ խոս
տովանութի է նորա՝ որպէս ոմանք ասացին , և կամ
զի թէ մարգարէութի է նորա՝ օրպէս և այլք ասեն ,
վասն անձին իւրոյ ասաց : Եւ վասն զի մեռան որդիք
ներոյ նորա ՚ի սերանալ բազմանալ ամլութե նորա ,
և վասն զըպարտութե նորա ՚ի ներոյ անտի իւրմէ՝
իբրև զի թէ արար ինչ գետտ մեռանելոյ և սատա
կելոյ որդւոց ներոյ նորա , և վասն յորդելոյ մեծա
նալոյ որդւոյն իւրոյ , և վասն մեծամեծ փրկութեցն
օր լինելոցն էին ՚ի ձեռն նորա ժողովրդեանն , և զի
յեղջերէն նորա օծանելոց էին թագաւորք , վասն
այսորիկ և որ սոցին նման են՝ բաց զերան իւր ՚ի գո
հութի խոտտովանութե , և կամ ՚ի մարգարէութի ,
և ասէ այսպէս :

“Ննծացաւ սիրտ իմ ՚ի տէր ,” . այն որ յամենայն
ժամ ներն իմ զայրացուցանէր զիս : “Եւ բարձրաւ

ցաւ եղջեր իմ, որդւոյս՝ որ եղև ինձ, այն որ զամենայն աւուրս իմ ամլութիւնս իմ կռիւնք զիս . և բացաւ բերան իմ՝ ի վերայ թշնամեաց իմոց, այն որ զայսչափ ամս իմ անձեռութիւնս իմ առաջի նոցա ամիբերան կայր : Եւ զի ուրախ արարեր զիս ի փրկելութեան քում . վասն զի փրկչիւս զոր ետուր ինձ, փրկեցայ ես յայնմանէ՝ որ յամենայն ամս նախատա նօքն իւրեանց այպանէին զիս : Չիք սուրբ իբրև զտէր ի կուռս օտարոտիս . նա և ոչ ի դիմն անուանիս գոյ այլ՝ բաց ի նմանէ . և ոչ հզօր դարձեալ իբրև զայն՝ որ բանայ զգուռն արգանդի զայնորիկ՝ որ ա մաց բազմաց նախատ եղեալ էր ի ներոյ անտի իւր մէ : Արդ մի՝ ի խափանելոյ ձեր ի նախատանաց սերանալովս և բազմանալովս իմով, և այլ մի ինչ իօս սեռիք զմեծամեծս վասն մահուան որդւոյն ձերոց : Մի՝ ի վախճան լինել ճաղանացոյ ձերոց սկսնուցուք կախարդուք զրպարտել զիս, զի տէր է գիտութեց և ծածկագէտ՝ եթէ ոչ եմ բամբասելի առաջի նորա այդու՝ որով ի ձէնջոյ զրպարտեալ եմես, և ոչ մտանելն առաջի նորա խորամանկութիւնք խորհրդոց ձերոց :

“Հզօրաց հաստ աղեղունք խորտակեսցին” . այս ինքն՝ լեզուք նախատչաց իմոց լռեցան և կարկեցան : “Եւ տկարք վառեցան զօրութիւն” . այս ինքն զօրութիւն խոտտովանուէ, և ոչ զրպարտուէ : “Յազք և լիք հացիւ նուաղեցան, և քաղցեալք յաւելին զհաց” . այն էր, զի ամուլն ծնաւ և յագեցաւ, և բազմածինն նուաղեաց ի ծնունդս իւր : Տէր մեռուցանէ զօրգիս քո, և կեցուցանէ զիմս, և ոչ եթէ մարդ : Տէր աղքատացուցանէ զհզօր վարազութեադ քո, և մեծացուցանէ զգոգս անձեռութես իմոյ : Նա տկարացուցանէ զբարձր եղջերոյ քո, և բարձրացուցանէ զիմս խոնարհացեալ . և զի “Բարձր առնէ զանանկն յաղբեաց”, հանգերձ այլովքն, վասն անձին իւրոյ և վասն ժողովրդեանն մատուցանէր զաղօթմն : “Եւ նստուցանէ զնստս ընդ իշխանս” . այս ինքն բարձրացուցանէ զխոնարհեալ գլուխ նոցա առաջի այլազգեացն, որպէս զՍամիսոնին, Նափեթայն և Գեդէոնին՝ զառաջին իշխանաց նոցա . վասն զի տեսու ին հովիտք

երկրի՝, և հաստատեաց՝ի վերայ նոցա զաշխարհս : Յայտ արար և եցոյց՝ եթէ փոյթ է նմա վասն ամեն նախ աշխարհիս . զի նա արար զաշխարհս լրիւ իւրով : Զոտս հեբրայեցւոց զարդարոց իւրոց հաստատե ՚ի պատերազմի , և այլազգիքն ամպարիշտք ՚ի խաւարի լռեցին , այս ինքն ՚ի դժոխս արգելցին : Վասն զի ոչ եթէ զօրութիւն իւրով զօրանայ հզօրն . զի առ խճրատ ժողովրդեան մերոյ յաղթեն այլազգիքն ՚ի պատերազմի : Տէր խորտակէ զայլազգիսն դառնացօղս , և ՚ի վերայ նոցա որոտացէ յերկնից առ ՚ի սատակամն կորստեան նոցա : Տէր դատի զազգս երկրի , այս ինքն՝ արասցէ զգատաստանս յերկրէն այլազգեաց . և տայ զօրութիւն թագաւորաց մերոց , և բարձր առնէ զեղջեր սօժելոյ իւրոյ : Արդ թէպէտ և Աննա վասն քահանայիցն սօժելոց և վասն թագաւորունն՝ զի թագաւորեցաւ ՚ի տանանդ Յուդայ՝ մատուցանէր զաղօթս , այլ վասն Քրիստոսի՝ որ հանդերձեալն էր ծագիլ ՚ի տանէն Դաւթի , յաղօթե՛ր անդ իւրում՝ որ և ոչ էր գիտակ՝ մարգարէանայր :

Արդ Սամուէլ պաշտէր առաջի տեառն , և որդիքն Հեղեայ պաշտէին զորովայնս իւրեանց նոր երեք ժանի մահահաւան՝ զոր տրարին , ՚ի մեծամեծ կատսայիցն հանէին նոքօք , և ՚ի փոքր պուտանց ոչ հեղգային հանել : Իսկ զհօւմ միսն զոր առնուին , վասն զի յաղեսցի և եղիցի նոցա առ ՚ի պէտս կամաց իւրեանց : Եւ յառաջ քան զմատուցանելն պատարագին առնուին նոքա վասն բռնուէ իշխանունն՝ զոր ունէին նոքա : Քանզի ընդ քահանայութեն զոր ունէին նոքա , ունէին նոքա և զառաջնորդութիւն ժողովրդեանն . զի վասն իշխանութեն զոր ստացեալ ունէին նոքա՝ յարժանի և յանարժանի՝ բռնաբար ունէին նոքա : Վասն այսորիկ և որ սոցին նման են , եղեն մեղք մեծք յոյժ մանկանցն առաջի տեառն :

Իսկ զմեկնոցն զոսկեհօւռ , զի արար Աննա Սամուէլի մանկանն , տիպք էր այնորիկ՝ զոր գգնայր քահանայն ըստ նմանութե խաչին . զի ոչ նմանութիւն նորա հեռի էր , և ոչ ճշգրտութիւն նորա գտեալ էր :

1 Երբնակին երբ . եղաւ ըստ միւս օրինակին :

Իսկ Հեղին իբրև Ետեմ Թէ որպիսի համբերութի գըտաւ 'ի մայրն Սամուէլի, զի առանց որդւոց հատաւ որոշեցաւ յայնմանէ, զի օտաք փափաղէին տեսանել զնա, օրհնեաց զԵղկանա և զկին նորա . և ասէ, Թէ տացէ քեզ տէր զաւակ, ոչ 'ի Փեննայէ, այլ յայսմ կնոջն որ անջափեցոյց զանձն իւր յորդւոյն իւրմէ . վասն զի տեսան Ետ զօրհնութիւն զոր Ետ նմա տէր:

Բայց սերմն զոր սերմանեաց ուխտն չթանցն խանչ նայի, Եւթն ընդ մօտ ճնձեաց զնա 'ի ձեռն օրհնութեն՝ որ օրհնեցաւ 'ի լեզուէ անտի քահանային «Եւ լուաւ, ասէ, Հեղին զոր ինչ առնէին որդիքն իւր ընդ ամենայն Իարայել», . զի անարգէին զկանայսն՝ որ գային յազօթս կալ 'ի վրան ժամուն: Բայց զոր ինչ առնէին նոքա Իարայելի, այնոքիկ են որ ինչ 'ի վերստ գրեալ են . այս ինքն զի ագահութիւն իւրեանց զամենայն որ մատուցանէր զպատարագն՝ տառապեցում ցանէին նոքա: Եւ զի անարգէին զկանայսն, ոչ Եթէ պոռնկութիւն, և ոչ Եթէ բանիւք անարգութիւն, այլ զի գային նոքա 'ի հէոփ վայրաց . և բազում անգամ հետի գային հանդերձ անդրանկօքն իւրեանց մատուցանել զուխտս իւրեանց: Եւ վասն զի էր ժամ՝ զի ընդ տօթաժամանակսն գային նոքա, և երբեմն ընդ ցուրտ ժամանակս, և ոչ գար քահանայ՝ որ ընդունէր զանդրանիկս և զուխտս նոցա, և արձակէր զնոսա 'ի տունս իւրեանց . զի զբաղեալ էին նոքա զուտելոյն և զըմպելոյն . և կամակորութիւն և հպարտութիւն իւրեանց արհամարհելով արհամարհէին զնոսա և անկոմսէին, և անարգէին զնոսա . և 'ի տօթանդր և յանձրեւ, վասն զի նիրհայր հոգի նոցա իբրեւ նստէին և ունէին զուխտս իւրեանց, և սպասէին շուպտեալ քահանայիցն 'ի կերակուրս:

Եւ ոչ էին 'ի վրան ժամուն ոչ կանայք լկտիք, այլ որք յազօթս գային կալ . այս ինքն՝ որ գային հատուցանել զխոստովանութիւն և զպատարագս փոխաւ նակ անդրանկաց իւրեանց տեսանն անդրանկաց: Կօչեաց զնոսա Հեղին և ասէ. ընդէր գործէր դուք զայսպիսի գործս . զի լսեմ ես զչար համբաւ ձեր . և ոչ յատելեացն ձերոց, և ոչ 'ի մօտէ և յերկուց, այլ յամենայն

Ժողովրդենէն : Եւ զի ցուցցէ՝ Թէ որով ասաց եթէ զկանայսն անարգէին . « Ոչ բարւոք է , ասէ , լուրս այս՝ զոր լսեմ ես » . զի խափանէք դուք զԺողովուրդն տեառն այսու՝ զի զգաղեալ էք յուտել և յըմել . և խափանեալ նստին արք և կանայք՝ որ բերին մատուցանել զպատարագս փոխանակ . անդրանկաց և մեղաց իւրեանց : Եթէ մեղիցէ այր առն , խնդրէ՝ ի տեառնէ զի արասցէ զգասն երկոցուն , և Թողեալ լինի . իսկ որտեառնն մեղանչէ , յուժմէ՝ խնդրէ զի քաւեացէ գնա : Եւ « Ոչ , ասէ , լուան ձայնի հօրն իւրեանց » . վասն զի խրատելով խրատեաց գնոսա , և ոչ եթէ ցածմամբ և տանջանօք ըստ արժանի յանցանաց յամառու Թէ նոցա խօսեցաւ ընդ նոսա : Եւ զի ասաց՝ եթէ վասն զի կամեցաւ սպանանել գնոսա տէր , ոչ եթէ զի վասն այսր ոչ ապաշխարեցին , այլ վասն զի ոչ զցջացան՝ տպան գնոսա : Եւ մանուկն Սամուէլ փառաւորեցաւ առաջի տեառն և որդւոց մարդկան . և որչափ որդիքն Հեղեայ անարգեցան յաչս տեառն և Ժողովրդեանն , սոխպէս և Սամուէլ յարգեցաւ և մեծարեցաւ :

Եւ եկն այր տեառն , այս ինքն մարգարէ տեառն , եկն առ Հեղի և ասէ գնա . Այսպէս ասէ տէր : Եայտնելով յայտնեցայ ես յԵգիպտոս՝ ի վերայ տանն Ահաբովնի հօր քո , և ընտրեցի գնա յամենայն ազգաց եւ լանել առ տեղան և դնել զխունկս առաջի իմ : Արդ փոխանակ ինկոցն զոր առի , ետու նմա զպատարագս , վեց հարիւր հազարացն որդւոցն խրայելի . և ընդէր անօրինեցար ի պատարագս իմ . զի պատուեցեր զորդիսն քո քան զիս , ընտրել առնուլ զարժանն ձեր , ոչ զկնի իմ , այլ ընդ իս , և յառաջ ևս քան զիս : Արդ փոխանակ այսր զոր արարէքս , այսպէս ասէ տէր , Թէպէտ և ասացի Թէ դու իբրեւ գտուն հօր քո պաշտեսցես առաջի իմ յաւիտեան , այլ արդ քաւ ինձ , եթէ անարգեցից ձեւք զփառաւորիչս իմ . այլ դուքդ որ անարգիչքդ էք իմ , անարգեսցիք : Արդ խորտակեցից զբազուկ քո և զհօր քո . այս ինքն կոտորեցից զգաւակ քո ի սուր սուսերի , և եղիցին կարճակեացք և վաղամեռք՝ որ քնանն , զի մի եղիցի այր ալւոր ի տան քում :

Ի՛նչո՞ւ զի ասաց՝ Թէ՛ Մի՛ պակասեցէ՛ քո՛ այր՝ ի սեղանոյ իմմէ՛», , այս ողորմութեան է . վասն զի մի սպառսպուռ շիջուացէ զգաւակն ազգի միոջ որդւոցն Ահարոնի : Քանզի մինչ՝ ի Սողովման եղիազար և զաւակ նորա պաշտէր : և ի Սողովմանէ և անդր Սադովկ որդի Իթամարու յազգէն Ահարոնի : «Խաւարեցուցանելոց է զաս քո», , զի տեսանէ զպատիւ և զշուք սադովկեանց և յոգւոց ելանէ : Եւ այս է քաջ նշան, զի անցանէ յետ ժամանակի քահանայութիւն ի զաւակէ քուսմէ, որպէս և ասացիս այսօր . զի ընդ հուպ ժամանակս Ոփնի և Փենեէս ի միում աւուր մեռցին, և կացուցից ինձ քահանայ հաւատարիմ ըստ սրտի իմեւմ զՍադովկ . և շինեցից նմա տուն հաւատարիմ, զի եղիցի կարգեալ զաւակ քահանայութեան նորա մինչև յաւիտեան . և գնացէ առաջի Սողովմանի օծելոյ իմոյ զամենայն աւուրս . և ամենայն որ մնայ ի տան քուսմ, փոխանակ ագահութեն պատարաբաց, զի պակշոտեալ տկարացի, և իջցէ մինչև ի վարձս արծաթոյ . այս ինչն մինչև ի նաքաւ ըսկիտ մի, և ի նկանակ, և ի փոքր պատառ հացի :

«Եւ պատգամն տեառն, ասէ, ծանր էր յաւուրսն յայնոսիկ», , որպէս և յաւուրսն Ոգիայ : Անդ վասն զի կամեցաւ Թագաւորն առնուլ իւր զքահանայութիւն . և աստ՝ վասն զի անօրինեցան քահանայքն ի քահանայութեան անդ, ոչ գոյր սուտ տեսիլ վասն յայտնի մեղաց ասան Հեղեայ : Եւ կոչեաց տէր ի բարբառն Հեղեայ զՍամուէլ . և ընթացաւ առ Հեզի, և ասէ . աւասիկ եմ : Եւ զի կոչեաց զնա երիցս անգամ ի գիշերի անդ . մի՛ զի լիցի պատգամն ահաւոր, և երկրորդ՝ զի երևեսցի զուարթութիւն նորա երիւք վկայութիւնք, և զի զարթիցէ ի բարբառոյ Հեղեայ յոր սովոր էր պատրաստել ի վարդապետութենէն Հեղեայ, առ ի լսել զձայնն նոյ յոր ոչն էր սովոր : Իսկ իբրեւ իմացաւ Հեզի եթէ տէր կոչեաց զպատանեակն, զոր ինչ ոչ իմացաւ Սամուէլ վասն տխմարութե իւրոյ, հրամայեաց նմա երթալ ննջել : Եւ եթէ կոչեսցի ի բարբառն Հեղեայ, այլ մի եկեսցէ առ Հեզի, այլ ասացէ՛ եթէ «Խօսեաց տէր, և լուսցէ ծառայ քո», :

Իսկ իբրև յայտնեցաւ տէր , ոչ 'ի բարբառն Հեղեայ , և ոչ դարձեալ միով բարբառով իբրև զառաջին անգամն կոչեաց զնա , այլ կոչեաց երկիցս անգամ : Ասաց և Սամուէլ որպէս և հրամայեցաւն , եթէ «Խօսեաց տէր , և լուիցէ ծառայ քո » : Ասաց տէր ցՍամուէլ . «Ահաւաղիկ առնեմ ես զպատգամ բարկութեան . զի ամենայն որ լուիցէ զնա , հնչեսցեն ականջք նորա 'ի վրիժուցն զոր արարից . և յարուցից 'ի վերայ Հեղեայ զամենայն զոր ասացի՝ ածել 'ի վերայ տան նորա 'ի ձեռն մարգարէին տեառն . սկիզբն յովնեայ և 'ի փենեկեայ , և կա տարուսն յաւուրս Սաղովկեայ . և ցուցից և յայտ արարից , զի դատիմ ես զտուն նորա յաւիտեան . այն զի անցանէ քահանայութի 'ի զաւակէ նորա յաւիտեան » : Գիտէր զի անարգեն որդիք նորա զկանայսն , և ոչ յանդիմանէր զնոսա՝ որպէս և արժան էր . վասն այսորիկ սատակեաց զտունն Հեղեայ : Եւ ուխտիւք և պատարագօք , զոր մատուցանէին 'ի Ժամանակի՝ զի կայր քահանայութիւն նոցա , մի քաւեսցին մեղք և անօրէնութիւնք նոցա յաւիտեան :

Իայց Սամուէլ՝ վասն զի ասացաւ այս ամենայն ցՀեղի 'ի ձեռն առնն տեառն , վասն զի ոչ տուաւ նմա հրաման ասել կամ չասել , երկեաւ նա յայտնել Հեղեայ զխիստ դատաւճիռն դառն պատուհասին՝ որ գայր 'ի վերայ տանն նորա . մանաւանդ զի գիտէր թէ պատարագօք ոչ քաւի , թէպէտ և ապաշխարուէ անձինն քաւէր . քանզի ոչ ասաց թէ ապաշխարութե մի քաւեսցի , այլ թէ պատարագօք մի քաւեսցի : Իսկ իբրև երդմնեցոյց Հեղի զՍամուէլ , և յայտնեաց նմա , ասէ Հեղի . տէր՝ որ ետ զքահանայութիւնն զառաջինն Եղէազարու մինչև ցայսօր , եթէ կամի տալ այլում զաւակի , որպէս և հաճոյ իցէ յաչս նորա՝ արասցէ : Եւ ոչ արկ Սամուէլ յամենայն բաւնիցն տեառն 'ի վերայ երկրի , 'ի Ժամանակին զի անարգէին որդիքն Հեղեայ զպատուիրանս տեառն . և գիտաց ժողովուրդն այսու յայտնութե , եթէ հաւատարիմ եղև Սամուէլ , զի հաւդերձ առաջնորդութե ժողովրդեանն եղիցի մարգարէ տեառն :

ԳԼՈՒԽ Բ

Եւ կարգեցաւ ճակատեցաւ 'ի մարտ պատերազմի խորայել դէմ յանդիման այլազգեացն . բերին ընդ իւրեանս և զտապանակ կտակարանացն , զի 'ի պատ- ճառս նորա առցեն զյաղթութիւն 'ի վերայ գնդին թշնամեաց . և վասն զի անարգեցին զտուն սրբու- թեն , և առին տարան զնա ընդ իւրեանս , զի նովաւ ապրեսցին 'ի Ժամ պատերազմին : Իբրեւ խրախոյս բարձեալ հերբայեցւոց առաջի նորա 'ի ձայն փողոյ մեծաբարբառ աղաղակէին , զահի հարան դողացին այլազգիքն . բայց ոչ ինչ երկեան 'ի բարբառոյնոցա , այլ 'ի զօրութենէն որ ընկեալ էր 'ի տապանակն կտակարանաց՝ որ էր ընդ նոսա : Ձայն ետուն և ա- սեն զմիմեանս . « Այս է անձ » որ եհար զեգիպտոսն 'ի հարուածան մեծամեծս . զոր ինչ հերբայեցիքն որ- թագլխին հանել զնոսա յեգիպտոսէ վկայէին : « Բաջ լերուք պի՛նդ կացէք , առէ , մի զանդիտէք . զի անձ եկն 'ի բանակն նոցա . հզօրեցարուք , առէ , այլազգիք 'ի վերայ հերբայեցւոցն , զի գուցէ դարձեալ ծառայի- ցէք այնոցիկ » որ ձեզն ծառայեցին , :

Իսկ իբրեւ կոտորած մեծ արար անձ 'ի զօրու անդ , և անկան 'ի նոցանէ երեսուն հազար , և գերեցաւ տապանակն կտակարանաց , և մեռան երկու որդիքն Հեղեայ , եկն եհառ բռնաբերն . գոյժ առ տալ մեծիւ աղաղակաւ , և ցոյց քաղաքին և Հեղեայ որ ինչ անցք անցին ընդ զօրս խորայելացւոց . զրոյց ետ և զգե- րել տապանակին , և զմեռանել երկուց որդւոցն Հե- ղեայ : Եւ յիշեաց Հեղի զտապանակն կտակարանաց որ առ զնահատակութիւն 'ի քանանացիս , զի արհա- մարհեցաւ 'ի ձեռն այլազգեացն , անկաւ կործանե- ցաւ և անդէն մեռաւ : Նա առաջնորդեաց խորայելի քառասուն ամ : Իսկ նուն նորա առ շտապ տագնա- պի նեղութեն կոտորածի , ստիպեցին զնա երկունք նորա . և իբրեւ մեռանէր ընդ ծնանելն , ետ պատաս- խանի և ասէ . « Այցին քառքն յխորայելէ » . վասն զի գերեցաւ տապանակն կտակարանաց՝ որ տայր զբա- ջութի և զառաքինութի խորայելի :

Ի՞նչ ալլազգիքն տարան եղին զտապանակն կտա կարանաց իբրեւ 'ի պատուի 'ի բանտի Դազոնայ դիցն իւրեանց : Իսկ տապանակն որ թեթեւացոյց զինքն 'ի ձեռն ալլազգեացն , ծանրացաւ և շքեղացաւ 'ի բազնին նոցա . նահատակեցաւ և յաղթեաց զդիս նոցա , և արկ զնա 'ի վերոստ 'ի վայր 'ի վերայ երեսաց իւրոց : Եւ զի մի կարծեսցեն նոքա եթէ դէպ տուաւ , դարձեալ 'ի միւսում ևս աւուր 'իբրեւ ուղղեցին և հաստատեցին յիւրում տեղւոջն , չոգան գտին զնա ոչ միայն անկեալ յերեսս իւր , այլ և զգլուխն հաւտեալ , և կտրեալ զթաթս նորա , զորմէ կարծէին ալլազգիքն . թէ զօրուքն նոցա մարտնչէին նոքա : Եւ իբրեւ ոչ հաւանեցոյց զնոսա հարուածն՝ զոր ած 'ի վերայ դիցն նոցա առաքել զտապանակն կտակարանաց 'ի տեղի իւր , հար վնասա յերաստանս իւրեանց : Եւ իբրեւ տարան 'ի Գէթ , և առաքեցին յԱկկարոյն , և հարան յերաստանս իւրեանց 'ի Թանչա , տարան եղին զտապանակն յանդաստանի . ապականեցան անդաստանք նոցա 'ի ձեռն մկանցն . զի վամն այնորիկ արարին զերաստանսն ոսկի և զմկունսն ոսկի , և առաքեցին հանդերձ տապանակաւն 'ի սայլակին . զի քարոզեսցին թէ 'ի ձեռն անարգ . մկանցն և աղտեղի երաստանացն տանջեաց անձ , և վատթարեաց ըզսաստիկ թազաւօրութիւնն ալլազգեաց :

Ի՞նչ առաքեցին զտապանակն մեծաւ պատուով 'ի ձեռն մատաղորթ և անդրանկածին երրնջոցն : Իսկ իբրեւ տեսին զբիւն երրնջոցն և որթուցն իւրեանց , զի առանց ուրուք բռնութեան ոչ դառնային 'ի միմեանս , զի յաղթեաց ծածուկ բռնութին որ շտապէր զնոսա , զի մի դարձցին , զբուռն գութ աղեացն իւրեանց՝ որ ստիպէր զնոսա դառնալ , ապա գիտացին թէ տէրն որ հար վանեաց զնոսա և զերկիրն և զդիւսն իւրեանց , նա մատնեաց զտապանակն 'ի ձեռն նոցա : Վասն այսորիկ իսկ մարդիկն Բեթշամիւշ գեօղջն իբրեւ տեսին զտապանակ կտակարանացն , ուրախ եղեն և ցնծացան յոյժ : Եկին իջուցին զտապանակն դետացիքն , և զփունդան ոսկեղէն մկանցն , և տարան եղին առ մեծ վիմին , և մատուցին զողջակէզս և զպատարագս :

Ընդ այլազգիքն իբրև տեսին գերինջման՝ թէ ոչ կացին և զտեղի առին ուրեք՝ մինչև եկին կացին յանդաստանին Հոշեայ, ապա ևս ճշմարտիւ գիտացին թէ տէր գերեաց զտապանակն կտակարանաց վասն մեղաց ժողովրդեանն, և նա դարձոյց զնա մեծաւ առաքինութեք՝ զոր արար առ այլազգիսն յերկնէ հարուածովք՝ զոր ած հասոյց 'ի վերայ նոցա : Արդ տապանակն զի եկն 'ի հեթանոսաց, և արգելաւ կաց յանդաստանին Հոշեայ, զխորհուրդ մարգարեութեանն նշանակէր՝ որ սահմանեցաւ խաչին Յիսուսի : Իսկ մարդիկն Բեթսամիււայ վասն զի երկեան և զահի հարան տանել առ իւրեանս զտապանակն վասն անցիցն անցելոյ՝ զոր լուան եթէ անցոյց ընդ իշխանս այլազգեացն, հար զնոսս 'ի հարուածս, և յաւել հար յիսուն և հինգ հազար և զեւթանասուն այր 'ի ժողովրդեանն . վասն զի ոչ եղեն նախանձայոյզ տանել զտապանակ կտակարանացն 'ի Սելով :

Տարան զտապանակն առ իւրեանս մարդիկն Կաթիւթարիմ գեղջն, և բերին զնա, ոչ եթէ յանդաստան, այլ 'ի տուն Անադաբայ ղետացւոյ 'ի Գեբաբաթ, և սրբեաց զորդին իւր՝ զի պաշտեցէ զտապանակն կտակարանաց : Իսկ իբրև նստաւ անդ զքսան ամ, և դարձան որդիքն Խարայելի առ տէր, ասաց Սամուէլ զժողովուրդն, եթէ "Բոլորով սրտիւք ձերովք դարձարուք առ տէր, 'ի բաց արարէք զկուռս տարոտիս, և ապրեցուցէ զձեզ 'ի ձեռաց այլազգեաց" : Իսկ իբրև թողին զԲահազ և պաշտեցին ըզտէր, ժողովեաց Սամուէլ զժողովուրդն 'ի Մասեփայ՝ մատուցանել աղօթս վասն նոցա, զի հաշտեցի ընդ նոսս տէր վասն դառնալոյ նոցա . և այնպիսի՝ որ դառնացուցին զնա, վասն զի դարձան և խտորեցան 'ի նմանէն, բերին ջուր և հեղին առաջի տեառն՝ յասելն իւրեանց . իբրև զայս ջուր հեղցի արիւն մեր 'ի ձեռաց այլազգեացն՝ եթէ այլ դարձցուք 'ի տեառնէ :

Իսկ իբրև պահեցին վասն մեղացն զոր մեղանն, և դատեցաւ զնոսս անդ Սամուէլ, այս ինքն զի յանդիմանեաց զնոսս, վասն զի պաշտեցին զԲահազ և զմահեանս : Յաւելին զօրաժողով լինել այլազգիքն

գալ հասանել 'ի վերայ ժողովրդեանն 'ի մարտ պատերազմի : Եւ մինչ դեռ Սամուէլ հանէր զողջակէզան և մատուցանէր զաղօթման ժողովրդեանն, զի զահի հարեալ երկնէին, կարգեցան ճակատեցան այլազգիքն 'ի պատերազմ : Որոտաց տէր յերկնից և խռովեաց զնոսա : Անդ զօրանայր Խարայել 'ի վերայ այլազգեացն . փախստեայ տանէին զնոսա ժողովուրդն, որ երբեմն 'ի նոցանէ փախստեայ լինէր : Աք Սամուէլ վէմ մի մեծ, և եդ ընդ Մասեփայ և ընդ Բեթիա նշան, և ասաց՝ Թէ՝ «Մինչև ցայս օգնեաց մեզ տէր,» . վասն զի 'ի Մասեփայ մինչև ցայս վայր օգնեաց մեզ տէր կոտորել զայլազգիսն :

Եկին ժողովեցան ծերակոյտ յուգայեանց, որք ակն ունէին մի մի 'ի նոցանէն Թազաւորել 'ի վերայ ժողովրդեանն : Ճառ արկին, սկսան խօսել և ասենց Սամուէլ . «Ահա աղիկ դու ծերացար և հասեր 'ի չափ աւուրց քոց, և չես կարող արդ յայսմ հետէ մտանել և ելանել ընդ մեզ 'ի մարտ պատերազմի, և որդիքն քո զոր կացուցեր 'ի վերայ մեր դատաւորս՝ ոչ գնան 'ի ճանապարհս քո, վասն զի խոտորեցան սիրտք նոցա զկնի կաշառոց . տուր մեզ Թազաւոր, զի դատեսցէ զմեզ իբրև զամենայն ազգս» : Չար Թուեցաւ զրոյցն յաչս Սամուէլի, ոչ վասն զի անարգեցին զնա և զորդիս նորա, և ոչ վասն զի խնդրեցին զԹազաւոր, զի 'ի Յակովթու ժամանակացն իսկ խոտացեալ էր . այլ զի ասացին Թէ՝ դատեսցէ զմեզ իբրև զամենայն ազգս, այս ինքն՝ զի Թողացուոցէ նոցա պաշտել զամենայն աստուածս՝ զոր և կամիցին :

Նաղօթս կաց Սամուէլ, զի գիտասցէ Թէ՝ ուստի է պատգամս այս՝ զոր խօսեցաւ ժողովուրդն : Ասաց տէր ցՍամուէլ . «Լուր ձայնի ժողովրդեանդ . վասն զի ոչ Թէ՝ զքեզ անարգեցին Թազաւորաւն՝ զոր խնդրեցին, այլ զիս անարգեցին, զի մի Թազաւորեցայց քե 'ի վերայ նոցա» : Իբրև զի մի գործ է 'ի չար գործոցն՝ զոր արարին իբրև ելին յեգիպտոսէ, զԲահաղ և զՓեղփեգովը, որպէս և Թողին զիս և պաշտեցին զաստուածս օտարս, սոյնպէս արարին և քեզ : Բայց այնորիկ՝ որ երկեան 'ի փոքր գողանիցն՝ զոր գողացան որդիքն քո գաղտուկ 'ի քէն, ցոյց նոցա՝ զոր

ինչ առնուլ յայտնապէս 'ի նոցանէ թագաւորն որ
թագաւորէ 'ի վերայ նոցա :

Իսկ իբրեւ համարեցաւ առաջի նոցա զընթանալ
որդւոցն առաջի կառացն , և գործել զգործնորա և
հնձել զհօւնձնորա , և զտանել զստերաց նոցա յու
տայնանկա և մյաղացս և հացեփեացս առնուլ զայ-
գեստանս և զձիթաստանս նոցա , տասանորդել զար-
դիւնս արմտեաց նոցա հանդերձ այլովք բազմօք . զի
վասն բազմուէ հարկացն բողոքեսցեն առաջի թագա-
ւորին՝ զոր ընտրեցին , և մի լուիցէ նոցա տէր : Իսկ
իբրեւ վասն այսր ամենայնի ոչ կամեցան հրաժեշտ առ-
նուլ 'ի թագաւորէն՝ զոր խնդրեցին , յայտ եղև զի
ոչ եթէ վասն փոքր փոքր կաշառոց որդւոցն Սամուէ-
լի հրաժարեցին 'ի նոցանէ , այլ վասն զի զթագա-
ւորութիւնն խնդրեցին իւրեանց , որպէս և Մովսէսն
կանխեաց մարգարէացաւ 'ի վերայ նոցա : Եւ զի ե-
զիցի նոցա 'ի ձեռն թագաւորին՝ զոր ընտրեցին՝ հա-
մարձակութի երկիր պառանել ամենայն կռոց զոր և
կամեցին : Եւ վասն զի կամեցան կորզել առնուլ
զթագաւորութիւն յիւրեանս , անարգին խոտին աղբքն
ամենայն հանդերձ յուղայեան ազգան , և ընտրէ
զՍաւուղ 'ի փոքր ազգէն Բենիամինի :

Ըրդ իբրեւ առաքեցաւ նա 'ի հօրէ անտի իւրմէ
խնդրել զէշնս որ կորեան . և հաս յայս պատճառ-
մինչ առ Սամուէլ : Եւ ահա Սամուէլ մատուցեալ
եղանէր 'ի Բամայ , այս ինքն 'ի տեղի երևելի . զի յօր
պատարագին իւրեանց անդ ճաշէին : Հրաման առ
Սամուէլ աւուրք յառաջ օծանել զորդին Բենիա-
մինի՝ որ գալոցն էր առ նա 'ի վաղիւ անդր : Տեսի ,
ասէ , զժողովուրդ իմ , և մուտ բողոք նոցա առաջի
իմ վասն այլազգեացն և ամոքեացւոցն , որպէս և ե-
մուտ բողոք հարցն նոցա առաջի իմ վասն եգիպտա-
ցւոցն : Չոգաւ Սաւուղ առ Սամուէլ , և եցոյց նմա
վասն իշոցն որ գտան . մարգարէացաւ նմա և վասն
թագաւորութեն , այն զի ասաց ցնա , եթէ “ Իսկ
ոյր իցեն բարութիւն ամբ խորայելի , եթէ ոչ քո և տան
հօր քոյ ” : Իսկ Սաւուղ թէպէտ և վստահուի իրացն՝
զորմէ յայտնեաց նմա՝ հաւատաց , այլ սակայն զթա-
գաւորութե վստասեւր ազգին իւրոյ երկմտեալ էր :

Ըրդ իբրեւ եկեր և արբ Շաւուղ ընդ Սամուէլի, և ետ զմասն զոր պահեալ էր նմա յառաջ քան ըզտեսանէին զնա, խօսեցաւ ընդ Շաւուղի վասն ընտաւ նեացն՝ որ ինչ աւուրբ յառաջ 'ի տեառնէ ասացաւ զնա : Եւ իբրեւ իջանէին՝ հարց զպատանեակն իբրեւ ոք զի յայտնեցէ նմա զպատգամս տեառն . և արկ զիւղն 'ի գլուխ նորա, և համբուրեաց զնա : Եւ վասն զի երկմտեալ էր Սաւուղ վասն կրտսերութեն տոհմին իւրոյ, ետ նմա նշան զերկուց արանցն՝ որ պատահելոց էին նմա 'ի Ծիծղայ, և մատուցանեն նմա աւետիս վասն իշոցն որ գտանն, և զերից արանցն՝ որ ելանէին 'ի տունն նոյ : Եւ զի պատահելոց էր նա 'ի Հռամայ նոյ դասուն մարգարէից՝ որ մարգարէանային թէ Սաւուղ թագաւորեցաւ 'ի Ժողովրդեանն : Նա և դու իսկ՝ որ երկմտեալդ ես վասն այսր, մարգարէանաս ընդ նոսա վասն նորին իրի : Հրամայեաց նմա դարձեալ երթալ 'ի Գաղգաղա, և մնալ նմա եւթն օր, մինչեւ եկեսցէ առ նա մատուցանել զողջակէզս, և ցուցանել նմա զինչ առնելոց իցէ :

Իսկ իբրեւ դարձաւ նա 'ի Սամուէլէ, փոխեաց անձ զսիրտ նորա, ոչ զարդարութե՝ այլ զզօրութե : Եւ արար Սամուէլ զօրաժողով 'ի Մասեփայ : Եւ մինչդեռ խորհէին և զմտաւ ածէին ազգն յուղայեան՝ եթէ նոքա թագաւորեն, ընտրեցաւ ազգն Բենիամնի, և ընտրեցաւ Սաւուղ յազգի անդ : Ինդրեցաւ և ոչ գտաւ . իսկ իբրեւ յայտնեցաւ տերամբ վասն նորա՝ ածին զնա, զի թաքուցեալ էր ընդ կարասեաւն, և թագաւորեցուցին զնա : Միաբանեցան հաւանեցան հաւասարեցան ընդ նմա սակաւքն և նուազունքն՝ որ ոչն խնդրէին զնա : Եւ որդիքն անօրէնութե ողբ խնդրեցին զնա՝ նայեցան յազգ և 'ի տոհմ նորա, զի կրտսեր էր . ետուն պատասխանի և ասեն ընդ միմեանս՝ թէ «Որով իւրիւ կարիցէ փրկել զմեզ յայլազգեացն և յամոնացուցն», Եւ վասն զի արհամարհեցին զնա, թոյլ ետ անձ Նախաշու ամովնացոյ, և եկն բնակեցաւ առ Աբիշ գաղայադացոց, և խորհեցաւ առնել զնա ձաղ ժողովրդեանն, այսուիկ՝ զի խնդրեաց 'ի նոցանէն կուրացուցանել զաջ ակն իւրեանց . և ապա ուխտեացէ ընդ նոսա

զուխտ և դաշինս կռեսցէ :

Իսկ իբրեւ առաքեցին բնակիչքն Աքիշ քաղաքի 'ի Հռամայ առ Սաւուղ, և ցուցին նմա զայսոսիկ բանս և լային զլալիւն մեծ, վառեցաւ հօգին զօրու թէ 'ի վերայ Շաւուղայ. և կալաւ պատառեաց զեզինսն իւր, և ետ տանել ընդ ամենայն Իարայել, զի անկցի նոցա ահ և երկիւղ, և միահամուռ ելցեն զօրաժողով առ Սամուէլ և առ Սաւուղ: Յորում աւուր ակն ունէին կուրացուցանել ամոնաացիքն զաջո որդուցն Իարայելի, որ 'ի նմին աւուր եղեն կեր սուսերի: Եւ նահատակեցաւ նախ 'ի նոսա առաջին թազաւորն՝ որ եկաց 'ի ժողովրդեանն:

Չու արարին և եկին իջին յետ այսորիկ 'ի Գաղաղա նորոգել զթագաւորութիւնն: Եւ վասն զի մարգարէ էր Յամուէլ և նահապետ և դատաւոր, ասաց զի գգուեսցէ զանձն իւր առաջի ժողովրդեանն և առաջի թագաւորին. զի յոյժ և անշափ հեռի էր նա յայնմ իմեքէ՝ որով իւլիք բամբասէին զնա որդուովքն իւրովք: “Զոյր, ասէ, զեզն առ ի վարել նսվաւ, և կամ թէ կասուէ. և զոյր գրաստ վարեցի աղալ նովաւ, և կամ թէ կրել”, Եւ իբրեւ վկայեցին ամենեքեան առ հասարակ՝ եթէ “Ոչ զրկեցեր զմեզ և ոչ բռնի վարեցեր”, այլովք հանդերձ, ետ պատասխանի և ասէ ցնոսա. “Դատեցայց զձեզ առաջի տեառն”, այս ինքն յանդիմանեցից զձեզ առաջի տեառն:

Եւ սկսաւ այնուհետեւ համարել նոցա զնահապետսն յեգիպտոսէ՝ որ կացեալ էին 'ի ժողովրդեանն, և զի յամենայն նեղութեց փրկեալ էր զնոսա 'ի թագաւորացն՝ որ շուրջ զնոքօք բնակեալն էին: Եւ արդ այժմ ոչ էր պարտ և պատշաճ երկնել ձեզ յամոնացուցն, և խնդրել ձեզ զթագաւորն. վասն զի մինչև ցայսօր ոչ եթէ թագաւորաւ փրկեաց ըզձեզ, այլ 'ի ձեռն դատաւորաց. գիտացէք զի չարիքն ձեր եղեն, զի խնդրեցէք ձեզ թագաւոր. ահա տամ ձեզ նշան 'ի ձեռն որոտման և անձրեւոյ, զի տեղաւցէ 'ի հունձս ցորենոյ: Ետուն պատասխանի և ասեն. “Աղօթաւ արա 'ի վերայ մեր, վասն զի մեղաք մեք զի խնդրեցաք թագաւոր”, Ասէ ցնոսա. “Քաւ ինձ՝ եթէ մեղայց տեառն, և հատուցից զփոխարէնդ ձեր”:

այս ինքն՝ թէ մատուցից վճռեալատարադ առաջինն:

Վարձեալ յետ ժամանակիս այսորիկ եկին հասին այլազգիքն՝ ի վերայ հերթայեցեաց՝ ի մարտ պատերազմի. և Սաւուղ ցարդ ևս ի Գաղգաղա էր: Իբրեւ կայ մնաց եւթն օր, որպէս պատուիրեաց նմա Սամուէլ, ցրուեցաւ ժողովուրդն առ ի նմանէն: Բայց յամեն Սամուէլի առ ի փորձ հանգիսի էր Սաւուղի, զի եթէ կայ մնայ առ պատուիրանին՝ որ ինչ ի Սամուէլէն հրամայեցաւ նմա: Իսկ Սաւուղի այսպէս թուեցաւ՝ եթէ զոր օրինակ առ ազգն նորա զտեղի թագաւորութեն ի Յաւդայէ, այնպէս առնու և զքահանայութեն ի յղևտացեաց անտի: Իսկ իբրեւ ժպրհեցաւ և մատոյց զողջակէզն, օր ոչ էր նմա հրաման, եկն Սամուէլ և ասէ ցնա. «Յանցեար, զի ոչ պահեցեր զպատուիրանս տեառն՝ զոր պատուիրեաց քեզ տէր ի ձեռն իմ», և վամս զի խորհեցար առնուլ զերկոսին, արդ և զթագաւորութիդ զոր ունիս՝ մի ըմբոշինեսցես. քանզի ընտրեաց իւր տէր զայր Գաւթի՝ իբրեւ զսիրտն իւր, առնել զիրաւունս և զարդարութի ժողովրդէանն:

Եւ պատասխանի Յովնաթան և ասէ ցկապարճաւ կիրն իւր. «Եկ անցցուք ի վերայ այլազգեացն», և խնդրեաց նշան ի բերանոյ այլազգեացն: Եւ իբրեւ ետես՝ եթէ տուաւ նմա նշան, այն զի ասացին եթէ եկայք առ մեզ, ելին ի վերայ նոցա. և անկան այլազգիքն առաջին նորա: Եւ եղև անդ սուր առն ի վերայ ընկերին իւրոյ, որպէս և ի Մադիաճն: Եւ այլազգիքն և հերթայեցիքն սիրով էին իբրեւ յերեկն և յեռանդն, և շուրջ նստէին. այս ինքն ուրախ էին ընել խաղաղութիւն ընդ Իսրայէլի և ընդ Հաւուդի:

Եւ պատասխանի Սաւուղ և ասէ. «Անիծեալ է այր՝ որ կերիցէ հաց մինչև ցերեկոյ, մինչ զի խնդրեցից վրէժ ի թշնամեաց իմոց», և Յովնաթան օչ լուաւ. և կարկառ զնիգակաբունն իւր, և թաթաւեաց ի մեղու անդ, և եդ ի բերան իւրում, և բացան աջք նորա. և շուայտեցաւ ժողովուրդն յաւար անդր: այս ինքն զի ժլատացան¹ և տարան զխաչինս

1 Միւս օրինակն չափայտն որպէս և ի յաջորդէն:

և զանդեայս, և զենին 'ի վերայ երկրի, և կերան հանդերձ արեամբն. վասն զի ոչ ել 'ի ճարպոյ և յարենէ նորա 'ի վերայ սեղանոյն: Եւ շինեաց Սաւուղ սեղան տեառն, և հան 'ի վերայ նորա զարիւնն և զճարպ զոր զենուին, և կերան: Արդ խնդրեաց Հաւուղ 'ի տեառնէ իջանել 'ի վերայ այլազգեացն, և ոչ լուաւ: Եւ հրամայեաց Հաւուղ ժողովորդեանն արկանել վիճակ ընդ ինքն և ընդ ժողովուրդն և ընդ Յովնաթան:

Եւ ուստի՞ գիտաց Հաւուղ եթէ անց ժողովուրդն ըստ նզովմն. քանզի ոչ գոյին նմա մեղք կանուխ քան զայս, այն՝ զի հան զողջակէզմն իբրեւ ոչ էր իշխան: Եւ եթէ այս և որ սոցին նման է՝ ոչ կասեցոյց զյաղթութի նորա, այս փոքրիկս Յովնաթանու՝ զի ոչ լուաւ իբրեւ երդմնեցուցանէր հայրն նորա զժողովուրդն, զիարդ արգելոյր զնա: Այլ տէր գրգռեաց զնա զի պահանջեացէ զայս. որպէս զի նովաւ և 'ի նմանէն դատեսցի զնա: Զի եթէ նա՝ վասն զի անց որդի նորա ըստ նզովմն նորա՝ սպանանէր, վասն զի եկեր լիաբերան պատառ մի խորսխոյ՝ իբրեւ չէր գիտակ՝ 'ի կենաց անտի հատանէր, ինքն զի անց ըստ պատուիրամն ւայ՝ որչափ ևս արժան էր մեռանել նմա: Նա դարձեալ և առ 'ի փորձ հանդիսի ժողովորդեանն եղև այս, զի ապրեցուցին զՅովնաթան 'ի մահուանէ, որպէս զի ընդ միտ մտցեն հօրն նորա. և զքահանայն որ կոտորեաց, ոչ ապրեցուցին ընդ միտ մտանել ւայ:

Եւ յետ այսորիկ առաքեաց զնա Սամուէլ կոտորել 'ի սուր սուսերի զամաղէկացիսն, և հրձիգ առնել զամենայն ինչս նոցա: Եւ դատեաց զօրութիւն. այս ինքն յանդիմանեաց զօրութիւն: Իսկ կենացուոցն զի՞ ոչ ֆնասեաց: Զի աներբ էին Մովսիսի, և զերախտիսն զոր արարին ժողովորդեանն՝ այն իսկ է, զի սպանին զՄիսարա զիսուպիւսն հեբրայեցուց: Արդ չու արար խաղաց զնաց Սաւուղ յԱմաղէկ, և կոտորեաց զամաղէկացիսն 'ի սուր սուսերի իւրոյ, որպէս և հրաման տուաւ նմա: Կեցոյց զԱգագ և զգեղեցիկ ստացուածս խաշանցն ամաղէկացուոցն առանց հրամանի: Ասէ տէր յՍամուէլ. "Զղջացայ ես, զի

Թագաւորեցուցի զՍաւուղ» : Զայս զի ասաց՝ եթէ զգնացայ , յայտ առնէ և ցուցանէ՝ եթէ ոչ գոյր ընդ նմա այլ՝ ուսուցանել զեղջ և ապաշաւ այնմիկ , որ զգնութիւն հեռի էր ՚ի նմանէն :

Հաղթա կաց Սամուէլ վասն Սաւուղի : Եւ զի էջ ընդ առաջ Սաւուղի ՚ի Կարմելոս , և ահա նա կազմէր տեղի ողջակիզաց , իբրև ոչ իշխէր և ՚ի տեղի ուր ոչ էր հրամայել նմա : Ասէ Սաւուղ ցՍամուէլ . «Օրհնեալ է տէր՝ որ հաստատեաց զպատգամ իւր » . կամ զայն՝ զոր ասաց ՚ի ձեռն Մովսէսի՝ եթէ «Գլուխ աղբաց Ամաղէկ . վախճան կատարածի նորա կորիցէ յաւիտենից » . և կամ զայս՝ զի ՚ի ձեռս քո հրամայեաց ինձ իջանել յԱմաղէկ և կոտորել զնա : Արդ եթէ տէր արար ՚ի ձեռս քո զոր ինչ ասացն ցբեզ , դու ընդէր ոչ արարեր զայս զոր պատուիրեացս քեզ : Խնայելովդ զի խնայեցեր յԱսագ արքայ Ամաղէկայ , մահապարտ ես . և զի ցանկացար յաւար , չարիս գործեցեր առաջի տեառն : Իսկ իբրև ստեաց Սաւուղ և ասաց , եթէ «Մատուցաւ նել պատարագ տեառն ածաք զխաշինսդ» , ասէ ցնա . «Կոտորել հրամայեաց , և ոչ մատուցանել . քանզի լաւ է զքան . պունել այ , քան մատուցանել զողջակէզս պատարագաց» : Բայց կասկածեմք , և ՚ի խղճի են միտք իմ . գուցէ յայսմանէ եկեացես ՚ի մեծ քան զայս , որպէս եցոյց ինձ տէր յայսմ գիշերի : Բայց զայս գիտասցիր , զի մեղք դիւթի դառնութիւն է և բարկացողութիւն :

Եւ վասն զի խորամանկեցաւ Սաւուղ զի ՚ի ձեռն պատարագին վայելիցէ և օգտեսցի յաւարէ անտի , և զի ցուցցէ նմա Սաւուղ՝ եթէ գիտաց զխորհուրդ նորա , յայտնեաց նմա և ասէ , եթէ զինչ որ զօդէ մարդ ՚ի սրտէ անտի իւրմէ յետ ընդունելոյ պատուիրանին , այն դառնութի է և ստութի : Ասէ . պատրաստեցար յղենալ , զի տեսցես զպատկեր մեռելոյ , և հարցցես ՚ի նմանէն . այն իսկ է , զի Ամաղէկ եղև սկիզբն անարգելոյ նորա և դիւթութեան և խլուճի Թագաւորութե նորա . «Վասն զի անարգեցեր դու զքանն տեառն , յայսմ օրէ և անդր անարգեսցիր ՚ի Թագաւորութէդ» : Ստեաց միւսանգամ Շաւուղ

և ասէ, թէ “Ի Ժողովրդեանէ այտի երկեայ, զի մի քարկոծեսցեն զիս վասն ագահութե իւրեանց . և թողի ես զխաշինս և զանդեայս . այլ դարձ ընդ իս և երկիր պագից տեառն, : Եւ իբրեւ բուռն հարեալ ունէր Սաւուղ զՍամուէլէ, պատառեաց զմեկնոցն նորա : Ետ պատասխանի և ասէ ցնա Սամուէլ . ըստ այսմ նմանութեան՝ զի պատառեցեր զմեկնոցս իմ, պատառեցաւ թագաւորութիդ քո՝ ի քէն . և եղիցի յայսմ հետէ թագաւոր ի տանէն Յուդայի որ լաւն է քան զքեզ : Արդ մի խնդրեր յինէն երկիր պագաւ նել և մատուցանել ընդ քեզ աղօթս, զի հաշտեսցի ընդ քեզ տէր . վասն զի անլոյծ դատավճիռն ել ի վերայ քո, և ահա տակաւին ասացաւ . այս ինքն է, թէ որ ինչ ասացաւն ի Յակովբայ, ոչ լինի սուտ, եթէ ոչ թագաւորէ : Իսկ իբրեւ կարի աղաչեաց և նեղեաց զնա, զի “Գոնեայ թէ առաջի ծերակոյտ Ժողովրդեանս՝ զի մի անարգեցայց՝ պատուեա զիս և եկ ընդ իս”, հարկ եղև նմա . և դարձաւ Սամուէլ, և պատառեաց զԱգագ առաջի տեառն :

Արդ հարցանէր Սաւուղ խորամանկ ցՍամուէլ յտակամիտ, զի յայտնեսցէ նմա թէ ով է այն՝ որ թագաւորելոցն է զինի նորա և ընդ նմա : Իսկ Սամուէլ զի ոչ ասաց ցնա՝ թէ այս անունն է, զի գուցէ թէ սպանանիցէ զնա . ծածկէ զանունն նորա, զի ըզգուշասցի ի կեանսն նորա . և քարոզէր զթագաւորութիւն նորա, զի մի ստեսցի բանն նորա : Այն, ասէ, որ հատանէ գործակ վտաւակաց քոց, որպէս պատառեցեր զիմս, նա թագաւորէ ընդ քեզ և զինի քո : Բայց սակայն և ոչ Սամուէլ գիտէր ցարդ ևս եթէ ով թագաւորէ . բայց զոր ինչ գիտէրն եթէ թագաւորելոցն է՝ ասաց նա . այլ եթէ ով թագաւորէ, զոր ոչն գիտէր, ոչ ասաց ցնա :

Այն տէր ցՍամուէլ . “Մինչև ցերբ սգացեալ ես վասն Սաւուղի՝ զոր անարգեցի՝, զի հաշտեցայց . անց երթ, օծ մի ի յորդուցն Յեսսեայ . վասն զի ի նոսա տեսի ես ինձ թագաւոր” : Ծածկեաց զանունն Դաւթի, զի եղջեւրն յայտնեսցէ զնա, և զի ապրե-

1 Յօրինակին տարգելիս :

ցուցէ զնա 'ի նախանձուէ եղբարց իւրոց, և զի թէ հարցցի 'ի Սաւուղէ՝ երդուիցէ եթէ ոչ գիտեմ զայն՝ որ հանդերձեալն է օծանիլ: Եւ վասն զի երկեաւ Սամուէլ երթալ՝ եթէ գուցէ լիցէ Սաւուղ, և սպանանէ զՍամուէլ և զԴաւիթ և զամենայն տուն հօրնորա, ետ նմա պատճառ՝ որով զնա 'ի ստուծէ անտի արգելցէ, և զԴաւիթ և զտունն Յեսսեայ ապրեցուցէ 'ի մահուանէ: Իսկ իբրեւ տեսին զայլն զոր տարաւ ընդ իւր ծերակոյտ Բեթղէէմ գեօղջն, զահի հարան և երկեան. թուեցաւ նոցա եթէ սպանումն ինչ գտաւ 'ի սահմանակից գեօղջն իւրեանց, և եկեալ է տեսանել՝ զի 'ի ձեռն սայլին գիտասցէ, եթէ 'ի սահմանս որոյ գեօղջ գտաւ: Ասաց զճմարիտ զըրոյցն. ծերակոյտին՝ որ հարցին ցնա. և ած զնոսա 'ի պատարագն: Եւ զի երկմտեցան 'ի բանէ նորա, ցոյց նոցա արդեամբք զգործն: Իսկ իբրեւ արտաքս քան զօրէնսն հրամանաւն տեառն օրինաց մատոյց զպատարագն 'ի տեղի՝ ուր ոչ էր համարձակ նմա, արձակեաց զծերակոյտն:

Ի՞՞ծ անցոյց Յեսսէ զամենայն որդիսն իւր զառաջեաւ. և ոչ հաճեցաւ տէր և ոչ ընդ մի դը 'ի նոցանէն: Իսկ իբրեւ եկն Դաւիթ, և յայտնութի եղև 'ի վերայ Սամուէլի՝ եթէ այս է, եռաց եղջեւրն 'ի Ժամուն՝ իբրեւ օծանէր, որպէս ոմանք ասեն: Սպան զարջն և զառեւծն. զի այս երկու առաքինութիք՝ զոր արար յետ օծմանն իւրոյ, վկայեսցեն վասն երգոցն զոր երգէր նա: Քանզի յորում աւուր բնակեցաւ հոգին 'ի Դաւիթ, 'ի նմին աւուր անց 'ի Հաւուղէ. և փոխանակ նորա այսն չար չարչարէր զնա: Եւ վասն զի՝ որպէս ասենն՝ դեւ մոլեկանաց էր, վասն այսորիկ ինգրեցին ծառայքն նորա զԴաւիթ, զի 'ի ձայն քաղցր քնարին նորա եղեցի անդօրրութի Սաւուղի: Իսկ իբրեւ անդօրրեցոյց Սաւուղի, և անց 'ի նմանէն այսն չար, դարձաւ նա առաջնորդութիւնս 'ի տուն հօր իւրոյ:

ԳԼՈՒԽ Գ

Ի ՍՄԻՆ Ժամանակի եղև մարտ պատերազմի ընդ այլազգիսն և ընդ հերթայեցիսն : Առաքեցաւ Դաւիթ 'ի հօրէ անտի իւրմէ տեսանել զողջոյն եղբարց իւրոց : Եւ իբրև ետես զԳողիադ զի նախատէր զԽաբայէլ, հար ձեռն յանձին սպանանել զայլազգին . վասն զի գիտէր զի ոչ մեռանէր, մինչև թագաւորի զօրութիւն՝ զոր ընկալաւ 'ի ձեռն հոգւոյն : Ոչ էջ զի նուն Սաւուղի՝ զոր ընկալաւ 'ի վերայ այլազգւոյն . վասն զի ոչ էր փորձեալ նորա եթէ նովաւ հաճեսցի տէր օգնել նմա : Իսկ իբրև սպան զԳողիադ, հարցանէր Սաւուղ ցԱբեններ, եթէ «Ո՞ր որդի է պատանեակս այս», եւ ահա կապարճակիր էր նորա յառաջ քան զպատերազմս զայս, և յօր պատերազմին առաջի նորա կայր՝ իբրև զգեցաւ և մերկացաւ զգէն նորա, զրոյց տայր նմա և վասն առաքինութեն զոր արար՝ զի սպան նա զարջն և զառեւծն : Եւ եթէ աւսիցեմք՝ եթէ զինուն այլակերպեցաւ, և ահա յառաջ քան զգինուն զգէնուն յառաջագոյն խաղաց գնաց իջանել սպանանել զհակայազմն զԳողիադ յայլ ազգեաց :

Իայց են ոմանք որ ասեն՝ եթէ իբրև առաքեաց զնա հայր իւր առ Սաւուղ, 'ի զգեստս պայծառագեղս թագաւորութե՝ առաքեաց զնա, և մեծաշուք եղև 'ի մտանել անդ իւրում, գեղեցկացաւ և զուարթացաւ կրկնապատիկ քան զայն՝ որպէս և էր նա : Իսկ իբրև դարձաւ նա 'ի տուն հօր իւրոյ, և մերկացաւ զգեստն իւր և զգեցաւ բաճկոն, ագաւ և զձորձմոյկան՝ հովուութեան, ցրտահարեցան երեսք նորա յեղեմնախառն ցրտոյն, եղև և արեակէզ 'ի տապոյ արեգականն . և վասն զի այսու զգեստիւ և յայս գձձութե ետես զնա Սաւուղ կրկին անգամ, վասն այսորիկ ոչ գիտաց զնա :

Եւ են դարձեալ ոմանք զի ասեն՝ եթէ զի որդի

1 Միւս օրինակն յօգոյնիս :

Յեսսեայ էր նա . և գիտէին և Սաւուղ և Աբբեններ , բայց կարծելով կարծէր՝ զի ինքն Դաւիթ թաքաւորէ . և կամեցաւ տեղեկանալ թէ յորմէ ազգէ է . յուգայեան իցէ նա , ուստի կարգեալ լինի թաքաւորութիւն՝ որ ՚ի ժամանակացն Յակովբու խոստացեալ էր . ՚ի Զարեհէ իցէ , ասէ , թէ ՚ի Փարեսեայ : Ասէ Աբեններ . “Ոչ եմ ես ինչ այդմ տեղեակ” : Եւ վասն զի մեծաւ փութով կամէր գիտել զայս , ասէ ցնա . “Աղէ հարց դու յառաջագոյն թէ ո՞ր որդի է” . և իբրեւ հարցին ց՝ Դաւիթ , և ասաց՝ եթէ “Որդի Յեսսեայ եմ ես ՚ի Բեթղէէմ գեղջէ” , ասաց զանուն հօր իւրոյ , վասն զի հարցին ցնա . բայց զանուն ազգին իւրոյ ոչ յայտնեաց , զի գուցէ թէ սպանաւ ինչեքն : Կացոյց զնա Սաւուղ զօրագլուխ ՚ի վերայ գնդին պատերազմողաց . և ուր երթայր՝ յաղթէր նա . զի վասն այսորիկ քաջութեց և առաքինութեց հաշոյ թուեցաւ յաշս ժողովրդեանն և նախարարացն Շաւուղի :

Իսկ իբրեւ գովեցին և յարգեցին զնա կանայք ՚ի յերգս վիպասանաց , չար թուեցաւ Շաւուղի . վասն զի լաւացուցին քան զնա : Եւ “Ետուն նմա , ասէ , բեւրս , և ինձ հաղարս . և դարձեալ նորա է թագաւորութիւն” . այս ինքն յայսմ հետէ թագաւորութիւն նորա է : Արդ զայն՝ զոր ՚ի Սամուէլէն կամէի գիտել և ոչ յայտնեցաւ ինձ , ահաւասիկ ՚ի ձեռն վիպասան երգոցս կանանց ժողովրդեանն յայտ եղև ինձ : Քանզի իբրեւ թագաւորի , որ մեծ իցէ քան զընկեր իւր , ետուն յաներկիւղ յանխիղճ՝ բեւրս Դաւթայ , և հաղարս Շաւուղի : Եւ յորմէ օրէ հետէ գովեցաւ Դաւիթ , ՚ի նոյն օրին սկսաւ լինել բամբաւ տելի Դաւիթ յաշս Սաւուղի :

Եւ յետ աւուրց վառեցաւ , այս ինքն մոռտ այսն չար ՚ի Շաւուղ , և մարգարէացաւ : Եւ արդ ուստի՞ ունիցի այսն պիղծ զմարգարէութիւն . և զինչ ինչ արդեւք իցէ մարգարէութիւն : Մարգարէութիւն որա այս էր , ասէ՝ Դաւիթ թագաւորէ : Արդ զսոյն զայս լսելով լուաւ այն՝ որ խօսէին ՚ի նմա . և ոչ եթէ մարգարէաւ նալով մարգարէացաւ : Եւ կամեցաւ ձգել զգեղարդնն Դաւթի . և շրջեցաւ Դաւիթ ծպտեցաւ ճմլեցաւ

կրկին անգամ յաջ և յահեակ և ապրեցաւ : Արդ թէպէտ և յայսմ աւուր ոչ ձգեաց 'ի նա , այլ իբրեւ արար զնա իւր փեսայ յերկուս դատերմն իւր՝ զի արեցէ զնա 'ի ձեռս այլազգեացն , 'ի հարկանել վնին ' իբրեւ փարատէր 'ի նմանէն զտենդ տապոյն նեղուե գիււին չարի՝ որ տառապեցուցանէր զնա , սակայն 'ի նոյն օր ձգեաց 'ի նա զգեղարդնն : Բայց դարձեալ ճոճեցաւ ճաղպատեցաւ և պրծեաւ ապրեցաւ 'ի գիշերին յայնմիկ : Եւ հար գեղարդեամբն ոչ զմարմինն Դաւթի՝ որպէս ինքն կամէր , այլ 'ի յօրմանդ սենեկին՝ որպէս ոչն կամէր :

Արդ առաքեաց Շաւուղ արս 'ի պահաւ առնուլ զնա , և սպանանել 'ի վաղիւ անդր : Իջոյց զնա Մեղքող 'ի պատուհանէ անտի : Եւ զի մի առաքեսցէ Շաւուղ զկնի նորա սպանանել զնա 'ի ճանապարհի անդ ընդ երթալն , առ եղ զպատկերն 'ի գահոյս անդ . և ասաց՝ եթէ չարամոյն կայ 'ի մեծ ախտի : Զի մինչ երթան դահիճքն և ասեն ցՇաւուղ , և դառնան անդրէն , երթայ հասանէ Դաւիթ առ Սամուէլ և ապրի : Թայսմ աւուր պատմեաց Սամուէլ Դաւթի՝ եթէ ասացի ես ցՇաւուղ , եթէ այն՝ որ հատաւ նէ զդրօշակդ քո , որպէս և պատառեցեր դու զմա , նա թագաւորէ զկնի քո :

Առաքեաց Շաւուղ հրեշտակս ածել զԴաւիթ . և տեսին զդամս մարգարէից , զի մարգարէանային՝ եթէ թագաւորէ Դաւիթ . մարգարէացան զսոյն զայս և հրեշտակքն Շաւուղի : Իսկ իբրեւ յաւել առաքեաց հրեշտակս կրկին անգամ և երիցս , մարգարէացան՝ եթէ Դաւիթ թագաւորէ : Թարեաւ ինքնին Շաւուղ և չոգաւ . և քանզի չեւ էր հասեալ , մարգարէացաւ՝ եթէ Դաւիթ թագաւորէ . մերկաց ըզպատմաւ ճանս արքայութեն իւրոյ , և ետ նոքօք զթագաւորութին Դաւթի : Իսկ դասուն մարգարէից , որ պատահեցանն Շաւուղի և մարգարէացան թագաւորութեն իւրում , նոքօք կամեցաւ տալ նմա զհաւանութին զթագաւորութեն՝ զոր ետ նմա 'ի ձեռն Սամուէլի . և վկայէ նմա և գար մարգարէիցն , զի վկայ

1 Երբեմակն փին . եգաւ ըստ փես օրինակին :

եցին վասն Դաւիթի, որպէս վկայեաց ինքն Շաւուղ և հրեշտակք նորա և դասն մարգարէից՝ որ մարգարէանային առաջի Սամուէլի :

Եւ ինչպէս Դաւիթ առ Յոնանիթան . իմացոյց նմա՝ զի իմասցի զմիտս հօր իւրոյ : Եւ վասն զի մի փականցէ զնա հայր իւր ընդ երդմամբ, և զի մի յայտնեսցէ Դաւիթ զխորհուրդ նորա, զօգեաց յօգեաց ըզպատճառ պատանեկին և զնետին ձգելոյ . զի իբրև փախուցէ նա զԴաւիթ, եղիցի նմա համարձակութի յերդումնս՝ եթէ ոչ յայտնեաց Դաւիթ զչարիան հօր իւրոյ . քանզի յորում աւուր երդմնեցոյց Յովնաթան զԴաւիթ, թէ մի պակասեացէ չորհրդ քո՝ ի տանէ իմմէ յաւիտեան, ի նմին աւուր երդմնեցոյց . Մեղքող զԴաւիթ, զի եղիցի յիշել զնա յաւիտեան :

Եւ ինչպէս Դաւիթ ի Նաբիմա առ Աբիմելէք քահանայ . զարմացաւ սիրացաւ, վասն զի ետես զգօրադլուին և զփեսայ արքայի յայնպիսի գձձութեմ, և ասէ ցնա . զի՞ դու, զի՞ ընդ քեզ, զի՞նչ զրոյց է, զի միայնդ ես դու : Վասն զի զգուշացաւ թէ իբրև յայտնեացէ նմա եթէ փախելով փախուցեալ է, հասանիցէ լուրն առ Սաւուղ, և սպանանիցէ զԱբիմելէք . վասն զի գիտաց՝ և ոչ կալաւ զնա : Ստեաց և ասէ . «Արքայ, ասէ, առաքեաց զիս, և ետ ինձ պատուէր՝ եթէ մի յայտնեացես ումեք վասն որոյ առաքեալդ եմ զքեզ», : Բայց զպատանին զի թաքոյց, վասն զի մի ի տեսանել անդ նոցա խռովեսցի գետն : Խնդրեաց հինգ նկանակ, վասն զի երկեաւ նա յայլմէ խնդրել թէ դուցէ տեսանիցին . քանզի համարեցաւ նա՝ զի թէպէտ և եղիցի և գիտասցէ արքայ վասն Աբիմելէք քահանային, որ ետ նմա զհացն, սակայն ոչ համարձակի սպանանել զքահանայսն : Ետ պատասխանի Ահիմելէք և ասէ, եթէ «Չիք այլ ինչ աստ, բայց եթէ հացն սրբութեան», . այս ինքն հաց պատարագին՝ որ դնի ի վերայ սեղանոյն շաբաթի՝ ի շաբաթ : Ասէ ցնա Դաւիթ . «Ո՛չ ապաքէն այսօր օրէն է մեզ ուտել ի պատարագէ, զի յերեկէ և յեռանդէ և այսր պա-

1 Միւս օրինակն գտնուիցին :

տանիքն որ ընդ իս են՝ սուրբ են, և նոքա և զգետք իւրեանց, և զի ինքն ճանապարհս արձակ է, ։ Յայտ արար՝ եթէ 'ի հարկէ ճանապարհին և քաղցին եդին ծերակոյտն զօրէնս զայս ուտել զսրբութիւնն, զի մի սովեացին և մեռցին մարդիկն : Վասն զի կանխեաց հոգին սուրբ 'ի Դաւիթ, և համարձակեաց զհացն սրբութե՛ որ 'ի տաճարի անդ դնէին . զի ուսուցէ եթէ հանդերձեալ եր 'ի վերայ սեղանոյն եկեղեցւոյ մարմինն ֆրիստոսի ելանել փոխանակ հացի պատաւրազին՝ որ 'ի վրան ժամուն և 'ի ժամանակեան տաճարի անդ եղև :

Իսկ իբրև առ զհացն և զտուերն, եկն Դովեկ եդովմայեցի և եցոյց Շաւուղի . և ած զԱՏԻՄԵԼԷք և զտուն հօր նորա, և կոտորեաց զնոսա Դովեկ 'ի սուր սուռերի իւրոյ, և ոչ ապրեցոյց ժողովուրդն զքահանայն 'ի մահուանէ, որպէս ապրեցուցին զՅովնաթան 'ի մահուանէ : Ապրեցաւ Աբիաթար որդի Աբիմեւէքայ : Ասէ ցնա Դաւիթ, թէ՛ «Ես եմ մեղապարտ», . այս ինքն ես եղէ պատճառ մահու տան հօր քո, զի մի է թշնամի մեր երկոցունց : Նիստ ընդ իս . վասն զի պահապանն որ՝ առաքեաց օծանել զիս, զի թագաւորեցայց, ընդ իս է . և վասն այսուրիկ ասաց Սամուէլ ցՍաւուղ, և մարգարէացան մարգարէքն և հրեշտակք Սաւուղի, և ինքն Սաւուղ՝ եթէ թագաւորէ Դաւիթ, և Սաւուղ ոչ հաւատաց :

Իբրև չոգաւ խնդրել զնա, յայրին ագաւ՝ ուր դաւթեանքն էին . և հատ Դաւիթ զգորշակ վտաւակաց նորա վասն երկուց, մի՛ զի ցուցէ և յայտ արասցէ ամենայն ժողովրդեանն՝ եթէ ոչ կամի նա ընդ մահն նորա, զի ահաւասիկ մատնեցաւ 'ի ձեռս նորա, և ոչ սպան զնա . և երկրորդ՝ զի ցուցցէ և ծանուցէ նմա 'ի ձեռն նշանին՝ զոր ետ նմա Սամուէլ, յորում աւուր պատառեաց զմեկնոցն նորա, եթէ չձմարտիւ հանդերձեալ է Դաւիթ թագաւորել : Իսկ իբրև ել Սաւուղ յայրէ անտի, ձայն ետ Դաւիթ, կոչեաց և ասէ ցնա . ահաւասիկ մատնեաց զքեզ տէր 'ի ձեռս իմ . ոչ եթէ սպանանել զքեզ, զի ոչ խնդրէի իսկ ես զայս, այլ զի քեւ մեծարեցայց ես յաչս ժողովրդ-

դեանն՝ եթէ ոչ կամէի ես ընդ մահ քո . բայց առաջեալ է յառաջին առակս նախնեաց , եթէ « Զամ պարշտէ ելցէ ամպարշտութիւն » . այն իսկ է , եթէ որ փորէ խորխորատ ընկերի իւրում , անձն իւր լցցէ զնա : Բայց Սաւուղ իբրեւ ետես եթէ պատահեցաւ դրօշակ վտաւակացն նորա , ճշմարտեաց նա և հաւատաց վասն նշանին՝ որ ետ նմա Սամուէլ՝ թէ արդարեւ ճշմարտիւ Դաւիթ թագաւորէ : Ասաց Հաւուղ , թէ « Արդ գիտացի՝ եթէ թագաւորես , և հաստատի՝ի ձեռս քո » . այս ինքն է՝ի ձեռն քո զաւակի կարգի թագաւորութիւն : Երդուաւ Դաւիթ եթէ ոչ ինչ փաստեցէ զաւակին Հաւուղի , յետ արդեամբք ցուցանելոյն՝ զի ընդ մահ նորա և ընդ մահ զաւակի նորա նա ոչ կամէր :

Եւ յետ ժամանակի իբրեւ մեռաւ Սամուէլ և թաղեցաւ ՚ի Հաւամայ , առաքեաց Դաւիթ առ Նաբաղ ոչ վասն արծաթոյ և ոչ վասն ոսկոյ , այլ վասն հացի միայն յղեաց առ նա՝ որով իւր կեցցէ : Այս ինքն , յերկայնամիտ Դաւթէ ողջոյն քեզ և ընտանեկացն քոց . տուր զոր ինչ կամիս ծառայից քոց , զի մեծ ժամանակս պահեցին զհօտ քո՝ի լեբին աստ : Իբրեւ թողակեաց նա զծառայսն Դաւթի անարգաւնօք փոխանակ օրհնութե հացին , վառեցաւ Դաւիթ ՚ի մեծ ցասումն դառն բարկութե կորուսանել ստակել առնել հրձիգ զնա և զընտանիս նորա և զամենայն ինչս իւր : Արդ եղև և լուաւ կինն Նաբաղու . փութացաւ յարեաւ եկն ընդ առաջ Դաւթի պատարագօք հացին և պատիր բանիւքն հրապուրանաց : « Խօսեսցի , ասէ , աղախին քո վասն առն . վասն զի ըստ անարգ անուան նորա սոյնպէս և նա » : Վասն զի մեկնուի Նաբաղու՝ անարգիչ է . նա և այսօր իսկ ասէ՝ եթէ նաբաղեմես զքեզ , այս ինքն՝ եթէ անարգեմես զքեզ : « Վասն զի հանդերձեալ է առնել տէր զտէր իմ տուն հաւատարիմ » . այս ինքն տայ քեզ զճշմարիտ թագաւորութիւն՝ որ ՚ի զաւակի այդր քում կարգեալ է , լինի մինչև ՚ի վախճան կատարածին . և չար ինչ ոչ գտաւ ՚ի քեզ , իբրեւ առ Սաւուղ՝ յորմէ օրէ եղև մինչև ցայսօր . և Հաւուղ մարդ ոչ կարաց հալածել զքեզ . և եղիցի իբրեւ արասցէ զքեզ տէր առաջնորդ իւրում :

ժողովրդեանն, որպէս և խոստացան քեզ, մի եղիցի քեզ այս 'ի գայթաղութիւն և 'ի խիղճ մտաց քոց եթէ հեղեր դու զարիւն ընտանեացն՝ Նաբաղու առանց յանցանաց . և յորժամ արասցէ քեզ տէր բարի, ապա յիշեսցես զաղախին քո՝ եթէ բարի խրատ խրատեցի զքեզ :

Իսկ Դաւիթ առ ընկալաւ զհաւանութիւն նորա . ընկալաւ և զպատարագ նորա, արձակեաց զնա 'ի տուն իւր խաղաղութիւն, և չոգաւ ցոյց Նաբաղու . և մեռաւ սիրտ նորա 'ի փորի իւրում : Եւ վասն զի առաքեաց նա Դաւիթ բեռն նախատինս, եղև սիրտ նորա իբրև քար, և մեռաւ յետ տասն աւուր : Եւ զի ոչ սպան զնա Դաւիթ վասն հաւանութե կնոջն իւրոյ, սպան զնա ստուգութիւն տեառն, և ետ զԱբիգաղ Դաւիթ . քանզի պիտոյ են շնորհք ստուգութեան, և պատիր բանքն Աբիգաղու հաշտեցուցիչք խիստ դառն բարկութեան թագաւորութեանն : Առ Դաւիթ կանայս 'ի կնութե : զի զառաջին կանայսն ետ զնոսա հայրն իւրեանց այլոց արանց . և զի եղիցի օրինակ այնոցիկ՝ որք առնուն զկանայս բազումս, զի մի անկցին 'ի հեթանոսութիւն՝ զկնի կանանցն իւրեանց : Եւ զի ծածկեցաւ երախտիքն զոր արար Դաւիթ Սաւուղի յայրի անդ, և կարծեցին թէ վասն զի 'ի ներքս էր հանդերձ արամբն իւրովք, վասն այնր ոչ սպան զթագաւորն :

Կաց դարձեալ յաղօթս առ ւնժ, զի դարձեալ մատնեսցի 'ի ձեռս նորա . ոչ զի սպանցէ զսպանօղն իւր, այլ զի յարգեսցի յաչս ամենայնի՝ եթէ թիկունք և սլահապան նորա եմ, և ոչ եթէ սպանօղ նորա : Արդ իբրև ննջէր Հաւուղ յանապատի անդ, և Աբեններ սպարապետ զօրօքն հանդերձ շուրջ ըզնովաւ պահ ունէին, էջ նա և Աբիսէ քեռորդին իւր . և կամեցաւ Աբիսէ սպանանել զՍաւուղ, և ոչ եթող Դաւիթ : Եւ զի մի հանապազ ձանձրացուցէն և աշխատ արասցեն զնա, երդուաւ 'ի տէր և ասէ, եթէ “Ոչ սպանից զնա . բայց եթէ սպանցէ զնա տէր” : Առ զստոմանն և զգեղարդնն, և անց զնաց : Եւ կաց 'ի բարձր բարձաւանդակին, և ոչ ոք գիտաց, վասն զի քունն տեառն անկաւ 'ի վերայ նո-

ցա: Իսկ այնպիսի՝ որ խնդրէին որսալ գլխաւիթ , քնոյն նոցա ետ հրամանս պահապանն Դաւթի որսալ ունել անձամբ զանձինս և մատնել ՚ի ձեռս Դաւթի : Սա քա եղեն այնք՝ որ քուն աչաց իւրեանց եղև նոցա շղթայ ձեռաց , և ընկղմումն քնոյն իւրեանց՝ եղև նոցա կապանք , զի մատնեսցէ զնոսա ՚ի ձեռն անխայիշն կապելոց շնորհօք ողորմութեն : Եւ ասաց Դաւիթ Սաւուղ . եթէ տէր գրգռեաց զքեզ ընդ իս , եկ երկոքին մատուցուք պատարագ . տեսցուք ՚ի ձեռն ընդունելուե պատարագաց՝ եթէ արդարեւ տեսան իցէ զքեզ ընդ իս գրգռեալ , ճենձերեսցի ճարպն քո . ապա եթէ որդիք մարդկան գրգռեցին զքեզ ընդ իս , անիծեալ են . այս ինքն չար են . քանզի առ ՚ի նոցանէն իբրև ՚ի հեթանոսութիւնն հեթանոսաց անկեալ էի ես . զի ՚ի հալածանս հեթանոսաց ահա հալածեցին զիս : Եւ անց զնաց Դաւիթ առ Աբիշ արքայն այլազգեաց , և նստաւ ընակեցաւ ՚ի Սեկեւի :

Եւ եկին ժողովեցան այլազգիքն ՚ի մարտ պատերազմի , և եկին բանակեցան ՚ի Սիւբեմ : Եւ Սաւուղ և զօրքն իւր բանակեցան ՚ի Գաղգաղա : Եւ երկեաւ Սաւուղ յայլազգեացն . հարց ՚ի տէր և ՚ի տեսիլ և ՚ի հուր . այս ինքն հրովն խնկոցն զօր մուծաւ ներ քահանայն ՚ի սուրբ սրբութեցն . զի թերևս ՚ի միջոյ քրովէից անտի յայտնեսցի և խօսեսցի ընդ նմա : Եւ իբրև հարցաւ ՚ի ձեռն մարգարէին կենդանայ , և ետես զի ոչ լուաւ նմա տէր , մերկաց ըզգեստ իւր և այլակերպեցաւ , և չոգաւ մուտ առ վհուկն ՚ի գիշերի , և ասէ ցնա . “Հասն ինձ զՍամուէլ մարգարէ ,” Եւ ասէ ցնա . “Ո՛չ դու քեզէն իսկ գիտես՝ զինչ արարին որդիքն Խորայիլի , զի ջնջեցին յերկրէ զգիտունս և զհարցուկս ,” Եւ վհուկն երկրորդէ աւա սիկ առաջի այսր յայտնեալ Սաւուղի զառաջին առաքինութեց անտի իւրոց զվարս , և ոչ ամաչեաց : Զկնի նորա դարձեալ անդոմեաց յայսմանէ , զի երկրորդէր զառաքինութիւն Սաւուղի առաջի Սաւուղի , և ոչ գիտէր ցնա : “Ընդէր , ասէ , որսառ զանձն իմ կորուսանել զսա ,” Եւ զեկ տես աւա սիկ , քանի՞օն զահի հարեալ երկնէր ՚ի մահուանէ ,

այն՝ որ զկեանս մեռելոց խոստանայր : Բայց արդ անշնչեղ զխոր՝ եթէ զիւր օրհասն ոչ գիտաց նա , որպէս կարէր գիտել ճանաչել զայլոց օրհասն : Իսկ նա քաջալերեաց զնա և ասէ . “Կենդանի է տէր , ասէ , եթէ ոչ եղիցի քեզ փնաս ինչ ՚ի պատգամիս յայսմիկ ,” : Իսկ կինն ոչ իբրեւ կանխագէտ՝ որ գիտէր զառ յապայսն , դարձոյց անդրէն պատասխանի և ասաց , եթէ իսկ դու ո՞վ ես՝ որ երդնուսդ , զի մի լիցի յիս փնաս ինչ . եթէ լուիցէ Սաւուղ՝ դու ո՞վ ես՝ որ ապրեցուցանես զիս ՚ի ձեռաց այնորիկ , զի ոչ կարացին ապրեցուցանել զառաջին կախարդսն և զգիտունսն որ կոտորեցանն : Ասէ ցնա կինն . “Զմիկամիցիս գուր եթէ հանիցեմք եզ ,” : Եւ ոչ զմտաւ ած և իմացաւ Սաւուղ՝ եթէ ոչ գիտաց , և ոչ զոր խնդրէին հանել ՚ի նմանէն : Ասէ ցնա՝ եթէ “Հան ինձ զՍամուէլ ,” : Եւ արդեւք ասաց նա , եթէ քաւ ինձ՝ եթէ յարուցից ես զՍամուէլ , այն՝ որ իջին ՚ի ձեռն խրատուն նորա ամենայն հարցուկք և գիտունք ՚ի ներքին սանդարմատս երկրի : Խնդրել իցիւ քո գոնեայ՝ թէ զի մեռուցից զՍաւուղ , և ոչ զի կեցուցից զՍամուէլ : Զայս ասացեալ իցիւ եթէ զՍամուէլ հաներ նա , բայց ոչ ասաց . քանզի գիտէր՝ զի յանուն Սամուէլի զգեն զայն՝ զոր ցուցանէր նա : Արդ ետես կինն ոչ զՍամուէլ , այլ զայն՝ որ նմանեցաւ Սամուէլի . և ճշեաց և ասաց ցՍաւուղ . “Ընդէր նենգեցեր զիս , դու ես Սաւուղն ,” :

Ո՛վ կին նենգաւոր , զի՛ կոչեցեր զՍաւուղ . և եթէ նա՝ վասն զի ծածկեաց զանձն իւր ՚ի քէն՝ նենգաւոր իցէ քան զքեզ , դու՝ զի յանուն Սամուէլի զայլ ընդ այլոյ առեալ ածես նմա , ոչ ահա նենգաւոր ես և դու : Ապա եթէ երկոքեան նենգաւոր էք , և ՚ի միմեանց նենգութեց ՚ի վերայ ոչ կարացէք կալ , իսկ արդ զխորդ գիտիցես զառ ՚ի յապայսն՝ ուր նենգութեանն Սաւուղի չեղեր հասու : Սաւուղ իբրեւ ետես զկինն զի ճեպեալ շտապեցաւ ՚ի նմանէն , որ վատթարեալն կայր յերեսաց նորա , և անկեալ կայր ՚ի կոր կորացեալ , քաջալերեաց զնա և ասէ . “Մի՛ երկրն չիր , զի՞նչ ինչ տեսանես ,” : Ասէ ցնա կինն . “Տեսի ես աստուածս , զի ելանեն յերկրէ ,” : Եւ ընդէր փոխա-

նակ Սամուէլի՝ զոր խնդրեացն 'ի քէն, հանես նմա աստուածս՝ զոր ոչ խնդրեաց 'ի քէն. փոխանակ միոջն զոր խնդրեաց, առեալ ցուցանես նմա երկուս : ԶՀաւուղ ուրեմն ետես ընդ Սամուէլի, և վասն այնր ճշեաց . քանզի զոր օրինակ ետես զՍամուէլ 'ի ըզգեստ քահանայութեանն, այնպէս ետես զՍաւուղ 'ի զգեստ լծագաւորութեն : Սաւուղ իբրև ետես զի և ոչ զայն՝ զոր յարոյցն գիտէր նա, ասէ ցնա . “Զինչ տեսիլ է այնորիկ որ ելանէն , : Ասէ . “Այր ալեւոր ելանէ արկեալ կրկնոց , : “Եւ գիտաց, ասէ, Սաւուղ՝ եթէ Սամուէլ է . և անկաւ խոնարհ երկիր եպագ նմա 'ի վերայ երկրի , : :

Երդ ուստի գիտաց Սաւուղ եթէ Սամուէլ է . զի ահա կինն՝ որ յարոյցն զնա՝ ոչ գիտաց . զի եթէ գիտացեալ էր՝ փոխանակ աստուածոցն զի ասաց, ասէր նա զանունն Սաւուղի . և փոխանակ զի ասաց՝ այր, և երկրորդեաց՝ ալեւոր, և երրորդեաց՝ եթէ մեկնոց արկեալ էր, մեկնակ իսկ ասէր՝ եթէ Սամուէլ յարեալ : Ապա եթէ կինն՝ որ զօգեաց զնա և փշեաց 'ի նա շունչ՝ ոչ գիտաց՝ ոչ եթէ զոյր զօգեաց, և ոչ եթէ զոյր շունչ արծ և փշեաց և արկ 'ի մարմինն, իսկ դու ուստի գիտացեր եթէ Սամուէլ է : Թուեցաւ քեզ եթէ Սամուէլ է, անկար յերեսս քո 'ի վերայ երկրի զի պագեր նմա երկիր : Եւ եթէ 'ի կենդանութեանն պատուեցեր, բարւոք արարեր, զի ոչ ինչ նուաղեցեր թերացուցեր զպատիւ մահու նորա քան զկենդանութեանն՝ մինչ կայր նա . ապա եթէ 'ի կենդանութեանն մինչ դեռ կենդանի էր, և ոչ երթալն տեսանել զնա թուէր քեզ բարւոք, և զիարդ 'ի մահուանն նորա պագանես երկիր այնմ՝ զոր դառնացուցերն և իջուցեր զնա 'ի դժոխս իբրև տրամեալ սգացեալ էր վասն քո :

Եւ երբ Սամուէլ ցՍաւուղ . “Ընդէր խռովեցեր հաւներ զիս , : Արդ եթէ ոչ էր Սամուէլ այն, թէ այդպէս է՝ ստելով ստեաց յայսմ՝ վայրի, զի ասաց եթէ “Ընդէր խռովեցեր հաներ զիս , : . քանզի ահաւասիկ ոչ եթէ յերկրէ ել : Ապա թէ Սամուէլ էր, ընդէր դարձաւ ուսաւ 'ի Սաւուղէ զայն ինչ՝ զոր Սաւուղն 'ի նմանէն կամէր ուսանել . զի փոխանակ հար-

ցանկերն ցնա Սաւուղի, ինքն ցՍաւուղ Հարցանէր՝ եթէ «Ընդէր խռովեցեր հաներ զիս», իսկ իբրեւ ոչ գիտաց թէ վասն էր ել, ասէ ցնա Սաւուղ. «Այլ ազգիքն եկեալ մարտնչին ընդ իս. Աստուած անց 'ի բաց յինէն, և ոչ լուաւ ինձ. և արդ եկեալ իմ կարդացի առ քեզ, զի ցուցես ինձ զինչ առնելոց իցեմ»,:

Այլ Սաւուղ, գրեցուք թէ Սամուէլ յարեաւ, կարես ասել ցնա՝ եթէ տէր 'ի բաց եկաց յինէն, և ոչ լուաւ ինձ. և արդ Սամուէլ լսէ՞ քեզ: Երկրորդեա նմա՝ եթէ 'ի ձեռն կենդանի մարգարէին հարցի ցնա և ոչ յայտնեցաւ ինձ. և մեռեալ մարգարէ իւն՝ զի յայտնեսցի 'ի վերայ քո՝ դէտ անկն ունիս. և գոնեայ թէ լուեցեր, և ոչ ասացեալ իցիւ եթէ «Տէր անց հեռացաւ յինէն, և ոչ լուաւ ինձ»,. արդեւք մտաբերէր Սամուէլ ասել ցքեզ. ապա եթէ տէր անց հեռացաւ 'ի քէն, Սամուէլ ծառայ նորա զիարդ լսէ քեզ. և կամ ո՞չ գիտես զի զնձ բարկացուցանէր քեւ, եթէ որ ինչ ծածկեալն էր 'ի քէն՝ յայտնէր քեզ: Ասաց և Սամուէլ ցՍաւուղ, եթէ «Տէր անց հեռացաւ 'ի քէն»,. և այս ոչ եթէ նորա ինչ է. զայն երկրորդեաց՝ զոր Սաւուղն իսկ ասաց ցնա, թէ «Տէր անց հեռացաւ յինէն, և ոչ լուաւ ինձ», : Եւ զի ասաց, եթէ «Եղև ընդ ընկերի քում, որպէս և ասացն 'ի ձեռն իմ», , արդարեւ ճշմարիտ 'ի ձեռն սուրա ասաց տէր վասն Դաւթի :

Այս եթէ այս ոչ է Սամուէլ, ընդէր յափշտակեաց առ իւր զանուն մարգարէութեն՝ իբրեւ ոչ ունէր նա զմարմինն իւր և զշունչ մարգարէին : Եւ ընդէր, իբրեւ անձամբն իւրով այս չար էր, յորջորջեաց զանձն իւր աման Հոգւոյն սրբոյ : Եւ զի ասաց՝ եթէ «Պատառեաց տէր զթագաւորութիդ 'ի քէն, և ետ ընկերի քում», . և զայս գիտէր ինքնին Սաւուղ. վասն զի լուաւ 'ի Սամուէլէ, զի ասաց եթէ. «Պատառեաց տէր զթագաւորութիդ 'ի քէն, և ետ ընկերի քում», : Եւ զի ասաց դարձեալ, եթէ «Մատնեսցէ տէր զիսրայէլ 'ի ձեռս այլազգեաց», , վախարար արդեւք և հրամայեաց իբրեւ զնձ, եթէ մարգարէացաւ իբրեւ մարգարէ : Եթէ հրամայելով հրա

մայեսցէ՛ անձ է, և ոչ է Սամուէլ. ապա եթէ մարգարէանալով մարգարէացաւ, ճշմարտիւ Սամուէլ է: Ապա եթէ ոչ է Սամուէլ, տեսիլ և բարբառ Սամուէլի զի՞նչ առնիցեն առ նմա . և զի ասաց՝ եթէ «Վաղիւ դու և որդիք քո առ իս», և որդիք եթէ արդարեւ մարմին Սամուէլի յարեալ և անկաւ, ճշմարիտ է բան դիւթին՝ զոր ասաց եթէ «Դու և որդիք քո առ իս», և Ապա եթէ դիւթն ոչ մեռանի, և սաւուղեմանքն մեռան, զիարդ եղեն սաւուղեմանքն վաղիւ անդր առ նմա . զի ահա կինն և վհուկ ՚ի մէջ կենդանեաց, և Սաւուղ և որդիքն իւր ՚ի մէջ անկելոց վիրաւորաց:

Եւ զի՞ փութացաւ Սաւուղ և անկաւ ՚ի վերայ երկրի յերկիւղէն զոր երկեալ, և ընդէր վասն էր երկեալ ՚ի մահուանէն՝ որ վհուկն յարուցիչ մեռելոց գոյր նորա: Ապա եթէ զնա՝ որ մեռաւն ՚ի վաղիւ անդր՝ ոչ յարուցանէր, զիարդ յարոյց զմանրեալ ոսկերսն Սամուէլի. զի եթէ ճշմարիտ է բան դիւթին, ճշմարիտ է և յարուցելութիւն նորա . և մի երկիցէ Սաւուղ ՚ի մահուանէն, զի ՚ի վաղիւ անդր վհուկն յարուցանէ զնա . ապա եթէ բան վհկին ճրջմարիտ է և յարութի նորա սուտ, և զիարդ գտանիցի ՚ի սուտ յարութենէն ճշմարիտ բանն: Զի կամ մի երկնչիր ՚ի բանէ նորա, զի չիք ճշմարտութի ՚ի բանի անդ, և կամ փախիր խոյս տուր, և մի երթար ՚ի ճակատ անդր, զի ՚ի վաղիւ կոտորելոց է ՚ի սուր սուսերի: Զի եթէ լինի ևս պատերազմ վաղիւ, ահա Աբեններ և որդի քո Յոննաթան հանդերձ եղբարքն անդ են . եթէ սղքա կան ՚ի գլուխ զօրուն հրաման տալ կարգել ճակատել ՚ի մարտ պատերազմի, դու ընդէր երթիցես և լինիցիս նոցա յուղարկիչ ՚ի դժոխս: Զի եթէ զյաղթութիւն խոստացաւ քեզ վհուկն, բարւոք երթայիր դու . ապա եթէ գրեաց և ետ քեզ մահ և որդւոց քոց և բազում զօրացն Խարայելի՝ որ ընդ քեզ են, զի՞ է զի ոչ փախ չիցիս մինչև անցցէ օրն ճակատի, և ապա եկեսցես ՚ի զօրս անդր: Զի եթէ սուտ համարեալ էր զվհուկն, ոչ երկնչէր նա . և եթէ ճշմարտեալ հաւատացեալ էր նմա, ոչ դառնայր ՚ի բանակ անդր: Նա

և կինն իսկ սուտ արար զտեսիւն, այնու՝ զի սպաննմա զորթն դիեցիկ զոր մեռացեալն էր իւր : Զի եթէ ոչ անկեալ էր 'ի խիղճ մտացն՝ եթէ գուցէ յաղթէ և դառնայ վաղիւ, ոչ կաշառէրնմա զորթն դիեցիկ, այնմ՝ որ կոտորիչ սատակիչ էր դիւթացն և կախարդացն՝ որ հրաւիրեցաւ 'ի մահն այլազգեացն :

Իսկ իբրեւ դարձաւ եկն 'ի Գաղգաղա 'ի բանակ անդր, այլազգիքն որ բանակեալ էին 'ի Սիւքէմ, չուարարին և եկին յԱփեկ : Եւ իսրայէլացիքն դարձեալ, յորում աւուր ասաց վհուկն՝ Թէ «Դու և որդիք քո առ իս», չուեցին 'ի Գաղգաղայէ և եկին բանակեցան առ աղբերականն Յեզրայէլի : Ահաւասիկ գտաք մեք որպէս 'ի գրոյ, զի անց օրն այն, և ցարդ ևս ճակատ ոչ եղև . վասն զի բանակքն անդրէն չուելով անցին գնացին յաւուր յայնմիկ : Եւ եթէ յայնմ աւուր ոչ եղև մարտ պատերազմի, վասն զի ցարդ ևս ոչ տեսեալ էր բանակացն զերեսս միմեանց, սուտ եղև բան վհկին՝ զի ասաց Թէ «Դու և որդիք քո վաղիւ առ իս» : Արդ որպէս գիրն ցուցանէ՝ յերկրորդ դում՝ աւուր եկին այլազգիքն 'ի Յեզրայէլ, ուր բանակեալ նստէին որդիքն Խորայէլի : Ոչ եթէ յերրորդում աւուրն եղև պատերազմն՝ ասեմ ես, այլ զի երեք աւուրք անցին, և ցարդ ևս պատերազմն ոչ էր եղեալ : Զի Թէպէտ և տեսին գուռնդքն երկօցունց կողմանցն յերրորդում աւուր զմիմեանս՝ ցուցանէ գիր, այլ զի Թէ մարտեան յերրորդում աւուրն՝ զայն ոչ ցուցանէ : Արդ որովհետև գտաք մեք որպէս և 'ի գրոյ, զի անցին երեք աւուրք և պատերազմ ոչ եղև . և յառաջ քան զամենայն յայտ եղև՝ եթէ սուտ է բան վհկին, զի ասաց՝ եթէ «Վաղիւ դու և որդիք քո առ իս» :

«Իկն, ասէ, Դաւիթ գնդաւն իւրով 'ի Սեկեւակ յաւուրն երրորդում, և եգիպոս գնա հրձիգ եղեալ, և գերի վարեալ զորդիս և զկոնայս իւրեանց» : Եւ յետ իջանելոյն նորա 'ի վերայ ամաղէկացոց, և կոտորելոյն զնոսա և Թափելոյ զաւարն, և ածելոյ զնա առ 'ի Սեկեւակ և լինելոյ անդ նորա զերիս աւուրս,

ապա եկն յերրորդում աւուրն բռնաբերն գութ-
կանն հող 'ի գլուխ, պատառեալ զպատմութեանն, և
եցոյց Դաւթի զմահն Հաւուդի և զորդոյ նորա :
Հողն գլխոյ և ապարանջանն Հաւուդի զոր ունէր՝
վկայեն զի 'ի նմին աւուր մեռաւ Սաւուդ, եկն ինքն
այս գութկանն առ Դաւիթ, և գտաւ զի յետ բազում
աւուրց մեռեալ էր նա : Ապա եթէ բազմօրեայ եկն
գութկանն 'ի ճակատատեղւոյն 'ի Սեկելակ, բազմօ-
րեայ եկն Դաւիթ գնդաւն իւրով 'ի Սեկելակ : Քան
զի ոչ էին երագունք վեց հարիւր այրն որ ընդ Դաւ-
թին էին քան զամաղէկացին՝ որ ճեպեալն ընթա-
ցեալ գայր . զի զոր ինչ մեծ էր քան զապարանջանս
և զպսակն, առցէ 'ի Դաւթէ զօրէնն աւետեաց : Եւ
արգ որչափ և շրջեցուցես զքանն, գտեալ լինի՝ զի
'ի բազում աւուրս գործեցաւ իրքն Հաւուդի և որ-
դոյ նորա, զոր ինչ ասաց վհուկն՝ եթէ վաղիւ գործի :

Իսկ աւետաբերն՝ որ կարծեաց եթէ ընդ միտ ինչ
մտանէ Դաւթի, այնո՛ւ զի ասաց եթէ «Յարեայ 'ի
վերայ Հաւուդի՝ և սպանի զնա», իբրև ետես զի գլու-
կամակ եղև և տրտմեցաւ Դաւիթ վասն սպանողին
իւրոյ, փոխեաց զքանն իւր անդրէն և անդ, և ասէ .
«Վասն զի գիտացի եթէ ոչ էր ապրանաց յետ գլու-
մանն իւրոյ» . այս ինքն յետ խոցուածոյ վերացն իւ-
րոց : Ապան զամաղէկացին իբրև սպանող . վասն զի
բերանն իւր պարտաւորեաց զայն՝ որ ոչ մերկաց ըզ-
սուսեր իւր 'ի վերայ պարանոցին արջայի :

Ողբ Դաւթի վասն Սաւուդի և Յովնաթանու :

Եւ արդ ողբս առեալ Դաւթի լայր զՀաւուդ և
զՅովնաթան . և ասէ ուսուցանելով որդւոցն Յուդայ
զկորովութիւն աղեղանց . ահա գրեալ է 'ի դպրութի
Ասերայ, այս ինքն՝ 'ի դպրութի օրհնուեց : «Այծեամն
Խարայէլ 'ի վերայ բարձանց քոց տպանեալք» . վասն
զի ժողովուրդն իբրև զկնի այծեմանց հալածէին ըզ-
հեա լծնամեաց իւրեանց : Բարձունք Գեղզոնայ, ա-
հա լծեալ լինի 'ի վերաւորաց իւրեանց : «Վերինք, լե-
ւրինք Գեղզոնի, մի իջէ 'ի վերայ ձեր անձրև» . վասն
զի արբէք դուք զարիւնն Սաւուդի : «Եւ մի անկցի 'ի

վերայ ձեր ցօղն առաւօտին», . վասն զի օծայք դուք 'ի ճարպոյն Յովնաթանու և եղբարց նորա : Զի ա սաց «Անդաստանս խայտառակեալս», , զի խայտառակեալ անդաստանաց նմանեցոյց զխայտառակեալ դիակունան Հաւուղի և որդւոցն : Վասն զի անդ բեկաւ խորտակեցաւ ապաստանն : Հաւուղի՝ սկայազնն Խարայէլի 'ի մահու անդ իւրում, ապաստանն Հաւուղի՝ որ օծեալն էր իւղով յարեւել անկելոց վիրաւորաց և 'ի ճարպոցն հսկայից . վասն զի յարեւելն և 'ի ճարպոց անկելոցն վերաւորելոց Հաւուղի օծանէր յամենայն ժամ ապաստանն Հաւուղի : Աղեղն Յովնաթանու զի ոչ դառնայր անդրէն դատարկացեալ . աղեղնաւոր էր ճարտար կորովածիգ : Երազունք քան զարծուիս 'ի հալածելն իւրեանց . սաստկագոյնք գազանասիրտք քան զառեւծս 'ի կոտորելն իւրեանց : Դստերք Հաւուղի , լացէք 'ի վերայ Հաւուղի . զի զգեցուցանէր ձեզ զգեստս կարմիրս յաւարէն հեթանոսաց , զոր բերէր յառ յապուռ , և հանէր զնրկարս ոսկեքանդակս զոսկենկարս զգեստս . յայտոսիկ զոր ինքն բաժանէր : Յովնաթան 'ի վերայ լերանցքոց վերաւորեալ . զի յամենայն մարտ պատերազմի խառն 'ի խուռն դիմեալ 'ի ներքս անկանէիր : Զի անդ անկան կործանեցան սկայազունք քաջամարտիկդ , որ յամենայն պատերազմունս առնուին զնահատակու թին յաղթութե , և կորեան չքացան անօթք զինու պատերազմի . վասն զի նոքօք յաղթէին մանկունք ժողովրդեանն , իբրև զինուք պատերազմի թշնամեաց իւրեանց :

ԳԼՈՒԽ Ե

ԱՐՑ Դաւիթ 'ի տեառնէ . ետ նմա հրաման ելանել թագաւորել 'ի Քերթոն . և օրհնեաց զմարդիկն Յաբիս գաղաղացւոց՝ որ թաղեցին զՀաւուղ և զորդիսն : Եւ Աբեններ թագաւորեցոյց զԱբիսող զորդին Հաւուղի 'ի վերայ Եփրեմի և Բենիամինի : Եկին պատահեցան 'ի դիմի հարան գունդն յովա .

1 Միւս օրինակն սապարն . որպէս և 'ի յաղորդան :

բեան գնդին Աբեններեայ : Ձայն ետ, խօսել սկսաւ Աբեններ ընդ Յովաբու, և ասէ ցնա . « Երկրիցն մանկտիդ խաղասցեն առաջի մեր » : Եւ յարեան ան ցին երկոտասան 'ի գնդէն Յովաբու, և երկոտասան 'ի գնդէն Աբեններեայ . և իւրաքանչիւր ձեռք իւրաքանչիւր առն 'ի գլուխ ընկերի իւրում, և իւրաքանչիւր վաղակաւոր 'ի կուշտ ընկերի իւրոյ . և անդէն սատակեցան բեկան և 'ի պարտուծի մատնեցան գունդն Աբեններեայ առաջի ծառայիցն Դաւծի : Արդ պատանիքն իբրեւ սկսան խաղալ, իբրեւ յաղծէին և լինէին յաղծեալք 'ի միմեանց, դարձաւ խաղալն նոցա 'ի մարտ պատերազմի . սկսան իբրեւ 'ի խաղալոյ անտի հմայս հմայել, հարցուկս հարցանել՝ ոյր կողմ յաղծիցէ, և ոյր կողմ՝ զօրագոյն իցէ : Անկան 'ի տանէն Դաւծի Ասայէլ հանդերձ երկոտասան արամբք :

Ղարձաւ Աբեններ և ասէ ցԱսայէլ . դարձ դու և առ քեզ կապուտ զինու միոյ ուրուք 'ի զօրականաց այտի զօր և կամիս, և շատ է քեզ այս՝ որչափ զի առաքինասցիս և ցուցցես 'ի նա զքաջութիւն քո . զի օպաներ և առեր զկապուտ զինու սպանելոյն : Իբրեւ ոչ կամեցաւ ցուցանել 'ի լոկ ոք զառաքինութիւն քաջութեան իւրոյ, բայց եծէ 'ի նա, ապա կբեաց Աբեններ և հար զմնակուշտն Ասայէլի 'ի տէգ նիզակի իւրոյ և անդէն սատակեաց : Անկան 'ի գնդէն Աբեններայ երեքարիւր և վաթսուն այր : Ձայն ետ, սկսաւ կոչել Աբեններ զՅովաբ և ասէ . եծէ զզօրականսդ՝ որ սկսան խաղալ զխաղ՝ սուրն կոտորեսցէ, ոչ գիտես դու զի դառնութիւն լիցի վախճան գործոյն . այս ինքն յորժամ դարձցի թագաւորութիւն առ Դաւիթ : Ապա յետ այտորիկ ետ հրաման Յովաբ փողոյն հարկանել, և զտեղի առնուլ գնդին առ հասարակ 'ի կոտորածոյ եղբարցն իւրեանց : Վասն զի այսու կոչեաց զնա պարտութիւն, 'ի վերայ Աբեններեայ համարեցաւ :

Արդ սկսաւ բամբասել Ասաիսող զԱբեններ, վասն զի մոռանէր նա առ հարձ հօր նորա : Ասէ ցնա Աբեններ . « Զիօրդ՝ շանադլուխ եմ ես այսօր 'ի տուն յուդայեան » . այս ինքն՝ զի ես միայն կացի ընդ ե-

րեսաց քոց և ընդ երեսաց բարեկամաց քոց հակառակ ընդդէմ տանն Յուդայի: Եւ արդ յիշեցէր 'ի վերայ իմ փոքր յանցանս աղջկան միոյ վատթարի: Բայց Ասքիսող՝ զի յամենայն ժամ խիղճ մտաց նորա խիթէր զնա, զի գուցէ թէ 'ի ձեռն հարձին Սաւուղի առցէ նա 'ի նմանէ զթագաւորութին Սաւուղի: Սկսաւ Աբեններ բանս արկանել առ Դաւիթ: Առաքեաց առ նա Դաւիթ և ասէ. «Մի տեսաներ զերեսս իմ, բայց եթէ ածցես առ իս զՄեղքող դուռ տըր Ըսուղի», որ բազում անգամ ապրեցոյց զիս 'ի ձեռաց հօր իւրոյ՝ զի մի սպանցէ զիս:

Եւ եկն Աբեններ, և սպան զնա Յովաբ յարիւն Ասայէլի եղբօր իւրոյ: Եւ ելաց վասն նորա Դաւիթ և ասէ. «Ըստ մահոն Նաբաղայ մեռաւ Աբեններ», վասն զի զնա սպան երկիրոյն, և զսա նենգութիւնն: Եւ իբրև բերէր 'ի մէջ աղերսանօք զմահն Նաբաղու, ուսուցանէր նա՝ եթէ ոչ կամէր նա ընդ մահն նորա: «Ձեռք քո ոչ էին կապեալ 'ի շղթայս առ 'ի մարտնել. և ոտք քո ոչ էին կապեալ 'ի շղթայս առ 'ի փախել. իբրև կործանեալ առաջի որդւոց անօրիւնաց անկար դու», այս ինքն իբրև պարտաւոր անկար կործանեցար. ոչ առաջի պատերազմողաց, այլ առաջի որդւոցն անօրէնութե՝ որ նենգեցինն զքեզ. զի դու 'ի պատերազմի սպաներ զեղբայր նորա, և նա զքեզ դաւաճան դաւաբեր նենգութիւն: Ողջոյն 'ի բերան Յովաբու, և վաղակաւորն 'ի ձեռին: Արդ մեռաւ Աբեններ որ եկն դարձուցանել զԻսրայէլ առ Դաւիթ. զի մի ասիցեն եթէ մարդ ետ նմա զթագաւորութիւն, և ոչ անձ: Սպանին դարձեալ Հռեքաբ և Բանի զԱսքիսող, և բերին զգլուխ նորա առ Դաւիթ: Եւ սպան զնոսա Դաւիթ. և զգլուխն Ասքիսողի տարաւ թագեաց առ Աբեններայ:

Եւ թագաւորեաց Դաւիթ 'ի վերայ ամենայն Իսրայէլի: Եւ եկին 'ի վերայ Երուսաղէմի. զի նա ինքն է Յեբուս: Եւ ասեն յեբուսացիքն ց'Դաւիթ. «Մի մը տաններ այսր, բայց եթէ անցուցես զկոյրս և զկազս», այս ինքն, զոր օրինակ ոչ կարես դու անցուցանել զայսոսիկ յերկրէ, սոյնպէս և ոչ 'ի Յեբուս ամրապարիսպ ապստամբեալ կազես մտանել դու: Եւ ա-

սէ Դաւիթ . « Ամենայն որ սիրելի է յերուսաղեաց , և մարտնչի վահանաւ ընդ կոյրս և ընդ կաղս , ատելի է նա Դաւիթի , » : Վասն զի ամենայն որ սիրէ զյերուսաղեաց , և կամ թէ մարտնչի վահանաւ ընդ կոյրս և ընդ կաղս , որպէս և կամեցան յերուսաղեքն , ատելի են Դաւիթի : Յաճախեաց պահեաց Դաւիթ զնոսա . վասն զի ասացին յերուսաղեքն՝ թէ մի մտցէ կոյր և կաղ 'ի տուն : Վասն այսորիկ ասեն իբրեւ նախատանօք , թէ « Մի մտցէ կոյր և կաղ 'ի տուն , » :

Եւ հան Դաւիթ զտապանակն կտակարանաց տեառն 'ի Գաբայէ : Եւ վասն զի յանցեան քահանայքն , և եղին զնա 'ի սայլի , իբրեւ կարկառ Ոգա զձեռն իւր ուղղել զնա անդրէն 'ի տեղի իւր զայն՝ զոր հրամայեացն բառնալ 'ի վերայ ուսոց , հար զնա տէր և անդէն սատակեաց զնա : Եւ երկեաւ Դաւիթ տանել զտապանակն 'ի քաղաքն իւր . և տարաւ իջոյց զնա 'ի տանն Աբեղադայ գեթացւոյ : Եկին ասեն ցԴաւիթ . օրհնեցաւ տունն Աբեղադայ գեթացւոյ յերիսամիսս , զի եղև տապանակն կտակարանաց տեառն առ նմա : Եւ զգեցաւ Դաւիթ զոսկեհոռն բեհեղի , զի ուսուսցէ ժողովրդեանն սրբել զանձինս իւրեանց ըստ նորա նմանութեն . և տարաւ զտապանակն կտակարանաց 'ի տուն իւր : Եւ զի բաց զերբան իւր Մեղքող և անկոսնեաց զԴաւիթ վասն կաքաւաձև պարուցն՝ որ զուարճացեալ գայր առաջի տապանակին , փակեցաւ վասն այսորիկ դուռն արգանդի նորա :

Եւ ասաց Դաւիթ ցԵսաթան մարգարէ շինել ըզտուն տեառն նյ : Ասէ ցնա Եսաթան մարգարէ . շինեա : Իսկ Եսաթան՝ զի յօժարեցոյց զԴաւիթ 'ի կամս անձին իւրոյ շինել զտունն հրամանաւն նյ , արգելաւ նա՝ զի մի շինեսցէ : Բայց ոչ բարկութեամբ և ոչ վասն յանցանաց ինչ , այլ ասաց ցնա՝ թէ արարից բեզ անուն ըստ անուան արգաց մեծամեծաց , որ իցեն 'ի վերայ երկրի . « Յորժամ կատարեսցի , ասէ , թիւ աւուրց քոց , և ժողովեսցիս դու առ հարս քո խաղաղութիւն , յարուցից զգաւակ քո զկնի քո , և նա շինեսցէ տուն անուան իմոյ . և 'ի յանցանս իւր յանդիմանեցից զնա գաւազանաւ առն » . այս ինքն

գաւազանաւն Աղբահազարու եղովմայեցւոց : “Եւ ՚ի տանջանս որդւոց մարդկան” . այս ինքն խրատուն այնուրիկ՝ որ խռովիչքն էին թագաւորուէն : “Եւ զաթոռքո՛րի ձեռն զաւակի քոկանգնեցից մինչև յաւիտեան” .

Եւ եկն Դաւիթ և նստաւ առաջի տեառն , և աւսէ . “Տէր իմ տէր իմ , ո՞վ եմ ես , զի հասուցեր զիս մինչև ցայս վայր . փոքր ինչ է այս՝ զոր ասացեր ՚ի վերայ տանն ծառայիքո՛րի հեռաստանէ” . այս ինքն՝ կամ ՚ի ժամանակէն Յակովբու , և կամ այս զոր այսօր խոստացար՝ կարգել ՚ի զաւակի իմում զթագաւորութիւն մինչև յաւիտեան . այս ինքն՝ առ ուսումն մարդոցն՝ զի հաւատասցէ յայն ինչ՝ որ ՚ի քէնն խօսեցեալ է նմա : “Եւ դու յայտնեցեր յունկն ծառայիքոյ յինել զտուն անուան քո” . այս ինքն՝ զի կարգեսցի զաւակ թագաւորութեք մինչև յաւիտեան :

Եւ իբրեւ գնայր Դաւիթ ՚ի վերայ տանեաց ապաւրանից արքայութե իւրոյ , ետես նա կին մի զի լուանայր . այս ինքն զի սրբէր Յուրբն՝ի դաշտանէ անտի իւրմէ . քանզի ՚ի ժամ երեկորի սրբէին կանայքն հեռւայեցիք ըստ օրինացն : Բայց սա ինքն այս կին դիտելով դիտէր զարքայն Դաւիթ՝ թէ յորում վայրի անկցի ՚ի վերայ նորա խաբեպատիր գեղովն իւրով . ոչ եթէ արհամարհութեամբ ինչ , այլ զի կորզեսցէ հանցէ ՚ի նմանէն զգանձն՝ որ ծածկեալն էր ՚ի նմա : Իսկ իբրեւ ետես զնա Դաւիթ , և որսացաւ ՚ի գեղ նորա իբրեւ ՚ի ծօղակս , առաքեաց փօքն զնա . և նա ոչ հպարտացաւ և ոչ մեծամտեցաւ , և ոչ գոնեայ թէ սակաւ բանիւք անհաւանութեան աշխատեցոյց զսեռեկապանսն , որ չոգանն զնմանէն : Յարեաւ գընաց վաղվաղակի՛րի կամս կամաց իւրոց առանց պարգևաց . վասն զի և այս իսկ էին աղօթք նորա , զի յաղթահարեսցի ՚ի գեղոյ նորա յղել զնմանէն : Իսկ իբրեւ եկն եմուտ առ նա , և չոգաւ ՚ի տունն իւր , առաքէ առ նա՝ եթէ զայս գիտասցիր՝ զի յղի եմ ես : Զի եթէ դարձեալ մտեալ էր առ նա , ինքն իսկ աւսէր ցնա , և ոչ եթէ ՚ի ձեռն այլոյ առաքէր . և զի գիտասցես եթէ ՚ի հիւր՝ ժամու էր , և ոչ մեղք

1 Միւս օրինակն հիւր :

օրացի : Եւ վասն զի մի մեռցի կինն , և կնաւն խայտառակեսցի արքայն պատուական՝ զրէ առ Յովաբ , զի արձակեսցէ առ նա զՈւրիա :

Եւ իբրեւ եկն , յղեաց զնա Դաւիթ 'ի տունն իւր , և ոչ չողաւ : Իսկ իբրեւ արեցոյց զնա և ետ նմա պարգևս , սակայն և 'ի ձեռն պարգևացն ոչ մտաբերեաց երթալ 'ի տուն իւր . այլ և ասաց ևս և ցաւեցոյց զԴաւիթ իբրեւ ոչ գիտէր . «Տապանակն կտակարանաց տեառն , ասէ , և Խաբայէլ և Յովաբ զօրօքն հանդերձ 'ի դաշտի անդ բնակեալ են , և ես երթայց 'ի տուն իմ , և ննջեցից ընդ կնոջ իմում . քաւինձ ննջել ընդ կնոջն իմում վասն տապանակին կտակարանաց , զի բանակեալ է 'ի դաշտի անդ , » : Իբրեւ մեղք իմն համարեցան նմա գործն արժանաւոր օրինացն առնն և կնոջն : Բայց ոչ խորամանկեցաւ Դաւիթ ընդ ածել կնոջն նորա առ իւր , որպէս զայրն՝ որ խորամանկեցաւ , զի մի անջրպետեսցի նա յառնէ անտի իւրմէ : Ապա իբրեւ ոչ բանիցն արքայի լուաւ , և ոչ 'ի բանս կնոջն պատրեցաւ երթալ 'ի տուն իւր , վասն զի մի կինն մեռցի , և 'ի ձեռն կնոջն խայտառակեսցի և արքայն պատուական , և 'ի պատճառս արքային ջեռնուցու ամենայն Խաբայէլ 'ի շնութի պոռնկութեւ , խորհի մեծ մտայոյզ խորհրդովք՝ մեռանել օտարին՝ և ոչ ընտանւոյն , քետացւոյն՝ և ոչ կնոջն հերբայեցւոյ , միոջն՝ և ոչ երկուցն : Գրէ արդ աւասիկ ոչ կամօք թուղթ առ Յովաբ՝ կացուցանել զնա զօրավար զօրուն 'ի Ճգնական տեղւոյ , զի հարցի և անդէն սատակեսցի : Իսկ Յովաբ իբրեւ տես զթուղթն , գիտաց վասն ոյր հրամայեաց սպառնանել զնա : Առ պահեաց առ իւր զթուղթն . և թուէր նմա եթէ զարիւնն Դաւթի ծրարեալ ունի 'ի բռին իւրում :

Իսկ անձ ամենադէտ և կանխագէտ , ծածկագէտ և յառաջագէտ՝ գիտէր զինչ ինչ արար Յովաբ խորամանկ : Առաքէ զՆաթան առ Դաւիթ , զի խայտառակեսցի արքայն 'ի ձեռն անորմածի , և ոչ 'ի ձեռն անօրինին և ամպարշտին , չարին և խորամանկին Յովաբու մարդոյ : Եկն եհաս Նաթան մարգարէն . և զի ոչ գոյր այլ դք՝ եթէ դատեսցէ զԴաւ

ւիթ, հնարի իմն առնել զնա դատաւոր անձին իւրոյ: Արդ մատուցեալ զօգէր զպատմութիւն և ասէր ցնա, իբրև տրտմեալ և տխրեալ 'ի հոգւոց ելանէր. այսպիսի ողորմուկս արկնմա պատմութիւնս իւրովք, մինչ զի արտաքս քան զօրէնսն հնարեցաւ հանել ըզխորհուրդս նորա: Քանզի զայն՝ զոր ասացն Դաւիթ, թէ “Չորս ընդ միոյն տացէ որ սպան զորոյակն”, այն յօրինացն էր. բայց եթէ մահապարտ էր, այն չէր յօրինացն:

Իսկ մարդարէն իբրև ետես զարքայն զի պարտաւորեաց զմն, յայնժամ՝ ի տրտմութէ անտի՝ ի բարկութի փոխեցաւ. քանզի իբրև զիւրն ասէր՝ ի դէմն՝ որ ինչ պատշաճ է իւրում՝ ասէր նա, զի զիւրն յիւրայոց տոհմականաց ծանուցէ. իսկ իբրև զտեառն երկրորդեաց զբարկութիւն՝ որ պատշաճ և պիտոյն էր բանիցն տերունի, ըստ տէրունական հրամանին զգեցաւ նա. այլափոխեցաւ նա՝ ի կակղութի՝ ի խստութիւն անդր և ասէ՝ ոչ եթէ զի դու, արքայ, արարեր զայդ, այլ զի “Այր դու, դու քեզէն իսկ արարեր զայդ: Արդ այսպէս ասէ տէր. ես, ասէ, ետու քեզ զդստերս տերանց քոց, և զկանայս տեառն քոննջեցուցի՝ ի լանջս քո. արդ դու աւադիկ զՍուրիա քետացի սպաներ ի սուր սուսերի, և զկին նորա ածեր քեզ կնութիւն. ահա յարուցից անդատին՝ ի տանէդ քումմէ՝ ի վերայ քո զչարիս, և հանից քո յանդիման զկանայսն քո՝ ի քէն, և տաց զդոսա ընկերի քում, և մտցէ առ դոսա առաջի արեգականդ այդորիկ”, :

Իսկ Դաւիթ իբրև ետես՝ եթէ եղև դատաւորն դատելի, և այն՝ որ արքայն էր՝ կոչեցաւ այր, և տէրն կոչեցաւ ծառայ, ոչ ծածկեաց զմեղսն իւր յայ, այլ խայտառակեաց անձամբ զանձն իւր առաջի մարդարէին այ և ասէ. “Մեղայ”, իսկ Նաթան՝ այն որ մեծ խորխտանօքն մատուցեալ յառաջ զնէր զգատավճիռն բարկութե՝ ի վերայ արքային, փոխեաց զնա անդէն և անդ հոգին՝ ի քաղցրութիւն. և ընդ կրուկն բանին՝ այն որ ասացաւն ի Դաւթէ՝ թէ “Մեղայ տեառն”, ասաց և հոգին՝ ի բերան մարդարէին, թէ “Եւ տէր անցոյց զյանցանս քո”. զի վասն թո.

զուլթէն բեր զյանցանան 'ի մէջ. զի որք ընթեռնուին զմեղս նորա, ժամանեցէ նոցա քաւութին նորա, և զի քարոզեսցի դարձեալ յաղք և յազինս՝ թէ այս մի միայն յանցանք գտան տեառն Դաւթի զքառաւորսն ամ թագաւորութեան նորա: Եւ զի ուսուցէ դարձեալ, եթէ 'ի վերայ Դաւթի սիրելոյն իւրոյ ոչ խնայեաց՝ այլ խայտառակեաց զնա, արդ 'ի վերայ ոյր խնայիցէ՝ թէ մեղանչիցէ:

Եւ յետ թողութեան յանցանաց նորա ասաց՝ թէ վասն զի բարձրացուցեր դու զթշնամիս տեառն, այս ինքն վասն զի բացեր զբերան՝ ոչ զուղղոց զստուգաց զարդարոց զքաջաց զլաւաց զառաքինեաց, այլ զամ պարշտաց զանօրինաց զամբարհաւաճից զուրացողաց զհայհոյաց, այսու գործովս զոր գործեցեր՝ և որդին որ ծնանելոց է քեզ 'ի կնոջէս յայսմանէ, մեռանելով մեռցի: Ահա նմուշ էր առ առնն ամուսնին իւրում. զիարդ օրհնեցաւ արգանդն նորա յանիծեալ պոռնը կուլթէ անտի: Իսկ մանուկն որ մեռաւն՝ թէպէտ և բարկութիւն մեռաւ, այլ մահն նորա ողորմութեց էր. քանզի նախատ լինէր նա ժողովրդեանն, և ոչ կարէր շինել զտաճարն սրբուէ. այն զի և ոչ մտանել իսկ իշխէր նա 'ի տաճարն սրբութե և ոչ ժողովուրդն իսկ ունէր յանձին թագաւորել զպոռնկորդին 'ի վերայ իւրեանց: Արդ զի մի հարքն նոցա վաղիւ նախա տիցին նովաւ, և զի եղիցին ափիբերան կարկեալ պապանձեալ որ հանդերձեալն էին մեղանչել: Եւ զի չէր պարտ և պատշաճ պոռնկորդւոյն շինել զտաճարն սուրբ այ, վարեաց զնա տէրն իւր 'ի դէմն բարկութե: Զի այնմ՝ որ ոչ ետ զթագաւորութիւնն ըստ երդմանն Դաւթի, տարցի տացէ նմա զարքայութիւն երկնից ըստ կամացն Դաւթի: Բայց միութարեաց Դաւթի զբերսաբէ, և մուտ առ նա և ծնաւ զՍողոմոն. և տէր սիրեաց զպատանեակն: Եւ առաքեալաց զնաթան և կոչեաց զանուն նորա Յեղիդա, այս ինքն է սիրեցեալ սիրելի:

Եւ սիրեաց խեմոն զԹամար քոյրն Աբեսողովմայ: Խօսել սկսաւ ընդ նա Յոնադաբ բարեկամն իւր և ասէ. զի՛ դու՝ զի՛ ընդ քեզ, զի՛ այսպէս մաշեալ մաշիս յառաւօտէ յառաւօտ. այս ինքն է, զի՛

է զի օրըստ օրէ երթաս և տժգունիս : Եւ ուսոյց նմա խորամանկութիւն Յովնադաբ, և վարեցաւ նովաւ, և բռնադատեաց զաղջիկն և անարգեաց զնա : Եւ սպան զնա Աբիսողոմ վասն այսորիկ, և փախտեայ եղև առ Մեխութ արքայն Գաշորայ :

Եւ յետ երից ամաց ած Յովաբ զկին մի թեւկուացի . և արդ առեալ կարգեալ դնէր բանս 'ի բերան նորա : Եւ մուտ խօսեցաւ կինն 'ի դէմն անձին իւրոյ զիրս Դաւթի և զԱբիսողոմայ խորամանկութիւն, և պարտեաց զԴաւթի աշտիճանէ յաշտիճան աղերս սանօք ողորմ ողորմ ձայնիւ, մինչ զի փակեաց զնա ընդ երդմամբ խորամանկութիւն : "Անդանի է, ասէ, տերանց տէր, եթէ ոչ անկցի մազ մի 'ի հերոյ գլխոյ որդւոյ քո 'ի վերայ երկրի" : Եւ վասն զի զայս եդ Դաւթ 'ի մտի իւրում, զի մեղք են՝ եթէ հաշտի նա ընդ Աբեսողովմայ, ասաց կինն՝ եթէ "Յանցանքս այս 'ի վերայ իմ և 'ի վերայ տան հօր իմոյ . և թագաւոր և աթոռ նորա քաւեալ եղիցի" :

Եւ իբրև գրաւեցաւ այրն երդմամբ, սկսաւ ապա կինն ասել զճառն, մերթ յայտ՝ մերթ 'ի ծածուկ, զի առ սակաւ սակաւ ցածուացէ զբարկութիւն թագաւորին, անդէն և անդ ճառին մեղմասցի և իջցէ ցասումն նորա ընդ պատմուի խօսիցն : "Անդէր, ասէ, խորհեցար իբրև զայս 'ի վերայ ժողովրդեանն նոյն" . որպէս զի ցուցցէ և յայտ արասցէ Դաւթի, եթէ զամենայն ժողովուրդն տրտմեցոյց . վասն զի պարծանք էր ամենայն ժողովրդեանն Աբիսողովմ . ոչ գոյր իբրև զնա յամենայն ժողովրդեանն Խաբայէի : Զի եթէ վասն պատանեկին ոչ, գոնեայ զի վասն ժողովրդեանն ջրեսցի ռիսութիւն Դաւթի ընդ Աբիսողովմայ :

Եւ խօսեցաւ, ասէ, Դաւթի զպատգամս զայս իբրև զպարտ, զի մի դարձցի արքայ մոռացի զնա . այս ինքն՝ ընդէր, զի իբրև զպարտական՝ զի ոչ կարէ արդարանալ՝ ասացեր զբանն, և ոչ կամիս դարձուցանել : Մեռանելով, ասէ, մեռանիմբ մեք . այս ինքն՝ որ մեռան, ասէ, մեռաւ . որպէս և դուն իսկ ասացեր վասն որդւոյն Բերսաբեայ : Արդ որպէս ուսայն 'ի քէն, ուսուցից քեզ . և զոր ինչ լուայն՝ զոր ասա-

ցեր, ասացից քեզ . և ոչ առնու ան զոգի և խորհի զխորհուրդս, զի իբր ոչ էր արժանի՝ առ զսոսա և թող զմիւսն : Եւ արդ ահա այժմ ասացից ցարքայ՝ զոր ինչ ուսայ 'ի նմանէն, և զոր ինչ լուայն 'ի նմանէն՝ երկրորդեցից առաջինորա : Իսկ զայն զոր ասաց 'ի վերուստ ևս, եթէ "կամին շիջուցանել զկայծակն՝ որմնացիմ", զի թէպէտ և յորդորեսցին գութք աղեացն 'ի միտս լսողաց՝ ասաց ցնա, այլ և զճառս թագաւորութեն նշանակեաց 'ի նա . զի "Մի, ասէ, պահասեսցին որդիք քո, զի նոքօք յարմարի թագաւորութիւնդ քո" : Եւ գիտաց Դաւիթ՝ թէ Յովաք քաջաբանիկ՝ է խրատտու գործոյս այսմիկ . և չոգաւ ած զԱբիսողում, և զերեսս արքայի նա ոչ ետես :

ԳԼՈՒԽ Զ

Եւ զնաց Աբիսողում 'ի քերթոն և ապստամբեցաւ . և փախտեայ եղև հայրն յերեսացնորա : Եւ եկն եհաս Սիբա պատարագաւ առ Դաւիթ, և եցոյց նմա վասն Մեմփիբոստեայ որդւոյն Յովնաթանու՝ զի պահանջէր 'ի նմանէն դարձուցանել առ իւր զթագաւորութիւնն տանն Սաւուղայ : Ետ Դաւիթ Սիբայի երախտաւորի զամենայն ինչ՝ որ և էր Մեմփիբոստի ապախտաւորի և չնորհակորուսի :

Ի շնամանէ դարձեալ Սեմէի զԴաւիթ արեամբն տանն Հաւուդի, յորում աւուր որդին Յովնաթանու՝ որ մնաւն առ սեղանն նորա՝ կամէր առնուլ զթագաւորութիւն Դաւթի : Ասէ Դաւիթ ցորդիսն ծորիայ քեռ իւրոյ . թողէք լիք, թող անարգէ և դըսրովէ զիս . վասն զի թէպէտ և զարիւնն Հաւուդի ոչ հեղի, սակայն զարիւնն Ուրիայ քետացւոյ անօրէնութե հեղի : Արդ տէր՝ որ հրամայեաց զայս ամենայն 'ի վերայ իմ՝ ի ձեռն նաթանու մարգարէի, նա գրռ գռեաց ընդ իս զՍեմէի . բայց տայր ոք ցիս ասացեալ եթէ վասն էր եղև ինձ այսպէս . վասն այնր արդեւք Ուրիայն՝ որ յայտնէ ինձ, եթէ և այլ ևս ինչ պարտիցիմ, և ծածկեալ իցէ յաչացս իմոց : Եւ վասն զի բանիւք և արդեամբք մեղաւ Դաւիթ ընդ Ուրիա,

բանիւք և արդեամբք խրատեաց զնա նձ . այս ինքն բանիւքն Սեմեայ , և գործովքն Աբեսողովմայ : « Թողէք , ասէ , լիք . Թող անարգէ զիս . արդեւք տեսցէ տէր և հատուցէ ինձ զբարին » : Եւ ահա պարտելով իսկ պարտիս դու , տէր Դաւիթ : Այլ եցոյց , զի առնձ ամենայն ապաշխարող՝ որ հատուցանէ սովին այսու՝ զոր հատուցանէս , և փոխ տայ՝ զի առցէ՝ ի նմանէն : Արդ հատոյց նմա զգործսն և զարդիւնսն , զի նստոյց զնա յաթռն թագաւորուէ , և հատոյց նմա զբանս . յաւել գարձեալ և խօսեցաւ զօրհնութիւնս սաղմոսարանին :

Երեսն սկսաւ Աբիսողով և ասէ ցԱբիտոփել . խրատ տուր ինձ զինչ ինչ առնեմ , որով զաշխարհս ունեւ մարթացից : Իսկ Աբիտոփել քանզի գիտէր եթէ ամենայն խիղճ մտացն և երկիւղ նորա՝ եթէ և հաշտի վաղիւ Աբիսողովմ ընդ հօր իւրում , ընկէց զիւր մտացն զխիղճն և զչնաս անձին իւրոյ խորամանկութիւնն . « Զահի հարեալ է , ասէ , Ժողովուրդդ և երկնչին , գուցէ թէ հաշտիցիս դու վաղիւ ընդ հօր քում . այլ մոռտ դու առ հարձս հօր քում , և ահա հզօրանան ձեռք ամենեցուն որ ընդ քեզ են , գալ զկնի քո վստահութիւն , և լինել քեզ թիկունք օգնականութեան և ծառայք մտերիմք » : Եւ զայս զի՛ արար . զի գարեցուցէ զազրացուցէ զնա յաչս հօր իւրոյ . և զի ասացէ ցնա գարձեալ յետ այսորիկ՝ Թէ հայր քո այլ ոչ է հաշտելոյ ընդ քեզ . զի եթէ Յակոբ ոչ հաշտեցաւ ընդ Հուսբէնի վասն միոյ յանցանացն , թէպէտ և կարի շատ յաճախեաց պարտեաց զնա Յովսէփու , դու՝ որ զեղբայրն քո սպաներ , և անարգեցեր զկանայս հօր քո , զիարդ հաշտի ընդ քեզ : Եւ զի յուսացուցէ եթէ ի տեառնէ է թագաւորութիւնորա , ահա , ասէ , այն ինչ զոր ասացն Նաթան մարգարէ , գործեցաւ առ Դաւիթ ի ձեռն Աբիսողովմայ : Արդ եւ մոռտ լիտին պոռնկութիւն , և անարգեաց զամենեւեան . զի եթէ ոչ էր նա ազտեղի և յայրատ և ճակաճան , կարէր նա անարգութիւն միոջն տալ կարծիս՝ Թէ զաւմենեւին անարգեաց :

Ղարձեալ խրատեաց զնա Աբիտոփել վարել ընդ

իւր գունդ մի զօրու . և անկանել 'ի վերայ գնդին Դաւթի : Իսկ Հոշի իբրեւ ետես՝ թէ Դաւիթ անց գնաց'ի Գաղուլթս, քանզի հանդերձ կանամք և որդուք գնաց նա, և վասն զի գիտաց՝ զի եթէ հալածեն մեծահանգոյց և վառեալ գունդն զկնի փախըստէիցն, ժամանեն և կոտորեն զնոսա, ետ պատասխանի և ասէ ցԱբեսողոմ. «Ոչ բարեոք խրատեաց զքեզ Աբիտոփէլ, եթէ յայսմ ժամանակի պնդեալ երթանայցեմք զկնի Դաւթի,» Եւ արդ սկսաւ յորդաբել գովել բերել 'ի մէջ զքաջութիւնս Դաւթի և զսեփհական գնդին . դու, ասէ, քեզէն գիտես զչափ հօր . քո և զչափ սեփհական գնդի նորա, զի արք են դառնաշունչք և դառնահոգիք, զազանք և զազանախիտք իբրեւ առեւծք իբրեւ արջք՝ որ գտանիցեն ըզգէշ յանապատի : Եւ հայրն քո՝ զոր ասաց Աբիտոփէլ եթէ զնա միայն սպանցուք, և ոչ ինչ այնպէս կարի անմիտ է նա՝ եթէ յայսմ ժամանակի առ զօրուն ագանիցի նա : Եւ վասն զի զառաջին անգամն մարտոյիմք մեք, եթէ թշնամեաց զառաջին անգամն լինի մեզ կոտորած ինչ՝ եթէ կայցէ ոք 'ի մեզ որ ունիցի զսիրտ առեւծու, հարկանելով հարկանի յերկիւղէ անտի և անդէն սառակի . քանզի ամենայն իսկ խրայել գիտէ զչափ հօր քո, և զչափ քաջամարտիկ արանցն որ էին ընդ նմա, զի 'ի բազում պատերազմունս առեալ է նոցա զանուն քաջութեան : Բայց զքեզ յայսմ առաջին մարտի փորձեն . և քեզ պարտեալ պատշաճ է իմանալ, յորժամ միագունդ միա համուռ միաբան ժողովեալ իցեն առ քեզ ամենայն խրայել . և ապա չու արասցուք խաղասցուք գնացուք և երթիցուք բանակեսցուք 'ի վերայ նորա, որպէս զի անկանիցի ցօղն առաւօտին, և ոչ ապրեցուցուք 'ի նոցանէն և ոչ մի :

Իսկ Աբիտոփէլ իբրեւ ետես՝ եթէ զիարդ խափանեաց որպիսի խորհուրդն զայնպիսի խորհուրդն, և գիտաց եթէ որովհետեւ այս եղև՝ արդ չիք հնար յաղթելոյ զԴաւիթ, և վասն զի ոչ կարէր յետ յաղթութեն բառնալ զաչս իւր և նայել ընդ նա, անց գնաց արկ խեղդ և անդէն մեռաւ : Եւ ասէ Դաւիթ զգունդն իւր . եթէ փախչիմք մեք, ո՛չ ահա զայս ա

Ծեն ընդ միտ՝ եթէ երկեաք ինչ մեք 'ի նոցանէն, և պնդին զկնի մեր յոր վայր երթամք . և արդ այժմ՝ թէպէտ և շատ իցէ մեզ տանն հազար վառեալք, այլ լաւ իցէ մեզ առնել թիկունք ապաստանի զգօրն հետեւակ շինական 'ի գեղից անտի . զի թէպէտ և եղիցի, զի ոչ են վառեալ : Վասն զի ճշմարտեք Դաւիթ՝ թէ ինքն յաղթէ, քանզի ժամ խրատու էր նորա՝ և ոչ եթէ ժամ մահու, տայր պատուէր ածել զպատանեակն կենդանի . և զի մի հպարտասցին վաղիւ 'ի վերայ Դաւթի, սպորակին մեռանին 'ի գնդէն Աբիսողովմայ քսան հազար 'ի մարդամահէ, և ուտէ 'ի նոցանէ և դազանն անտառի աւելի քան զոր ինչ կոտորեցան 'ի սուրն սուսերի : Կախեաց և զԱբիսողովմա՝ զծայրից ոստոցն ծառոյ, զի առանց մարտի ածցեն զնա կենդանի առ Դաւիթ : Հար սպան Յովաք զԱբիսողովմա, և ցրուեցաւ զօրն նորա՝ որ ընդ նմայն էին՝ մեծ ամօթով : Եւ զի կանգնեաց իւր պատկեր Աբիսողովմա, և ասէ . «Վասն զի չիք ոք՝ որ յիշէ զանուն իմ» . զի չիք իմ, ասէ, որդեակ՝ որ ունիցի զբազ և զբաժին իմ, և ունիցի զյիշատակ անուան իմոյ : Եւ լայր և սուգ ունէր Դաւիթ 'ի վերայ Աբիսողովմայ, զի չոգաւ նա 'ի մեղս իւր և 'ի պարտիս : Եւ երկեաւ զօրն մտանել 'ի քաղաքն . այս ինքն ամաչեցին տեսանել զԴաւիթ :

Եւ ամբարհաւաճեցաւ Յովաք 'ի վերայ Դաւթի արքայի և ասէ ցնա, եթէ «Յամօթ արարեր տրբամուծիք քո այսօր զերեսս ծառայից քոց՝ որ ապրեցուցին զանձն քո և զանձինս որդւոց և կանանց քոց» : Եւ արդ ահա ոչ եթէ մարդիկ ապրեցուցին զնա : Զի պարծիս պայթիս դու, Յովաք . քանզի այն՝ որ առաքեաց 'ի վերայ գնդին Աբիսողովմայ զմարդամահն և զգազանսն, նայն ինքն ապրեցոյց զԴաւիթ : «Ի տէր, ասէ, երդուայ . զի եթէ ոչ, ասէ, ելցես խօսեսցիս ընդ ծառայսն քո, ոչ ազանի առ քեզ յայսմ գիշերի» . այս ինքն, զի վարատեմ ցրուեմ ես, ասէ, զգօրսդ առ 'ի քէն, և սակաւքն՝ որ ապրեցան 'ի գնդէն Աբիսողովմայ, գան և սպանանեն զքեզ : Բայց զայս զի ասաց, ապաստան 'ի թուղթն զոր գրեաց վասն Ուրիայ քետացւոյ, զի ունէր ինքն

Յովաբ առ իւր . խօսեցաւ՝ որպէս ասէ որ՝ թէ Հանեմ
ցուցանեմ զթուղթն , զի վասն մեղաց քոց եկն այս
ամենայն 'ի վերայ մեր և 'ի վերայ քո : Եկն եւ Դաւ-
իթ յետ նախատանացն , իբրեւ նախատեսչաւ 'ի Յո-
վաբէ , որպէս 'ի Սեմեայն . և խօսեցաւ ընդ զօրուն :

Եւ արդ արկ նծ 'ի սիրտս և 'ի միտս ազգացն ամե-
նայն . խօսել սկսան և ասեն , եթէ « Դաւիթ ապրե-
ցոյց զմեզ 'ի թշնամեաց մերոց . և արդ այժմ՝ եկայք
փախիցուք յերկրէ աստի » . այս ինքն 'ի տեղւոյն՝ ուր
ժողովեացն զմեզ Աբիսողոմ : Եւ եկին միաբան առ
Դաւիթ , և ընկալաւ զնոսա : Եւ դարձոյց Ամսա
զսիրտ տանն Յուդայ առ արքայ : Եւ արդ այնորէկ՝
որ Հանդերձ ամենայն ազգօքն երկմտեցան 'ի Դաւ-
թայ , սղբին իսկ յառաջ քան զամենայն ազգման ա-
ռաքեն առ նա՝ եթէ դարձ դու . այս ինքն դարձ դու
և ծառայես , և ընդ իմ զքեզ :

Եւ արդ Սիբա եկեալ արկանէր զկամուրջն Յորդա-
նան գետոյն առաջի արքային . և Սեմէի թաւալանէր
առաջի ոտիցն Դաւթի արքայի , և ասէ . « Ես գի-
տեմ , տէր , զի մեղայ . և արդ եկեալ եմ աւասիկ
յառաջ քան զամենայն տունն Յովսէփու » , և որպէս
զի ասիցէ որ , թէ ես գրգռեցի , ասէ , զտունն Յով-
սէփու իջանել ընդ առաջ քո : Խօսել սկսաւ Աբեսսէ
և ասէր . « Ո՛չ վասն այսր յետին պարծանացս ոչ
մեռցի Սեմէի , զի անարգեաց յերթալն մերում զճե-
ռեալն տեառն » : Ետ սլատասխանի Դաւիթ և ասէ .
« Այսօր որ մի՞ մեռցի » . և երգուաւ նմա Դաւիթ ,
ոչ վասն զի ստիպեաց զնա անարգութիւն Սեմեայ ,
այլ վասն զի յաղթահարեաց զնա քաղցրութիւն իւր :
Բայց ոչ երգուաւ նմա՝ եթէ բնաւ ամենեւին ոչ մեռ-
ցիս դու , այլ զի այսօր՝ որպէս կարծեսդ՝ և որպէս
յարեաւ 'ի վերայ քո Աբեսսէ , ոչ մեռանիս : Եւ ոչ
թէ Սեմեայ երգուաւ , զի ոչ եթէ Սեմեայ ինչ պարտ
էր երդումն , այլ արեստեանց երդուաւ . զ՝ 'ի պատ-
ճառս երդմանն Դաւթի խափանեցին 'ի սպանանե-
լոյն Սեմեայ : Եւ արար նմա որպէս և երդուաւն . և
աւելի քան զայն՝ որ երդուաւն . զի որչափ կենդանի
էր , յայնոցիկ՝ որ վրէժինդ իբրեւ էին 'ի սպանողացն
նորա՝ ապրեցոյց զնա :

Եւ եկն էջ Մեմփիբոսթէ ընդ առաջ Դաւթի ոչ զմոլորուսն իւր վերայեալ, և ոչ զհանդերձսն իւր փոխեալ մինչև ցօր գալոյն արքայի: Եւ ասէ ցնա արքայ. ընդէր ոչ եկիր ընդ իս: Խօսել սկսաւ առաջի արքայի և ասէ. ծառայն իմ նենգեաց զիս, զի ոչ կամեցաւ հանդերձել ինձ գրաստ. բայց սակայն ոչ կարեմ արդարանալ, և ոչ խօսելով անգամ առաջի տեառն իմոյ արքայի: Իսկ արքայ վասն ստուծէն նորա, որ ասաց ցնա՝ Թէ շատ խօսեցար, բայց վասն ապաշխարութե նորա և վատթարութեն, զի վատթարեալ կայր յերեսաց նորա, և վասն սիրոյ հօր նորա, բայց աւելի վասն Աստուծոյ, ասաց՝ Թէ ընդ քեզ և ընդ Սիբա բաժանեսցին անդաստանքն:

Եւ Բարզեղիա կերակրեաց զարքայն: Իսկ իբրեւ ստիպեաց զնա դառնալ ընդ իւր նմա՝ շնորհն երախտեաց նորա ասաց, «Ոչ կարեմ ես լսել զձայն ազատ մանկուոյն և զազատ կանանցն», • հերքայեցին ասէ, «Զձայն գուսանաց և վարձակաց», •

Եւ որդ արկ անձ զնախանձ բարի ազգացն այնոցիկ. զի որք ՚ի ժամ խրատուն Դաւթի փախստեայ լինէին ՚ի նմանէն, իսկ իբրեւ անց ժամանակն այն՝ սկըսան հակառակել ՚ի մէջ իւրեանց Թէ ով ՚ի նոցանէն աւելագոյն սիրէ զԴաւթի: Քանզի ասէին տունն Խարայէլի ցտուռն յուղայեան, եթէ «Տասն մասն աւելի է մեր յարքայի», • այս ինքն ազգ եմք մեք, որ պաշտեմք զարքայ, և մեզ պարտ և պատշաճ է լինել առաջին և ածել զարքայ, այս ինքն դարձուցանել առ մեզ: Բայց զօրացաւ սաստկացաւ բանն յուղայեան քան զբանն իսրայէլեան. վասն զի յազգէ նոցա էր, և ՚ի վերայ նոցա Թագաւորեաց յառաջ, և ՚ի յառաջին և ՚ի վերջին հալածանսն Դաւթի նոքա եղեն թիկունք նորա Աստուծով:

Եւ Կն հաս Դաւթի յերուսաղէմ, և արգել ըզտանն կանայսն իւր որ անարգեցան՝ զի պահեսցին. և ոչ այլում ետ զնոսա, վասն զի կանայք որդւոյն նորա էին. բայց եղեն ՚ի նեղութե, վասն զի ակամայ կամք հրամայեցան պահել զայրութի:

Եւ չողաւ Յովբա զկնի Շամուայ որդւոյ Յովբէի. վա զի կամեցաւ ապստամբեցուցանել զժողովուրդսն ՚ի

Գաւթէ : Եւ իբրեւ պատրաստեցան կազմեցան յովաբեանքն դաշտել յատակել զպարիսպ աշտարակացն , խօսել սկսաւ կին մի անդուստ արտաքս և ասէ , եթէ “Յառաջագոյն հարցանելով հարցանէին ’ի մարգարէիցն , և ապա սպանանէին , որպէս և Դաւիթ իսկ առնէր մինչև ցայսօր յամենայն մարտ պատերազմի’ իբրեւ ընդ հեթանոսս մարտնչէր նա , արդ ես միայն տուժապարտ եմ Խարայէլի . զի՞ պահանջիմ ես փոխանակ այլոց յանցանաց . զի՞ կամիս դու փոխանակ միջ սպանանել զմայր մանկամբք հանդերձ , . այս ինքն զբաղաքս բնակչօք հանդերձ : Եւ ընկէց առ նոսա զգլուխն Սամովայի ’ի պարսպէն , և չուեցին ’ի քաղաքէ անտի :

Եւ եղև զերեւամ սով զկնի միմեանց . և ինդրեաց Դաւիթ ’ի տեառնէ . ետ պատասխանի տէր և ասէ . “Վասն Սաւուղի , զի սպան զգաբաւոնացիս , . վասն զի նախանձեցաւ Սաւուղ ընդ գաբաւոնացիս . վասն զի մատոյց զողջակէզսն և ապրեցաւ . և եղեն անդէն նոքա պաշտօնեայք օեղանոյն փայտիւն և ջրով . բայց ասեն այսպէս , եթէ արիմելէքեանք են նոքա : Եւ վասն զի պատուեցին զԱբրահամ , եղև նոցա շնորհահատոյց տէրն Աբրահամու ’ի մէջ զաւակին Աբրահամու : “Խնդրեաց , ասէ , Սաւուղ ոպանանել զնոսա , , , իբրեւ նախանձեցաւ՝ զի մեղացուցէ զորդիսն Խարայէլի և զորդիսն յուգայեան , որպէս զի ստեացին յերդումն զոր երդուանն , և մեղիցեն նոցա : Եւ ասաց Դաւիթ ցգաբաւոնացիսն . “Ո՛ր զինչ առնեմ ձեզ , և օրհնեցին ժառանգուիքն տեառն , . զի ահա իբրեւ անիծիւքն սատակէր սօյն զամենայն առ հասարակ : Ետուն պատասխանի և ասեն ցնա , եթէ “Այրն՝ որ կորոյս զմեզ զի մի մնացուք ընդ ամենայն սահմանս Խարայէլի , տացեն ’ի մեզ զեւթն որդիսն նորա , զի մատուցուք զնոսա պատարագ առաջի տեառն , . Արդ ոչ պակասեցուցին ’ի թուոյն եւթման , զի գուցէ եթէ մնացորդ մնացէ Հաւուղի . և ոչ աւելի ասացին , զի գուցէ ելցէ և սատակեցէ զգաւակն Յոջնաթմանու : Ետ նոցա արքայն զերկուս

1 Յօդանակն « Գէյի » :

որդիման Ռասէփայ՝ զոր ծնաւն Հաւուղի , և զՀինգ որդիման Նադաբայ դստերն Հաւուղի՝ զոր ծնաւն Ագարիէլ . մատուցին զնոսա պատարագ առաջի տեառն : Եւ իբրեւ անիծիւք ոչ տուան որդիքն Հաւուղի՝ ի Թաղել : Բայց նման է այսպէս , եթէ իբրեւ հաշտեցաւ անիծ երկրի , Թաղեցան ընդ Հաւուղի և ընդ Յովնաթանու :

ԳԼՈՒԽ Ե

Եւ սկսաւ ասել Դաւիթ առաջի տեառն զբանս օրհնութեն այսորիկ : “Սիրեցից զքեզ տէր զօրութի իմ” , . զի քեւ յաղթեցից զամենայն մարտ պատերազմաց իմոց : “Եւ ուղիք անօրէնութե խռովեցուցին զիս” , . Թշնամիք նորա են . զի իբրեւ ուղիք դիմեալ գային ՚ի վերայ նորա ասպատակաւորքն : “Երկունք դժոխոցն շրջեցան զինն” , . դառն խորհուրդքն են Թշնամեաց նորա : “Եւ կանխեցին առ իս որդգայթք մահու” , . ատելիքն իմ յաւուրն տրտմտուէ իմոյ իբրեւ զԱմաղէկ ապականիչ , աշխատեալ և վաստակեալ Խորայէլի ՚ի ճանապարհի անդ : “Եւ լուաւ ՚ի տաճարէ իւրմէ ձայնի աղօթից իմոց” , . Եւ ահա ցարդ ևս ոչ էր շինեալ զտաճարն , զի յիշէր զտաճարն . և կամ զինչ անուանէ զտաճարն : Զէրկինս իսկ կոչեաց և անուանեաց տաճար : “Եւ ծուխ ՚ի բարկութենէ նորա , և հուր յերեսաց նորա բորբոքեցաւ” , . զնոյն բարկութիւն՝ որ հասուցանէր ՚ի վերայ Թշնամեացն անիծ , առականէ ՚ի ծուխ և ՚ի հուր : “Խռնարհեցոյց զերկինս և եջ” , . առ ՚ի պաշտպանութիւն փրկութե նոցա : “Եւ զմէդ եդ ՚ի ներքոյ ոտից իւրոց” , . վասն զի իբրեւ զմէդ զերկրաւ եղեն Թշնամիք ՚ի ներքոյ ոտից նորա : “Եւ ՚ի քերովեմս” և եջ” , . և զի ուսուցէ զի ոչ եթէ սղա բարձեալ կրէին զնա՝ ասաց , եթէ ասացաւ առ ՚ի փրկութիւն նոցա՝ ՚ի վերայ Թեոց հողմոց : “Եդ զխաւար ՚ի ծածկոյթ իւր” , . զի մի երևեսցի մեծապայծառ փրկութիւն նոցա Թշնամեացն : “Եւ պատեցաւ զժողովրդեամբն հովանիքն նոյ” , . խաւար ջուրցն՝ որ ստեղծանէր յօդեղէնն ամպոցն , հալածական երթայր ՚ի լուսաճաճանչ հովա-

նոյ նորա : “Արար զամպս իւր կարկուտ և կայծա-
կունս հրոյ ,” որպէս և յաւուրան սողովմացւոց և
եգիպտացւոց որոտաց յերկնից ’ի վերայ թշնամեաց :
“Աւաքեաց զնետս և ցրուեաց զնոսա ,” պատգա-
մօքն հրամանի զկործանումն թշնամեաց : “Եւ յա-
ճախեաց զիսկաւտակունս բարկութե ,” խռովեաց
վտանգեաց և արար նկուն զատելիսն առ հասարակ :
“Երևեցան աղբերք ջուրց , յայտնեցան հիմունք աշ-
խարհի ,” զգորբորումն կուտակեալ սաստկութիւն
թշնամեաց իւրեանց առականց ’ի նոսա . զի ոչ միայն
զօրութիւն մեղկացուցանէր զնոսա , այլ զի ’ի սաս-
տէ և ’ի շնչել բարկութե նորա սատակին կործա-
նին : Եւ զի ցուցցէ՝ թէ ոչ միայն յորժամ մերձ է՝
փրկէ , ասաց՝ թէ “Աւաքեաց ’ի բարձանց և ընկալաւ,
դադարեցոյց զիս ’ի ջուրցն . զի նոքա են հզօր թշնա-
միք իմ ,” : Եւ զի ցուցցէ և յայտարարացէ՝ թէ ոչ ակն
առութիւն ինչ արար առ նմա՝ ասաց , “Վասն զի պա-
հեցի ես , ասէ , զճանապարհս տեառն ,” հանդերձ
այլովք : Եւ զի ասաց՝ եթէ “Ընդ բարւոյն բարի եղի-
ցիս , և ընդ առն ամբօի անբիծ եղիցիս ,” ստուգու-
թիւն օրինաց ուսուցանէ նմա փրկել զհեբրայեցիս՝
զԺողովուրդն տառապեալ : “Եւ զաչս ամբարտաւա-
նից հեթանոսաց խոնարհեցուցէ : Եւ դու լուսաւոր
առնես զճրագ իմ տէր ,” . այն իսկ է , մինչ դեռ սա-
կաւիկ միւս ևս չիջանէր նա յերկրորդ հսկայէ ան-
տի : “Տէր անձ իմ , լուսաւոր առնես զխաւար իմ ,” .
այս ինքն փրկութիւն իւրով հալածեացէ զհալածիչս
իմ : Եւ վասն զի քեզ պնդեցայ զկնի ասպատակաւո-
րին , հասի թափեցի ’ի նոցանէն՝ զոր ինչ յափշտա-
կեցին և փախեան : “Եւ Աստուծով իմով անցից ընդ-
պարիսպ ,” : Զի թէպէտ և ’ի ներքոյ պարսպաց պաշա-
րեսցեն և արգելցեն զիս , իբրև զեղջերու անցից ըստ
նոսա . վասն անցելոյ ժամանակացն , իբրև վասն զառ-
յապա ժամանակացն՝ որ ինչ հանդերձելոց էր լի-
նէլ , խօսէր . զի պաշարեսցեն՝ և զգաւակն՝ որ թա-
գաւորելոցն էր զկնի նորա . զի եթէ գնասցեն իբրև
զնա , իբրև զնա նահատակեսցին : “Աճ , յանբծու-

1 Յօրինակին պատկերներ . եղաւ ըստ լուսանկերի :

Թէ եւ ճանապարհք իւր » . վասն զի առանց ակնա-
ռութեան արդարացուցանէ և պարտաւորէ : « Բանք
տեառն ընտրեալ եւ » . այս ինքն ստուգութիւն օրի-
նաց իւրոց ընտրեալ է, և օգնէ ամենեցուն՝ ոյք յուսան
'ի նա : « Վասն զի չիք անձ բաց 'ի տեառնէ » , որ կա-
րէ օգնել երկրպագուաց իւրոց . և ոչ հզօր՝ առաքի-
նացուցանել յամենայն մարտ պատերազմաց մերոց
իրրեւ զան մեր : « Աճ՝ զի զգեցոյց ինձ զօրութի » , յա-
ռաջին և 'ի վերջին հալածանս իմ : « Եւ եդ յանբը-
ծութեւ զճանապարհս իմ » . այս ինքն ճշմարիտ հա-
ւատովքն՝ որ էին նորա առ անձ : « Եւ զի արար զոտս
իմ իբրեւ զեղջերուի » , ընթանալ հալածել զկնի
հալածչացն , զի դարձցին 'ի մարտ պատերազմի : « Եւ
'ի վերայ բարձանց յաղթութեւ կացոյց զիս » . և զի ու-
սոյց զձեռս իմ 'ի պատերազմի » . զի ձգեսցեն զնետս
'ի փրկութեան , և կռեսցեն կորովութիւն իբրեւ ընդ-
յօդուածս զրահից : « Եւ հաստատեաց զբազուկս իմ
իբրեւ զաղեղն պղնձի » . զի մի վաստակեսցին 'ի ժամ
կոտորածոյ թշնամեացն : « Եւ ետուր ինձ զվահան
փրկութեան քո » . վասն զի յամենայն տեղի՝ յոր և
երթայր՝ յաղթէր : Եւ աջ քո ընկալցի զիս , և հզօ-
րացուցէ զիս 'ի ժամ պատերազմի , և խոնարհու-
թիդ քո ուսուցանելով ուսուցէ զիս , և մի նուաղե-
ցայց , զի մի պարտեցայց : Ընդարձակեցեր զգնացս
իմ 'ի ստորեւ իմ , զի մի գայթակղեսցին պճղունք իմ .
վասն զի բնակեցուցեր զիս 'ի խաղաղութեան , և ոչ
շարժեցեր զհետս գնացից իմոց դողութիւն յերկիւղէ ,
և զպարանոցս թշնամեաց իմոց փոխանակ երեսաց
իւրեանց դարձուցեր առ իս , և զատելիս իմ 'ի ձեռն
սրոյն սուսերի սատակեցից զնոսա : Աղաղակեցին առ
տէր 'ի ժամ հարուածոյն , և մի լուիցէ նոցա : Ման-
րեցից զնոսա իբրեւ զհողմ . այս ինքն ցրուեցից զնոսա
իբրեւ զփոռի ընդ երեսս հողմոյ , իբրեւ զկաւ գռեհից
կոխեցից զգիւղակունս նոցա : Ապրեցուցես 'ի Յովաբէ
և 'ի յեղաբար նորա՝ որ դատաւորքն էին ժողովուր-
դեանն : Բայց և 'ի վերայ տեառն մերոյ կատարի
այս . զի պարտաւորեցին զնա անօրէնութիւն քահա-
նայքն և դատաւորք ժողովուրդեանն : Արասցէ զիս
գլուխ , ոչ ազգաց , այլ հեթանոսաց . և ժողովուրդն

'ի հեթանոսաց՝ զոր ոչ գիտէի՝ պաշտեսցեն զիս , և 'ի լուր ականջաց՝ իբրեւ ոչ տեսեալ զիս՝ լուիցեն ինձ : Որդիքն օտարաց անթլփատից հնազանդեսցին ինձ , և սղբին իսկ դարձեալ արգելցին 'ի կամակոր շաւղացն իւրեանց առ կուռմն օտարոտիս : Աճ , որ ետ ինձ վրէժխնդրութի 'ի ժողովրդենէն , զի ցրուեցան ընդ ամենայն կողմանս երկրի , և հնազանդեաց զապրտամբեալ հեթանոսս ընդ ինե : Ապրեցուցիչ իմ 'ի թշնամեաց իմոց . այս ինքն փրկիչ իմ 'ի դժոխոց և 'ի մահուանէ յարութիւն յերրորդ աւուրն . և յայնոցիկ՝ ոյք յարուցեալ էին 'ի վերայ իմ կասեցուցանել լուեցուցանել զատելիս յարուե կենաց , բարձր արարեր զիս : Արդ վասն այսորիկ զոր ինչ արարեր , ես խոստովան եղէց և գոհացայց զբէն , ոչ 'ի ժողովրդեանն , այլ 'ի հեթանոսս . և անուան բուժսաղմոս ասացից , յարգիչ մեծացուցիչ 'ի հեթանոսս զփրկ կութի թագաւորի իւրոյ , և առնել զողորմութիւն ընդ օծելոյն իւրոյ Դաւթի , այլ և ընդ զաւակի նորա՝ ուստի կարգեցաւ շղթայն արդարոց , և ծագեցաւ 'ի նմանէն արքայն Քրիստոս :

Եւ յսրբիկ վերջին բանք Դաւթի . «Ասաց այր՝ որ կանգնեաց զլուծ օծելոյ իւրոյ» . այս ինքն , զի պաշտեաց զպաշտօնն օծելութեան . և նա Յակովբայ , քաղցրացուցիչ երգոցն խրայէլի՝ որ ել 'ի բերանոյ բուժմէ : «Հոգի տեառն խօսեցաւ յիս զսոսա , և ըզբան իւր եղ 'ի լեզուի իմում» . այս ինքն՝ բարբառեաց 'ի լեզու իմ : «Յիս ասաց սկայազունն խրայէլի , որ իշխէ 'ի մարդս արդարս» . այս ինքն զի հանգչի 'ի մարդս արդարս : «Բանգի լոյս առաւօտու ընդ ծագել արեգականն , որ իշխէ երկիւղն Աստուծոյ» . այս ինքն որ կատարեալ է երկիւղին նայ , նման է լուսոյն առաւօտու ընդ ծագել արեգական . և իբրեւ առաւօտ ընդ լուսանալ առանց ամբոյ սոյնպէս փայլէ , և իբրեւ անձրեւ՝ որ զարթուցանէ զերկիր , այսպէս զուարճանայ երկիւղին տեառն : «Ոչ է այսպէս և ընդ նայ» . այս ինքն ոչ եթէ այսպէս գործեսցի 'ի ժողովրդեանն նայ և ուխտ աշխարհի . վասն զի ուխտն 'ի սկզբանէ՝ որ 'ի ժամանակաց Մովսիսին հդեալ աւ

առջի աչաց իմոց : Եւ պատրաստ է սիրտ իմ առ առ
մեռնայն ինչ, և պահեալ է յամենայն չարեաց . վասն
զի ամենայն կամք իմ և ամենայն փրկութի իմ 'ի
ծածուկան և յայտնիս՝ ինքն անձ կատարեալ գործովք
և արդեամբք : Եւ անօրէնք իբրեւ փուշք չա-
րափուշք՝ զի այրին 'ի հրոյ, կոտորեացին ամենե-
քեան . վասն զի ոչ եթէ ձեռն մարդոյ կարէր ժո-
ղովել զամենայն : Նա և մշակն յորժամ մերձենայ
առ նոսա մեղեխոյն տապարի ժողովէ զնոսա, և ա-
պա յետ այսորիկ այրին 'ի հուր բորբոքեալ : Յիշեաց
Դաւիթ զԳեղէոյն, թէ զիարդ փորձեացնա 'ի ջուր-
սն անդր զհաւատացեալն . և կամեցաւ փորձել և
Դաւիթ, եթէ արդարեւ իցեն և ընդ նմա հաւա-
տացեալք : Եւ զի փորձեսցէ դարձեալ և զայս, թէ
արդարեւ մատնեսցի բանակն այլազգեաց 'ի ձեռս
նոցա :

Եւստել սկսաւ Դաւիթ և ասէ . կամ էր ինձ եթէ
տայր որ ինձ ըմպել ջուր 'ի գբոյն մեծէ 'ի Բեթղէ-
էմ գեղջէ, ուր բանակեալ էին այլազգիքն : Եւ ծա-
կեցին հսկայքն երից արանցն զբանակն այլազգեացն,
և բերին ջուր Դաւիթի . և ոչ կամեցաւ ըմպել, և
առ հեղ զջուրն առաջի տեառն հաւատոց : Եւ արդ
ջողով գբոյն՝ զոր հեղ առաջի տեառն, հաճել կա-
մեցաւ զպարտն ջուրցն՝ զոր գողացաւն և արք :

Եւ յաւել բարկութիւն տեառն զօրանալ յա-
րայել . վասն զի նենգեցին 'ի վերայ Դաւիթի յեր-
թալն իւրեանց զկնի Աբեսողովմայ : Եւ վասն զի տե-
սին զաւակն Ահարոնի, զի թուեալ համարէին 'ի
սպանումն մահու՝ և ոչ ապրեցուցին, գրգռէ ան-
զԴաւիթ թուել համարել զնոսա, իբրեւ չէր գիտակ
մարդամահին : Քանզի նման է այսպէս, եթէ նախ
գրեաց զնոսա Դովել եղովմայեցի, և ապա սպան .
զի գուցէ յանկարծ ուրեք ապրեացի մի որ 'ի նոցա-
նէն 'ի պատժոյն պատուհասի : Եւ վասն զի կոտորած
քահանայիցն 'ի պատճառս Դաւիթի եղև, զի ընկա-
լաւ զնա Ահիմեղէք քահանայ, ասաց . « Զի եթէ ես
մեղայ՝ զի թուեցի զնոսա, այս խաչն անմեղ զի՛ մե-
ղաւ » . իբրեւ զայն՝ զի ասաց ցորդին Ահիմեղէքայ,

եթէ «ես եմ» որ եղէ պարտ ամենայն հոգեաց տան հօր քո» :

Արդ այն զի ասաց ցնա անձ, թէ «երթ թուեալ եւ համարեալ զժողովուրդն», իբրեւ զայն է՝ զի խնդրեցին նոքա ելանել ՚ի մարտ պատերազմի ՚ի վերայ Բենիամինի, եւ հրամայեցաւ նոցա յայ, եւ ելին եւ յաղթահարեցան ՚հա իբրեւ թուեաց զնոսա Դաւիթ, ասաց ցնա տէր՝ թէ «Զերիս չարիս ածեմ ՚ի վերայ քո, ընտրեալ դու քեզ», եւ կամ զի յաճախեաց բազմացոյց զնոսա անձ իբրեւ զաւագ առ ավն ծովու, եւ իբրեւ զաստեղս երկնից, որպէս խոստացաւն . եւ նոքա ստեցին զուխտն զոր կացուցին : եւ իբրեւ թուէր համարէր զնոսա, եւ ցոյց նոցա՝ զի ոչ էր սուտ խոստումն նորա, ած ՚ի վերայ նոցա զհարուածս մալ հու փոխարէն ըստ ուխտն անցանելոյ : եւ իբրեւ ետես Դաւիթ՝ եթէ սոյն եւ գերութիւն առ հասարակ սատակէ զբարիս եւ զչարս, ընտրեաց իւր՝ զի մարդամահիւն անկցի ՚ի ձեռս այ : Վասն զի գիտէր նա եթէ անձ արդարակշիռ ստուգութիւն իւրով առ յանցաւորս անդր գումարէ զպատիժս պատուհասից . զի եթէ Դաւիթ էր մեղուցեալ, ՚ի վերայ Դաւթի գային պատիժք պատուհասից : Արդ եթէ Դաւիթ՝ որ թուեաց զժողովուրդն՝ ոչ արբ գան, եւ ժողովուրդն՝ որ համարեցաւ՝ զօրացաւ ՚ի նա մարդամահն, ոչ ահա յայտ եղև՝ եթէ վասն զի ոչ ապրեցուցին զքահանայսն ՚ի մահուանէ, մասնեցան նոքա ՚ի ձեռս մահու : Բայց մեռան ՚ի ժողովրդեանն մինչև ցվեց ժամն եւ թանաստուն հազար . եւ յայտ է՝ թէ այնոքիկ են որ յանցեանն յերկոսեան . այս ինքն զի ոչ ապրեցուցին զքահանայսն, եւ վասն զի հրապուրեցան ՚ի հրապոյրս Աբիսողոմայ :

Իսկ Դաւիթ իբրեւ ետես՝ զի տարածեցաւ խառնեցաւ մարդամահն ընդ ժողովուրդն, եւ տալ զանձն իւր փոխանակ ժողովրդեանն փոքր է, հանդերձ ան ձամբն իւրով զոր ետ՝ յաւել ետ եւ զտուն հօր իւրոյ . զի նովալ եւ տամբ հօր իւրոյ արգելի մահն ՚ի ժողովրդեանն : եւ եկն եհաս Գադ մարգարէ առ Դաւիթ եւ ասէ, զի շինեսցէ զսեղանն ՚ի կալն Արա

նայ 'ի տեղւոյ՝ ուր կայր հրեշտակն : Եւ գնեաց զտեղին և զեզինսն , և շինեաց սեղան տեառն , և մատոյց զողջակէզս : Եւ յայտնեցաւ տէր ողորմութիւն 'ի վերայ երկրին . և 'ի ձեռն պատարագացն Դաւթի արգելաւ մահն 'ի դառնացող ժողովրդենէ անտի :

ԿԱՏԱՐԵՑԱԻ ՄԵԿՆՈՒԹԻՒՆ ՍԱԲՈՒԿԼԻ

ՍՐԻՈՅՆ ԵՓՐԵՄԻ

ՄԵԿԵՈՒԹԻՒՆ

Գ. ԵՒ Դ. ԹԱԳԱՒՈՐՈՒԹԵԱՆՑ

Տ Ե Ա Ռ Ն

Ե Փ Ր Ե Ս Ի

ԽՈՐԻՆ ԱՍՈՐԻՈՅ

ՄԵԿԵՈՒԹԻՒՆ

ԹԵԳՎԱՆՈՐՈՒԹԵԱՆ

ՊՊՐՈՒԹԻՒՆ Թագաւորաց գրէ զամս կենաց
զՅուդայի և զԽաղայէլի . և վն առաքինուէցն
զոր արարին արդարքն՝ որ էին 'ի նոսա . և վասն հե-
թանոսուէն զի նորոգեցին անօրէնքն՝ որ 'ի նոսա էին :

Սկսնու արդ այսուհետև և 'ի ծերութենէն Գաւ-
թի , և գայ կարգաւ առ Թագաւորութիւն Սողոմոն
նի : Եւ վասն տաճարին զոր շինեաց , և իմաստութեն
զոր ընկալաւ :

Գրէ և վասն հեթանոսութեն Ախաբու . և վասն
նախանձայոյզս լինելոյ Եղիայի և Եղիշայի :

Գրէ և վասն ելանելոյն Փուայ ասորեստանեայց՝
որ արկ հարկ 'ի վերայ ժողովրդեանն . և վասն ե-
լանելոյն Թագղաթփաղսարու և Շաղմանասարու ա-
սորեստանեայց , որ գերեաց նախ զտունն Հոււրէ-
նի , և զնորին ընկերն զՇամրին :

Գրէ և վասն ելանելոյն արքային Եգիպտացուոց , զի
տարաւ ի ջոյց յԵգիպտոս զԱհովայ զարքայն հրէ-
աստանի :

Գրէ և վասն Նաբուքոդոնոսորայ արքային ասու-

րեստանեայց, զի եւ և գերեաց զՅովակիմ արքայ և զԴանիէլ և զընկերս իւր. և եւ կրկին անգամ և գերեաց զՅեքոնիա և զԵզեկիէլ մարգարէ. և եւ երրորդ անգամ և գերեաց զարքայն Սեդեկիա, և այրեաց զտունն սրբութեան, և հրձիգ արար զքաղաքն, և գերեաց զԺողովուրդն:

() այսոսիկ և որ սոցին նման են, գրեալ են ի նմա:

Ի ՍԿԻԶԲԵ ՄԱՏԵՆԱԳՐՈՒԹԵԱՆՆ ԻՌՈՅ
ԱՅՍՊԵՍ ԱՍԱՑ

ԳԼՈՒԽ Ա

«Լ՝ աղբայն, առէ, Դաւիթ ծերացաւ, զի անց զաւուրբք . և արկանէին զնովաւ զգեստ, և ոչ ջեռնոյր», : Վասն զի ծերուէ օրդի էր, կանխեաց ծերացաւ . և վասն զովուծէ մարմնոյն իւրոյ ոչ ջեռնոյր նա . և վասն զի բառնալ զծանրութի զգեստիցն՝ որ ինչ պիտոյ և պատշաճ էին ցուրտ մարմնոյն՝ ոչ կարէր. հանդուրժել ծերութիւն նորա . և մնալ յզգեստից անտի՝ եթէ ոչ զգեստուցու, վասն ծերութեն իւրոյ զովուծին որ ՚ի մարմին նորա բնականայր՝ զանհնարին զցաւան առ ՚ի բժշկուի նիւթէր մթերէր յանդամս նորա . գտին զդիւրին հնարսն իմաստունք հմուտք բժշկուեն ջեռուցանել զցուրտ մարմինն արինասակաւ ծերութեն ՚ի ձեռն ջերմեռանդն և արինաշատ կուսին, իբրեւ առեալ տային զհաւանուիս զգաստ և ցածուն առն : Վասն՝ այնորիկ ոչ առացին՝ եթէ ընտրեսցուք կոյս մի գեղեցիկ, այլ զի «Խընդրեսցուք, առէ, տեառն մերում կոյս մի, զի կացցէ առաջի աղբայի», : Իբրեւ կալաւ յանձին՝ զի փորձեացին միտք նորա ՚ի փորձանս ցանկութե, զի արգելցէ զմարմինն իւր ՚ի ցաւոցն զովուծեան :

Իմնդրեցին մեծաւ փութով յամենայն սահմանացն Խորայեի աղջիկ մի գեղեցիկ, որպէս զի վասն գեղոյն նորա զեռացի ցանկութիւնն ՚ի մարմինն Դաւթի . և ջերմեռանդն ցանկութեն ցուրտ զովութի ծերունն ջեռցի : Բայց ոչ գիտաց զնա աղբայն . մի՛ զի մի կարօտացի յայլ կոյս . և երկրորդ՝ զի կոյս գեղեցիկ աղջկամբն սիրովմացով, որ հանապազ սրբու-

Թի՛ննջէր 'ի լանջս նորա , զպարտան Բերշաբեայ՝ այն որ միանգամն պղծութիւն հաղորդեցաւ ընդ նմա՝ հաւ ճեպցէ :

Եւ Ադոնիայ եղբայրն Աբեսողովմայ ոչ խրատեցաւ անցիւքն որ ինչ անցք անցին ընդ եղբայր նորա . այլ սկսաւ սայթաքել ճարտարասոյզ բանիւքն խօսել ընդ Յովաբու և ընդ Աբիաթար քահանայի , զի Թագաւորութիւն՝ որ պրծեաւ յեղօրէն նորա՝ առցէ զնա 'ի ձեռն Յովաբու սպանողի եղօր իւրոյ : Իսկ իբրեւ Թագաւորեցուցին սոքա երկոքին զԱդովնիա 'ի պատճառս պատարագացն և խնկոցն , ընթացաւ եկն Նաթան մարգարէն և եցոյց Բերսաբեայ մօրն Սողովմոնի : Իբրեւ սկսաւ խրատել զնա՝ Թէ որով իւրիք ապրեցուցէ զանձն իւր և զորդին իւր 'ի մահուանէ , զի ձեռն Ադոնիայ սպառնայր նոցա , ուսոյց նմա զոր ինչ պարտ և պատշաճ էր ասել ցար քայն : Ետ նմա դարձեալ պատուէր յիշեցուցանել նմա զերդումնն զժամանակին՝ իբրեւ գողացաւ զնա յառնէն իւրմէ , և կամ զժամուն՝ յորում գողացաւ և ինքն զնա 'ի կանանց անտի իւրոց , և երգմնեցոյց զնա :

Եւ Բերսաբեայ մեծափոյթ փութոյն շտապեալ տազնապեալ , և զժածուկ երդումն որ ընդ նոսա և ընդ անձ պաշտեցաւ խրատուն մարգարէի յայտնապէս 'ի ժամուն զի Թագաւորեցաւ Ադովնիա , բեր եդ 'ի միջի և յիշեցոյց նմա : Եւ մինչ դեռ մտեալ ցուցանէր՝ Թէ ով են այն՝ որ զարքայն արհամարհեցին , և զի առանց խրատու նորա ետուն զԹագաւորութիւնն ում և կամեցան , և մինչ դեռ կամէր ասել նա՝ եթէ յետ մահուն քո , արքայ , սպանանեն զիս և զորդեակն իմ , և ահա Նաթան մարգարէ եկն եմուտ , երկիր եպագ առաջի արքայի : Ակնարկելովն Նաթանայ ել արտաքս Բերսաբէ , զի գուցէ Թէ յանկարծ ուրեք զմտաւ ածիցէ և գիտասցէ Դաւիթ՝ Թէ բանս ինչ եդին նոքա ընդ միմեանս , և մտին զկնի միմեանց :

Իսկ իբրեւ պատմեաց Նաթան վասն պատարագացն Ադոնիայ և վասն մեծ հացին զոր արար Յովաբու սպարապետին և Աբիաթար քահանայի և որդւոցն

արքայի և զօրավարացն առ հասարակ, գազանացաւ Դաւիթ մեծաւ ցասմամբ, և հրամայեաց կոչել զԲերսաբէէ, և նորոգեաց զհին երդումն և ասաց. «Կենդանի է տերանց տէր, այլ որպէս երդուայք եղի ծածուկ, սոյնպէս արարիցք եղ յայտնապէս. ոչ յետ ժամանակաց, այլ ՚ի սմին աւուր իսկ» : Եւ փութացոյց Դաւիթ զՍաղովկ քահանայ և զՆաթան մարգարէ և զԲանի որդի Յովիգեայ տանել օծանել զՍողովման ՚ի Սելովա :

Իսկ իբրև արարին ծառայքն Դաւթի զհրամանն նորա, որպէս և հրամայեաց նոցա, ազգ եղև և լուաւ Ադոնիա և հրաւիրեալքն իւր. և մինչ դեռ ճշմարտէին գիտել՝ եթէ արդարեւ իցէ, հար հռչակ խրախոյս փողոյ ՚ի քաղաքի անդ : Անդ զոտս արձակեաց Նաթան որդի Աբիաթարու վասն հօրն իւրոյ, զի թագաւորեցոյց զԱդոնիա և զրոյց ետ վասն օծմանն Սաղովմանի : Արդ փախեան ցրուեցան յերկիւղէ ամենայն հրաւիրեալքն Ադոնիայ. և նա անդէն դիմեալ մտանէր Ադոնիա առ սեղանն նոյ, և առնէր թիկունս ապաւինութեան զսեղանն նոյ : Արդ խնդրեաց Ադոնիա զերդումն ՚ի Սողովմանէ, և երդուաւ նմա ուխտիւ. զի եթէ եղիցի խորհրդակից միամիտ, մի մեռցի վասն առաջնոյն՝ որ կամեցաւ սպանանել զիս : Ապա թէ միւսանգամ դժխիմութեալ թագաւորել կամիցի, յայտ է թէ սպանանել խնդրէր զիս, և զպատիժսն պատուհասից զոր ոչ ածի ՚ի վերայ նորա, վասն երկրորդին մի կարասցէ ապրել ՚ի նմանէն :

Արդ իբրև մեռաւ Դաւիթ, հրաման առեալ տայր կորուսանել ՚ի թագաւորութենէ անտի զիւռովիչս թագաւորուէ իւրոյ : Բայց նախ զայս հրաման տայր, իբրև Աբրահամ որդւոց իւրոց, պատուիրէր նա Սողովմանի պահել զօրէնս տեառն, զի յաջողեցի նմա ՚ի թագաւորութեան անդ զոր ընկալաւ, և զի մի պակասեցի նմա զաւակ՝ որ կարգեալ կացցէ ՚ի թագաւորութեանդ : Եւ նմա հրաման դարձեալ և վասն Յովաբայ, այն՝ որ սպան նենգութիւն իւրով զերկուս զօրավարսն զզօրագլուխն Խարայելի : Եւ զի ամբարհաւաճեցաւ դարձեալ ՚ի վերայ Դաւթի ՚ի

ժամանակի՝ զի սուգ առեալ լայր 'ի վերայ Աբիսողովմայ . և ասաց՝ թէ "Ի տէր երդուայ, զի եթէ ոչ ելցես խօսեցիս ընդ ժողովրդեանն, եթէ մնասցէ դք առ քեզ 'ի գիշերիս յայսմիկ", Ետ հրաման դարձեալ և վամն Սեմեայ, զի թշնամանեաց զնա իբրև փախտեայն երթայր յերեսաց Աբիսողովմայ : Եւ զի ասաց ցՍողովմոն, եթէ "Արասջիր նմա ըստ իմաստութեդ քում", վամն զի թէպէտ և արժան է մեռանել նոցա, մինն՝ զի սպան զերկուս զօրագլուխն՝ որ լաւն էին քան զնա, և միւսն ևս՝ զի թշնամանեացն զնա, և քարավէժ առնէր զարքայն, բայց սակայն յանցանօքն որսասջիր սպանանել զնա ստուգութեամբդ քով, որոց թողաւ առաջին յանցանք նոցա ողորմութիւն հօր քո :

Եւ զի ասաց վամն Դաւթի, եթէ "Թագաւորեաց 'ի Քերթոն եւթն ամ", զերկուս ամն միայն զոր Թագաւորեցաւ Աբիսող որդին Հաւուդի՝ Թագաւորեցաւ 'ի նմա . բայց սակայն և զհինգ ամն զոր հալածեաց զնա Հաւուդ, Թագաւոր էր նա վամն օծմանն և Հոգւոյն սրբոյ, յորմէ օրէ օծ զնա Սամուէլ, առ նմա էին :

Իսկ Արփիսիա՝ այն որ առ Դաւթայ կենդանեաւն երկնէր նենգել զՍողովմոն եղբայր իւր, յետ մահուն Դաւթի խրատեցին զնա Յովաբ և Աբիաթար առնուլ զԱբիսակ կնուծեան, որպէս զի բամբռամբն զոր առնու բարեխօսութիւն մօրն Սողովմոնի՝ առցէ և զԹագաւորութիւն Սողովմոնի : Իսկ իբր մուտ խորաւ մանգն առ միամիտ անդր, և ստեաց և ասաց, եթէ "Ինձ արժան էր Թագաւորութիւն, և զիս կամեցաւ ամենայն Իսրայէլ թէ եղէց Թագաւոր", իբրև ոչ էր նմա անկ Թագաւորութիւն . վամն զի 'ի տեառնէ խոստացեալ էր Սողովմոնի, և ոչ Իսրայէլ իսկ կամէր ընդ նորա . վամն զի երկիրն պատառեցաւ 'ի բարբառոյ ուրախութեն Իսրայէլի իբրև զՍողովմոն Թագաւորեցուցին :

Իսկ իբրև ինդրեաց 'ի նմանէ զԱբիսակ չիլովմայեցի, և խոստացաւ յառակամիտ մտօք ինդրել և տալ նմա յարքայէ, անց մուտ մայրն արքայի առ արքայ : Արքայն իբրև ետես, ընդոստեաւ յարեաւ յա

Թողոյն իւրմէ , երկիր եպագ նման և նստաւ . քանզի գիտէր՝ եթէ արեամբ մօրն գնեալ է զաթոռ Թագաւորութեն իւրոյ՝ որ 'ի տեառնէ պարգևեցաւ նմա : Իսկ իբրեւ խնդրեաց նա յարքայէ՝ եթէ «Տուր զԱբիսակ շիրովմայեցի Ադամյիւ եղբօր քում կնութեան», ետ պատասխանի արքայ և ասեց նա . ընդէր խնդրեցեր նմա կին միայն լոկ 'ի լոկոյ, և ոչ խնդրեցեր նմա յայանապէս զԹագաւորութիւնս իմ՝ զոր կամեցաւ առնուլ 'ի ծածուկ 'ի ձեռն կնոջ : Արդ վասն զի խորհեցան Յովաբ և Աբիաթար զի 'ի ձեռն կնոջ մարթասցեն առնուլ յինէն զԹագաւորութիւն զոր ետ ինձ տէր, զն և զն արասցէ ինձ տէր, այլ յորում աւուր խորհեցաւ Թագաւորել, 'ի սմին մեռցի : Արդ եղբայր նորա կամեցաւ սպանանել զհայր իւր Թագաւորութիւն հօր իւրոյ՝ զոր յափշտակեաց ան 'ի նմանէն . և սա կամի սպանանել զորդի Դաւթի 'ի ձեռն Թագաւորութեա՝ որ խորամանկի կորզել հանել յինէն : Բայց ոչ սպան զԱբիաթար քահանայ, վասն զի ան արգեցաւ ընդ Դաւթի . այլ առաքեաց զնա Յանաթովթ քահանայից վարել զբաժինս անդաստանաց իւրոց, և կեալ 'ի նմանէն . և կատարեցի յԱբիաթար յազգէ Հեղեայ բանն նոյ, զոր ասաց 'ի վերայ տանն Հեղեայ վասն անօրէնութեն զոր գործեցին որդիքն Հեղեայ :

Իսկ իբրեւ արար ապաւէն Յովաբ զսեղանն, գիտաց Սողոմոն զօրինացն՝ զի ասացեալ էր, թէ «Աբ 'ի սեզանոյ անտի իմմէ, վարեալիւ զսպանօղն 'ի մահ», եւ վասն այսորիկ սպան զնա 'ի տունն ապաւինութե իւրոյ : Իսկ իբրեւ սպանին այլ մեղք զՅովաբ, որպէս և հրաման ետ Դաւիթ, ապա գիտաց Սողոմոն եթէ 'ի տեառնէ էր հրամանատուութիւն Դաւթի . և վասն այնորիկ կոչեաց զՍեմէի և ասաց նա, զի նստցի յերուսաղէմ 'ի տեղին սրբութե և 'ի քաղաքն արքայութե, և զժառանգութիւն՝ որ հաս նմա վիճակաւ : Եւ զի մի փղծկեսցին միտք նորա և նեղեցի, ետ նմա զկէս քաղաքին Թաղել զմեռեալս իւր, և զքանուլ յառողջութե և 'ի հիւանդութե իւրում : Եւ նա առ Սեմէի և ընկալաւ զքան հրամանի նորա, և ուրախ եղև . վասն զի ետես՝ զի փո-

խանակ մահուն , որում արժանին էր , արար նմա առաւել պատիւ՝ որում ոչն էր արժանի : Եւ վասն զի տեառն ետ է զայս , որպէս և հրամայեաց նմա հայրն իւր , յետ երկից ամաց փախեան ծառայքն նորա : Արդ նայեաց և տես , զի եթէ ոչ տեառն յանձն առարեալ էր զիրան Սեմեայ , ոչ լինէր նա երկայնամիտ զերիս ամս , եթէ ոչ սպանանէր զնա : Իսկ Սեմէի եթող գիտակ առնել և ցուցանել արքայի՝ զի առաքեացէ թուղթս զլնի ծառայիցն նորա , և կամ զի թէ առցէ 'ի նմանէ հրաման երթալ ածել զնոսա . և ապա ապաստան յայն՝ եթէ ոչ գիտէ զայս արքայ , արհամարհեաց զերդումն զոր երդուաւ՝ թէ «Մի անցցէ նա ընդ ծործորն կեդրոնի» , չողաւ նա ածել զծառայս իւր : Առաքեաց կոչեաց զնա արքայ , և յիշեցոյց նմա զառաջին վրէժսն զոր արար նա ընդ Գաւիթ . յիշեցոյց նմա և զերդումն և զվերջին պատուիրանն զոր ետ նմա , և վասն ստուծին նորա՝ որ ստեաց զերդումն տեառն , և զի անարգեաց զհրամանն թագաւորի . իբրեւ արկ զսոսա զնորք , և խառնեաց 'ի մի վայր զերկոսին զյանցանսն , զստուծիւն երդման , և զանարգելոյ պատուիրանին , և զթշնամանս հօրն , սպան զնա : Եւ յայտ եղև ամենայն մարդոյ՝ եթէ ստուգուծիւնն մատնեաց զնա 'ի մահն սուսերի :

Եւ զոգովուրդն զի մատուցանէին պատարագս յաւուրս Գաւթի և Սողովմանի 'ի վերայ մեհենիցն , ոչ եթէ այլում նոյն մատուցանէին զպատարագսն , այլ տեառն . քանզի ողջակեղք էին՝ ոք 'ի Գաբառնն և 'ի Թափաց աղբիւրն շինեալ էին : Արդ այսոքիկ՝ վասն զի ցարդ ևս ոչ էր շինեալ տաճարն , մատուցանէր ժողովուրդն զպատարագս 'ի վերայ սոցա : Եւ յայտնեցաւ տէր 'ի վերայ Սողովմանի , և հարց ցնա եթէ զինչ կամիս զի տաց քեզ : Եւ խնդրեաց 'ի նմանէն ոչ զՀոգին սուրբ՝ մարգարէանալ , այլ իմաստուծի՝ դատել զժողովուրդն . զի նովաւ խօսեցաւ առակս և արկ զառասպելս մանկանց ժողովրդեանն իւրոյ՝ որ մերձն էին առ նա , և դիտոյին հարաւոյ և թագաւորացն ազգաց՝ որ հեռաւորն էին : Քանզի որպէս ընդ դատաւճիռ դատին պոռնկաց , սոյնպէս և

զարմացեալ էին որդիք մարդկան ընդ ամենայն դա-
տաստանսն՝ որ դատէր նա :

Ըստմանեաց դարձեալ զերկիրն երկոտասան դա-
ւառապետաց . զի վասն մեծ ծախուց ռոճկաց կա-
նանց իւրոց , և բազում երիւարացն զոր ստացեալ
ունէր , բաւեացէ մի մի 'ի նոցանէն դարմանել զարքայ
համբարօք իւրովք , և զկանայսն և զերիւարս և ըզ-
բունդն սեփհական ռոճկակեր ամիս մի յամի : Արդ-
այր՝ որոյ հրամայեցաւ թէ մի յաճախեսցէ ստանալ
իւր բազում երիւարս , քառասուն հազար ասպա-
տանաց երիւարաց արար իւր . և որում ասացան ե-
թէ մի դու և մի փեսայ լինիցիս քանանացւոցն , հա-
զար կին յամենայն հեթանոսաց արար իւր : Յաճա-
խեցաւ բազմացաւ իմաստութիւն Սողովմննի առաւել
քան զեգիպտացւոց խորամանկաց , և քան զԱթենայ
արեւելեաց , և քան զքնկերաց նորա՝ սր յայն ժամանա-
կի իմաստութիւն պարծէին : Եւ խօսեցաւ երիս հա-
զարս առակս , և հազար և հինգ օրհնութիւն . զոր
առ հեղգութե հրէիցն , կամ վասն գերութենն՝ որ
'ի հեթանոսաց գերի երթային , կորուսին զբազումսն .
և սակաւ ինչ սին 'ի մնոյ յիշատակս փոյթ բարեկա-
մացն Եզեկիայ արքայի 'ի հրէաստանի պահեցան : Եւ
խօսեցաւ 'ի մայրիցն Լիբանանու և մինչև 'ի բուսուկ՝
որ բուսանիցի յորմ . այս ինքն զի սկսաւ ասել 'ի բարձ-
րաբերձ մայրեացն 'ի սկզբանէ , և կատարեաց 'ի դա-
ւար մի՝ որ առ օրին բուսանի , և ելանէ 'ի դաւարուտ
պահանգի՝ որ արկեալ է յորմ :

Յամին չորեքհարիւրորդի և ութմեքորդի ելից
Ժողովրդեանն յԵգիպտոսէ շինեաց Սողովմնն զտա-
ճարն տեառն . որոյ երկայնութիւն վաթսուն կանգուն ,
և լայնութիւն քսան կանգուն , և բարձրութիւն երեսուն
կանգուն : Եւ զի եւթանասուն հազար փայտակոփ ,
և ութսուն հազար քարակոփ 'ի լերինն , ինձ այս-
պէս թուի՝ եթէ զթիւ կաւադործին զոր հանին վասն
շինուածոյ տաճարին՝ բաւանդակեաց և գրեաց գը-
րիչն : Արդ թէպէտ և բազմութիւն դասապետացն ոչ
այս մեզ ձեռն թուել , տեսցուք այլ և զայն ևս՝ ե-
թէ դասապետքն ոչ թուեցան . բայց տեսցուք և
զայն , զի եթէ քար ուրազի և ամենայն անօթ եր-

կաթի ոչ բախեցաւ 'ի տաճարին իբրեւ շինէր, այն խնկ է՝ եթէ մի ճօճեցես դձեռն քո երկաթագործով 'ի վերայ քարանց սեղանոյն, զի մի պղծեսցին նոքոք: Անգէն 'ի լերին անդ կոփէին կաղնէին յօրինէին մածուցանէին բնդ միմեանս, և ապա գային բերէին և առանց երկաթոյ հանէին դնէին 'ի շինուած տաճարին կարգել կաղնի:

Եւ Կատարեցաւ տաճարն, և բերին քահանայքն զտաղանակն կտակարանաց և զխորանն և զորբուծիւնս նորա և զերկուս տախտակն Մովսիսի, և եզին 'ի մէջ նորա: Եւ իբրեւ եւ քահանայն 'ի սրբուծէ անտի, և կն լցաւ տաճարն ամպով, որպէս և յայնմ աւուր՝ զի կանգնեցաւ խորան ժամուն: Տէր, դու ասացեր բնականաւ 'ի մէջ. զի է ամպս այս զոր արկեր 'ի վերայ ասնոս այսորիկ, զոր պատուիրեցեր դու եթէ 'ի ձեռն իմ շինեսցի քեզ: Եւ մատոյց զաղօթս Սողոմոն վասն ժողովրդեանն և վասն աշխարհին, իբրեւ յիշատակեր զանէծան որ դրեալ էին յօրէնս՝ գալ 'ի վերայ այնոցիկ՝ որ անօրինին, որպէս զի անցեն 'ի նոցանէն վասն մեծ պաղատանացն՝ որ լինէր նոցա 'ի տաճարին յայնմիկ: Մատոյց դարձեալ աղօթեւ վասն օտարաց, զի նկարեցի աղօթքն օրդուոյ Դաւթի. խորհուրդ տեսան Դաւթի, որ հանդերձեալ էր աւլ հրամանն եթէ աղօթս արարէք 'ի վերայ թշնամեաց ձերոց:

Եւ մատոյց Սողոմոն պատարագս քսան և երկու հազար զուարակս, և հարիւր և քսան հազար խոյս: Արդ նման է այսպէս, եթէ զարեքտառան աւուրս տնին մատոյց զպատարագս զայս: Յայնսեցաւ տէր կրկին անգամ 'ի վերայ Սողոմոնի, և ուղղեաց և առեգ զհիմունս տաճարին 'ի վերայ արդարութեւ շինողացն. եթէ յորժամ գործցին նոքա 'ի տեսանէ, մասնեսցի և տաճարն 'ի կործանումն թշնամեաց իւրեանց:

Եւ եղև, լուաւ գլխոյն հարաւոյ 'ի վաճառագետացն Սողոմոնի և խիրամայ զլուր Սողոմոնի և զայն իւրոյ, և կամեցաւ գալ բազում պօրք և պատարագք յերուսաղէմ: Եւ իբրեւ եկն եհա յերուսաղէմ, և ետես զամենայն ինչ զոր լուան, ետես և այլ ևս

բազումն՝ զորոշն էր լուեալ: Փորձեաց զնա հարցուա-
ծովքն իմաստութե, խոստովան եղև՝ զի վաւեր եղև
նմա փորձն քան զլուրն: Ուրացաւ ՚ի կռոյն օտա-
րոտեացն. խոստովան եղև յած և ասաց, եթէ վասն
զի սիրեաց տէր զԽարայէլ, և արար զքեզ արքայ՝
առնել զիրաւունս և զարդարուի՝ առաջի նորա: Եւ
դարձեալ զխունկս առ ՚ի պատիւ այ՝ որում խոստովան
եղև, և զոսկի և զահանս պատուականս արքայի՝ յու-
րոյ համբաւն եկեալ էր: Յերից քանքարաց՝ զի արար
նա վահան մի, այս ինքն ՚ի հինգ շանթ ոսկոյ, և զի
եղ զվահանսն յանտառատանն նիզակաց, այս ինքն ՚ի
զինու տանն նիզակաց և վահանացն ոսկոյ: Եւ ամե-
նայն թագաւորք վասն իմաստութե նորա, պատարաւ
գօք իբրեւ ՚ի հարկէ յամենայն կողմանց դային և պաշ-
տէին զնա:

Եւ սիրեաց Սողովմոն զկանայս-բազումն օտարազ-
գիս. և զգուտորն փարաւոնի իբրեւ ած նա կնուծե,
ոչ ինչ եպերեաց նմա անծ, վասն զի մի էր և ոչ ու-
րացոյց զնա. իսկ իբրեւ անկաւ զկնի բազմաց, որք
հեթանոսացուցին զնա, եպերեաց զնա վասն այլոց
բազմաց, և վասն առաջին դատերն փարաւոնի զոր
յառաջն ած կնուծե: Արդ զի յաճախեաց արար
զկանայսն ՚ի դատերաց թագաւորաց և մեծամեծաց,
որպէս զի ՚ի ձեռն բազում որդւոցն որ լինէին նմա,
և առնուն հարք իւրեանց և սնուցանեն ՚ի թագաւո-
րութեն իւրեանց, և թագաւորեցուցեն զնոսա վասն
սիրոյն որ առ Սողովմոն, և սփռեցի ընդ աշխարհս
թագաւորութիւն նորա: Արդ թագաւորութիւնն
տեառն Դաւթի, այն որ զգուշութիւն սրբութիւն տա-
րածանել ընդ աշխարհս հանդերձեալ էր, որդին
Դաւթի սիրողն քազում կանանց խորամանկեցաւ
առնել զնա:

Արդ զկանայս զոր սիրեաց Սողովմոն, գարշեցու-
ցին զնա առաջի երեսաց տեառն, և հանին զնա յա-
ջաց այ: Եւ փոխանակ թագաւորութեն զոր խորհե-
ցաւ ընդ ամենայն ազգս տիրել, և ոչ զիւրոյ ժողո-
վրդեանն ըմբոյշնեաց. զի ազգն Յուդայի միայն մնաց
առնմա. բայց ոչ եթէ վասն լկտուեն Սողովմոնի, այլ
վասն երդմանն այ զոր երդուաւ հօրն Սողովմոնի:

Եւ զի խորհեցաւ՝ եթէ 'ի թագաւորել որդւոց նորա ընդ ամենայն կողմանս՝ յամենայն կողմանց խաղաղութիւն յաճախի առ նմա, խոտորելով իւրով յայ՝ անցոյց զանցոյց զխաղաղութիւնն զոր ունէր : Վասն զի Բերհադ, որ թագաւորեցաւն 'ի Դամասկոս, եղև սատան խրայէլի զամենայն աւուրսն Սողովմոնի :

Պատառեաց Ախիա մարգարէ զնոր զգեստն իւր յերկոտասան պատառս . խորհուրդ ժողովրդեանն, որ նորոգապէս բաժանէին ազգ նոցա յերկուս թագաւորութիւն : Խոստացաւ զթագաւորութիւն Յորոբովամոն ուխտիւ . զի եթէ արդարանայ իբրև զԴաւիթ, կարգեալ հաստատի թագաւորութիւն նորա . ապա եթէ խոտորեսցի, եղիցի նմա ընդդէմ սորին չար հակառակ : Եւ այլ պատգամք Սողովմոնի ահա գրեալ են 'ի դպրութի պատգամաց Սողովմոնի, այս ինքն 'ի դպրութի առականց նորա՝ որ կորեանն :

ԳԼՈՒԽ Բ

(Ը) ԱԳԱՒՈՐԵՑՈՒՑԻՆ ժողովուրդն զՀռորովամ, և ասէն ցնա . “Թեթեացո մեզ 'ի խիստ հնազանդութէ հօր քո, զի հնազանդեաց զմեզ 'ի հարկս չարա չարս և մեծամեծս, և պաշտենցուք զքեզ” : Արդ ինքն փոխանակ զի միւթարեսցէ զժողովուրդն 'ի չարեաց անտի, զի 'ի պատճառս եւթն հարիւր տիկնացն, և քառասուն հազար ասպաստանին հնազանդեցոյց զնոսա, նա առ յաւել նոցա ցաւ 'ի ցաւոյ վերայ . զի կրկնապատիկ քան զհարկսն հօր իւրոյ խոստանայր 'ի վերայ նոցա՝ թէ հնազանդեմ զձեզ . պարանովքն, որ են իբրև զաղի կակուղ զոր ընուն աւազով, սպառնայր նոցա՝ եթէ խրատէ զնոսա . զի վասն այսորիկ եղև գրգռութիւն, և ապստամբեցաւ խրայէլ 'ի տանէն Դաւթի, որպէս և ասացն Ախիա մարգարէ :

Իսկ Յորոբովամ թող 'ի բաց զի կատարեսցէ ըզբան մարգարէին որ օծն զնա . և չոգաւ զկնի խորամանգութե իւրոյ : Յարեաւ արարնա երկուս որթաւ

գլուխս ձուլածոյս, և զետեղեաց զժողովուրդն առ նոսա. զի գուցէ եթէ իբրև ելանիցէ ժողովուրդն յերուսաղէմ՝ ի պատճառս պատարագացն և տօնից, տեսանիցեն զկազմուած գեղեցիկ յօրինեալ տաճարին, և զսպաս պաշտամանն քահանայից, և կակղանայցէ և Հռոբովամ խօսել ընդ նոսա զքանս բարւոքս, և դառնայցեն առ տէրն իւրեանց, և սպանաւնիցեն զիս : Խորամանկի արդ աւասիկ դարձուցանել յայ, որ ետ նմա զթագաւորութի ժողովրդեանն. և պատուիրեաց նմա զի մի խտորեացին ՚ի նմանէն : Եւ առ արար ոչ մի որթագլուխ իբրև զայն յանապատին, այլ երկուս. վասն զի ետես զժողովուրդն զի փոխանակ միոյն զոր արար Ահարոն, նոքա բազմաց երգէին և գովէին : Հնարեցաւ արար երկուս, և տարաւ եղ զմինն ՚ի Բեթէլ, և զմիւսն ՚ի Դան : Եւ ասէ ցնոսա, եթէ «Մի ինչ աշխատիք դուք յամենայն կողմանց երթալ մատուցանել պատարագ յերուսաղէմ. երկիրս ամենայն երկիր պարզեաց է. և յամենայն վայրի ուր և մատուցանեմք պատարագ, յօրհնեալ երկրի մատուցանեմք», : Եղև դարձեալ և քուրմ աստուածոցն զոր ձուլեացն :

Եւ մինչ դեռ ելանէր դնել զխունկս ՚ի վերայ սեղանոյն, և ահա մարդարէ այ եկն ՚ի հրէաստանէ, և ասէ ցտեղանն յանուն տեառն, եթէ որդի ծնանի ՚ի տանէն Դաւթի, այն որ հրաժարեցաւ ժողովուրդն ՚ի թագաւորութէն նոցա : Եւ սեղանն՝ որ համարեցաւ ձեզ՝ եթէ ՚ի պատճառս դորա ըմբոշինէք դուք զթագաւորութիդ ձեր, Յովսիա՝ որ ՚ի տանէն Դաւթի է, այրեսցէ ՚ի վերայ քո, և զքուրմն մեհենիցդ որք դնեն խունկս ՚ի վերայ քո : Եւ զի տացի նշան յառաջ քան զգործն, և զի ցուցցէ նոցա եթէ ՚ի տեառնէ առաքեցաւ դարձուցանել զնոսա առ իւր յերկրպագութէն որթագլխացն, խօսել սկսաւ և ասէ, թէ ահաւասիկ սեղանն պատառի ՚ի ներքոյ Յռորովամայ, իբրև կայ և վարի մոխիրն՝ որ ՚ի վերայ նորայն էր : Վառեցաւ ցասմամբ արքայն ՚ի վերայ մարգարէին, վառն այսորիկ՝ զի յանդիման ամենայն Խարայէլի մարգարէացաւ ՚ի վերայ քրմացն և ՚ի վերայ սեղանոյն : Դարձաւ և ասէ. «Հապա կալարուք

զդա,, Եաւելաւ միւս ևս նշան ժողովրդեանն և արքային . զի զբազուկն զոր ձգեաց 'ի նա , անդէն ցամաքեցաւ , և յինքն այլ ոչ կարաց տանել զնա :

Իսկ իբրև սեղանն պատառեցաւ , և ձեռնն նորա ցամաքեցաւ , դարձաւ աղաչել մարգարէին՝ զի խընդրեսցէ յայ վաճն ձեռին նորա , և դարձցի 'ի տեղի իւր : Եւ զոր օրինակ կաց յաղօթս Եղիա 'ի լերինն անդ . կարմեղա վաճն իջաներոյն անձրեւու յանգիման ամենայն ժողովրդեանն , զի գիտասցեն եթէ աղօթք նորա իջուցանեն զանձրև , և ոչ եթէ Բաճաղ . սոյն պէս եկաց յաղօթս և մարգարէն՝ որ եկեալն էր 'ի հրէաստանէ առաջի սեղանոյն յանգիման ամենայն ժողովրդեանն : Զի հաւատասցեն եթէ անձ ցամաքեցոյց զբազուկ նորա և ոգջացոյց , և ոչ եթէ որթազլուխքն՝ որոց նուիրէրն : Նա և ինքն իսկ գիտաց եթէ չիք իսկ շահ յորթազլուխս նորա . և վաճն այնորիկ խնդրեաց նա 'ի ձեռն մարգարէին 'ի ճրչմարիտ այ զբժշկութի ցամաքեալ բազկին իւրում :

Իսկ իբրև բժշկեցաւ արքայն , փոխանակ զի խոստովան եղիցի ամենայն Խարայել եթէ տեր է անձ , և ինքն դարձեալ Յորոթովամ՝ զի բեկցէ զորթազլուխն զոր ձուլեաց , սաց ցմարգարէն որ բժշկեաց զնա . “Եկ ընդ իս 'ի տուն , և կեր հաց , և տաց քեզ պարգևս ,” : Եւ վաճն զի բարկութի առաքեցաւ նա անդ , և վաճն զի ամենայն զոր ինչ և էր անդ զոր պատրաստեալ տօնին պատկերացն ձուլածոյ , պիղծ էր առաւել վասն զի պատրաստեցաւ նա . իբրև եցոյց զբարկութին որ դաւոց էր 'ի վերայ աշխարհի . և զի հրաման առ 'ի նմանէն զի մի կերիցէ անդ հաց . բայց թող զնոսա և ընդ այլ ճանապարհ անց երթալ յաշխարհ իւր :

Եւդ եկեալ որդիք մարգարէին որ 'ի Բեթել , պատմէին հօրն իւրեանց զամենայն անցան որ ինչ անցք անցին ընդ սեղանն և ընդ արքայն , և զամենայն խօսան զոր խօսեցաւ որ ինչ լինելոցն իցէ քրմաց սեղանոյն 'ի վերայ նորին սեղանոյն : Եւ արդ յարուցեալ ճեպ 'ի ճեպոյ ալևոր մարգարէն հանդերձեր զգրաստ իւր , և անդէր զինի մարգարէին այ , և ժամանէր նմա իբրև երթեալ նստէր ընդ բեկեկեաւ

միով . և ողին իսկ այս , զի արգել զգրաստ իւր և անդ նստաւ , խնդիր ինչ գոյ 'ի նմա . զի եթէ յուժմէ արգելաւ , մինչև եկեսցէ մարգարէն ալևոր զի փորձեալցի նովալ . և վասն զի բազումք անցանէին ընդ այն ճանապարհ իբրև 'ի վաճառի աւուր : Իսկ իբրև եգիտ զմարգարէն և ուսաւ 'ի նմանէն , եթէ արդարեւ նա ինքն է , վասն զի թուեցաւ նմա եթէ վասն հեթաւ նստութե որ էր 'ի Բեթէլ ոչ կամեցաւ ուտել անդ հաց , մատուցեալ տայր նմա զհաւանութիւնս , զի դարձցի ընդ նմա և հանդուսցէ զնա հացիւ և ջրով : Իսկ իբրև յաւել երկրորդեաց ալևորին զոր ինչ աւաց ցարքայն Յորոբովամ , ետ նմա պատասխանի՝ և ասէ ցնա . «Ես ինձէն մարգարէ եմ՝ իբրև զքեզ , և հրեշտակ տեառն ասաց ցիս զի դարձուցից զքեզ» :

Իսկ մարգարէն որ եկեալ էր 'ի հրէաստանէ , փութանակ զի պահանջեցէ նշան ինչ յալևոր մարգարէն , ոչ զի թէ մարգարէ էր և կամ չէր մարգարէ , քանզի լուեալ էր նորա եթէ մարգարէ գոյ 'ի Բեթէլ , այն զի բազում որդւոց մարգարէից յետ այսորիկ՝ որ եղև 'ի նմա , այլ զի գիտացէ 'ի ձեռն նշանին եթէ արդարեւ ճշմարիտ 'ի տեառնէ առաքեցաւ . և կամ թէ ինքն իսկ նոյն մարգարէն՝ որ եկեալ էր 'ի հրէաստանէ՝ հարցցէ ցած , եթէ արդարեւ նա՞ առաքեաց զալևոր մարգարէն թէ ոչ . արդ ոչ նշան ինչ խնդրեաց , և ոչ յայտ հարց . և յարեալ դարձաւ ընդ ճանապարհն ընդ որ երթեալն էր , այնու՝ զի վասն սորին իսկ իրի առեալ էր նորա զհրաման , զի մի՛ դարձցի ընդ նոյն ճանապարհ ընդ որ եկեալն էր :

Իսկ իբրև դարձաւ ընդ ալևորին և եմուտ 'ի տուն նորա , և իբրև կերան և արբին , մինչդեռ 'ի հացի անգէին՝ եղև պատգամ տեառն 'ի վերայ ալևոր մարգարէին և ասէ , թէ «Վասն զի դառնացուցեր դու զքան բերանոյ տեառն , մի մտցէ դիդ ք»՝ ի գերեզման հարց քոց» : Եւ վասն զի ոչ ցոյց՝ եթէ յորում աւուր մեռանէր , և ոչ եթէ երբ , և կամ թէ ուր մեռանէր , յարեալ նստաւ 'ի գրաստու իւրում , և դարձաւ 'ի հրէաստան : Եւ մինչդեռ գնացեալ երթայր ընդ ան երկիւղ ապահով ճանապարհն բազմախիտ ընդ խճա

ղեալ մարդկան՝ որ խաղացեալն գնային 'ի վաճառէ անտի, և իբրեւ այն ինչ զի եթէ երկիրն ծնաւ 'ի նմին ժամու դառեւծն, և իբրեւ զանց առեալ խուսէր յամենայն մարդկանէն և 'ի նմին մարդարէին գրաստուէն, և սպանանէր զմարդարէն միայն միայնուկ : Իսկ իբրեւ տեսին որք եկին դէպ եղեն և պատահեցան, զահի հարեալ երկնչէին յառեւծուէ անտի, զի զգուշացեալ պահէր զմարդարէն : Նոքա եկեալ ցուցանէին 'ի քաղաքի անդ :

Եւ իբրեւ զայն լսէր ալևոր մարդարէն, սր նենգեացն զնա և խաբեաց և անցոյց զպատուիրանաւն, ճեպ 'ի ճեպոյ գայր հասանէր 'ի տեղի անդր : Եւ փոխանակ զի ինքն երկեաւ առաւել քան զամենայն մարդ, վասն զի եղև պատճառ մահու մարդարէին, ինքն միայն միայնուկ իբրեւ վստահ որ զանձինն գիտիցէ, եկն մերձեցաւ առ առեւծն գազան՝ գաղաւնասիրտն : Իսկ առեւծն դարձեալ, որ սպան զմարդարէն՝ որ անց զպատուիրանաւն, և կայր պահէր զգրաստն, իսկ 'ի մարդարէն՝ որ պատճառն էր պատուիրանազանցութեան մարդարէին՝ ամաչեցեալ պատկառէր . և զգիական զոր ոչ կալաւ յանձին տալա՝ մենայն անցաւորաց ճանապարհին, սմա իբրեւ տեսաւ առեալ զաւանդն դարձուցանէր անդրէն : Կորացեալ արկանէր զակն իւր յալևորէ անտի, զի մի երկեցուցէ զնա . և հաւանեալ տայր զգի մարդարէին ցմարդարէն 'ի թաղել . և 'ի շէն տեղւոյ անտի՝ ուր երեկ զմարդարէն, փոյթ 'ի փութոյ ճեպեալ երթայր վաղ վաղակի 'ի դաշտ անդր անապատ 'ի կայանսն առաջինս : Բայց մարդարէն ալևոր լաց զընկերն իւր, և թաղեաց զնա յիւրում գերեզմանի : Եւ արդ առեալ տայր պատուէր որդւոցն իւրոց, զի առ ոսկերսն նորա դիցեն զոսկերս ալևորին . վասն զի հաստատ լինելոց է պատգամն տեսաւ 'ի վերայ սեղանոյն 'ի Բեթէլ, և 'ի վերայ ապարանիցն, և 'ի վերայ մեհենիցն՝ որ 'ի քաղաքին Համբնի են :

Եւ դեթէպէտ և 'ի վերայ սեղանոյն՝ որ 'ի Բեթէլն էր՝ մարդարէացաւ մարդարէն՝ որ 'ի հրէաստանէն եկեալն էր, բայց սակայն 'ի վերայ մեհենիցն և ապարանիցն Համբնի ոչ մարդարէացաւ նա : Քանզի

յայնմանէն զի ասաց՝ Թէ ապրեցուցին ոսկերքն մարգարէին՝ որ եկեալն էր ՚ի հրէաստանէ՝ զոսկերս մարգարէին՝ որ եկն ՚ի Շամրնէն, յայտ է՝ եթէ ինքն մարգարէս այս ալեոր զի ՚ի Շամրնէ եկն ՚ի Բեթէլ, և նա ինքն մարգարէացաւ ՚ի վերայ ապարանիցն և քաղաքին շամրտացւոց: Եւ վասն զի յանգէտս հեղութն դարձոյց զնա, եթէ եպերեալ է՝ և եթէ ոչ է եպերեալ, զայս ոչ գիտեմք մեք. տաց՝ Թէպէտ և համարեսցուք եթէ եպերեալ է. վասն եպերանացն նորա զի ոչ վկայեն մեզ գիրք՝ առնուլ ՚ի նմանէն ըզմարգարէութիւն նորա՝ զորմէ վկայեն նմա գիրք, ոչ կարեմք մեք գիտել:

Եւ այսորիկ անկեալ դնէր յախտն մեծ Աբիա որդին Յորոբովամու. և առաքեաց զկիսն իւր գիտել Ճշմարտել ՚ի մարգարէէ անտի որ օծն զնա՝ զինչ անցք անցանելոց իցեն ընդ հիւանդ որդին նորա, զի անկեալ դնէր ՚ի մեծ ախտի: Եւ վասն զի անարգեաց նա զքուրման և զմարգարէան ձուլածոյ որթուցն, և ՚ի Ճշմարտ մարգարէէ անտի առաքեաց ուսանել գիտել Ճշմարտել, վասն այսր միջ բանի՝ զոր հրամայեաց կնոջն իւրում, և եմուտ գի պատանեկին ՚ի գերեզման: Քանզի ամենայն որ և կոտորեցաւ Յորոբովամու ՚ի ձեռն Բայաշու, շունք և Թուշունք կերան զնոսա. բայց կոտորեցաւ և տունն Բայաշու ՚ի ձեռն Չամբրեայ: Եւ Թագաւորեցաւ զինի նորա Չամբրի, այն՝ որ շինեացն զՇամրին ՚ի լեառն Շեմերեայ:

Եւ Թագաւորեցաւ դարձեալ Ախաբ որդին իւր ըստ նմանէն: Եւ վասն զի փոքր Թուէր յաջս նորա երկիր պագանեւն ձուլածոյ որթուցն Յորոբովամայ, յարեաւ նորոգեաց ինքն առանձինն զԲահաղ, և չի նեաց Բահաղու բազին ՚ի Շամրին, և շինեաց զտեղի անիծիցն Յեշովայ զերիքով: Բայց կարի վասն այսուրիկ առաւել շինեաց զնա, զի ցուցցէ եթէ չիք ինչ շահ յանէծսն Յեշովայ: Եւ վասն զի այսպանեաց զբանն Մովսիսի՝ զոր ասաց, “Ձի եթէ մեղիցէք տեառն, արարից զերկինս ՚ի վերուստ երկաթ, և զերկիրս ՚ի ներքուստ պղինձ”, և ասաց՝ զոր օրինակ ոչ եղև բանն Մովսիսի, սոյնպէս և ոչ լինի բանն Յեշու

վայ աշակերտին նորա, քինախնդիր նախանձայոյզ լինէր Եղիա, և ձեռն յանձին հարեալ սկսաւ ասել առաջի Ախաբու և նախարարացն նորա, եթէ «Կենդանի է տերանց տէր՝ որոյ առաջի կացի ես մարգալէ, եթէ եղիցի յայսոօիկ ամն ցօղ և կամ թէ անձրև, բայց եթէ ասացից ես», :

Արդ 'ի ժամուն զի ասաց զայս, երկինք ամպով ծուպ 'ի ծուպ ծովացեալ կայր . քանզի ոչ եթէ յամարանի կապէր զերկինս յանձրևոյ, այլ 'ի ժամ անձրևուն արգելոյր զերկինս յանձրևոյ : Արդ ամպքն առաջի բանին նորա մատուցեալ անդրիձէին ըզխոնաւալից ստորոտս իւրեանց, և յոչ ինչն՝ ուստի եկեալն էին՝ դէտ արարեալ դառնային : Արդ ամպն որ փարատեցաւն 'ի նոցանէն 'ի բանէն Եղիայի առաջի դրանն Շամրնի, ոչ տեսին զնա մինչև եկն Եղիա 'ի լեառն Կարմեղա : Եւ վասն զի մի սպանցէ զնա Ախաբ իբրև գտցէ զնա, և կամ թէ երկինք ոչ բանայցեն զկապեալ արգանդն առ 'ի տալ անձրևոց, և կամ թէ բանն Եղիայի զոր ասաց՝ թէ մինչև ասացից ես՝ սուտ լինիցի, առնու զնէ զնա 'ի ձորն առաջի Յորդանա . նու 'ի դարանի, և տայ նմա հրաման ըմպել 'ի ջուրց նուաղելոց . 'ի ձորոյն ծործորակի մի արբցէ, գուցէ գտանիցէ զնա ամպարիշտ և անօրէն թազաւորուին՝ որ 'ի խնդիրն անկեալ էր խնդրել զնա :

Իսկ զհացն և զմիսն՝ զի հրամայեաց ագռաւուցն բերել նմա, կամ 'ի տեղւոջ ուրեք լինելով լինէին և առնուին բերէին նմա, կամ իբրև թռչէինն գալ առ նա 'ի ժամ ճաշոյն և ընթրեացն՝ լինէր 'ի բերան միոջն հաց, և 'ի բերան միւսոյն ևս միս . քանզի ոչ եթէ ոմանք պատրաստէին ագռաւուցն . վասն զի ոչ ասաց եթէ քահանայիցն հրամայեցի և կամ այլոց մարդոց կերակրել զքեզ, այլ զի հրամայեցի ես ագռաւուցն կերակրել զքեզ : Աբեալ բերէր նմա ագռաւան զմիսն, և ոչ մերձենայր 'ի նա . և բարձեալ ունէր ընկեր նորա զհացն, և ոչ կրծոյր 'ի նմանէն :

Իսկ Եղիա՝ որ նախանձեցաւ զնախանձ օրինացն Մովսիսի, նա ինքն իսկ եղև լուծիչ օրինացն նորա . քանզի յագռաւուց՝ որ պղծեալն էր յօրինաց՝ ուտէր Եղիա նախանձայոյզ քինախնդիր օրինացն : Պիղծ

ազուաւք դարմանիչք մարգարէին խորհուրդ եղեն պեղծ հեթանոսացն մկրտութիւն ջուրց աւազանին : Եւ փոխանակ հայհոյութեն առեալ տանին զօրհնութիւնն նոյ . և ազուաւք դարմանիչք մարգարէին 'ի մարգարէէ անտի կերակրէին նոքա , զի 'ի նշխարաց նորա ճաշոյն և ընթերցան կերակրէին նոքա : Դարմանիչք եղեալ էին նորա , և առ 'ի զօրհանս հաւմարեալ էին նմա . զի 'յորժամ դնէին առաջի նորա՝ ուտէր , ուտէին և նոքա : Իսկ իբրև ոչ գիտաց նա խանձայոյզ մարգարէն վասն անօրէնութեն խաբայելի զտառապանսն խաբայելի , ցամաքեցոյց ան զաղբերն ծործորակի . և ընդ ցամաքել աղբերականն , և կերակուրն ազուաւուց՝ զոր բերէինն՝ արգելաւ 'ի նմա նէն : Քանզի զինչ պիտոյ էր առանց ջուրցն . զի աւելի իմն համարեալ էր նմա առանց ըմպելոյն :

Եւ զի մի իբրև թաքուցեալ կայցէ 'ի ժողովրդեանն՝ գտանիցէ զնա ձեռն Եղաբելի , և կորուսանիցէ զնա և առ որս թաքուցեալն էր , առաքէ զնա անձ 'ի ծարփաթ հեթանոսաց , զի ցուցցէ նմա զսէրն հեթանոսաց . և ցուցցէ նմա դարձեալ՝ թէ յորպիսի նեղութեւ տազնապեալ են անթլփատքն , որք ոչն այլանեցին զօրէնսն Մովսիսի իբրև զԱխար : «Անց երթ , ասէ , 'ի ծարփաթ . ահա հրամայեցի ես կնոջ այրւոյ կերակրել զքեզ » : Արդ թէպէտ և 'ի ծարփաթ հեթանոսաց երթայր՝ հարցանել և գիտել մարթ էր նմա , 'ի վերայ այրւոյն՝ զոր ոչ ցոյց նմա զանուան՝ զիարդ մարթ էր նա կալ : Եւ վասն զի առաջ ցնա՝ եթէ «Ահա հրամայեցի ես այրւոյն » , թուեցաւ նմա եթէ նոյն ինքն այրին ելեալ նստիցի 'ի դրացն ծարփաթու , և դէտակն ունիցի նմա :

Իայց վասն զի մի թեթեւացի ծանրութիւնն նորա՝ յորժամ մատուցեալ հարցանիցէ զայրւոյ կնոջէ անտի ծարփաթացւոյ , խնդրեաց 'ի տեառնէ իւրմէ զի գտցէ զնա առ դրանն քաղաքի , զայն՝ զոր յայտնութիւն և կամ տեսեալմբ հրամայեցաւ նմա կերակրել զմարգարէնն : Քանզի իբրև խաղացեալ երթայր նա , իբրև առ մեծատուն կին երթայր : Քանզի իբրև եգիտ զնա զի գնայր բոկ , և զգեցեալ էր թամբատեակ մի , և քաղէր կրկուտ , և նման էր նա 'ի քաղցէ անտի

խանակ մահուն , որում արժանին էր , արար նմա առաւել պատիւ՝ որում ոչն էր արժանի : Եւ վասն զի տեառն ետ և զայս , որպէս և հրամայեաց նմա հայրն իւր , յետ երից ամաց փախեան ծառայքն նորա : Արդ նայեաց և տես , զի եթէ ոչ տեառն յանձն առարեալ էր զիրան Սեմեայ , ոչ լինէր նա երկայնամիտ զերիս ամս , եթէ ոչ սպանանէր զնա : Իսկ Սեմէի եթող գիտակ առնել և ցուցանել արքայի՝ զի առաքեսցէ թուղթս զինի ծառայիցն նորա , և կամ զի թէ առցէ 'ի նմանէ հրաման երթալ ածել զնոսա . և ապա ապաստան յայն՝ եթէ ոչ գիտէ զայս արքայ , արհամարհեաց զերդումն զոր երդուաւ՝ թէ «Մի անցցէ նա ընդ ծործորն Կեդրոնի» , չողաւ նա ածել զծառայս իւր : Առաքեաց կոչեաց զնա արքայ , և յիշեցոյց նմա զառաջին վրէժսն զոր արար նա ընդ Գաւիթ . յիշեցոյց նմա և զերդումն և զվերջին պատուիրանն զոր ետ նմա , և վասն ստուծին նորա՝ որ ստեաց զերդումն տեառն , և զի անարգեաց զհրամանն թագաւորի . իբրեւ արկ զսոսա զնոքօք , և խառնեաց 'ի մի վայր զերկոսին զյանցանսն , զստուծին երդման , և զանարգելոյ պատուիրանին , և զգնաւ մանս հօրն , սպան զնա : Եւ յայտ եղև ամենայն մարդոյ՝ եթէ ստուգուծին մատնեաց զնա 'ի մահն սուսերի :

Եւ յողովուրդն զի մատուցանէին պատարագս յաւուրս Գաւթի և Սողովմոնի 'ի վերայ մեհենիցն , ոչ եթէ այլում նոյ մատուցանէին զպատարագսն , այլ տեառն . քանզի ողջակէզք էին՝ որ 'ի Գաբաւոնն և 'ի Թափեաց աղբիւրն շինեալ էին : Արդ այսոքիկ՝ վասն զի ցարդ ևս ոչ էր շինեալ տաճարն , մատուցանէր ժողովուրդն զպատարագս 'ի վերայ սոցա : Եւ յայտնեցաւ տէր 'ի վերայ Սողովմոնի , և հարց ցնա եթէ զինչ կամիս զի տաց քեզ : Եւ խնդրեաց 'ի նմանէն ոչ զՀոգին սուրբ՝ մարգարէանալ , այլ իմաւստուծին՝ դատել զժողովուրդն . զի նովաւ խօսեցաւ առակս և արկ զառասպելս մանկանց ժողովրդեանն իւրոյ՝ որ մերձն էին առ նա , և դշխոյին հարաւոյ և թագաւորացն ազգաց՝ որ հեռաւորն էին : Քանզի որպէս ընդ դատավճիռ դատին պոռնկաց , սոյնպէս և

զարմացեալ էին որդիք մարդկան ընդ ամենայն դատաստանսն՝ որ դատէր նա :

Իսթանեաց դարձեալ զերկիրն երկոտասան դաւառապետաց . զի վասն մեծ ծախուց ռոճկաց կանանց իւրոց , և բազում երիւարացն զոր ստացեալ ունէր , բաւեացէ մի մի 'ի նոցանէն դարմանել զարքայ համբարօք իւրովք , և զկանայսն և զերիւարս և ըզգունդն սեփհական ռոճկակեր ամիս մի յամի : Արդայր՝ որոյ հրամայեցաւ թէ մի յաճախեացէ ստանալ իւր բազում երիւարս , քառասուն հազար ասպատանաց երիւարաց արար իւր . և որում ասացան էլ թէ մի դու և մի փեսայ լինիցիս քանանացւոցն , հազար կին յամենայն հեթանոսաց արար իւր : Յաճախեցաւ բազմացաւ իմաստութիւն Սողովմնի առաւել քան զեգիպտացւոց խորամանկաց , և քան զԱթենայ արեւելեաց , և քան զընկերաց նորա՝ որ յայն ժամանակի իմաստութիւն պարծէին : Եւ խօսեցաւ երիս հազարս առաքիս , և հազար և հինգ օրհնութիւն . զոր առ հեղգութե չրէիցն , կամ վասն գերութեն՝ որ 'ի հեթանոսաց գերի երթային , կորուսին զբազումսն . և սակաւ ինչ սին 'ի սնոյ յիշատակս փոյթ բարեկամացն եգեկիայ արքայի 'ի հրէաստանի պահեցան : Եւ խօսեցաւ 'ի մայրիցն Լիբանանու և մինչև 'ի բոսսուկ՝ որ բոսանիցի յորմ . այս ինքն զի սկսաւ ասել 'ի բարձրաբերձ մայրեացն 'ի սկզբանէ , և կատարեաց 'ի դաւաթ մի՝ որ առ օրին բոսանի , և ելանէ 'ի դաւարուտ պահանգի՝ որ արկեալ է յորմ :

Յամին չորեքհարիւրորդի և ութաներորդի ելից ժողովրդեանն յեգիպտոսէ շինեաց Սողովմնն զտաճարն տեառն . որոյ երկայնութիւն վաթսուն կանգուն , և լայնութիւն քսան կանգուն , և բարձրութիւն երեսուն կանգուն : Եւ զի եւթանասուն հազար փայտակոփ , և ութսուն հազար քարակոփ 'ի լեւինն , ինձ այսպէս թուի՝ եթէ զթիւ կաւագործին զոր հանին վասն շինուածոյ տաճարին՝ բաւանդակեաց և գրեաց գրիւն : Արդ թէպէտ և բազմութի դասապետացն ոչ տայ մեզ ձեռն թուել , տեսցուք այլ և զայն ևս՝ եթէ դասապետքն ոչ թուեցան . բայց տեսցուք և զայն , զի եթէ քար ուրագի և ամենայն անօթ եր-

կաթի ոչ բախեցաւ 'ի տաճարին իբրեւ շինէր, այն իսկ է՝ եթէ մի ճօճեսցես զձեռն քո երկաթագործով 'ի վերայ քարանց սեղանոյն, զի մի պղծեսցին նոքօք: Անդէն 'ի լերին անդ կոփէին կազմէին յօրինէին մածուցանէին ընդ միմեանս, և ապա գային բերէին և առանց երկաթոյ հանէին դնէին 'ի շինուած տաճարին կարգել կազմել:

Եւդ կատարեցաւ տաճարն, և բերին քահանայքն զտապանակն կտակարանաց և զխորանն և զսրբութիւնս նորա և զերկուս տախտակն Մովսիսի, և եդին 'ի մէջ նորա: Եւ իբրեւ եւ քահանայն 'ի սրբբութէ անտի, եկն լցաւ տաճարն ամպով, որպէս և յայնմ աւուր՝ զի կանգնեցաւ խորան ժամուն: Տէր, դու ասացեր ընականալ 'ի մէջ. զի է ամպս այս զոր արկեր 'ի վերայ տանս այսորիկ, զոր պատուիրեցեր դու եթէ 'ի ձեռն իմ՝ շինեսցի քեզ: Եւ մատոյց զաղօթս Սողովմոն վան ժողովրդեանն և վան աշխարհին, իբրեւ յիշատակէր զանէծան որ գրեալ էին յօրէնս՝ գալ 'ի վերայ այնոցիկ՝ որ անօրինին, որպէս զի անցեն 'ի նոցանէն վան մեծ պաղատանացն՝ որ լինէր նոցա 'ի տաճարին յայնմիկ: Մատոյց դարձեալ աղօթս և վան օտարաց, զի նկարեցի աղօթքն օրդւոյ Դաւթի. խորհուրդ տեառն Դաւթի, որ հանգեր ձեալ էր տալ հրամանս՝ եթէ աղօթս արարէք 'ի վերայ թշնամեաց ձերոց:

Եւ մատոյց Սողովմոն պատարագս քսան և երկու հազար զուարակս, և հարիւր և քսան հազար խոյս: Աւրդ նման է այսպէս, եթէ զքորեքտասան աւուրս տօնին մատոյց զպատարագս զայս: Յայտնեցաւ տէր կրկին անգամ՝ 'ի վերայ Սողովմոնի, և ուղղեաց և առեդ զհիմունս տաճարին 'ի վերայ արդարութե շինողացն. եթէ յօրժամ գարձցին նոքա 'ի տեառնէ, մասնեցի և տաճարն 'ի կործանումն թշնամեաց իւրեանց:

Եւդ եղև, լուաւ դշխոյն հարաւոյ 'ի վաճառապետացն Սողովմոնի և Խիրամայ զուր Սողովմոնի և զայն իւրոյ, և կամեցաւ գալ բազում փօրօք և պատարագօք յերուսաղէմ: Եւ իբրեւ եկն եհտ յերուսաղէմ, և ետես զամենայն ինչ զոր լուաւն, ետես և այլ ևս

բազումն՝ զոր ոչն էր լուեալ : Փորձեաց զնա հարցուա-
ծովքն իմաստութե, խոստովան եղև՝ զի վաւեր եղև
նմա փորձն քան զլուրն : Ուրացաւ ՚ի կռոցն օտա-
րոտուոցն . խոստովան եղև յնձ և ասաց, եթէ վասն
զի սիրեաց տէր զխրայէլ, և արար զքեզ արքայ՝
առնել զիրաւունս և զարդարուի առաջի նորա : Եւ
դարձեալ զխունկս առ ՚ի պատիւ նյ՝ որում խոստովան
եղև, և զոսկի և զականս պատուականս արքայի՝ յու-
րոյ համբաւն եկեալ էր : Յերից քանքարաց՝ զի արար
նա վահան մի, այս ինքն ՚ի հինգ շանթ ոսկւոյ, և զի
եղ զվահանն յանտառատանն նիզակաց, այս ինքն ՚ի
զինու տանն նիզակաց և վահանացն ոսկւոյ : Եւ ամե-
նայն թագաւորը վասն իմաստութե նորա, պատարաւ
գօք իբրև ՚ի հարկէ յամենայն կողմանց գային և պաշ-
տէին զնա :

Եւ սիրեաց Սողովմնն զկանայս-բազումն օտարազ-
գիս . և զգուստրն փարաւոնի իբրև ած նա կնութե,
ոչ ինչ եպերեաց նմա նձ, վասն զի մի էր և ոչ ու-
րացոյց զնա . իսկ իբրև անկաւ զկնի բազմաց, որք
հեթանոսացուցին զնա, եպերեաց զնա վասն այլոց
բազմաց, և վասն առաջին դստերն փարաւոնի զոր
յառաջն ած կնութե : Արդ զի յաճախեաց արար
զկանայսն ՚ի դստերաց թագաւորաց և մեծամեծաց,
որպէս զի ՚ի ձեռն բազում որդւոցն որ լինէին նմա,
և առնուին հարք իւրեանց և մնուցանեն ՚ի թագաւո-
րութեն իւրեանց, և թագաւորեցուցեն զնոսա վասն
սիրոյն որ առ Սողովմնն, և սփռեսցի ընդ աշխարհս
թագաւորութիւնն նորա : Արդ զթագաւորութիւնն
տեառն Դաւթի, այն որ զգուշութե սրբութե տա-
րածանել ընդ աշխարհս հանդերձեալ էր, որդին
Դաւթի սիրողն բազում կանանց խորամանկեցաւ
առնել զնա :

Արդ զկանայս զոր սիրեաց Սողովմնն, դարչեցու-
ցին զնա առաջի երեսաց տեառն, և հանին զնա յա-
չաց նյ : Եւ փոխանակ թագաւորութեն զոր խորհե-
ցաւ ընդ ամենայն ազգս տիրել, և ոչ զիւրոյ ժողո-
վորեանն ըմբոշնեաց . զի ազգն Յուդայի միայն մնաց
առ նմա . բայց ոչ եթէ վասն լկտուեն Սողովմննի, այլ
վասն երդմանն նյ զոր երդուաւ հօրն Սողովմննի :

Եւ զի խորհեցաւ՝ եթէ 'ի թագաւորել որդւոց նորա ընդ ամենայն կողմանս՝ յամենայն կողմանց խաղաղութիւն յաճախի առ նմա, խոտորելով իւրով յայնացոյց զանցոյց զխաղաղութիւնն զոր ունէր : Վասն զի Բերհդադ, որ թագաւորեցաւն 'ի Դամասկոս, եղև սատան Խարայէլի զամենայն աւուրսն Սողովմոնի :

Պատառեաց Ախիա մարգարէ զնոր զգեստն իւր յերկոտասան պատառս . խորհուրդ ժողովրդեանն, որ նորոգապէս բաժանէին ազգ նոցա յերկուս թագաւորութիւն : Խոստացաւ զթագաւորութիւն Յորոբովամոն ուխտիւ . զի եթէ արդարանայ իբրև զԴաւիթ, կարգեալ Հաստատի թագաւորութիւն նորա . ապա եթէ խոտորեսցի, եղիցի նմա ընդդէմ սորին չար հակառակ : Եւ այլ պատգամք Սողովմոնի ահա գրեալ են 'ի դպրութի պատգամաց Սողովմոնի, այս ինքն 'ի դպրութի առականց նորա՝ որ կորեանն :

ԳԼՈՒԽ Բ

(Ժ) ԱԿԱՆՈՐԵՑՈՒՑԻՆ ժողովուրդն զՀռորովամ, և ասեն ցնա . «Թեթեացո մեզ 'ի խիստ հնազանդութե հօր քո, զի հնազանդեաց զմեզ 'ի հարկս չարաչարս և մեծամեծս, և պաշտեսցուք զքեզ» : Արդ ինքն փոխանակ զի մխիթարեսցէ զժողովուրդն 'ի չարեաց անտի, զի 'ի պատճառս եւթն հարիւր տիկնացն, և քառասուն հազար ասպաստանին հնազանդեցոյց զնոսա, նա առ յաւել նոցա ցաւ 'ի ցաւոյ վերայ . զի կրկնապատիկ քան զհարկմն հօր իւրոյ խոստանայր 'ի վերայ նոցա՝ թէ հնազանդեմ զձեզ պարանովքն, որ են իբրև զաղի կակուղ զոր ընուն աւազով, սպանայր նոցա՝ եթէ խրատէ զնոսա . զի վասն այսորիկ եղև գրգռութիւն, և ապստամբեցաւ Խարայէլ 'ի տանէն Դաւթի, որպէս և ասացն Ախիա մարգարէ :

Իսկ Յորոբովամ թող 'ի բաց զի կատարեսցէ ըզբանս մարգարէին որ օժն զնա . և չոգաւ զկնի խորամանդութե իւրոյ : Յարեաւ արար նա երկուս որթա-

գլուխս ձուլածոյս, և զետեղեաց զժողովուրդն առ նոսա. զի գուցէ եթէ իբրեւ ելանիցէ ժողովուրդն յերուսաղէմ՝ ի պատճառս պատարագացն և տօնից, տեսանիցեն զկազմուած գեղեցիկ յորինեալ տաճարին, և զսպաս պաշտամանն քահանայից, և կակղանայցէ և Հռորովամ խօսել ընդ նոսա զբանս բարոքս, և դառնայցեն առ տէրն իւրեանց, և սպանա նիցեն զիս : Խորամանկի արդ աւասիկ դարձուցանել յայ, որ ետ նմա զթագաւորութի ժողովրդեանն. և պատուիրեաց նմա զի մի խոտորեսցին ի նմանէն : Եւ առ արար ոչ մի որթագլուխ իբրեւ զայն յանապատին, այլ երկուս. վասն զի ետես զժողովուրդն զի փոխանակ միոյն զոր արար Ահարոն, նոքա բազմաց երգէին և գովէին : Հնարեցաւ արար երկուս, և տարաւ եդ զմինն ՚ի Բեթէլ, և զմիւսն ՚ի Դան : Եւ ասէ ցնոսա, եթէ «Մի ինչ աշխատիք դուք յամենայն կողմանց երթալ մատուցանել պատարագ յերուսաղէմ. երկիրս ամենայն երկիր պարգեաց է. և յամենայն վայրի ուր և մատուցանեմք պատարագ, յօրհնեալ երկրի մատուցանեմք », եղև դարձեալ և քուրմ աստուածոցն զոր ձուլեացն :

Եւ մինչ դեռ ելանէր դնել զխունկս ՚ի վերայ սեղանոյն, և ահա մարգարէ այ եկն ՚ի հրէաստանէ, և ասէ ցսեղանն յանուն տեառն, եթէ որդի ծնանի ՚ի տանէն Դաւթի, այն որ հրաժարեցաւ ժողովուրդն ՚ի թագաւորութէն նոցա : Եւ սեղանն՝ որ համարեցաւ ձեզ՝ եթէ ՚ի պատճառս դորա ըմբոշխնէք դուք զթագաւորութիդ ձեր, Յովսիա՝ որ ՚ի տանէն Դաւթի է, այրեսցէ ՚ի վերայ քո, և զքուրմս մեհենիցդ որք դնեն խունկս ՚ի վերայ քո : Եւ զի տացի նշան յառաջ քան զգործն, և զի ցուցցէ նոցա եթէ ՚ի տեառնէ առաքեցաւ դարձուցանել զնոսա առ իւր յերկրպագութէն որթագլխացն, խօսել սկսաւ և աւսէ, եթէ ահաւասիկ սեղանն պատառի ՚ի ներքոյ Յռորովամայ, իբրեւ կայ և վարի մոխիրն՝ որ ՚ի վերայ նորայն էր : Վառեցաւ ցասմամբ արքայն ՚ի վերայ մարգարէին, վասն այսորիկ՝ զի յանդիման ամենայն Խրայէլի մարգարէացաւ ՚ի վերայ քրմացն և ՚ի վերայ սեղանոյն : Դարձաւ և ասէ. «Հապա կալարուք

զդա», : Յաւելաւ միւռ ևս նշան ժողովրդեանն և արքային : զի զբազուկն զոր ձգեաց 'ի նա, անդէն ցաւմաքեցաւ, և յինքն այլ ոչ կարաց տանել զնա :

Իսկ իբրև սեղանն պատառեցաւ, և ձեռն նորա ցամաքեցաւ, դարձաւ աղաչել մարգարէին՝ զի խնդրեսցէ յայ վառն ձեռին նորա, և դարձցի 'ի տեղի իւր : Եւ զոր օրինակ կաց յաղօթս Եղիա 'ի լերինն անդ Կարմեղա վասն իջանելոյն անձրևու յանգիման ամենայն ժողովրդեանն, զի գիտասցեն եթէ աղօթք նորա իջուցանեն զանձրև, և ոչ եթէ Բաճաղ . սոյն պէս եկաց յաղօթս և մարգարէն՝ որ եկեալն էր 'ի Տրէաստանէ առաջի սեղանոյն յանգիման ամենայն ժողովրդեանն : Զի հաւատասցեն եթէ անձրև ցամաքեցոյց զբազուկ նորա և ոգջացոյց, և ոչ եթէ որթազուլիքն՝ որոց նուիրէրն : Նա և ինքն իսկ գիտաց եթէ չիք իսկ շահ յորթազուլիս նորա . և վասն այնորիկ խնդրեաց նա 'ի ձեռն մարգարէին 'ի ճրջ մարիտ այլ զբռնուլի ցամաքեալ բազկին իւրում :

Իսկ իբրև բռնեցաւ արքայն, փոխանակ զի խոստովան եղիցի ամենայն Խալայէլ եթէ տէր է անձրև, և ինքն դարձեալ Յորոբովամ՝ զի բեկցէ զորթագլուխն զոր ձուլեաց, ասաց ցմարգարէն որ բժրջեաց զնա . «Եկ ընդ իս 'ի տուն, և կեր հաց, և տաց քեզ պարգևս» : Եւ վասն զի բարկուլթ ատաքեցաւ նա անդ, և վասն զի ամենայն զոր ինչ և էր անդ զոր պատրաստեալ տօնին պատկերացն ձուլածոյ, պիղծ էր առաւել վասն զի պատրաստեցաւ նա . իբրև եցոյց զբարկուլթին որ դաւոց էր 'ի վերայ աշխարհի . և զի հրաման առ 'ի նմանէն զի մի կերիցէ անդ հաց . բայց թող զնոսս և ընդ այլ ճանապարհ անց երթալ յաշխարհ իւր :

Եւ որ եկեալ որդիք մարգարէին որ 'ի Բեթէլ, պատմէին հօրն իւրեանց զամենայն անցսն որ ինչ անցք անցին ընդ սեղանն և ընդ արքայն, և զամենայն խօսսն զոր խօսեցաւ որ ինչ լինելոցն իցէ քրմաց սեղանոյն 'ի վերայ նորին սեղանոյն : Եւ արդ յարուցեալ ճեպ 'ի ճեպոց ալևոր մարգարէն հանդերձէր զգրաստ իւր, և պնդէր զկնի մարգարէին այլ, և ժամանէր նմա իբրև երթեալ նստէր ընդ բեկնեալ

միով . և նոյն իսկ այս , զի արդեւ զգրաստ իւր և անդ նստաւ , խնդիր ինչ գոյ 'ի նմա . զի եթէ յուսմէ արդեւլաւ , մինչեւ եկեսցէ մարդարէն ալեւոր զի փորձեւցի նովաւ . և վասն զի բազումք անցանէին ընդ այն ճանապարհ իբրեւ 'ի վաճառի աւուր : Իսկ իբրեւ եգիտ զմարդարէն և ուստա 'ի նմանէն , եթէ արդարեւ նա ինքն է , վասն զի թուեցաւ նմա եթէ վասն Հեթաւ նոսութե որ էր 'ի Բեթէլ ոչ կամեցաւ ուտել անդհաց , մատուցեալ ասոր նմա զհաւանու թիւնս , զի դարձցի ընդ նմա և հանգուցէ զնա հացիւ և ջրով : Իսկ իբրեւ յաւել երկրորդեաց ալեւորին զոր ինչ ասաց ցարքայն Յորոքովամ , ետ նմա պատասխանի' և ասէ ցնա . "Ես ինձէն մարդարէ եմ' իբրեւ զքեզ , և հրեշտակ տեառն ասաց ցիս զի դարձուցի զքեզ" : Իսկ մարդարէն որ եկեալ էր 'ի հրէաստանէ , փռ խանակ զի պահանջեսցէ նշան ինչ յալեւոր մարդարէն , ոչ զի թէ մարդարէ էր և կամ չէր մարդարէ , քանզի լուեալ էր նորա եթէ մարդարէ գոյ 'ի Բեթէլ , այն զի բազում որդւոց մարդարէից յետ այսորիկ' օր եղև 'ի նմա , այլ զի գիտասցէ 'ի ձեռն նշանին եթէ արդարեւ ճշմարիտ 'ի տեառնէ առաքեցաւ . և կամ թէ ինքն իսկ նոյն մարդարէն' որ եկեալ էր 'ի հրէաստանէ' հարցցէ ցած , եթէ արդարեւ նա առաքեաց զալեւոր մարդարէն թէ ոչ . արդ ոչ նշան ինչ խնդրեաց , և ոչ յայ եհարց . և յարեաւ դարձաւ ընդ ճանապարհն ընդ որ երթեալն էր , այնու' զի վասն սորին իսկ իրի առեալ էր նորա զհրաւման , զի մի դարձցի ընդ նոյն ճանապարհ ընդ որ եկեալն էր :

Իսկ իբրեւ դարձաւ ընդ ալեւորին և եմուտ 'ի տուն նորա , և իբրեւ կերան և արբին , մինչ դեռ 'ի հացի անդէին' եղև պատգամ տեառն 'ի վերայ ալեւոր մարդարէին և ասէ , թէ "Վասն զի դառնացուցեր դու զբան բերանոյ տեառն , մի մտցէ դիդ քո'ի գերեզման հարց քոց" : Եւ վասն զի ոչ ցոյց' եթէ յորում աւուր մեռանէր , և ոչ եթէ երբ , և կամ թէ ուր մեռանէր , յարեաւ նստաւ 'ի գրաստու իւրում , և դարձաւ 'ի հրէաստան : Եւ մինչ դեռ գնացեալ երթայր ընդ ան երկիւղ ապահով ճանապարհն բազմախիտ ընդ խճա

ղեալ մարդկան՝ որ խաղացեալն գնային 'ի վաճառէ անտի, և իբրեւ այն ինչ զի եթէ երկիրն ծնաւ 'ի նմին ժամու զառեւծն, և իբրեւ զանց առեալ խուսէր յամենայն մարդկանէն և 'ի նմին մարգարէին գրաստուէն, և սպանանէր զմարգարէն միայն միայնուկ, իսկ իբրեւ տեսին որք եկին դէպ եղեն և պատահեցան, զասի հարեալ երկնէին յառեւծուէ անտի, զի զգուշացեալ պահէր զմարգարէն : Նոքա եկեալ ցուցանէին 'ի քաղաքի անդ :

Եւ իբրեւ զայն լսէր ալևոր մարգարէն, որ նենգեացն գնա և խաբեաց և անցոյց զպատուիրանաւն, ճեպ 'ի ճեպոյ գայր հասանէր 'ի տեղի անդր : Եւ փոխանակ զի ինքն երկեաւ առաւել քան զամենայն մարդ, վասն զի եղև պատճառ մահու մարգարէին, ինքն միայն միայնուկ իբրեւ վստահ որ զանձինն գիտիցէ, եկն մերձեցաւ առ առեւծն գազան՝ գազանասիրտն : Իսկ առեւծն դարձեալ, որ սպան զմարգարէն՝ որ անց զպատուիրանաւն, և կայր պահէր զգրաստն, իսկ 'ի մարգարէէն՝ որ պատճառն էր պատուիրանազանցութեան մարգարէին՝ ամաչեցեալ պատկառէր . և զգիական զորոչ կալաւ յանձին տալ մենայն անցաւորաց ճանապարհին, սմա իբրեւ տեսաւ առեալ զաւանդն դարձուցանէր անդրէն : Կորացեալ արկաններ զակն իւր յալևորէ անտի, զի մի երկեցուցէ գնա . և հաւանեալ տայր զգի մարգարէին ցմարգարէն 'ի թաղել . և 'ի շէն տեղւոյ անտի՝ ուր երեկ զմարգարէն, փոյթ 'ի փութոյ ճեպեալ երթայր վաղ վաղակի 'ի դաշտ անդր անապատ 'ի կայանսն առաջինս : Բայց մարգարէն ալևոր լաց զընկերն իւր, և թաղեաց գնա յիւրում գերեզմանի : Եւ արդ առեալ տայր պատուէր որդւոցն իւրոց, զի առ ոսկերսն նորա դիցեն զոսկերս ալևորին . վասն զի հաստատ լինելոց է պատգամն տեսաւ 'ի վերայ սեղանոյն 'ի Բեթէլ, և 'ի վերայ ապարանիցն, և 'ի վերայ մեհենիցն՝ որ 'ի քաղաքին Համրնի են :

Եւ դեթէպէտ և 'ի վերայ սեղանոյն՝ որ 'ի Բեթէլն էր՝ մարգարէացաւ մարգարէն՝ որ 'ի հրէաստանէն եկեալն էր, բայց սակայն 'ի վերայ մեհենիցն և ապարանիցն Համրնի ոչ մարգարէացաւ նա : Բանգի

յայնմանէն զի ասաց՝ թէ ապրեցուցին ոսկերէն մարգարէին՝ որ եկեալն էր ՚ի հրէաստանէ՝ զոսկերս մարգարէին՝ որ եկն ՚ի Շամրնէն, յայտ է՝ եթէ ինքն մարգարէս այս ալեւոր զի ՚ի Շամրնէ եկն ՚ի Բեթէլ, և նա ինքն մարգարէացաւ ՚ի վերայ ապարանիցն և քաղաքին շամրտացւոյ: Եւ վասն զի յանգէտս հեղութն դարձոյց զնա, եթէ եպերեալ է՝ և եթէ ոչ է եպերեալ, զայս ոչ գիտեմք մեք. տաց՝ թէպէտ և համարեցուք եթէ եպերեալ է. վասն եպերանացն նորա զի ոչ վկայեն մեզ գիրք՝ առնուլ ՚ի նմանէն ըզմարգարէութիւնն նորա՝ զորմէ վկայեն նմա գիրք, ոչ կարեմք մեք գիտել:

Եւ այսորիկ անկեալ դնէր յախտն մեծ Աբիա որդին Յորոբովամոս. և առաքեաց զկիսն իւր գիտել ճշմարտել ՚ի մարգարէէ անտի որ օծն զնա՝ զինչ անցք անցանելոց իցեն ընդ հիւանդ որդին նորա, զի անկեալ դնէր ՚ի մեծ ախտի: Եւ վասն զի անարգեաց նա զքուրմն և զմարգարէան ձուլածոյ որթուցն, և ՚ի ճշմարիտ մարգարէէ անտի առաքեաց ուսանել գիտել ճշմարտել, վասն այսր միով բանի՝ զոր հրամայեաց կնոջն իւրում, և եմուտ դի պատանեկին ՚ի գերեզման: Քանզի ամենայն որ և կոտորեցաւ Յորոբովամոս ՚ի ձեռն Բայաշու, շունք և թռչունք կերան զնոսա. բայց կոտորեցաւ և տունն Բայաշու ՚ի ձեռն Զամբրեայ: Եւ թագաւորեցաւ զինի նորա Զամբրի, այն՝ որ շինեացն զՇամրին ՚ի լեառն Շեմերեայ:

Եւ թագաւորեցաւ դարձեալ Ախաբ որդին իւր ըստ նմանէն: Եւ վասն զի փոքր թուէր յաչա նորա երկիր պագանելն ձուլածոյ որթուցն Յորոբովամայ, յարեաւ նորոգեաց ինքն առանձինն զԲաճաղ, և շինեաց Բաճաղու բազին ՚ի Շամրին, և շինեաց զտեղի անիծիցն Յեշովայ զերիքով: Բայց կարի վասն այսորիկ առաւել շինեաց զնա, զի ցուցցէ եթէ չիք ինչ շահ յանէծսն Յեշովայ: Եւ վասն զի այպանեաց զբանն Մովսիսի՝ զոր ասաց, «Զի եթէ մեղիցէք տեառն, արարից զերկինս ՚ի վերուստ երկաթ, և զերկիրս ՚ի ներքուստ պղինձ», և ասաց՝ զոր օրինակ ոչ եղև բանն Մովսիսի, սոյնպէս և ոչ լինի բանն Յեշու

վայ աշակերտին նորա, քինախնդիր նախանձայոյզ լինէր Եղիա, և ձեռն յանձին հարեալ սկսաւ ասել առաջի Ախարու և նախարարացն նորա, եթէ «կենդանի է տերանց տէր՝ որոյ առաջի կացի ես մարգաւրէ, եթէ եղիցի յայսոսիկ ամս ցօղ և կամ թէ անձրև, բայց եթէ ասացից ես», :

Արդ ՚ի ժամուն զի ասաց զայս, երկինք ամպով ծուպ ՚ի ծուպ ծովացեալ կայր. քանզի ոչ եթէ յաւմարանի կապէր զերկինս յանձրևոյ, այլ ՚ի ժամ անձրևուն արգելոյր զերկինս յանձրևոյ : Արդ ամպքն առաջի բանին նորա մատուցեալ անգրիճէին ըզխոնաւալից ստորոտս իւրեանց, և յոչ ինչն՝ ուստի եկեալն էին՝ դէտ արարեալ դառնային : Արդ ամպն որ փարատեցաւն ՚ի նոցանէն ՚ի բանէն Եղիայի առաջի դրանն Շամրնի, ոչ տեսին զնա մինչև եկն Եղիա ՚ի լեռնն Կարմեղա : Եւ վասն զի մի սպանցէ զնա Ախար իբրև գտցէ զնա, և կամ թէ երկինք ոչ բանայցեն զկապեալ արգանդն առ ՚ի տալ անձրևոց, և կամ թէ բանն Եղիայի զոր ասաց՝ թէ մինչև ասացից ես՝ սուտ լինիցի, առնու դնէ զնա ՚ի ձորն առաջի Յորդանանու ՚ի դարանի, և տայ նմա հրաման ըմպել ՚ի ջուրց նուաղելոց. ՚ի ձորոյն ծործորակի մի արբցէ, գուցէ գտանիցէ զնա ամպարիշտ և անօրէն թազաւորուին՝ որ ՚ի խնդիրն անկեալ էր խնդրել զնա :

Իսկ զհացն և զմիսն՝ զի հրամայեաց ագռաւուցն բերել նմա, կամ ՚ի տեղւոյ ուրեք լինելով լինէին և առնուին բերէին նմա, կամ իբրև թռչէին գալ առ նա ՚ի ժամ ճաշոյն և ընթրեացն՝ լինէր ՚ի բերան միոջն հաց, և ՚ի բերան միւսոյն ևս միս. քանզի ոչ եթէ ումայք պատրաստէին ագռաւուցն. վասն զի ոչ ասաց եթէ քահանայիցն հրամայեցի և կամ այլոց մարդոց կերակրել զքեզ, այլ զի հրամայեցի ես ագռաւուցն կերակրել զքեզ : Առեալ բերէր նմա ագռաւն զմիսն, և ոչ մերձենայր ՚ի նա. և բարձեալ ունէր ընկեր նորա զհացն, և ոչ կրծոյր ՚ի նմանէն :

Իսկ Եղիա՝ որ նախանձեցաւ զնախանձ օրինացն Մովսիսի, նա ինքն իսկ եղև լուծիչ օրինացն նորա. քանզի յագռաւուց՝ որ պղծեալն էր յօրինաց՝ ուտէր Եղիա նախանձայոյզ քինախնդիր օրինացն : Պիղծ

ազուաւք դարմանիչք մարգարէին խորհուրդ եղեն պեղծ հեթանոսացն մկրտութիւն ջուրց աւազանին : Եւ փոխանակ հայհոյութեն առեալ ասնին զօրհնութիւնն այ . և ազուաւք դարմանիչք մարգարէին 'ի մարգարէէ անտի կերակրէին նոքա , զի 'ի նշխարաց նորա ճաշոյն և ընթրեացն կերակրէին նոքա : Դարմանիչք եղեալ էին նորա , և առ 'ի զբօսանա հաւ մարեալ էին նմա . զի յորժամ դնէին առաջի նորա՝ ուտէր , ուտէին և նոքա : Իսկ իբրեւ ոչ գիտաց նա խանձայոյց մարգարէն վասն անօրէնութեն խարայելի զտառապանսն խարայելի , ցամաքեցոյց անձ զաղբււրն ծործորակի . և ընդ ցամաքել աղբււրականն , և կերակուրն ազուաւուց՝ զոր բերէինն՝ արգելաւ 'ի նմա նէն : Քանզի զի՞նչ պիտոյ էր առանց ջուրցն . զի աւելի իմն համարեալ էր նմա առանց ըմպելոյն :

Եւ զի մի իբրեւ թաքուցեալ կայցէ 'ի ժողովորդեանն՝ դտանիցէ զնա ձեռն Եղաբէլի , և կորուսանիցէ զնա և առ որս թաքուցեալն էր , առաքէ զնա անձ 'ի ծարփաթ հեթանոսաց , զի ցուցցէ նմա զսէրն հեթանոսաց . և ցուցցէ նմա դարձեալ՝ թէ յորպիսի նեղութեւ տագնապեալ են անթլփատքն , որք ոչն այսպանեցին զօրէնսն Մովսիսի իբրեւ զԱխար : “Այց երթ , ասէ , 'ի ծարփաթ . ահա հրամայեցի ես կնոջ այրւոյ կերակրել զքեզ , : Արդ թէպէտ և 'ի ծարփաթ հեթանոսաց երթայր՝ հարցանել և գիտել մարթ էր նմա , 'ի վերայ այրւոյն՝ զոր ոչ ցոյց նմա զանունն՝ զիարդ մարթ էր նա կալ : Եւ վասն զի առաջ ցնա՝ եթէ “Ահա հրամայեցի ես այրւոյն , , թուեցաւ նմա եթէ նոյն ինքն այրին ելեալ նստիցի 'ի դրացն ծարփաթու , և գէտակն ունիցի նմա :

Իայց վասն զի մի թեթեւացի ծանրութիւն նորա՝ յորժամ մատուցեալ հարցանիցէ զայրւոյ կնոջն անտի ծարփաթացւոյ , խնդրեաց 'ի տեառնէ իւրմէ զի գտցէ զնա առ դրանն քաղաքի , զայն՝ զոր յայսմութիւն և կամ տեսլեամբ հրամայեցաւ նմա կերակրել զմարգարէն այ : Քանզի իբրեւ խաղացեալ երթայր նա , իբրեւ առ մեծատուն կին երթայր : Քանզի իբրեւ եգիտ զնա զի գնայր բռի , և զգեցեալ էր թամբատեալ մի , և քաղէր կրկուտ , և նման էր նա 'ի քաղցէ անտի

իւրմէ խորեալ խանձողոյ, սկսաւ մտախոհ լինել եւ զիւ ընդ անձն և ասել. այս իցէ արդեւք կերակրիչն մեր, առ որ պնդեալս եկեալ եմ, եթէ այլ ոք իցէ արդեւք : Զի եթէ ճշմարտեալ հաւատասցէ թէ նա ինքն է, տեսիլն նորա չտայր նմա ձեռն . զի եթէ զմտաւած իցէ եթէ ոչ է նա, նշանն զոր խնդրեաց՝ չտայր նմա թոյլ : Եւ վասն զի ամաչեաց ինքն յինքենէ խնդրել զհաց ՚ի նմանէն, խնդրեաց ՚ի նմանէն ջուր : Եւ իբրեւ ետես՝ զի ընթացաւ ՚ի բերել նմա, յաւել խնդրեաց ՚ի նմանէն և հաց : Իսկ իբրեւ երդուաւ կինն ծարփաւ թացի ՚ի տէր, յորում ժամանակի ամենայն խարսել յորթսն ձուլածոյս և ՚ի դիսն օտարոտիս երդնուին, և ասաց՝ եթէ ոչ ինչ գտանի աղախնոյ քում, բայց եթէ ափ մի ալեւր ՚ի սափորի անդ, և սակաւ մի եւղ ՚ի սրուակի, ապա ճշմարտեալ գիտաց եղիա՝ եթէ զոր օրինակ կերակրեաց ՚ի ձոր անդր զազուաւս դարմաւ նիւս իւր, սոյնպէս հանդերձեալ է կերակրել ՚ի ծարփաթ և զայրին ասպնջական զկերակրին իւր : Քաջալերեաց զնա և ասէ ցնա . մի երկնչիր ՚ի մահուանէ որդւոյ քոց . բայց միայն նախ ինձ արասջիր իբրեւ քահանայի զպտուղ ալեւրոյն . ոչ եթէ բազմանայ քեզ, այլ զի ոչ պակասէ քեզ : «Այսպէս ասէ տէր, որ առաքեացն զիս առ քեզ . ալեւրն, ասէ, ՚ի սափորոյն ոչ սպառեսցի, և իւղն ՚ի սրուակէն մի պակասեսցէ», . ոչ մինչև ասացից ես՝ որպէս ցԱխաբն ասացի, այլ մինչև տացէ տէր անձրեւ ՚ի վերայ երկրի : Եւ վասն զի ետես զնեղութիւն և զտառապանսն հեթանոսաց անդէն առ դրանն ծարփաթ քաղաքի, լոյծ գերդումնն զոր երդուաւն Ախաբու արքայի առ դրանն Շամրնի : Եւ զի ասաց՝ եթէ «Եկեր ինքն և նա և ընտանեակքն իւր», , յայտ է՝ եթէ մեծատուն էր կինն, և վասն մարդակոտոր սովոյն արձակեաց զընտանեակսն իւր, զի երթիցեն հնարիցեն ուրեք ուրեք և կեցցեն : Իսկ իբրեւ բազմացաւ նմա ալիւրն, ժողովեաց զայնոսիկ՝ զորս առ ՚ի չգոյէ կերակրոցն հանեալ ցրուեալ էր զնոսա :

Ըրդ որպէս տրամեցոյց զնա նա՞ ՚ի ձոր անդր ցամաքելոյ աղբերականն, սոյնպէս տրամեցոյց զնա և ՚ի ծարփաթ մահուամբ որդւոյ այրւոյն : Բայց տրու

մութի նորա յուրախութի դարձաւ . զի յարութի մանկանն զառաքինութիւն 'ի մէջ հեթանոսաց ետ նմա : Կա առ զմանուկն և հան զնա 'ի վերնատունն . և զմայրն և ոչ 'ի ժամ յարութե որդւոյն իւրոյ ետ նմա կոխել զսեմս վերնատանն : Եւ զի կռեցաւ 'ի վերայ նորա երիցս անգամ, զի նկարեացէ զխորհուրդ զրն երրորդութե : Եւ կոչեաց և դարձոյց զողի մանկանն 'ի մարմին անդր, զի նկարեացէ զտիպս այնորիկ՝ որ 'ի ձայն փողոյն հանդերձեալ է արկանել զհոգիսն 'ի մարմինս ամենայն որդւոց մարդկան : «Տես ասէ, զի կեաց որդի քո » . այն զի ամենայն աստուածքն հեթանոսաց ոչ կարէին կեցուցանել զնա : Եւ զի աւսաց՝ եթէ «Այժմ՝ գիտացի եթէ մարգարէ ես դու ւնի, և բանն տեսաւն 'ի բերան քո ճշմարտութիւն » . վասն զի թէպէտ սափորովն և սրուակաւն՝ զի սերացան և աճեցուցին որ ինչ արկեալ էր 'ի նոսա, և եղև խիստ տարրն անխաղաց սափորոյն և սրուակին՝ արմատք գնայունք և աճունք, և ցուցին զպտուղն, զալիւրոյն և զիւղոյն՝ որպէս և ծառ զպտուղն իւր, երևեցաւ և յայտ եղև՝ եթէ դու ես այն՝ որ զերկինսն կապեաց, բայց սակայն կենդանութիւն մեռելոյ՝ որ դու տաւս 'ի քեզ՝ ճշմարտեալ գիտացի, զի բանիւն տեսաւն զամենայն ինչ զոր և կամիս՝ առնես դու . այս ինքն և զերկինս կարող ես լուծանել դու :

Եւ զթէպէտ և լուծեալ էր զերդունմն Եղիայի 'ի ծարփաթ առաջի ւնի, բայց սակայն տունն Ախաբու այսմ չէին գիտակ . զի վասն այսորիկ ասաց զնա տէր իւր . «Անց երթ տես զԱխաբ, և տաց անձրև 'ի վերայ երկրի » : Բայց սակայն ոչ ինչ դժուարեցաւ նա, խանձայոյզ քինախնդիրն, և ոչ երկեաւ անգամ 'ի սպառնալեաց անտի Եզաբէլի . այլ անց երևեցաւ նախ Աբովդայ՝ որում արժանին էր, և առաքեաց զնա տալ աւետիս արքայի և ժողովրդեանն վասն անձրևու : Բայց երկեաւ զահի հարաւ Աբգիա, զի գուցէ եթէ առնուցու զնա հոգին ւնի և արկանիցէ 'ի տեղի ուրեք, որպէս 'ի ձորն և 'ի ծարփաթ, փակեաց Եղիա զաճն իւր ընդ երդմամբ՝ զի ճշմարտեալ հաւատասցէ Աբգիու, և երթիցէ ցուցցէ արքայի : Ծոյց նմա Աբգիա և զկոտորած մարգարէիցն զոր կու

տորեացն եղաբէլ . և զի թաքոյց նա հարիւր մարդա-
րէ , և կերակրեաց զնոսա հացիւ և ջրով , զի աստի
և յայսմ բանէ կարի նախանձայոյզ եղև Եղիա՝ եթէ
որպէս արարն իզաբէլ՝ արասցէ նմա . այս ինքն զի
ոտուգուծքն կոտորեսցէ զքուրմնն Բահաղու վրէժ-
խնդրութե մարգարէիցն ճշմարտութե զոր կոտո-
րեացն անօրէնութիւն իզաբէլ :

Ղոգաւ Արդիու ըստ բանի մարգարէին , և ասաց
ցարբայն՝ եթէ ահա առիկ է Շղիա : Ողն բեկեցաւ Ա-
խաբու , և եկեալ ընդ առաջ Եղիայի : Արդ թէ-
պէտ և ընդ առաջ գաին Ախաբու թուէր այսպէս՝
եթէ պատուելով պատուեաց զմարգարէն , բայց սա-
կայն պատգամօքն բանիցն իւրոց թշնամանելով թըշ-
նամանեաց զնա : “Դու ես , ասէ , խռովիչն Խորայելի” .
այս ինքն չարչարիչդ Խորայելի . իսկ Եղիա դարձոյց
անդրէն ըստ ձախող բանիցն նորա ձախողակի պատառ-
խանի և ասէ . ես ոչ ինչ խռովեցուցի զԺողովուրդն ,
այլ խռովեցուցեր դու և Զամբրիեայ հայրն քո . զի
նսրողեցէք դուք զերկրպագուի որթուցն ձուլածոյ ,
և այսպանեցէք զսուրբ օրինօքն Մովսէսի . զի վասն այ-
սորիկ արգելան երկինք , և տառապեցաւ Ժողովուրդս
’ի նեղութենէ սովոյ :

Եւ պատասխանի Եղիա՝ և ասէ ցԱխաբ . “Հրա-
ման տուր Ժողովել զամենայն Խորայել՝ ’ի Կարմե-
ղա” : Զի իբրև ցուցցէ զսքանչելիսն առաջի Ժողո-
վորդեանն , և ծանիցէ ամենայն Խորայել՝ եթէ չէ կա-
նուխգիտութիւն ’ի մարգարէսն Բահաղու , այնքիկ՝
վասն որոց կարծէինն զայս . զի եթէ գիտացեալ էր
նոցա՝ եթէ սատակին կոտորին , ոչ ելանէին նոքա ’ի
Կարմեղա՝ ի մեծ նեղութիւն : Իսկ իբրև Ժողովեցանն
և եկին միահամուռ , խօսել սկսաւ Եղիա և ասէ .
մինչև ցերբ բաժանեալ եմք մեք ’ի տանէն Յուդայի .
արդ եթէ տէր է նձ , որպէս և յուգայեանքն ա-
սեն և քահանայքն և ճշմարիտ մարգարէքն նոցա ,
երթիցուք զկնի նորա . և եթէ Բահաղ է , որպէս և
օուտ քուրմնն նորա վկայեն , երթայք զկնի նորա .
թողեալ լիցին ’ի բաց նշանքն եգիպտացւոց և անա-
պատին՝ զոր ինչ արարեալն է ձեզ տեառն , և արդ
մոռացօնք եղեն : Արդ արասցուք այժմ ես և նոքա

զոգջակէզս պատարագաց առանց հրոյ . և որ նա իջուացէ զհօւր 'ի վերայ պատարագին, նոյն է այն՝ որ իջոյց զհօւր և զկարկուտ յերկիրն եգիպտացւոց :

Իսկ իբրեւ արարին նոքա յառաջ և շինեցին զսեղանն, և արգելին ընդ նովաւ այր մի հանդերձ կրակաւ, ութ հարիւր և յիսուն մարգարէք էին Բահաղու, ոչ ումեք ետուն մերձենալ 'ի ժամուն իբրեւ շինեին զսեղանն : Արդ ապաստան յայրն՝ եթէ վառէ զհօւրն յանկարծակի 'ի վերայ սեղանոյն, ետուն զանձինս իւրեանց՝ որում ոչ էին սովոր խնդրել զհօւր յաստուածոցն իւրեանց : Յաղօթս եկաց Եղիա 'ի ծածուկ . և զոր օրինակ դարձոյց 'ի վերնատանն զոգի մանկանն 'ի մարմին անդ, սոյնպէս մերկաց զոգիսն 'ի մարմնոյն այնորիկ՝ որ 'ի ձեռն հրոյն իւրոյ կամէր սպանանել զամենայն Խարայէլ : Իսկ իբրեւ այրն մեռաւ, ունչս առնէր այլանէր Եղիա զնոսա և զաստուածն իւրեանց մինչև ցինն ժամ :

Ահաւ ապա ինքն մատուցանել զպատարագն իւր, և ասէ ցամենայն ժողովուրդն . եկայք մատերուք առ իս : Եւ այսու զի մերձեցոյց զժողովուրդն իբրեւ շինէր զսեղանն՝ զի նոքա ոչ մերձեցուցին, այլ բացէ 'ի բաց պահէին զնոսա : Եւ ջուրքքն՝ որ արկ 'ի վերայ փայտիցն սեղանոյն, յայտ արար և ցոյց՝ զի առաջնոցն ընդ սեղանովն ծածկեալ էր զհօւրն . և ցուցցէ և ծանուցցէ, զի ոչ եթէ ընդդէմ օրինաց ինչ արար նա այսու՝ զի շինեաց նա զսեղանն առ 'ի մատուցանել պատարագին 'ի տեղւոյ՝ ուր չէր հրամայեալ օրինացն : Ասաց՝ Թէ "Եւ այսօր 'ի ձեռն հրոյս՝ որ իջանէ, յայտնի լիցի անուն քո, որպէս զի յայտնին եղև 'ի ձեռն նշանացն՝ զոր արարեր ազգին աբրահա մեան 'ի ձեռն Մովսիսի . զի դու ես նա, և ես ծառայ քո, և 'ի պատգամ հրամանի քո արարի ես զայս" . այս ինքն քով՝ հրամանաւ շինեցի զսեղանս զայս : Եւ էջ հօւր յերթից, և եկեր զպատարագն և զքարն և զփայտն և զհողն և զջուրն . որպէս զի ցուցցէ և հօւրն վերնական երկնաւոր բարձանց՝ զի չէր ինչ նենգութի ընդ սեղանովն Եղիայի : Ժողովուրդն իբրեւ ետես՝ խոստովան եղև առ ժամ մի պատ 'ի պառտէ՝ եթէ տէր նա, տէր ած : Հրամայեաց Եղիա դու-

նեւ զմարդարեան Բահաղու . և ոչ հրամայեաց այլում ումեք օպանանել զնոսա , զի մի կորուսցէ զնոսա եզարել վրէժինդրութիւն մարդարեւիցն : Եցոյց Եղիա 'ի ձեռն հրոյն՝ զոր իջոյց 'ի վերայ պատարագին իւրոյ՝ թէ տէր է անձ , և չիք այլ որ բաց 'ի նմանէն : Եւ հաշտեցոյց զստուգութիւն զհնամամբ քրմացն Բահաղու :

Եստեւ կալաւ Եղիա և ասէ . “Ձայն գոյման անձրեւու .” . Կանխեաց մարդարեացաւ վասն անձրեւուն , զի եղիցի կրկին սքանչելիքն : Եւ եւ 'ի լեռուն Կարմեղա ծունր զնեւ մատուցանել զաղօթս յանդիման ժողովողեանն , զի ուսուցէ թէ յաղօթիցն նորա արձակին երկինք 'ի կապանաց անտի բանին . մատոյց զաղօթս , զի ուսուցէ թէ առ ո կայցեն յաղօթս : Եւ զի մատոյց եւ թն անգամ զաղօթսն , զի խրատեցէ զնոսա՝ զի եթէ ոչ լինին ընդունելի 'ի ժամաղօթիցն , մի հեղգասցին մատուցանել զաղօթսն յերկար անձանձրոյթ : Դարձեալ վասն զի եւ թն անգամ պաշտեցին զծառայութի սովոյն՝ եւ թն անգամուն . որպէս և յեւթներորդ ժամուն արձակեցէ զնոսա 'ի ձեռն անձրեւուն 'ի ստրկութիւն սովոյն :

Երդ Ախաբ փոխանակ պատուելոյն զԵղիա վասն սքանչելեաց հրոյն և անձրեւոյ , և նստուցանելոյն զնա ընդ իւր 'ի կառս անդր , արար նմա անարգութիւն մինչև ցեղրայել . առաջի կառացն ընթացոյց զնա : Աւաքեաց առ նա և իզարէլ , թէ “Օն և զն արասցեն ինձ աստուածքն , եթէ ոչ վաղիւ 'ի սոյն ժամու արարից զանձն քո իբրեւ զանձն միով 'ի նոցանէն ,” : Արդ վաղիւն զի՝ առաքեաց առ նա . թէ մինչ երթայ ժողովուրդն յիւրաքանչիւր տեղիս՝ որ տեսին զսքանչելիսդ . քանզի երկնէն նա զի գուցէ քարկոծեացն զնա , վասն զի օպանանէր նա զմարդարեւն՝ որ լոյծ զկապան երկնից : Երկեաւ նա 'ի մահուանէ , իբրեւ ոչ էր հանդերձեալ նա ճաշակել զմահ , զի եղիցի նա տիպք տեառնն մահու , զի վասն մարմնոյն որ զգեցաւ ընդ երկիւղիւ մահու հնազանդեցաւ նա : Զի եթէ 'ի մահուանէ երկնէն նա , ոչ խնդրէր նա զմահն ընդ

1 Երկնակին 'ի աստուծոյն . եզաւ ըստ լուսանցիցն :

բեկեկնեաւն . և եթէ դարձեալ ընդ բեկեկնեաւն ևս խնդրէր զմահն , ընդէր փախստեայ երթայր յերեսաց եղաբէլի :

Ընդ փախեաւ նա 'ի մահուանէն Յեղաբէլի . զի մի' ասիցեն եթէ Բահաղ մատնեաց զնա 'ի ձեռն Իզաբէլի , զի առցէ 'ի նմանէն զվրէժինդրութի ութ հարիւր մարդարեիցն . և խնդրեաց զմահ 'ի տեսանէ իւրմէ , զի ցուցցէ թէ ոչ երկնչի նա 'ի մահուանէ . այլ 'ի ձաղանայն որ յետ մահունէր , երկեաւ նա և փութացաւն փախել : Եւ զի ասաց ցնա տէր իւր , եթէ “Մեծ է ճանապարհդ քան զքեզ” , յայտ աւարտ' զի եթէ ոչ ուտես դու այսօր և ըմպես , զօրաւ նայ քան զկար զօրութե' քո թիւ քառասուն աւուրցն , որ պատրաստեալ ես ծոմել 'ի ճանապարհիս յայսմիկ : Չոգաւ հաս նա 'ի Քորեբ , ագաւ յայրին . և իբրև հարցանէր ցնա Խծ , բաց նմա դուռն , զի ասացէ վասն երթալոյն իւրոյ 'ի Քորեբ , և ասաց . նախանձելով նախանձեցայ զնախանձ տեսուն , և արգելի զերկինս . վասն զի թողին ժողովուրդն զուխտն քո՝ զոր ուխտեցին յայսմ լերին պաշտել զքեզ , և փոխեցին զքեզ ընդ Բահաղու ընդ դիսն օտարոտիս . զմարդարեաս քո սպան իզաբէլ , և ես միայն մնացի , վասն զի ծածկեաց զիս ձեռն քո 'ի ձորն և 'ի ծարփաթ , և ահա առաքեաց առ իս առնուլ բառնալ զանձն իմ :

Ըն իբրև ետես ցնա եթէ որով նախանձու եկն 'ի Քորեբ , չարչարեաց զժողովուրդն սովով , և կոտորեաց զմարդարեան Բահաղու փոխանակ մարդարեիցն ճրշ մարտութեան , և սակայն 'ի նախանձուէ անտի իւրմէ ոչ ինչ կակղացաւ , ասէ ցնա . “Եւ դու յայրէ այտի” : Եւ կաց առաջի տեսուն , զի այնու իւրիք զոր ինչ առնէրն նա , եղիցի նմա ինքն տէր օրինակ և նմանութի , զի նմանեցի նա նմա : Ահա , ասէ , առնէ տէր զհողմ սաստիկ . բայց ոչ եթէ 'ի հողմ սառտիկ՝ որ պատառէ զլերինս , և ոչ 'ի շարժումն՝ որ շարժէ զերկիր 'ի հիմանց անտի , և կամ 'ի հուրն՝ որ այրէ զանտառս՝ յայտնի տէր 'ի վերայ քո . այլ 'ի խօսս մեղմ և 'ի կակուղ բանս , այն որ ասացն ցքեզ եթէ զինչ գործես աստ , Եղիա : Չոր օրինակ թող

տէրն քո զսաստկութի՛ն հողմոյն և զգօրաւորութիւնն ու ժգնութեան շարժմանն և զգազանութիւն հրոյ , և յայտնեցաւ 'ի վերայ քո մեղմ' խօսիւք և կակուղ բանիւք , և դու ըստ նմին օրինակի ընկեա 'ի բաց զնախանձն որ բորբոքեալդ է 'ի քեզ անաչառ ստուգութեղ 'ի վերայ մանկանց ժողովրդեան քոյ , և լեր վամս նոցա բարեխօս , և մի գրգռիչ :

Եւ յետ այսորիկ իբրև եղև նմանութի՛ն օրինակի , զի փոխեցի նա 'ի նախանձուէ անտի իւրմէ 'ի քաղցրութի՛ն , դարձեալ ասաց ցնա . “Զինչ գործես աստ , Եղիա ,” : Սակայն և յետ այնորիկ ոչ կակղացաւ և ոչ փոխեցաւ նա 'ի նախանձուէ անտի իւրմէ . զի չարախօսելով չարախօսէր նա զմանկանց ժողովրդեան իւրոյ իբրև զառաջինն : Եւ արդ զինչ իցէ այս , զի 'ի տեղւոջն յորում հաշտեցոյց Մովսէս զնձ ընդ երկրպագուան ձուլածոյ որ(թագլխին՝ Եղիա բորբոքեալ մատուցեալ էր զցասումն նորա 'ի վերայ երկրպագուաց Բահաղու . և 'ի լերինն՝ ուր ասաց նձ ցՄովսէս , եթէ “Թոյլ տուր ինձ , Ծնօնցից զժողովուրդս զայս ,” , 'ի նրմա մատուցեալ կայր նձ 'ի խնամս ժողովրդեանն 'ի ժամանակի՛ զի խնդրէր Եղիա կորուսանել զժողովուրդն : Եւ վամս զի մեղաւ ժողովուրդն յոր(թագլուխ անդր , քաղցրութիւն Մովսիսի մատուցանէր զհաւանութանաչառ ստուգութեան տեառն նոցա , զի մի Ծնօնոցէ զնոսա . իսկ այսօր իբրև մեղան և երկիր պագին Բահաղու և կռոցն օտարոտուոց , և մարգարէն՝ որ մնաց 'ի մէջ նոցա՝ մատուցեալ կայ օտիս վամս նոցուն քի նախնդիր նախանձուն իւրով առաջի այ : Իսկ նձ իբրև ետես եթէ կալան կապեցան հերբայեցիքն 'ի մեղս իւրեանց , և որ 'ի ժողովրդենէն իւրեանց ոչ կարէր իբրև զՄովսէս կարկատել զխրամս յանցանացն իւրեանց , ինքն նձ խմսարհեցաւ յորդառատ քաղցրութիւն , հաւանեցոյց ընդ նոցա զստուգութիւն՝ որ գործովքն և արդեամբքն նախանձայոյզ քինախընդրութիւն բորբոքեալ էր 'ի վերայ նոցա :

Երդ առաքեալ տէր զԵղիա զի օճցէ զԱզայէլ բաւնիւ , և զԱհոյ ' իւղով , և զԵղիշէ նափորտամբն . զի

Ազայել կորուսցէ զժողովուրդն՝ որ ոչ հաւատաց
հրոջէ և անձրեւոյն, և Յահով կորուսցէ զտունն
Ախաբու և զքուրմնն՝ որ երկրորդեցին և կացուցին
Բահաղու, և Եղիշա կորուսցէ զայնսոսիկ՝ որ այգա-
նէին զվերանալ վարդապետին իւրոյ . և Եւթն հա-
զար՝ զի Թող 'ի ժողովուրդենէն՝ որ էին յաւուրս Դաւ-
թի հազարք հազարաց, ուրախ արար և խնդացոյց
զԵզրա՝ եթէ գոն որ աշակերտեցան քեզ, զի մի եր-
կիր պազցեն կուոցն Բահաղու . Թէպէտ և յերկիւ-
ղէն Եզրաբէլի կասկածեն յայտնապէս գոհանալ յիս :
Արդ այսպիսի Եւթն հազարս՝ նոքա հաւատացին
մարգարէին, և եկին 'ի Շամբնէ յոր հասարակին, և
կուտեցին զգօրս բազումս որդւոյ Ադերայ Բարհա-
դադու, և զերեսուն և զերկուց Թագաւորացն՝ որ ընդ
նմայն էին : Եւ սոքա դարձեալ 'ի միւս ևս ամ կուտ-
րեցին յաւուր շաբաթու հարիւր հազար հետեակ, և
երեսուն և երկու զօրագլուխս՝ որ էին ընդ Բարհա-
դադու : Արդ զԲարհադադ զայս որ կամէին սպանա-
նել զժողովուրդն, մատնէ զսա տէր 'ի ձեռս Ախա-
բու, զի փորձեսցի սոփաւ : Արդ Ախաբ փոխանակ
ընդ սպանելոյն զնա, որպէս և տուաւ նմա հրաման,
առ նստոյց զնա ընդ իւր 'ի կառան, և խաղաղութի
յաշխարհն իւր արձակեաց զնա . զի յայտ լիցի Ախա-
բու՝ եթէ ոչ ողորմութի ինչ արար զայն, այլ զպա-
տուէր հրամանին որ տուաւ նմա՝ փութացաւ ան-
արդել :

Հար կառափնատեաց մարգարէն զընկեր իւր պատ-
գամուն տեառն : Իբրեւ այն առաջին՝ որ ռն կառափ-
նատեացն զնա, նայելով նայեցաւ յօրէնս՝ զի ասաց,
եթէ կառափնատուի փոխանակ կառափնատուէ : Եւ
թուեցաւ նմա եթէ ոչ ասէ նմա 'ի ձեռն մարգա-
րէին հակառակ ընդդէմ այնորիկ՝ որ ինչ ասացեալ
է յօրէնսն : Զի վասն այսորիկ բեկ զնա առեւծ, զի
պահեաց նա զօրէնսն, վասն զի կամեցաւ զտէր և
զւծ օրինացն ընդ օրինօք փակել : Եւ իբրեւ կառափ-
նատեցաւ մարգարէն յընկերէն իւրմէ, և շաղախեաց
մոխրով զերեսս իւր, զի մի գիտացցէ արքայն Թէ 'ի
մարգարէից որ իցէ, և ոչ առնուցու զտեղի լսել ըզ-
դատ նորա, աղաղակեաց և ասաց ցարգայ, եթէ ծա-

ուայ քո եմուտ 'ի Ճակատ եղովմայեցւոց, և այր մի հերբայեցի ած ետ ցիս այր մի յեղովմայեցւոց, և ասաց ցիս . եթէ կորիցէ այրդ, անձն քո փոխանակ ընդ նորա, և կամ քանքար մի՝ զի ոչ գոյ իմ՝ կշուեցից տաց փոխանակ ընդ նորա : Եւ ծառայ քո մինչդեռ նայէր յայս կոյս յայն կոյս՝ ոչ յաւարել կամ 'ի ժլատել ինչ, որպէս և դատարկ ձեռքս իմ վկայեն ինձ, այլ 'ի մարտնչել և 'ի կոտորել՝ որպէս և վերքս գլխոյ իմոյ ճշմարտեալ ցուցանեն վասն իմ . և ինդրեցաւ այրն, և ոչ գտաւ : Եւ արդ այժմ տէր իմ, փրկեա զիս 'ի ձեռաց ազգակցին իմոյ, զի կամի առնուլ զանձն իմ փոխանակ օտարական անձինն՝ որ կորեաւն յինէն : Իսկ Ախաբ ողորմած՝ հրամայեաց կորուսանել զանձն մարգարէին փոխանակ օտարին՝ որ մատնեցաւ 'ի ձեռս նորա, և ոչ պահեաց զնա :

Իսկ մարգարէն իբրեւ ետես զճախող դատավճիռ թագաւորին, անդրէն և անդ փութացաւ անցոյց զարիւնս յերեսաց իւրոց, և ասէ ցարքայն, եթէ զդատաստանաւդ զոր դատեցերդ զիս անօրէնութիւն, դատեսջիր դու անաչառ ստուգութիւն . յինէն կորնչելով կորեաւ այրն, վասն որոյ 'ի մահս հրամայեցեր մատնել զիս . բայց Բերհադադն զոր մատնեաց 'ի ձեռս քո, ոչ այլ դէ՛ այլ տէր ինքնին, նա ոչ եթէ կորնչելով կորեաւ 'ի քէն, այլ դու քեզէն քոյին արձակեցեր զնա յաշխարհ իւր՝ խաղաղութիւն : Մեռջիր արդ այսուհետեւ դու ինքնին ընդ նորա, փոխանակ զի ապրեցուցեր զայրն զամպարիշտ և զնզովեալ . և զօրդ քո զի ոչ կացին ընդդէմ քո վասն սորին իրի, կորիցեն և նոքա ըստ նմանութե Բերհադադու զօրացն՝ զոր կորուսերն դու : Արդ զԱխաբ արքայ զոր ուրախն արար յաղթութիւն՝ որ եղև նմա, տրտմեալ խռովեալ մեծաւ թախծիւ դարձոյց անդրէն 'ի Շամրին :

Իայց ինքն ողորմածս այս՝ որ ողորմեցաւն 'ի վերայ Բերհադադու անօրինի և նզովելոյ, և վասն զի ոչ կամեցաւ նաքովթ այր արդար տալ նմա զայգին իւր, զի արասցէ զնա պարտեզ սերմանեաց, և դիցէ 'ի նմա զկուռս և զմեհեանս, որպէս և Եսայի իսկ մարգարէ նախատէ զնոսա՝ եթէ « Զոհէին 'ի պարտեղս, և ուտէին զմիս խոզի », վասն սորին իրի զի

ոչ եղեն նորա կամք նիւթել զնիւթս չարեաց առ ՚ի կորուստ անձին իւրոյ, և ուղղել զկուռմն մեհն նիւքն հանդերձ յայլոց վիճակի՝ զոր կամէրն առնուլ զբաժինն արդարոյ ժանտութիւն և անօրէնութիւն, դայ մտանէ ՚ի տունն իւր մեծաւ տրտմութիւն . մտաւ նէր առ նա և իզարել քաջաբանիկ արբանեակ սաւ տանայի՝ նիւթիւն մեղաց և անօրէնութիւն . և ընդ նա և իզարել խորհուրդ առեալ ՚ի մէջ երկոցունց՝ երկուք յերկուց մատուցեալ գրէին զթուղթն խարդալ խութե քարկոծել զՆաբովթ հանդերձ որդւովքն վամս վիճակին ժառանգութեան արդարոյն, որում ակն եղեալ կորզէին ՚ի նմանէն զժառանգութիւնն . որ փոխանական և սպառսպուռ գնովքն ոչ կամեցաւ տալ նմա, ճրի՝ իբրեւ ժառանգորդաց Նաբովթայ դարձցի առ նոսա : Արդ թէ և արգել Նաբովթ՝ այր արդար՝ զայգին, համարեա իբրեւ զԲերհադադ՝ որ աւսացն ցնա, եթէ “Վանայք քո և որդիք քո իմ են” : Արդ եթէ զայն՝ որ մեծն էր՝ թող՝ Բերհադադու օտարին, զայն՝ որ փոքրս էր՝ ոչ թողոյր նա արդարոյն՝ աղգակցին իւրում :

Իսկ իբրեւ էջ Ախսաբ խրատուն Եզարէլի ժառանգել զայգին, որոյ տեարքն իւր քարկոծեալք էին, առաքեցաւ Եղիա և խայտառակեաց զգործն ամօթոյ . որ թուէր նոցա եթէ նոքա միայն միայնուկ երկուք յերկուց գիտեն զնա : Ասէ ցնա . “Ահա սպաներ և ժառանգեցեր” . և ահա իզարել ինքն սպան և ժառանգեաց : Զի եթէ ոչ հաղորդեալ էր ՚ի սպանման անդ, ոչ զրկէր նա ՚ի ստուգութենէն՝ որ քաւիւն է զրկելոց : Իսկ իբրեւ եդ զդատվաճիռն մարդարէն, և եդ զտունն նորա յաւեր յանմարդի, և զնա և զկին նորա շանց, վասն զի ոչ էր անդ փնասակարն նորա, ապաշխարեաց նա և պատառեաց զգետտ իւր : Իսկ ամ որ ետ զհաւանութիւն Եղիայի փոխանակ ժողովրդեանն ՚ի քորեք, դարձաւ ետ նմա հաւանութիւն փոխանակ Ախսաբու յեզրայէլ : “Տեսերդու, տես, զի ամաչեաց Ախսաբ յերեսաց իմոց” : Արդ վասն քրձաղգած լինելոյն և բոկ գնալոյն նորա

ոչ ածից ես զգարիս՝ զոր ասացի 'ի վերայ տանն նորա զաւուրս կենաց նորա, այլ յաւուրս որդւոյ նորա ածից ես զգարիս 'ի վերայ տանն Ախարու, եթէ իբրեւ լսէ զգատավճիռս զայս և ոչ ապաշխարէ առաջի իմ:

Յետ այսորիկ մատուցանէր Ախար զհաւանութիւն Յովսափատ արքայի, զի երթիցէ ընդ նմա 'ի հռամադ Գաղաադ, զի բռնաբարեաց հան 'ի նմանէ Բերհադադն այն զոր ապրեցայցն: Ասէ ցնա Յովսափատ. «Հարց տերամք, և եթէ հրամայէ, գամես»: Արդ մատուցեալ Ախար հարցանէր ցորեքհարիւր մարգարէսն Բահադու, և ետուն նմա հաւանութիւնս՝ զի երթիցէ: Յաւել դարձեալ Յովսափատ, և խնդրեաց մարգարէ ճշմարտութեան: Ասէ ցնա Ախար. «Կայ աստ մարգարէ մի Միքա անուն՝ որդի Ամդեայ. բայց ես ասեցի զնա, զի ոչ մարգարէսնայ 'ի վերայ իմ զգարի ինչ»: Ասէ ցնա Յովսափատ. «մի այդպէս ասեր արքայ և զրպարտեր զնա. առաքեաց զքեզ երկիցս անգամ 'ի վերայ թագաւորիս այսորիկ եդովմայեցւոց, և սակաւուքն յաղթեցեր զբիւրսն որ ընդ նմայն էին. և եթէ զգան նորա լուեալ էր քո, և սպանեալ էր դժերհադադ յառաջին պատերազմն, ահա և զքեզ և զմեզ արգելեալ էր քո յայսմ պատերազմէ: Առաքեաց Ախար ներքինի մի, զի հաւանեցուցէ զնա, որպէս զի միաբանեսցի և նա 'ի բանին զոր ասացին չորեքարիւր մարգարէքն Բահադու. և ասացէ նա իբրեւ զնոսա: Իսկ Միքա քանզի ցարդ ևս ոչ գիտէր զպատգամն տեառն զինչ իցէ, սահմանեաց զանձն իւր ընդ երդմամբ, և ասէ յանդիման ներքինւոյն՝ որ մատուցեալ տայր նմա զհաւանութիւնս, եթէ «Կենդանի է տէր, բայց եթէ զոր ինչ ասացէ ցիս տէր՝ զայն ասացից»:

Իսկ իբրեւ եկն մարգարէն առ Ախար, և եհարց ցնա. «Արդարեւ ասա, Միքա, դու զի՞ ասես. երթիւ ցո՞ւք 'ի մարտ պատերազմի եթէ ոչ. օրէն իցէ, պատշաճ իցէ, լաւ իցէ, բարւո՞ք իցէ. դու զի՞ ասես ըստ պատգամացն տեառն»: Եւ վասն զի ոչ յայտնեցաւ տէր 'ի վերայ մարգարէին ցարդ ևս, ասաց ըստ բանին նորա. «Երթ, ասէ, որպէս և կամիս. և մատ

նեացէ զնոսա տէր 'ի ձեռս քո, արքայ:», Իսկ Ախար վասն զի կարծեաց եթէ զայս և եթէ կալաւ յանձին ասել հաւանութիւն ներքինւոյն՝ որ չողան զնմանէն, մատեաւ երդմնեցուցանել զնա բազում անգամ առ 'ի հաճել զմիտմն Յովսափատու: «Գէն քո, ասէ, փարելի քո: մի զայլ ինչ ասեր, այլ զՃշմարիտն՝ որ արդարն է», Իսկ մարգարէն իբրեւ ստիպեցաւ ասել զՃշմարիտ զրոյցն, եղև 'ի վերայ նորա տեսիլն հոգւոյ վասն մահուն Ախարու, և վասն ցրուելոյ Ժողովրդեանն, և ասէ. «Տեսի ես զԽորայէլ զի ցրուեալ 'ի փախուստ դարձեալ 'ի վերայ լերանց իբրեւ խաշինա՝ որոյ ոչ գուցէ հովիւ: Խօսել կալաւ տէր և ասէ. ոչ գոյ արքայ այսոցիկ. դարձցի ամենայն մարդ յիւրաքանչիւր տեղիս խաղաղութիւն», Իսկ իբրեւ վառեցաւ Ախար ցասմամբ 'ի վերայ մարգարէին, կրրկնեցաւ անդէն տեսիլն առ նմին: Եւ փոխանակ զի ծածկեսցէ զիրան 'ի սպանողէն մարգարէից իւրոց ընկերացն, փութացաւ յայտնեաց զնա առաջի կորուս չին իւրոյ հաղորդակցացն: «Տեսի ես, ասէ, զտէր զի նստէր 'ի վերայ ակռուոյ, և հրեշտակք կային ընդ աջմէ և ընդ ահեկէ նորա: Խօսել կալաւ տէր և ասէ ցնոսա. ով 'ի ձէնջ հրապուրէ զԱխար, զի ելցէ և անկցի 'ի Հռամադ Գաղաադ:», Իսկ այս՝ զոր ասէս՝ թէ սա ասաց այսպէս, և միւսն ևս նոյնպէս, նուրբին իսկ են կողմանքն երկոքին երկոցունց դասուցն. զի ասէին՝ եթէ ոչ հրապուրեմք մեք զնա, զի մի ելցէ և մեռցի 'ի մեղս իւր. Ճշմարիտ մեք մեք խնդացողք, ուրախ եղեալք ընդ ապաշխարօղս. և չեղեալ մեր երբէք սուտք կորուսիչք մեղաւորաց:

Իսկ իբրեւ փորձեցան անցին 'ի հանդիսի կողմանքն երկոքեան երկոցունց դասուցն՝ ձեռն հարցունածոցս այսորիկ, և մի ոք 'ի նոցանէն յամենեցունց ոչ կալաւ յանձին ընտրել իւր զայս, ահաւասիկ այս չար մուտ և կաց առաջի տեառն՝ իբրեւ ոչ կամեցաւ, և ասէ. «Ես աւասիկ, տէր. ես պատրեմ և հրապուրեմ զնա», Եւ զի ցուցցէ և յայտ արասցէ անձ, եթէ զոր օրինակ հեռի է 'ի մտանելոյն նորա, այնու՝ զի իբրեւ ոչ կոչեցաւ և եկն յատեան հարցունին, սոյն պէս հեռի է և 'ի խորամանկութեց նորա: Հարցաւ

նէ ցնաւ և ասէ . « Զինչ այն ինչ իցէ որով իւր չրապուրեսցես դու զնա . ետ պատասխանի և ասէ . ես ելից և եղէց . հոգի անօրէնութե ստուծէ խաբէուէ 'ի բերան ամենայն մարգարէից նորա : Ասէ ցնա տէր . զի եթէ մոլորութիւն զոր ընտրեալն է իւր Ախարու՝ մոլորեցուցանես զնա ; կարես դու և առնելոց ես , ել և արա սոյնպէս , : Այս ինքն , ել 'ի չրապուրել , և ոչ 'ի հնազանդել և 'ի հաւանեցուցանել և ոչ վարել բռնի :

Երբ իբրև պատմեաց Միքա զտեսիւն , ապա մեկ նեաց համառօտիւ և ասաց , թէ տէր ետ զհոգին անօրէնութե 'ի բերան մարգարէից քոց : Բայց սակայն տէրն որ ասաց 'ի վերայ քո զչար 'ի բերան մարգարէից քոց , ինև բարի արար առ քեզ : Քանզի ցոյց քեզ ինև որ ինչ խորհուրդ խորհեցաւ վասն քո , զի եթէ արգելցիս և զտեղի առցես 'ի պարտուցն և 'ի մահուանէն Հռամադ Գաղաադու , կարճեալ լինիս և ապրիս : Իսկ Ախար փոխանակ չնորհ ունելոյ Միքիայի , զի արգել զնա 'ի մահուանէ , և զմարգարէան նորա 'ի սրոյն սուսերի , և շեղաբէլ յայրութէ , առ մատնեաց զնա 'ի բանա բաստարանին , իբրև տային ուտել նմա զուռնիկ նեղութե , և տային ըմպել նմա ջուր չար առ վատէ ոգեպահ առ ոգւոցն ունելոյ : Զի զոր ինչ ոչ կարաց առնել նմա յառաջ քան զերթալն իւր վասն Յովսափատու , արասցէ նմա յետ դալոյն իւրոյ , յորժամ չուեսցէ և գնասցէ առ 'ի նմա նէն Յովսափատ : Եւ զի ասաց . « Եթէ դառնաս դու խաղաղութե , այլ ոչ խօսի յիս տէր » . զի երկեցուցէ զնա և արգելցէ , զի մի երթիցէ : Եւ զի ասաց՝ եթէ « Լուարուք ամենայն ազգք » , զազգն Յուդայի և զԻսրայէլի՝ որ ժողովեալն էին՝ կոչեաց ազգս : Արդ 'ի ժամ պատերազմին զահի հարեալ երկնէր Ախար . և վասն խղիին մարգարէութեն՝ որ եղև 'ի վերայ նորա , այլակերպի և մոռնէ 'ի մարտ պատերազմի : Եւ վասն զի թուեցաւ նմա եթէ այլակերպութիւն ապրեցուցանէ զնա 'ի դատաւճռէն , զոր ասաց 'ի վերայ նորա տէր 'ի ձեռն մարգարէին , և ահա այր մի մատուցեալ ձգէր նետ 'ի մտաց իւրոց հանդարտագոյն մտադիւրութե խառն 'ի խուռն հեքրայե-

ցւոցն՝ որ փախստեայն երթային. յերեսաց նոցա . և հար զԱխաբ ընդ ոգոս զրահիցն : Վասն զի յուսացաւ 'ի նա . զի թէպէտ և եկեսցէ , ասէ , նետն , սակայն զրեայքն իւր պահեն զնա : Մեռաւ երեկորի , որպէս զի եղիցի տեղի շանցն 'ի գիշերի լափել զարիւն նորա , և կատարեսցին նմա մարգարէութիւն Եղիայի մարգարէի :

ԳԼՈՒԽ Գ

ՅԵՏ այսորիկ թագաւորեցաւ Ախազիա 'ի վերայ Իսրայէլի . և հիւանդացաւ յախտ մեծ , և առաքեաց գիտել 'ի Բեղղեբայ կռոցն Ալիկարոնի , եթէ արդարեւ ողջանայցեմ ես : Եւ եկն պատահեցաւ նոցա Եղիա , և առաքեաց 'ի ձեռն նոցա առ տէր իւրեանց , եթէ վասն սորին իրիս վասն որոյ առաքեցեր դու գիտել ճշմարտել , մահու մեռջիր : Իսկ նա փոխանակ զողջանալոյ և երկնելոյ , յարեաւ յղեաց զնրմանէն յսնապետ մի յսնիւք հանդերձ՝ ածել սպանանել զԵղիա : Եւ վասն զի սորա և ընկերք իւրեանց 'ի նոցանէն էին , որք տեսին զհուրն իբրեւ էջ՝ և ոչ ապաշխարեցին , այրեաց զնոսա իջանելովն հրոյ կրկին անգամ : Իսկ զերրորդն վասն ապաշխարութեան՝ իւրոյ կեցոյց հանդերձ յսնիւքն : Արդ եկն էջ Եղիա ընդ երրորդումն առ Ախազիա , և եղ 'ի վերայ նորա զգաւ տալձիւն մահու , իբրեւ կային առաջի նորա ընտանիք և նախարարք իւր . և մեռաւ նա անդէն վաղվա զահի , և թագաւորեցաւ Յովրամ զկնի նորա :

Եւ եղև զի վերացուցանէր տէր զԵղիա , և փորձեաց զաշակերտն իւր , այնու՝ զի ասաց զնա՝ եթէ «կաց մնայ ինձ աստ , վասն զի տէր առաքեաց զիս 'ի Բեթէլ և յերիբով և Յորդանան» : Արդ ելին որդիք մարգարէիցն 'ի Բեթէլայ և յերիբովէ , և յայտնեցին նմա վասն վերանալոյն այսորիկ . զի և ոչ 'ի նմանէն իսկ ծածկեալ էր : Իսկ իբրեւ արգել զնա երիցս անգամ , և ոչ կաց և զտեղի առ ուրեք , ասէ զնա իբրեւ բաժանէր զՅորդանան և անց յայնկոյս . «Իսընդրեա , ասէ , զինչ արարից քեզ» : Ասէ զնա . «Եղիցի

Հոգիդ քո կրկին անգամ 'ի վերայ իմ', • քանզի այն՝ որ էր 'ի քեզ, այս ինքն գործովքն և արդեամբք հոգւոյն, զինչ արար քե՛ւ՝ արասցէ և ինձ 'ի ժողովրդդեանն : Ասէ ցնա • կարի մեծ խնդրեցեր զնեղու թի՛ն ժողովրդեանն • բայց արդ եթէ տեսցես զիս իբրեւ վերանամ ես 'ի քէն, արժանի է ժողովուրդն նեղու թեցս այսոցիկ, և տուեալ լինի քեզ խնդիրն զոր խնդրեցերդ • ապա թէ ոչ տեսցես զիս, խնայեն 'ի վերայ նոցա չնորհքն, և արգելու և ոչ տայ քեզ զոր ինչ խնդրեցերդ :

Եւ մինչ զեռ նոքա խօսէին, և առեալ տայր նմա հրաման, որպէս և ամենայն արդարք որդւոց իւրեանց պահել զպատուիրանս տեառն, յափշտակեցաւ նա 'ի կառս հրեղէնս • և ճշեաց Եղիշա և ասէ • « Հայր իմ, հայր իմ, կառքդ Խորայէլի և հեծեալդ նորուն », • վասն զի աղօթիւք նորա առնուն զքաջու թիւս յաղթութե՛հ հեծեալք և սպառազէնք քաջամարտիք Խորայէլի : Առ նա զմաշկեակն, և 'ի ձեռն մաշկեկին՝ որով բաժանեաց զՅորդանան, յայտ եղև և երևեցաւ որդւոցն մարգարէից Երիքովի՝ եթէ բնակեցաւ հոգին վարդապետին իւրոյ 'ի վերայ նորա : Եւ զի ասացին որդիք մարգարէիցն ցեղիշա, եթէ երթիցեն խնդրեցեն զվարդապետն քո, գուցէ թէ առ ընկեց զնա հոգին 'ի լերինս և 'ի ձորս, որպէս և առաքեաց զնա 'ի ձորն Քառիադու և 'ի Քորեբ լեառն, թոյլ տայր նոցա Եղիշա, զի նոքա ան ձամբ անձանց թացեն զհաւանութիս, և նոքօք ժողովուրդն ամենայն հաւատասցէ՛, եթէ Եղիա յերկինս վերացաւ :

Իսկ որդիքն մարգարէից Երիքովի իբրեւ տեսին զբաժանել գետոյն Եղիշայի, խնդրեցին 'ի նմանէն՝ զի օրհնեացէ նոցա 'ի ձեռն հոգւոյն զըուրսն՝ զոր անէծ Յեշով հոգւով • վասն զի թէպէտ և շինեաց զնա Ախաբ, սակայն զանէծս նորա ոչ կարած առնուլ 'ի նմա նէն • զի վասն այսորիկ ասացին ցեղիշա • զի թէպէտ և նիստ գեղջս գեղեցիկ և ցանկալի է աչաց տեսանելոյ, այլ քուրքս չար են, և երկիրս թափուր մար-

1 Երիւնակին հաստեայի • եղաւ ըստ լուսանցին :

գալթափ նուազեալ 'ի բնակչաց իւրոց : Եւ ասէ ցնդսա Եղիշա . « Բերէք առ իս կուժ մի նոր , և արկէք 'ի նա աղ » . Խորհուրդ Մարիամու , զի նորոգապէս յղացաւ Քրիստոս յարգանդի նորա : Եւ զշուրսն զոր անէծ Յեշուլ , օրհնեաց զնոսա . Խորհուրդ տեառն Յեշուլայ : Եւ այլ ոչ եղև անդ յետ օրհնութեանն վաղամեռ և անձեւ , որպէս և յառաջ քան զօրհնութիւնսն :

Իսկ իբրև ելանէր նա ընդ զառ 'ի վերակն 'ի Բեթէլ , ձաղէին այսպանէին մանկտեակն զվերանալ վարդապետին նորա . և վասն զի զձաղանսն մանկըտւոյն 'ի հարցն իւրեանց ուսեալ էր , և սոցուն դարձեալ քարոզեցին որդիքն մարդարեից որ էին 'ի գեօղնոցա վասն վերանալոյն Եղիայի ' և ոչ կալան յանձին , արդ այն ' որ օրհնեաց զորդիսն Երիքովի , զի հաւատացին յողին զոր ընկալաւ 'ի վարդապետէն իւրմէ , անէծ զմանկտեակն 'ի Բեթէլ , վասն զի այսպանէին զվերանալ վարդապետին նորա . և կերան զնոսա արջքն ' որ ելին յանտառէն ' քառասուն և երկուս մանկունս : Եւ կատարեցաւ 'ի ձեռն այսորիկ բանն այն ' որ ասացաւ բերանով վարդապետին նորա , Թէ « Ար ապրեսցի 'ի սրոյն Յահովայ , սպանցէ զնա Եղիշա » , :

Իւ Միշա արքայն մովաբացւոց իբրև այր մի շպետ ' տայր զհարկս խաշանց Իսրայէլի , և ապստամբեցաւ Յովրամայ որդւոյ Ախաբու . և հաւանեցոյց զՅովսափատ և զարքայն եդովմայեցւոց , ելանել և տալ մարտ պատերազմի միմեանց օգնականութիւն : Իբրև երթային յանապատի անդ , անցին զԷլմն օր , և ջուր ոչ գտաւ : Արդ Յովսափատ ' որպէս սովորն էր ' սկըսաւ ասել ցարքայն Յովրամ . « Չիք որ աստ մարգարէ , զի հարցցուք զպատգամ տեառն 'ի նմանէն » , : Եթէ խրատելով խրատէ զմեզ տէր , եթէ վասն կորուստեան մերոյ սատակէ զմեզ ծարաւովս : Պատասխանի ետ մի ոմն 'ի նոցանէն և ասէ . գոյ աստ ոչ Եղիշա ' որ ընկալաւ զհոգին Եղիայի , այլ զի գոյ աստ պաշտօնեայն Եղիայի : Չոգան առ նա Թագաւորքն երեքեան :

Իսկ իբրև ամաչեցոյց Եղիշա զՅովրամ , և յար-

գեաց գովեաց զՅովսափատ, ինդրեաց ձայնող, զի նա է գուրչ ուղտապանաց, և կամ քնար՝ որպէս և հեբբայեցին ասէ. զի ՚ի ձայն բախելոյ նորա ժողովեացին առ նա զօրքն ամենայն, և լուիցեն ՚ի նմանէն իբրև մարգարէանայ վասն ջուրցն և վասն կոտորածի թնամեացն նոցա. զի յորժամ եղիցի, մի տայցեն զնոսա Բահաղու և կուցն՝ որոց երկիր պագանէին. եղև ՚ի վերայ նորա հոգի տեսուն և ասէ. եղիցի ձորս այս, զի էր նա ճեպանցոյց ջուրց, գուրք գուրք. եւ իսկ և իսկ նոյնժամայն եղէն գուրքն, և պատրաստեցան ջուրցն՝ որ գալոց էին ՚ի վաղիւ անդր. Ընդ մերկանայն առաւօտու անդէն ընդ մարգարէութիւն ցոյց առ նմին զսքանչելիսն. զի զսքանչելիսն զօր տեսին աչք նոցա, երաշխաւոր լիցի նոցա վասն դալոյ ջուրցն՝ զոր լուան ականջօք իւրեանց.

Իսկ իբրև եկին հասին ջուրքն, և արբին և ընդարձակեցան ՚ի մեծ նեղուէն. Մովաբացիքն իբրև տեսին ըզջուրսն, զի կարմրացեալ էին ՚ի ձեռն ծաղելոյն թրեգական՝ զի շողայր ՚ի վերայ նոցա՝ վասն զի ոչ էր երբէք անդ բղխեալ ջուր, թուեցաւ նոցա՝ եթէ աստուածքն մովաբացւոց գրգռեցին զթագաւորսն և հանին զնոսա ընդ սուր միմեանց. Արդ թագաւորն մովաբացւոց յառաջ քան զճմարտել գիտել թէ արդարեւ արդ այս այսպէս իցէ, փութացաւ համար ձակեաց զգօրսն յաւար. և վասն զի աւարել քարոզեցին նոցա և ոչ մարտնչել, և ժլատել և ոչ պատրաստել, մի մի ՚ի նոցանէն զգէն անձին իւրոյ ընկէնոյր յրնկեր իւր, զի թեթեւութեաց հասցէ ՚ի բանակն հեբբայեցւոց. և այր քան զընկեր իւր ժլատեսցի յաւար անդր ժողովել յապուռ.

Արդ յարուցեալ զօրքն իսրայէլացւոցն վառեալք պատրաստեալք, և առանց աշխատութե հանին ընդ սուր զգօրսն մերկանդամս մովաբացւոց. եւ եկին հասին դարձեալ յերկիրն նոցա, խլեցին զգեօղս, և ապականեցին զաղբերակունս, և կործանեցին զպարիսպս, մինչ զի արգել զնոսա կործանեալ քարինք նոցուն պարսպայն. իսկ իբրև ետես արքայն մովաբացւոց եթէ զօրացաւ զայրացաւ սաստկացաւ պատերազմն, և երթալ ապրել նմա առ թագաւորն

եղովմայեցւոյ զօրքն Յուդայի եւ Խորայէլի ոչ տային նմա թոյլ, առ զորդին իւր զանդրանիկ, եւ մատոյց զնա պատարագ 'ի վերայ մեհենին 'ի պարսպի անդ. եւ եղև բարկութի մեծ յԽորայէլի:

Եւ քէն ոմանք զի ասեն՝ եթէ կուոցն իւրոց զոհեաց զորդին իւր. եւ վասն զի ժուժկալեաց նա 'ի ժամնեղութե իւրում 'ի կուռնն իւր, դարձոյց ըզբարկութին 'ի վերայ Խորայէլի. այն զի եւ յանդորութե իւրում փոխանակէր զանձ իւր ընդ դիմն օտարոտիս: Եւ քէն որ ասեն՝ եթէ վասն Խորայէլի մատոյց զորդին իւր պատարագ 'ի վերայ պարսպին, զի տեսցեն եւ ցաւեսցէ նոցա վասն նորա, եւ չուեսցեն 'ի նմանէն: Եւ վասն զի մատնեցաւ Մովսէս 'ի ձեռս նուցա, եւ ոչ արարին 'ի վերայ նորա ողորմութի, վասն այնորիկ դարձաւ հարուածն 'ի վերայ ժողովրդեանն: Եւ քէն որ ասեն՝ եթէ զահի հարաւ եւ երկեաւ ժողովուրդն իբրև տեսին զարքայն՝ զի մատոյց զորդին իւր պատարագ 'ի վերայ պարսպին. եւ այս, ասէ, թերահաւատութի նոցա դարձոյց զբարկութեանն 'ի վերայ նոցուն: Եւ արդ. եթէ կուոցն իւրոց զոհէր զորդին իւր, 'ի բազնի կուոցն առաջի կուոցն իւրոց զոհէր զնա. եւ քուրմքն դարձեալ զոհէին զնա, եւ ոչ եթէ ինքն ձեռքն իւրովք փողոտէր զնա 'ի վերայ պարսպին: Եւ զի փողոտեաց զնա 'ի վերայ պարսպին, ոչ եթէ վասն զի անխայեսցէ ժողովուրդն 'ի վերայ նորա. զի թէպէտ եւ զծուին տեսանէր ժողովուրդն, այլ թէ ո լինէր զոհն՝ զայն ոչ տեսանէին. եւ ինքն դարձեալ արքայն վասն զինուն՝ որ զգեցեալն էր, եւ յերկիւղէն նետից ընդ վահանաւոր սպասկօքն իբրև յառագաստի կայր, եւ ոչ երևէր նոցա իբրև փողոտէր զորդին իւր: Բայց համարեսցուք եթէ երևէր. մերձաւորացն երևէր նա, եւ ոչ եթէ ժողովրդեանն՝ որ ցրուեալն էր ընդ ամենայն կողմանս խլել եւ յաւարել յառ յապուռ:

Եւ քէն վասն զի ետես այս որդիս Ղովթայ զնշան ջուրցն՝ որ եղև յանապատի անդ, եւ գիտաց եթէ անձն այն՝ որ բղխեաց զջուրս 'ի վիմէ հարցն նոցա, նոյն ինքն անձնոցա ջուր ընդ ճանապարհն Եղովմայ. եւ վասն զի ետես՝ եթէ չիք այլ զօրութի եթէ առ-

նիցէ զայսպիսի սքանչելիս, որպէս արար ԹԺ Խարայէ-
լի Ժողովրդեան իւրում, Թող նա զգուարակս և զհա-
շինս մատուցանել նմա պատարագ: Արհամարհեաց
նա զիւռւմն իւր, և անարգեաց զտաճարս դրօշելոյն
իւրոց, և մատոյց զորդին իւր զանդրանիկ 'ի վերայ
պարսպին՝ Եփն, որ արար զնոր Ծովն 'ի Հին անապատի
անդ: Իսկ ԹԺ Խորե ետես՝ եթէ միով սքանչելեօքն
ապաշխարեաց Թագաւորն մովաբացւոց, և 'ի ձեռն
անդրանկան սիրելոյն իւրոյ՝ որ Թագակալն էր ար-
քայութե նորա՝ խնդրեաց զի եղիցի անխայութի 'ի
վերայ աշխարհի իւրոյ, դարձոյց զբարկութիւն 'ի վե-
րայ Խարայէլի. այնորիկ՝ որ յետ սքանչելեացն ջուրն
զոր տեսին, սիրտք նոցա յորթս ձուլածոյս Յորորո-
վամու կապեալ կային:

Արին դարձեալ 'ի կանանց որդւոց մարգարեիցն՝
որ մատեաւն առ եղիշա, ասեն եթէ կին Աբդիայ
էր, այն՝ որ 'ի սովի անդ փոխ առ 'ի շտեմարանաց
անտի Ախաբու, և կերակրեաց զհարիւր մարգա-
րէմն. և հարկ եղև զի 'ի ձեռն մարգարէին հատու-
ցի պարտիքն՝ որ մթերեցան 'ի պատճառս մարգա-
րէիցն: Եւ վասն զի մի երթիցէ զաւակն արդարոյ պաշ-
տեսցէ զԺառայութիւնն Ախաբու, և 'ի պատճառս
Ժառայութեանն լծեսցին նոքա 'ի լուծ ձուլածոյ
որթուցն, հրամայէ նմա խնդրել զանօթս և ընու-
զնոսա ջրով: Եւ զի ասաց, եթէ անօթս որ լի իցէ՝
զայն ինձ հանջիր, զնոյն իսկ զանօթս. զայս փոխեաց
եղիշա յեւդ. և զայլ անօթմն յայսմ իւզոյ արկ լից:
Եւ Խորե ասացին մանկունքն՝ եթէ սպառեցան ա-
նօթքն յորս արկանէրն յայսմ իւզոյ, կաց անդէն և
անդ իւզն. այս ինքն փոխեցան առ հասարակ ամե-
նայն անօթքն միանգամայն յիւդ: Արդ ջրովքն՝ որ
փոխեցան յեւդ և ապրեցուցին զազատ որդիան, զի
մի Ժառայեսցեն 'ի ստրկութիւն մարդոյ, խորհուրդ
մկրտութե աւագանին նկարէր. այն՝ որ նովաւ ապ-
րեցան հեթանոսք 'ի ծածուկ լծոյն անօրէնութե:

Յետ այսորիկ մատուցեալ խրատէր կինն շիւղ-
մացի՝ զայր իւր՝ ուղղել պատրաստել նմա վերնա-

1 Եփնային 'ի լուսանցան սոփայի:

տուն մի առ 'ի պատիւ սուրբ մարգարէին : Այն զի իբրեւ անցանէր նա ընդ այն ճանապարհ, առ նմա մտանէր նա : Իսկ սուրբ՝ զի ասաց, վասն կուսութեն իւրոյ կոչեաց զնա : Արդ կամեցաւ Եղիշա հատուցանել զսէր նորա, այնմիկ՝ որ օրհնեալն էր բարեօքն օրինաց, և զրկեալ էր 'ի ծննդենէն՝ զոր օրհնեցին օրէնքն : Արդ խոստացաւ նմա որդի իբրեւ ոչ խնդրեաց 'ի նմանէն . և ետ նմա 'ի ժամանակի՝ յորում խոստացաւ : Իսկ իբրեւ հիւանդացաւ և մեռաւ որդին նորա, թաքցց զնա . և առ արկ զնա 'ի մահիճս մարգարէին այլ, և փակեաց զգուրս ընդդէմ՝ նորա, և չոգաւ ոչ խնդրել 'ի նմանէն, այլ եպերել և աղերսել նմա : Իբրեւ ոչ, ասէ, խնդրեցի 'ի քէն որդի, և իբրեւ ասացի ևս ցբեզ՝ եթէ մի խնդրեր ինձ, ընդէր առեր արկեր զիս յերկունս Եւայի, զի ազատեալ էի ես 'ի նոցանէն . և իշխեցուցեր 'ի վերայ իմ զմահ, յորմէ ապստամբեալն էի և չհամարէի ինչ զնա . քան զի 'ի պատճառս անիծեալ ամուլութեն յերկոցունց 'ի սոցանէն հեռացեալ էի ես . զի վասն երկիւղին մահու ոչ խնդրեցի 'ի քէն որդի, և վասն ձաղանացն մոլորելոց՝ յորում կամ ես՝ ոչ գայի ես . ասացի ցըքեզ՝ եթէ մի խնդրեր ինձ որդի : Արդ թէպէտ և լեզուով իւրով եպերէր զնա, այլ ունելովն զոտս նորա՝ զկեանս մեռեալ որդւոյն իւրոյ խնդրէր նա : Քանզի ոչ ցաւէր նմա այնպէս վասն մահու մանկանն, որպէս ցաւէր նմա վասն ձաղանացն զոր 'ի մարգարէիցն Բահաղու հանդերձեալ էր կրել :

Ղալբեաց Եղիշա զԳեեզի, և ետ նմա զցուայն . զի եթէ արժանի է, եղիցի 'ի ձեռն նորա յարութի . և եթէ ոչ է արժանի, եպերեսցի անձամբ յանձին . վասն զի անարգեցաւ 'ի նմա զէնն մովսէսեան . զի թէպէտ մինչ գայր կինն ընդ առաջ նորա ոչ զիտէր նա, այլ կասկածելով կասկածէր նա . և վասն այնք ասաց «Ողջոյն ընդ քեզ և առն քում և մանկանն», : Իսկ իբրեւ կալաւ զոտս նորա, և մատեաւ Գեեզի 'ի բաց սունել զնա, ասէ ցնա . «Թոյլ տուր դմա, վասն զի անձն նորա դառնացեալ է, և տէրն՝ որ ծածկեաց յինէն յառաջ քան զժամս, արդ յայանեաց ինձ յայսմ ժամու», : Իսկ մայր մանկանն իբրեւ ետես ե-

Թէ առաքեաց նա զԳեեղի, ոչ հաւատաց եթէ կեցուցանէ զմանուկն . և ասէ . կենդանի է տէր եթէ ոչ Թողից զքեզ . քանզի ոչ եթէ Գեեղի ետ զնա ինձ յարգանդէ՝ զի յաւելցէ տացէ զնա ինձ և 'ի մահուանէ . դու խնդրեցեր և տուաւ ինձ՝ իբրեւ ոչ էրն նա, և դիւրին է Թոյ քուժտալ զնա ինձ՝ ի ձեռն քո այժմ՝ զի է նա : Իսկ իբրեւ տարաւ Գեեղի զցուպըն և եդ 'ի վերայ մանկանն, և ոչ եկեաց, տորտմեցաւ վարդապետն նորա, զի անարգեցաւ 'ի ձեռն աշակերտին իւրոյ . խորհուրդ խաչին՝ որ առաքեցաւ 'ի ձեռն նորա : Իսկ Եղիշա Թէպետ և ոչ ցպոյն խորհրդով խաչին կեցոյց զմանուկն, այլ ոչ եթէ առանց խորհրդոյն խաչին յարոյց և կենդանացոյց զնա :

Լճդ փոքրկացաւ ըստ տղայոյն և կշռեցաւ 'ի վերայ նորա, զի նկարեցէ զխորհուրդն անդրանկանն՝ որ փոքրկացաւն և խոնարհեցաւ, զի բաւական լիցի նմա ծոցն մարմնոյ կուսին : Իբրեւ ջեռաւ դարձեալ մարմին մանկանն 'ի ձեռն առաջին խորհրդոյն զոր նկարեաց, դարձաւ միւսանգամ յայս կոյս՝ միւսանգամ յայն կոյս, զի նկարեցէ գնացիւքն իւրովք այսր և անդր զյայտնի խորհուրդ խաչին . ապա մօին հռ գիւքն 'ի մանուկ անդր : Եւ զի յորանցեցաւ եւթն անգամ, խորհուրդ եւթներորդ հազարին, զի նուաւ կենդանանան ամենայն մեռեալք :

Իսկ յետ այսորիկ խափանեաց 'ի ձեռն ալիւրոյն զմահն 'ի կաթսայէն, և յագեցոյց 'ի փոքր գարեղէն նկանակէն զհարիւր մարդարէնն, զի նկարեցէ զխորհուրդն զայնորիկ՝ որ 'ի հինգ գարեղէն նկանակէն յագեցոյց զհինգ հազար այր . Թող զկանայս և զմանկունս :

Իարձեալ Նեեման զօրագլուխն եդովմայեցւոց, զի նովաւ արար տէր փրկութի եդովմայեցւոց, այնու՝ զի սպան 'ի ձեռն նետին զԱխաբ անօրէն՝ որ դէմ եդեալ մարտնէր ընդ եդովմայեցիսն : Եւ վասն զի 'ի ձեռն սպանմանն զոր սպանն, ելին յանդորր մարգարէքն՝ որ նեղեալ զօղեալ էին յայրոսն, 'ի ձեռն Եղիշայի հատոյց զպարտիսն՝ զոր պարտէին նմա մարգարէքն՝ որ փրկեցանն : Բայց առ սա ոչ ել, վասն զի շաղախեալ էին ձեռք նորա արեամբ Ախաբու արքային

խորայելացւոց . ետնմա զբժշկութի վասն հաւատոցն իւրոց : Եւ վասն զի ոչ էր հաղորդ միաբան սիրտն նորա ընդ նեաին որ եւ հանդարտագոյն 'ի միջոյ մատանց նորա : Արդ ոչ եթէ վասն զի մի պղծեսցի նու վաւ , ոչ եւ առ նա , այլ վասն զի յայտ արասցէ և ցուցցէ զհամբերութիւն հեթանոսաց : Եւ զի ասաց ցնա , եթէ «Մկրտեսցի եւթն անգամ» , զի արգելցէ զնա ընդ օրինօքն սրբութե բորոտին , այն՝ որ արգելեալն էր ընդ պղծութեք բորոտին : Եւ զի եւթն բորդ անգամաւն ազատեսցի 'ի ծառայութե բորոտութե , իբրեւ ծառայ հերբայեցի՝ որ յեւթներորդ ամին ազատէր նա ըստ օրինացն 'ի յայտնի ծառայութենէն :

Արդ եկն Նեեմմա իբրեւ սրբեցաւ , և ետ Եղիշայի արծաթ և ոռիի և զգեստս . և ոչ ընկալաւ՝ զի 'ի ձեռն այնորիկ նկարեսցէ զխորհուրդն բժշկութեան , զի ձրի առանց գնոյ տուեալ լինի 'ի տեսանէ մերոյ ԅիսուսէ Բրիստոսէ ամենայն աշխարհաց 'ի ձեռն առաքելոց : Խնդրեաց դարձեալ հոգ՝ առ 'ի կորանս ամալեցուցանել զԽորայել . զի օտարն հաւատաց եթէ և 'ի հոգն երկրին բնակեալ է Աստուած , զոր ինչ հերբայեցիքն և ոչ 'ի մարգարէսն հաւատացին՝ եթէ բնակեալ է ան : Արդ ընթացաւ ճեպ 'ի ճեպոյ Գեեզի աստանդել շփութել զճմարիտ խորհուրդ վարդապետութեն , և ասէ ցնա , եթէ «Տէր իմ առաքեաց զիս վասն քանքարոյ միոջ արծաթոյ և երկուց պատմութեանաց» : Քանզի յայնմանէ իսկ զի ստիպեաց ցնա՝ և առ երկուս քանքարս փոխանակ միոյն , անդէն իսկ առ նմին բասրեաց ցնա , և զծածուկ ժլատութիւն նորա յայտնի փոփոխելով բանի նորա : Ետես , հարց ցնա վարդապետն իւր . «Ուստի՞ գաս Գեեզի» , զի եթէ զղջացի և խոստովանեսցի , թողցի նմա . ապա եթէ ուրասցի , պարտ և պատշաճ է զի ընդ արծաթոյն Նեեմմանու՝ զոր առ նա 'ի ծածուկ , զի և զբորոտութիւնն Նեեմմանայ զգեցցի յայտնապէս :

Այստ այսորիկ իբրեւ հատանէին զփայտն որդիքն մարգարէիցն , անկաւ փայտատ միոջն 'ի նոցանէն 'ի գետն անդր . և ճլեաց և ասաց . «Ահա վայ , յայլմէ

մուրացեալ էր ծառայի քո » : Հատ Եղիշա փայտ մի, և արկ ընդ նոյն տեղի 'ի լող . և եկն երկաթն , և ընկղմեցաւ փայտն . զի նկարեացի խորհուրդն տեառն մերոյ , որ էջն 'ի դժոխս , և հան արտաքս 'ի միջոյ նորա զԱդամ՝ որ ընկղմեալ կայր 'ի խորանորա :

Եւտ այսորիկ պաշարեցաւ Շամրին 'ի Բերհադադայ , այն՝ զոր կեցոյց Ախաբ արքայ , և տիրեցաւ սով 'ի քաղաքի անդ , մինչ զի կերան կանայք զորդիս իւրեանց : Արդ փոխանակ զի տրտմեացի Յորոբոս վամորդի Ախաբու , և զայրասցի 'ի վերայ Ախաբու հօր իւրոյ՝ որ կեցոյց զնա , հատանել զգլուխն Եղիշէի ճեպեալ ընթանայր նա : Մարգարէացաւ նա 'ի նմին ժամանակի վասն յագուծեն , և ոչ հաւատաց նմա սկայազնն՝ որ առաքեցաւ ունել զնա . և ետես աչօք իւրովք , և ոչ ճաշակեաց 'ի նմանէն ըստ անիծիցն Եղիշայի՝ որ եղև 'ի վերայ նորա :

Եւտ այսորիկ առաքեցաւ մի ոմն 'ի մարգարէիցն օծանել զԱհով իբրև ոչ գիտէր զնա . և իբրև ետես զգօրադուխն և ասաց , « Բան ունիմ ես ընդ քեզ մեծիդ » , պատասխանի ետ Յահօվ և ասէ . « Ե՛մ 'ի մէնջ ամենեցուն » , . ապա գիտաց մարգարէն եթէ նա ինքն է . վասն զի զայս՝ նշան խնդրեաց նա , զի երևեսցի նա՝ և յայտ լիցի : Տարաւ մոյծ զնա՝ 'ի տուն՝ և օծ զնա և հրամայեաց նմա քինախնդիր լինել վրէժ խնդրուքն 'ի տանէն Ախաբու : Իսկ իբրև թագաւորեցաւ Յահով , և սպան զՅովրամ զորդին Ախաբայ , արդ փոխանակ զի սգասցի Եզարէլ վասն որդւոյն իւրոյ որ մեռաւն , 'ի նմին ժամու պառաւն խրճմերես՝ մատուցեալ սեւացուցանէր զմացառս աչացն առ բոզքն՝ ծարրօքն . և պաճուռէր յօրինէր զգլուխն երկն երկն ներկուածովքն գունակաց առ ճակատովն , որպէս զի տեսցէ զնա Յահով և ցանկացի և առցէ զնա կնուծէ : Բայց ստիպեցաւ ակամայ կամօք . և փոխանակ ողջունին՝ որ պատրաստեալ էր տալ նմա , անարգեաց և թշնամանեաց զնա , և ասէ ցնա . « Ողջ եկ Զամբրի սպանօղ տեառն քո » : Բորբոքեաց զնա այսու բանիւ 'ի բարկուծիւն . զի 'ի նմանէն և յորդաւոց նորա ա-

1 Միւս օրինակն թերէն :

բասցէ զվրէժինդրուծի , որպէս արար յանդրանիկ որդւոյն նորա զոր սպանն : Եւ զի ասաց' եթէ «Յերեկոյ տեսի ես զարիւն Նաբովթայ և որդւոց նորա , , կամ թէ զմտաւ ինչ ածէր վասն որոյ իրիք խօսեցաւն ընդ նմա , և կամ թէ 'ի տեսլեան յայտնեաց նմա' զի կանխեսցէ և արասցէ զվրէժինդրուծիւնն 'ի վաղիւ անդր :

Եւ զբրեաց առ որդիան Շամրնի . կամ թագաւորեցուցանել զմի որ յորդւոցն Ախաբու , և գալ ունել զգէմ' նորա 'ի մարտ պատերազմի , և կամ հատանել և տալ բերել առ նա զգլուխս եւ թանասուն որդւոցն արքայի : Իբրեւ հատին և ետուն բերել , և կռտեցին զնոսա երկուս կուտոցս , խօսել կալաւ Յա հով և ասէ . զի եթէ ես ապստամբեցայ 'ի տեւնէ իմնէ և սպանի զնա , զի առից զթագաւորութիւնն նորա , որպէս և Իզաբելն ասաց , զորդիս արքայի ո՞վ ըսպան . զի ահա դայեակք իւրեանց սպանին զնոսա : Եւ կատարեցաւ առ նոսա բանն Աստուծոյ՝ զոր ասաց 'ի ձեռն Եղիայի մարգարէի , թէ «Մի մնասցէ Ախաբու որ դաւնայցէ յորմ' և հեղուցու . Յուր . և որ կապեն և որ արձակեն յիսրայելէ , , . այս ինքն մի մնասցէ 'ի տան նորա 'ի մարդոյ մինչև 'ի շուն : Յայնմ ժամանակի եղև վրէժինդրուծի և յերուսաղէմ' 'ի Գոթողիա քեւոյն Ախաբու . զի սպան զորդիս որդւոյն իւրոյ , և թագաւորեցաւ փոխանակ նոցա . որպէս զի բնաւ մի մնասցէ մնացորդ յանօրէն ազգէն Ախաբու :

Եւ զհիւանդացաւ Եղիշա . և եկն առ նա արքայն Խաբայելի , և ելաց առաջի նորա . նա հատոյց վաղվա զակի զվարձս արտասուեաց նորա : Ետ պատասխանի և ասէ ցնա . «Առ զաղեզն , և արկ զնետ' ի լար անդր» : Եւ եղ Եղիշա զձեռս իւր 'ի վերայ ձեռացն արքայի . որպէս զի 'ի զօրութեն' որ բնակեալն էր 'ի ձեռս մարգարէին հիւանդի , հզօրացին թոյլ և լոյծ ձեռքն արքայի կոտորել զեդոմ , այն որ կոտորեացն և սպառեաց զԺողովուրդն . քանզի յիսուն սպառազէն և տանն կառք մնացին նոցա . այնոցիկ՝ որ յառուրս Սաղովմոնին քառասուն հազար ասպաստան երիւարաց էր նոցա : Արդ հարց մարգարէն 'ի սրտի իւրում զնձ ,

Թէ քանի անգամ ձգեսցէ արքայն զնետն իւր ընդ պատուհանն՝ զայսչափ կոտորած կոտորեսցէ յեդոմ : Իսկ իբրեւ ձգեաց երիցս անգամ և եկաց , բարկացաւ Եղիշա . վասն զի ետես եթէ ոչ կարէ երիցս անգամ փոքր զօրուն սատակել զեդովմայեցիսն : Իսկ իբրեւ եհար վանեաց զնոսա երիցս անգամ , և սկսաւ յաղլ Թահարել , ապա գիտաց եթէ բարեոք և յարժանի ցասեաւ ընդ նմա մարգարէն նյ : Քանզի հոգւոյն գիտաց եթէ ոչ կարէ երիցս անգամ կոտորել սպառել զեդովմայեցիսն : Քանզի յաւուրս Աբիմ արքային իսրայէլացոց եկն փուա արքայ ասորեստանի , ետ նմա Նախնիմ : հազար քանքար արծաթոյ , զի կալցի զթագաւորութիւն ի ձեռն իւր : Եւ յաւուրս Փակէայ Թագաւորին իսրայէլացոց եկն Թագաւոր փաղսար արքայն ասորեստանի , և գերեաց գերեկիրն Նեփթաղիմայ . այս ինքն զտունն Հուբէլի և Գադայ և զկէս ազգին Մանասէի : Եւ որ ամ ինն էր Հոշեայ արքայի , հար վանեաց Սաղմանասար արքայն ասորեստանի , և կացոյց զՇամրին ի ծառայութի , և գերեաց զամենայն իսրայէլ յասորեստան , բաց յազգէն յուգայեան : Արդ եկ համարեաց յայսմ վայրի զամենայն կուռս օտարոտիս նոցա , և զի քանի անգամ բարկացուցին զնա նոքա և Թագաւորք իւրեանց , որպէս զի եղիցին առ ի պատասխանի տալ ստուգութեն՝ որ գերեաց զնոսա :

Վարձեալ յամին չորեքտասաներորդի Եզեկիաց արքայի եկն եհաս Սենեքերիմ ի վերայ Երուսաղէմի , և առաքեաց առ նա Եզեկիա , “Մեղայ ես , ասէ , զի ապստամբեցի ի քէն . դարձ համարեա , և զոր ինչ արկցես . ի վերայ իմ , բարձից ,” : Եւ արկ ի վերայ նորա երեքարիւր քանքար արծաթոյ , և երեսուն քանքար ոսկւոյ : Եւ ետ նմա . անդէն և անդ ի բաց գնաց : Եւ ստեաց Սենեքերիմ յուխտիս յայսմիկ , և դարձաւ առաքեաց ի վերայ նորա զտակառապետն . անկաւ կոտորեցաւ անդէն նոյն ինքն տակառապետն , և ամենայն զօրք բանակի նորա :

Յետ այսորիկ Թագաւորեցաւ զնի Եզեկիայի

1 Յօրինակն ի լուսանցան Մանայի :

Մանասէ. և վասն զի մեղաւ առաւել քան զամենայն
 թագաւորս, որ կացեալ էին 'ի Յուդայ, ասաց տէր՝
 եթէ «Արկից 'ի վերայ երուսաղէմի զլարն Համբնի,
 և զկշիռն Ախաբու», . յայտ արար և եցոյց՝ եթէ զոր
 օրինակ աւերեցաւ Համբին 'ի ձեռաց Սաղմանասար
 արքայի, և տունն Ախաբու 'ի ձեռաց Յահովայ, սոյն
 պէս աւերեցից զերուսաղէմ՝ 'ի ձեռն Նաբուքոդոնո-
 սորայ բաբելացւոց: Արդ համարեցաւ յայսմ վայրի
 զանօրէնութիւնն երուսաղէմի, որպէս և համարեցաւ
 զՀամբին: զի տացէ պատասխանի վասն աւերածոյն
 երուսաղէմի, որպէս և ետ պատասխանի վասն աւե-
 րածոյն Համբին: Արդ զնշանն զոր տեսաւ Յովսիա
 'ի վերայ գերեզմանի մարգարէին՝ որ 'ի հրէաստա-
 նէն էր, իբրեւ այրէր զոսկերս քրմացն. քանզի եթէ
 նա միայն կայր յամենայն գերեզմանացն՝ որ էին 'ի
 Բեթէլ, և կամ եթէ տեսիլ ինչ ետես 'ի վերայ գե-
 րեզմանին. զի իբր հարցցէ վասն տեսլեանն, երկրոր-
 ղէսցեն նմա զամենայն զխօսան որ ինչ խօսեցաւ 'ի
 մարգարէից անտի՝ որ յայնմ գերեզմանի թաղեալ
 էին: Եւ զի գիտասցէ եթէ մարգարէութիւն խթէր
 զնա՝ 'ի ծածուկ, զի յայտնապէս կատարեսցէ զբանն
 իւր 'ի ձեռն գործոցն և արդեանցն: Եւ զի սպանաւ
 Յովսիա արդար յանօրէն Փարաւոնէ, մի՛ վասն զի
 վաղվաղեաց և ել 'ի պատերազմ իբր ոչ հարց ցնծ.
 և երկրորդ՝ զի ժողովեսցի խաղաղութեամբ առ հարս
 իւր յառաջ քան զչարութիւն, որպէս և ասաց խողզէ
 կինն մարգարէ: Քանզի յետ երից ամաց մահունն ու-
 րա ել Փարաւոն արքայն եգիպտացւոց, և արկ զհարկ
 'ի վերայ երկրին նորա. և կապեաց զՅահովսափազ, և
 տարաւ ընդ իւր յեգիպտոս, և մեռաւ անդէն. և
 թագաւորեցոյց զՅովակիմ որդի իւր ընդ նորա:

Երբ ձեռնալ որ ամ երկրորդ էր Յովակիմայ արքայի,
 եկն Նաբուքոդոնոսոր արքայ բաբելացւոց, և գերեաց
 զՅովակիմ և զղանիէլեանս, և թագաւորեցոյց զՅո-
 վաքին նորուն որդի ընդ նորա: Եւ յետ երից ամաց
 եկն Նաբուքոդոնոսոր կրկին անգամ և գերեաց զար-
 քայն Յեքոնիա հանդերձ կանամբք և մեծամեծօք
 իւրովք, և զեզեկիէլ մարգարէ, և զարս պատերազ-
 մօղս զօրու. և թագաւորեցոյց զԾեղեկիա հօրեղ-

բայր նորուն ընդ նորա : Դարձեալ յամին մետասա-
 ներորդի Թագաւորութեն ծեղեկիայ եւ Նաբուքո-
 ղոնոսոր երրորդ անգամ, և այրեաց զտունն սրբուն,
 և հրձիգ արար զքաղաքն առ հասարակ, և իջոյց ի
 գերութի զժողովուրդն յուղայեան :

ԿԱՏԱՐԵՑԱՒ ՄԵԿՆՈՒԹԻՒՆ ԹԱԳԱՒՈՐՈՒԹԵԱՆԾ

ՍՐԲՈՅՆ ԵՓՐԵՄԻ

ՄԵԿԵՈՒԹԻՒՆ

Ա. ԵՒ Բ. ՄՆԱՑՈՐԴԱՅ

Տ Ե Ա Ռ Ն

Ե Փ Ր Ե Մ Ի

ԽՈՐԻՆ ԱՍՈՐԻՈՅ

ՄԵԿԵՈՒԹԻՒՆ ԴԳՐՈՒԹԵԱՆ

ԻՐԻՄՆՆՈՒ

ՄԱՅԵՆԱԳԻՐՆ ԴԱՐՈՒԹԵԱՆ ԻՐՐԱՄԵՆՈՒ, զի է մեկնուլի նորա ԴԱՐՈՒԹԻ՝ վարումն աւուրց թագաւորաց Յուդայ, յարարածոց և Յեշովայ որդւոյ Նաւեայ, և յազգաց դատաւորաց, և 'ի Սա մոնէլէ և 'ի Դաւթայ, և 'ի թագաւորութէ զօդէ յօդէ. և վասն այսորիկ թէպէտ և վասն սակաւ ինչ՝ զի գոյ 'ի սմա, որ ոչ ասացեալ է 'ի մարգարէս՝ ուրում հասու եղաք մեք, պարտ և պատշաճ է զի հաւանեցուցուք: Այլ վասն այնորիկ՝ որ յիւրաքանչիւր գիրս գրեալ են հաւանութիք նոցա, ընդունել կրկին հաւանութիս աստ ոչ է արժան: Զի թէպէտ և մատենագիրն՝ վասն զի արասցէ զկարգ պատմութեցն իւրոց, հարկ եղև նմա՝ զի յամենայն գրոց որ ինչ յօգուտ և 'ի պատշաճիցէ նմա՝ բերցէ, բայց սակայն մեք ոչ եթէ զկնի կարգելոյ և շարեւոյ պատմութեցն ընթանամք, այլ 'ի մեկնուլի այնոցիկ՝ որ ինչ ծածկեալն է 'ի նմին պատմութե, փութացեալ եմք հասանել: Արդ թոյլ տացուք մեք զայն ինչ, որ ինչ յայլում կողմանս մեկնեալ է մեք. և վասն սակաւուց՝ որ ինքն յինքենէ ունի առ իւր, վասն սոցուն

որպէս և արժանի արասցեն զմեզ շնորհքն, և որպէս պիտոյ իցէ տալ պատասխանի՝ տացուք :

Ըրդ սկսաւ մատենագիրս այս գրել զազգս և ըզդարս յԱդամայ մինչև 'ի Նոյ . և գրեաց դարձեալ զազգս որդւոցն Նոյի, որք ընկալան զԷդուան 'ի շինել աշտարակին . զի են որդիք Յաբեթայ հանդերձ Յաբեթիւ հինգետասան ազգ : Եւ որդիքն Քամայ հանդերձ Քամաւ երեսուն ազգ, Թող զայլազգիսն և զկապպադովկեցիսն՝ որ էին 'ի նոցանէն : Եւ որդիքն Շեմայ, հանդերձ Շեմաւ քսան և ութ ազգ . զի են ընդ ամենայն միանգամայն ազգքն ամենայն հանդերձ այլազգեօքն և կապպովկեցւոյքն եւթանասուն և հինգ ազգ :

Վրեաց դարձեալ 'ի Շեմայ մինչև ցԱբրահամ, զի լինին տան դարք :

Եւ գրէ դարձեալ վասն որդւոցն Աբրահամով՝ որ 'ի Հագարէն և 'ի Գետուրայէն . զի ցուցցէ և յայտ արասցէ՝ Թէ յառաջ քան զԾնանելն որդւոցն Յակովբու և ընդունել զօրհնութիւն ելեալ էր 'ի ձեռն որդւոց սոցա օրհնութիւն ընդ հեթանոսս : Որդիքն Իսմայէլի հանդերձ Իսմայէլիւ երեքտասան լինին Թուով . և որդիքն Կենդուրայ երեքտասան . իսկ որդիքն Խաւայ հանդերձ Խաւաւ քառասուն և երկու ազգք :

Վրէ դարձեալ և վասն ութ Թագաւորացն՝ որ Թագաւորեցին յԵդոմ յառաջ քան զեւ էր Թագաւորեալ Թագաւոր 'ի վերայ Խրայէլի . զի արդեւք ընդ նոսա նախանձեցաւ Խրայէլ յառուրս Սամուէլի՝ առնել իւրեանց Թագաւորս ըստ ամենայն հեթանոսաց :

Վրէ դարձեալ և վասն մետասան նահապետացն որք կացին յԵդոմ զկնի Թագաւորացն :

Վրէ դարձեալ երկուտասան ազգք յորդւոցն Յակովբու, և երկուտասան Յակովբայ մինչև 'ի Դաւիթ . այս ինքն 'ի Փարեսայ 'ի Դաւիթ համարեայ :

Վարձեալ 'ի Դաւթայ մինչև ցՅեքոնիա արքայն, որ չոգաւն 'ի գերուլի, ինն ու տան ազգս : Իսկ իբրեւ համարէր զորդիսն Յեքոնիայ, որ 'ի գերուլին չոգաւ, և հատանէ մինչև 'ի Զորոբաբէլ, օրով դարձաւ գե-

բուին, և շինեցաւ տաճարն վերջին : Գառնայ դարձեալ գրէ զորդիսն Զորորաբէլի, մինչ զի եկն և պաւ տահեցաւ այնմիկ՝ յորոյ աւուրս գրեցաւ սոյն դպրութիս այս իբրամենու :

Յետ այսորիկ գրեաց վասն նահապետացն ազգաց տանն Հուռբէլի, իբրեւ համարէ մինչև յեբերիայ ին ներորդ . յորոյ աւուրս գրեաց Թագղաթփաղսար արքայն ասորեստանի զտունն Հուռբէլի և Գաղայ և զկէս ազգին Մանասէի :

Գրէ դարձեալ և վասն փրկութեանն՝ զոր արար նոցա յառաջ քան ոչ էր գերեալ զնոսա . զի մատնեաց ՚ի ձեռս նոցա զայնոսիկ՝ որ բնակեալ էին ՚ի վրանս քրձեղէնս . և կոտորեցին զնոսա, վասն զի ապաւինեցան ՚ի նոսա, և կարգացին առ նա : Եւ ապա իբրեւ դարձան ՚ի տեառնէ, գրեաց զնոսա ասորեստանեայն, և ՚ի վերայ գետոյն՝ Գողան գաւառին Պարթևաց տարաւ և նստոյց զնոսա :

Յետ այսորիկ գրեաց զորդիսն Ղևեայ մինչև ՚ի Մովսէս, զի նովաւ ելին նոքա յեգիպտոսէ մինչև յԱգարիայ քահանայ, զի նա առաջին պաշտեաց ՚ի տաճարին՝ զոր շինեաց Սողոմոն . և յԱգարիայէ համարին մինչև ՚ի Յովսեփէկ՝, այն՝ որ յաւուրս նորա գրեաց տէր զորդիսն Յուդայ ՚ի ձեռն Նաբուքոդոնոսորայ բաբելացւոց ՚ի Բաբելոնի :

Յետ այսորիկ գրեաց վասն անուանցն ղևտացւոց զորդիսն Գեթսոնի և զորդիսն Ղևեայ, և վասն ղևտացւոցն որդիքն Ամինադաբայ՝ կայաթեանք և ղեւեանք, զի ՚ի նոցանէ Շմուէլ մարգարէ . զի և սաբին իսկ կային ՚ի պաշտաման ընդ աջմէ սեղանոյն :

Գրէ դարձեալ զղևտացիսն զորդիսն Մերարեայ յիւրեանս, որք ընդ ահեկէ սեղանոյն ունէին զպեղիս իւրեանց առ ՚ի պաշտաման ըստ իւրեանց կարգի :

Յետ այսորիկ գրեաց վասն գիւղիցն զոր առին որդիքն Գեթսոնի և կայաթեանքն և մերարեանքն, թող զքեօզն ապաւինութե՝ որ յամենայն ազգաց տուաւ նոցա :

Համարեաց դարձեալ և զազգն Բենիամենի, և

կարգեաց և ած մինչև 'ի մահն Շաւուղի և որդւոցն նորա :

Եւ գրեաց վասն Թագաւորութեանն Դաւթի 'ի Քերբոն , և վասն գալոյն նորա յերուսաղէմ : Գրեաց և վասն նահատակութեցն զոր արարին մի մի 'ի քաջամարտիկ պատերազմողացն նորա :

Յետ այսորիկ ասաց և զԹիւ զօրուն միոջ միոջ յազգաց անտի յիւրաքանչիւր գնդէ , զի ժողովեցան կացուցանել զԴաւիթ 'ի վերայ Թագաւորութեն : Եւ զի է միահամուռ բովանդակ ընդ ամենայն Թիւն նոցա երեքարիւր հազար և երեսուն և եւթն հազար և չորեքարիւր :

Եւ ասաց վասն գալոյն տապանակին յերկրէն այլ աղգեաց . և զի ձգեաց 'ի նա զձեռնն Ողա քահանայ ուղղել զնա , իբրեւ դրդուեցաւ 'ի սայլակէ անտի անկանել . և սպան զնա տէր . վասն զի 'ի վերայ ուսոցն իւրեանց ասացեալ էր յօրինացն ցքահանայսրն՝ զի բարձցեն զնա , և ոչ եթէ 'ի սայլակի իբրեւ զայլ անօթս վրանին՝ զոր բառնային՝ ասացեալ էր բառնալ զնա :

Եւ ասաց դարձեալ վասն օրհնութեցն զոր օրհնեաց Դաւիթ զտէր , այն Դաւթին Ասափայ և եղբարց նորա , այնոցիկ՝ զի պսակ դասուցն նոցա պար առեալ գալովն փառաւորէր Դաւիթ ընդ քահանայապետսն : Զայսոսիկ ասէր սկիզբն օրհնութեանց՝ զոր ասաց ոչ Դաւիթ և քահայապետքն , այլ Դաւիթ . զի Թէպէտ և առ նմա էին 'ի ժամանակին իբրեւ օրհնէր Դաւիթ , այլ ոչ եթէ ընդ նմա ասէին . զի ինքն միայն գրեալ է , զի ասէր նա :

ԱՍԱՑ ԴԱԴԻԹ ԱՌԱՋԻ ՏԱՊԱՆԱԿԻՆ ԿՏԱԿԱՐԱՆԱՑ

ԳԼՈՒԽ Ա

ԽՍՏՈՎԱՆ եղերուք տեառն, զի դարձոյց առ մեզ զտապանակն կտակարանաց. և կարգացէք զանուն նորա, և մի զանուն Դագոնայ՝ որ յաղթեցաւ պարտեցաւ ՚ի զօրութեն որ բնակեալն էր ՚ի տապանակին կտակարանաց: Յուցէք ՚ի հեթանոսս զառաջին Կործոն նորա, զեգիպտացւոցն, զԾովուն, զանապատին: Եւ պատմեցէք զարուեստս սքանչելեաց նորա, զքաջութիւնսն զոր արար յաւուրս մեր յայլազգիս անդր: Ուրախ եղիցին սիրտք այնոցիկ իւրե զմերս յամենայնի՝ որ խնդրեն զտէր, ըստ մարում նմանութեան: Խնդրեցէք զտէր և զզօրութիւնս յաղթութե նորա. և կամ քննեցէք վասն տեառն և վասն մեծագոր զօրութե նորա. և կամ նախանձիցիք ՚ի նա՝ խնդրութեամբ խնդրել զվրէժ տեառն զամենայն զրկողաց նորա, այս ինքն յուրացողաց նորա՝ որք հայհոյեն զնա. որք կեանն ՚ի շնորհաց նորա, և ոչ լինին շնորհահատոյցք բարութեց նորա. վայելեն նորայովքն, և պատրաստեն զլեզուս իւրեանց իբրե զգեղարդունս խոցոտիչս առ ՚ի նիւթել զնիւթս հայհոյութե և ուրացութե: Դալարացեալ են մարմինք իւրեանց ՚ի դարմանոց բարերարին, և չորացեալ են միտք իւրեանց առ ՚ի տալոյ զօրհնութիւնս ամենա տեառնն: Ողկուզալիցք են առնլոյն ՚ի մշտնջենաւոր շնորհացն առ ՚ի հաստատութի մարմնաւոր կենացն, և խոպանացեալք են մատուցանել խոտտովանութիւնս առ ՚ի մօտաւոր հոգեզէն դարմանոցն: Նախանձալոյզք եղերուք իբրե ծառայք մտերիմք վասն սաստկայաղթ զօրութե նորա: Յիշեցէք զքաջութիւնս՝ զոր

արար 'ի Թնամիս ձեր , և պահեցէք զիրաւունս բերանոյ նորա . զի Թէպէտ և յամենայնի՝ որք տպաւորեալքն են ըստ մերում ընուծես՝ կան օրէնք նորա , բայց սակայն դուք մի մոռանայք զկտակարանս նորա . զի նա ինքն է , և պարզեք նորա ոչ խափանին . և կամ զի անդէն 'ի միում՝ դարի անդ վասն այլափոխ հասակացն գտեալ լինին հազար դար : Երդուաւ այսուհետեւ Աբրահամու , զի զաւակի նորա տացէ զերկիրն քանանացոց . և ետ զկտակարանս որդւոցն Սա հակայ 'ի լեռնէն Սինայի : Զի իբրև սակաւքն էիք և բնակեալք էիք 'ի նմա , և իբրև իշխանք նորա բազումք էին , ոչ ետ միջ 'ի նոցանէ մեղանչել ձեզ . և որք յանդգնեցան ժպրհուծեամբ մեղանչել ձեզ , խիստ և անհասարին յանդիմանուծիքն սանձեցան , և առին յերասանակս , և կացին առին զտեղի : "Մի՛ մերձենայք , ասէ , յօժեալս իմ" , վասն Քրիստոսի՝ որ կարգելոցն էր 'ի նոցանէն : "Եւ 'ի մարդարէս իմ՝ մի՛ մեղանչէք" . այն իսկ է՝ եթէ "Մարդարէս է , և աղօթս արասցէ 'ի վերայ քո" : Օրհնեցէք զտէրաւմենայն երկիր և Խորայել . աւետարանեցէք օր ըստ օրէ զգրկուծիւն անձանց ձերոց : Պատմեցէք 'ի հեթանոսս զփառս մեծուծեան նորա , այն՝ որ ահաւորն է ոչ միայն 'ի վերայ Թագաւորաց նոցա , այլ և 'ի վերայ աստուածոց նոցա . քանզի նոքա և ոչ ինչ ոչ արարին , իսկ անձ մեր բանիւ իւրով զերկիրնս արար : Աւելք դուք մանկունք ժողովրդեան նորա զպատարազըս , ոչ զպատարազս անասնոց , այլ խոստովան եղբրուք նմա 'ի յաղօթս բերանոց ձերոց . և երկիր պազէք նմա 'ի ձեռն սուրբ օրհնուծեանն : Դողասցեն յերեսաց նորա ամենայն երկիր հեթանոսաց , և ահա հաստատեալ ուղղի աշխարհս 'ի շարժմանց և 'ի պատերազմաց : Ուրախ եղիցին երկինք և ցնծացէ երկիր ընդ գալ տապանակին կտակարանաց . և ասացեն 'ի մէջ հեթանոսաց՝ Թէ տէր Թագաւորեաց 'ի վերայ ժողովրդեանն իւրոյ , և զահի հարեալ երկիցեն դարձեալ և այլ մարտնչել ընդ մեզ : Զնծասցեն ծով նաւովք իւրովք , և ուրախ լիցի երկիր անդաստանօք իւրովք , և զուարճացին ընդ մեզ ծառք անտառի յամենայն ժամ , երբ և յանդիմանէ ստու-

գուլթիս իւրով զհեթանոսս փառակարս մեր : Արդ
դուք ասասցիք . խոստովան եղերուք տեառն զի բա-
րի է , և յաւիտեան կացցեն առ մեզ շնորհքս այս :
“Փրկեա զմեզ տէր անձ մեր , և ժողովեա զմեզ 'ի հե-
թանոսաց ,” : Այնպիսի են՝ որ գերեցան յաւուրս
դատաւորացն 'ի ժամանակի՝ զի հեթանոսքն որ շուրջ
էին զնոքոք՝ յաղթէին և հնազանդէին զնոսա :

Եւ յետ այսորիկ իբրեւ օրհնեաց զնա հանդերձ
քահանայապետքն 'ի մէջ քահանայիցն , ետ զպաշ-
տօնն 'ի ձեռս քահանայիցն՝ զի եղիցին պաշտել մի
մի 'ի նոցանէն յաւուր յորում հասցէ նոցա : Կացոյց
և զԱբեղադ իդեթումացի՝ , և զընկերս նորա վաթ-
սուն և ութ , պահել զգրուանս արտաքինս : Եւ Հած-
րոն քահանայ և ընկերք նորա , զի մատուցեն զող-
ջակէզս զառաւօտուն և զերեկոթին , և զի ուսուցեն
ժողովրդեանն զօրէնս տեառն : Կացոյց դարձեալ
զՀաման և զնորուն ընկերս արդարս օրհնել և փա-
ռաւորել զտէր , ոչ 'ի փողս և 'ի թմբուկս և 'ի սրին
գրս և 'ի քնարս , այլ քաղցր բերանով և սուրբ աղօ-
թիւք : Արդ 'ի ժամ հաստատութեան օրինացն մա-
տուցեալ Դաւիթ խափանէր զօրէնսն . զի հագեղէն
օրհնութիւնքն զօրս 'ի ներսն հրամայէր արկանել զպա-
տարագան մարմնաւորս որ գրեալ էին 'ի նմա խափա-
նէր : Իսկ իբրեւ ուղղեաց հաստատեաց կարգեաց
կազմեաց զայս ամենայն , արձակեաց զժողովուրդն
յիւրաքանհիւր տեղիս . դարձաւ և օրհնել զընտա-
նիս իւր յայսմ՝ օրհնեալ աւուր :

Արդ իբրեւ նստէր Դաւիթ և Նաթան մարգարէ ,
խօսել կալաւ Դաւիթ և ասէ ցՆաթան . պարտ և
պատշաճ ինչ իցէ , եթէ փառաւորեսցի տունս իմ
քան զտունն այ . զի ես նստիմ աւասիկ 'ի տաճարս
մայրայարկս կոփածոյս և տախտակամած դրօշեալ
վանդակակապ , և տապանակ կտակարմեաց տեառն
ընակեալ է՝ 'ի մազեղէն վրանի : Արդ առանց հոգւոյ
մատուցեալ մարգարէն հարցանէր ցընկեր իւր . և
առանց յայտնութեան հարցեալն հարցողին մատու-
ցեալ վճիռ պատասխանատուութե առնէր , թէ “Զա-

1 Միւս օրինակն գլխայի :

մենայն ինչ որ 'ի սրտի քուժմ է, արա . վաճառ գի տէր ընդ քեզ է : Եւ որդ Նաթանն՝ որ 'ի տուէն 'ի բան կամաց անձին իւրոյ խօսեցաւ , եղև 'ի վերայ նորա յայտնութիւն 'ի գիշերի , և եկն ասաց ցԴաւիթ , ոչ զայն զոր ասացն՝ եթէ « Լմենայն ինչ որ 'ի սրտիդ քուժմ է , արա » . այլ զի « Դու , ասէ , մի շիներ ինձ տուն ասէ տէր » : Վաճառ գի և ոչ միում ումեք 'ի դաւ տաւորաց անտի՝ զոր կացուցի ես 'ի ժողովրդեանն իմում ապրեցուցանել , և ոչ ասացի թէ ընդէր ոչ շինիցէք ինձ տուն մայրապարկս : Եւ այժմ թէպէտ և եկիր դու յղելովն հօր քո տեսանելով զողջոյն եղբարց քոց , այլ ես ածի զքեզ 'ի հօտէ խաշանց : Իբրև եկիր դու 'ի բժշկութիւն Հաւուդի , և սպանանել զսկայազնն յայլազգեաց , և արարի զքեզ Թագաւոր՝ մինչև հովիւն էիր դու . ես եղէ ընդ քեզ զօրութիւն , զոր ինչ յամենայն մարտ պատերազմացն այնոցիկ արարեր քաջութիւն : Ես արարի քեզ անուն իբրև միօջ 'ի մեծամեծաց երկրի . այս ինքն իբրև զՆամրովթ՝ որ սկայն էր , և գնորուն ընկերսն՝ որ յառաջ քան զքեզ յամենայն մարտ պատերազմացն նահատակեալ էին : Եւ հաճեցայ ես յԽարայէլի . և այլ մի յաւելցին որդիք անօրինացն գերել զնա յաւուրս քո , որ պէս և գերեցին զնա որդիքն ամոնացւոց և մագիաւ նացւոց յաւուրս Նափութայ և Գեդէոնի : Եւ կարգեսցի Թագաւորուն՝ քո 'ի զաւակի քում , և շնորհք իմ մի անցցեն յորդւոյն քումնէ՝ որ ելանէ յերանաց քոց . այս ինքն մի առցի 'ի նմանէն Թագաւորութիւնն՝ թէպէտ և յանցանիցէ , որպէս առաւ 'ի Հաւուդէն :

Իսկ իբրև երկրորդեաց Նաթան Դաւթի զոր ինչ 'ի տեսունէ խօսեցաւ ընդ նմա , սկսաւ ասել Դաւիթ առաջի տեսուն . ով եմ ես , զի արարեր ինձ զայս զոր ինչ ոչ արարեր երբէք միում ումեք 'ի Թագաւորաց երկրի . զի թէպէտ և յաչս իմ մեծ է այս՝ զի 'ի զաւակի իմում կարգեսցի Թագաւորութիւն յաւիտեան՝ որպէս և ասաց Նաթան , և կամ զի մինչև եկեսցէ այն՝ որոյ Թագաւորութիւն է , որպէս և ասաց Յակովբ , այլ յաչս քո կարի փոքր է այս : Քանզի ոչ եթէ միայն ինձ արարեր դու զառաւել մեծամեծս ,

այլ զամենայն՝ որ կատարեալ են յերկիւղիւք քում, հանես զնոսա՝ ի խաւարէ՝ ի լոյս . այս ինքն ածես դու զնոսա՝ ի խոնարհութիւն՝ ի բարձրութիւն : Արդ զինչ պարծեցայց սիրովս իմով առ քեզ . զի քեզ իսկ յայտնի են գործք ծառայի քո . և վասն այսորիկ բարձրացուցեր զծառայ քո : Եւ արդ այժմ զի հաներ զժողովուրդ քո՝ ի մեծամեծ նշանս և յարուեստս , և ուղղեցեր հաստատեցեր զնա՝ ի ժառանգութիւն իւրում, զի եղիցի քեզ ժողովուրդ յաւիտեան , ուղղեսցի արդ և տունս Դաւթի մինչև յաւիտեան . այս ինքն կատարեսցի գործովք և արդեամբք զամենայն զոր խոստացար ինձ ի ձեռն բանի . քանզի յայտնեցեր ինձ խորհուրդ ի ձեռն հաթանայ , և վասն այսորիկ կաց յաղօթս՝ զի եղիցի գործովք : Արդ դու ես տէր անձ , որ խօսեցարդ զայս , օրհնեցեր և օրհնես դու յաւիտեան զտունս արդարոց :

{ } Ետ այսորիկ կոտորեաց Դաւիթ զայլազգիսն , և առ զլար չափանի՝ ի ձեռաց նոցա : Կամ յերկրէն Իւրայելի առեալ էր այլազգեացն յառաջ քան ոչ էր թագաւորեալ Դաւիթ , և պահանջեաց ի նոցանէն Դաւիթ իբրև թագաւորեցաւ . և կամ այն իսկ է՝ զի մուտ յերկիր նոցա , և առ զԴաւթ հանդերձ ագարակօքն : Կոտորեաց դարձեալ զմովաբացիս , որք հնազանդեցին զժողովուրդն նորա . և արար զնոսա ծառայս հարկատուս : Եւ սպան զթագաւորսն Մծուկնի . և եդ սահմանս ի գեանս Արածանի : Կոտորեաց զեդովմայեցիս՝ որ եկին հասին ի թիկունս օգնականութեւն Ադրահազարու , և արար և զնոսա ծառայս հարկատուս : Բայց ի պղնձոյն զոր առ Դաւիթ ի հեթանոսաց , զայս ամենայն արար Սաղովմոն ծովու և սիւնս և զեզինս հանդերձ ամենայն անօթօքն պղնձի : Սրբեաց դարձեալ Դաւիթ զանօթս ոսկւոյ և արծաթոյ և պղնձոյ , զոր ետ տանել նմա փուս արքայն անտիոքացոց հանդերձ ոսկւովն և արծաթովն՝ զոր առ ի հեթանոսաց , որ շուրջ զնոքօք էին :

Ի դարեաց դարձեալ հրեշտակս մխիթարել զՀա-

1 Թորմակին կայ Թերակատար յաւելուած Վճռն ուրիշն հաստատ . որ չերկի ի միւս օրինակն :

նան արքայն վասն մահու հօրն իւրոյ : Արդ որդւո-
վն կամեցաւ հատուցանել զչնորհմն՝ զոր արար ընդ
նմա հայրն նորա , իբրեւ յերեսաց Շաւուղի փախու-
ցեալ էր նա : Իսկ որդիքն Ամինայ թողին նայել 'ի
բարեկամութիւնն՝ որ եղև յաւուրս հալածանացն
Դաւթի , և նայեցան նոքա չարաչար 'ի հրեշտակն
խաղաղութեն՝ որ յստակամիտ մտօքն առաքեցան առ
նոսա : «Կենդութիւն , ասէ , առաքեցան լրտեսել զքա-
ղաքս , և ոչ եթէ սիրով առաքեցան միտարել ըզ-
քեզ ,» : Իսկ իբրեւ արձակեցին զնոսա մեծ անարգու-
թիւն առ տէրն իւրեանց , զջաջան և երկեան յոյժ .
և փոխանակ զի յղեսցեն բարեխօսս առ Դաւիթ , որ
դիւրինէր , առաքեցին վարձեցան հազար քանքար
արծաթոյ 'ի Մծուինէ և 'ի Խառանէ և յԱրամայ
Միջագետաց և յԵդոմայ զօրս բազումս սպառազէնս
և հետեակս : Կոտորեցան 'ի ձեռն Յովաբու և Ա-
բեսեսայ եղբոր նորա յառաջին անգամն . և յաւել
կոտորեաց զնոսա Դաւիթ , իբրեւ եկին կրկին անգամ
խնդրել զվրէժ ընկերայն իւրեանց : Պաշտեցին զծա-
ռայութիւն և որք յանցս գետոյն էին՝ ժողովրդեանն .
քանզի 'ի պարգևի անդ մինչև յԱրածանի խոտա-
ցեալ էր ծառայել նմա : Եւ ապա 'ի միւս ամն պա-
շարեցաւ քաղաք Թադաւորութե որդւոցն Ամինայ ,
և ած զնոսա Դաւիթ շղթայիւք յերկիրն Խորայէլի :

Յետ այսորիկ ասաց , եթէ եդ սատանայ ուշ 'ի
վերայ՝ ոչ 'ի Դաւիթ՝ այլ 'ի վերայ Խորայէլի . և
փութացաւ Դաւիթ համարել զժողովուրդն : Արդ
այն՝ զի յայսմ վայրի առնու զնա 'ի վերայ սատա-
նայի , Սամուէլիւն վասն այ՝ զի գրգռեաց զԴաւիթ
թուել զժողովուրդն . ասաց սա . «Զօրացաւ , ասէ ,
բարկութիւն տեառն յԽորայէլ , և գրգռեաց զԴաւիթ
թուել զժողովուրդն ,» : Արդ եթէ բարկութիւն եղև
այս , և ստիպելով ստիպեցաւ Դաւիթ համարել
զժողովուրդն . և ինքն Դաւիթ վասն այսորիկ ոչ արք
գան և կամ թէ եպերեցաւ , զի ժողովուրդն միայն
արք գան . վասն այսորիկ բարւոք մեկնեցաւ այս 'ի
տեղւոյ իւրում , եթէ վասն զի թուեցին համարե-
ցին և կալան զքահանայսն 'ի սպանումն , և ոչ ապ-
րեցուցին զնոսա , որպէս զՅովնաթան 'ի Շաւուղէ ,

Համարեցան նոքա 'ի կոտորած սրոյ հրեշտակին : Հանդերձ այսու միւս ևս այլ յանցանք՝ որ ամին նման է՝ ունէին նոքա : Ապստամբեցան նոքա ընդ Աքիսողովայ սպանանել զԴաւիթ . զի վասն այսորիկ անկաւ 'ի նոցանէ եւթանասուն հազար :

Արդ եթէ 'ի սատանայէ եղև գրգռութիւն , և կամ թէ 'ի տեառնէ եղև անփութութիւն՝ զի եղիցի այս , ընդէր զօրացաւ բարկութիւնն վասն այսորիկ : Քանզի ահա թէպէտ և զի մի համարեսցի զաւակն Աբրահամու , վասն բազմութեն իւրոյ ասացեալ էր . այլ զի թէ բնաւ ամենեկին մի համարեսցի , ոչ էր գրեալ : Արդ եթէ ոչ համարեսցի , և ոչ էր համարեալ , ուստի յայտ լինէր և երևէր՝ եթէ ոչ մտանէր նա 'ի թիւ համարոյ , և արտաքս քան զհամարս և զթիւս . և ո՞վ հաւատայր եթէ ճշմարիտ եղև բանն նոյ , եթէ այս որ եղևս՝ ոչ էր եղեալ : Ապա եթէ վասն այսր եղև զի յայտ լիցի պարգևն նոյ՝ եթէ առ զկատարումն և հաստատեցաւ , եթէ այսպէս է , ոչ եթէ վասն զի թուեաց զժողովուրդն՝ արբ գան . քանզի ոչ արբ իսկ գան որ թուեացն , այլ այն՝ որ թուեցան՝ արբ գան : Յորո՞ւմ կողման դնիցեմք ըզյանցանսն . զի ուր խրատն ստուգութե է , անդէն և յանցանքն ազատութե : Այսուհետև տան ազգօքն՝ որ թուեցան համարեցան՝ յայտ եղև եթէ բազում եղեն իբրև զաւազ առ ամին ծովու , որպէս և խոստացաւ նծ սիրելոյն իւրոյ : Բայց տամքն Ղևեայ և որդւովքն Բենիամինի , զի ոչ համարեցան , վասն զի անարգեաց Յովաբ զբանն արքայի , կատարեցաւ և այն՝ զի մի համարեսցին իբրև զաւազ , որ վասն բազմութե իւրոյ ոչ թուի և ոչ համարի :

Արդ նծ զի առաքեաց զմարգարէն , առ Դաւիթ առաքեաց՝ և ոչ եթէ առ ժողովուրդ անդր . զի թէպէտ և 'ի դատավճիռ բանին խառն են արքայ և ժողովուրդն , այլ երեսք մարգարէին գողջիր թէ 'ի վերայ Դաւթի ուշ եղեալ նայէր : «Երիս , ասէ , չարիս ածեմ 'ի վերայ քո , ընտրեա քեզ » : Արդ յակննջս բարեխօսին եկն դատավճիռ , և ոչ եթէ յակննջս յանցաւոր ժողովրդեանն : Զի թէպէտ և դէմք ըստուգութեն 'ի վերայ Դաւթի ետ զդատավճիռն ,

այլ սակայն շնորհքն յայտնեցին նմա, զի խնդրուա-
ծովքն իւրովք կարկատեսցէ զխրամատուծի ման-
կանց ժողովրդեան իւրոյ: Արդ վասն Դաւթի առա-
քեցին կալան գբահանայան հրամանաւ Շաւուղի՝ ի
սպանումն. արդ վասն նորա համարեցան և կալան,
վասն զի ետ Աքիմելէք հաց, կոտորեցան: Եւ վասն
զի ապստամբեալքն դարձեալ և ի նմանէն ապստամ-
բեցան, իբրեւ գայր վրէժխնդրութիւն որ մեղաւն յեր-
կոսին, յայտնեցաւ այնմիկ՝ ընդ որում յանցեանն
երկոքումբք, զի խնդրեսցէ երկոքումբք զրպարտեալն
ի վերայ երկդիմեան յանցաւորացն՝ ի ստոյգ դատաւ-
որէն՝ որ ի ձեռն հրեշտակին յարեաւ խնդրեաց
զվրէժխնդրութիւն երկոցունց յանցաւորացն. «Երիս,
ասէ, չարիս ածեմ՝ ի վերայ քո, ընտրեալ քեզ»,
Արդ նայեաց և տես, զի թէպէտ և մինն ճշմարիտ
է, միւսն ևս յայտնէ՝ եթէ ոչ է ճշմարիտ. զի թէ-
պէտ և այն՝ թէ ընտրեալ քեզ՝ ճշմարիտ է, այլ այն՝
զի ի վերայ քո՝ ոչ է ճշմարիտ. այլ և ոչ այն՝ զի ի
վերայ քո՝ չէ սուտ:

Ըրդ այր՝ որ առ Գողիադու հսկայիւ և յամենայն
մարտս պատերազմաց իբրեւ մարտեաւ, զանձնն իւր
ետ փոխանակ ժողովրդեանն իւրոյ, յայտ է աւասիկ՝
զի իբրեւ զանձն իւր սիրէր զժողովուրդն իւր: Արդ
յանձն իւր ըմպէր գան միով ի չարեաց անտի, որ ի
վերայ մանկանց ժողովրդեան նորա իշխէր: Արդ ոչ
եթէ ի վերայ Դաւթի գային չարիքն. գայր ի վերայ
նորա չարն, զի ի վերայ մանկանց ժողովրդեանն իւրոյ
գայր. և գայր ի վերայ նորա դարձեալ, զի մանկամբք
ժողովրդեան իւրոյ՝ որ չարչարէին ի չարեաց անտի,
ինքնին անձամբ իւրով չարչարէր: Արդ Դաւիթ իբ-
րեւ ետես եթէ ածէ զերեամ մի սով, գիտաց եթէ
զմանկունս ժողովրդեան իւրոյ սատակէր, և ոչ եթէ
գնա: Եւ զերիս ամիսս մատնել ի ձեռն թշնամեաց՝
ժողովուրդն կոտորէր, և ոչ եթէ նա. քանզի մատ-
նել ասաց, և ոչ եթէ մեռանել: Ընտրեաց իւր, զի
ի ձեռն տեառն՝ որ անջրպետէն ընդ մեղաւորն և ընդ
անմեղն՝ մատնեսցի, և ոչ ի ձեռն սովոյ և թշնամեաց
մատնեսցի ժողովուրդն նորա:

Ըրդ առաքեցաւ հրեշտակն յերուսաղէմ ապա-

կանել, և առացաւ նմա՝ շատ ապականեցեր: Ոչ եթէ զի շատ ապականեաց, այլ զի մի գործեսցէ աւելի քան զայն ինչ՝ որ հրամայեալ է նմա: Զերիս աւուրման գումարեաց ստուգութիւն զսուրն ՚ի ժողովուրդ անդր. և մինչ դեռ կամէր լինել երեք ժամք, զողող բարձին չնորհքն զդահձէն ստուգութե՛ն եթէ յաճախեաց ապականեաց: Եւ արդ մինչ սակաւդ ապականեաց, շատ թուեցաւ քեզ՝ եթէ ապականեաց. եթէ զերիս աւուրս ապականեալ էր, յաճախէր բազմանայր սուգն և տրտմութիւն չնորհացն սատակմամբն՝ որ լինէր ժողովրդեանն մարդակոտոր առ հասարակ:

Ինչէն ընդ բանին՝ եթէ շատ ապականեցեր, ետես Դաւիթ զհրեշտակն ընդ երկինս և ընդ երկիր, և կայր ՚ի վերայ Երուսաղէմի մերկացուցեալ զսուսեր իւր: Անկաւ Դաւիթ և ծերակոյտ ժողովրդեանն իւրոյ քրձազգած յերեսս իւրեանց առաջի նորա: Տեսնէր աւադիկ, զի բարեխօսին յայտնեցաւ. զի քրրձազգած լինելովն՝ ընդդէմ՝ բարկութեն վառեալ կայր: Եւ վասն զի ետես եթէ փոքր է աղէտ խնդրուածոյ նորա և ընկերաց իւրոց կալ առաջի հրեշտակին՝ որ սպառնայր, և մերկացեալ ունէր զսուսերն իւր, և ասեր ցտէր. զի եթէ ես մեղայ՝ որ ասացի թուել զժողովուրդան, այս խաշն անմեղ որ թուեցանն իբրեւ ոչ կամէին, զի՞ մեղան. եղիցի ձեռն քո յիս, վասն զի ես մեղայ, և ՚ի տուն հօր իմոյ՝ իբր ոչ մեղան. և ՚ի ժողովրդեանէս միայն արգելցի մարդամահս: Արդ ետ իբրեւ Մովսէս զանձն իւր փոխանակ մանկանց ժողովրդեան իւրոյ, և յաւել ետ զտուն հօր իւրոյ՝ զոր ոչն արար Մովսէս. և վասն զի թուեցաւ նմա եթէ ինքն է պատճառ յանցանացն, ետ զանձն իւր ՚ի մահ: Ստուգութեամբ մասնեաց դարձեալ զինքն և զտուն հօր իւրոյ փոխանակ ժողովրդեանն իւրոյ ՚ի ձեռն չնորհացն: Արդ եթէ կատարեալ էր այն՝ զոր ինդրեաց, ստուգութիւն անօրինէր. զի փոխանակ ժողովրդեանն՝ որ յանցեալ, զթագաւորն զանմեղ հարկանէր. և պարգենն այ՝ որ ասացն ցնա՝ եթէ “Ի զաւակի քում կարգեսցի թագաւորութիւն”, սուտ լինէր՝ եթէ տուն

հօրն Դաւիթի ընդ Դաւիթի՝ որպէս և Դաւիթն ինդրեաց՝ մեռեալ էին :

Եւ ի ժամանակի իբրեւ ետ զանձն և զտուն հօրն փոխանակ ժողովրդեան իւրոյ, և ահա Գադ մարդաւրէ աճապարեաց և ճեպեալ և ընթանայր յանուն տեառն . և ասէ ցնա, զի շինեսցէ սեղան տեառն ՚ի կալն Արանայ յերուսացւոյ : Եւ արդ զի մի Լքցի Դաւիթ՝ թէ մինչ զսեղանն շինեսցէ և զհնուցու և յօշեսցէ անդամաթիւ զպատարագն՝ կոտորեսցէ հրեշտակն զքաղաքն առ հասարակ, ամբարձ զաչս իւր և ետես զհրեշտակն՝ զի ամփոփեալ էր զձեռն իւր յինքն, և ոչ ապականէր : Փութացաւ Դաւիթ և հաս առ Արան : Նա դարձաւ և ետես զնա, և երկիր եպագ նմա . զի եթէ շքով թագաւորութեանն իւրոյ երթայր նա, ոչ իբրեւ կայր յետոյ նորա, դառնայր և տեսանէր զնա : Ասէ Դաւիթ ցԱրան . «Տուր ինձ ընդ բարի գինս զտեղի կալոյս այսորիկ, զի շինեսցից ՚ի սմա սեղան հաշտութե տեառն . և արգելցի մարդամահս ՚ի ժողովրդենէս, : Եւ ետ նմա որդին հեթանոսաց ոչ միայն զտեղին, այլ և զեղինսն ՚ի պատարագ, և զօրանն ՚ի պէտս պիտոյից պատարագին . և յաւել ետ ցորեան և նաչիհ՝ որ ոչ էին պիտոյ : Իսկ իբրեւ ոչ կամեցաւ Դաւիթ առնուլ ձրի, նեղեաց զանձն իւր Արան, և առ ակամայ իբրեւ ոչ կամէր : Մատոյց Դաւիթ զպատարագն, և ընդունելի եղև . և էջ հուր ՚ի բարձանց յանդիման ժողովրդեանն ՚ի վերայ պատարագին հաշտութե՝ զոր մատոյց նա : Արդ իջանելովն հրոյն ՚ի բարձանց՝ վերացաւ ՚ի բարձունս հրեշտակն հրեղէն, որ իջեալ կոտորէր ՚ի ժողովրդեան անդ :

Եւ զվրան ժամուն՝ զոր արար Մովսէս յանապատի անդ, այն զի ՚ի նմա պագանէին երկիր մինչև ցայն օր . իսկ իբրեւ ետես Դաւիթ՝ եթէ լսելի եղև նա ՚ի կալ անգ Արանայ, երկեաւ նա դարձեալ մատուցանել զաղօթս իւր ՚ի վրան ժամուն : Եւ ասաց ՚ի վերայ կալոյն՝ զի «Սա է տաճար տեառն, . այս ինքն սա է տեղի տաճարի տեառն, և տեղի սեղանոյ պատարագաց Խարայէլի : Ուրախ եղև Դաւիթ յոյժ, զի ոչ միայն որ ինչ պիտոյ էր պա ՚ի շինուած տաճարին

պատրաստեացնա, այլ և զտեղին ևս տաճարին հանդերձ ամենայն պիտոյիւք տաճարին պատրաստեացնա : Իսկ իբրև յայտ եղև նմա տեղին, ժողովեաց ըզպանդուխտսն առնել 'ի նոցանէն քարակոփս և ոսկերիս :

Արդ թէպէտ և յայանապէս յանարգութի հեթանոսաց լինէր նա եկօքն և պանդխտօքն՝ որ առ 'ի շինուած տանն ժողովէր, այլ շինուածոյն պանդխտաց՝ խորհուրդ հեթանոսաց՝ որ հանդերձեալ էին 'ի շինել զեկեղեցիս Քրիստոսի՝ նկարէր : Արդ այնոքիկ՝ որ յաւուրս Սողովմնին՝ որ շինեցաւն 'ի նոցանէն մի տաճար յերկրպագութի հօր, այսօր բերք բիւրուց եկեղեցեաց յերկրպագութի Քրիստոսի որդւոյ շինեցաւ և շինին 'ի նոցանէն : Արդ եթէ ոսկին և արծաթն և պղինձն և երկաթն և քարքն կոփածոյք առաջի տաճարին 'ի հեթանոսաց էին, և եթէ զփայտ տաճարին ծուրացիք և ծայրանացիք բերէին, և եթէ զառաջին խորան ժամուն յեգիպտացւոց և յամփրհացւոց արարին և կանգնեցին նոքա, և եթէ վերջին տաճարն յստացուածոց և 'ի գանձուց տանն Գովգայ և 'ի Պարթևաց թագաւորաց Պարսից շինեցաւ, արդ ի՞նչ արդեւք պարծեսցի ժողովուրդն տառապեալ, կամ որով իւրք հպարտանայցէ . զի ահաւասիկ երկոքին տաճարքն հանդերձ վրան ժամուն որով պերճացեալն էին՝ 'ի ձեռն հեթանոսաց կանգնեցան :

ԳԼՈՒԽ Բ

Եւ ասաց Դաւիթ . “Սողովմն մանուկ է ցարդ ևս, և վասն նորա ասացեալ է՝ եթէ նա շինեսցէ զտաճարն . պատրաստեցից նմա զամենայն պէտս տաճարին” : Եւ արդ ո՛ր իցէ ասացեալ վասն նորա զայս . արդեւք այս իսկ է՝ զոր ասաց Նաթանն, եթէ “Չաւակն քո՝ որ ելանէ յերանաց քոց, ուղղեցից զաթոռ թագաւորութեն նորա, և տիրեցուցից զնա 'ի տան իմում և 'ի թագաւորութեան իմում յաւիտեան” : Եւ ասաց Դաւիթ ցՍողովմն . “Տէր ասաց ցիս՝ 'ի ձեռն մարգարէին իւրոյ՝ եթէ դու մի

շինեսցես զտուն անուան իմոյ . վասն զի պատերազմանս զոր արարեր , արիւն բազում հեղեր դու » : Եւ արդ որ մարգարէ ասաց ցնա . զի Նաթան՝ որ առաքեցաւն առ նա վասն այսր , զայս ոչ ասաց ցնա . բայց զգաւն՝ զի կարգելոց էր ազգաց յազգս խոստացաւ նմա , և զթագաւորութիւն յաւիտենից պարգեւեաց նմա . և ինքն Դաւիթ զմեծ խոստովանուին վասն այսորիկ մատոյց նմա : Արդ եթէ յայնմ առուր ոչ ասացաւ նմա այս , և այլ առուրդ ոչ են գրեալ վասն մարգարէին՝ եթէ ասաց ցնա :

Արդ եթէ եպերեալ էր Դաւիթ արեամբն զոր եհեղ , եպերեալ էր և Աբրահամ արեամբն զոր եհեղ զհինգ թագաւորացն : Եպերեալ է և Մովսէս արեամբն եգիպտացւոց զոր հեղձոյց նա՝ ի ծոցն Կարմիր , և երկուց թագաւորացն ամուրհացւոց՝ զոր կռտորեաց նա , և մադիանացւոց և ամաղէկացւոց՝ զոր սպան նա : Եւ եպերեալ է զարձեալ Յեսու որդի Նաւեայ , որ կորոյս սատակեաց զերեւուն թագաւորսն քանանացւոց . եպերեալ է և Նափեթ , որ կռտորեաց զորդիսն ամոնացւոց . և Գեդէոն՝ որ կորոյս զմադիանացիսն . և Սամփսոն և Սամուէլ՝ որ սպանին զայլազգիսն : Եւ ահա ինքն իսկ անձ ի ձեռս Նաթանայ ասաց ցնա , եթէ “եղէց ընդ քեզ , և կորուսից զամենայն թշնամիս քո յերեսաց քոց” : Արդ եթէ ինքն անձ կոտորեաց զնոսա , Դաւիթ ինչ ոչ է եպերելի :

Եւ ընդէր և վասն ոյր՝ ի պատճառս արեան՝ զի մի ոք յարդարոց անտի ոչ եպերեցան նովաւ , Դաւիթ միայն իբրեւ կամեցաւ շինել զտաճարն տեառն՝ արգելաւ վասն նորա զի մի շինեսցէ : Արդ վասն զի ոչ եղև պարապ Դաւթի զամենայն առուրս կենաց իւրոց պատերազմօք զոր առնէր նա զսրութիւն տեառն ընդդէմ թշնամեաց մանկանց ժողովրդեան իւրոյ , արգել զզովամարմին ծերութիւն նորա , զի մի աշխատեսցի ի շինուածն տաճարին՝ որպէս և ի պատերազմունսն . զի որդւոյն նորա՝ որում յաճախէ խաղաղութիւն՝ գործ գտցի նմա , և զի մի վնասեսցէ նմա զատարկութիւն , որպէս և վնասեաց իսկ նմա : Պատրաստեցաւ նմա գործ ոչ միայն առ ի զքօսանս նորա

Եթէ զբօսացուցանէ զնա, այլ և որ յարգէ և փառաւորէ զնա, և շքեղացուցանէ զնա՝ ի Թագաւորութեանն իւրում: Վասն այսորիկ և յետ շինուածոյ տաճարին անկաւ նա ի լկտութիւն, զի հազար կին ընդ ազատ և ընդ հարճ արար նա. բայց յաւուրս շինուածոյ տաճարին յերկիւղ տեառն իւրոյ կայր նա, զի այլում ընդ նմա ոչ պագանէր երկիր: Եւ զգուշութեն յաղթեաց նա. զի ընդ դատերն Փարաւոնի, զի հան՝ ի տաճար անդր որ շինեաց նմա, այլ ընդ նմա ոչ է գրեալ՝ Թէ հան նա: Եւ զի գիտասցես Թէ վասն հանգստեան պատրաստեաց նմա զգործն, լուր Դաւթի, իբր յանուն այսասէր սա ցորդին իւր. «Որդի, ասէ, որ լինի քեզ, հանգուցից զնա յամենայն Թշնամեաց նորա, և հանգիստ եղիցի Խրայելի յաւուրս նորա. նա շինեացէ տուն աւուան իմոյ»:

Ընդ ոչ եթէ վասն արեանն զոր եհեղ արգելաւ նա. զի եհեղ և Մովսէս զարիւնն եգիպտացւոց և զամովրացւոց, զամաղէկացւոց և զմեդիանացւոց. և փոխանակ եպերմանն ընկալաւ նա զմեծապայծառ շուք փառացն երեսաց. և ոչ արգելաւ նա Թէ մի արասցէ զխորան ժամուն: Արդ վա գործոյ՝ զի գացի որդւոյ նորա՝ արգել զնա, որպէս և ասացաք մեք. զի խորհրդովք խօսից տեառնն իւրոյ, և վայելուչ զգուշութիւն սրբութեն նորա արգելցի նա ի կռոցն օտարոտւոց և ի ցանկութիւն կանանց:

Ընար նա յղեւտացւոց գաւառապետս ի տանն Խրայելի. և զի եղիցին դարմանել զաղքատս: Եւ կարգեաց քահանայս և ղեւտացիս ի սպաս պաշտամանն իւրեանց ըստ իւրեանց կարգին, օրհնիչս և բարապանս յիւրաքանչիւր տեղիս. և ժողովեաց զմեծամեծս զհեռաւորս և զմերձաւորս: Եւ ասաց եթէ ի տանէ Յուդայ ընտրեաց տէր զտուն հօր իւրոյ. և ի տանէ հօր իւրոյ զիս ընտրեաց Թագաւորել. և յորդուոց իմոց ընտրեաց զՍողոմոն, զի շինեացէ տաճար տեառն: Եւ արդ սկսաւ պատուիրել, որպէս և Մովսէս ժողովրդեանն, տայր և ինքն հրամանս որդւոյն իւրում պահել զպատուիրանս տեառն: Եւ ետ զլափ տանն, և և զնմանութիւն սեանց սրահին, և զամենայն տանն զիւ-

րաքանչիւր պէտտ եցոյց նմա . և վասն ոսկեղէն և արծաթեղէն սեղանոցն, և վասն ամենայն կահի և կարասւոյ պաշտամանն հրամայեաց յայնմ աւուր Սողովմանի յանդիմանդ ամենայն մեծամեծաց ժողովրդեանն . ետ և զպարգևս 'ի տուն տեառն . և ուրախ եղև Դաւիթ և ժողովուրդն : Եւ օրհնեաց Դաւիթ զտէր և ասաց . ո՞վ եմ ես, և կամ զի՞նչ է ժողովուրդն իմ, զի արարեր ինձ և ժողովրդեան իմո՞ւմ՝ զայս ամենայն . և վասն զի զօրէնս քո ուսուցի, քանզի ուսայ ես . զի ճանապարհդ քո կենաց օգնեաց ինձ, այս ինքն պահպանութիւնք պատուիրանաց քոց . այն իսկ է՝ զի յամենայն մարտս պատերազմաց ապրեցուցեր զիս և զժողովուրդդ քո :

Եւ մատուցին զպատարագս մեծամեծս, և նստուցին զՍողովման յաթու թագաւորութե, և արկաւ զնովաւ շուք վայելչութեան : Եւ թիւ աւուրց՝ զոր թագաւորեաց Դաւիթ 'ի վերայ Խորայելի, զքառասուն ամ : Եւ մատոյց Սողովման հազար ողջակէզս 'ի վերայ պինձի սեղանոյն, զոր արարեալ էր Բեսեղիէլ՝ յանապատի : Եւ եբեր զնա Դաւիթ հանդերձ վրան ժամուն յերուսաղէմ : Եւ յայտնեցաւ տէր 'ի վերայ նորա 'ի տեսիլ գիշերոյ, և ասաց ցնա . «Իսընդրեա ինչ, և տաց քեզ» : Եւ խնդրեաց նա զիմաստութի՝ դատել զժողովուրդն . և ետ նմա իմաստութիւն առաւել քան որչափ խնդրեաց . և ետ նմա զփառս՝ զոր ոչն խնդրեաց : Եւ բազմացոյց և յաճախեաց Սողովման զարծաթ և զոսկի և զերիւարս և զսպառաղէնս . և մոռացաւ զբանս Մովսիսի զոր ասաց . «Զի մի յաճախեսցէ իւր ոսկի և երիւարս, զի մի հպարտացի և մոռացի զտէր» : Եւ թանասուն հազար փայտակոփ, և ութսուն հազար քարակոփ 'ի ձեռն մեծ արար զնա . զի եթէ ութսուն հազար քարակոփ փոքր իցեն տաճարին, կոփեսցեն և յօրինեցեն զնոյնչափ քարանցն՝ որ յաւուրս Դաւթի հօր նորա կոփեալ էին : Արդ առաքեաց առ Խիրամ վասն մայր փայտի՝ զի բերցեն 'ի Լիբանանէ, իբրև առեալ խոտտանայր ծառայիցն Խիրամայ քան հազար քու :

1 Եզրնակն 'ի լուսնոյն Բաթուլիէ. միւս զինան Բաթուլիէ :

ցորենոյ, և քսան հազար մար գինւոյ. և քսան հազար մար իւղոյ : Արդ նայեաց և տես որչափ բերրի էր երկիրն նոցա, զի Թագաւորացն ևս հէթանոսաց տային ռոճիկս : Եւ առաքեաց Թագաւորն ծուրայ խիրամ որդի կնոջ մի պրւոյ ճարտար յամենայն գործս :

Այսաւ շինել Սողովմնն տաճար յերուսաղէմ 'ի լեառն ամսվրհացւոց 'ի տեղի' ուր մատոյց Աբրահամ պատարագ զորդին իւր 'ի կալն Արանայ յերուսացւոյ զոր գնեաց Դաւիթ : Ահաւասիկ զի տեղին ևս տաճարին հէթանոսաց էր, զի յերուսացւոյ առեալ էր. և զարդարիչք նորա հէթանոսք էին. զի խիրամ որդի պրւոյ միոջ քանանացւոյ պէսպէս զարդարանօք զարդարեաց զնա : Բայց նման է դարձեալ, եթէ 'ի տեղի ծառոյն զորմէ կախեալն էր պոյն, անդեղև Գողգոթայն. զի անդ բեռեցաւ փայտն խաչի փոխանակ ծառոյն : Եւ 'ի փայտի անդ խաչեցաւ որդի հօր Քրիստոս փոխանակ խոյին. զի խորհրդով իւրով 'ի ծառ անդր, իբրեւ տարածեալ իսկ էին բազուկք նորա, զքեցաւ նա : Արդ սկսաւ շինուած տանն 'ի չորրորդ ամի Թագաւորութեն իւրոյ, և կատարեաց զնա 'ի փայտս կնդրկեայս, և քանդակեաց զնա ուկուղ. և եբեր զարքութիւն հօր իւրոյ, և տարաւ եդ 'ի տուն գանձի տեառն : Եւ ժողովեաց զամենայն իշխանս իւր, և եհան զարկղն կտակարանաց տեառն 'ի Սիոնէ 'ի պեղջէն Դաւիթի, և եդին զնա 'ի մէջ սրբբութեցն ընդ Թեօքն քրովբէիցն. և մածեաւ ամպն զսրբութիւն, և էջ հուր յերկնից և եկեր զողջակէզն զոր մատոյց Սողովմնն :

Եւ յայտնեցաւ դարձեալ տէր 'ի վերայ Սողովմնսի 'ի տեսիլ գիշերոյ, և ասէ ցնա. « Լուայ ես զաղօթս քո. և եղիցին, ասէ, աչք իմ հայել 'ի վերայ տախտայտորիկ, և ականջք իմ եղիցին 'ի լսել զաղօթս զոր մատուցանեն 'ի դմա : Եւ եթէ գնայցես դու առաջի իմ արդարութիւն, որպէս և գնաց Դաւիթ հայր քո, և հաստատեցից զուխտն իմ որ եղև ընդ նմա՝ Թէ մի պակասեսցէ նմա որդի, որ կայ առաջի իմ 'ի Թագաւորութե խրայելի : Ապա Թէ

դարձնիք յինէն պաշտել զկուռս օտարոտիս, կորուսից զձեզ յերկրէ՝ ուր բազմացարուքդ իբրեւ զաւագ առ ափն ծովու։ և զտունդ պարծանաց ձերոց արարից յաւեր և ՚ի Թափուր։ Եւ զոր օրինակ եղերուք դուք ՚ի փառս և ՚ի գովեստս յաւուրս Դաւթի՝ որ պահեաց զպատուիրանս իմ, սոյնպէս եղերուք ՚ի զարմացումն և յառակս ազգաց, յորժամ ոչ գնայցէք ՚ի պատուիրանս իմ։ Արդ կացոյց Սողոմոնն քահանայս և ղւտացիս և օրհնիչս և բարապանս ըստ իւրաքանչիւր արժանի որպէս և Դաւիթն պատուիրեաց։ Եւ Թագաւորեցաւ ՚ի վերայ ամենայն Թագաւորութեց յԱրածանւոյ մինչև յերկիրն այլազդեաց, և մինչև ՚ի սահմանս եգիպտացոց քառասուն ամ։

Եւ Թագաւորեցաւ Հեռորովամ որդի իւր զկնի նորա։ Արդ եկն Յորոբովամ և Ժողովուրդն, և աւսեն ցոյցեցովամ։ «Թեթեացո ՚ի մէջ զխիստ լուծհօր քո, և պաշտեսցուք զքեզ», Բանդի բազում եւ իւրարօքն զոր ստացաւ, և հազար կանամբքն զոր ած, և սքանչելի շինուածովքն զոր շինեաց, և բազում ամրապարիսպ քաղաքօքն զոր հաստատեաց, և ռոճկօքն որ առաքեաց Թագաւորաց հեթանոսաց՝ յաւախեաց և Թախծեցոյց զԺողովուրդն։ Դարձոյց անդրէն Ռեխբայամ խիստ պատասխանի Ժողովուրդեանն. և եղև շրջուած, բայց ոչ եթէ յարքայէ. զի Թէպէտ և ՚ի պատճառս բանին արքայի եղև, բայց սակայն ՚ի տեառնէ եղև, զի հաստատեսցի բանն Ախայի մարգարէի՝ որ ՚ի Թագաւորութեան անդ, որ ասաց ցոյցելոյց։ Ետ պատասխանի Ժողովուրդն և ասեն. չիք մեր բաժին ընդ Դաւթայ, զի չիք որդի Դաւթի՝ որ նմանէ Դաւթի. այսուհետեւ տես զտունքո, Դաւիթ, զի ունայնացոյց զատարկացոյց և Թափուր արար հպարտութիւն որդւոյ քո զդուռն իւր՝ ի մեծամեծացն խալայելի, որ դեգերեալ կային ՚ի դրան նորա։ Եւ արար Ռոբովամ զարիս առաջի տեառն, և ոչ գնաց բոլորով որտիւ իւրով միամիտ ընդ տեառն։ Եւ Թագաւորեցաւ եւթն և տասն ամ, և հանգեաւ։

Եւ Թագաւորեցաւ Աբիա որդի իւր զկնի նորա։

Եւ ասէ Աբիա ցրորովամ. «Դուք գիտէք, զի տէր եօ զԹագաւորութիւն Դաւթի եւ որդւոց նորա իբրեւ աղ ուխտի; այս ինքն ուխտիւն ճշմարիտ սիրոյ. արդ դուք աւադիկ, ասէ, Թողէք զտէր եւ պաշտեցէք զոր Թըս ձուլածոյս զոր արար Յորորովամ. վասն այսու ըիկ իբրեւ յաւուրս Դաւթի չյաղթեցէք ՚ի մարտս պաւ տերազմաց ձերոց, » Եւ վասն զի նախատեաց նա ձուլածոյ որ Թողէք, եւ հաւատաց՝ եթէ ոչ յաղթէ Խաւայէլ ՚ի մարտ պատերազմի իւրոյ, կոտորեաց ՚ի նու ցանէն Աբիա ՚ի սուր սուսերի իւրոյ հինգ հազար: Եւ յետ այսորիկ հար տէր զՅորորովամ, եւ մեռաւ: Թագաւորեաց եւ Աբիա զերիս ամս, եւ մեռաւ:

Եւ Թագաւորեաց Ասա որդի նորա զկնի նորա: Արար եւ Ասա զբարի առաջի տեառն զքառասուն եւ զմի ամ Թագաւորութեանն իւրոյ: Եւ եկն եհաս ՚ի վերայ նորա Զարափ հնդիկ, եւ հազարք հազարաց զօրք ընդ նմա, եւ երեսուն հազար կառք ընդ նմա: Եւ զի եկաց յաղօթս, եւ հաւատաց եթէ մատնի բազում զօրն մոլորեալ ՚ի ձեռն սակաւ զօրուն հաւատացելոյ, երեկ խորտակեաց հրեշտակն տեառն զգօրսն շնդկաց. եւ դարձ գունդն յուղայեան յերուսաղէմ բազում աւարաւ: Արդ բնակեցաւ հոգին ՚ի վերայ Ազարիայի, եւ ասէ ցԱսա. «Տէր ընդ ձեզ է, որչափ դուք առ նմա էք. քանզի ահա իբրեւ Թողին զնա հարքն մեր յաւուրս Գեդէոնի, Թող լիք եղէն եւ նու քա ՚ի նմանէն, եւ ոչ գոյր խաղաղութի՝ որ մտանէր եւ ելանէր, » Եւ հզօրացաւ կազդուրեցաւ, Ժողովեաց առ իւր զօր յամենայն ազգաց: Եւ իբրեւ տեսին՝ եթէ տէր ընդ նմա է, եւ մատուցին զպատարագս մեծամեծս, եւ երդուան. ուխտ եւ դաշինս կռեցին մատուցանել զաղօթս յամենայն սրտէ իւրեանց առ տէր, եւ հեռանալ ՚ի կռոցն օտարոտեաց. եւ ամենայն որ ոչ մատուցէ զաղօթս առաջի տեառն, մահու մեռցի: Եւ անցոյց Ասա եւ զԱմաքա մայր իւր ՚ի տիկնութի իւրմէ. վասն զի արար նա զտօն պատկերացն:

Եւ այսորիկ առաքեաց Ասա ոսկի Բերհադադարբայի. զի խափանեցէ զուխտ իւր՝ զոր եղեալ էր

նորա ընդ Բայաշու արքային խորայելացոց : Եւ եկն Եհաս Անան մարգարէ առ Ասա, և ասէ ցնա՝ եթէ “Ասան զի յուսացար դու 'ի Թագաւորն Արամայ և ոչ 'ի տէր, փախիցէ՞ զօրն Արամայ 'ի քէն, և միաբանեսցին ընդ արքային Հնդկաց՝ գալ Հասանել միանալ քամայն 'ի վերայ քո . և իբրեւ խնդրեսցես և պաղատեսցես վասն այսր՝ զինչ արարեր, ապա մատնեսցին 'ի ձեռս քո : Եւ մեռաւ Ասա, և Թաղեցաւ 'ի գահոյս լիախնկայ :

Եւ Թագաւորեաց Յովսափատ որդի նորուն զկնի նորա . և եղև տէր ընդ Յովսափատու : Եւ առաքեաց դպիրս օրինաց 'ի ձեռն քահանայիցն և ղևտացուցն՝ ուսուցանել 'ի գեօղս և յազարակս որդւոցն Յուդայի : Եւ անկաւ երկիւղ տեառն 'ի վերայ Թագաւորացն՝ որ շուրջ զնոքօք էին . և ոչ մտաբերեցին այլ մարտնչել ընդ Յովսափատու . և այլազգիքն և արաբացիքն հարկս հարկանէին նմա : Բայց եղև նորա զօր պատերազմի հազարք հազարաց, և հարիւր և վաթսուոն հազար : Եւ ել նա ընդ Ախաբու յՈւեմաթ Գաղաադ 'ի պատերազմ . և մեռաւ անդէն Ախաբ . և դարձաւ Յովսափատ 'ի տուն իւր խաղաղութեամբ, վասն զի օգնեաց նմա տէր : Եւ ել մարգարէն ընդ առաջ Յովսափատու և ասէ ցնա . “Չոգար դու յօգնականութիւն ամպարչտին՝ լինել նմա թիկունք օգնականութե . և նմա ոչ օգնեցեր, և զտէր բարկացուցեր 'ի վերայ քո . բայց հաւատամես, զի պատգամք բարւոք ելին 'ի բերանոյ քումմէ ,” : Արդեւք այն իցէ՞ զոր ասաց ցԱխաբ, եթէ “Հարց լի 'ի մարգարէէ տեառն ,” . և զի “Չիք աստ մարգարէ տեառն, զի հարցցուք զպատգամս տեառն 'ի նմանէն ,” . և զի “Մի, ասէ, ասեր այսպէս, արքայ ,” , հանդերձ սպլովքն՝ զոր ինչ ասացն . քանզի չև երթեալ էին 'ի պատերազմ, որպէս գրեալ է 'ի դրպրութի Թագաւորաց . “Արիւն արդար, ասէ, ոչ հեղին .” . այս ինքն զարիւն ճմարիտ մարգարէիցն իբրեւ զտունն Ախաբու ոչ հեղի :

Եւ եկին հասին մովսրացիքն և ամոնացիքն տալ պատերազմ և մարտնչել ընդ Յովսափատու : Եւ յա-

զօթս եկաց Յովսափատ արաջի տեառն . և եղև հռ
գի տեառն 'ի վերայ Ազայելի զԼտացւոյ , և ասէ ցը
տունն Յուդայի . "Մի երկնցիք և մի զանգիտէք 'ի
բազում զօրաց այտի , այլ քաջասրտեցէք և իջէք 'ի
վերայ նոցա , և տեսցիք զփրկութիւն զոր առնէ ձեզ
տէր , " : Եւ ել Յովսափատ զօրուն հանդերձ , և օրհ
նէին և ասէին . "Բարձունք , ասէ , սկսան օրհնել ,
և լերինք սկսան ցնծալ , " : այս ինքն որդիքն Յու
դայի՝ որ գնային ընդ բարձունս՝ օրհնեն . և որ շրջին
իրեւն այծեմունք ընդ լերինս , վասն վատահութեան
իւրեանց , ահա ցնծան վասն աւարին , որ հանդեր
ձեալն են բաժանել : Անդ զելանէն Յուդայի 'ի միջոյ
լերանց տեսանէին . և ահա մարմինք զօրացս այսոցիկ
հարկանէին մեռանէին . և աւարեցին զամենայն ինչ՝
որ էր նոցա , և դարձան օրհնուք 'ի տուն տեառն : Եւ
մատեաւ Յովսափատ առ Ոխոզիա ամպարիշտ՝ առ
նել նաւս , և երթալ 'ի Թարշիշ : Եւ մարգարէացաւ
Եղիազար և ասէ ցՅովսափատ . "Հաղորդութիւն քով
ընդ Ախազու , զի միաբանեցար ընդ նմա , և աստան
գետցէ տէր զամենայն գործս քո , " : Եւ զի յառաջ
նումն ոչ եպերեաց նմա վասն բարի պատգամացն՝ որ
գտան 'ի նմա . և վասն սորին այսորիկ՝ զի առաջին
եղև յայսմ վայրի , եպերեաց զնա . վասն զի յա
ռաջնոցն , որ Թողաւ նմա , պարտ և պատշաճ էր նմա
արգելուլ յերկրորդէ աստի : Բայց Թագաւորեցաւ
քսան և հինգ ամ , և արար զբարի իբրև զԱսա հայր
իւր , և մեռաւ :

Եւ Թագաւորեցաւ Յահովթամ որդի նորուն ըստ
նմանէն : Արդ կոտորեաց Յահովթամ զվեց եղբարս
իւր , և 'ի ծերոցն Խրայելի . և զնաց զճանապարհս
Ախաբու , և ետ ըմպել զգինի ուխտաւորաց . և ած
առ իւր 'ի պատգամացն Եղիայի մարգարէի : Այս
առաքեցաւ առ նա յԵղիայէ՝ եթէ "Վասն զի ոչ գը
նացեր դու 'ի ճանապարհս Յովսափատու հօր քո ,
ահա հարկանէ զքեզ տէր և զժողովուրդ քո , " : Եւ
եկին արտաքս աղիք նորա , և մեռաւ : Եւ չոգաւ ա
ռանց ցանկութե , վասն զի ապականեցաւ շուք գե
ղոյ նորա 'ի բազմութենէ տանջանաց նորա . և Թա

ղեցաւ 'ի քաղաքի Դաւթի, բայց ոչ եթէ ըստ պատուի թագաւորաց :

Եւ թագաւորեցաւ Ռիսոգիա որդի նորուն ըստ նըմանէն մի ամ . և արար զքաղիս առաջի տեառն : Եւ սպան զնա Յաճով . և Գողոդիա մայր նորա սպան զորդին Ռիսոգիայ : Եւ գողացաւ Յոճոջա քոյրն Ռիսոգիայի՝ որ եղեն կին Յովադայ քահանայի՝ զորդին Ռիսոգիայի, և թաքոյց զվեց ամ : Եւ թագաւորեցաւ Գողոդիա քոյրն Ախաբու 'ի վերայ երկրին : Իյեւթն երրորդ ամին չոգաւ Յովադա առ զօրագլուխս և իշխանս և հարիւրապետս, և արկ զնոսա յուխտ տեառն : Ուխտեցին և դաշինս կռեցին . և եցոյց նոցա զորդին արքայի : Եւ ած զնա Յովադա, և եդ թագ 'ի գլուխ նորա : Եւ լուաւ Գողոդիա զձայնն և զքարբառ փողոյն՝ զի խրախուսէր, և եկն՝ իբրեւ պատառէին զգետոք նորա վասն թողինն իւրոյ՝ զի թագաւորեցաւ, և սպան զնա ժողովուրդն : Եւ երդմեցոյց զնոսա Յովադա պաշտել զտէր . և խեցին զբազինսն, և զմեհեանսն Բաճաղու կործանեցին : Նորդեաց Յովադա զարժանս և զօրէնս պաշտաման տեառն, որպէս յաւուրս Դաւթի . և պահանջեաց նա զնպաստ 'ի ժողովրդենէ երկրին առ 'ի նորդու թի տանն տեառն, և յաճախեցին բերել ուրախութիւն : Եւ մեռաւ Յովադա հարիւրամեան և երեսնամեան, և թաղեցին զնա յօրէնս թագաւորաց :

Եւ դարձան որդիքն Յուդայի 'ի տեառնէ՝ և պաշտեցին զկուռն . և առաքեցաւ առ նոսա 'ի ձեռն մարգարէի դառնալ 'ի ճանապարհաց իւրեանց չարաց, և ոչ կամեցան : Եւ եկն հոգի տեառն 'ի վերայ Զաքարիայի որդւոյ Յովադայ քահանայի՝ և ասէ, թէ “Այսպէս ասէ տէր . մի ծաղկեսցիք . այս ինքն մի յաջողեսցի ձեզ . զի թողէք դուք զճանապարհս իմ, և ես թողից զձեզ” : Եւ քարկոծեցին զնա քարիւք 'ի սրահի տեառն : Եւ մոռացաւ Յովաշ զչնորհան զոր արար ընդ նա Յովադա, և սպան զնորա այնոքիկ ըստ նմանէն . զի իբրեւ սպանանէր զնոսա, ասէին 'ի մահուանն իւրեանց . տեսցէ տէր և խնդրեսցէ : Եկն եհաս 'ի վերայ նորա Զամէ արքայն

եղովմայեցւոց, և կոտորեաց զնախարարս նորա, և զկապուտս գերութէ՝ նոցա ետ տանել արքային դամսկացւոց: Թողին դատաւորք զՈվյաշ, և անկաւ ՚ի ցաւս անհնարինս, և սպանին զնա ՚ի գահոյան իւր. և ոչ թաղեցաւ ըստ օրինի թագաւորաց ՚ի գերեզմանս թագաւորաց:

Եւ թագաւորեցաւ Ամոծիա որդի նորա ըստ նմանէն: Եւ արար Ամոծիա զբարի առաջի տեառն, բայց ոչ եթէ յամենայն սրտէ իւրմէ. և սպան զսպանողս հօր իւրոյ: Եւ ընտրեաց ՚ի Յուդայէ երեքհարիւր հազար, և վարձեաց յեփրեմեան գնդէ անտի հարիւր հազար. ընդ հարիւր քանքար արծաթոյ՝ տալ մարտ պատերազմի ընդ եղովմայեցիս: Եւ սրտմտեցաւ բարկութի տեառն ՚ի վերայ նորա ՚ի ձեռն մարգարէին, վասն զի կաթոգնեցաւ նա վարձել զօր առ ՚ի թիկունս օգնականութի իւրոյ. և դարձոյց անդրէն յիւրաքանչիւր տեղիս. և կորոյս նա զհարիւր քանքարն: Եւ չու արար խաղաց գնաց և անց կոտորեաց նա զեղովմայեցիսն. և առ զառ և զպառու աւարին յոյժ բազում: Եւ յետ այսորիկ երկիր եպագաւաւաջի դիցն լեւնադեղիցն Գաբաղայ: Եւ առաքեաց առ նա ՚ի ձեռն մարգարէին, եթէ «Ընդէ՞ր՝ վասն ոյր պագեր երկիր դիցն հեթանոսաց, զի զպաշտօնեայսն իւրեանց ոչ կարացին ապրեցուցանել ՚ի ձեռաց քոց»: Արդ ամբարհաւաճեցաւ Ամոծիա ՚ի վերայ Յովաշու որդւոյ Յահովայ Ախոզեայ յահովեանց. և առաքեաց առ նա՝ զի տեսցեն զերեսս միմեանց: Եւ եկն Յովաշ, և կալաւ զԱմոծիա և տաւ իւրաւ յերուսաղէմ. և խրամատեաց ՚ի քաղաքի անդ չորեքհարիւր կանգուն, և առ զամենայն որինչ գտաւ ՚ի տան տեառն և ՚ի տան արքայի, և դարձաւ ՚ի Համրին: Եւ յետ ժամանակին իբրեւ անց՝ խոտորեցաւ Ամոծիա յերկիւղէ անտի տեառն, սպանին զնա ՚ի Ղաբիշ¹:

Եւ թագաւորեցաւ Ազարիա որդի նորուն ըստ նմանէն: Եւ թագաւորեցաւ Ազարիա զյիսուն և

¹ Յերկու օրինակն ևս գրեալ էր Եւսիւ:

երկուս ամս 'ի Թագաւորութեն իւրում. և արար զքարի առաջի տեառն իբրեւ զԴաւիթ հայր իւր. վասն զի ուսուցանէր զնա Զաքարիա քահանայ պաշտել և մատուցանել զաղօթս առաջի տեառն: Եւ ուղղեաց տէր զամենայն ճանապարհս նորա. և մարտեաւ ընդ այլազգիսն, և խրամատեաց զպարիսպս Գաթայ և Ազայի և զԴաշդուդայ. և հաս համբաւ նորա մինչև յԵգիպտոս: Եւ մեծացաւ նա ընչիւք և ստացուածովք, և հպարտացաւ մոռացաւ զտէր. և մոռտ 'ի տաճար տեառն դնել զբուրվառ խնկոց: Եւ ասէ ցնա Զաքարիա. «Ոչ է քո տեղիդ այդ, արքայ», և իբրեւ խոժոռեցաւ ընդ քահանային, եւ բորոտութի 'ի սրբութե անտի, և անկաւ ընդ մէջ աչաց Թագաւորին, և նստաւ 'ի տան իւրում բորոտացեալ. և Յովաթամ նորուն որդի վարեաց զԹագաւորութին նորա: Եւ մեռաւ Ազարիա, և ոչ Թաղեցաւ նա 'ի գերեզմանս Թագաւորաց:

Եւ Թագաւորեցաւ Յովաթամ որդի իւր ըստ նմանէն: Ի վեշտասաներորդ ամի Թագաւորութեն Յովաթամայ արար նա զքարի, որպէս և արար հայրնորա. բաց յայնմանէ՝ զի ոչ ժպրհեցաւ դնել զխունկս տաճարի տեառն. և եղև քաջանուն մեծութի յորդիսն Ամոնայ, և մեռաւ:

Եւ Թագաւորեցաւ Աքազ որդի իւր ըստ նմանէն: Արդ Թագաւորեցաւ Աքազ վեշտասան ամ, և արար զքարիս առաջի տեառն, և անցոյց զորդիսն իւր ընդ հուր: Եւ մատնեցաւ 'ի ձեռս Արամայ և Փակէի, և կոտորեցին 'ի Գանէ անտի Յուդայի հարիւր և քսան հազար 'ի միում աւուր. և գերեցին 'ի նոցանէն երկերիւր հազար. և զորդիս նոցուն ածին 'ի Շամրին: Պատգամ տեառն եղև 'ի վերայ Ադոնայի, և դարձուցին անդրէն զգերին 'ի տեղի իւր յԵրուսաղէմ: Եւ դարձեալ յետ այսորիկ բարկացոյց Աքազ զտէր. և կալաւ զդրունս ներքինս և զարտաքինս տաճարի տեառն, և բազմացոյց զսեղանս յանկիւնս Երուսաղէմի. և գրգռեցան ընդ նմա եւ դովմայեցիքն և այլազգիք, և գերեցին 'ի նմանէն գեօղս բազումս: Եւ եկն եհաս 'ի վերայ նորա Թագաւոր

դաթփաղսար արքայ Ասորուոյ : Եւ առ Ախազ զամենայն որ ինչ էր 'ի տուն տեառն , և 'ի տուն առաջնոց թագաւորաց , և որ ինչ եգիտ 'ի տունս մեծատանց , և ետ ասորեստանւոյն , զի մի նեղեցեցէ զնա : Եւ մեռաւ , և ոչ թաղեցին զնա 'ի գերեզմանին թագաւորաց :

ԳԼՈՒԽ Գ

Եւ թագաւորեցաւ Եզեկիա որդի իւր ըստ նմանէն : Թագաւորեցաւ Եզեկիա քսան և ինն ամ , և արար զբարի առաջի տեառն : Բաց զգրունսն տաճարի տեառն անդէն յամենանն իբրու թագաւորեցաւ . և ժողովեաց զղևտացիս՝ որ յերկիւղէ հօր նորացրուեալ էին , և հրաման ետնոցա զի սրբեսցին ինքեանքն և սրբեսցեն զտաճար տեառն : Եւ մուտ եղեկիա ծերակոյտ ժողովողեամբն հանդերձ , և մատուցին զպատարագ նոխազեան՝ սրբել արեամբ նորա զտաճարն և զքահանայսն և զամենայն ժողովուրդն : Եւ կարգեցաւ կազմեցաւ պաշտօնն 'ի սրբութեան անդ , որպէս պատուիրեաց Դաւիթ . և օրհնէին նոքա յօրհնութիսն Գադայ և Նաթանայ մարգարէիցն Դաւթի . այս ինքն մարգարէքն՝ որ յաւուրսն Դաւթին 'ի վերայ Դաւթին մարգարէանային , և յօրհնութիւնսն Դաւթի և Ասափայ . զի աստ մարգարէ կոչեաց զնա : Բազմացան յաճախեցան պատարագքն քան զքահանայսն , մինչ զի զլտացիքն պատարագօք քահանայիքն եղբարց իւրեանց օգնէին նոքա :

Եւ արար զտօն բաղարջակերացն յերկրորդ ամ տեանն զԷւթն օր , վասն զի չժամանեաց առնել վասն անսրբութեան քահանայիցն և զլտացւոցն : Բայց ազգն եփրեմեան և մանասեան և իսաքարեան և զաբուղովեան , որ կերան զգատիկն առանց օրինաց՝ այս ինքն յառաջ քան չև էին սրբեալ , յաղօթս եկաց Եզեկիա 'ի վերայ նոցա՝ զի քաւեսցին յայսմանէ : Եւ ասաց՝ եթէ սրբութիւն ոչ է սուրբ քան ըզմեզ , զի ինքն լուութիւն իւրով քաւեսցէ . և մեք աղօթիւք ոչ քաւիցեմք : “Եւ լուաւ , ասէ , ձայնի

Եղեկիայի , և քաւեաց զԺողովուրդն , : Բայց ոչ եղեալ է իբրեւ զայս տօն 'ի Սողովմանէ մինչև ցեղեկիա : Եւ հրաման ետ վասն երախայրեացն քահանայիցն , և եբեր ժողովուրդն ուրախութիւն , մինչև յաւելաւ 'ի քահանայից անտի՝ որ ընդ ամենայն տեղիս ցրուեալ էին , և տուաւ 'ի նմանէն աղքատաց :

Յետ այսորիկ եկն Եհաս տակառւապետն . ձեռն 'ի վեր կալաւ , 'ի բարձր ձայն ամբարհաւաճելով խօսել կալաւ ընդ ժողովրդեանն և ասէ , եթէ “Ձինչ օգուտ արար Եղեկիա , զի անցոյց զմեհեանս և զբազինս . և ասաց թէ առաջի միով սեղանոյ պազըիք երկիր , : Արդ նայեաց և տես , որչափ եւ համբաւս այսորիկ . զի զոր ինչ արար նա յերուսաղէմ , յասորեստան լսելի եղև . արդեւք 'ի քաղաքաց անտի՝ որ շուրջ զնոքօք էին զոր գերեացն , գիտաց նա զայս մանէն : Բայց կոտորեցաւ բանակ նոցա 'ի ձեռն հրեշտակին , և եկին որդիքն Երուսաղէմի աւարեցին , և մօին անդրէն : Բայց բազում մեծութիւն զոր ժողովեաց Եղեկիա 'ի բանակէն ասորեստանեաց՝ զնոցուն զասորեստանեացն զոր ինչ աւարեցին 'ի քաղաքացն զոր գերեցին և բերին անդրէն , առ 'ի նոցանէն Եղեկիա . քանզի այսպիսի մեծացաւ , զի շտեմարանս արար նա ոսկւոյն և արծաթոյն և ականցն պատուականաց : Բայց հպարտացաւ նա 'ի միտս իւր , և ժամանեաց նմա խոնարհութի հիւանդութի : Բայց ոչ եթէ նա միայն հպարտացաւ , զի մանկունք ժողովրդեան նորա իբրեւ զնա հիւանդացեալ էին հպարտութիւն . այլ ոչ եկն 'ի վերայ նոցա բարկութի յաւուրս Եղեկիայի վասն Եղեկիայի : Եւ մեռաւ Եղեկիա :

Եւ թագաւորեցաւ Մանասէ որդի իւր ըստ նմանէն : Յիսուս և հինգ ամ թագաւորեաց Մանասէ , և արար զչարիս առաջի տեառն , և շինեաց զսեղանս կռոցն՝ զոր հայր նորա աւերեաց . և շինեաց մեհեանս ամենայն աստեղաց երկնից յերկոսին սրահսն տեառն , և անցոյց զորդին իւր ընդ հուր , և արար զկախարդս և հարց ցգէտս և ցքաղդէս , և ուղղեաց զպատկերն չորեքդիմեան 'ի տաճարին տեառն . և մոլորեցոյց Մանասէ զհրէաստան գործել զգործս հեթանոսաց : Եւ

ած տէր զիշխանսն ասորիստանի, և իջուցին զՄանա-
սէ շղթայիւք ՚ի Բաբելոն: Արդ երկեալ Մանասէ
յերեսաց տեառն. և յաղօթս եկաց, և դարձոյց
զնա յերուսաղէմ: Եւ գիտաց Մանասէ եթէ տէր է
անձ. և առ անցոյց զկուռնն օտարոտիս՝ զորս եղեալ
էր ՚ի տաճարին տեառն, և զամենայն մեհեմանն հա-
տակոտոր կոտորեաց. և ընկէց արտաքս քան զքա-
ղաքն: Եւ փոխանակ զի շինեաց բազինս կուռն, շի-
նեաց սեղան տեառն. և զի մուրեցոյց զժողովուրդն,
կարդաց քարոզ ՚ի ժողովրդեանն առնել զտօն տն.
և զի մի մատուցեն զպատարագս այլոց դիցն օտա-
րոտեաց, բայց եթէ տեառն միայն: Եւ հանգեալ
Մանասէ, և թաղեցին զնա ոչ ըստ թաղելոյ օրինի
թագաւորաց:

Եւ թագաւորեցաւ Ամոն որդի իւր ըստ նմանէն:
Եւ արար Ամոն յերկուս ամս թագաւորութեանն
իւրոյ զչարիս առաջի տեառն. զի ամենայն պատկե-
րաց զոր արար հայր նորա՝ զոհէր նա. և ոչ երկեալ
Ամոն ՚ի տեառնէ իբրեւ զՄանասէ: Եւ մեռաւ Ա-
մոն:

Եւ թագաւորեցաւ Յովսիա որդի իւր ըստ նմա-
նէն: Եւ արար Յովսիա բարի առաջի տեառն. և զե-
րեսուն և զմի ամ թագաւորեաց նա. և ՚ի մանկու-
թենէ իւրմէ յաղօթս կայր նա առ անձ Գաւթի հօր
իւրոյ: Եւ մինչ երկոտասանամեայ էր նա, սրբեաց
զհրէաստան, և խլեաց զմեհեմանս և զբազինս և ըզ-
կուռն. և վայրեաց զմոխիր նոցա ՚ի վերայ գերեզմա-
նաց նոցուն մարդոց՝ որ զոհէին. և զօսկերս քրմացն
հան և այրեաց, զի սրբեսցէ զերկիրն ՚ի նոցանէն:
Կարկատեաց դարձեալ զտաճարն տեառն, և յաւել
զականս պատուականս, և զարդարեաց յօրինեաց
զսպաս պաշտաման նորա. արար նա կապ քանդա-
կածոյս ՚ի պէսպէս գունակ գործած ճարտարաց:

Եւ արդացին առաջի նորա զդպրութիւն օրինաց՝ որ
գտաւ ՚ի տուն տեառն, մինչ չև արհամարհեալ էր
տաճարն յաչս նոցա. և պատուեաց զպատմութեանս
իւր, և առաքեաց մատուցանել զաղօթս վասն իւր
և վասն ժողովրդեանն առաջի տեառն, զի գուցէ

գայքեն հասանիցեն անէծքն օրինաց 'ի վերայ ժողովրդեանն յառուրս նորա : Եւ եկին առ խորէ կինն մարգարէ , որ նստէրն յերուսաղէմ յուսուամն . այս ինքն ուսուցանել զժողովուրդն : Եւ մարգարէացաւ յանուն տեառն՝ եթէ «Ասացէք ցարքայն , զի վաղվաղակի լինելոց է ժողովրդեանդ՝ ամենայն օր գրեալ է 'ի դպրութեանն զոր ընթերցան առաջի քո : Եւ վասն զի դողաց սիրտ քո և պատառեցեր զպատմութեան քո և սգացեր վասն չարութեդ զոր ինչ գալոց է 'ի վերայ աշխարհիս այսօրիկ , ահա ժողովեմ զքեզ խաղաղութիւն առ հարս քո , և մի տեսցես զչարն զոր ածելոցն եմ : Ընթերցան զդպրութիւն օրինացն և առաջի ժողովրդեանն : Ուստ եղին և դաշինս կռեցին և երդմունս երդուան , զի պաշտեսցեն զտէր , և նմա երկիր պագցեն : Եւ ուղղեաց կարգեաց կազմեաց զպաշտօնն զտօնիցն և զքահանայիցն և զգովչացն , որպէս յառուրս Դաւթի : Եւ արար զգաւիկն , զի իբրեւ զնա ոչ էր եղեալ , բայց եթէ յառուրս Սա մուէլի մարգարէի :

Եւ այսօրիկ եւ Փարաւոն կաղ մարտնչել ընդ Մաբովկ քաղաքի , որ նստի 'ի վերայ Արածանոյ : Եւ եւ Յովսիա մարտնչել ընդ նմա : Եւ առաքեաց առ նա Փարաւոն՝ եթէ «Ոչ գամ ես 'ի վերայ քո . և կամ տէր ասաց ցքեզ ոչ սպանանել զիս , այլ երկեցուցանել՝ որպէս զի դարձայց . 'ի բաց լեր յայն՝ որ ընդ իս է , զի մի ապականեսցէ զքեզ : Արդ թէ պէտ և գառնալն յանուանէն արդ՝ որ ոչն էր անձ՝ ոչ էր արժան նմա այլ և լսել զայն . «Զի ոչ եթէ 'ի վերայ քո գամ ես , , պարտ էր նմա : Այլ ոչ ասեն գիտաց զնոսա՝ եթէ 'ի տեառնէ եղև . և ոչ զի մեռցի 'ի պատերազմի , այլ զի մի մեռցի : Արդ ասացաւ նմա եթէ ժողովեմ ես զքեզ յառաջ քան զչարն , զոր ինքն իսկ անձամբ անձին ած 'ի վերայ անձին իւրոյ չար . զի եթէ հարցեալ էր նորա 'ի տեառնէ , ահա արգելոյր և զտեղի առնոյր , և ոչ ելանէր : Եւ եթէ մեռանէր նա , զմահ խաղաղութե՝ որպէս խոստացաւ նմա՝ մեռանէր նա . և վասն զի եւ նա իբրեւ ոչ հարց , պատահեցաւ նմա անփութութիւն Աստուծոյ զոր ինչ

ոչ հատ 'ի վերայ նորա ստուգութիւնն այլ : Արդ եթէ Փարաւոն մոլորեալ ոչ ել առանց աստուածոյն իւրոյ , որպէս և ասացն , « Զի մի ապականեցէ զքեզ անոր ընդ իս է » , Յովսիայ որչափ ևս առաւել պարտ և պատշաճ էր , որ զճշմարիտ անոն էր ' իւր ոչ ելալն էր ' ի մարտ պատերազմի առանց հրամանի նորա : Հար զնա Փարաւոն նետիւ , և տարան զնա յերուսաղէմ և մեռաւ . և թաղեցին զնա ըստ թաղելոյ օրինի թագաւորաց :

Եւ առէ երեմիա . « Արք և կանայք , արդարք և ճրչ մարիտք , յիւրաքանչիւր յողջա ձեր լացէք ' ի վերայ Յովսիայ » . քանզի նա եղև պատճառ արդարութեն՝ այն որ զյիսուսն և զեւթիմ ամ յաւուրս նորա յարմնեցաւ : Եւ ահա , ասեն , գրեալ են այսոքիկ ' ի դպրութի ողբոց , որպէս զի ոչ գոյր մարգարեութիւն : Խանան մարգարէն՝ որ յաւուրս Մանասէին էր , այն որ ' ի նմա գրեալ են ամենայն գործք չարք Մանասէի : Եւ մեռաւ Յովսիա :

Եւ թագաւորեցաւ Յաշովախազ որդի իւր ըստ նմանէն . բայց ոչ ինչ անագանեցաւ սա . զի յետ երկց ամսոց եկն և տարաւ զնա արքայն եգիպտացւոց յեգիպտոս : Թագաւորեցաւ Յովակիմ եղբայր իւր ընդ նորա : Եւ արար Յովակիմ ' ի մասն ամի անդ թագաւորութեն իւրոյ զչարիս առաջի տեառն : Յաւուրս նորա ել ' Նաբուքոդոնոսոր , և կապեաց զնա և տարաւ ' ի Բաբելոն . տարաւ և զգանիէլեանս , և յաւոթոցն սրբութե առ նա ընդ իւր : Եւ թագաւորեցաւ Յովակիմ որդի իւր ըստ նմանէն : Արար դարձեալ և սա զչարիս առաջի տեառն զհարիւր օր որչափ թագաւորեաց նա . և առաքեաց տարաւ զնա արքայն բաբելացւոց ' ի Բաբելոն :

Եւ թագաւորեցոյց զԺեզեկիա հօրեղբայր իւր ըստ նմանէն : Արար և սա զմետասան ամ թագաւորութեն իւրոյ զչարիս առաջի տեառն : Եւ ապստամբեցաւ ' ի տեառնէ և յարքայէն բաբելացւոց , և յերեմիայէ մարգարէէ ոչ երկեաւ . և ժողովուրդն և ծերակոյսն և քահանայքն և ղևտացիքն պղծեցին զտունն սրբութե , և գործեցին իբրև զգործս հեթա

նոսաց : Եւ առաքեաց տէր առ նոսա 'ի ձեռն հրեշտակաց իւրոց , այս ինքն 'ի ձեռն մարգարէից իւրոց . վասն զի ինայեաց 'ի վերայ ժողովրդեանն իւրոյ . և վասն զի անարգեցին զառնս մարգարէիցն մինչև շար ժեցին զսրտմտութի բարկութե տեսուն : Եւ ած 'ի վերայ նոցա զբաբելացիս երիցս անգամ . և կոտորեաց զերիտասարդս նոցա 'ի տունն սրբութե՝ ուր մտին ապաւինել 'ի նա 'ի ժամբարկութեն : Բայց յառաջ քան չև էր եկեալ բաբելացին պղծել զնա յարիւն գիականց նոցուն , նոքա իսկ ամենեքին չար գործովքն իւրեանց պղծեցին զնա : Աւին բաբելացիքն զամենայն անօթս սրբութեն , և հրձիգ արարին ըզտաճարն տեսուն , և խլեցին զպարիսպս Երուսաղէմի , և իջուցին ընդ իւրեանս 'ի գերութի՝ որք մնացին սին 'ի սնոյ 'ի սրոյն սուսերի . և եղեն ծառայք բաբելացւոց , մինչ զի ետուն զԹագաւորութիւն Պարսից , զի կատարեսցի բանն Երեմիայի՝ զոր ասաց . “Զի աւերեսցի և Թափուր մնացէ երկիրս 'ի նոցանէն եւթաւ նասուն ամ ,” :

Որ ամ մի էր Կաւոս արքայի , եղև կատարեցաւ արդեամբք իւթանասուն ամն այն՝ զոր կանխեաց և ասաց Երեմիա յառաջ քան զեւթանասուն ամն : Եւ զարթոյց տէր զոգին Կաւոս պարսկի . և գրեաց ընդ ամենայն իշխանութի Թագաւորութե իւրոյ պատճէն հրովարտակաց , զի գրեալ էին այսպէս . “Այսպէս ասէ Կաւոս , Թէ տէր անձ երկնից ետ ինձ զամենայն Թագաւորութիւն երկրի” : Եւ վասն զի ամենայն Թագաւորաց գերեալ էր զնոսա , սա՝ որ իշխէրս 'ի վերայ ամենայն Թագաւորաց , և կարօղ էր նա՝ զի յամենայն Թագաւորաց դարձ քարոզեսցէ նոցա : Եւ այս օտար և անթլիատ , որ գիտաց զտէր անձ երկնից , 'ի ձեռն սորա դարձոյց զորդիմն Թլիատեալս սիրելւոյ իւրոյ , որք երկիւղիւն երկնից զոհս հանդերձ կանամբք և որդւովք առնէին : “Եւ , նա , ասէ , ետ ինձ հրաման շինել նմա տուն յԵրուսաղէմ” :

Եւ ոչ նայեաց և տես , զի և զմարգարէութիւնն Եսայեայ փութացաւ ընթեռնուլ , վասն ելանելոյն այնոցիկ՝ որ յաւուրս Երեմիայի այպանելով այպա-

նէին զմարդարէսն՝ որ զայս ամենայն քարոզէին 'ի վերայ նոցա : "Ո՞գոյ 'ի ձեզ, ասէ, յամենայն ժողովրդէնէ այտի, զի տէր անձ հաշի ընդ նմա, եկեսցէ ելցէ առ իս, : Յայտ արար՝ եթէ որք արժանին են՝ ելանեն, և որք ոչն կամին ելանել՝ նոքա են որք ոչն են արժանի : Յապաղեցուցանէ զնոսա՝ զի մի ելցեն, որք կալանն կապեցանն 'ի սովորութիւն տեղւոյն, և կամ 'ի հանգիստ նորա, և կամ 'ի հեթանոսութեանդ : Ինքն տէր ոչ կամեցաւ 'ի նոսա՝ զի ելցեն, զի մի յաւելցեն և պղծեսցեն զանուն անոր իւրեանց, "Որպէս զի պղծեցին հարք նոցա զանուն իմ", :

ԿԱՏԱՐԵՑԱԻ ՄԵԿԵՈՒԹԻՒՆ ԴՊՐՈՒԹԵԱՆ

ԻԲՐԱՄԵՆՈՒ

ԶԻ ՍԱ ԻՆՔՆ ՎԱՐՈՒՄՆ ԱԻՈՒՐՑ ԹԱԳԱՒՈՐԱՑ

ՀՐԷԱՍՏԱՆԻ

Handwritten text in the right margin, likely bleed-through from the reverse side of the page. The text is partially obscured and difficult to decipher, but appears to be a list or series of notes.

Է.Է ՑՈՂ

ՎՐԻՊԱԿՔ

ՈՒՂՂԵԱԼՔ

18	29	մեղացն սիրեաց	մեղացն . սիրեաց
28	33—34	'ի ճշմարտունի զայլն	'ի ճշմարտունի , զայլն
36	33—34	Ոչ . ասէ ամենայն	Ոչ , ասէ , ամենայն
37	3	յեւոյ	յեւոյ ,
39	8—9	Ղրհեղեղին . ինքն Ղամբք զի	Ղրհեղեղին ինքն Ղամբք , զի
40	21	Եղիա	Եղիա
43	19	ցանկութի	ցանկութի .
48	9	ստուութի	ստուութի
49	29	ժի . . . ժի	ժի . . . ժի
50	10	զի եթէ	զի ոչ եթէ
	28	զնա : Վ Ե այնորիկ	զնա Վն այնորիկ :
	32	նա , եթէ . . . : Եւրունի	նա : Եթէ . . . , Եւրունի
54	27	ձծ է : Երկրորդ	ձծ է երկրորդ ,
55	10—11	որպէս կարգաց	որպէս եղբայր կարգաց
308	Ժն1	ցհաշորի	ցհաշորի

Bayerische
Staatsbibliothek
München

1918
1919
1920

Handwritten text in a vertical column on the left margin, likely bleed-through from the reverse side of the page. The characters are dark and somewhat illegible due to the scanning quality.

1761

1762

1763

1764

1765

